

বীরভূমি ।

মাসিক পত্রিকা ও সমালোচনী ।

২য় ভাগ] কার্তিক ও অগ্রহায়ণ, ১৩০৭-ম ২ম ও ২য় সংখ্যা ।

শ্রীনীলরতন মুখোপাধ্যায় বি, এ,

সম্পাদিত ।

সূচী ।

বিষয় ।	লেখকের নাম ।	পৃষ্ঠা ।
১। পদকর্তা কৃষ্ণপ্রসাদ ঘোষ ।
২। কৃষ্ণপ্রসাদের পদাবলী ।
৩। ইংলণ্ডে পল্লী জীবন ।
৪। হিন্দুধর্ম তত্ত্ব ।
৫। জীবনী সংগ্রহ ।
৬। গহন বিজন ।
৭। মুরশিদ কুলি খাঁ ।
৮। জনপদোৎসবে স্বাস্থ্য ।
৯। নীরবে ।
১০। সংবাদ ।
১১। সমালোচনা ।

কীর্ত্তহারের স্বদেশ-হিতৈষী জমিদার শ্রীযুক্ত সৌরেশচন্দ্র সরকার

মহাশয়ের যত্নে ও ব্যয়ে,

বীরভূম জেলার অন্তর্গত

কীর্ত্তহার গ্রাম হইতে,

শ্রীরাখালদাস মুখোপাধ্যায় বি, এ,

কর্তৃক প্রকাশিত ।

বার্ষিক মূল্য ১ টাকা ।

এই সংখ্যার মূল্য ১০ আনা ।

বীরভূমি ।

মাসিক পত্রিকা ও সমালোচনী ।

২য় ভাগ] কার্তিক ও অগ্রহায়ণ, ১৩০৭-৮ [১ম ও ২য় সংখ্যা ।

শ্রীনীলরতন মুখোপাধ্যায় বি, এ,

সম্পাদিত ।

সূচী ।

বিষয় ।	লেখকের নাম ।	পৃষ্ঠা ।
১। পদকর্তা কৃষ্ণপ্রসাদ ঘোষ ।
২। কৃষ্ণপ্রসাদের পদাবলী ।
৩। ইংলণ্ডে পল্লী জীবন ।
৪। হিন্দুধর্ম তত্ত্ব ।
৫। জীবনী সংগ্রহ ।
৬। গহন বিজন ।
৭। মুরশিদ কুলি খাঁ ।
৮। জনপদোৎসবে স্বাস্থ্য ।
৯। নীরবে ।
১০। সংবাদ ।
১১। সমালোচনা ।

কীর্তহারের স্বদেশ-হিতৈষী জমিদার শ্রীযুক্ত সৌরেশচন্দ্র সরকার

মহাশয়ের যত্নে ও ব্যয়ে,

বীরভূম জেলার অন্তর্গত

কীর্তহার গ্রাম হইতে,

শ্রীরাখালদাস মুখোপাধ্যায় বি, এ,

কর্তৃক প্রকাশিত ।

বার্ষিক মূল্য ১ টাকা ।

এই সংখ্যার মূল্য ১০ আনা ।

সূচী ।

বিষয়	লেখকের নাম	পৃষ্ঠা
১। অনুস্মৃতি । (শ্রীলক্ষ্মীনারায়ণ সিংহ)	...	৩০৫
২। অমৃত তুসনিকা ।	২০৭, ২৩৯, ৩২৭
৩। আমাদের বর্তমান অবস্থা (শ্রীকালীপ্রসন্ন চট্টোপাধ্যায়, এম, এ,)	...	২৭১, ২৮২
৪। আমারে ভুলালে কে ? (শ্রীমহম্মদ আজিজ উস্ সোভান)	...	১০৬
৫। ইংলণ্ডে পল্লী জীবন । (শ্রীজ্যোতিঃপ্রসাদ সিংহ)	২০
৬। ঈশ্বরের সহিত জীবের সম্বন্ধ । (শ্রীশশীভূষণ রায়, বি, এ)	...	৩৩৩
৭। এ হেন বারতা তুলনা । (শ্রীমহম্মদ আজিজ উস্ সোভান)	...	২৯০
৮। ঐতিহাসিক ছড়া সংগ্রহ । (শ্রীশিবরতন মিত্র)	৯৯, ২২১, ৩৫২
৯। কাঠরার মসজিদ । (শ্রীশ্রীশচন্দ্র চট্টোপাধ্যায়)	৭৪
১০। ৩ কালীপ্রসন্ন মুখোপাধ্যায় । (শ্রীশিবরতন মিত্র)	...	২৪১
১১। কোথা শান্তি ? (শ্রীশরচ্চন্দ্র চক্রবর্তী)	...	৩২০
১২। কৃষি প্রবন্ধ ।	২৬৩
১৩। কৃষ্ণপ্রসাদের পদাবলী । (শ্রীশিবরতন মিত্র)	৪
১৪। গহন বিজন । (শ্রীশরচ্চন্দ্র চক্রবর্তী)	...	৪৪
১৫। ঘুমের ঘোর । (শ্রীশ্রীশচন্দ্র দে)	১০৮
১৬। জনপদোৎসবে স্বাস্থ্য । (কবিরাজ শ্রীঅঘোরনাথ শাস্ত্রী)	...	৫৭, ৮৭,
১৭। জমীদার বংশাবলীর সংক্ষিপ্ত পরিচয় । (শ্রীশিবরতন মিত্র)	...	৩৪৫
১৮। জলপ্লাবন । (শ্রীনবীনচন্দ্র মুখোপাধ্যায়)	...	১১৭
১৯। জয়া । (শ্রীদেবিদাস ভট্টাচার্য্য বি,এ,)	...	১২৫, ১২৪, ২২০
২০। জাতীয় সাহিত্য ও জাতীয় জীবন । (শ্রীযত্ননাথ চক্রবর্তী বি, এ,)	...	১১৯
২১। জীবনী সংগ্রহ । (শ্রীরাজকৃষ্ণ রায়)	...	৩৮, ১০৯, ২৯৮
২২। জ্যোতিষ্ক তত্ত্ব । (শ্রীআদ্যনাথ রায়, বি-এ)	...	৩২১
২৩। তুমি । (শ্রীশরচ্চন্দ্র চক্রবর্তী)	১৭৮
২৪। ধর্ম জিজ্ঞাসা । (শ্রীপ্রসন্নকুমার চট্টোপাধ্যায়)	...	১৪৫
২৫। নারীধর্ম । (সম্পাদক)	...	১৩৩
২৬। নীরবে । (শ্রীশ্রীশচন্দ্র দে)	...	৫৯
২৭। পদকর্তা কৃষ্ণপ্রসাদ ঘোষ । (শ্রীশিবরতন মিত্র)...	...	১
২৮। পাখীর গান । (শ্রীমতী নগেন্দ্রবালা সরস্বতী)	...	৯২
২৯। পাপল । (শ্রীমহম্মদ আজিজ উস্ সোভান)	...	৩৪৩
৩০। পৌরাণিক চিত্র । (সম্পাদক)	১৮৫, ২৬৭, ৩৩৫

ক্রমিক	লেখকের নাম	পৃষ্ঠা
৩১।	প্রণয়। শ্রীমহম্মদ আজিজ উস্ মোভান	২৫৫
৩২।	প্রবাদ প্রসঙ্গ। (শ্রীশিবরতন মিত্র)	৬৫
৩৩।	প্রার্থনা। (শ্রীকৃষ্ণগোপাল চক্রবর্তী)	২০৩
৩৪।	ফুল ও ফুলের ভাষা। (শ্রীশিবরতন মিত্র)	৩০২, ৩১১
৩৫।	ভারতেশ্বরীর স্মৃতিচিহ্ন। (শ্রীঅবিনাশচন্দ্র বন্দ্যোপাধ্যায় এম, এ,	১৪০
৩৬।	মুগ্ধা বালিকা। (শ্রীকৃষ্ণগোপাল চক্রবর্তী)	৩৪৪
৩৭।	মুর্শিদ কুলি খাঁ। (শ্রীশ্রীশচন্দ্র চট্টোপাধ্যায়)	৪৫
৩৮।	মৃগ। (শ্রীরাজকৃষ্ণ পাল)	৭৮
৩৯।	রাজরাজেশ্বরী ভিক্টোরিয়া। (সম্পাদক)	২৭
৪০।	বিচার। (শ্রীরাজকৃষ্ণ পাল)	১৬৮
৪১।	লীলা। (সম্পাদক)	৩৫৩
৪২।	বিধাতা ও মাতৃভূমি। (শ্রীমহম্মদ আজিজ উস্ মোভান)	৭২
৪৩।	বীরভূমবাসীর কুর্ভবা। (শ্রীঅবিনাশচন্দ্র বন্দ্যোপাধ্যায় এম, এ,	২২৯
৪৪।	বীরভূমে সেনাসু। (শ্রীশিবরতন মিত্র)	২৫৭
৪৫।	শিক্ষা। (শ্রীকালীপ্রসন্ন মুখোপাধ্যায় এম, এ,)	১৩৬
৪৬।	শিশু। (শ্রীমতী নগেন্দ্রবালা সরস্বতী)	১৫৮
৪৭।	সতীদাহ। (সম্পাদক)	১৪৩
৪৮।	সমালোচনা। (সম্পাদক)	৬৪, ২০৪ ৩৬১
৪৯।	সরফরজ খাঁ। (শ্রীশ্রীশচন্দ্র চট্টোপাধ্যায়)	২৭৩
৫০।	সাধু দর্শন। (শ্রীরাজকৃষ্ণ পাল)	২৩৬
৫১।	সাহিত্যে আদর্শ। (শ্রীমহনাথ চক্রবর্তী বি, এ,)	১৫৮
৫২।	সুজাউদ্দিন। (শ্রীশ্রীশচন্দ্র চট্টোপাধ্যায়)	১৭৩
৫৩।	সংবাদ।	৬০, ৯৩
৫৪।	হঠাৎ কবির আত্মকাহিনী। (শ্রীআদ্যনাথ রায়, বি,এ,)	১৭৮
৫৫।	হিন্দুধর্ম তত্ত্ব। (শ্রীপ্রসন্নকুমার চট্টোপাধ্যায়)	৩০
৫৬।	হিন্দু শাস্ত্রোক্ত ব্রহ্মতত্ত্ব ও প্রাকৃতিক সৃষ্টি বিবরণ। (শ্রীপ্রসন্নকুমার চট্টোপাধ্যায়)	২০৯

বীরভূমি।

মাসিক পত্রিকা ও সমালোচনী।

২য় ভাগ]

কার্তিক।

[১ম সংখ্যা।

পদকর্তা কৃষ্ণপ্রসাদ ঘোষ।

পদকর্তা কৃষ্ণপ্রসাদ ঘোষ আজ পর্যন্ত বঙ্গীয় পাঠকবর্গ ও জনসাধারণের নিকট সম্পূর্ণরূপে অপরিচিত। বর্তমান প্রবন্ধে, অনন্যোপায় বশতঃ, অতিশয় সংক্ষিপ্ত মাত্র পরিচয় গ্রহণ করিয়া তাঁহার সহিত ঘনিষ্ঠতা সংস্থাপিত করিতে হইবে।

বিগত আষাঢ় মাসে একদিন কার্যোপলক্ষে গ্রামান্তর হইতে প্রত্যাগমন কালে, আমরা সবারূপে দুর্গাপুর-নিবাসী প্রযুক্ত বিনোদবিহারী ঘোষ লঙ্কর মহাশয়ের বাটীতে আতিথ্য গ্রহণ করি। আহাঁরান্তে বিশ্রামের সময় বিনোদবাবুর বৈঠকখানা গৃহে একটি কাষ্ঠ নিশ্চিত ব্র্যাকেটের উপর ছিন্নবস্ত্র-বিজড়িত কতকগুলি প্রাচীন হস্তলিখিত পুঁথি দেখিতে পাই। উত্তোলন করিয়া দেখি, শত সহস্র উঁই, কত যত্ন ও পরিশ্রমের ফল পুঁথিগুলিকে অজ্ঞাতে ও নীরবে শুদ্ধ মৃত্তিকায় পর্যাবসিত করিতে অতিশয় ব্যগ্র। সেদিন সবে মাত্র কতকগুলি পুঁথির পত্র সংগ্রহ করিয়া বাটী প্রত্যাগমন করি *। ইহারই মধ্যে ৫টি পত্রে কৃষ্ণপ্রসাদের ভনিতায়ুক্ত পদাবলী প্রাপ্ত হই এবং এই পদগুলি নূতন বলিয়া ধারণা হওয়ায়, পদকর্তার পরিচয় প্রাপ্ত হইবার জন্ম অনুসন্ধানে প্রবৃত্ত হই। এই অনুসন্ধানের ফল যাহা প্রাপ্ত হইয়াছে, তাহাই পাঠকবর্গের নিকট উপস্থিত করিলাম।

আমাদের পদকর্তা কৃষ্ণপ্রসাদ, শ্রীযুক্ত বিনোদবিহারী ঘোষ মহাশয়েরই পিতামহ। বিনোদবাবুর এ বিষয়ে তাদৃশ স্মৃহা না থাকায় এবং বিষয়াস্তরে ব্যাপ্ত থাকা হেতু তিনি অনেক প্রাচীন পুঁথি ও তৎসহ স্বীয় পিতামহের পুণ্য কীর্তি বহু সংখ্যক পদাবলী ও অনেকানেক গ্রন্থ নষ্ট বা হস্তান্তরিত

* ভাগবতাচার্য্য প্রণীত প্রেমতরঙ্গিণী, বিলাপ-কুম্মাঞ্জলি, শ্রীশ্রীরাধাকৃষ্ণ-লীলারস-কদম্ব, জগন্নাথ-মঙ্গল-প্রভৃতি ১২ খানি পুঁথি।

করিয়া ফেলিয়াছেন। কিন্তু তাঁহাকে আমার, অভিপ্রায় জ্ঞাপন করায়, তাঁহার বাটীতে অবশিষ্ট যতগুলি পুঁথি ছিল, সমস্তগুলিই আমাকে প্রদান করিয়া চিরবাধিত করিয়াছেন। প্রথম দিন, আমি স্বয়ং কৃষ্ণপ্রসাদের ভনিতায়ুক্ত পদলিখিত ৫টি পত্র প্রাপ্ত হই,—সে দিন তিনি অত্যাগ্র পুঁথির সহিত আরও দুটি পত্র প্রদান করিয়াছেন। কৃষ্ণপ্রসাদের সংক্ষিপ্ত পরিচয় তাঁহারই নিকট হইতে সংগ্রহ করিয়াছি। বিনোদবাবুর বয়স এখন আন্দাজ ৪০ বৎসর; তাঁহার জন্মগ্রহণের বহু পূর্বে কৃষ্ণপ্রসাদ লোকান্তরিত হন; তজ্জগত তিনি বিশেষ কিছু বিবরণ প্রদান করিতে একবারেই অক্ষম।

কৃষ্ণপ্রসাদ ঘোষ লঙ্কর উত্তর রাঢ়ীয় কায়স্থ সন্তান। ইহার পূর্ব পুরুষদিগের আবাস ভূমি, বর্তমান মুর্শিদাবাদের অন্তর্গত, কান্দির সন্নিকট পাতেগু নামক গ্রামে। কৃষ্ণপ্রসাদ হুর্গাপুর গ্রামে সরকারদের বাটীতে বিবাহ করেন। পূর্বে ফোরোস্ আমীন (ফোরোস্-বিক্রয়কারী) বলিয়া একটি পদ ছিল। জমীদারগণ “পঞ্চম” করিলে (Regulation V 1812) ইহারা প্রজাগণের অস্থাবর সম্পত্তি ক্রোক বিক্রয় করিয়া টাকা আদায় করিত। কৃষ্ণপ্রসাদ কিছুকাল সিউড়ীতে এই চাকুরী করিয়া পরিশেষে হুর্গাপুরের ঋগুরালয়ে স্থায়িক্রমে বাস করেন।

একটা কথা আছে;—

রায়, লঙ্কর, খাঁ

তিনে পাতেগু গাঁ ॥

অর্থাৎ রাজপ্রদত্ত এই তিন উপাধিধারী ঘোষ পরিবার পাতেগু গ্রামের মধ্যে প্রধান ও দেশ বিখ্যাত ছিলেন। কৃষ্ণপ্রসাদ লঙ্কর উপাধিধারী। কুলীন ঘোষদিগের মধ্যে “অষ্টভায়া” ও “নবনারায়ণ” বলিয়া দুইটি থাকে আছে। তন্মধ্যে কৃষ্ণপ্রসাদ “অষ্টভায়া” থাকের অন্তর্নিবিষ্ট। ইহাদের গোত্র সৌকালীন।

কৃষ্ণপ্রসাদের ভনিতায়ুক্ত যতগুলি পদ আজ পর্য্যন্ত প্রাপ্ত হইয়াছি, তাহা সমস্তই মুদ্রিত হইল। বিনোদবাবু বলেন, তিনি তাহার পিতামহীর (কৃষ্ণপ্রসাদের স্ত্রীর) নিকট শ্রুত হইয়াছেন যে, কৃষ্ণপ্রসাদ মনের পর দুই একটি পদ রচনা না করিয়া জল গ্রহণ করিতেন না। শালপত্র, কাগজ অথবা যাহা সম্মুখে পাইতেন, তাহাতেই লিখিতেন; সেইজগত সকলগুলি রক্ষিত হইত না। অনেক কীর্তন সম্প্রদায়ভুক্ত লোকে তাঁহার নিকট

পদরচনা করাইয়া লইতেন। সেই সকল পদাবলী সংগ্রহ করা বহু আকাঙ্ক্ষার বিষয় সন্দেহ নাই।

কৃষ্ণপ্রসাদ একখানি সূত্যনারায়ণের পাঁচালী রচনা করিয়াছিলেন। বিনোদবাবু আমাকে যে পাঁচালীর পুঁথি প্রদান করিয়াছেন, তাহা অধুনা লিখিত,—পদাবলীর মত গ্রন্থকারের স্বহস্ত লিখিত নহে। বিশেষতঃ যেখানে ভনিতা আছে, সেই স্থানটি কোন মহাত্মা (?) মুছিয়া বা ছিঁড়িয়া দিয়াছেন। অত্যাগ্র পুঁথির মত মূল পাঁচালীখানি কেহ লইয়া গিয়া আর প্রতারণা করে নাই। সেইজগত তিনি জামায় একখানি নকল সংগ্রহ করিয়া দিয়াছেন। রচনা সম্পূর্ণ নূতন হইলেও ইহার গ্রন্থকর্তা কৃষ্ণপ্রসাদ, কি অপরাধে, তাহা এখনও স্থির করিতে পারি নাই এবং এই পুঁথির আর একটা নকল সংগ্রহ করিতে না পারিলে, এ সন্দেহ দূরীভূত হইবার নহে।

কৃষ্ণপ্রসাদ বৈষ্ণব হইলেও শাক্তমতে কালী প্রভৃতি দেবতার প্রতি সমভাবে ভক্তিমান ছিলেন, তিনি ‘গোঁড়া’ ছিলেন না।

পারশী ভাষায় কৃষ্ণপ্রসাদ সমধিক ব্যুৎপন্ন ছিলেন, নাগরী ভাষায়ও একবারে অপ্রবিষ্ট ছিলেন না। চাকুরী পরিত্যাগ করিয়া কেবলমাত্র ধর্মশাস্ত্র অধ্যয়নে ও সাধু সঙ্গে দিন যাপন করিতেন।

ইহার বংশ তালিকা এইরূপ;—

কমলাকান্ত ঘোষ

কৃষ্ণপ্রসাদ ঘোষ

পরাণকিশোর ঘোষ

রাধাকিশোর ঘোষ

রাইকিশোর ঘোষ

শ্রীবিনোদবিহারী ঘোষ

(বর্তমান)

কৃষ্ণপ্রসাদের জন্ম মৃত্যুর তারিখ উদ্ধারে কৃতকার্য হই নাই। তবে এই মাত্র বলা যায়, যে তিনি বৃন্দাবন হরিদ্বার প্রভৃতি নানাবিধ তীর্থ পরিভ্রমণ করিয়া প্রায় ৫০ বৎসর পূর্বে, আন্দাজ ৬০ বৎসর বয়ঃক্রমকালে লোকান্তরিত হন।

মহামহোপাধ্যায় পণ্ডিত শ্রীযুত হরপ্রসাদ শাস্ত্রী মুহাশয় ‘পদ-সমুদ্র’ ও

“পদ-কল্পতরু” অবলম্বনে এবং শ্রীযুক্ত দীনেশচন্দ্র সেন মহাশয় “পদকল্প-
লতিকা” “গীতচিন্তামণি” প্রভৃতি সংগ্রহ পুস্তক অবলম্বনে পদসংখ্যা সমেত
দুইটি কবিতালিকা প্রস্তুত করিয়াছেন। * এই উভয় তালিকার মধ্যে
প্রথমটিতে আমরা একজন পদকর্তা “শ্রীকৃষ্ণপ্রসাদের (৭৪)” উল্লেখ দেখিতে
পাইতেছি। ইহার রচিত পদসংখ্যা সবে মাত্র ৫টি। আমরা ‘পদসমুদ্র’
নামক সংগ্রহ পুস্তক দেখি নাই; কেবল মাত্র বটতলায় মুদ্রিত সমগ্র পদ
কল্পতরুর পত্র পত্র অনুসন্ধান করিয়া দুইটি মাত্র কৃষ্ণপ্রসাদের ভিনিতা যুক্ত
পদ (২৫৫ ও ২৬০) প্রাপ্ত হইয়াছি। এই পদ দুইটি অদ্যকার প্রকাশিত
পদাবলী হইতে সম্পূর্ণ বিভিন্ন,—পদকল্পতরুর কৃষ্ণপ্রসাদ এবং কৃষ্ণপ্রসাদ
ঘোষ লঙ্কর দুই জন এক নামধারী ভিন্ন ব্যক্তি।

কৃষ্ণপ্রসাদ ঘোষের ৩০টি মাত্র পদ জনসাধারণের মধ্যে এই প্রথম প্রচা-
রিত হইল। তাঁহার রচিত অষ্টাশ্রু গ্রন্থ ও পদাবলী আরও সংগ্রহ করিতে
পারিব, আশা আছে। সেই জন্য আমরা নিজে কোন কথা না বলিয়া সহৃদয়
পাঠকবর্গের উপর কৃষ্ণপ্রসাদের রচনার গুণাগুণ বিচারের ভার অর্পণ করি-
লাম। তবে আমরা এই মাত্র আশা করিতে পারি যে, এই কয়েকটি পদা-
বলী সাহিত্যে সংযোজিত করিয়া দিলে, ইহার বিমল যশঃপ্রভা বর্দ্ধিত না
হউক, নিষ্প্রভ বা কলঙ্কিত হইবে না।

কৃষ্ণপ্রসাদের পদাবলী । ১

অথ কৃষ্ণস্য প্রিয়ানাং অনুরাগ।

১

বিষম হইল কানুর লেহ

ভাবিতে অবস করিল দেহ ॥ ১

ভাবিতে গণিতে কানুর গুণ

পাঁজরে আমার লাগিল ঘুন ॥ ২

* বঙ্গভাষা ও সাহিত্য শ্রীযুক্ত দীনেশচন্দ্র সেন বি, এ প্রণীত। পৃ: ১৬৪-৬

১ বর্ণাঙ্কিত সংশোধনের চেষ্টা না করিয়া আপাততঃ পুথির অনুলিপি মাত্র প্রকাশিত
করা গেল।

উপায় বলনা পরাণ সহ

কি করে এখন গৃহেতে রই ॥ ৩

না দেখিলে মরি কানুর মুখ

বিদরি বিদরি উঠয়ে বুক ॥ ৪

নাছেতে দাগুয়ে ছলনা করি

পরাণ বন্ধুরে নয়নে হেরি ॥ ৫

করিতে না পারি ঘরের কাজ

নিতান্ত গেল গোকুলের লাজ ॥ ৬

কৃষ্ণপ্রসাদ বলে জানিহ দড়

কানুর পিরিতি বিষম বড় ॥ ৭

২

কানু অনুরাগে ভরল দেহ

ঘরেতে না রহে মন

সদাই অথির

য়েঁথে বহেনীর

প্রাণ করে উচাটন ॥ ১

মোরে বলনা কি করি সখি।

বিষম বিধান

কিশে বাঁচে প্রাণ

উপায় নাহিক দেখি ॥ ২

সান্নুড়ী বাঘিনী

নন্দী তাপিনি

কাল সাপিনীর প্রায়

ডরে ডরাইয়া

মরি যে কাঁপিয়া

প্রেম হৈল মোরে দায় ॥ ৩

হুমদ দেবর

তারকলেবর

দেখিয়া কাঁপয়ে গা

পতি মৃত মতি

তাহার ভরাসে

বাহিরনা করে পা ॥ ৪

বন্ধু না দেখিলে

চিত্ত বেয়াকুল

হৃদয়ে উঠয়ে তাপ

গৃহের মাঝারে

মরি যে গুমরে

জেন হড়পির সাপ ॥ ৫

ঘুরিয়ে ফিরিয়ে সদাই মরিয়ে
 জেনা পিঞ্জরের পাখী
 কৃষ্ণ প্রসাদ বলে কান্নর লাগিয়া
 সদাই ঝুরএ আঁখি ॥ ৬

বিসম বন্ধুর পুত্র সদা উনমত চিত
 দিনে দিনে ক্ষীণ মসি রেহা
 ভাবিতে প্রিয়ার গুণ কাঁচা বাঁসে জেন ঘুন
 জর জর করিলেক দেহু ॥ ১
 কহ সখি কি হবে বিধান ।

গুরু ছরজনা ভরে অঙ্গ কাঁপে থর থরে
 কি জানি কেমন করে প্রাণ ॥ ২
 বন্ধুর বাঁশীর স্বরে রহিতে না পারি ঘরে
 সদা বাঁশী ডাকে নাম ধরি
 থসায় নিবির বন্ধ পাগলিনি করে অরু
 টানে দিয়া দৃঢ় প্রেম ডুরি ॥ ৩

বাঁশীকুল নাসাইলে ঘরে জানাইলে
 ঘুচাইলে মোর গৃহ বাস
 কৃষ্ণ প্রসাদেতে ভনে কালিয়া কি মন্ত্র জানে
 জাতিকুল করিলেক নাম ॥ ৪

৪

কান্নর পিরিত মোরে হৈল পরমাদ
 ঘরে পরে সভে দেয় কালা পরিবাদ ॥ ১
 কি হৈল অন্তরে সেই কি হৈল অন্তরে
 দিবা নিশি মনমোর উচাটন করে ॥ ২ ৫
 সয়নে সপনে মনে পড়ে চিকন কালা
 কালা হৈল জপতপ কালা জপ মালা ॥ ৩
 কান্নর পিরিতে মুঞি পাগলিনী হইলাম
 কান্নর চরণে মুঞি তনুমন দিলাম ॥ ৪
 কৃষ্ণ প্রসাদ বলে কালা কিবা মন্ত্র জানে
 পরাণে বড় সি দিয়া অবলারে টানে ॥ ৫

অথ খণ্ডিতা ।

৫

হুন হুন বিনোদিনী রাধা
 এক দেহ বিধাতা করেছে আধা ॥ ১
 তুয়া অনুগত মোর নিতান্ত পরাণ
 তুয়া বিনা সপনে আন নাহি জান ॥ ২
 অনুচিত বোধে যদি উপেখ বিধনি
 কি কারণে রাখব এ পাপ পরানি ॥ ৩
 তুয়া যদি না হেরবি হামারি বয়ান
 রাধা কুণ্ডে রাখা বলিতে জিব-পরাণ ॥ ৪
 কাতর নাগর কৃষ্ণ প্রসাদেতে বলে
 নিলাম্বুজ ভেসে যার নয়নের জলে ॥ ৫

৬

কর কিশলয়ে ধরি মাধে শ্যাম রাধ
 দুর্জয় মানীর মান বাঢ়ি ২ যায় ॥ ১
 অবনত বদনে বৈঠল বিনোদিনী
 নীল বসনে বাঁপিয়া সুন্দর মুখ থানি ॥ ২
 চল ২ লোচনে গলত কত লোর
 পীতাম্বর গলে করে কর জোর ॥ ৩
 তুয়া বিনে স্বপনে আন নাহি জানি
 তৌহা কাহে তেজবি অনুগত জানি ॥ ৪
 কৃষ্ণ প্রসাদ কহে মালিনী রাধা
 অবিচল প্রেমেতে পড়ল অব বাধা ॥ ৫

৭

আজু দেখিয়ে কিবা অপরূপ বেশ
 কামর তেল কি যে কুঞ্চিত কেশ ॥ ১
 নিরস অধর নাহি তাম্বুলে রাগ
 হৃদয়ে দেখিয়ে কর কঙ্কন দাগ ॥ ২

চন্দ্রাবলী অতি রসিকিনী ভেল
 দমনক দংশনে সবরস নেল ॥ ৬ ॥ ৩
 পদনথ চিহ্ন হৃদয়ে পরকাশ
 পীতাম্বর কিয়ৈ ভেল নীলবাস ॥ ৪
 বয়ানে লেগেছে দেখি কাজর রেহা
 ঢল ঢল লোচন অলসিত দেহা ॥ ৫
 ভালে সেজেছে ভাল সিন্দুর বিন্দু
 জহু নব জলধরে নিরজ বন্ধু ॥ ৬
 ঠাহরে না পড়ে চরণ অরবিন্দু
 ভনয়ে কৃষ্ণ প্রসাদ মতি মন্দ ॥ ৭

(৮)

গরবিণী মোর সাধের প্রিয়া
 গরবিণী মোর প্রাণ
 গরবিণী মোর কথায় কথায়
 সদাই করয়ে মান ॥ ১
 স্নহে ললিতা তোমারে বলিতে
 ভয় নাহি করি মনে
 তিল আধ তিল রহিতে না পারি
 সেই বিনোদিনী বিনে ॥ ২
 মরম কহিষে তোরে ।
 গরবিণী মোরে বান্ধিয়া রেখেছে
 নিতান্ত প্রেমের ডোরে ॥ ৩ ॥ ৩
 গরব করিয়া পথে চলি যায়
 গরবে গর্কিত দেহি
 অনুরাগ দিয়া প্রেমে মিশাইয়া
 গরবে গড়েছে বিহি ॥ ৪ ॥
 গরব করিয়া যে করে ভৎসন
 স্ন্যাসম মোরে লাগে ।
 কৃষ্ণ প্রসাদ বলে ঋনি হইয়াছি
 তার প্রেম অনুরাগের ॥ ৫

কিবা সে নাগরি রূপের সাগরি
 অনুরাগ মাথা দেহ
 তপত কাঞ্চন জিনিয়া বরণ
 জেন অমিয়ার মেহ ॥ ১
 পীন পয়োধর সুরঙ্গ অধর
 কিবা মূঢ় ২ হাসি
 মুকুতার পাঁতি দশনের জ্যোতি
 ব্যময়ে অমিয়া রাসি ॥ ২
 সখি, কি খেনে পেখনু ঘাটে ।
 দেখিলে তাহারে পরাণ জুড়ায়
 না দেখিলে হিয়া ফাটে ॥ ৩ ॥
 স্ননে স্বপনে সে ধনি আমার
 হৃদয় মাঝারে জাগে
 কৃষ্ণ প্রসাদ বলে কিবা নাহি করে
 নব প্রেম অনুরাগে ॥ ৪

১০

উঠিতে যমুনা ঘাটে নাহিয়া যাইতে বাটে
 কিবা এক নবীন নাগরী
 গরবে গর্কিত গা ঠাহরে না পড়ে পা
 আ মরি কি রূপের মাধুরী ॥ ১ ॥
 প্রাণের স্নবল সখা কহিষে তোমারে ।
 কি খেনে দেখিলাম তায় কি জানি কি হল দায়
 প্রাণ মোর কেমন ২ করে ॥ ২ ॥
 স্নদীর্ঘ চাঁচর কেশ যেন নটিনীর বেশ
 বসন ফুটিয়া উঠে আভা
 নানা মণি আভরণ করে কেউর কঙ্কন
 শুনি ধনি মোর মন লোভা ॥ ৩ ॥
 মরি নব অনুরাগে সে ধনি হিয়ার জাগে
 মরম কহিব কার ঠাঞী

কৃষ্ণ প্রসাদের মনে জাগিতেছে রাত্র দিনে
নবীন কিশোরী গরিরাই ॥ ৪

১১

আমি যে এ পথে দানী নাহি জান গরবিনী
গরব করিয়া চলে যাও
আপনার সম্পদে একরূপ যৌবন মদে
দানী পানে ফিরে নাহি চাও ॥ ১ ॥
একরূপ যৌবনে তোমর গরবে নাহিক ওর
প্রতি অঙ্গে অঙ্গে নিব দান
আপন কল্যাণ চাহ সমুঝিয়া দান দেহ
নতুবা হইবে অপমান ॥ ২ ॥
তিন লক্ষ্য মূল্য দিয়া এ ঘাট এসেছি লয়া
আশা আছে অনেক পাইব
যদি দান নাহি দিবে প্রবঞ্চনা করি যাবে
বুকের কাঁচলি কাড়ি লব ॥ ৩ ॥
তোমার দাসীর কাছে দধি দুগ্ধ জেবা আছে
পসরা লইব নিজ জোরে
যৌবন লুটিয়া লব ক্ষীর ননি খাইব
স্বরূপে कहিল ধনি তোরে ॥ ৪ ॥
কৃষ্ণ প্রসাদে কহে মিছা দন্দ ভাল নহে
শুনহে রসিক নব দানী
রাখিয়া আপন মান যেহয় উচিত দান
বুকে দিবে রাখা বিনোদিনী ॥ ৫ ॥

১২

শুক বসনেতে সভার অঙ্গ মোছাইয়া
মনোরম পীত বস্ত্র কৃষ্ণে দিব লক্ষ্য ॥ ১ ॥
পরিব্রেন সেই বাস মদন মোহন
শ্রাম অঙ্গে শোভা হবে অতি মনোরম ॥ ২ ॥
নীল বস্ত্র পরাইব শ্রীমতী রাখারে
নিবী বন্ধ তাহে দিব আনন্দ অন্তরে ॥ ৩ ॥

রক্ত বস্ত্র কাঁচুলী পরাব পরোধরে
নীল উড়ানী দিব শ্রীঅঙ্গ উপরে ॥ ৪ ॥
জাহার শোভাতে মোহে কন্দর্প মোহন
মেঘে যেন আচ্ছাদিবে শশীর কিরণ ॥ ৫ ॥
তোমা সহৃৎতদন্তরে জুত সখী গণে
জুত শ্বেত পরাইব জার জে বসন ॥ ৬ ॥
কৃষ্ণ প্রসাদের এই নিজাভীষ্ট সেবা
কৃপা করি দেবি মোরে কত দিনে দিবা ॥ ৭ ॥

১৩

কিবা সুকঙ্কিত কেশ জিনিয়া চামর
সুদীর্ঘ কুটীল কাল অতি সুচর্চর ॥ ১ ॥
বিথারিয়া দোহাকার সেই সুকন্তল
অমলকি নানা গন্ধ দিব পরিমল ॥ ২ ॥
কবির ঘটন করি বেস সংস্কার
অন্তরে মার্জিব.....তোমার ॥ ৩ ॥
শ্রীরূপ মঞ্জরী আদি যত সখীগণ
তদন্তে করিব সভার কুন্তল মার্জন ॥ ৪ ॥
কৃষ্ণ প্রসাদের এই মনে অভিলাষ
কৃপা করি দেবি মোর পুরাইবে আস ॥ ৫ ॥

১৪

[এই পদটি রচনা করিবার সময় পদকর্তা স্বহস্তে ২১৩ স্থলে সংশোধন ও পরিবর্তন করিয়াছেন। আমরা মোটের উপর শুদ্ধ পদটি প্রকাশিত করিলাম ।]

তদন্তরে রতনের পালঙ্ক পাতিব
অতি সুকমল তুলি তাহাতে বিছাব ॥ ১ ॥
আনন্দে সঙ্গিনীগণ চৌদিকে বেড়িয়া
জয় রাধে শ্রাম কহিবে হাসিয়া ॥ ২ ॥
জল পান করি কৃষ্ণ পালঙ্কে বসিবে
নবীন কিশোরী ওরি বায়েতে বসিবে ॥ ৩ ॥

তোমা সহ শ্রীরূপ মঞ্জরী সখীগণ
আনন্দেতে রাখা কৃষ্ণ করিবে দর্শন ॥ ৪
মুই অনুগত হয় পশ্চাতে দাড়াই
দেখিব দৌহার রূপ নয়ন ভরিয়া ॥ ৫
কর জোড়ে নিবেদ্যে কৃষ্ণ প্রসাদ
কত দিনে দেবী মোরে করিবে প্রসাদ ॥ ৬

১৫

ক্ষণেক বিশ্রাম করি কৃষ্ণ সনে ধনি ॥ ১
রক্ষন করিতে যাবেন রাখা বিনোদিনী ॥ ১

[এই পদটিতে আর একটি মাত্র চরণ ছিল কিন্তু তাহা কীটে একবারেই
নষ্ট করিয়া দিয়াছে ।]

শ্রীশ্রীমহাপ্রভু নিত্যানন্দ বিষয়ক ।

১৬

নিতাই চরণে মতি নাহি যার
সে কেন গৌরাঙ্গ ভজে
কোটা কল্পে তার নাহিক উদ্ধার
রোরবে পড়িয়া মজে ॥ ১
দয়াল নিতাই প্রভু ।

নিত্যানন্দরূপ আনন্দ স্বরূপ
ভিন্ন ভিন্ন নহে কভু ॥ ১ ২
জগাই মাধাই পাপী ছই ভাই
উদ্ধার করিলে জেবা
পতিতে তারিতে এই ত্রিজগতে
হেন প্রভু আছে কেবা ॥ ৩
পতিত পাবন অমর তারণ
মোর নিত্যানন্দ রায়
কৃষ্ণ প্রসাদ বলে জনমে জনমে
মতি রহ তার পায় ॥ ৪

১৭

গৌরাঙ্গ ভজিতে সাধ যদি চিতে
নিতাই চরণে ধর

একান্ত ভাবেতে নিতাই পদেতে
দৃঢ় রতি মতি কর ॥ ১

১৭/ বক্ষীজাহ্নবার প্রাণ নিত্যানন্দ রাম
পরম দয়ার সিন্ধু
পতিতের প্রাণ করুণা নিধান
অধম জনার বন্ধু ॥ ২

নিতাই আমার বড় দয়াময়
সভারে সমান দয়া
অতি দীন হীন ভজন বিহীন
দেখি দেয় পদছায়া ॥ ৩

দয়াল নিতাই চাঁদে ভজ ।
শুন ভাই শুন মিছে অকারণ
বিষম সংসারে মজ ॥ ৪

নিতাই ভজিলে গৌরাচাঁদে মিলে
ইহাতে নাহিক আন ।
কৃষ্ণ প্রসাদ দীন ভজন বিহীন
নিত্যানন্দ গুণ গান ॥ ৫

১৮

নিতাই আমার ধরণী ধরেছে
অনন্তের রূপ ধরি
নিতাই আনিল মধুর প্রেম
জগতে করুণা করি ॥ ৪

রাঢ় মাঝে গ্রাম একচক্রা নাম
সেখানে জনম লয় ।
তারিলে সংসার দীন ছরাচার
অবধূত রূপ হয় ॥ ২
নিতাই সকলের সার ।

ছটি বাছ তুলি নিত্যানন্দ বলি
এভাবে হইবে পায় ॥ ১৩

নিতাই চরণে দৃঢ় মতি ষার
তার কি অত্বেরে ভয়
কৃষ্ণ প্রসাদ বলে নিতাই বলিয়া
শমনে করিব জয় ॥ ৪

১৯

পদ্মাবতী সূত বীর অবধূত
মোর নিত্যানন্দ রাম ।

পাষণ্ড দলন গজেন্দ্র গমন
যে আনিল হরি নাম ॥ ১

কি কব নিত্যের কথা
প্রেমের ভাগুরী প্রেম অধিকারী
প্রেমকল্পতরু লতা ॥ ২

এ ঘোর কলিতে জীবে তরাইতে
নিত্যানন্দরূপ ধরি

করুণা করিয়া গৌরাজ্ঞে আনিয়া
সভে বলাইল হরি ॥ ৩

পাপী তাপী আদি সভে তরাইল
নিতাই গুণের নিধি

কৃষ্ণ প্রসাদ বলে মুখিঃ ছরাচার
বঞ্চিত আমারে বিধি ॥ ৪

২০

হাড়াই পণ্ডিত সূত নিত্যানন্দ অবধূত
করুণা সাগর কল্পতরু

দীন হীন সভাকারে সমান করুণা করে
প্রেমদাতা জগতের গুরু ॥ ১

এমন দয়াল কেবা আছে ।

ভাল মন্দ নাহি বাছে সভাকারে প্রেম যাচে
যারে দেখে আপনার কাছে ॥ ২

ঘোর কলিকাল হেরি জগতে করুণা করি
অবতার হৈল হুটি ভেয়ে

না ধয়িল অঙ্গবান সকলে করিল ত্রাণ
অবহেলে নাম প্রেম দিয়ে ॥ ৩

এমন করুণাময় হয় না হইবার নয়
ভুবন পাবন অবতার ।

কৃষ্ণপ্রসাদেতে বলে নিতাই করুণা হলে
তরে যাব এ ভব সংসার ॥ ৪

২১

নিতাই চাঁদের রূপ কিবা অমিয়ার কূপ
খেন দন্ধ আকরের সোনা

মা দিয়াছে নীল ধড়া কটীতে কিঙ্কিনী বেড়া
মেঘে বেড়িয়াছে চাঁদের কণা ॥ ১

চলে যেতে মধুর নপুর ভাল বাজে ।

তরুণ কামের কোঁড়া কিবা কাল ভুরু জোড়া
গোময়ের ফোঁটা তার মাঝে ॥ ২

চাঁচর কেশের ঝুঁটি শিরে বান্ধা পরিপাটী
কনকের সুরি তাহে শোভে

চরণ কমল বলি ধায় কত শত অলি
উড়ি উড়ি পড়ে মধুলোভে ॥ ৩

জাতক নগরবাসী সভে দেখে আসি আসি
নিত্যানন্দ চান্দ মুখখানি

কৃষ্ণপ্রসাদেতে বলে সভাকারে ভুলাইলে
মোর নিত্যানন্দ গুণমণি ॥ ৪

২২

গৌর প্রেমেতে মাতা নিত্যানন্দ রায়
ভাবাবেশে চলে চলে পথে চলে যায় ॥ ১

আকর্ণ পর্য্যন্ত কিবা নয়ন যুগল

ঢুলু ঢুলু করে যেন রাঙা উতপল ॥ ২

প্রেমে মাতা নিতাই যেন মাতা সোণার হাতী

কোন নাগরী পরাইলে বনমালা গাঁথি ॥ ৩

আজানুলম্বিত বাহুনাড়াঃদিয়া চলে
 প্রেম ধারা বেয়ে পড়ে নয়ন কমলে ॥ ৪
 অশ্বখের পত্র জিনি পরিমর বুক
 কোটা পূর্ণিমার চন্দ্র জিনি চাঁদ মুখ ॥ ৫
 কৃষ্ণপ্রসাদ বলে রূপে ভুবন কেনে আলা
 মজিল দেখিয়া যত নব নববালা ॥ ৬

২৩

হরি হরি কুদিন যুচিবে কত দিনে ।
 প্রভু নিত্যানন্দ বলি নাচিব হুঁবাহু তুলি
 প্রেম ধারা বহিবে নয়নে ॥ ১
 কবে কুবিষয় যাবে প্রভুর করুণা হবে
 যুচিবে এ সংসার বন্ধন
 প্রভু মোর প্রাণপতি নিতাই চরণে গতি
 বসুধা জাহ্নবার জীবন ॥ ২
 বিষম বিষয় ঘোর কবে সে যুচিবে মোর
 কত দিনে ব্রজভূমি যাব
 ব্রজবাসী মরে ঘরে মাধুকরি ভিক্ষা করে
 নিতাই বলিয়া স্মখে খাব ॥ ৩
 রাধা বলি হব ভোর পরিব কপিন ডোর
 কৃষ্ণ প্রসাদের এই আশ
 কৃষ্ণ কৃষ্ণ বলি বলি মাখিব ব্রজের ধূলি
 রাধা কুণ্ড তটে হবে বাস ॥ ৪

২৪

কবে বসু জাহ্নবার করুণা হইবে
 রূপা করি নিত্যের সঙ্গ করি দিবে ॥ ১
 প্রভু নিত্যানন্দ মোর অনঙ্গ মঞ্জরী
 রাধার কনিষ্ঠা ভগ্নি প্রেম অধিকারী ॥ ২
 কত দিনে তোমার কিস্করী মুক্তি হব
 আশ্রয় রমন সেবা স্মখেতে করিব ॥ ৩

পরিস্কার করিব তোমার বাহু গোর ?
 স্মখেতে সেবিব ছুই চরণ তোমার ॥ ৪
 তোমার দাসীর দাসী তার সঙ্গ হবে
 তবে কৃষ্ণ প্রসাদের বাসনা পুরিবে ॥ ৫

২৫

কৃষ্ণ সহ ক্রীড়া করি নবীন কিশোরী
 আপন ভবনে জাব তোমা সঙ্গ করি ॥ ১
 স্মখেতে বসিবে ধনি কনক আসনে
 তোমারে গোরব করি বসাইবে বামে ২ ॥
 সেই কালে তব অহুমতি আঞ্জা পায়া
 দৌহো আগে স্মবাসিত বারি দিবালয়া ॥ ৩
 স্মগন্ধিত দস্ত কাষ্ঠ উত্তম মঞ্জর
 কনক আধার দিব করিয়া জতন ॥ ৪
 মুখ প্রফালন দস্ত ধাবন করিবে
 কৃষ্ণ প্রসাদের মন বাসনা পুরিবে ॥ ৫

২৬

কৃষ্ণ আউ বৃদ্ধি লাগি পাক করি বারে
 লইতে পাঠাবেন যশোমতি রাধিকারে ॥ ১
 জটীলা আদেশে ধনি নন্দের ভবনে
 রন্ধন করিতে জাবেন আনন্দিত মনে ॥ ২
 তবস্বন্ধে জাবে রাধা করি কর ন্যাস
 প্রিয় সখীগণ সব জাবে আস পাস ॥ ৩
 রাধিকার প্রিয়তমা শ্রীরূপ মঞ্জরী
 সে ধনি জাইবে তব করে ধরাধরি ॥ ৪
 তার অন্তঃপ্রিয় জতেক সঙ্গিণী
 পিছে পিছে জাব হয় পশ্চাৎ গামিনী ॥ ৫
 কৃষ্ণ প্রসাদের এই মনে অভিলাষ
 তোমার করুণা হলে পুরিবেক আশ ॥ ৬

২৭

উপনীত হবে ধনি নন্দের ভবনে
 আজ সদা করিবেন বদন চুম্বনে ॥ ১
 কত সমাদর করি লয়া যাবে ঘরে
 যত্ন করি বসাইবেন সিংহাসনোপরে ॥ ২
 শ্রীরূপ মঞ্জরী নয়্য মনের উল্লাসে
 বসাইবে বিনোদিনী নিজ বাম পাশে ॥ ৩
 আর যত প্রিয় সখী নিকটে বসিবে
 কৃপাকরি জল আনিবারে আজ্ঞা দিবে ॥ ৪
 কনক ভূঙ্গারে জল আনিব যতনে
 শ্রীচরণ পাখালিব আনন্দিত মনে ॥ ৫
 নিজ কেশ বিথারিয়া সভার চরণ
 মুছাইব হয়্য বড় উলসিত মন ॥ ৬
 কৃষ্ণ প্রসাদের হেন দিন কবে হবে
 সেই শ্রীচরণামৃত ভক্ষণ করিবে ॥ ৭

২৮

পরম সুপত্র তৈল গন্ধ উদ্বর্তন
 শ্রীঅঙ্গেতে মাখাইব করিব লেপন ॥ ১
 কৃষ্ণ সহ শ্রীমতী বসাব একাসনে
 তব আজ্ঞা নঞা জ্ঞান করাব হুজনে ॥ ২
 শুষ্ক বসনেতে অঙ্গ মোছাব দোঁহার
 তবে সে মনের সাধ পুরিবে আমার ॥ ৩
 তদন্তরে তোমাসহ যত সখীগণে
 স্নিগ্ধ জলে স্নান করাইব হর্ষ মনে ॥ ৪
 সুবসনে সভাবার মোছাইব অঙ্গ
 কৃষ্ণ প্রসাদে বলে কবে হবে তব সঙ্গ ॥ ৫

২৯

স্নান করি বসিবেন কিশোর কিশোরী
 আসপাস বসিবেন যত সহচরী ॥ ১

তোমাতে বসাবে বামে গৌরব করিয়া
 সুগন্ধি চন্দন দিব সভারে ঘসিয়া ॥ ২
 মৃগমদ কুম্ভুম কঙ্করি মিসাইয়া
 বেনামূল সুকপূরঃ একত্র করিয়া ॥ ৩
 শ্রীঅঙ্গেতে মাখাইয়া দিব দোঁহাকারে
 তদন্তে যত্ন করি মাখাব তোমাতে ॥ ৪
 শ্রীরূপ মঞ্জরী সহ দিব সভাকারে
 কৃষ্ণ প্রসাদের এই বাসনা অন্তরে ॥ ৫

৩০

তদন্তরে ক্ষীরসর মাঠা শিখরিনী
 মিষ্টান্ন পত্রান্ন ছেলা মাখন নবনি ॥ ১
 সঙ্গ আলি সঙ্গ বাটী সঙ্গের কঠোরী
 কত উপহার দিব্য তাহে দিব পুরি ॥ ২
 যতনে আনিয়া দিব উত্তম নারিকল
 কপূর মিশ্রিত সুবাসিত স্নিগ্ধ জল ॥ ৩
 সুখে কৃষ্ণ চন্দ্র বসি করিবেন ভোজন
 দেখি আনন্দিত কত হবে মোর মন ॥ ৪
 সেই কৃষ্ণ ধরামৃত শ্রীমতি কিশোরী
 প্রেমানন্দ হইবেন ভোজন পান করি ॥ ৫
 আদর করিয়া তোমায় করাবেন ভোজনে
 ডাকিয়া দিবেন যত প্রিয় সখীগণে ॥ ৬
 ভোজন করিবে মোর শ্রীরূপ মঞ্জরী
 সন্তে সেই শেষ মোরে দিবে কৃপা করি ॥ ৭
 কৃষ্ণ প্রসাদের এই অভিলাষ মনে
 বাঘনা পুরায় দেবি নিবেদি চরণে ॥ ৮

শ্রীশিবরতন মিত্র ।

ইংলণ্ডে পল্লী জীবন ।

(আর্ভিং সাহেবের রুর্ভাল্ লাইফ্ অব্ ইংল্যান্ড

অবলম্বনে লিখিত ।

(১)

ভারতবাসীর বিশেষতঃ বঙ্গদেশবাসীর অল্পচিকীর্ষা বৃত্তি প্রকৃতিসিদ্ধ। বিদেশজাত দ্রব্য ব্যবহার করিতে, বিদেশীয় চাল চলন আচার ব্যবহারের অনুরূপে পরিচালিত হইতে বঙ্গবাসী যেরূপ অগ্রগামী, সেরূপ জগতের কোন দেশের কোন জাতির মধ্যে পরিলক্ষিত হয় না। কিন্তু বিদেশীয়-দিগের গুণানুকরণে এতদেশবাসীদিগের প্রবৃত্তি ততটা প্রবল নহে। হীন বৃত্তিগুলির অনুসরণই অধিকতর বলবান।

ইংরাজ আমাদের রাজা। আমাদের প্রকৃতিগত অল্পচিকীর্ষা বৃত্তি প্রবল থাকায় ইংরাজ জাতির চাল চলন, আচার ব্যবহার আমাদের মধ্যে একেবারে দৃঢ় ভিত্তিতে সংক্রামিত হইয়া পড়িয়াছে। কিন্তু যে গুণে ইংরাজ জাতির এত অভ্যুদয়, যে সমুদায় গুণে ইংরাজ জাতি জগতের শীর্ষস্থান অধিকার করিয়াছেন; সে সমুদায় গুণের কথা একবার ভাবিয়া দেখিতে আমাদের অবকাশ হয় না। সে সমুদায় গুণের বিষয় চিন্তা করিবার প্রবৃত্তিও আমাদের আদৌ নাই। আমাদের মস্তিষ্ক চালনার শক্তি থাকিলেও মস্তিষ্ক চালনার প্রবৃত্তি নাই। যতই ঘৃণিত হউক না কেন, অপমান সহিষ্ণু দাসত্বে আমরা জীবন উৎসর্গ করিতে শিখিয়াছি। দাসত্বোপার্জিত অর্থে অন্ন বস্ত্রের সংস্থান হইয়া বাইতেছে। কাজেই দাসত্বেই প্রবৃত্তি অধিক হইয়া দাঁড়াইয়াছে।

জুঃসাধ্য বিষয় সম্পাদনে প্রবৃত্তির অভাব, সহজসাধ্য বিষয়ে প্রবৃত্তির আধিক্য, এধং বিদেশীয় জাতির শ্রেষ্ঠ গুণ সমূহের প্রতি লক্ষ্য না রাখিয়া তাহাদের ইতর বৃত্তি সমূহের অনুকরণপ্রিয়তার আধিক্য থাকায় আমাদের অধঃপতন ক্রমশঃ অগ্রসর হইয়া পড়িতেছে। ইয়োরোপীয় জাতি বহুবলে বহু শ্রমে বহু মস্তিষ্ক চালনার যে সমুদায় ফল প্রাপ্ত হইয়াছেন, আমরা

আমাদের দাসত্বোপার্জিত অর্থে সেই সমুদায় উপভোগ করিতেছি। মস্তিষ্ক চালনা করিয়া ফল লাভ করিবার প্রবৃত্তি আমাদের নাই।

ইংরাজ জাতির বাহু আচার ব্যবহার পোষাক পরিচ্ছদ দেখিয়া আমরা তদনুকরণে ব্যস্ত। কিন্তু আমরা তাহাদের আভ্যন্তরীণ মহৎ চরিত্রের বিষয় পর্যালোচনা করিয়া দেখি না। এক একজন নাগরিক ইংরাজের বাহু আচার ব্যবহার দেখিয়া আমরা সমগ্র ইংরাজ জাতির সম্বন্ধে ভ্রমপূর্ণ সিদ্ধান্তে উপনীত হইয়া থাকি। কিন্তু ইংরাজ চরিত্র অনুধাবন করিতে হইলে শুধু নাগরিক ইংরাজদের চরিত্র আলোচনা করিলে হইবে না। নগরের কোলাহল ছাড়িয়া স্বদূর ইংলণ্ডীয় পল্লীগামগুলির ভিতর প্রবেশ করিয়া ক্ষুদ্রাদপি ক্ষুদ্র পল্লীগুলি পর্য্যন্ত প্রদক্ষিণ করিতে হইবে। রাজ প্রাসাদ হইতে কৃষকের কুটীরখানি পর্য্যন্ত পরিদর্শন করিতে হইবে। বৃহৎ বৃহৎ উদ্যানগুলির ভিতর দিয়া ভ্রমণ করিতে করিতে উদ্যানের শোভা সম্পদ নিরীক্ষণ করিতে হইবে। বৃক্ষরাজি সমাকীর্ণ উপাসনা মন্দিরের পাশ্বে ক্ষণকাল উপবেশন করিয়া স্থানের গম্ভীরতা উপলব্ধি করিতে হইবে। পল্লী সমূহের হাট মেলা ও উৎসবদির স্থানগুলি পর্য্যবেক্ষণ করিতে হইবে। এইরূপ সমুদায় বিষয় পুঙ্খানুপুঙ্খরূপে অনুসন্ধান করিয়া দেখিলে ইংরাজ জাতির প্রকৃত তত্ত্ব অনুধাবন করিতে পারা যাইবে।

কোন কোন দেশে ধনী ও শিক্ষিত সম্প্রদায় কেবল মাত্র বড় বড় নগর-গুলিতে বাস করিয়া থাকেন। অসত্য, অশিক্ষিত কৃষি ব্যবসায়িগণ পল্লী সমূহে বাস করিয়া থাকে। কিন্তু ইংলণ্ডে ঠিক ইহার বিপরীত। ইংলণ্ডীয় ধনী ও শিক্ষিত সম্প্রদায় অর্থ ও বিদ্যোপার্জন মানসে বৎসরের কয়েক মাস মাত্র নগরের কোলাহলে ব্যাপ্ত থাকিয়া অবশিষ্ট কয়েক মাস ঝঞ্ঝাটশূন্য অবস্থায় অতিবাহিত করিবার জন্য শান্তি পূর্ণ পল্লীগামে অবস্থিতি করিয়া থাকেন। এজন্ত ইংলণ্ডের কি নগর কি পল্লী সকল স্থানেই ধনী নিধন, শিক্ষিত অশিক্ষিত সকল শ্রেণীর লোকের সমানভাবে বাস আছে।

আড়ম্বরশূন্য গ্রাম্যশোভা সম্পদ ও গ্রাম্য আচার ব্যবহার ইংরাজ জাতি বড় ভালবাসে। গ্রাম্য কার্যে আনন্দানুভব করিতে এবং সুখে সঙ্গে প্রকৃতির নৈন্দর্য্য উপভোগ করিতে তাহাদের হৃদয় সর্বদা লালসিত। এ ইচ্ছা ইংরাজগণের স্বভাবসিদ্ধ। নগরেই তাহাদের বাস, নগরের কোলাহলের মধ্যে তাহারা স্নান্ন লালিত পালিত, শিক্ষিত ও বুদ্ধিত হইয়াছেন, তাহা-

রাও গ্রাম্য আচার ব্যবহার সাগ্রহে অবলম্বন করিয়া থাকেন, তাঁহারাও গ্রাম্য কার্যে যোগদান করিবার জন্ত সমুৎসুক থাকেন। ব্যবসায়ীগণ, বাঁহাদিগকে দিবাভাগের অধিকাংশ সময় ব্যবসার কার্যে নিপ্ত থাকিতে হয়, তাঁহারাও নগরের উপকণ্ঠে এক একটা উদ্যানের প্রতিষ্ঠা করেন। বাণিজ্য কার্যে কৃতকার্য হইবার জন্ত তাঁহারা, যেরূপ আগ্রহ ও যত্ন দেখাইয়া থাকেন, তাঁহাদের উদ্যানের বৃক্ষগুলিকে নধর ও সতেজ রাখিবার জন্ত, বৃক্ষজাত ফল ও পুষ্পগুলির পরিপুষ্টি সাধনার্থ তাঁহারা তদ্রূপ আগ্রহ ও যত্ন দেখাইয়া থাকেন।

মধ্যবিত্ত শ্রেণীর ইংরাজগণ—বাঁহাদিগকে গ্রাসাচ্ছাদনের উপায় করিবার জন্ত বার মাসই নগরাভ্যন্তরে বাস করিতে হয়, তাঁহারাও প্রকৃতির হরিদ্বর্ণ দৃশ্য উপভোগের জন্ত নানারূপ উপায় অবলম্বন করিয়া থাকেন। বাটীর প্রাঙ্গণে, বাতায়ন পথে নধর হরিৎ পল্লব সমাকীর্ণ কয়েকটা নয়ন রঞ্জন পুষ্প বৃক্ষ রাখিয়া তদ্বারা নয়ন ও মনের চরিতার্থতা সম্পাদন করেন। বাটীর পার্শ্বে একখণ্ড ভূমি প্রাপ্ত হইলে, তাহাতে ফল, পুষ্প, লতা রোপণ করিয়া সেই ভূমি খণ্ডকে মনোহর নিকুঞ্জ পরিণত করেন।

নাগরিক ইংরাজদের আচার ব্যবহার দেখিয়া আমরা তাঁহাদের সামাজিক নীতির প্রতি দোষারোপ করিয়া থাকি। ইহা আমাদের সম্পূর্ণ ভ্রম। নগরের ইংরাজগণ আমাদের দেশের গল্প ও নিদ্রালস্যপ্রিয় ক্রীড়াসক্ত বাবুদিগের মত নিজ নিজ উদরানের জন্ত, সঙ্গতি সামর্থ্য সম্পন্ন আত্মীয় স্বজনের মুখাপেক্ষী হইয়া অনর্থক সময় অতিবাহিত করেন না। নগরে তাঁহাদিগকে নানাকার্যে ব্যস্ত থাকিতে হয়। উদরানের সংস্থান জন্ত তাঁহারা নানারূপ উপায় উদ্ভাবন পূর্বক সর্বদা কার্যে নিবিষ্ট-চিত্ত থাকেন। অর্থশালী ইংরাজগণ আমাদের দেশের অর্থশালী ব্যক্তিদিগের ত্রায় কর্মচারীগণের উপর সকল বিষয় নির্ভর করিয়া নিশ্চিন্ত মনে সময় অতিবাহিত করিয়া পরিশেষে হতসর্কস্ব হইয়া না। নিজ নিজ কার্যের প্রসর প্রতিপত্তি পরিবর্দ্ধিত করিবার জন্ত, কর্মচারীগণের দ্বারা পাছে তাঁহাদের সুনাম নষ্ট হয় এজন্ত, এক একজন অর্থশালী ইংরাজকে অমানুষিক পরিশ্রম করিতে হয়। এক এক সময়ে তাঁহাদের কার্যের ঝঞ্জাট অত্যধিক হইয়া তাঁহাদিগকে সর্বদাই কার্যে নিয়োজিত রাখে। যে সময়ে অপরের সহিত দূরের কথা, বন্ধু বান্ধবগণের সহিতও ছুইটা সদালাপ করিবার অবসর তাঁহারা প্রাপ্ত

হইয়া না। এইরূপ অত্যধিক কার্যব্যস্ততার জন্তই ইংরাজগণকে অতি মাত্র স্বার্থপর জাতি বলিয়া বোধ হইয়া থাকে। কিন্তু প্রকৃত পক্ষে অতদূর স্বার্থপরতা তাঁহাদের মধ্যে নাই। নগরের কোলাহল পরিত্যাগ করিয়া নাগরীয় কার্য হইতে কিছু দিনের জন্ত অবসর গ্রহণ করিয়া ইংরাজগণ যখন উদ্যান পালনের জন্ত স্বীয় স্বীয় পল্লী নিকেতনে গমন করেন এবং যখন উদ্যানজাত গাছ বীজ চারা, কাল পুষ্প প্রভৃতির উন্নতি সাধনের জন্য সযত্ন থাকেন, তখন এক রকমের নৈসর্গিক প্রকৃষ্ণতা, সন্তোষ ও আনন্দ প্রসাদ আসিয়া তাঁহাদের অধিকার করে। অমায়িকতা, সরলতা, মধুরতা, আতিথেয়তা, বদাশ্রুতা প্রভৃতি সদগুণ রাশি তখন তাঁহাদের চরিত্রকে উজ্জ্বল হইতে উজ্জ্বলতর করিয়া থাকে।

ইংরাজ জাতি ভূমির উৎকর্ষ সাধন ও কর্ষণ-প্রণালীতে জগতে অদ্বিতীয়। নয়নপ্রীতিকর মনোরম উদ্যান নিৰ্ম্মাণ কল্পেও তাঁহারা সিদ্ধহস্ত। অন্যান্য দেশে প্রকৃতি দুর্গম নির্জ্জন প্রদেশে আপনার সৌন্দর্য্য ভাণ্ডার খুলিয়া রাখেন। কিন্তু ইংলেণ্ডে গৃহস্থের গ্রাম্য আবাস বাটীর প্রাঙ্গণে সেইরূপ প্রাকৃতিক সৌন্দর্য্যের কতকাংশ নয়ন মনের তৃপ্তিসাধন করিয়া থাকে। ইংরাজগণ প্রকৃতির প্রিয় পুত্র। প্রকৃতির আলোচনায়, প্রকৃতির তত্ত্বানুসন্ধানে তাঁহারা সর্বদা সযত্ন। এই আলোচনা ও অনুসন্ধানের বলে তাঁহারা যেন প্রকৃতির সৌন্দর্য্য ভাণ্ডারের গুপ্ত দ্বার উদ্ঘাটন করিতে সমর্থ হইয়াছেন। এবং সৌন্দর্য্য ভাণ্ডারের রত্নরাজি লুপ্তন করিয়া আনিয়া যেন আপন আবাসবাটীর চতুর্দিকে ছড়াইয়া রাখিয়াছেন।

ইংলেণ্ডের বৃহৎ বৃহৎ উদ্যানগুলির শোভা সৌন্দর্য্য জগতে অতুলনীয়। উদ্যান মধ্যে প্রবেশ করিলে মনে হয়, বৃষ্টি প্রকৃতির ভাণ্ডারের অশেষবিধ রত্নরাজির একত্র সমাবেশ এই স্থানেই হইয়াছে; মনে হয়, বৃষ্টি প্রকৃতি দেবীর বিলাস বৈভবের রমণীয় নিকেতন। উদ্যান মধ্যে কোথাও সুবিস্তৃত তৃণক্ষেত্র সবুজবর্ণের মখমলের ত্রায় পরিদৃশ্যমান। ক্ষেত্রোপরি স্থানে স্থানে সতেজ শাখা পল্লব সমাকীর্ণ এক একটা বিশাল বৃক্ষ দণ্ডায়মান। স্থানে স্থানে ঘন বিন্যস্ত বৃক্ষ বল্লরী সমাকীর্ণ মনোহর কুঞ্জবন। কুঞ্জবনের ভিতর দিয়া সুপরিষ্কৃত পথ। পালিত মৃগ সকল এই পথে নির্ভয়ে বিচরণ করিতেছে। মধ্যে মধ্যে এক একটা শশক দ্রুতপদে বন হইতে বনান্তরে গমন করিতেছে। বিচিত্র বর্ণে অপরূপিত মধুরকণ্ঠ বিহুগণের স্বরলহরীতে বনভূমি

সর্বদা মুখরিত হইতেছে। উদ্যানের স্থানে স্থানে বিমল সলিল-রাশি পূর্ণ নীল কাচ প্রতিম ক্ষুদ্র ক্ষুদ্র সরোবর। সরোবর তীরে মনোরম পুষ্পক্ষেত্রের মধ্যে মধ্যে পুষ্পগুচ্ছ সমন্বিত লতা বিতান। আকাশে বিচিত্র বর্ণ বিন্যাসের দ্বারা কাচ স্বচ্ছ সরোবর সলিলে পুষ্পক্ষেত্রের বিবিধ পুষ্প পল্লবের সৌন্দর্য্য বিন্যস্ত হইয়া অপূর্ব শোভা বিস্তার করিতেছে। কোন স্থানে একটি প্রাচীন মন্দির বা একটি ভাস্করীয় প্রতিমূর্তি অতীত কালের শিল্প কুশলতার সাক্ষ্য প্রদান করিতেছে এবং বিরলে বসিয়া উদ্যানের শোভা সম্পদ ও পবিত্রতা উপভোগ করিতেছে। ইংলণ্ডের বিশাল উদ্যান গুলির বর্ণনার সমাপ্তি এইরূপে নহে। এ বর্ণনা আংশিক মাত্র। যে কৃত্রিম দৃশ্য অকৃত্রিমের দ্বারা প্রতীয়মান, তাহা ভাল রূপে পরিদর্শন না করিলে তাহার সর্বাঙ্গীণ পূর্ণতা উপলব্ধি করিতে পারা যায় না। হৃদয় ও প্রতিভা লইয়া তথায় কিছুদিন ভ্রমণ না করিলে সে দৃশ্যের মনোমদ রমণীয়তা অনুভবেও আনিতে পারা যায় না।

রাশি রাশি অর্থ ব্যয়ে ধনী ইংরাজগণ এইরূপে এক একটি উদ্যানের প্রতিষ্ঠা করেন। কিন্তু বিনা অর্থ ব্যয়ে কিংবা সামান্য মাত্র ব্যয়ে মধ্যবিত্ত শ্রেণীর ইংরাজগণ আপন আপন আবাসবাটীর প্রাঙ্গণ যেরূপে সুসজ্জিত করেন, তাহা আরও তৃপ্তিপ্রদ। একখানি সামান্য ঘর তাহার সম্মুখে ক্ষুদ্র এক খণ্ড উষর মৃত্তিকা পূর্ণ ভূমি। ইংরাজের হস্তে এই ভূমি খণ্ডটুকু পূর্ব প্রকার শোভা সৌন্দর্য্যে পরিপূর্ণ হইয়া উঠে। চিত্রকর যেমন মনে মনে অশেষবিধ সৌন্দর্য্যের কল্পনা করিয়া মনোহর বর্ণ বিন্যাসের দ্বারা চিত্রপট খানিকে পরিশোভিত করে, মধ্যবিত্ত শ্রেণীর ইংরাজগণও সেইরূপ প্রকৃতির বিবিধ সৌন্দর্য্যের কল্পনা করিয়া ক্রমে ক্রমে নিজ নিজ আবাস বাটীর প্রাঙ্গণ সজ্জিত করিয়া থাকেন। যখন দেখিবে, একজন ইংরাজ আসিয়া একখণ্ড পতিত ভূখণ্ডে বাসগৃহ নির্মাণ করিতে আরম্ভ করিল, তখনই দেখিবে, বাসগৃহের চতুর্দিকস্থ ভূমি যেন কোন নৈসর্গিক বলে সজীবতা প্রাপ্ত হইয়া হাশ্ব করিয়া উঠিল। দেখিবে কোথাও শ্রেণীবদ্ধ ক্ষুদ্র ক্ষুদ্র বৃক্ষরাজি সমভ্রুে রক্ষিত। দেখিয়া বোধ হইবে যেন তাহারা রোপণ কর্তার ইচ্ছানুসারেই আপন আপন শাখা প্রশাখার বিকাশ করিতেছে। কোথাও দেখিবে আলবাল বেষ্টিত নব কিশলয়াকীর্ণ পুষ্প বৃক্ষগুলি স্তরে স্তরে সজ্জিত। আলবালের ধারে ধারে তুর্ণরাজি শ্রাম শোভা বিকীরণ করিতেছে। কোন

স্থানে বা স্বল্পায়তন সুন্দর একটি নিকুঞ্জ। ক্ষীণাক্ষী লতিকাকুল নিকুঞ্জ খানিকে পুষ্পাভরণে সাজাইয়া চতুর্দিকে হেলিয়া জুলিয়া পড়িয়াছে। এইরূপ যেখানে যাহা সাজে, মধ্যবিত্ত শ্রেণীর ইংরাজগণ তাই দিয়া তাহার অঙ্গন ভূমি সাজাইয়া থাকেন। এরূপ ভাবে সজ্জিত করা যেন তাহাদের চিরাভ্যস্ত নিয়ম। চিত্রকরের শেষ স্পর্শ চক্ষুদানে যেমন পুস্তলিকা হাশ্ব করিয়া উঠে, ইংরাজ করস্পর্শে উষর মৃত্তিকাও সেইরূপ হাশ্ব করিয়া উঠে।

উন্নত অবস্থাপন্ন ও মধ্যবিত্ত শ্রেণীর ইংরাজগণের সৌন্দর্য্যে বোধ যে প্রকার, ইতর জাতীয় শ্রমজীবীগণের মধ্যেও সেইরূপ সৌন্দর্য্য বোধ বিদ্যমান দেখিতে পাওয়া যায়। অতি দরিদ্র শ্রমজীবীও তাহার পর্ণ কুটারের সম্মুখে একটু শ্যামল তৃণ ক্ষেত্র রাখিয়া থাকে। সেও গুটীকতক ফল ফুল লতা পাতার বৃক্ষ রোপণ করিয়া নয়ন মনের তৃপ্তি সাধন করে।

এই সকল উদ্যান ও পুষ্পবাটিকা ব্যতীত ইংলণ্ডীয় কৃষি ক্ষেত্র গুলিও উল্লেখযোগ্য। এক এক জন নাগরিক ধনী ইংরাজ কৃষি কার্যে লাভবান হইবার জন্ত সমধিক আগ্রহান্বিত থাকেন। ভাল ও পরিপূর্ণবীজ সংগ্রহ, মৃত্তিকা পরীক্ষা, ভূমির কর্ষণ, সময় মত জল সেচন ও নিঃসারণ, সার যোজন, ভূমিভেদে সারের পার্থক্য করণ এবং ক্ষেত্রের উপযোগিতা অনুসারে শস্ত নির্বাচন প্রভৃতি কৃষি সম্বন্ধীয় আবশ্যিক কার্যে অতিশয় অর্থশালী ব্যক্তিগণও নিজের তত্ত্বাবধানে করাইয়া থাকেন। কেবল মাত্র ভৃত্যাদির উপর নির্ভর করিয়া নিশ্চিত থাকেন না। শত শত বিঘা ভূমি লইয়া এক এক জন ইংরাজ কৃষিকার্য্য আরম্ভ করেন। এতদ্বারা বহু শ্রমজীবীও প্রতিপালিত হইয়া থাকে। শ্রমজীবীগণের সহায়তা ব্যতীত কৃষিকার্য্য চলিতে পারেনা। ক্ষেত্রস্বামিগণ শ্রমজীবীগণের সম্বন্ধে ভালরূপ বন্দোবস্ত করিয়া থাকেন। ক্ষেত্রের নিকটেই তাহাদের বাস গৃহ নির্মাণ করিয়া দেওয়া, যোগ্যতা অনুসারে কোনও পুরস্কার বৃদ্ধি করা, তাহাদের খাদ্য সামগ্রী যোগাইবার জন্ত একটি দোকানের বন্দোবস্ত রাখা প্রভৃতি শ্রমজীবীগণের সুখ স্বচ্ছন্দতা বর্দ্ধক সকল প্রকার বন্দোবস্ত করিয়া থাকেন। সুখ স্বচ্ছন্দতা না হইলে শ্রমজীবীগণ একস্থান হইতে অন্য স্থানে যাইতে চাহেন না। সুতরাং মজুরের অভাব হেতু ইংলণ্ডে কোন ক্ষেত্রস্বামীরই কৃষিকার্য্য ছর্ষট হইয়া উঠে না। এইরূপ সকল বিষয়ই সুনিয়মে নিয়মিত থাকে বলিয়া ইংলণ্ডবাসিগণ কৃষি

কার্যেও সমধিক লাভবান হইয়া থাকেন। নগরে বসিয়া চাকরী কিম্বা ব্যবসা করিয়া ইংরাজগণ যেক্রমে লাভবান হইতে পারেন, পল্লীতে বসিয়া কৃষিকার্যেও, আপন আপন অবস্থা ও ব্যয়ের অনুসারে, প্রায় সেইরূপই লাভবান হইয়া থাকেন। শীত প্রধান দেশে, উষর ভূমি ইংলণ্ডেও কৃষিকার্যে লাভ হইয়া থাকে। আর আমাদের সূজলা সূফলা কৃষিপ্রধান ভারতবর্ষে কৃষি ব্যবসায়িগণের ভূবেলা 'ছুমুঠা' অল্পের সংস্থান হয় না। ইহা কি পরি- তাপের বিষয় নহে? মূলধন ব্যতীত কোন কার্যেই সুবিধা হয় না। এখানকার কৃষককুল নিঃস্ব। এবং ধনিগণের এবিষয়ে কোন সহানুভূতি নাই। কাজেই এদেশের এত দুর্দশা।

ইংলণ্ডের ধনী ও শিক্ষিত সম্প্রদায় পল্লীগ্রাম বড় ভালবাসেন, একথা পূর্বেই উল্লিখিত হইয়াছে। এই পল্লীপ্রিয়তায় ইংলণ্ডের মহত্বপূর্ণ সাধিত হইয়াছে। সর্ব প্রকার প্রাকৃতিক সৌন্দর্য্যে পরিপূর্ণ পল্লী আবাসে মধ্যে মধ্যে শিক্ষিত সম্প্রদায় বাস করেন বলিয়া ইংরাজী সাহিত্য অতদূর সৌন্দর্য্যে পরিশোভিত হইয়া উঠিয়াছে। নৈসর্গিক দৃশ্যের নির্জ্বল চিত্তায় ইংলণ্ডীয় কবিদিগের হৃদয় পরিষ্কুরিত হইয়া ইংরাজী সাহিত্য উজ্জলতর আলোকে আলোকিত হইয়াছে। বর্ণনার সূক্ষ্মতার সহিত পারিপাট্য এবং ভাষার প্রাঞ্জলতা দেখিয়া বোধ হয় যেন ইংলণ্ডীয় কবিগণ প্রকৃতির মহিত অতি ঘনিষ্ঠ ভাবে সঙ্গত।

কয়েকটি সূক্ষ্ম সূক্ষ্ম রেখা বর্ণ বিশেষের সহিত সংযুক্ত হইয়া একটা বৃক্ষ পত্রের আকারে পরিণত হইয়াছে। এই রেখাবলী-সমন্বিত কতকগুলি পত্র-সমষ্টিতে একটা পল্লব, পল্লব সমূহের সমবায়ে শাখা প্রশাখা, শাখা প্রশাখার সমষ্টিতে একটা বৃক্ষ। এইরূপ কয়েকটি ক্ষুদ্র বৃহৎ বিভিন্ন জাতীয় পত্র পুষ্প সমাকীর্ণ বৃক্ষের সমবায়ে একটা বন। বৃক্ষের আবার শাখা ও স্কন্দ ভেদে বহুল পার্থক্য। ঋতু ভেদে সেই সমুদায় পত্র পুষ্প ও পল্লবদিগের পরিবর্তন ইংরাজ কবিগণ এই সূক্ষ্ম পত্র রেখা হইতে বৃক্ষ বহুল পর্য্যন্ত অতি সূক্ষ্মানু- সূক্ষ্মরূপে বর্ণনা করিয়া তাঁহাদের কবিতা-নিকুঞ্জ সাজাইয়া দিয়াছেন এবং সেই কবিতা নিকুঞ্জে ষড় ঋতুর সমাবেশও অতি সুকৌশলে রক্ষা করিয়াছেন। ঋতু বিপর্য্যয়ে পত্রাণুসমূহের পরিবর্তন তন্ন তন্ন করিয়া চাক্ষুশ প্রত্যক্ষ না করিলে কল্পনাতে আনিতে পারা যায় না। সুতরাং প্রিয় পুত্র ইংরাজ কবিগণকে প্রকৃতির সহিত অতি ঘনিষ্ঠভাবে সঙ্গত বলিয়াই বোধ হয়।

কবি চশরের (Flower and Leaf) পত্র এবং পুষ্প নামক কবিতা পাঠ করিলে একথার সার্থকতা হৃদয়ঙ্গম হইবে।

সাহিত্যের উৎকর্ষ সাধন ব্যতীত পল্লীপ্রিয়তার কার্যকারিতা অত্যাশ্র অনেক বিষয়ে উপলব্ধ হইয়া থাকে। কার্যক্ষেত্রে ধনিগণ দরিদ্র শ্রমজীবী ও কৃষক শ্রেণীর সহিত নিরন্তর সংলিষ্ট থাকেন। এই নৈরন্তর্য্য সংশ্রবে পরস্পরের প্রতি প্রীতি অনিবার্য্য হইয়া উঠে। শ্রমজীবীগণ ভক্তি শ্রদ্ধা ও স্ব স্ব কার্যদক্ষতা দেখাইয়া ধনিগণের দয়া মমতা আকর্ষণ করিয়া থাকে। তাহাদের অভাব অভিযোগের কারণ সমূহ ধনী ও শিক্ষিতগণের দ্বারা আলোচিত হইয়া সম্বরেই নিরাকৃত হইয়া যায়; সুতরাং জাতীয়ভাব সংঘটনের উপাদান গুলির অক্ষুর এই পল্লীগ্রামেই হইয়া থাকে।

নগরগুলি অহরহ কোলাহলে পরিপূর্ণ থাকে। নগরাভ্যন্তরে জন- বাহুল্য ও পশ্যাদির বাহুল্য নিবন্ধন মানবজীবনের প্রতিকূল এক প্রকার দূষিত বাষ্প সর্বদা উথিত হয়। আজীবন নগরের মধ্যে বাস করিলে শারিরিক স্বাস্থ্য সম্পূর্ণরূপে রক্ষা করিতে পারা যায় না। তাই ইংলণ্ডীয় ধনী নাগরিকগণ পরিস্কৃত বায়ু সেবন জন্ত পল্লী-নিকেতনে কিছু কাল বাস করেন। তথায় কেহ বা উদ্যান পালন, কেহ বা কৃষি সম্বন্ধীয় শ্রমজনক কার্যে স্বয়ং তত্ত্বাবধান করেন বলিয়া তাঁহারা শীতোষ্ণ বন্দ সহিষ্ণু পরিশ্রমে অপরাঙ্গুণ, সবল ও নীরোগ শরীর হইয়া দীর্ঘ জীবন লাভ করিয়া থাকেন। তাঁহাদের সন্তান সন্ততিগণও আদর্শানুযায়ী শ্রমজনক কার্যে দীক্ষিত হইয়া সেইরূপ শ্রমশীল, কষ্টসহিষ্ণু, সবল ও সুস্থশরীর হইয়া দীর্ঘজীবী হইবেন এবং তাঁহাদের পিতৃ পুরুষগণের কার্য ক্ষেত্র অধিকতর প্রসারিত করিয়া থাকেন। জাতীয় চরিত্র গঠন ও সংরক্ষণের উপায় ইহা অপেক্ষা মহৎ ও প্রশস্ত আর কিছু হইতে পারে না। নগরের মধ্যে কুটিলতা, স্বার্থ- পরতা, কপটাচারিতা প্রভৃতি দুষণীয় ভাব সমূহের প্রবাহ অক্ষুণ্ণ প্রবা- হিত থাকে। কত পাপরূপ প্রলোভনের বীভৎস দৃশ্য নিরন্তর অভিনীত হয়। এরূপ স্থানে হৃদয়ে সমধিক বল থাকিলেও অনেকের পক্ষে নৈতিক অধো- গতি অবশ্যস্তাবী হইয়া পড়ে। পল্লীবাসিগণের মধ্যে স্বার্থপরতা, কুটিলতা, বড় একটা পরিলক্ষিত হয় না। কোন প্রকার পাপের প্রলোভনও নয়ন- গোচর হয় না। যদি কিছু দিনের জন্ত পল্লী গ্রামে গিয়া নাগরীয় দুষণীয় ভাব সমূহকে ও নগরের পঙ্কিলময় দৃশ্য গুলিকে চক্ষুর অন্তরাল করিয়া পল্লী-

বাসিগণের সরল ও অমায়িক ব্যবহার, শান্ত ও শিষ্ট স্বভাব এবং বিলাস লালসা-শূন্য কার্যদক্ষতা প্রত্যক্ষ করা যায়, তাহা হইলে নৈতিক উৎকর্ষতা সমধিক পরিবর্দ্ধিত হয়, সন্দেহ নাই। ইংরাজগণ একথা বেশ ভাল রূপে হৃদয়-ঙ্গম করিতে পারিয়াছেন বলিয়া তাঁহারা সহর ছাড়িয়া মধ্যে মধ্যে পল্লীগ্রামে বাস করেন। পল্লী বাসের উপকারিতা ও কার্যকারিতা গুণেই শিক্ষিত ইংরাজগণ জ্ঞানের উচ্চতর সোঁপানে অধিরোহণ করিতে সমর্থ হইয়াছেন; ভাব রাজ্যের বিস্তৃত ক্ষেত্রে রত্ন সদৃশ প্রস্থান নিচয়ের সংগ্রহ করিতে পারিয়াছেন। এবং কর্তব্যনিষ্ঠায় দৃঢ়তা ও স্বাধীন চিন্তার দক্ষতা লাভ করিয়াছেন।

আর ভারতবাসী আমরা, আমরা কেবল ইংরাজের ছাটকোট পোষাক পরিচ্ছদেরই অনুকরণ করিতেছি। ইংরাজ হৃদয়ের শ্রেষ্ঠ গুণ সমূহ বাছিয়া না লইয়া তাঁহাদের যাবতীয় হীনবৃত্তি গুলিকে জীবনের সারতম পদার্থ ভাবিয়া ক্রমশঃ সর্বস্বাস্ত ও অধঃপতিত হইয়া পড়িতেছি।

আমাদের দেশের নগরের ধনী ও মধ্যবিত্ত শ্রেণীর জনগণ কখন পল্লী গ্রাম স্বচক্ষে দেখেন নাই। পল্লীগ্রামের লোকেরা কি কার্য্য করে, কিরূপ পরিচ্ছদাদি ধারণ করে, কি আহার করে, কিরূপ কথাবার্তা কহে, তাহাও হয়ত তাঁহারা জানেনা। স্বর্গীয় লালবিহারী দে মহোদয়ের লিখিত গোবিন্দ সামন্ত নামক পুস্তক পাঠ করিয়া কেহ কেহ পল্লীবাসিগণের অভাব ব্যবহারের কথা জ্ঞাত হইয়া থাকেন। এদেশে পল্লীবাসিগণের সহিত নগর বাসিগণের যখন এত দূর সম্পর্ক, তখন জাতীয় ভাব ও স্বজাতি-প্রীতি আর কিরূপে বর্দ্ধিত হইবে?

পল্লীবাসিগণের মধ্যে অনেকে শিক্ষিত হইয়া অর্থোপার্জনে সমর্থ হইলে আর পল্লীগ্রামে আসেন না, জন্মস্থানের পচাপুকুরের জল পান করিতে অসভ্য অশিক্ষিত কৃষিব্যবসায়িগণের সহিত কথাবার্তা কহিতে তাঁহাদের প্রবৃত্তি হয় না। এক এক জন প্রচুর ধনোপার্জন করিয়া নগরের উন্নতি কল্পে যথেষ্ট অর্থ ব্যয় করিয়া থাকেন। কিন্তু তাঁহার জন্ম স্থানের পচা পুকুরটির পঙ্কোদ্ধার করিয়া দিয়া গ্রামবাসীগণের উপকার করিতে কার্পণ্য প্রকাশ করিয়া থাকেন।

এদেশের জমিদার সম্প্রদায়ও একেবারে সহরবাসী হইয়া উঠিয়াছেন। পল্লীগ্রামের নামে তাঁহারা নাসিকা কুঞ্চিত করিয়া থাকেন। কিন্তু ইহাতে

তাঁহাদের সম্মানের লাঘব ব্যতীত বৃদ্ধি হয় না। অবনতি ব্যতীত উন্নতি হয় না। নগর-বাসে পল্লী সমূহের প্রজামণ্ডলীর সহিত তাঁহাদের ঘনিষ্ঠতা ঘুচিয়াছে, সুতরাং তাঁহারা আর প্রজাবর্গের সুখ দুঃখের প্রতি লক্ষ্য রাখেন না। প্রজাবর্গেরও হৃদয় হইতে ভক্তি প্রীতি তিরোহিত হইয়াছে। কারণ তাহারা জমিদারের সুখ কখনও দেখিতে পায় না, কেবল কর্মচারীর দ্বারাই জ্বালাতন হইয়া থাকে।

ব্যবসা কার্যের জন্ত, চাকুরীর জন্ত অথবা শ্রেণীর লোক নগরে বাস করিতে বাধ্য হয়। কিন্তু আমাদের জমিদার সম্প্রদায় এক মাত্র বিলাস লালসার পরিতৃপ্তির জন্ত নগরে বাস করিয়া থাকেন। উহাতে কুফল ব্যতীত সুফল কখনও প্রসব করে না। আজীবন নাগরীয় বিলাসের ক্রোড়ে লালিত ও বর্দ্ধিত হইয়া জমিদারগণ সম্মান সমৃতি সহ সকল বিষয়েই অপারগ হইয়া পড়িয়াছেন। একটু শীতল বাতাস বহিলেই তাঁহাদের পাত্র বেদনা উপস্থিত হয়। একটু রৌদ্রের উত্তাপে বাহির হইলে মস্তক ঘূর্ণিত হইতে থাকে। উপরন্তু দূষিত বায়ু পূর্ণ সহরের মধ্যে চিরজীবন অতিবাহিত করার জন্ত তাঁহাদের স্বাস্থ্যও ভয় হইয়া যায়। চিকিৎসকের অধীনে থাকিয়া ঔষধ সেবন ও পথ্যাদির নিয়ম সংরক্ষণ করিতে করিতে তাঁহাদের জীবন বিষময় হইয়া উঠে। অতুল ঐশ্বর্যের অধিপতি হইয়াও তাঁহারা জীবনে অসুখী। এ দিকে আবার সকল রকম বিলাতী চাল চলনে তাঁহারা পরিচালিত, বিলাতী আসবাবে তাঁহাদের গৃহাদি সজ্জিত, কিন্তু বিলাতের লোকেরা যে ভাবে চলিয়া স্বাস্থ্য রক্ষা করিয়া থাকেন, সে বিষয়ে তাঁহাব সম্পূর্ণ উদাসীন।

এদেশের এক এক জন ঐশ্বর্যশালী ব্যক্তির নগরোপকর্মে এক একটা সখের উদ্যান আছে বটে। কিন্তু কয়জন ব্যক্তি গাছ বীজ চারা প্রভৃতির উন্নতি সাধনের জন্ত তত্ত্বাবধান করেন, কয়জন ব্যক্তি উদ্যানের তত্ত্বাবধান কালে শারীরিক শ্রম স্বীকার পূর্বক পরিষ্কৃত বায়ু সেবন করিয়া স্বাস্থ্য রক্ষা করিয়া থাকেন? সে উদ্যান গুলিত গার্ডেন পার্টি নামক কলঙ্কিত সমিতির জঘন্য আমোদ প্রমোদের ক্রীড়া স্থল। আমাদের ভারতবর্ষ একটা বিস্তৃত সাম্রাজ্য। এখানে নগরের সংখ্যা অধিক নহে। পল্লীর সংখ্যাই অধিক। দেশের শিক্ষিত ও ধনী সম্প্রদায়ের অধিকাংশ যখন নগরেই বাস করেন, যখন তাঁহারা পল্লীগ্রামের সহিত কোন সংগ্রহই রাখেন না, তখন তাঁহারা এদেশের অসংখ্য পল্লীবাসিগণের সুখ দুঃখ, অভাব

অভিযোগাদির কোন কথাই জানিতে পারেন না। যখন দেশের লোকে দেশের সংবাদ অপরিজ্ঞাত, তখন বিদেশীয় রাজা এদেশের অবস্থা কিরূপে জ্ঞাত হইবেন? শুদ্ধ নগরে বসিয়া থাকিলে ভারতের দারিদ্র্যের কারণ নির্ণীত হইবে না। যখন পল্লী বাসিগণের সহিত নগরের অধিবাসিগণের ঘনিষ্ঠতা হইয়া পরস্পরের প্রতি প্রীতি সংস্থাপিত হইবে, তখন ভারতের দুঃখ দুর্দশার অবসান সম্ভব হইবে। নতুবা সমস্ত আশা সুদূরপর্যন্ত থাকিবে।

শ্রীজ্যোতিঃপ্রসাদ সিংহ ।

হিন্দু ধর্ম তত্ত্ব ।

অতীত দেশের ধর্ম যে রূপ মনুষ্য-কল্পিত বিধিবাক্য মাত্র ও সমাজরক্ষাই যেমন তাহার মুখ্য উদ্দেশ্য, হিন্দুধর্ম সেরূপ কাল্পনিক পদার্থ নহে; এবং “চুরি করিও না, মিথ্যা কথা বলিও না” ইত্যাকার দুই চারিটা আজ্ঞার নামও হিন্দুধর্ম নহে। এই ধর্ম সংসার-জ্ঞানস্বরূপ বেদমূলক প্রাকৃতিক পদার্থ; অর্থাৎ ইহা মানব জাতির প্রকৃতির সহিত, অস্তিত্বের সহিত একেবারে গ্রথিত। ফলতঃ হিন্দুধর্মের প্রত্যেক সিদ্ধান্তই ভারতীয় মানব প্রকৃতির অনুমোদিত বলিয়া, কালশক্তির প্রভাবে নানাপ্রকার গুরুতর বিপ্লব বাধা পাইলেও এখনও ইহার অস্তিত্ব এককালীন বিলুপ্ত হয় নাই; কখন যে হইবে, তাহারও সম্ভাবনা নাই। এবং ইহা সাধারণ মানবজাতির ধর্ম বলিয়াই খৃষ্টানধর্ম, মুসলমান ধর্ম ও ব্রাহ্মধর্ম প্রভৃতির গায় ইহার স্বতন্ত্র কোন নাম নাই; হিন্দু ধর্ম সনাতন ধর্ম নামেই অভিহিত হইয়া থাকে। এখন দেখা যাউক, ধর্ম কাহাকে বলে?

সংস্কৃত ব্যাকরণের বিধানমতে অবস্থানার্থ ‘ধ্ব’ ধাতুর উত্তর মন্ প্রত্যয় করিয়া ধর্ম পদ সাধিত হয়; অর্থাৎ যাহা থাকাতেই বস্তুর বস্তুত্ব, ও যাহা না থাকিলে বস্তুর অবস্থিতি থাকিতে পারে না, যাহা বস্তুর প্রকৃতি স্বরূপ বা গুণ স্বরূপ, তাহাই তাহার ধর্ম। যেমন অগ্নির ধর্ম দাহিকা শক্তি; যেমন জলের ধর্ম শৈত্য; সেইরূপ মানবের ধর্ম বলিলে, যে শক্তি বিশেষ বা গুণ বিশেষ থাকাতে আমরা মনুষ্য, ও পশাদি ইতর জীব অপেক্ষা পৃথক, সেই

শক্তি বা গুণবিশেষকেই মানবের ধর্ম বলিয়া বুঝিতে হইবে। এবং ইহাও বুঝিতে হইবে যে, যেমন দাহিকা শক্তি না থাকিলে, অগ্নির অগ্নিত্ব ও শৈত্য গুণ না থাকিলে, জলের জলত্ব থাকিতে পারে না, তদ্রূপ মানবীয় ধর্মশক্তি না থাকিলে, মনুষ্যের মনুষ্যত্বই থাকিতে পারে না।

উপরে যে শক্তি বা গুণবিশেষকে মানবের ধর্ম বলা হইল, বাস্তবিক সেটা কি পদার্থ; এক্ষণে তাহারই আলোচনা করা যাইতেছে। আমরা প্রত্যক্ষ অনুভব করিতে পারিতেছি যে, মানব দেহে জীবাগ্নার শক্তি সকল প্রধানতঃ দুই ভাগে বিভক্ত হইয়া দেহের অভ্যন্তরে ও বাহিরে ক্রিয়া করিতেছে। সংখ্যায় বহু হইলেও মূলে কিন্তু দুইটা শক্তি হইতেই ঐ সমস্ত শক্তির উদ্ভব হইয়াছে। অর্থাৎ ঐ দুইটা শক্তিই বিভিন্ন ক্রিয়া সাধনের সময় বিভিন্ন নামে অভিহিত হইয়া থাকে। ইহার একের নাম নিরোধ শক্তি ও দ্বিতীয়ের নাম ব্যুত্থান শক্তি। যে শক্তি দ্বারা মন, বুদ্ধি ও ইন্দ্রিয়া-দির চাঞ্চল্য ও বিষয়াভিমুখী গতি বা বাহ্য বিষয়ে পরিচালনা, অবরুদ্ধ হইয়া স্থির ভাব প্রাপ্ত হয়, তাহার নাম নিরোধশক্তি বা ধর্ম শক্তি। আর যে শক্তির বলে উহার বাহ্য বিষয়ে পরিচালিত ও দর্শন শ্রবণাদির জন্ত প্রেরিত হয়, তাহারই নাম ব্যুত্থান বা অধর্ম শক্তি। ধর্মশব্দের যোগার্থ দ্বারা যদিও এই ব্যুত্থান শক্তিকে ধর্ম বলা যাইতে পারে, কিন্তু নানা প্রকার নিষিদ্ধ অনুষ্ঠান দ্বারা ব্যুত্থান শক্তি হইতেই ঈর্ষা, অসুখা, হিংসা, দ্বেষ, ক্রোধ, ও অভিমান প্রভৃতি পাপ বা কুৎসিত গুণ সমুৎপন্ন হয় বলিয়া ইহা অধর্ম বা অপধর্ম নামেই কথিত হইয়া থাকে।

নিরোধশক্তি ও ব্যুত্থানশক্তির ক্রিয়া প্রণালী বুঝাইবার জন্ত একটা দৃষ্টান্ত দিব। মনে কর, তুমি অপর ব্যক্তির উদ্ভানে বেড়াইতে গিয়া দেখিতে পাইলে যে, একটা লোভনীয় সুপক্ক আম্রফল বৃক্ষশাখায় ঝুলিতেছে। দেখিবা মাত্র তোমার মন, ঐ আম্রটা লইবার জন্ত তৎক্ষণাৎ আত্মের প্রতি আকৃষ্ট হইয়া সেই দিকে ধাবিত হইবে। কিন্তু তোমার দেহের মধ্যে আর যে একটা প্রতিদ্বন্দ্বী শক্তি আছে, দ্বারা ঐ কাষের দোষ গুণের বিচার করিয়া ও আম্রটা না লইয়াও মনের ঐ পরদ্রব্য গ্রহণের প্রবৃত্তিকে তুমি দমন করিতে পার। এই স্থানে যে শক্তির ক্রিয়া দ্বারা আম্র গ্রহণে তোমার মন প্রথমে আকৃষ্ট ও ধাবিত হইয়াছিল, তাহার নাম ব্যুত্থান শক্তি ও যে শক্তির দ্বারা তুমি মনকে নিরুদ্ধ করিতে পারিলে, সেই শক্তির নামই নিরোধশক্তি।

পশ্বাদি ইতর জীবের দেহে কেবল মাত্র ব্যুথানের ক্রিয়া হয় ; নিরোধশক্তি তাহাদের শরীরে এত অল্প মাত্রায় আছে যে, তদ্বারা কোন ক্রিয়া সাধনই হইতে পারে না। যেমন—কোন পশুর পরকীয় খাদ্য ক্ষেত্রে গিয়া খাওয়াইবার জন্ত যদি মন আকৃষ্ট হয়, তাহা হইলে সে কোন বাধাবিহীন না মানিয়া তৎক্ষণাৎ তাহা খাইতে আরম্ভ করিবে। কেননা, নিরোধ শক্তির অভাব বশতঃ মনোবৃত্তিকে নিরুদ্ধ বা আটক করিবার সামর্থ্য তাহার নাই। বোধ হয়, কেবল এই একটী মাত্র দৃষ্টান্ত দ্বারাই ব্যুথান ও নিরোধ শক্তির ক্রিয়া প্রণালী এখন তুমি বুঝিতে পারিবে। বলা বাহুল্য যে, এই নিরোধ শক্তি বা ধর্মশক্তির বীজ এক মাত্র মানবাত্মায় পূর্ণ মাত্রায় নিহিত আছে ; এবং এই শক্তি আছে বলিয়াই মানব পশ্বাদি ইতর জীব অপেক্ষা শ্রেষ্ঠতালভ ও তাহাদের উপর প্রভুত্ব স্থাপন করিয়া তদ্বারা জগতের নানা উপকার সাধন করিতেছে। সুতরাং এই নিরোধশক্তি মানবের প্রকৃতি স্বরূপ বা গুণ স্বরূপ হওয়াতেই তাহা মানবের ধর্ম নামে অভিহিত হইয়া থাকে।

পূর্বেক্ত একমাত্র নিরোধ শক্তিই কার্য্য ভেদে প্রধানতঃ দশ প্রকার ধর্মরূপে দশ নামে বিভক্ত হইয়া থাকে। কিন্তু তন্মধ্যে ঐ নিরোধ শক্তি হইতে উৎপন্ন আরও বহুসংখ্যক ধর্ম আছে, যাহাদের স্বতন্ত্রভাবে কোন নাম নাই ; শাস্ত্রে সেগুলি অপূর্ণ নামেই কথিত হইয়াছে। যাহা হউক, যে ধর্মগুলির বিশেষ বিশেষ নাম আছে, এখানে আপাততঃ তাহারই আলোচনা করা যাইতেছে। ঐ দশ প্রকার ধর্ম এই এই—

“ধৃতিঃ ক্ষমা দমোহস্তেয়ঃ শৌচমিন্দ্রিয়নিগ্রহঃ।

ধীবিদ্যা সতামক্রোধো দশকং ধর্মলক্ষণম্।” মনুঃ ।

অর্থাৎ ধৃতি, ক্ষমা, দম, অস্তেয়, শৌচ, ইন্দ্রিয়নিগ্রহ, ধী, বিদ্যা, সত্য ও অক্রোধ। ফলতঃ এই দশ প্রকার লক্ষণযুক্ত ধর্মই যে একমাত্র নিরোধ শক্তির কার্য্যভেদে অবস্থা ভেদ মাত্র, সেই কথাটা বুঝাইবার জন্ত ঐ দশটী ধর্মের মর্মার্থ সংক্ষেপে নিম্নে লিখিত হইতেছে।

১। ধৃতি অর্থে ধারণা করা বা স্মরণ রাখিবার শক্তি বিশেষ।

২। ক্ষমা শক্তি। কেহ অপকার বা অপমান করিলে, ব্যুথান শক্তির বলে তৎক্ষণাৎ তাহার প্রতিবিধান করিবার জন্ত স্বভাবতই মনের প্রবৃত্তি হয়। সেই প্রবৃত্তিকে যে শক্তি দ্বারা দমন করিতে পারা যায়, তাহার নাম ক্ষমা শক্তি।

৩। দম শক্তি। শোকতাপাদি দ্বারা যখন চিত্তের বিকৃতি উপস্থিত হয়, তখন যে শক্তির বলে তাহাকে দমন করিতে পারা যায়, তাহারই নাম দমশক্তি।

৪। অস্তেয়। অবিধি পূর্বক পরস্বহরণের প্রবৃত্তিকে যে শক্তির দ্বারা নিরুদ্ধ করা যায়, তাহার নাম অস্তেয়।

৫। শরীর ও মনের নির্মলতা সাধনের নামই শৌচ। শৌচ দ্বিবিধ। বাহ্য শৌচ ও অন্তঃশৌচ।

৬। ইন্দ্রিয় নিগ্রহ। আমাদের ইন্দ্রিয় সকল অনবরত চঞ্চল ভাবে নানা বিষয়ে সঞ্চালিত হইতেছে ; যে শক্তির সাহায্যে তাহাদের চাঞ্চল্য ও বিষয়াভিমুখী গতি অবরুদ্ধ করিতে পারা যায়, তাহার নাম ইন্দ্রিয় নিগ্রহ।

৭। ধী শক্তি। শাস্ত্রাদি আলোচনা দ্বারা পদার্থের স্বরূপ তত্ত্ব নির্ণয় (যে তত্ত্ব ভ্রম প্রমাদ থাকিবে না) যে শক্তির বলে সম্পাদিত হয়, তাহার নাম ধীশক্তি।

৮। বিদ্যা। যে শক্তি বিশেষের দ্বারা জীবায়া ও পরমাত্মার স্বরূপ জ্ঞান লাভ হয়, আপনাকে দেহ সকল (স্থলদেহ, লিঙ্গদেহ ও কারণ দেহ) হইতে পৃথক পদার্থ বলিয়া বুঝা যায় এবং ইন্দ্রিয়, মন, বুদ্ধি, অভিমান প্রভৃতি অন্তরস্থ পদার্থ সকল পৃথক পৃথক রূপে মানস-প্রত্যক্ষ হইয়া থাকে, তাহারই নাম বিদ্যা।

৯। সত্য। শরীর, মন ও বাক্যদ্বারা যথার্থ আচরণ করার নাম সত্য।

১০। অক্রোধ। যে শক্তির বলে ক্রোধকে নিরুদ্ধ করা যায়, তাহারই নাম অক্রোধ শক্তি।

এই দশ প্রকার লক্ষণযুক্ত ধর্মশক্তির মধ্যে ধৃতি শক্তির যে সংক্ষিপ্ত মর্মার্থ লিখিত হইয়াছে, বোধ হয়, তৎপাঠে তুমি ধৃতির ক্রিয়া প্রণালী বুঝিতে পারিবে না। অতএব কথাটা পরিষ্কার করিয়া বুঝান আবশ্যিক। কোন একটী বিষয় বা ব্যাপার একবার মাত্র দেখিয়া বা শুনিয়া, সাধারণতঃ ইন্দ্রিয়ের ক্রিয়া নিবৃত্ত হয় না ; পুনঃপুনঃ দর্শন বা শ্রবণ জন্ত চাঞ্চল্য উপস্থিত হয়। এইরূপ স্থলে, যদি ঐ দর্শনীয় বা শ্রবণীয় বিষয়ের উপর মন ও ইন্দ্রিয় শক্তিকে কিয়ৎকালের জন্ত নিরোধ (আটক) করা যায়, তাহা হইলে সেই ক্রিয়ার একটী সংস্কার (স্মরণ জনক শক্তি বিশেষ) এমন ভাবে মনোমধ্যে অঙ্কিত হইয়া যায় যে, তাহা চিরকালের জন্ত স্মৃতি-

রূপে মনেই অবস্থিতি করে। কিন্তু দৃষ্ট বা শ্রুত আদি বিষয়ের উপর মনকে নিরুদ্ধ করিতে না পারিলে, মনোমধ্যে তাহার ভাল সংস্কার পড়ে না; সুতরাং সে বিষয়টি স্মরণও থাকে না। মনে কর, অণু তুমি আমাকে প্রথম দর্শন করিতেছ। এইরূপ স্থলে, যদি তুমি তোমার দৃষ্টিশক্তি ও মনকে ক্রিয়াকালের জন্ত অণু দিকে ঘাইতে না দিয়া, আমার অবয়বটির উপর নিরোধ কর, তাহা হইবে আমার অবয়বের প্রতিবিম্ব তোমার মনোমধ্যে ফটোগ্রাফের স্তায় অঙ্কিত হইবে ও উহা সংস্কার বা স্মৃতিরূপে তোমার মনোমধ্যেই চিরকালের জন্ত থাকিয়া যাইবে। আবার যখন যখন আমার সহিত সাক্ষাৎ ঘটিবে, তখন তখনি ঐ স্মৃতিরূপে সংস্কারের বলে, তুমি আমাকে চিনিতে পারিবে। কিন্তু তুমি বহু জনতাপূর্ণ হাতে গিয়া একই সময়ে অসংখ্য লোকের প্রতি দৃষ্টিপাত করিলে; এখানে তোমায় দর্শন শক্তিকে হাটস্থিত প্রত্যেক মনুষ্যের অবয়বের উপর এককালীন নিরোধ করিবার উপায় নাই বলিয়াই, উহাদের প্রত্যেক ব্যক্তির অবয়বের সংস্কার তোমার মনোমধ্যে সুস্পষ্টরূপে পড়িবে না; সুতরাং উহাদিগকে তোমার স্মরণও থাকিবে না। অতএব বুঝা গেল যে, ধৃতিশক্তি নিরোধ শক্তিরই অবস্থাভেদ মাত্র।

উপরে সংক্ষেপে যে দশ প্রকার ধর্মশক্তির বর্ণনা করা গেল, ইহারা প্রত্যেক নিরোধ শক্তিরই প্রকার ভেদ মাত্র; অর্থাৎ একমাত্র নিরোধ শক্তি হইতেই ঐ সমস্ত ধর্মের উৎপত্তি হইয়াছে। এই দশ প্রকার ধর্মের মধ্যে আবার আত্ম-জ্ঞানই সর্বাপেক্ষা পরম ধর্ম। কারণ “আমি” বা আত্মতত্ত্ব-জ্ঞানের উদয় হইলে, মনুষ্যের উন্নতি চরমাবস্থা প্রাপ্ত হয়; মনুষ্য কৃতকার্য হয়। শাস্ত্র বলিয়াছেন,—

“অয়ন্ত পরমো ধর্মো যদ্বোগেনাত্ম-দর্শনম্।”

যাজ্ঞবল্ক্য।

অর্থাৎ যোগ সাধনা দ্বারা আত্মদর্শন করাই পরম ধর্ম। বলা বাহুল্য যে, পূর্বোক্ত দশপ্রকার ধর্মের অনুষ্ঠান করিতে করিতে ক্রমে ক্রমে শ্রদ্ধা, ভক্তি, প্রেম, দয়া, সন্তোষ, বৈরাগ্য ও ঔদাসীন্য প্রভৃতি আরও অনেক গুলি ধর্মের স্ফূরণ হয়। নিরোধশক্তির কার্য্য বলিয়া, এগুলিও ধর্ম নামে অভিহিত হইয়া থাকে। কিন্তু পূর্বোক্ত দশ প্রকার ধর্মের কল

স্বরূপ বিধায়, ইহাদিগকে স্বতন্ত্রভাবে মূলের মধ্যে ধরা হয় নাই। যাহা হউক শাস্ত্র আরও বলিয়াছেন যে,—

“চতুর্ভিরপি চৈবৈতৈর্নিত্যমাশ্রমিতির্বিজৈঃ।

দশলক্ষণকো ধর্মঃ সেবিতব্যঃ প্রযত্নতঃ ॥”

অর্থাৎ ব্রহ্মচারী, গৃহস্থ, বনবাসী ও ভিক্ষুক এই চারি আশ্রমের বিজাতিরাই (বিজাতি শব্দে যজ্ঞোপবীতধারী ব্রাহ্মণ, ক্ষত্রিয় ও বৈশ্য মাত্রকেই বুঝায়) একান্ত যত্ন সহকারে এই দশ প্রকার ধর্মের সেবা করিবেন। এখন বুঝিতে হইবে যে, পূর্বে যে নিরোধশক্তির ধর্ম বলা হইয়াছে, তাহা ‘কারণ-ধর্ম’ এবং এখন ধৃতি আদি যে সকল ধর্মের ব্যাখ্যা করা হইল, তাহা ‘কার্য্য ধর্ম’ মাত্র। এই কারণ-ধর্ম ও কার্য্য-ধর্মের বীজ মনুষ্যাত্মার থাকে বলিয়াই, ইহা সাধারণ মানবের ধর্ম নামে অভিহিত হইয়া থাকে।

উক্ত ধর্ম ও অধর্মের দ্বিবিধ অবস্থা আছে; এক, বিকাশিত অবস্থা, আর এক লীন অবস্থা। যখন উহাদের বিকাশিত অবস্থা হয়, তখন উহাদিগকে ‘প্রবৃত্তি’ বা ‘বৃত্তি’ বলে; আবার যখন লীন অবস্থা হয়, তখন তাহাদের নাম সংস্কার। ধর্মাদর্শনের বিকাশাবস্থার কার্য্য সুস্পষ্ট-রূপে দৃষ্ট বা অনুভূত হয়; কিন্তু লীন বা সংস্কারাবস্থার কার্য্য অতীত সূক্ষ্ম বলিয়া, তাহা সুস্পষ্ট বুঝা যায় না। হয় ত সময়ে সময়ে কিছুমাত্র অনুভবেই আইসে না। মনে কর, ভক্তি একটি ধর্ম; ইহা যখন মনোমধ্যে বিকাশিত হয়, তখন দেহের মধ্যে ইহার কার্য্য সুস্পষ্টরূপে অনুভূত হইয়া থাকে। আবার যখন ঐ ভক্তির ভাবটি বিলীন হইয়া সংস্কারাবস্থায় থাকে, তখন আর কিছুমাত্র অনুভব হয় না। আরও দেখ, ক্রোধ একটি অধর্ম; ইহা যখন মনোমধ্যে বিকাশিত হয়, তখন চক্ষুরয়ের রক্তিমাকার ও ফুস্ফুসাদির বেগবতা বিলক্ষণরূপে লক্ষিত হইয়া থাকে, কিন্তু ক্রোধ-বৃত্তির লীনাবস্থায় কিছুই অনুভূত হয় না।

উপরে বর্ণিত ভক্তিরূপ ধর্ম ও ক্রোধরূপ অধর্মের লীনাবস্থার কথা শুনিয়া, তুমি যেন এমন মনে করিও না যে, উক্ত ভক্তি ও ক্রোধ এক বার মাত্র মনোমধ্যে উদ্ভিত হইয়াই, তাহা চিরকালের জন্ত অন্তর্হিত হইয়া গেল; কিন্তু বাস্তবিক তাহা যায় না। কেন না যখন প্রত্যক্ষ দেখা যাইতেছে যে, বালককালের অভ্যস্ত ক, খ, অথবা কত গদ্য পদ্য এখনও

মনে আছে; যাহা একবার দেখিয়াছি, একবার শুনিয়াছি ও একবার ভাবিয়াছি, এমন অনেক কথা মনে আছে; উত্তেজক কারণ পাইলেই ঠিক স্মরণ হয়; তখন ইহা নিশ্চিতরূপে বলা যাইতে পারে যে, আমাদের মনে যতপ্রকার প্রবৃত্তির বিকাশ হয়, তাহার কোনটাই একবারে বিনষ্ট বা অস্তহিত হয় না; উহা সূক্ষ্মভাবে সংস্কাররূপে মনোমধ্যে থাকিয়া যায়। যদি মনের ক্রিয়া বিকাশিত হইয়া, পরক্ষণেই তাহা একেবারে বিনষ্ট হইত, তাহা হইলে আমরা শত চেষ্টা করিয়াও পূর্ব পূর্ব ঘটনা স্মরণ করিতে পারিতাম না।

বলা বাহুল্য যে, সকল প্রকার ধর্ম ও অধর্মেরই এইরূপ ঘটনা হইয়া থাকে। মমোবৃত্তি মাত্রেরই ক্রিয়া প্রণালী ঐ একই রূপ। দর্শনশাস্ত্রের স্থিরতর সিদ্ধান্ত এই যে,—

“নাসহুৎপাদো নৃশৃঙ্গবৎ”। “নাশঃ কারণঃ লয়ঃ”।

অর্থাৎ যাহা নাই, তাহা কদাচ উৎপন্ন হইতে পারে না এবং যাহা আছে, তাহাও এককালীন বিনষ্ট হয় না। ফলতঃ সমস্ত বস্তু, সমস্ত শক্তি ও সমস্ত ক্রিয়াই এক একটা মূল বস্তু বা মূল শক্তি হইতেই বিকাশিত হইয়া থাকে; এবং ইহাকেই উৎপত্তি বলে। আবার নাশের সময়েও কেবল মাত্র সূক্ষ্মাবস্থায় বিলীন হয়। সুতরাং ঐ নিয়মানুসারে আমাদের ধর্মাধর্মও এক একটা মূল ধর্ম ও অধর্ম হইতেই বিকাশিত হইয়া, পরিশেষে তাহা সূক্ষ্মভাবে সংস্কাররূপে মনোমধ্যে অবস্থিতি করিয়া থাকে। যদি জীবাত্মার বৃত্তিগুলি সংস্কাররূপে না থাকিত, তাহা হইলে আমার “আমি” হ্র বা অস্তিত্ব থাকিত না। কেন না অসংখ্য সংস্কার-রাশির উপরেই ত আমার “আমি” হ্র ও মনের অস্তিত্ব অবস্থিত। শাস্ত্র আরও বলিয়াছেন,—

“সংস্কার সাক্ষাৎ করণাৎ পূর্বজাতি জ্ঞানম্।”

পাতঞ্জাল দর্শনম্।

“দ্বয়ে খল্বমী সংস্কারাঃ স্মৃতি ক্লেশহেতবো বাসনারূপাঃ বিপাকহেতবো ধর্মাধর্মরূপাস্তে পূর্বভবাভি সংস্কৃতাঃ পরিণামচেষ্টা নিরোধশক্তি জীবনশক্তি-বদপন্ধিদৃষ্টীঃ চিত্তধর্ম্মাঃ ॥”

বেদব্যাঙ্গ-ভাষ্যম্।

অর্থাৎ আমাদের মনে যে কোন শক্তি বা ক্রিয়ার বিকাশ হয়, তাহা হইতে দুই প্রকার সংস্কার সঞ্চিত হইয়া থাকে। তন্মধ্যে যে জাতীয় সংস্কার

গুলি স্মরণ বা অবিদ্যাতির কারণ, তাহাদের নাম বাসনা; আর যে জাতীয় সংস্কারগুলি আমাদের জন্ম, আয়ু ও ভোগের কারণ, তাহাদের নাম ধর্ম ও অধর্ম। এই সকল সংস্কার পূর্বকার ক্রিয়া দ্বারা গঠিত হইয়া থাকে, যেমন পরিণাম শক্তি, চেষ্টা শক্তি ও জীবনী শক্তি প্রভৃতি শক্তিগুলি প্রত্যক্ষীভূত হয় না, তদ্রূপ পূর্বোক্ত সংস্কারগুলিও কোন প্রকারে অনুভূত হয় না। যাহা হউক, যাগ যজ্ঞাদি কোন বিহিত ক্রিয়া অথবা নর হত্যাদি কোন অবিহিত ক্রিয়া দ্বারা মনোমধ্যে যে সকল সংস্কার পড়ে, সেই সকল সংস্কারের নামই ধর্মাধর্ম-স্বরূপ ‘অদৃষ্ট’ বা ‘অপূর্ব’। তন্মধ্যে যেগুলি অমঙ্গলজনক গুণের (অধর্মের) সংস্কার, তাহার ‘হ্রদৃষ্ট’; আর যে গুলি উন্নতি বা সুখসাধক গুণের (ধর্মের) সংস্কার, তাহার নাম ‘শুভাদৃষ্ট’। আবার এই ‘হ্রদৃষ্ট’ ও ‘শুভাদৃষ্টেরই নামান্তর পাপ ও পুণ্য।

পূর্বোক্ত ধর্ম ও অধর্মবৃত্তির ক্রিয়া প্রণালী পরস্পর ঠিক বিপরীত। অর্থাৎ ধর্মবৃত্তির গতি উদ্ধৃতিমুখে ও অধর্মবৃত্তির গতি নিম্নাভিমুখে হইয়া থাকে। ধর্মবৃত্তি যতই উদ্ধৃতিমুখী হয়, ততই বলবতী ও অধর্মবৃত্তি নিম্নাভিমুখে যতই যাইবে, ততই বেগবতী হইবে। ধর্ম প্রবৃত্তির উদ্দীপন কালে স্নায়ুগুণের অগুরাশিরমধ্যে যে কম্পন বিশেষ উৎপন্ন হয়, তাহা অন্তর্মুখীন এবং অধর্মবৃত্তির উত্তেজনা কালে ঐ স্নায়ুর কম্পন বহিমুখীন হইয়া থাকে। এই নিমিত্ত ধর্ম প্রবৃত্তিকে “উদ্ধৃতিশ্রোতস্বিনী প্রবৃত্তি” ও অধর্মবৃত্তিকে “অধঃ-শ্রোতস্বিনী প্রবৃত্তি” বলা গিয়া থাকে। ফলতঃ যাহারা সাধনার অনুষ্ঠান করেন, তাহাদের সর্বদাই “উদ্ধৃতিশ্রোতস্বিনী প্রবৃত্তি” হইয়া থাকে। শাস্ত্র বলিয়াছেন যে,—

“ধর্মেণ গমনমুর্দ্ধং গমনমধস্তাদ্ভবত্যধর্মেণ ॥”

অর্থাৎ ধর্মবৃত্তির পরিচালনা দ্বারা আত্মার উদ্ধৃতি ও অধর্মবৃত্তির চালনা দ্বারা অধোগতি হইয়া থাকে।

শ্রীপ্রসন্নকুমার চট্টোপাধ্যায়।

জীবনী সংগ্রহ।

(৩)

আরাজীবের মাতা।

দিল্লীখর আরাজীবের মাতার অনেকগুলি নাম ছিল। তন্মধ্যে “আজ্জ-মন্দবানু” “মমতাজ-ই-জিমানী” এবং “মমজাত মহল” এই তিনটি নাম ইতিহাস প্রসিদ্ধ। ইনি বিদ্যাবতী ছিলেন কিনা, তাহার পরিচয় পাওয়া যায় না, তবে নৃত্যগীত-নিপুণা এবং সুন্দরী ছিলেন, তাহার যথেষ্ট পরিচয় পাওয়া যায়।

ইহার পিতার নাম “আসফ খাঁ।” আসফ খাঁ, ভারত-বিখ্যাত নুর জাহানের ভ্রাতা ছিলেন। ইহার প্রথম বিবাহ হয়, জামাল খাঁ নামক এক মোগল ওমরাহের সহিত। কিন্তু ইনি প্রথম পক্ষের স্বামী জীবিত থাকাসত্ত্বে দ্বিতীয় দার পরিগ্রহ করিয়াছিলেন।

প্রবাদ এইরূপ যে, মোগল বাদসাহদিগের অস্তঃপুরে প্রতি বৎসর স্ত্রীলোকদিগের এক মেলা বসিত। সেই মেলায় বহু দেশ বিদেশের স্ত্রীলোকেরা আসিয়া দ্রব্যাদি ক্রয় বিক্রয় করিতেন, এই শ্রেণীর মেলায় পুরুষ প্রবেশ নিষেধ ছিল, কেবল আমীর ওমরাহেরা এবং নবাব প্রভৃতি মেলায় প্রবেশ করিবার পরওয়ানা পাইতেন। মেলার নাম ছিল “খোস রোজা।” দিল্লীতে এই প্রকার এক খোসরোজের দিনে “তাজবিবি” দ্রব্য বিক্রয় করিতে গিয়াছিলেন। এই অবকাশে কুমার খরমের সঙ্গে ইহার প্রথম পরিচয় হয়। তৎপরে কুমার খরম তাঁহাকে বাটীতে নিমন্ত্রণ করিয়া লইয়া যান, তৎপর দিন ইনি খরমকে বিবাহ করেন। কুমার খরমেব অপর নাম ছিল “শাহ জাহান।”

যুবরাজ শাহজাহান দিল্লীখর হইলে, ইনি দিল্লীর সিংহাসনে বসিয়া দিল্লীখরী হইয়াছিলেন। যাহা হউক, শাহজাহানের ঔরষে ইহার চারিপুত্র এবং দুই কন্যা হইয়াছিল। শেষে এক কন্যা প্রসব করিয়া ইনি স্মৃতিকা গৃহে ব্যাধিগ্রস্ত হইলেন, এবং সেই ব্যাধিতেই ইহার মৃত্যু হয়। “মমতাজ-ই-জিমানী”র প্রথম পুত্রের নাম কুমার দারা, দ্বিতীয় পুত্র যুবরাজ সুজা, তৃতীয়

পুত্র মুরাদ এবং সর্ব কনিষ্ঠ পুত্র দিল্লীখর আরাজীব।” প্রথমা কন্যার নাম “জেহান আরা” বা “বেগম সাহেব” এবং দ্বিতীয়া কন্যা “রসিনারা।” এই কন্যাদ্বয়ও রাজনৈতিক ক্ষেত্রে সকলের বিশেষ পরিচিতা।

যাহা হউক, ইহার মৃত্যুর পরে সমাধি ক্ষেত্রের উপর যুবরাজ শাহজাহান যে অট্টালিকা প্রস্তুত করেন, সেই বাটীর নাম জগদ্বিখ্যাত “তাজমহল।”

তাজমহল প্রস্তুত করিতে বাইশ বৎসর সময় লাগিয়াছিল। এই বাটীর পূর্ব পশ্চিমের ভিত্তি ১৮৬০ ফিট এবং উত্তর দক্ষিণের ভিত্তি ১০০০ ফিট। এই বাটীর ভিতর বহুমূল্যের প্রস্তরাদির শিল্প কার্য দেখিলে চক্ষুস্থির হইয়া যায়। ১৬২৯ খৃষ্টাব্দে রাণী তাজমহলের মৃত্যু হয়। ১৬৫১ খৃষ্টাব্দে তাজমহল প্রস্তুত শেষ হয়; তৎপরে ১৬৬৫ খৃষ্টাব্দে বাদসাহ শাহজাহানের মৃত্যু হয়। মৃত্যুর পর ইহাকেও এই বাটীতে রাণী তাজমহলের পার্শ্বে গোর দেওয়া হয়।

(৪)

পণ্ডিত অযোধ্যানাথ।

আমাদের দেশের ঈশ্বরচন্দ্র বিদ্যাসাগর মহাশয় এবং সুরেন্দ্রনাথ বন্দ্যোপাধ্যায় মহাশয়ের প্রতিভা একত্র করিলে, যে যৌগিক প্রতিভা উৎপন্ন হয়, পণ্ডিত অযোধ্যানাথের সেই প্রতিভা ছিল। অর্থাৎ তাঁহার ভিতর বিদ্যাসাগরের মত গুণ ছিল এবং সুরেন্দ্র বন্দ্যোপাধ্যায়ের মত গুণও ছিল। ইনি কাশ্মীরী ব্রাহ্মণ ছিলেন। সন্ধ্যা আহার করিতেন। ইনি বড় লোকের ছেলে ছিলেন। ইহার পিতার ব্যাক এবং ব্যবসায় কার্য ছিল। ইহার পিতার নাম কেদারনাথ। ইনি ১৮৪০ খৃষ্টাব্দে আগরা নগরে জন্ম গ্রহণ করেন। ইহার দুই ভাই ছিলেন, কনিষ্ঠের নাম জগন্নাথ প্রসাদ ছিল।

ইহার বাল্যশিক্ষা, তখনকার প্রথমত আরবী এবং পারসী ভাষায় শেষ হয়। এই ভাষাদ্বয়ে ইনি বিশেষ ব্যুৎপত্তি লাভ করিয়াছিলেন। তৎপরে ইনি ইংরাজী শিক্ষা করেন আগরা কলেজে। কলিকাতা ইউনিভার্সিটি সংস্থাপিত হওয়ার পর ইনি “এফ-এ” পরীক্ষায় উত্তীর্ণ হইলেন। নচেৎ ইংরাজী শিক্ষার প্রথম উদ্যমে ইনি কোন উপাধি প্রাপ্ত হইলেন নাই। ১৮৬২ খৃষ্টাব্দে ইনি আইন পরীক্ষায় উত্তীর্ণ হইয়া আপ্রার সদর দেওয়ানি আদালতে ওকালতী আরম্ভ করেন।

১৮৬০ খৃষ্টাব্দে গবর্ণমেন্ট নিবাস আগরা হইতে এলাহাবাদে উঠিয়া আইসে, এবং সেই সময় হইতে সদর দেওয়ানি আদালত এলাহাবাদে উঠিয়া আইসে এবং উহার নাম হয় “এলাহাবাদের হাইকোর্ট।” পরন্তু এই সময় হইতে পণ্ডিত অযোধ্যানাথও এলাহাবাদে আসিয়া “হাইকোর্টে” ওকালতী আরম্ভ করিলেন। তৎপরে ইহার পিতৃ বিয়োগ হয়। তজ্জন্ম ইনি ওকালতী ছাড়িয়া কিছুদিন পিতার ব্যবসায় কার্য করিতে লাগিলেন।

তাহার পর, ইনি এলাহাবাদের গভর্ণমেন্ট কলেজে আইন-অধ্যাপক নিযুক্ত হইলেন। এই কার্য ২৫ বৎসর করিয়াছিলেন। ১৮৮১ খৃষ্টাব্দে ইনি এলাহাবাদ হাইকোর্টে জজ হইতে গিয়াছিলেন, কিন্তু হইতে পারেন নাই। ১৮৮০ খৃষ্টাব্দে ইনি পায়নিয়রের সহিত প্রতিযোগিতা করিয়া “ইণ্ডিয়ান হেরাল্ড” নামক দৈনিক সংবাদ পত্র বাহির করেন। এই কার্যে ইনি অনেক টাকা ক্ষতি করিয়াছিলেন। কাগজ তিন বৎসর চলিয়াছিল। ১৮৮৭ খৃষ্টাব্দে ইনি উত্তর পশ্চিম প্রদেশীয় গভর্ণমেন্টের ব্যবস্থাপক সভার সদস্য মনোনীত হইলেন। কিন্তু কয়েক মাস এই কার্য করিয়াছিলেন। ইনি এলাহাবাদের মিউনিসিপাল কমিসনর ছিলেন। যখন ইনি আগায় ছিলেন, তখন “ভিক্টোরিয়া কলেজ” নামক একটি বিদ্যালয় প্রতিষ্ঠা করেন। ৫১ বৎসর বয়সক্রমে, নাসা জ্বরের পর, সর্দির জ্বরে (বোধ হয় ইনফ্লুয়েঞ্জা হইবে) মারা পড়েন। ইহার চিতানলের উপর জজ নরসাহেব পুষ্পমালা নিক্ষেপ করিয়াছিলেন। আমরা কংগ্রেসের উপলক্ষে ইহার পরিচয় পাইয়াছি। বস্তুতঃ ইনি এক সময়ে কংগ্রেসের প্রাণ প্রতিষ্ঠা করিয়াছিলেন। ইহার মৃত্যুর পর শুনিয়াছিলাম, অযোধ্যানাথের জন্য স্মৃতিচিহ্ন স্থাপিত হইবে। কিন্তু কৈ? আর সে সম্বন্ধে কোন কথা শুনিতে পাই না। না পাইলেও মনে মনে এই ঠিক দিয়াছি যে, যতদিন কংগ্রেস থাকিবে, ততদিন অযোধ্যানাথের নাম থাকিবে। কংগ্রেস অনেকের স্মৃতিচিহ্ন। অতএব আমাদের অযোধ্যানাথেরও “স্মৃতিচিহ্ন” কংগ্রেস।

মহর্ষি দেবেন্দ্রনাথ ঠাকুর।

(৫)

এই মহাপুরুষের জন্ম ১৮১৮ খৃষ্টাব্দে। এখন ইনি ধরাধামে লীলা করিতেছেন। ইহার পিতার নাম মহাত্মা দ্বারকানাথ ঠাকুর।

মহাত্মা ৮ রামমোহন রায় ধর্ম্ম সংস্কারের মত বিরোধে তাঁহার পিতার বিরোধী হইয়া তৎ কর্তৃক তাড়িত হইয়া কলিকাতায় বাস করেন। সেই সময় কলিকাতার বিখ্যাত ধনী ৮ দ্বারকানাথ ঠাকুর মহাশয়ের সহিত তাঁহার পরিচয় হয়। ১৮৩০ খৃষ্টাব্দে রাজা রামমোহন রায় বিলাত গমন করেন। তথা হইতে তাঁহাকে আর এদেশে আসিতে হয় নাই। ১৮৩৩ খৃষ্টাব্দে ব্রিষ্টল নগরে তিনি প্রাণ ত্যাগ করেন। ইনি বিলাত যাইবার সময়, তাঁহার জ্যেষ্ঠ পুত্র রাধা প্রসাদ রায় এবং ৮ দ্বারকানাথ ঠাকুর মহাশয়কে ব্রাহ্মসমাজ চালাইবার ভার দিয়া যান। এ সময় মহর্ষি দেবেন্দ্রনাথের বয়স ১৭১৮ বৎসর হইবে। তখন ইনি হিন্দু কলেজে পড়েন। কিন্তু প্রথমাবস্থায় ইনি রাজা রামমোহনের স্কুলে পড়িয়াছিলেন।

৮ দ্বারকানাথ ঠাকুর এবং রাধা প্রসাদ রায় যদিও ব্রাহ্মসমাজ পরিচালনের ভার পাইয়াছিলেন বটে, কিন্তু হিন্দুরা যেমন গৃহবিগ্রহের জন্য একজন ২ টাকা মাসিক বেতনের ব্রাহ্মণ, প্রতিদিনের পূজার জন্ত ১/২ সের তুন্ধ, অর্ধ সের চাউল প্রভৃতি ব্যবস্থা করিয়া, দেবতার প্রতি যথেষ্ট ভক্তি দেখাইয়া থাকেন, ইহারও সেইরূপ মাসিক ৮০৮৫ টাকা সাহায্য মাত্র দিয়া, এবং একজন আচার্য্য রামচন্দ্র বিদ্যাবাগীশ মহাশয়কে রাখিয়া, ব্রাহ্মসমাজ রক্ষা করিয়াছিলেন। এ সময় ব্রাহ্মসমাজে বেদকে অস্বাস্ত শাস্ত্র বলিয়া বিশ্বাস ছিল, নিয়মিত রূপে সাতদিন অন্তর বেদ পাঠ হইত। এই হইল ব্রাহ্মসমাজের কার্য। ওদিকে ৮ দ্বারকানাথ ঠাকুর মহাশয়ের বাড়ীতে হুর্গোৎসব হইত। দেবেন্দ্রনাথ ঠাকুর, দ্বারকানাথের প্রথম পুত্র।

৮ দ্বারকানাথ ঠাকুরের “কারঠাকুর কোম্পানী” নামক এক সওদাগরী আপিশ কলিকাতায় ছিল এবং ইহার পৈতৃক অনেক জমিদারী ছিল, তিনি নিজেও অনেক জমিদারী বৃদ্ধি করিয়াছিলেন। ইনি ইংলণ্ডে গিয়া প্রাণ ত্যাগ করেন।

দেবেন্দ্রনাথ ঠাকুর যৌবনে অতিশয় তार्কিক ছিলেন। সন্ধ্যার পর, বন্ধু বান্ধবে একত্র হইয়া ধর্ম বিষয় লইয়া তর্ক বিতর্ক করিতেন। এই তর্ক বিতর্ক করিবার স্থানের নাম দেওয়া হইল “তত্ত্ববোধিনী সভা”। ইহা ১৮৩৯ খৃষ্টাব্দে স্থাপিত হইল। এই সভা হইতে ১৮৪৩ খৃষ্টাব্দ হইতে “তত্ত্ববোধিনী পত্রিকা” নামে একখানি মাসিক পত্র প্রচারিত হইল। এখনও এ পত্র জীবিত আছে। প্রথম, এই পত্রের সম্পাদক হইলেন, মহাত্মা অক্ষয় কুমার দত্ত। এই সময় হইতে ব্রাহ্মসমাজ উন্নতমুখী হইয়া দাঁড়াইল। দেবেন্দ্রনাথ প্রথমতঃ বাড়ীতে দুর্গোৎসবের সময় প্রতিমার নিকট অঞ্জলি দিতেন না, তাহাতে বড় গোল হয় নাই। কিন্তু পিতার কাল হইবার পরে শ্রাদ্ধ ব্যাপার লইয়া গোলযোগ বাধিয়া গেল। ইনি শ্রাদ্ধ করেন নাই, কেবল দান উৎসর্গ করিয়াছিলেন, ইহার অজ্ঞাত ভ্রাতারা শ্রাদ্ধ করিয়াছিল। অতএব এই সময় হইতে ইহার জ্ঞাতি কুটুম্ব ইঁহাকে পরিত্যাগ করেন। পিতা অনেক ঋণ করিয়া গিয়াছিলেন, এবং চ্যারিটেবল সোসাইটীতে এক লক্ষ টাকা দিবার কথা বলিয়া গিয়াছিলেন। মহর্ষি দেবেন্দ্রনাথ পিতার ঋণ পরিশোধের জন্ত আপিসটি খোয়াইলেন, এবং কতক জমিদারী বিক্রয় করিয়া, কতক বা বন্ধক রাখিয়া পিতার ঋণ শোধ দিলেন। এমন কি, কায় ক্লেশে ক্রমে ক্রমে চ্যারিটেবল সোসাইটীর কথিত দানের টাকা পর্য্যন্ত দিয়াছেন। যথার্থ “সত্য ধর্ম” দীক্ষিত হইতে হইলে যে, সত্যকার্য্য করিয়া দেখাইতে হয়, তাহা ইহার জীবনে অনেক পাওয়া যায়। অদ্যাপিও বোলপুর সমাজে ইহার জন্মোৎসব উপলক্ষে কাঙ্গালীদিগকে অন্নবস্ত্র দান করা হয়। খৃষ্টানদের মত সাত দিন অন্তর উপাসনা হইত, ইহার পিপাসা তাহাতে মিটিল না; ১৮৪৪ খৃষ্টাব্দ হইতে হিন্দুরা যেমন প্রতিদিন সন্ধ্যা আঙ্কিক করেন, ইনিও সেই ভাবে পরিবর্তিত হইলেন। বস্তুতঃ এই সময় হইতেই ইহার ধর্ম দীক্ষা হইল। ব্রাহ্মেরা বলেন, ঐ সময় হইতেই তিনি “ব্রাহ্মধর্ম ব্রত” গ্রহণ করিলেন। এ ব্রত এখনও ইনি পালন করিতেছেন। ১৮৪০ কি ১৮৪১ খৃষ্টাব্দ হইতে ইনি সংস্কৃত ভাষা শিক্ষা করিতে লাগিলেন।

ব্রাহ্মসমাজ পূর্বে বেদ অত্রান্ত বলিয়া পূজিত ছিল, এইবার উহা ভ্রান্ত হইল। দেবেন্দ্র নাথ চারি জন যুবককে চারি বেদ পাঠের জন্ত কাশী পাঠাইলেন। তখন রেল হয় নাই, পথকষ্ট ছিল। কিছুদিন পরে নিজেও কাশী যাত্রা করিলেন, তথায় গিয়া তর্ক বিতর্কে স্থির করিলেন, বেদ অত্রান্ত নয়

কিন্তু ইনি বেদ, উপনিষদ, পুরাণ, তন্ত্র প্রভৃতি প্রাচীন ধর্মশাস্ত্র হইতে উপদেশ সংগ্রহ করিয়া “ব্রাহ্মধর্ম” নামক এক গ্রন্থ প্রণয়ন করিলেন। ইনি অনেক টাকা ব্যয় করিয়া স্থানে স্থানে “ব্রাহ্মধর্ম” প্রচারেব জন্ত ব্রাহ্ম সমাজ খুলিয়া দিয়াছেন। এই সকল সমাজের অনেক ব্যয় এখনো ইঁহাকে বহন করিতে হয়। শুনিতে পাই, এখন ইনি ব্রাহ্ম সমাজের কার্য্যে ৩৫ শত টাকার অধিক ব্যয় করিয়া থাকেন। ধর্ম প্রচারের তীব্র অনুরাগ ইহার বড়ই ছিল, ইনিই প্রথম উৎসবের সময় “লুচী সন্দেশ” দিবার প্রথা করিয়াছিলেন, সে প্রথা এখন নাই। ইহার নকল কিন্তু রামকৃষ্ণের দলেরা করিতে আরম্ভ করিয়াছে। আদি সমাজের বাড়ীটা রামমোহন রায়ের। তখন উহা একতলা ছিল, ইনি নিজ ব্যয়ে ত্রিতলা করেন।

১৮৫৭ খৃষ্টাব্দে ইনি তপস্কার জন্ত হিমালয় শৃঙ্গে গমন করেন। তথায় ছুই বৎসর বাস করিয়া মহর্ষি উপাধি লাভ করেন। এই সময় হইতে মহাত্মা কেশবচন্দ্র সেন ইহার সহিত যোগ দেন। সোণায় সোহাগা পড়িল। কুল গাছ নাড়া দিলে যেমন একটা না একটা কুল পড়ে, কেশব বাবু ধর্ম প্রচারের জা সাপ্তাহিক বিদ্যালয়, সংবাদ পত্র, ইংরাজী বাঙ্গালা বর্ত্ততা দ্বারা অনেক পাড়িয়াছিলেন। পর্ব্বত শৃঙ্গ হইতে নামিয়া আসিয়া মহর্ষি দেবেন্দ্র নাথ যে সকল বর্ত্তাদি দিয়াছিলেন, তাহা ছাপাইয়া “ব্রাহ্মধর্মের ব্যাখ্যান” নামক গ্রন্থ হইল। এই সময় ইঁহার কস্তার বিবাহ হয়, তাহাও ব্রাহ্মধর্মের নূতন পদ্ধতি অনুসারে। এই পদ্ধতি দ্বারা ব্রাহ্ম বিবাহের জন্ত একখানি অনুষ্ঠান গ্রন্থ লিখিত হইল! কিন্তু এক্ষণে এই গ্রন্থানুসারে ব্রাহ্ম বিবাহ হয় কিনা সন্দেহ। তাহার পর ইনি আর কয়েক খানি গ্রন্থ রচনা করিয়াছেন।

তৎপরে কেশব বাবুর সঙ্গে ইঁহার কোন কোন বিষয়ে মতান্তর হওয়ার কেশব বাবু শিষ্যদল সহ এক নূতন সমাজ বাটী প্রতিষ্ঠা করেন। এই সমাজের নাম হইল “সাধারণ ব্রাহ্ম সমাজ।” এই সমাজ বাটী নিৰ্ম্মাণের সময় মহর্ষি দেবেন্দ্রনাথ সাত হাজার টাকা দান করেন। ইহা করিয়াও কিন্তু কেশব বাবুর মতের স্থায়ীভাব হয় নাই। তাই পরমহংস রামকৃষ্ণ দেবের সহিত মিশিয়া ইনি শেষ দশায় আবার এক সমাজ করিয়াছিলেন, সে সমাজের নাম হয় “নব বিধান” সমাজ।

যাহা হউক, সাধারণ ব্রাহ্ম সমাজ হইবার পরে মহর্ষি দেবেন্দ্রনাথ পুত্র-দিগকে আদি ব্রাহ্ম সমাজ পরিচালনের ভার দিয়া নিজে হিন্দুদের মত

পঞ্চাশ উর্দ্ধ বনে ব্রজেৎ ভাবে সংসার ধর্ম ছাড়িয়া অনেকটা নির্জনে ধর্ম চর্চা করিতেছেন। ইহার পুত্রদিগের নিকট বাঙ্গালা ভাষা অনেকাংশে ঋণী হইয়াছে।

শ্রীরাজকৃষ্ণ পাল ।

গহন বিজন ।

এর চেয়ে ছিল ভাল গহন বিজন !

জীবন প্রভা ত বেলা, ফুরায়েছে হাসি খেলা
ফুরায়েছে সাধ, হাসি, শৈশব স্বপন,
বসন্ত গিয়াছে ছুটে, নিদাঘে হৃদয় 'টুটে,

আছে মাত্র অশ্রুজল সাথী আজীবন

এর চেয়ে ছিল ভাল গহন বিজন !

(২)

এর চেয়ে ছিল ভাল গহন বিজন !

মর্মভেদী হাহাঁকার উঠিত ন শূন্যে
জ্বালাতনে জলিতনা দগধ জীবন ;
মরম বেদনা বত, উঠিত না অবিরত,

অশান্তি-যাতনা-শত করি' গরজন,

এর চেয়ে ছিল ভাল গহন বিজন !

(৩)

এর চেয়ে ছিল ভাল গহন বিজন !

কানন বিহঙ্গ সব, শুনাত মধুর রব,
আশ্রয় হইত মোর তরুলতাগণ,
সরসীর কাল জল নিরমলা ঢল ঢল

বায়ুর হিল্লোলে সেথা নাচিত কেমন !

এর চেয়ে ছিল ভাল গহন বিজন !

(৪)

এর চেয়ে ছিল ভাল গহন বিজন !

একটা দিনের তরে হৃদয়ের স্তরে স্তরে
ফুটিতনা কল্পনার সুখের স্বপন,

নিরঞ্জে হাসিমুখে

জীবন কাটিত সুখে

প্রকৃতি কোমল কোলে করিয়া শয়ন,

এর চেয়ে ছিল ভাল গহন বিজন !

(৫)

এর চেয়ে ছিল ভাল গহন বিজন !

ছিঁড়েছে বীণার তার,

করেনা ঝঙ্কার আর,

বাজেনা অন্তরে আর সে ভার এখন ;

পাষণ পরাণে মোর,

শুথায় গো অঁখি লোর,

ধু, ধু, করে হৃদি সদা মরুভূ মতন ;

এর চেয়ে ছিল ভাল গহন বিজন !

(৬)

এর চেয়ে ছিল ভাল গহন বিজন !

ভ্রমেছি নদীর কূলে;

শ্রামল তরুর তলে,

লভেছি আশ্রয় কত জুড়াতে জীবন ;

ভবুত হৃদয়ে মোর,

রহিল তেমনি ঘোর,

রহিল তেমনি ব্যথা সাথী আজীবন ।

এর চেয়ে ছিল ভাল গহন বিজন !

শ্রীশ:

মুরশিদ কুলি খাঁ ।

মোগল সম্রাটগণের শাসন কালে প্রত্যেক প্রদেশে, এক একজন সুবাদার এবং এক একজন দেওয়ান নিযুক্ত হইতেন। সৈন্য দলের উপর কর্তৃত্ব ছায়া বিচার ও দেশের শান্তি রক্ষার ভার সুবাদারের হস্তে থাকিত। তাঁহার কর্তৃত্বাধীনে আবার স্বতন্ত্র স্বতন্ত্র প্রদেশে এক একজন ফৌজদার বা শাসন কর্তা থাকিতেন। রাজ্যের প্রধান প্রধান কার্য দেওয়ান ও সুবাদারকে একযোগে হইয়া নিরীহ করিতে হইত। সরকারী আয় ব্যয় দর্শন এবং রাজস্ব আদায় দেওয়ানের কর্তব্য ছিল। যদিও সুবাদার রাজ্যের প্রধান কর্মচারী ছিলেন, তথাপি কোন কোন বিষয়ে তাঁহাকে দেওয়ানের অধীন হইয়া চলিতে হইত। (সিভিল, মিলিটারী ও নেভাল) ব্যয় নিরীহ জন্ত যখন

যে টাকার প্রয়োজন হইত, দেওয়ানের নিকট লিখিত অনুমতি পত্র প্রেরণ করিলেই সুবাদার সেই টাকা প্রাপ্ত হইতেন, কিন্তু সেই টাকার জন্ত সুবাদার-কেই দায়ী থাকিতে হইত ।

আওরঙ্গ জেবের পৌত্র আজিম ওসান যখন বাঙ্গলার সুবাদার নিযুক্ত ছিলেন, তৎকালে মীরজাফর খাঁ বাঙ্গলার দেওয়ানী লাভ করেন । ইনিই মুরশিদ কুলি খাঁ নামে সাধারণ্যে পরিচিত । যতদিন মুরশিদাবাদের অস্তিত্ব রহিবে, ততদিনই মুরশিদ কুলি খাঁর নাম সমভাবে জগতে প্রতিধ্বনিত হইবে !

আমরা বর্তমান প্রবন্ধে প্রথমতঃ সংক্ষেপে মুরশিদ কুলি খাঁর প্রথম জীবনের কিঞ্চিৎ পরিচয় পাঠকবর্গকে অবগত করাইয়া তাঁহার ক্রিয়া কলাপ পর্য্যালোচনায় প্রবৃত্ত হইব । এবং উপসংহারে তাঁহার প্রধানকীর্তি আপাততঃ ধ্বংসমুখে পতিত কাটরার বিখ্যাত মসজিদের সম্বন্ধে ছুই এককথা লিখিয়া প্রবন্ধ শেষ করিব । মুরশিদ কুলিখাঁ দক্ষিণাপথের একজন দরিদ্র ব্রাহ্মণের গুণে জন্মগ্রহণ করেন । সেই ব্রাহ্মণের অবস্থা এত দূর শোচনীয় ছিল যে, তিনি অর্থের আশায় অপত্য স্নেহে জলাঞ্জলি দিয়া প্রাণাপেক্ষা প্রিয়তম শিশু পুত্র মুরশিদকে পারস্য দেশীয় হাজি সফিয়া নামক জনৈক ধনবান মুসলমান বণিকের নিকট বিক্রয় করেন । মুরশিদের পিতার কার্য্য দেখিয়াই নিঃসন্দেহে বলা যায় যে, উদরের জন্ত না করিতে পারে, জগতে এমন অকার্য্য মনুষ্যের কিছুই নাই ! হাজি সফিয়া শিশুকে ক্রয় করিয়াই মুসলমান ধর্মে দীক্ষিত করিয়াছিল । অতঃপর মুরশিদ মুসলমান ধর্ম গ্রহণ করিয়া পারস্যের ইস্পাহানে প্রভুর সহিত গমন করেন । এইস্থানে হাজি সফিয়ার যত্নে মুরশিদ উত্তমরূপে বিদ্যাশিক্ষা করিয়াছিলেন । প্রভুর মৃত্যুকাল পর্য্যন্ত মুরশিদ ইস্পাহানেই বাস করিয়াছিলেন । হাজি সফিয়ার মৃত্যু হইলে মুরশিদ কুলি খাঁ দক্ষিণাত্যে আগমন করেন । এই স্থানেই বিরারের দেওয়ানী মুরশিদের হস্তগত হয় । এবং তাঁহার কার্য্যতৎপরতা, তীক্ষ্ণবুদ্ধি ও যশঃ শীঘ্রই দিল্লীশ্বর আওরঙ্গজেবের স্তুতিগোচর হয় । আওরঙ্গজেব মুরশিদের কার্য্যদক্ষতার বিষয় অবগত হইয়া তাঁহাকে হায়দরাবাদের দেওয়ান নিযুক্ত করিলেন এবং তাঁহার কর্ম্মদক্ষতায় পরিতুষ্ট হইয়া ১৭০১ খৃ তাঁহাকে বাঙ্গলার দেওয়ানের পদ প্রদান করেন । তখন বাঙ্গলার রাজস্ব সংগ্রহের বিশেষ বিশৃঙ্খলা ছিল । মুরশিদ দেওয়ান হইয়াই বাঙ্গলার রাজস্বের আয় ব্যয়ের সুব্যবস্থায় মনোযোগী হইয়াছিলেন । নবাব আজিম ওসান ও

তাঁহার সভাসদবর্গের জন্ত যে টাকা সরকার হইতে ব্যয়িত হইত, মুরশিদ তাহা কমাইয়া দিলেন । সেই কারণে অচিরেই আজিমের সহিত মুরশিদের মনোমালিন্য উপস্থিত হয়, এমন কি, এই বিদ্বেষবহি প্রধুমিত হওয়াতেই এক সময় আজিম মুরশিদের জীবন নাশেরও উদ্যোগ করিয়াছিলেন । ঈশ্বর অনুকূল থাকিলে মনুষ্যের প্রতিকূলতায় কোন অনিষ্টই হয় না ।

একদিন মুরশিদ কুলি খাঁ নরঘানারোহণে রাজধানী মধ্যস্থ বিচারালয়ে গমন করিতেছেন । পথি মধ্যে আজিমের প্রেরিত কতকগুলি লোক তাঁহাকে আক্রমণ করিল । মুরশিদ, ব্যাপার বুঝিয়া শিবিকা হইতে লাফাইয়া পড়িলেন এবং প্রহরিগণকে বলিলেন “শীঘ্রই পথের কণ্টক দূর কর ।” এই আদেশ শ্রবণ করিবা মাত্র গুপ্তহত্যাকারিগণ চতুর্দিক দিয়া পলায়ন করিল । অতঃপর মুরশিদ এই সকল ব্যাপার আজিম ওসানের নিকট বর্ণন করিলে আজিম স্বীয় পিতামহের প্রিয় কর্ম্মচারীর নিকট সমস্তই স্বীকার করিয়া আপনাকে নির্দোষীরূপে পরিচয় দিলেন, কিন্তু মুরশিদ আজিমকে আর কিছুতেই বিশ্বাস করিতে পারিলেন না । এই সকল ব্যাপার বাদসাহের স্তুতিগোচর হইলে সম্রাট বিশেষ ক্রুদ্ধ হইয়া আজিমকে তিরস্কার পূর্ণ একখানি পত্র লিখিয়া পাঠাইলেন । এবং বিহারে বাস করিবার অনুমতি প্রদান করিলেন । এই সূত্রে আজিম প্রথমতঃ রাজমহলে গমন করেন, কিন্তু তথাকার জল বায়ু তাঁহার সহ্য না হওয়ায়, তিনি ১৭০৩ খৃঃ পাটনায় গমন করিতে বাধ্য হন, এই সময় হইতেই আজিমের নামানুসারে পাটনা আজিমাবাদ নামে অভিহিত হইয়া আসিতেছে ।

আজিম ওসানের প্রতি সন্দেহ হওয়ায় মুরশিদও ঢাকা পরিত্যাগ করিয়া ভাগীরথী তীরস্থ মুকুন্দা বাদ নামক একটি ক্ষুদ্র স্থানে স্বীয় রাজধানী স্থাপনের উদ্যোগ আরম্ভ করিলেন । মুরশিদের নামানুসারেই এই স্থানের নাম “মুরশিদাবাদ” হইল । রাজলক্ষ্মীর প্রসাদে নগণ্য মুকুন্দাবাদ রাজধানীতে পরিণত হইল । মুরশিদ এখানে বিচারালয়, দুর্গ, রাজপ্রাসাদ প্রভৃতি নিৰ্ম্মাণ করাইয়া মুরশিদাবাদকে ইন্দ্রপুরী করিয়া তুলিলেন । রাজস্ব বিভাগের সকল কর্ম্মচারীই মুরশিদের সঙ্গে সঙ্গে ঢাকা পরিত্যাগ করিয়া মুরশিদাবাদে আগমন করিতে বাধ্য হইলেন । এই সময়ে শেঠ বংশীয় মানিক চাঁদও * মুরশিদ কুলি খাঁর সহিত আগমন করিয়া মুরশিদাবাদের নিকটবর্তী মহিমা-

* শেঠ বংশের আদি পুঙ্খ হী হানন্দের কনিষ্ঠ বাণম পুত্র ।

পুর নামক স্থানে স্বীয় বাসভূমি স্থাপন করেন। কানন গো বিখ্যাত বঙ্গা-
ধিকারিগণের পূর্বপুরুষ দর্পনারায়ণ, ডাহাপাড়ায়, এবং দ্বিতীয় কাননগো
জয়নারায়ণ ভট্টবাটীতে স্বীয় স্বীয় বাসভূমি নির্দেশ করেন। লক্ষ্মীর বরপুত্র-
গণের শুভ পদার্পণে মুরশিদাবাদ ও তন্নিকটবর্তী বহুস্থান বিখ্যাত ও উজ্জ্বল
হইয়া উঠিল।

আজ কলিকাতা মহানগরী যেমন বহুবিধ অপূর্ব ও মনোহর দ্রব্যরাশি
বক্ষে ধারণ করিয়া ভারতবাসীর চিত্ত ও নয়নাকর্ষণ দ্বারা আনন্দোৎপাদনে
সমর্থ, সেইরূপ একদা এই মুরশিদাবাদ সমগ্র বঙ্গবাসীর এক মাত্র লক্ষ্য স্থল
ছিল। তৎকালে এই মুরশিদাবাদকে কেন্দ্র করিয়া চতুর্দিক হইতে কত
লোক যে কত অভিপ্রায়ে ইহার অভ্যন্তরে আশ্রয় গ্রহণ করিত, তাহার
ইয়ত্তা করা দুঃসাধ্য। সে সময় মুরশিদাবাদ লক্ষ্মীদেবীর প্রিয় আবাসস্থান
ছিল, সুতরাং তাঁহার কৃপায় যে তখনকার মুরশিদাবাদ, শোভা এবং গৌরবে
বাঙ্গালার সর্বস্থলকেই পরাজয় করিবে, তাহাতে আর আশ্চর্য্য কি? একদা
সুধাধবলিত, মণিমাণিক্যাদি-বিজড়িত সুন্দর অট্টালিকারাজী যাহার অল-
ঙ্কার ছিল, বহুসংখ্যক পণ্য পরিপূর্ণ তরণীকুল-শোভিতা পুতসলিলা ভাগীরথী
যাহাকে উন্নতির সোপানে আরোহণ করাইবার দ্বিতীয় কারণ রূপে
বিদ্যমান, আজ সেই জগদ্বিখ্যাত মুরশিদাবাদের দিকে নেত্র সঞ্চালন করিলে
স্বতঃই চক্ষুতে জলধারা সঞ্চার হয়। মুরশিদাবাদের দৃশ্য মতিঝিল ও ছুর্ভাগ্য
সিরাজদৌলার বিলাসশালা যে হীরাকিলের প্রাসাদ সমূহের দিগন্তব্যাপী
মৌরতে সুদূর ইংলণ্ডবাসীকেও এক সময় বিচলিত করিয়াছিল, কালের
এমনি কুটিল চক্র যে, আজ তাহাদের দৃশ্য বা সৌন্দর্য্য দূরের কথা, নাম
পর্য্যন্তও বিশ্বতির গর্ভে নিমগ্ন হইতে চলিল। বাস্তবিক প্রাচীন মুরশিদা-
বাদের ইতিহাস পাঠ করিলে এখনও প্রাণে কত আনন্দের সঞ্চার হয়, কত
পুরাণ কথা মনে পড়ে, কত লুপ্ত গৌরবের কাহিনী অন্তরে জাগিয়া উঠে,
তাহার শেষ করা যায় না। আমাদের অদৃষ্ট দোষেই হউক, বা নিত্য
পরিবর্তনশীল প্রকৃতি মাতার নিয়ম রক্ষার অহুরোধেই হউক, বঙ্গের শেষ
রাজধানী মুরশিদাবাদের প্রাচীন শোভার আর কিছুই নাই বলিলেও অত্যাক্তি
হয় না। যে পুণ্যতোয়া ভাগীরথীর আশীর্বাদে এক সময়ে ইহা উন্নতির সর্বোচ্চ
সোপানে আরোহণ করিয়াছিল, আজ সেই ভাগীরথীর নিগ্রহে শঠৈঃ শঠৈঃ
ইহার ধ্বংস ক্রিয়া সমাহিত হইতে চলিল। ইন্দ্রপুত্রী আজ শ্মশানে পরিণত !!!

১৭০৩ খৃষ্টাব্দে দিল্লীর আওরঙ্গজেব মারহাটাদিগকে শাসন করিবার
নিমিত্ত দাক্ষিণাপথে অবস্থিতি করিতেছিলেন। এই সময় মুরশিদ কুলিখাঁ
রাজশ্বের একটা হিসাব প্রস্তুত করিয়া রাজস্ব সঞ্চায়ী কাগজ পত্র সহ দাক্ষি-
ণাত্যে সম্রাটের নিকট গমন করিলেন এবং বাদসাহকে আয় ব্যয়ের হিসাব
প্রদর্শন করিলেন। এই হিসাবে মুরশিদ আওরঙ্গজেবকে এতাদৃশ লাভ
দেখাইয়া দিয়াছিলেন যে, বাদসাহ সেই হিসাব দৃষ্টে মুরশিদের প্রতি যৎপরো-
নাস্তি প্রীত হইলেন। বলা বাহুল্য যে, আওরঙ্গজেব সিংহাসনে আরোহণ
করিয়া অবধি কখনই বাঙ্গালা এবং বিহার হইতে এরূপ লাভ প্রাপ্ত হন
নাই। এই সময় হইতেই মুরশিদ বাঙ্গালা ও উড়িষ্যার নায়েব নাজিম
নিযুক্ত এবং বাদসাহের নিকট হইতে একটা পরিচ্ছদ লাভ করিয়াছিলেন।
অতঃপর মুরশিদ শুভদিনে শুভরূপে তাঁহার নব প্রতিষ্ঠিত রাজধানী মুরশিদা-
বাদে গমন ও বাস করিতে আরম্ভ করিলেন।

১৭০৭ খৃঃ ২২শে ফেব্রুয়ারী আওরঙ্গজেবের মৃত্যু হইলে তাঁহার জ্যেষ্ঠ
পুত্র মহম্মদ মাজুম, “বাহাদুর সাহ” নাম গ্রহণ করিয়া দিল্লীর সিংহাসনে
উপবেশন করেন। পুত্র আজিমের সহায়তায় সিংহাসন লাভে সমর্থ হইয়া-
ছিলেন বলিয়া সম্রাট হইয়াই বাহাদুর আজিমকে বাঙ্গালা, বিহার ও
উড়িষ্যার সুবাদার নিযুক্ত করিলেন। এবং তৃতীয় ভ্রাতা আজিমের
সহিত যুদ্ধ করিবার সম্ভব বিবেচনায় পুত্রকে নিকটে রাখিয়া মুরশিদকে
নায়েব সুবাদারী পদে স্থায়ী রাখিবার নিমিত্ত এক অনুমতি পত্র প্রদান
করিলেন। মুরশিদ আজিম ওসানের সহকারী পদে স্থায়ী হওয়ার এক্ষণ
হইতে দেওয়ান ও নাজিমের কার্যা একজনের দ্বারাই সম্পাদিত হইতে
আরম্ভ হইল।

১৭১২ খৃঃ বাহাদুরের মৃত্যু ঘটে। এই সময় দিল্লীর সিংহাসন লইয়া
এক গোলযোগ উপস্থিত হয়। সিংহাসনের লোভে মুসলমানেরা মায়া,
মমতা ও মেহ বিসর্জন দিয়া পিতৃহত্যা, ভ্রাতৃহত্যা প্রভৃতি অকার্য্য সাধনে
যে পশ্চাৎপদ নহে, তাহার প্রমাণ সকল শতাব্দীর ইতিহাসেই স্থলভ।
তাই আজ বাহাদুরের পুত্রেরা তুচ্ছ সিংহাসনের জগু ভ্রাতৃশ্বেহ বিশ্বত
হইয়া মুক্ত অসি হস্তে রণক্ষেত্রে দণ্ডায়মান। বহুসংখ্যক হতাহত ও যুদ্ধ
সংঘটনের পর বাহাদুরের জ্যেষ্ঠপুত্র মৈজদীন, “জাহান্দর সাহ” নামগ্রহণ
করিয়া দিল্লীর সিংহাসনে উপবেশন করেন। ইনি ১৮ মাস মাত্র রাজত্ব

করেন। আজিম ওমানের পুত্র ফেরোকসের, বিহারের গভর্ণর সৈয়দ-হোসেন আলি খাঁ এবং এলাহাবাদের গভর্ণর সৈয়দ আবছলা এই ভ্রাতৃ-দ্বয়ের সহায়তায় ১৭১৩ খৃঃ জানুয়ারী মাসে আগ্রার নিকটস্থ কাজোয়া নামক স্থানের যুদ্ধে জাহন্দরকে পরাজিত ও নিহত করিয়া দিল্লীর সম্রাটের আসন লাভ করেন। ইতঃপূর্বে ফেরোকসের মুরশিদ কুলিখাঁর নিকটেও রাজ্যপ্রাপ্তির সহায়তা লাভের আশায় গমন করিয়াছিলেন, কিন্তু মুরশিদ কোন ক্রমেই তাঁহার অনুরোধ রক্ষা করিতে সম্মত হন নাই। মাহুষ সং-পথে থাকিয়া স্বীয় কর্তব্য পালনে পরাঙ্মুখ না হইলে স্বয়ং জগদীশ্বর তাহার সহায় হন, তাঁহার কৃপায় শত্রুও মিত্রের গ্রাম কার্য্য করে। মুরশিদ এই উপদেশ স্মরণ করিয়া কখনই কর্তব্য পথ হইতে বিচলিত হইতেন না। ফেরোকসের সম্রাট হইয়া, মুরশিদের পূর্ব ব্যবহার স্মরণে যে অত্যন্ত ক্রুদ্ধ ও অসন্তুষ্ট হইয়াছিলেন, তদ্বিষয়ে সন্দেহ মাত্র নাই। তথাপি সম্রাট মুরশিদের কার্য্যদক্ষতা ও কর্তব্যপরায়ণতা প্রভৃতির বিষয় বিবেচনা করিয়া মুরশিদের পদ অক্ষুণ্ণ রাখিলেন অর্থাৎ মুরশিদ তখনও বাঙ্গলা এবং উড়িষ্যার দেওয়ান ও নাজির রহিলেন। অতঃপর মুরশিদ নবীন বাদসাহের নিকট যথানিয়মে বার্ষিক কর প্রেরণে ক্রটি করিলেন না।

ভারতে ইংরাজ চিরকালই ভাগ্যবান এবং চিরদিনই যশোমাল্যের অধিকারী ও লক্ষ্মীর বরপুত্র। তাঁহারা যখন যে কার্য্যে হস্তক্ষেপ করেন, তখনই সেই কার্য্য সুসম্পন্ন করিয়া থাকেন। বাণিজ্য ও রাজনীতিক ব্যাপারের সর্বত্রই জয় পতাকা ইংরাজ রাজের জ্যেষ্ঠ নির্দিষ্ট—ইহা অপেক্ষা আর আনন্দের বিষয় কিছুই নাই। যে দেশের রাজা, প্রজার সুখ শান্তির জন্ত স্বতঃপরতঃ যত্নবান, তাঁহাদের উন্নতি এবং সর্ব্বাঙ্গীন মঙ্গল যে, প্রজাকুল কায়মনোবাক্যে সর্ব্বদাই প্রার্থনা করিবে, তাহাতে আর সন্দেহ কি? সামুদ্রিক বাণিজ্যই যে বাঙ্গালীর শ্রীবৃদ্ধির কারণ, মুরশিদ তাহা বেশ বুঝিয়া-ছিলেন এবং সেই বাণিজ্যে যাহাতে স্বজাতীয় ও স্বদেশীয়েরা উৎসাহিত এবং উন্নীত হয়, মুরশিদ সর্ব্বদাই তাহারই চেষ্টা করিতেন। তাঁহার সময়ে আরব ও মোগলেরাই বাণিজ্য বিষয়ে বিশেষ উৎসাহ প্রাপ্ত হইতেন। বাণিজ্য বিষয়ে ইংরাজবণিকগণেরও এদেশে নানাবিধ সুবিধা ছিল, তদর্শনে মুরশিদ পূর্ব্ব হইতেই মনে মনে অত্যন্ত বিরক্ত হইয়াছিলেন। সেই কারণে এক্ষণে মুরশিদ স্থায়ীরূপে স্বপদে প্রতিষ্ঠিত হইয়া, আওরঙ্গজেব ও তৎপূর্ব্ববর্ত্তী

সম্রাটগণের নিকট হইতে ইউরোপীয় বণিকগণ বাণিজ্য ব্যাপারে যে সকল সুবিধা হস্তগত করিয়াছিলেন, তাহাদিগকে সেই সকলের উপভোগ হইতে বঞ্চিত করিয়াছিলেন এবং এ দেশীয় বণিকগণের গ্রাম ইউরোপীয় বণিক-গণকেও কর প্রদান করিতে হইবে বলিয়া এক অহুমতি প্রচার করিলেন। এই অহুমতি প্রাপ্ত হইয়া ইংরাজেরা অত্যন্ত অসন্তুষ্ট হইলেন এবং বরাবর দিল্লীর বাদসাহের নিকট দূত প্রেরণ করিতে মনস্থ করিলেন। ইংরাজ কোম্পানী খুজা মহাঁদ নামক জনৈক আমেরনী এবং ডাক্তার উইলিয়ম হেমিল্টন নামক একজন বিশ্বস্ত ও কার্য্যকুশল ব্যক্তিকে, বড়ী, কিছাপ, নানা প্রকার কাচের বাসন, বহুবিধ রেশমী ও পশমী বস্ত্র, প্রভৃতি নানাধিক তিনলক্ষ টাকার উপহার দ্রব্যসহ দিল্লীর সম্রাট নকাশে প্রেরণ করিলেন। ইংরাজদের দিল্লী গমনের আড়ম্বর সন্দর্শনে মুরশিদ নিরতিশয় ক্রুদ্ধ হইলেন এবং যাহাতে তাঁহাদের আশা ফলবতী হইতে না পারে, স্বতঃপরতঃ তদ্বিষয়ে যত্ন ও চেষ্টা করিতে আরম্ভ করিলেন। কিন্তু ঈশ্বর ইংরাজের সহায়, সুতরাং মহুষ্যের শত্রুতা তাহারা যে প্রতি পদবিক্ষেপে দলিত করিবে, তাহাতে আর আশ্চর্য্য কি?

ইংরাজ দূতেরা যখন দিল্লীতে উপস্থিত, তখন সম্রাট ফেরোক সেরের বিবাহের দিন নিকটবর্ত্তী, কিন্তু সম্রাট অত্যন্ত পীড়িত। মুসলমান চিকিৎসকেরা বিশেষ যত্ন করিয়া কিছুতেই তাঁহাকে রোগ মুক্ত করিতে পারেন নাই। এদিকে ইংরাজ বণিকের ভবিষ্যৎ আকাশ পরিস্কৃত হইবার এক নূতন পন্থা প্রস্তুত হইয়াছে, তাই আজ ইংরাজ দূত দিল্লীধরের জীবন দাতা রূপে দিল্লীতে আবির্ভূত হইয়াছেন। তাই আজ ডাক্তার হেমিল্টনের সূচিকিৎসায় বাদসাহ অচিরে কঠিন পীড়ার হস্ত হইতে মুক্তিলাভ করিলেন। অবশেষে চিকিৎসকের পুরস্কার প্রাপ্তির সময় উপস্থিত হইল। হেমিল্টন স্বকার্য্য উদ্ধারের উপযুক্ত সময় ও সুযোগ উপস্থিত দেখিয়া অল্প পুরস্কারের পরিবর্ত্তে সম্রাটের নিকট এই মর্মে এক প্রার্থনা করিলেন যে, “আমরা যাহার জন্ত আপনার দরবারে উপস্থিত, যাহাতে সেই কার্য্য সম্পাদিত হয়, অনুগ্রহ পূর্ব্বক তাহারই উপায় বিধান করিলে আমার যথেষ্ট পুরস্কার হইবে।” সম্রাট এই প্রার্থনায় সম্মত হইলে ইংরাজেরা তাঁহার নিকট একখানি আবেদন পত্র প্রেরণ করিলেন। এই আবেদন পত্রের ফলোভের নিমিত্ত ইংরাজদিগকে দুই বৎসর অপেক্ষা করিতে

হইয়াছিল। অবশেষে ইংরাজ কোম্পানী সম্রাটের স্বাক্ষরিত একখানি ফার্মান লাভ করেন, তাহাতে এই লিখিত ছিল যে :—

(১) ইংরাজেরা বিনাশুল্কে বাণিজ্য করিতে পারিবেন। (২) মুরশিদাবাদের টাক শালে ইংরাজদের জন্ম প্রতি সপ্তাহে ৩ দিন মাত্র টাকা মুদ্রিত হইবে। (৩) দেশীয় হটক আর ইউরোপীয় হটক, যাঁহারা ইংরাজ কোম্পানীর নিকট খনী আছেন, তাঁহাদিগকে নবাব কর্মচারিগণ উক্তকোম্পানীর নিকট প্রেরণ করিবেন। (৪) ইংরাজ কোম্পানী কলিকাতার পার্শ্ববর্তী স্থানে ৩৮ খান মৌজা ক্রয় করিতে পারিবেন।

এই সনন্দ লাভ করিয়া ১৭১৭ খৃঃ ইংরাজ দূতগণ মহাডম্বর সহকারে বিজয় পতাকা উড়াইতে উড়াইতে দিল্লী হইতে প্রত্যাগমন করিলেন। বলা বাহুল্য যে, ইংরাজের এই কৃতকার্য্যতায় মুরশিদ কুলি খাঁ বিশেষ বিরক্ত হইলেন এবং সনন্দের অত্যাচার সত্ত্বে বিয়োৎপাদন না করিয়া তাহাতে মৌজা ক্রয়ে ইংরাজ কোম্পানী বিফলমনোরথ হন, তাহারই উপায় অনুসন্ধান করিতে লাগিলেন। এই কার্য্য সিদ্ধির নিমিত্ত মুরশিদ প্রত্যেক জমিদারের নিকট এই মর্মে এক এক খানি পত্র লিখিলেন যে “যিনি ইংরাজ কোম্পানীর নিকট অঙ্গুলি প্রমাণ স্থান বিক্রয় করিবেন, আমার হস্ত হইতে তাঁহার কোন মতেই নিস্তার নাই।” মুরশিদের এইরূপ আদেশ পত্র জমিদার সকাশে প্রেরিত হওয়ায় মৌজাক্রয় সম্বন্ধে ইংরাজ কোম্পানীকে অকৃতকার্য্য হইতে হইল, কিন্তু অবশিষ্ট যে সকল অধিকার তাঁহারা প্রাপ্ত হইয়াছিলেন, অবাধে তদনুযায়ী কার্য্য সম্পন্ন হওয়ায় ইংরাজ কোম্পানী যথেষ্ট লাভবান হইতে লাগিলেন এবং অচিরে ইংরাজ প্রিন্সাদাং কলিকাতা ভারতবর্ষের প্রধান বন্দর বলিয়া পরিগণিত হইয়া উঠিল।

১৭১৮ খৃঃ মুরশিদ কুলি খাঁ বাঙ্গলা, বিহার ও উড়িষ্যা এই প্রদেশ ত্রয়ের দেওয়ান এবং নাজিম নিযুক্ত হন। তাঁহার পূর্ববর্তী কোন কর্মচারীই (আকবরের সময় হইতে ফেরোকসের সময় পর্য্যন্ত) এরূপ পদগৌরব এবং একাধিপত্য লাভ করিতে পারেন নাই। অতঃপর ফেরোকসের স্বীয় বন্ধুবর্গ দ্বারা নিহত হইলে বাহাদুর সাহের অন্যতম পৌত্র মহম্মদ সাহ দিল্লীর স্বর্গাট হন। মুরশিদ যথারীতি তাঁহার নিকটেও উপঢৌকন এবং কর পাঠাইতে আরম্ভ করিলেন। এইরূপ সব্যবহারে নূতন বাদসাহও মুরশিদের প্রতি প্রসন্ন হই রহিলেন।

এই সময় মুরশিদ কুলি খাঁ বাঙ্গালার সর্কে সর্কা। তিনি রাজস্ব আদায়ের সুবন্দোবস্তের নিমিত্ত বহুবিধ নূতন উপায় উদ্ভাবন করিয়াছিলেন। দেড়শত বৎসর পূর্বে শেরসাহের প্রদর্শিত পন্থাবলম্বনে মহামতি আকবর সাহের প্রধান রাজস্বসচিব রাজা তোড়লমল্, একবার রাজস্বের এক নিয়ম প্রস্তত করিয়াছিলেন। তৎপর মুরশিদ ব্যতীত কেহই আর এ কার্য্যে হস্তক্ষেপ করে নাই। মুরশিদ সর্কপ্রধান ও কার্য্যদক্ষ শাসন কর্তা ছিলেন। তিনি স্বীয় শাসন সময়ের মধ্যে পুরাতন জায়গীরদারগণকে পদচ্যুত করিয়াছিলেন। সমস্ত বাঙ্গলা দেশকে তিনি ত্রয়োদশ চাকলা, ১৬৬০ পরগণা এবং ৩৪ সরকারে বিভক্ত করেন। তাঁহার সময়ে ক্ষুদ্র বা বৃহৎ সকল জমিদারই কর সংগ্রহ কার্য্যে নিয়োজিত হইতেন। মুরশিদ রাজস্ব সংগ্রহ জন্ত মুসলমান অপেক্ষা হিন্দুদিগকে উপযুক্ত জ্ঞান করিতেন, কারণ হিন্দুজাতির হিসাব কর্ম্মে ব্যুৎপত্তি অপেক্ষাকৃত অধিক ও মুসলমান অপেক্ষা হিন্দুগণকে শাসন করাও সহজ। মুরশিদ প্রথমতঃ আমীন দ্বারা সমস্ত জমী মাপ করাইয়া জমিদারীর কর ধার্য্য করেন। এইরূপে নবাব একাদশ লক্ষ টাকা রাজস্ব বৃদ্ধি করিয়াছিলেন।

১৭২২ খৃঃ মুরশিদকুলি খাঁ জমা কামেল তুমারী বা রাজস্বের তৃতীয় হিসাব প্রস্তত করেন। তাহাতে বাঙ্গালার বাষিক কর ১ কোটি ৪২ লক্ষ ৮৮ হাজার টাকা ধার্য্য হয় এবং রাজকার্য্যের জন্ত ৩৩ তেত্রিশ লক্ষেরও কিঞ্চিৎ অধিক টাকা ব্যয় ছিল। অবশিষ্ট সমস্ত টাকাই বৎসর বৎসর লাভ দাঁড়াইয়া যাইত। মুরশিদ যথানিয়মে দিল্লীস্বরের নিকট বৎসর বৎসর রাজকর প্রেরণ করিতেন, সেই কারণ তাঁহার প্রতি সকল বাদসাহই সন্তুষ্ট থাকিতেন। ১৫ বৎসর ৯ মাস মধ্যে তিনি ১৬ কোটি ৫০ পঞ্চাশ লক্ষ টাকা দিল্লীতে কর স্বরূপ প্রেরণ করিয়াছিলেন।

মুরশিদ বাদসাহের নিকট কর প্রেরণে যেমন তৎপরতা প্রদর্শন করিতেন, জমিদারগণের নিকটেও কর আদায়ের সময় ততোধিক কঠোরতা অবলম্বন করিতেন। রাজস্ব আদায়ের নিমিত্ত মুরশিদ বা তাঁহার অধীনস্থ কর্মচারী বৃন্দ যে সকল নিষ্ঠুর উপায় অবলম্বন করিতেন, এখনও তাহা স্মরণ করিলে হৃদয় কম্পিত হয়। মুরশিদের অনুজ্ঞার বশবর্তী হইয়াই হটক অথবা স্বতঃ প্রবৃত্ত হইয়াই হটক, তাঁহার ক্ষমতাপ্রাপ্ত কর্মচারিগণ তৎকালীন জমিদারবর্গের উপর অথবা অজ্ঞাত প্রদর্শন করিয়া অষ্টাদশ

শতাব্দীর ইতিহাসে যে কলঙ্ক কালিমা মাথাইয়া রাখিয়া গিয়াছে, তাহা আর কোন কালে লয় হইবার নহে। রাজস্ব আদায়ের নিমিত্ত মুরশিদ হিন্দু জমীদারবর্গের উপর কিরূপ শাসনদণ্ড পরিচালনা করিতেন, এইবার সংক্ষেপে আমরা তাহারই কিঞ্চিৎ আভাস পাঠকবর্গকে প্রদান করিব। প্রত্যেক ইংরাজ ঐতিহাসিকই মুরশিদের রাজত্বকালের এই বিখ্যাত ঘটনার বিশেষরূপে বর্ণন করিয়াছেন।

মুরশিদের দৌহিত্র মহম্মদ রেজাখাঁ মাতামহের অধীনে বাঙ্গলায় দেওয়ানী করিতেন। তিনি ও আমেদ নামক একজন নবাব কর্মচারী জমীদারগণের প্রতি কঠোরতা প্রদর্শনের প্রধান উদ্যোগী বলিয়া ইতিহাসে কথিত। যে সকল জমীদারের সামান্য পরিমাণ খাজনা বাকী থাকিত, তাঁহাদের প্রতিও অমানুষিক অত্যাচার প্রদর্শনের ক্রটি হইত না। শীতকালে, অনাবৃত গাত্রে, শৈত্য প্রদান, প্রচণ্ড গ্রীষ্মের রৌদ্রতাপে দেহ দগ্ধীকরণ, পাদদেশে রজ্জু বন্ধন দ্বারা লম্বমান দেহে যাতনা প্রদান প্রভৃতি নির্দয় অত্যাচার নিয়তই জমীদারদিগকে নীরবে সহ্য করিতে হইত। কোন কোন জমীদার একটা দুর্গকময় গর্তমধ্যে বহুক্ষণ যাবৎ বাস করিবার জন্ত আদিষ্ট হইতেন। অত্যাচারী রাজকর্মচারীবর্গ নরকতুল্য সেই গর্তকে বৈকুণ্ঠ বা স্বর্গ বলিয়া বিজ্ঞপ করিতেন *।

কার্য্যগুণে সম্রাটসমীপে মুরশিদের যশোরাশি বর্দ্ধিত হইয়াছিল সত্য, কিন্তু কয়েকটা বিষয়ে সাধারণের নিকট, এমন কি, তাঁহার অনেক অধস্তন কর্মচারিগণেরও তিনি বিরাগভাজন হইয়াছিলেন। ইতিহাস পাঠে মুরশিদের কয়েকটা উল্লেখযোগ্য দুর্গম অবগত হওয়া যায়। অবশ্য মুরশিদের ত্রায় উপযুক্ত শাসনকর্তার পক্ষে সে দুর্গম দোষাবহ, সন্দেহ নাই। শুনা যায়, তিনি অনেক হিন্দুকে শাসন করিবার জন্ত বলপূর্ব্বক মুসলমান ধর্ম্মে দীক্ষিত করিতেন। যিনি রাজা, যিনি শাসনকর্তা, যাহার উপর ভিন্ন ধর্ম্মাবলম্বী প্রজাবৃন্দের ধর্ম্মকর্ম্ম নির্ভর করে, তিনি যদি স্বয়ং ধর্ম্মনাশে উদ্যত হন, তাহা হইলে দেশে রাজা বা শাসন কর্তার অস্তিত্ব বৃথা, সন্দেহ নাই।

* Defaulting Zaminders were subject to torture and some were dragged through a pond filled with insufferable odour, which was called in derision bykoont or paradise. Page 223. History of India by J. C. Marshman.

আমরা আজ পরমসুখে সুসভ্য দয়াময় ইংরাজ রাজের সুশাসনে শান্তি পাদপ মূলে বাস করিতেছি। আহা! প্রজাগণের উপর ইংরাজ রাজের কতই স্নেহ, কতই মমতা। ভারতমাতা মহারানী ভিক্টোরিয়া সুদূর ইংলণ্ড হইতে সর্ব্বদাই প্রতিবিপদে আমাদের সাহায্য করিতেছেন। উৎকট অপরাধীও শাসনকালে ইংরাজরাজের হস্তে স্বধর্ম্মচ্যুত হয় না। তাঁহার সকল ধর্ম্মাবলম্বী প্রজাকেই স্নেহচক্ষে দর্শন এবং প্রতিপালন করিয়া থাকেন। ইংরাজরাজ বহুবিধগুণরত্নের আকুর বলিয়াই আমরা সর্ব্বদাই কারমনো-বাক্যে সেই প্রাতঃস্মরণীয় ইংরাজরাজের মঙ্গল ও স্থায়িত্ব কামনা করিতেছি।

মুরশিদ বহুগুণের আকুর সত্ত্বেও দুই একটা প্রধান দোষের জন্ত রাজ চরিত্র সমালোচক মাত্রেরই নিকট ক্ষমা লাভের অল্পযুক্ত।

মুরশিদের দ্বিতীয় দোষ এই যে—মুরশিদের সহিত রাজকীয় ব্যাপার লইয়া এক সময় কাননগো দর্পনারায়ণের মনোমালিন্য উপস্থিত হয় এবং সেই ক্রোধের প্রুতিশোধ লইবার জন্ত একদা তিনি কৌশলপূর্ব্বক দর্পনারায়ণের হিসাবপত্র পরিদর্শন ব্যপদেশে দর্পনারায়ণকে বন্দী করিয়া তাঁহার সর্ব্বপ্রকার সুখ সন্তোগের অধিকার হরণ করেন। সেই কারণ ক্রমশঃ দর্পনারায়ণের শরীর রুগ্ন হইতে আরম্ভ হয়। এবং অবশেষে তিনি কালের করালগ্রাসে পতিত হন। ইহা অপেক্ষা রাজার পক্ষে আর কি কলঙ্ক হইতে পারে? যে রাজ্যে বিনা অপরাধের বা সামান্য অপরাধের পরিণাম মৃত্যু, সে রাজ্যের রাজার শুভকামনা কোন্ প্রজার অভিপ্রেত?

আমরা মুরশিদ-চরিত্র সমালোচনায় প্রবৃত্ত হইয়া আজ তাঁহার দুইটা গুরুতর দোষের তীব্রভাবে সমালোচনা করিলাম। মুরশিদ চরিত্র রাজ-চরিত্র না হইলে বর্তমান প্রবন্ধে আমরা উল্লিখিত দোষদ্বয়ের নিমিত্ত অধিক সময় নষ্ট করিতাম না। যাহা হউক, মুরশিদের দোষ অপেক্ষা যে গুণভাগ অধিক ছিল, একথা ঐতিহাসিক মাত্রই একবাক্যে স্বীকার করিয়া গিয়াছেন। আমরা যথাস্থানে মুরশিদের গুণপনারও পরিচয় পাঠকগণকে প্রদান করিব।

মুরশিদ কুলিখাঁর শাসন কালে দেশের শান্তি রক্ষা ও রাজস্ব আদায় জন্ত দুই সহস্র অশ্বারোহী, চারি সহস্র পদাতিক শৈল্প রক্ষিত হইত। তৎপূর্ব্বক সৈন্ত সংখ্যা আরও তিন সহস্র অধিক ছিল। এই সৈন্ত সংখ্যা কমাইয়া দিয়া মুরশিদ দশলক্ষ টাকার ব্যয় ভার লাঘব করিয়াছিলেন।

মুরশিদ কুলিখা রাজ্যের হিসাব পত্র সমস্তই নিজে দেখিয়া লইতেন, কেবল কর্মচারীর উপর ভারপূর্ণ করিয়া নিশ্চিত থাকিতে পারিতেন না। রাজস্ব আদায় সম্বন্ধে মুরশিদ প্রজাগণকে যৎপরোনাস্তি উৎপীড়ন করিতেন সত্য, কিন্তু বিচারামনে উপবিষ্ট হইয়া তিনি পক্ষপাত শূন্য বিচারদ্বারা সর্বদাই সাধারণের মনোরঞ্জন করিতেন। সপ্তাহে দুই দিন তিনি বিচার কার্যে হস্তক্ষেপ করিতেন। তাঁহার বিচার একরূপ নিরপেক্ষ ছিল যে, একদা বিচারালয়ে তাঁহার পুত্র দোষী সাব্যস্ত হওয়ায় তিনি আইনের মর্যাদা রক্ষা ও সাধারণ্যে নিরপেক্ষতার পরিচয় প্রদান জন্ত প্রাণাপেক্ষা প্রিয়তম সন্তানের প্রাণদণ্ডেরও আজ্ঞা প্রদানে দ্বিধা করেন নাই। তিনি নবাব চরিত্রের অনুকরণ করিয়া একাধিক দার পরিগ্রহ করেন নাই। খোজাগণ তাঁহার বাটীতে প্রবেশ করিতে পারিত না। দেশে যাহাতে ছুর্ভিক্ষ রক্ষণ প্রবেশ করিতে সমর্থ না হয়, তদ্বিষয়ে মুরশিদের তীক্ষ্ণ দৃষ্টি ছিল। সেই কারণে তিনি স্বীয় রাজ্যমধ্যে খাদ্য দ্রব্য মাত্রেরই রপ্তানি বন্ধের আদেশ প্রদান করিতেন। দান-শৌণ্ডিকতা মুরশিদ চরিত্রের অগ্রতম সদগুণ ছিল। মুরশিদের বিলাস রাসনা কিছু মাত্র ছিলনা। সামান্য সামান্য দ্রব্য নিচয় তাঁহার ভোগ্য ছিল। তিনি সকল সময়েই স্বীয় কর্তব্য পথে বিচরণ করিতেন। মুরশিদ স্বয়ং উৎকৃষ্ট লেখাপড়া জানিতেন, সেই কারণে বিদ্বান ব্যক্তিগণও তাঁহার নিকট হইতে সম্মান বা উৎসাহ লাভে কদাচ বঞ্চিত হইতেন না। হিন্দুর জাতি নাশ মুরশিদ চরিত্রের প্রধান কলঙ্ক। যিনি তাঁহার নিকট প্রতারণা করিতেন, মুরশিদ সপরিবারে তাঁহাকে মুসলমান ধর্ম গ্রহণ করাইতে বাধ্য করিতেন। চতুর্বিংশ বৎসরকাল অবিরোধে রাজকার্য সম্পন্ন করিয়া মুরশিদ কুলিখা ১৭২৫ খৃঃ ইহলোক পরিত্যাগ করেন। মৃত্যুর পূর্ব-বৎসর ১৭২৪ খৃঃ মুরশিদ কাঠরার মসজিদ নির্মাণ করাইয়া, তাহার প্রবেশ পথের সোপানাবলী নিয়ে আপনার সমাধিস্থান নির্দেশ করিয়া যান। তদনুসারে সেই চতুর্দশ সোপানের নিয়ে মুরশিদকে সমাধিস্থ করা হয়। অদ্যাপি সেই সমাধিক্ষেত্র মুরশিদাবাদ স্থাপন-কর্তার নাম স্মরণ করাইয়া দিতেছে। কাঠরার ভগ্ন মসজিদই এক্ষণে মুরশিদাবাদের প্রাচীনস্মৃতি চিহ্ন, সর্বপ্রধান দৃশ্য। এই মসজিদের নির্মাণ সম্বন্ধে অসম্মদে অনেক প্রবাদ প্রচলিত আছে। অনেক হিন্দু দেবদেবীর মন্দির নষ্ট করিয়া তাহাদের উপকরণ দ্বারা এই বৃহৎ মসজিদ অতি অল্প দিনের মধ্যেই নির্মিত হইয়াছিল,

এই কথা অনেকেই বলিয়া থাকেন। হিন্দুদেবী মুরশিদ চরিত্রের কোন কোন অংশ পাঠ করিলে একজন শ্রুতি একেবারে অমূলক বলিয়া উড়াইয়া দেওয়া কঠিন। যাহা হউক, মোরাদ ফরস নামক মুরশিদ কুলিখার জনৈক বিশ্বস্ত কর্মচারীর হস্তে এই মসজিদ নির্মাণের ভার প্রদান করা হইয়াছিল। এক্ষণে সেই সুন্দর মসজিদ যদিও ধ্বংস মুখে পতিত এবং সৌন্দর্য্য বিহীন হইয়া গিয়াছে, তথাপি একবার ইহারদিকে দৃষ্টিপাত করিলে আমরা মুরশিদাবাদের প্রাচীন শিল্পের যথেষ্ট পরিচয় পাইয়া থাকি। মসজিদের দিকে একবার এখন মন আকৃষ্ট হইলে, আমাদিগকে যুগপৎ সুখ ও দুঃখ সাগরে ভাসমান হইতে হয়। পর সংখ্যায় আমরা সংক্ষেপে মুরশিদ কুলিখার প্রধান কীর্ত্তি সেই কাঠরার মসজিদ ও সমাধি ক্ষেত্রের সংক্ষিপ্ত বিবরণ লিপিবদ্ধ করিয়া প্রবন্ধের উপসংহার করিব।

শ্রীশ্রীশচন্দ্র চট্টোপাধ্যায় ।

জনপদোদ্ধ্বংসে স্বাস্থ্য ।

জনপদোদ্ধ্বংসন ভারতীয় প্রাচীনগণের অজ্ঞাত ছিলনা। সর্বত্র ঋষিগণ ত্রিকাল দর্শন সমর্থ বলিয়া যে এই দেশমারীর প্রতিকারাদির উপদেশ করিয়াছেন, এমন নহে, ভারতবর্ষে ইহার কয়েকটি বিভীষিকাময়ী লীলা এখনও ইতিহাসের পত্রের কালিমায় স্মৃতিপথে আনিয়া দিতেছে। গোড়ের ভীষণ মারীভয় ও লোকক্ষয় কোনও পুরাতত্ত্ববিদের অজ্ঞাত নাই। প্রাচীন পাঞ্চালভূমে কাম্পিল্ল নগরের উৎসেধ কাহিনীও এই ভয়ঙ্করী লীলার স্মৃতিচিহ্ন! স্মৃতরাং ভারতের জনসাধারণ সময়ে সময়ে লোক বিনাশন ভীষণ রোগের প্রবল প্রসারে জনপদেব ধ্বংসের পরিচয় যে অবগত, তাহার অপলাপ করিবার যো নাই। আমরা এক্ষণে এই ভীষণ রোগের আশঙ্কায় আতঙ্কিত-মনা হইয়া নিরন্তর উদ্বেগ ভোগ করিতেছি, গত দুই বৎসর শীতাবসানে কলিকাতার শ্মশান বক্ষে যেরূপ লোকের মহানিদ্রার চির আসন বিস্মৃত ছিল, যেরূপ চিত্তানলের নিরন্তর সপ্তজিহ্বা লহ লহ করিয়া বিশ্ব গ্রাসের জন্ত গগনস্পর্শ করিতেছিল, তাহার স্মরণে এই শীতের ব্যবধানের অপসরণে আবার কত ব্যক্তির জীবনের শেষ হইবে, এই চিন্তায় অনেকে নিরন্তরই মুহামান হইতেছেন। মহাত্মা বিষ্ণুশর্মা

অত্রান্ত বাক্যের প্রত্যক্ষ এমাণ এখন অনেকেরই উপলব্ধি হইতেছে ; তিনি বলিয়াছেন,—

“তাবদ্ভয়স্য ভেতব্যং যাবদ ভয়মনাগতম্ ।”

আরও চলিত প্রবচন আছে, “পড়বে লাঠীর বড় ভয় ।” সেই ভয়ে এখন হইতে অনেকেরই মনে ক্ষণিক শঙ্কার উদ্রেক হয়। অদ্য আমরা সেই শঙ্কার অপনোদন জন্ত কয়েকটি শাস্ত্রীয় কথার অবতারণা করিতেছি ।

শাস্ত্রে আছে, প্রকৃতিবিপর্যয় হইতে জনপদের ধ্বংসকর রোগের আবির্ভাবের সূচনা করা যাইতে পারে। আরও পঞ্চভূতের বিকারে পাঞ্চভৌতিক জীব শরীরের বিকার সম্ভবপর, কারণ সামান্য ভাবেই সমধর্ম্মাক্রান্ত পদার্থে তদ্ভাব বৃদ্ধি করে। এক্ষণে এই প্রকৃতি বিপর্যয় সম্বন্ধে মহর্ষি আত্রেয় ভগবান্ স্বীয় শিষ্যগণকে উপদেশ করিতে যাহা বলিয়াছেন, নিম্নে তাহা প্রদর্শিত হইল।

“দৃশুন্তে হি খলু সৌম্য নক্ষত্রগ্রহগণ চন্দ্রসূর্য্যানিলানলানাং দিশাঞ্চ প্রকৃতিভূতানামৃতবৈকারিকা ভাবা অচিরাদিতো ভূরপি চ ন যথাবদ্রসবীৰ্য্য বিপাকপ্রভাবমোষধীনাং প্রতিবিধাশ্রুতি । তদ্বিরোগাচ্চাতকপ্রারতা নিয়তা ।”

হে সত্ত্বগুণাধিক শিষ্যগণ! নক্ষত্র, গ্রহ, চন্দ্র, সূর্য্য, অনিল, অনল, দিক সমূহের প্রকৃতিভূত ভাবের বিকার ও ঋতুবিপর্যয় দেখা যাইতেছে, এই নক্ষত্রাদির ও ঋতুগণের বিকারকর ভাব হইতে এই পৃথিবীও সেই দোষে দূষিতা; আর তাই ওষধিগণের যথাবৎ রস বীৰ্য্য বিপাক প্রভাবাদির বিধান করিতে পারিবেন না; আর সেই সকল রসবীৰ্য্য বিপাক প্রভাব সম্পন্ন ওষধিগণের অভাবে দেশে যে রোগ বহুলতা হইবে, তাহা সুনিশ্চিত অবধারিত।

ভগবান্ আত্রেয় আরও বলিয়াছেন,—

“অসামান্যবতামপ্যেভিরপ্যগ্নিবেশ, প্রকৃত্যাদিভির্জাটৈর্মহুষণাং যে হন্তে ভাবা সামান্যাস্তদৈগুণ্যাং সমানকালঃসমানলিঙ্গঞ্চ ব্যাধরোহিতি নিবর্ত্তমানা জনপদমুখবৎসবন্তি, তে তু খষ্মিমে ভায়াং সামান্য জনপদেবু ভবন্তি । তদ্বথা- বায়ুরুদকং দেশঃ কাল ইতি ।”

হে অগ্নিবেশ, প্রকৃত্যাদিভাব দ্বারা মানবগণ অসামান্য লক্ষণ হইলেও, অসামান্য ভাব দ্বারা তাহাদিগের মধ্যে সাম্য আছে; সেই সকল সামান্য ভাবের তুল্যতা তুল্যকালঃ তুল্যলক্ষণ ব্যাধি সমূহের প্রাদুর্ভাবে জনপদ ধ্বংস

হয়। জনপদধ্বংসের সামান্য ভাবগুলি হইতেছে, বায়ু, জল, দেশ, কাল। আবার আধুনিক পাশ্চাত্য বৈজ্ঞানিক গণিতগণের মতে এই সমান ভাব চতুষ্টয়ের একটীয়ই বিকারে অপর তিন ভাবেরও বিকার ঘটিয়া থাকে। অনেক সময় একের বিকারেই ক্রমশঃ দূষিত ভাবের প্রসার বৃদ্ধির সঙ্গে সঙ্গে রোগ প্রসূত হইতে থাকে।

ক্রমশঃ

নীরবে ।

নীরবে কাননে ফোটে

বিমল কুমুম রাশি,

নীরবে ঝড়িয়ে পড়ে

ফুরায় মধুর হাসি ।

২

নীরবে নীরবে ভবে

ছয় ঋতু যায় আসে,

নীরবে আধার রাতে

কেমন জোনাকি হাসে ।

৩

নীরবে সোণার শিশু

ঘুমায় মায়ের কোলে,

যুবতী নীরবে কত

চোখে চোখে কথা বলে ।

৪

নীরবে কবির প্রাণে

অমৃত লহরী খেলে,

আমারে যে বাসে ভাল

নীরবে সে বাবে চলে ।

৫

নীরবে তারকা শশী,

বিমল জোছনা চালে

বিধাতা নীরবে হুঃখ

লিখিছেন মোর ভালে।

৬

নীরবে সোণার রবি

সুংসারে ছড়ায় আলো,

আমিও তোমারে সখি

বাসিব, নীরবে ভালো !

৭

নীরবে জগৎ সৃষ্টি

নীরবে সংসার চলে,

জননী নীরবে যায়

কোলের শিশুটা ফেলে।

৮

বহুদিন মা আমার

গিয়েছেন কোথা চলে,

নীরবে মূর্তি তাঁর

এখন পরাণে খেলে।

৯

জগতে আমারে ভাই

সবাই নীরব বলে,

এসেছি নীরবে ভবে,

নীরবেই যাব চলে !

শ্রীশ্রীশচন্দ্র দে।

নানা কথা ও সংবাদ।

এক বৎসর কাঁপ যথাসাধ্য আমরা বীরভূমির সেবা করিলাম। কতদূর কৃতকার্য হইয়াছি, তাহা সুধী পাঠকগণেরই বিচার্য। তবে আমরা এই পর্য্যন্ত বলিতে পারি যে, অল্প কোন দিকে দৃষ্টিপাত না করিয়া কেবলমাত্র

দেশহিতরূপ কর্তব্য কার্য লক্ষ্য করিয়া আমরা সাবধানে গম্ভব্য পথে অগ্রসর হইয়াছি। এই কঠিন কার্যে কখন কখন যে আমাদের পদস্থলন না হইয়াছে, তাহা নহে; কখন যে আমরা নির্দিষ্ট পথভ্রষ্ট না হইয়াছি, তাহাও নহে; তবে ইহা সাহস করিয়া বলিতে পারি যে, একবারে আমরা লক্ষ্যচ্যুত হই নাই; একবারে উদ্দেশ্য ভুলিয়া বিপথে চলিয়া যাই নাই। যাহাতে এই ঘোর দুর্দিনে আমাদের বুদ্ধিবৃত্তি ও নৈতিক প্রবৃত্তির উন্নতি হয়, যাহাতে বীরভূম জেলার ইতিহাস ও সাহিত্যের উদ্ধার হয়, সে সম্বন্ধে আমাদের ক্ষুদ্র শক্তি নিয়োজিত করিতে ক্রটি করি নাই। কল্পনার তুলিকায় নানা সম্মোহন চিত্র অঙ্কিত করিয়া আমরা পাঠকবর্গের মনোহরণের চেষ্টা করি নাই; যাহা সত্য, যাহা লোকহিতকর, আমরা তাহাই পত্রস্থ করিয়াছি, এবং জগদীশ্বরের নিকট প্রার্থনা করিতেছি যেন চিরকালই ঐরূপই করিতে থাকি।

এই একবৎসরকাল বীরভূমি পরিচালনা সম্বন্ধে যে সকল মহোদয়গণের নিকট আমরা সাহায্য পাইয়াছি, তাঁহাদিগকে আমরা শত ধন্যবাদ দিতেছি। তাঁহারা কৃপা করিয়া সাহায্য ও উৎসাহ প্রদান না করিলে ক্ষুদ্রশক্তি আমাদের দ্বারা কোন কার্যই হইত না। এ সম্বন্ধে কলিকাতা-নিবাসী শ্রীযুক্ত বাবু রাজকৃষ্ণ পাল মহাশয়ের নাম প্রথমেই উল্লেখযোগ্য। বীরভূমির প্রতি তাঁহার অনুগ্রহের সীমা নাই। প্রতিমাসেই তিনি সরল, সুমধুর, অথচ চিন্তাপূর্ণ ধর্মবিষয়ক ও অশ্রান্ত প্রবন্ধ দিয়া বীরভূমির অঙ্গ অলঙ্কৃত করিয়াছেন। যাহাতে বীরভূমির উন্নতি হয়, নানা কার্যে ব্যস্ত থাকিয়াও তিনি নিয়তই তাহা করিতেছেন। এরূপ মহাত্মার অনুগ্রহে আমরা কৃতার্থ হইয়াছি। আর শিবরতন বাবু? তাঁহার সম্বন্ধে আমরা অধিক কথা বলিব না। তিনি বীরভূমের অধিবাসী। তিনি ত নিজের কর্তব্য কার্যই করিতেছেন। কিন্তু হায়! এ জগতে কর্তব্য কার্য কয় জন বুঝে এবং কয় জনই বা করিয়া থাকে? এমন আর একটি শিবরতন যদি পাইতাম, তবে কি আর ভাবনা ছিল? শিবরতন বাবু না করিতেছেন কি? নানা স্থানে ভ্রমণ করিয়া বীরভূমের প্রাচীন কবিগণের লুপ্ত প্রায় গ্রন্থের উদ্ধার করিতেছেন, বহু চেষ্টা করিয়া বীরভূমের প্রসিদ্ধ মহাপুরুষগণের জীবনী সংগ্রহ করিতেছেন; অক্লান্তভাবে গবর্ণমেন্টের প্রাচীন কাগজ পত্র অভিনিবেশ সহকারে পাঠ করিয়া বীরভূমির ইতিহাস সংগ্রহ করিতে-

ছেন। ইহার কার্য্য সম্বন্ধে আমরা আর কি বলিব, সুপ্রসিদ্ধ এডুকেশন গেজেট-সম্পাদক মহাশয় আষাঢ় মাসের বীরভূমি সমালোচনা করিতে কি বলিয়াছেন দেখুন “এই পত্রিকার লেখক শ্রীযুক্ত শিবরতন মিত্র বীরভূমের ইতিহাস সংকলন ও মহৎ লোকের জীবনী সংগ্রহ করিয়া যে কার্য্য করিতেছেন, তাহা সকল জেলারই অমূল্যকরণীয়।”

আমাদের আর একটি স্মৃতি ছিল, কিন্তু অদৃষ্টের দোষে তাহাকে হারা-ইয়াছি! পাঠক “তুমি ও আমি” প্রবন্ধ পড়িয়াছেন ত? সেই প্রবন্ধের ভাষার মাধুর্য্য, ও ভাবের গাভীর্য্যে কি মোহিত হন নাই? সেই প্রবন্ধের লেখক, আমাদের প্রিয় বন্ধু আশুতোষ বন্দ্যোপাধ্যায় আর ইহ জগতে নাই? আশুতোষ যদি আজ অকালে আমাদের ত্যাগ না করিত, তবে তাহার সুললিত প্রবন্ধ নিচয়ে বীরভূমির শোভা শতগুণ বর্দ্ধিত হইত। আশুতোষ নিষ্কলঙ্ক চরিত্র, মিষ্টভাষী, সুবিদ্বান ও বুদ্ধিমান ছিল। আশুতোষ পূর্ণ যৌবনে নির্দয় ভাবে আমাদের ত্যাগ করিয়া গেল বটে, কিন্তু তাহাকে স্মরণ করিয়া চির দিনই আমাদের মস্তক বিসর্জন করিতে হইবে।

সংবাদ ।

স্ত্রী হরণের অভিযোগ ।

বীরভূম সাঁজুলীপুর থানার অন্তর্গত ধুব বাটী গ্রামের মহেন্দ্র মজুমদার নামক জনৈক কায়স্থ সিউড়ী ফৌজদারী আদালতে এই মর্মে অভিযোগ করে যে, গ্রামের শশি ভূষণ দত্ত নামক জনৈক বণিক যুবক তাহার ভাৰ্য্যাকে অপহরণ করতঃ অবৈধ প্রণয়ে নিপু থাকিয়া একত্র বাস করিতেছে। জেলার ম্যাজিষ্ট্রেট শ্রীযুক্ত আমেদ সাহেব কীর্ত্তহারের সুপ্রসিদ্ধ জমিদার শ্রীযুক্ত বাবু সৌরেশচন্দ্র সরকার মহাশয়ের উপর মোকদ্দমার তদন্তের ভার দেন। সৌরেশ বাবু তদন্ত করিয়া অভিযোগ সত্য বলিয়া রিপোর্ট দেন। কিন্তু আশ্চর্য্যের বিষয় এই যে, এ হেন গুরুচাজ্জের মোকদ্দমা বেঞ্চ ম্যাজিষ্ট্রেট শ্রীযুক্ত ছৈয়দ এহম্মান হোসেন ও শ্রীযুক্ত রাম নারায়ণ সিংহের নিকট বিচারার্থ অর্পিত হয়। বলা বাহুল্য, শ্রীযুক্ত আমেদ সাহেব তখন ছুটিতে ছিলেন। মহেন্দ্র বড় দরিদ্র, তাহার বিষয় সম্পত্তি এখন আর কিছুই নাই। সে একজন মোক্তার দ্বারা মোকদ্দমা চালাইতে লাগিল। এদিকে আসামী

পক্ষে বহুসংখ্যক খ্যাত নামা উকীল ও মোক্তার নিযুক্ত হইল। মহেন্দ্র নিজের স্ত্রীকে সাক্ষী মান্য করিয়াছিল, বেঞ্চ ম্যাজিষ্ট্রেটগণ তাহার সাক্ষ্য লইয়াছিলেন। মহেন্দ্রের স্ত্রী সাতকড়ি দাসী দীন হীন বেশে আদালতে স্বামীর বিরুদ্ধে সাক্ষী দিল। সে বলিল, শশিভূষণ দত্তের সহিত তাহার কোন সম্বন্ধ নাই। তাহার স্বামী তাহাকে পরিত্যাগ করায় সে অপরত্র বাস করিতেছে। শুনিতেছি, বেঞ্চ ম্যাজিষ্ট্রেটদ্বয় তাহার সাক্ষ্যে পরম আপ্যায়িত হইয়াছেন!! মহেন্দ্রের পক্ষে দুইজন ভদ্র লোকের সাক্ষী লইয়া সেদিনকার মত মোকদ্দমা মূলতুবি থাকে।

অদ্ভুত কাণ্ড! নথি জাল!! তাহার পর কিন্তু এক বিষম কাণ্ড ঘটিল। মহেন্দ্র ম্যাজিষ্ট্রেটের নিকট প্রথম যে দরখাস্ত করে, তাহাতে আসামীর শুভ-জনক ছই এক কথা কে লিখিয়া দেয়। কথা ম্যাজিষ্ট্রেট সাহেবের কর্ণ-গোচর হইলে তিনি ডেঃ ম্যাজিষ্ট্রেট শ্রীযুক্ত নৌলবী আবদাস শোভানকে এ সম্বন্ধে তদন্ত করিতে আদেশ করেন। তদন্ত চলিতেছে। শুনিতেছি কে এমন কাণ্ড করিয়াছে, তাহা স্থির হয় নাই। বড়ই কলঙ্কের কথা! বীরভূম ফৌজদারী আদালতে একরূপ স্বণিত ব্যাপার কখন সংঘটিত হয় নাই। আমরা আশা করিতেছি, ম্যাজিষ্ট্রেট বাহাদুর অমূল্যদান দ্বারা প্রকৃত দোষী ব্যক্তিকে ধৃত করিয়া দণ্ড দিউন।

শুনিতেছি, মহেন্দ্র বেঞ্চ ম্যাজিষ্ট্রেটদ্বয়ের এজলাস হইতে মোকদ্দমা উঠাইয়া অপরত্র যাহাতে বিচার হয়, তাহার জন্ত দরখাস্ত করিয়াছে। একজন সুবিজ্ঞ ডেপুটী ম্যাজিষ্ট্রেটের নিকট এ মোকদ্দমার বিচার হয়, তাহা আমাদেরও ইচ্ছা।

হত্যা !

সিউড়ী সহরের নিকটবর্তী তিলপাড়া গ্রামের জনৈক আশুতোষ হাজরা, স্বপ্নে সমাগত কোন কুটুম্ব নৃপ্তানকে হত্যা করিয়াছে বলিয়া অভিযুক্ত হইয়াছে। প্রকাশ পাইয়াছে যে, রক্তাক্ত মৃত কলেবর তাহার বাটীর ভিতর পাড়িয়া থাকা কালীন আশু গৃহ মধ্যে জল যোগ করিতেছিল। হত্যাকাণ্ড প্রকাশিত হইলে পল্লীস্থ লোকগণ আসিয়া তাহাকে ডাকিলে সে স্বাভাবিক অবিচলিত চিত্তে ও বিশ্মিত নেত্রে “কে একাজ করিল বলিয়াছিল” কিন্তু তাহারাই অচিরে তাহাকে বন্দী করিয়া পুলীশে দিয়াছিল। আশুতোষ প্রকৃত অপরাধী হইলেও হত্যাকাণ্ডের অব্যবহিত পরে একরূপ স্থির চিত্ত থাকা কখনও ক্রটিগোচর হয় নাই এবং আদালতের কোন আসামীকে তাহার ত্রায় স্মিতমুখে কথা কহিতে দেখা যায় নাই। ডিপুটী ম্যাজিষ্ট্রেট শ্রীযুক্ত নৌলবী আবদাস শোভান বাহাদুর উক্ত মোকদ্দমা তদন্ত করত বিচার জন্য দায়বায় সোপর্দ করিয়াছেন।

সমালোচনা ।

শ্রীগৌরানন্দ মহা প্রভু চৈতন্যের জীবনী, যেভাৱেও শ্রীযুক্ত গোপালচন্দ্র দত্ত প্রণীত । গোপাল বাবু এই ক্ষুদ্র গ্রন্থে প্রমাণ করিতে চেষ্টা করিয়াছেন যে, চৈতন্য ঈশ্বর নহেন । এগ্রন্থের আমরা অধিক সমালোচনা করিব না ; তবে এই মাত্র বলিতে চাই যে, হিন্দুর বিশেষতঃ বিশেষ করিয়া হিন্দু ধর্ম গ্রন্থ আলোচনা না করিয়া হিন্দুধর্ম সম্বন্ধে কোন কথা বলিতে যাওয়া ধৃষ্টতা মাত্র । অপর ধর্মের নিন্দা করা যৌক্তিক খৃষ্টের শিষ্যগণের যেন প্রিয় কার্য হইয়া দাঁড়াইয়াছে । এই নিরীহ বিজিত ভারতে সকলই শোভা পায়, কিন্তু খৃষ্টীয়ান মিসুনারীগণের কুব্যবহারে চীনে যে অনল জ্বলিয়াছে, সমুদয় চীন দেশ দগ্ধ না করিয়া যে তাহা নির্দোষ হইবে, এমন বোধ হয় না । তাই বলিতেছিলাম, অপরের নিন্দা না করিলে কি নিজ ধর্মের প্রচার করা হয় না ? কথায়, কার্যে, ব্যবহারে নিজ ধর্মের উৎকর্ষ দেখাও, তোমার ধর্ম আপনিই আদৃত হইবে । বক্তৃতায়, সংবাদপত্রে গরল উদ্দীর্ণন করিয়া হিন্দু দেহ জর্জরিত কেন কর ?

১৩০৭ বৈশাখে ৭ম বর্ষ আরম্ভ

বাঙ্গালা, ইংরাজী ৬৪ খানির অনধিক প্রসিদ্ধ সংবাদ ও সাময়িক পত্রে
বিশেষ সমালোচিত ও উচ্চ প্রশংসিত

বীণাপাণি

মাসিক পত্রিকা ও সমালোচনী ।

বঙ্গের কৃতী ও লক্ষ্য প্রতিষ্ঠা লেখকগণ কর্তৃক পরিচালিত ও পৃষ্ঠ পোষিত ।

আকার রয়েল ৩৬ পৃষ্ঠা ।

প্রতি সংখ্যায় সুন্দর সুন্দর ছবি থাকে ।

অগ্রিম বার্ষিক মূল্য সর্বত্রই ৫০ বার আনা মাত্র

স্বতন্ত্র ডাক মাণ্ডল লাগে না ।

১০ ছই আনার ডাক টিকিট পাঠাইলে এক সংখ্যা "নমুনা" পাঠান হয় ।

এরূপ সুন্দর এমন সর্বাপেক্ষ সুন্দর এত বৃহৎ মাসিক পত্রিকা বঙ্গ

ভাষায় আর নাই বলিলেও অত্যাক্তি হয় না ।

শ্রীরামগোপাল সেনগুপ্ত—সম্পাদক

২৩ নং হরটোলার লেন, হাটখোলা, কলিকাতা ।

বীরভূমি ।

মাসিক পত্রিকা ও সমালোচনী ।

২য় ভাগ]

পৌষ, ১৩০৭

[৩য় সংখ্যা ।

শ্রীনীলরতন মুখোপাধ্যায় বি, এ,

সম্পাদিত ।

সূচী ।

বিষয় ।	লেখকের নাম ।	পৃষ্ঠা ।
১। প্রবাদ প্রসঙ্গ । (শ্রীশিবরতন মিত্র)	৬৫
২। বিধাতা ও মাতৃভূমি । (শ্রীমহম্মদ আজিজউস সোভান)	...	৭২
৩। কাঠরার মসজিদ । (শ্রীশ্রীশচন্দ্র চট্টোপাধ্যায়)	...	৭৪
৪। মৃগ । (শ্রীরাজকৃষ্ণ পাল)...	...	৭৮
৫। জনপদোধ্বংসে স্বাস্থ্য । (কবিরাজ শ্রীঅঘোরনাথ শাস্ত্রী	...	৮৭
৬। পাখীর গান । (শ্রীমতী নগেন্দ্রবালা সরস্বতী)	...	৯২
৭। সংবাদ ও নানা কথা । (সম্পাদক)	৯৬

কীর্ত্তহারের স্বদেশ-হিতৈষী জমিদার শ্রীযুক্ত সৌরেশচন্দ্র সরকার

মহাশয়ের যত্নে ও ব্যয়ে,

বীরভূম জেলার অন্তর্গত

কীর্ত্তহার গ্রাম হইতে,

শ্রীদেবিদাস ভট্টাচার্য্য বি, এ,

কর্ত্ত্বক প্রকাশিত ।

বার্ষিক মূল্য ১ টাকা ।

এই সংখ্যার মূল্য ১০ আনা ।



মেওরেস সেবনে বিংশতি প্রকার মেহ, পুরুষত্ব হানি, গুরুক্ষয়, অস্বাভাবিক উপায়ে রেতঃপাত, অতিশয় ইন্দ্রিয়পরায়ণতা বা অধিক বীৰ্যক্ষয়নিবন্ধন গুরুতরল্য, স্বপ্নদোষ, প্রস্রাবকালীন জ্বালা ও তৎসঙ্গে তুলার আঁশের মত কিস্বা খড়ি গোলার আয় বিকৃত বীৰ্যপতন, অতিরিক্ত প্রস্রাব, হস্ত পদ জ্বালা, মাথা ঘোরা, ক্ষুধামান্দ্য প্রভৃতি রোগ খুব শীঘ্র সম্পূর্ণ আরোগ্য হয়। ইহা সেবনে শত শত চিকিৎসক-পরিত্যক্ত রোগী আরোগ্যলাভ করিয়াছে, শক্তি, স্বাস্থ্য ও পুরুষত্ব ফিরিয়া পাইয়াছে। মেওরেস দেখিতে মনোহর, খাইতে প্রীতিপ্রদ, গুণে অমৃত তুল্য। মূল্য প্রতি শিশি এক টাকা মাত্র। ভিঃ পিঃ তে লইলে এক হইতে তিন শিশি পর্যন্ত আট আনা ডাক মাণ্ডলাদি লাগে। পত্র লিখিলেই বিস্তৃত সূখ্যাতি পত্র সম্বলিত মূল্য তালিকা পাঠাই। পত্রাদি লিখিবার একমাত্র ঠিকানা :—

জে, সি, মুখার্জি—ম্যানেজার,
ভিক্টোরিয়া, কেমিক্যাল ওয়ার্কস
রাণাঘাট, (বেঙ্গল)

বড়লাট কাঞ্জরন বাহাদুরের সহানুভূতি প্রাপ্ত,
বঙ্গের কৃতিসন্তান শ্রীরমেশচন্দ্র দত্ত মহাশয় কর্তৃক
মিরার, অমৃতবাজার, হিতবাদী, বসুমতী, প্রতিবাসী, সোমপ্রকাশ,
সাহিত্য প্রভৃতিতে বিশেষরূপে প্রশংসিত।

প্রয়াস।

দ্বিতীয় বর্ষ।

সচিত্র মাসিকপত্র ও সমালোচক।

৩২৭ বিডন স্ট্রিট, ৬ প্যারীচরণ সরকার মহাশয়ের বাটী হইতে

সাহিত্য-সেবক সমিতি কর্তৃক প্রকাশিত।

এবার নূতন সরঞ্জামে, নূতন প্রণালীতে প্রয়াস দ্বিতীয় বর্ষে পদার্পণ করিল

কাগজ আরও উৎকৃষ্ট, ছাপা আরও সুন্দর

প্রতি মাসেই মনোহর চিত্র থাকিবে।

অধচ অগ্রিম বার্ষিক মূল্য ডাকমাণ্ডল সমেত পূর্ববৎ ১১০ টাকাই রহিল।

সমিতির উদ্দেশ্য—সাহিত্য প্রচার, ও সঙ্গে সঙ্গে নবীন লেখকদিগের উৎসাহবর্ধন। তাই আশা আছে, এই সর্বাপেক্ষা সুলভ মাসিকপত্রখানি প্রত্যেক সাহিত্যানুরাগীর আন্তরিক সহানুভূতি ও সাহায্য পাইবে। ইহাতে সকল শ্রেণীর লোকের পড়িবার ও শিখিবার বিষয় থাকিবে।

শ্রীঅবিনাশচন্দ্র ঘোষ,

“প্রয়াস”—কার্যাব্যক্ষ।

বীরভূমি।

মাসিক পত্রিকা ও সমালোচনী।

২য় ভাগ]

পৌষ।

[৩য় সংখ্যা।

প্রবাদ প্রসঙ্গ।

৭। ঘনশ্যাম মিত্র।

মিএ কুলে জন্ম মোর গোমতিতে বাস।

ঘনশ্যাম নাম ধরি শ্রীকরণের দাস ॥


নিরাবিলের প্রাণ আমি ভঙ্গ কুলের ঐরি।

শ্রীকরণের করণকারণ তুল্য মূল্য করি ॥

ঘনশ্যাম মিত্র উত্তররাঢ়ীয় কায়স্থদিগের আচার ব্যবহার ও ক্রিয়া কলাপ দেখিয়া কুল বন্ধন করেন। যথা, সিংহের কুলীনঘর কান্দী, বেলে, জমুয়া; ঘোষের পাঁচখুপী, ঘজান, রসোড়া; মিত্রের বেলুন ইত্যাদি। ঘনশ্যামের পূর্বে উত্তররাঢ়ীয় কায়স্থদিগের ঘটকের কর্ম, কাটোয়ার নিকটবর্তী শুডো নামক গ্রামের ব্রাহ্মণেরা করিতেন। প্রবাদ এই যে, উপরি উক্ত পরিচয় সূচক শ্লোক দুইটি ঘনশ্যামের রচনা।

পরিচয়—সিউত্তর ছয় ক্রোশ উত্তর পূর্ব কোণে অবস্থিত গোমতি (গুমতো) নামক গ্রামে ঘনশ্যামের আবাস ভূমি ছিল। তাঁহার পুত্র সন্তান ছিল না। কয়েকটি কন্তার মধ্যে প্রথমা কন্যার সহিত, কান্দীর নিকট বেলে নামক গ্রামের রাজারাম সিংহের বিবাহ হয়। এই রাজারাম সিংহের পুত্র শুকদেব সিংহ ঘটক, যশোহর জেলার অন্তর্গত পুরণপাড়া গ্রামের ঘটক বংশের পূর্ব পুরুষ। এই ঘটকদিগের নিকট যে কুলজী গ্রন্থ আছে তাহাতে

ঘনশ্যাম ও শুকদেব উভয়েরই উদ্ভবিতা আছে । * ঘনশ্যামের বংশতালিকা, যথা—



প্রবাদঃ—মাড়কলা গ্রামের কেনারাম দাস ও মোনারাম দাস লক্ষাধিক মুদ্রা ব্যয় করিয়া মাতৃশ্রদ্ধ সম্পন্ন করেন । এতদুপক্ষে যে সমারোহ ‡ হইয়াছিল, তাহাতে ঘনশ্যামও উপস্থিত ছিলেন । ভোজনের সময় স্বশ্রেণী-বর্গের মধ্যে কেহ তাঁহার পরিচয় জিজ্ঞাসা করিলে, তিনি ‘গোমতির মিত্র’ বলিয়া পরিচয় প্রদান করেন । ইহাতে কোন কোন ব্যক্তি বলেন, ‘আমরা কি ‘শুক-মুত’ (‘গোমতির’ অপভ্রংশ শুকমুত) লইয়া আহার করিতে আসিয়াছি’ ? এই রহস্যময় ছজুগে যোগদান করিবার লোকের অভাব হইল না এবং তজ্জন্য ঘনশ্যামকে বিশেষ বিড়ম্বিত হইতে হইল । যজ্ঞানের উচিৎখা উপাধিধারী গৌরীকান্ত ঘোষ এবং অপরাপর গণ্যমান্য ব্যক্তি, স্বশ্রেণী কায়স্থ লইয়া একত্র ভোজন করা দোষাবহ নহে, একথা কোন ক্রমেই বুঝাইতে না পারিয়া, অগত্যা ঘনশ্যামকে স্বতন্ত্র স্থানে আহার করিবার জন্ত অনুরোধ করেন । কিন্তু ঘনশ্যাম বলিলেন যে, যাহারা তাঁহাকে আগ্রহ সহকারে নিমন্ত্রণ করিয়া আনিয়াছেন তাহারা না কহিলে তিনি গাত্রোথান করিতে

* আমার নিকট কায়স্থদিগের কুলজী নামক একখানি প্রাচীন হস্ত লিখিত পুঁথি (খণ্ডিত) আছে, তাহাতে ‘শ্রীকৃষ্ণবল্লভসুত শ্যামদাসের’ ভণিতা আছে ।

† ইনিই অনুগ্রহ করিয়া আমার বংশতালিকাটা প্রদান করিয়াছেন ।

‡ এই সমারোহ উপলক্ষে রচিত একটি সুদীর্ঘ ‘ছড়া’ এ অঞ্চলে প্রচলিত আছে ।

প্রস্তুত নহেন । অন্তোপায় হইয়া কর্তৃপক্ষ সাহায্যে তাঁহাকে বলিলেন ‘আপনার জন্ত যখন এতগুলি ‘স্বশ্রেণীর’ আহার বন্ধ হয়, তখন অনুগ্রহ করিয়া আপনি স্বতন্ত্র স্থানে আপনার আহারের বন্দোবস্ত করিবার অনুমতি প্রদান করুন । কিন্তু তিনি আর আহার না করিয়া ‘আমার পরিতোষ হইয়াছে’ এই বলিয়া সে স্থান হইতে প্রস্থান করেন এবং এই প্রকারে উপেক্ষিত হইয়া কায়স্থদিগের কুলবন্ধনে প্রতিজ্ঞা করেন । অবশেষে শ্রীশ্রী ১/ বৈদ্যনাথ ধামে কঠোর ‘ধর্মী’ দিয়া উত্তররাঢ়ীয় কায়স্থদিগের কুলার্চ্যের পদ প্রাপ্ত হইবার স্বপ্নাদেশ প্রাপ্ত হইলেন । ফলতঃ এই কার্যে হস্তক্ষেপ করিলে অনেক স্বশ্রেণীবর্গের মনোহানি হইবে বলিয়া তাহার কোন পুত্র সন্তান জন্মগ্রহণ করিবে না, কিন্তু তাহার কন্যার গর্ভে যে সকল সন্তান জন্মগ্রহণ করিবে, তাহারাই এই কার্যের অনুষ্ঠাতা হইবে । কান্দীর নিকট বেলে গ্রামের রাজারাম সিংহের পিতাকেও স্বীয় পুত্রের সহিত ঘনশ্যামের কন্যার শুভ পরিণয় কার্য সম্পন্ন করিবার জন্ত স্বপ্নাদেশ হয় । এই রাজারাম সিংহের পুত্র ও ঘনশ্যাম মিত্রের দৌহিত্র শুকদেব সিংহ ঘটক, বর্তমান ঘটকদিগের পূর্বপুরুষ । তাঁহার বংশধরেরা এখনও ঘটকের ব্যবসা রক্ষা করিতেছে ।

একটা কথা আছে ।

খুঁচি নাই যাতে

কুল নাই তাতে ।

অর্থাৎ যে কুলে ঘনশ্যাম হস্তক্ষেপ করেন নাই কিম্বা যে কুলের কোন উল্লেখ করেন নাই, তাহা কুলীন কায়স্থদিগের মধ্যে গণ্যই নহে । এই সদর্প উক্তি ঘনশ্যামের, উত্তর রাঢ়ীয় কায়স্থদিগের কুলবন্ধন কার্যে কতদূর প্রভাব প্রতিপত্তি জন্মিয়াছিল, তাহারই কিঞ্চিৎ আভাষ প্রাপ্ত হওয়া যায় ।

৮। রামসুন্দর তর্কালঙ্কার ।

পরিচয়ঃ—মৌড়েশ্বর ধানার অন্তর্গত ছনোবহড়া নামক পল্লীতে রামসুন্দর তর্কালঙ্কার মহাশয় জন্মগ্রহণ করেন । খৃষ্টীয় ঊনবিংশ শতাব্দীর মধ্যভাগে, স্বীয় প্রতিভাবলে তিনি একজন দার্শনিক পণ্ডিত ও বৈয়াকরণিক বলিয়া খ্যাতি লাভ করিয়াছিলেন । কবিত্বশক্তি তাঁহার এত প্রবল ছিল যে, তিনি যখন যে ছন্দ শ্রবণ করিতেন, ঠিক সেই ছন্দের অনুরূপ শ্লোকে

তৎক্ষণাৎ কবিতা রচনা করিতে পারিতেন। পুরাণ, ভাগবত ইত্যাদি তাঁহার কণ্ঠস্থ ছিল।

বাল্যাবস্থায়, রামসুন্দর মুর্শীদাবাদের বাণীকণ্ঠ বিদ্যাবাগীশ এবং লাভপুরের অন্তর্গত কোতল ঘোষা গ্রাম নিবাসী হরগোবিন্দ ত্রায়ালঙ্কার মহাশয়ের মিকট বিদ্যাধ্যয়ন করিয়া পরিশেষে নবদ্বীপে গিয়া পাঠ সমাপন করেন।

রামসুন্দর সর্বকেশী ছিলেন এবং গৈরিক বসন পরিধান করিতেন। তিনি বীরাচারী শাক্ত ছিলেন, খাদ্যাখাদ্য বিচার করিতেন না। তাঁহার একস্থানে অধিক দিন অবস্থান করা অভ্যাস ছিল না; সন্ন্যাসীর মত কেবল ঘুরিয়া বেড়াইতেন।

তিনি মিষ্টভাষী ছিলেন এবং তাহার প্রত্যুৎপন্নমতিত্বও যথেষ্ট ছিল। কোন তোষামোদপ্রিয় ধনী ব্যক্তিকে তিনি নাম ধরিয়া আহ্বান করিলে সে অতিশয় ক্ষুণ্ণ হয়। রামসুন্দর ধনীব্যক্তির মনের ভাব বুঝিতে পারিয়া তাহাকে সাদরে আহ্বান করিয়া কহিলেন ‘তুই আমার ভাই, সেই জন্ত তোকে নাম ধরিয়া ডাকিলাম—তুই লক্ষ্মীর বড় বেটা, আর আমি স্বরস্বতীর বড় বেটা।’ এই কথা শ্রবণ করিয়া তোষামোদপ্রিয় ধনী দ্রব হইয়া গেল।

প্রবাদ—রামসুন্দর অনেক বড় বড় পণ্ডিত সভায় জয় লাভ করিয়াছিলেন। আমরা এস্থলে দুইটি মাত্র সভার বিবরণ লিপিবদ্ধ করিয়া দিলাম।

(১) সোনারন্দীর রাজা রায়দানীশের শ্রাদ্ধ উপলক্ষে, তাঁহার চারি পুত্র কর্তৃক বহু পণ্ডিত নিমন্ত্রিত হইলে, এক মহতী সভার অধিবেশন হয়। রুক্মিণীকান্ত সোনারন্দী রাজার সভাপণ্ডিত, স্মতরাং বর্তমান ক্ষেত্রে তাহার প্রতিপত্তি অল্প নহে। মুর্শীদাবাদে কোন সভায় পূর্বোক্ত বাণী কণ্ঠ বিদ্যা-বাগীশ সভাপতি ছিলেন; বিদায় গ্রহণ উপলক্ষে রুক্মিণীকান্ত তাঁহার উপর কিঞ্চিৎ রুষ্ট হন। এক্ষণে তিনি সুবিধা পাইয়া বাণীকণ্ঠকে অপদস্থ করিবার জন্ত সমগ্র পণ্ডিতমণ্ডলীর সহিত একপক্ষ হইয়া তাহার সহিত বিচার করিবার জন্ত চক্রান্ত করিলেন। বাণীকণ্ঠ অগ্রেই চক্রান্তের কথা জানিতে পারিয়া সভায় যাইতে অসম্মত হইলে, ব্যাকরণে সমধিক ব্যুৎপন্ন ও ত্রায় শাস্ত্রে পারদর্শী কোন শিষ্য কর্তৃক বিশেষ ভাবে অল্পরুদ্ধ হইয়া কুণ্ঠিতভাবে সভায় আগমন করেন। বাণীকণ্ঠ স্বভাবতঃ অতিথিবৎসল ছিলেন। রাম-

সুন্দর, এই সময় কাটোয়ার সন্নিহিত কোন গ্রামে সন্ন্যাসী ভাবে অবস্থান করিতেছিলেন; তিনি এই চক্রান্তের কথা শ্রবণ করিয়া বিচারের সময়, সন্ন্যাসী বেশে সভাপ্রান্তে আসিয়া দণ্ডায়মান হইলেন। বাণীকণ্ঠ অতিথি দর্শনে পাদবন্দনা জন্ত তাহার নিকটস্থ হন; কারণ তিনি এ প্রকার বেশে স্বীয় শিষ্য রামসুন্দরকে চিনিতে পারেন নাই। রামসুন্দর বাহুতঃ কোন কথা প্রকাশ না করিয়া প্রতিপ্রণামের ছলে স্বকীয় পরিচয় প্রদান করেন এবং তাঁহার সহিত বিচারে যোগদান করিবার কথা বিজ্ঞাপিত করেন। রাজকুমার চতুষ্ঠয়কে অনুরোধের পর স্থিরীকৃত হইল যে বাণীকণ্ঠকে প্রশ্ন জিজ্ঞাসা করিবার পূর্বে যেন সন্ন্যাসীকে জিজ্ঞাসা করা হয়; তিনি অসমর্থ হইলে পর বাণীকণ্ঠকে প্রশ্ন করা হইবে। তদনুসারেই বিচার আরম্ভ হইল। দ্রাবীড়, পুনা, কাশী, বিক্রমপুর, নবদ্বীপ, ভট্টপল্লী প্রভৃতি স্থানের পণ্ডিতগণের কূট প্রশ্নের উত্তর রামসুন্দর অবলীলাক্রমে সমাধান করিতে লাগিলেন। কিন্তু যে বিচারে রামসুন্দর পূর্বপক্ষ গ্রহণ করিলেন, সমবেত পণ্ডিতমণ্ডলী তাহার সহুত্তর প্রদান করিতে অসমর্থ হইলে বাণীকণ্ঠ রামসুন্দরের হস্তধারণ পূর্বক রাজপুত্র চতুষ্ঠয়ের নিকটবর্তী হইয়া তাহাকে আপন শিষ্য বলিয়া পরিচয় প্রদান করিলেন এবং সদর্পে সভামণ্ডপে তারস্বরে এই কথা বলিলেন “যদি অনুমতি দেন তবে এ সকল পণ্ডিত কি, রামসুন্দরকে লইয়া স্বর্গের বৃহস্পতির সহিত বিচার করিয়া আসিতে পারি!”

(২) বর্তমান হেতমপুরাধিপতি শ্রীযুক্ত রাজা রামরঞ্জন চক্রবর্তী বাহা-
ছরের পিতামহ বাবু বিপ্রচরণ চক্রবর্তী মহাশয়ের শ্রাদ্ধ ক্রিয়া উপলক্ষে বহু
মহামহোপাধ্যায় পণ্ডিতের সমাগম হয়। তারানাথ তর্কবাচস্পতি, প্রেমচাঁদ
তর্কবাগীশ প্রভৃতি পণ্ডিতগণও গুভাগমন করিয়াছিলেন। এই সভায়
সাংখ্যের বিচার হয়। রামসুন্দর ও তারানাথ এই সভার বিচারে যথা ক্রমে
অধ্যক্ষ ও মধ্যস্থ বসিত হইয়াছিলেন। কিন্তু সমগ্র পণ্ডিতমণ্ডলী
একত্র হইয়া রামসুন্দরের সহিত সাংখ্যের বিচার আরম্ভ করেন—তাঁহারা
এই বিচারের জন্ত বিশেষরূপ প্রস্তুতও হইয়া আসিয়াছিলেন। অত্যাঁ
পণ্ডিতগণ আপনাপন মত প্রবল করিবার জন্ত প্রতিপোষক স্বরূপ নানা
শাস্ত্র হইতে প্রমাণের অবতারণা করিতে লাগিলেন। কিন্তু রামসুন্দর স্বীয়
অসাধারণ প্রতিভাবলে তদনুরূপ ছন্দে (যথায় তিনি পুস্তক হইতে প্রমাণো-
দ্ধৃত করিতে অসমর্থ হইতেছিলেন) শ্লোক সঙ্গে সঙ্গে রচনা করিয়া কোন

বিধাতা ও মাতৃভূমি ।

বিধাতা-অসীম রাজ্য থাকুক কুশলে ;
 প্রশস্ত আকাশ বৃকে
 চন্দ্রমা ভাসুক স্বখে,
 হীরক তারকা মালা জ্বলুক গগন পটে,
 ঝরুক নিঝররূপে বিধাতার কৃপাবারি
 প্রান্তর পুলিন পাশে, বর্জিত বিটপী লতা
 পুষ্পিত ফলিত হোক, প্রকাশি মহান দীপ্তি,—
 মানব রাজত্ব হোক সাগরের জলে ।

২

ভাসুক আকাশ মার্গে সঙ্গীত লহরী,
 বনের কুসুম মালা
 প্রকাশি তোমারি লীলা
 বায়ুভরে নেচে নেচে তোমারি মহিমা গা'ক্
 উড়ুক সুমেরু চূড়ে তোমারি করুণা ধ্বজা
 কন্দরে কন্দরে দেশে, বিজনে বিপিনে বনে
 তোমারি রাজত্বদর্প হোক সুপ্রকাশ, দেব,
 প্রস্তরে প্রস্তরে নাম জ্বলুক তোমারি ।

৩

জউক্ তোমারি নাম পক্ষী বনচর ।
 মন্ত্রে মন্ত্রে মুখে বৃকে
 তরুর পল্লব শাখে
 তমঃময় অন্তহীন অতল সাগর তলে
 তোমারি রহস্য প্রভু, হোক ব্যাপ্ত সর্বময়,
 দেবতা দানব মিলি পতঙ্গ মাতঙ্গ সহ
 মানবের হিংস্রাভাব ছাড়ি হিংস্র বনচর
 ঘোষণা করুক প্রভু মহিমা তোমার ।

৪

তটিনী লহরীমালা রচি তব নাম,
 ঢালি অঙ্গ অঙ্গ'পরি
 অক্ষর রচনা করি
 লিখুক তটিনী বক্ষে নামের মহিমা তব,
 বেড়ি বেড়ি নভস্থল ব্যাপিয়া তারকাচর
 নদীবক্ষে মুক্তামালা হউক সজ্জিত, নাম
 লিখিতে তোমারি, গ্রহে গ্রহে চন্দ্র সূর্য্য হোক
 দীপ্তিমান—সুখময় বিধাতার ধাম ।

৫

রত্নের ভাণ্ডার হোক রাজত্ব বিশাল,
 থাক সদা শূন্য' পরে
 কল্পনার অগোচরে
 গভীর জলদকোলে বিছ্যতের বর্ণমালা
 রচিয়ে তোমারি নাম হৃৎকারি বজ্রস্বরে
 কাঁপায় ধরণীধর অক্ষর লিখিয়া দিক,
 শাসন তোমার ওহে জলে স্থলে শূন্যমার্গে
 শুরুক সংসার তব চক্র চিরকাল ।

৬

এই চাই—
 আমার সে মাতৃভূমি সে ছায়াতলে
 সেই কার্য্য ক্ষেত্র'পরি
 সেই আশা বৃকে ধরি
 সুখময় রহে চিরকাল, সেই গান প্রেম,
 সেই বাঁশী স্বরে মুগ্ধ, সহেনা কখন যেন
 সবল তাড়নাভয় নাহি শিখে উৎপীড়ন ;
 বহিহে জীবন যারা যথুক তোমারি গুণ;—
 শান্তি দাও, প্রভু, যারা শায়িত ভূতলে ।

শ্রীমহম্মদ আজিজউস সোভান ।

যে জানে না; তার নিকট এ সব কথা বলা যা, আর অরণ্যে রোদনও তা;
ভূইই সমান। চণ্ডীদাস সম্বন্ধে আরও অনেক কথা আছে তাহা লিখিতে হইলে
পাঠকের ধৈর্য্যচ্যুতি হইবে। চণ্ডীদাস নিজের অভূতি দ্বারা, সত্যভাবে বাহ্য
পাইয়াছিলেন তাহাই তিনি কবিতাকারে লিখিয়া গিয়াছেন।

চণ্ডীদাসের শেষ একটি পদ উল্লেখ করিয়া আমরা আজ চণ্ডীদাসের আন্দো-
চনা শেষ করিব। চণ্ডীদাস বলিতেছেন :—

“পিরীতি লাগিয়া আপন ভুলিয়া পরেতে মিশিতে পারে
পরকে আপন করিতে পারিলে পিরীতি মিলয়ে তারে ॥”
পিরীতি সাধন বড়ই কঠিন কহে দ্বিজ চণ্ডীদাস
হুই ঘুচাইয়া এক অঙ্গ হও, থাকিলে পিরীতি আশ ॥”

শ্রীত্রিগুণানন্দ রায়।

মহাত্মা টলষ্টয় । (৫)

সামরিক জীবনে প্রবেশ করিয়া বেশ নিষ্ঠার সহিত কার্য্য করিলে টলষ্টয়
বিশেষ রূপেই যশস্বী হইতে পারিতেন। কিন্তু ভগবান তাঁহাকে এতদপেক্ষা
মহত্তর কর্ম্মক্ষেত্রে গৌরবান্বিত করিবেন বলিয়াই যেন সাম-
সামরিক প্রতিষ্ঠাভাব। রিক জীবনে তিনি প্রতিষ্ঠালাভের উপযুক্ত হইয়াও ঘটনা-
চক্রে তেমন প্রতিষ্ঠান্বিত হইতে পারেন নাই।

দক্ষতার সহিত কার্য্য করিতে পারিলে, টলষ্টয় যে পদবীতে কার্য্য করিতেন
সেই পদবীর লোকেরা ‘সেন্ট জর্জের ক্রস্,’ নামক এক সম্মানচিহ্ন পাইতেন।
এই সম্মান প্রাপ্ত হইবার আকাঙ্ক্ষা ও সে সময়ে টলষ্টয়ের মনে বিশেষভাবেই
বিদ্যমান ছিল। তিনি তাঁহার পিসি মাতাকে ১৮৫২ খ্রীষ্টাব্দের জুন মাসে যে
পত্র লিখেন তাহাতে স্পষ্ট রূপেই লিখিয়াছিলেন—“I frankly confess that
of all military honours, that little cross is the only one which
I have had the vanity to desire.” অর্থাৎ সামরিক বিভাগে কেবল
মাত্র এই ‘ক্রস্’ পাইবার আকাঙ্ক্ষা আমার মনে বিশেষ ভাবেই ছিল। বাহ্য
হটক, টলষ্টয় তিনবার এই ক্রস্ পাইবার উপযুক্ত হইয়াও পান নাই।

প্রথমবারে তাঁহার নাম নিকট হইয়া উর্দ্বতন কর্ম্মচারীর নিকট প্রেরিত

হইয়াছিল বটে, কিন্তু সেই কাগজ ফিরিয়া আসিতে অযথা বিলম্ব ঘটায় তাঁহার
ভাগ্যে এ সম্মান জোটে নাই। দ্বিতীয়বারে তিনি নিশ্চয়ই
এই সম্মান পাইবেন, ইতিমধ্যে এক আশ্চর্য্য ঘটনা ঘটিল।
সেনাপতি আসিয়া টলষ্টয়কে বলিলেন যে তুমি যদি এই
সম্মান চিহ্ন লও তাহা হইলে তুমি কেবল সম্মানিত হইবে, আর তুমি যদি ইহা
না লও, তাহা হইলে তোমার নীচের একজন বৃদ্ধ কর্ম্মচারী তাহা পাইবে, সে
যদি এই সম্মান পায়, তাহা হইলে তাহার যে কেবল সম্মান হইবে তাহা নয়,
বৃদ্ধ বয়সে তাহার পেন্সনের ও সুবিধা হইবে। এই কথা শ্রবণ মাত্র টলষ্টয়
স্বকীয় স্বভাব সিদ্ধ উদারতার প্রেরণায় সেই সম্মান গ্রহণ
করিলেন না। আবার তৃতীয়বারে, তাঁহার এই সম্মান পাই-
বার সমস্তই স্থির হইয়া গেল। তিনি এই সময়ে একদিন
রাত্ৰিতে একেবারে আত্মহারা হইয়া পাশা খেলিতেছিলেন, রাত্রির কর্তব্য পালন
করেন নাই, এই অনবধানতা প্রযুক্ত সেনাপতি তাঁহাকে এই সম্মান হইতে
বঞ্চিত করেন। যাহা হউক, এ স্থলে বলিয়া রাখা দরকার যে টলষ্টয় স্বভাবতঃই
পাশা খেলায় খুব দক্ষ ছিলেন।

ককাসম্‌এর যুদ্ধ কিরূপ ভাবে চলিত তাহাও টলষ্টয় তৎপ্রণীত The
Raid ও The Wood Felling নামক গ্রন্থদ্বয়ে বিশেষ ভাবেই বর্ণনা
করিয়া গিয়াছেন। সে যুদ্ধ এই রূপ। একদল রুশীয় সৈন্য
তাতারদিগের অধিকৃত একখানি গ্রাম হঠাৎ আক্রমণ করিত,
অরণ্য ভূমির কিয়দংশ অধিকার করিয়া গাছ পালা কাটিয়া
লইত, অথবা তাতারদিগের কতকগুলি পশু কাড়িয়া লইয়া আসিত। এই
সব খণ্ড যুদ্ধে দু একটা গোলাগুলি চলিত, হয়ত এক একটা যুদ্ধে ৫৬ জন
লোক হত বা আহত হইত। এই প্রকারে গ্রাম লুণ্ঠন করিয়া রুশীয়গণ যখন
নিজেদের শিবিরে ফিরিয়া আনিত সেই সময়ে তাতারগণ পশ্চাৎ হইতে তাহা-
দের অনুসরণ করিত ও পশ্চাদ্বর্তী দুই চারিজনকে মারিয়া ফেলিত। ককাসম্‌
প্রদেশের যুদ্ধ অনেক দিন ধরিয়া চলিয়াছিল। নির্জল বনপ্রদেশে এই প্রকারে
নিহত দুই একজন পরিচিত ব্যক্তির মৃতদেহ টলষ্টয় অনেক সময়েই দেখিয়া
ছিলেন এবং বড়ই করুণাপূর্ণ বেদনার ভাষায় তিনি তাঁহার গ্রন্থ মধ্যে তাহা
বর্ণনা করিয়াছেন।

‘টলষ্টয়’কেও এই প্রকারে যুদ্ধাদি করিতে সময়ে সময়ে অন্ত স্থানে ঘাইতে

কাঠারার মসজিদ ।

লেখকের একদিনের স্মৃতি ।

এক দিন (১৩০৭ সালের) বৈশাখের শেষ ভাগে আমি, আমার পরমবন্ধু মুরশিদাবাদ হিতৈষীর সহকারী সম্পাদক শ্রীযুক্ত বাবু নরেন্দ্রভূষণ সিংহ এবং আরো কয়েকজন বন্ধু সমভিব্যাহারে, মুরশিদাবাদের বর্তমান দৃশ্য সমূহ দর্শন করিবার নিমিত্ত নৌকাযোগে বহরমপুর হইতে মুরশিদাবাদ সহরে গমন করিয়াছিলাম। তীর্থে গমন করিয়া তত্রত্য কামা দেবদেবীর প্রতি-মূর্তি দর্শন ব্যতীত যেমন সে তীর্থের ফললাভ হয় না, সেইরূপ মুরশিদাবাদের দৃশ্য দর্শনের নিমিত্ত মুরশিদাবাদে গমন করিয়া মুরশিদ কুলির সমাধি প্রভৃতি প্রধান প্রধান কীর্তিস্তম্ভ সন্দর্শন ভিন্ন দর্শকের আশা কখনই ফলবতী হইতে পারেনা। অনেক দিন হইতে আমার মনে এই বিশ্বাস বদ্ধমূল থাকায় (যদিও “হাজার ছয়ারীর” ভারত-বিখ্যাত সৌন্দর্য্য পূর্বে কয়েকবারই দর্শন করিয়া নয়ন ও মনের তৃপ্তি সাধন করিয়াছিলাম, তথাপি) বন্ধুবর্গের সমভি-ব্যাহারে একবার হাজার ছয়ারীর মনোরম দৃশ্য সমূহ সন্দর্শন করিয়াই কাঠারার মসজিদাভিমুখে অবিলম্বে সকলেই গমন করিলাম। সে দিন আমার মনে যে কিরূপ আনন্দ উপস্থিত হইয়াছিল, তাহা বর্ণনাতীত। পূর্বে মুরশিদাবাদের অধিকাংশ স্থান সাধারণতঃ প্রকৃতিদেবীর মনোহর আবাস-ভূমি, কোন স্থান মানবরচিত আত্র, কাঁঠালাদির বৃক্ষে এবং কোন স্থান বা স্বভাবজ বৃক্ষলতাদি দ্বারা পরিপূর্ণ, কোন স্থানে বনমল্লিকা কুসুম সৌরভে অলিকূল বিমুক্ত করিয়া সুললিত সঙ্গীত শ্রবণ করিতেছে, কোথাও বা মলয়ানিল বহুবিধ বন্য পুষ্প গন্ধে উন্নত হইয়া, কখন তরুপত্র কখনবা লতা পল্লবের সহিত আলাপন ও ক্রীড়া করিয়া সমাগত দর্শকের মন বিমোহিত করিতেছে। আমরা প্রকৃতি মাতার সেই বাসভূমির মধ্য দিয়া পক্ষীকুলের শ্রবণরঞ্জন কলসঙ্গীত, সমীরণের পাত্ত বিমোহিনী শক্তি প্রভৃতির উপলব্ধি করিতে করিতে মুরশিদাবাদ সহরের প্রায় এক মাইল পূর্বে কাঠরা নামক স্থানে উপনীত হইলাম। কাঠরারও অধিকাংশই এক্ষণ জঙ্গলে পরিপূর্ণ। যেমন আমরা গন্তব্য স্থানে উপস্থিত হইলাম, অমনি আমাদের মনে হুঃখের

সঞ্চার হইল !!! কারণ কোথায় শিল্পীর শিল্প নৈপুণ্য দর্শনে নয়ন মন সার্থক করিব, না সেখানেও প্রাকৃতিক দৃশ্যে মন প্রাণ শিহরিতে আরম্ভ হইল। যে স্থানে ভগ্নপ্রায় মসজিদটি অসংস্কৃতাবস্থায় অদ্যাপি নিজ গৌরব প্রকাশ করিয়া দণ্ডায়মান রহিয়াছে, তাহার প্রায় চতুর্দিক নিবিড় জঙ্গলে পরিপূর্ণ। সুতরাং মসজিদবাটীও আজ ব্যাত্র, ভল্লুকাদি হিংস্র জন্তুর আবাসস্থান হইয়া পাড়িয়াছে। যখনই যাও, তখনই শুনিতে পাইবে যে, চতুর্দিকে শিবাগণ মধ্যে মধ্যে “ছকি” রবে বনভূমি প্রতিধ্বনিত করিতেছে।

মসজিদটি পূর্বাভিমুখে অবস্থিত। তাহার প্রবেশ দ্বারে উপস্থিত হইতে হইলে প্রথমেই চতুর্দশ সংখ্যক বৃহৎ বৃহৎ সোপানের সাহায্যে উপরে উঠিতে হয়। এই সোপান সমূহের নিম্নেই সেই বিখ্যাত মুরশিদ কুলির সমাধিক্ষেত্র। আমরা এই সোপানাবলী অতিক্রম করিয়া একটা তোরণ দ্বারের মধ্য দিয়া কক্ষপ্রস্তর নির্মিত, নাতিদীর্ঘ, নাতিবিস্তৃত পথের সাহায্যে মসজিদের সমীপস্থ হইলাম। মসজিদের সম্মুখস্থ একটা খোলা বারান্দার মধ্য দিয়াই প্রস্তর-নির্মিত পথটি চলিয়া গিয়াছে এবং বৃহৎ বারান্দার মধ্যস্থলে দীর্ঘ আলবালের ঝায় শোভা পাইতেছে। মসজিদটি উজ্জল ধাতুময় চূড়াযুক্ত পঞ্চ গম্বুজ সমন্বিত, অসংস্কৃতাবস্থায় দণ্ডায়মান। ইহার প্রবেশদ্বারের উপর পারশ্রভাষায় খোদিত একখানি প্রস্তরফলক এবং তিতরে পশ্চিম দিকের দেওয়ালের মধ্যস্থলেও আর একখানি, (সম্ভবতঃ পারস্য ভাষায় লিখিত) ঐরূপ প্রস্তরখণ্ড প্রথিত রহিয়াছে। আমার একটা বন্ধুর (Domiciled Bihari) পারশ্র ভাষায় কিঞ্চিৎ দখল ছিল। কিন্তু তিনিও তখন স্পষ্টভাবে, শীঘ্র প্রস্তরফলকে লিখিত অংশ সমূহের অর্থ বুঝাইয়া দিতে পারিলেন না। আমরা উহার অর্থের জন্ত আর অধিক সময় নষ্ট না করিয়া মসজিদের অন্ত্যান্ত দৃশ্য দর্শনে মনোনিবেশ করিলাম। আমরা মসজিদ গৃহের প্রবেশপথে যে প্রস্তরময় চৌকাঠ আছে, তাহারই উপর দাঁড়াইয়া মসজিদের তিতরের দৃশ্য দেখিতে আরম্ভ করিলাম। কারণ ক্রমশঃ মসজিদের ষেরূপ ভগ্নাদশা উপস্থিত, তাহাতে তাহার অভ্যন্তরে প্রবেশ করিলে বিপদ ঘটিবারই বিশেষ সম্ভব, এই ভাবিয়া এবং “সতর্কের বিনাশ নাই,” এই উপদেশ বাক্য স্মরণ করিয়া বাহির হইতেই মসজিদের যথাসম্ভব সর্বাংশ দর্শন করিলাম। এবং এক একবার ভাবিলাম, এই বিরাট ব্যাপা-কত অজস্র মুদ্রাই না ব্যয় হইয়াছে! কত লোকের পরিশ্রমে কত অহ

সময়ের মধ্যেই যে এই স্ববৃহৎ মসজিদবাটী নির্মিত হইয়াছিল, তাহাও একবার চিন্তা করিলে সকলকেই বিস্মিত হইতে হয় ও অর্থের অসাধ্য কিছুই নাই, একথাও অবনত মস্তকে স্বীকার করিতে হয়। মসজিদটির দৈর্ঘ্য ন্যূনাধিক ৪২৪৩ গজ এবং প্রস্থ ৮৯ গজ বলিয়া বোধ হয়। গৃহের উত্তর ও দক্ষিণ পার্শ্বে দুইটি জানালা প্রাচীন কারুকার্য্য বিভূষিত হইয়া অধুনাপি মলিন বেশে জীবিত রহিয়াছে। এক্ষণে ভগ্ন মসজিদের অভ্যন্তরে দৃষ্টি পাত করিলে স্বতঃই দর্শকের মনে ভয়ের সঞ্চার হয়। হায়! কালের কুটিল চক্র কে ভেদ করিবে? মুরশিদ একদা যাহাকে ধর্ম্মশালার উদ্দেশ্যে নির্মাণ করাইয়াছিলেন, যেস্থান কোরাণপাঠার্থীগণের পদধূলিতে পবিত্র হইবে বলিয়া কত আশাই হৃদয়ে পোষণ করিয়াছিলেন, সেই মসজিদ আজ কেবল পারাবতের কলধ্বনিতে ও মধুচক্রে পরিশোভিত রহিয়াছে। এক্ষণে পারাবত, মধুমক্ষিকা এবং ষামঘোষেরাই এই প্রকাণ্ড মসজিদগৃহ অধিকার করিয়া বনের শোভা বৃদ্ধি ও নিষ্কর্মে রমণীয়তা উপভোগ করিতেছে। আমরা এই মসজিদ গৃহের অধঃপতন সন্দর্শন করিয়া সজল নেত্রে জগতের অস্থায়িত্ব অনুভব করিতে করিতে সে স্থান পরিত্যাগ করিলাম। আগমন কালে মুরশিদের সেই সোপান নিম্নস্থ সমাধি মন্দিরটী একবার মনোযোগের সহিত দর্শন করিলাম। বলা বাহুল্য যে, আমার একটী বন্ধু ব্যতীত আর সকলেই মনের সহিত কাঠরার সেই ভগ্ন মসজিদ ভবনাদির দৃশ্য দর্শনে সময় নষ্ট করিতে অনিচ্ছুক ছিলেন; কারণ প্রাচীন ঐতিহাসিক তথ্য, সকল দর্শকের মনো-রঞ্জন করিতে পারে না। যেহেতু ভগ্নগৃহ, ইষ্টকস্তূপ, প্রস্তর ফলক প্রভৃতির উপরিভাগে আপাতরম্য নয়ন-মন-বিমোহন কোন দৃশ্যই বর্তমান থাকেনা। আমরা যখন পুনরায় মুরশিদের সমাধিগৃহের নিকট দণ্ডায়মান হইলাম, তখন কয়েকজন বন্ধু আমাদের প্রতি ক্রুদ্ধ হইয়া আমাদের দুই জনকে তথায় রাখিয়াই অল্প দৃশ্য দর্শনার্থ গমন করিয়াছিলেন। আমরা শীঘ্র শীঘ্র সেই সোপান নিম্নস্থ মুরশিদের সমাধিমন্দির দেখিয়া সঙ্গদ্রষ্ট বন্ধুবর্গের সহিত অর্দ্ধপথে একত্রিত হইয়াছিলাম।

সোপানতলস্থ গৃহের উত্তর দিকে একটী দ্বার আছে। সেই দ্বার পার হইয়া একটী প্রকোষ্ঠ, তাহার পশ্চাৎভাগেই সমাধিক্ষেত্র। উভয় দ্বারে যাতায়াত জন্য একটী কপাটহীন প্রবেশদ্বার রহিয়াছে। ইহার অভ্যন্তরে প্রবেশের সুযোগ আমাদের ঘটিল না। বিশেষ বন্ধুবর্গের নিমিত্ত উৎকণ্ঠিত হইয়া শীঘ্রই

আমাদিগকে অনিচ্ছা সত্ত্বেও কাঠরা পরিত্যাগ করিতে হইয়াছিল। স্থানীয় জনৈক মুসলমানের নিকট হইতে আমরা সমাধিক্ষেত্রের বাহিরে দাঁড়াইয়াই অনেক কথা অবগত হইলাম। যেস্থানে মুরশিদ অনন্ত নিদ্রায় অভিভূত, সেস্থানও বহুবিধ শিল্পনৈপুণ্যের পরিচয় প্রদান করিতেছে। বড়ই দুঃখের বিষয় যে, প্রত্যহ যামিনী যোগে একটী মাত্র প্রদীপের মলিন আলোক সেই-দৌর্দেহ প্রতাপশালী মুরশিদাবদ-নির্মাতা নবাব মুরশিদকুলির কারুকার্য্য বিজড়িত সমাধিভূমির উজ্জল বর্ধনের সহায়তা করিয়া থাকে!!! হায়! মুরশিদ, তুমি-এক্ষণে কোথায়, তোমার সেই অতুল ঐশ্বর্য্য, বাঙ্গলার একাধিপত্য এবং খৃষ্টীয় অষ্টাদশ শতাব্দীর স্বোপার্জিত অদ্বিতীয় সম্মান সকলই যে তোমার জীবনের সঙ্গে সঙ্গে তিরোহিত হইয়াছে, তাহা কি তুমি বুদ্ধিতে পারিতেছ? সোপানতলবর্তী সমাধিগৃহটী দেখিয়া বোধ হইল যে, মধ্যে মধ্যে ইহার সংস্কার হইয়া থাকে। পরে শুনিলাম, এই সমাধি মন্দিরের কার্য্যাদি সম্পাদন করিবার জন্য একজন লোকও নিযুক্ত আছে। অতঃপর আমরা মসজিদবাটী পরিত্যাগ করিয়া মুরশিদের ক্রিয়া কলাপ স্মরণ করিতে করিতে বালুচরের জনৈক বিখ্যাত জৈন প্রতিষ্ঠিত “কাঠগোলা বাগান” নামক বর্তমান মুরশিদাবাদের অন্ততম বিখ্যাত দৃশ্য দর্শনার্থ গমন করিলাম। পথে আরও ভগ্ন মসজিদ আমাদের নয়নগোচর হইল। জনৈক পথিককে একটী মসজিদের দিকে অঙ্গুলি নির্দেশ করিয়া জিজ্ঞাসা করায়, সে বলিল, মহাশয়! ইহার নাম “ফুটী মসজিদ” তৎপর বহরমপুরে আসিয়া জানিলাম যে, “ফৌতি মসজিদের” অপভ্রংশে স্থানীয় লোকেরা “ফুটী মসজিদ” কহিয়া থাকে। যাহা হউক, আমরা সে সকল মসজিদের প্রতি আর ততদূর মনোনিবেশ না করিয়াই চলিয়া যাইতে আরম্ভ করিলাম।

প্রিয় পাঠক! যদি কখনও তীর্থযাত্রীর বেশে মুরশিদাবাদের বর্তমান দৃশ্য (হাজার ছয়ারী প্রভৃতি) দর্শনের নিমিত্ত মুরশিদাবাদ সহরে পদার্পণ কর, তাহাহইলে যেন একবার কাঠরায় মুরশিদের স্মৃতিচিহ্নে নয়নার্পণ না করিয়া কদাচ পরিতৃপ্ত হইবে না। যাহার নামের সহিত মুরশিদাবাদের নামের অবিচ্ছেদ্য সম্বন্ধ, মুরশিদাবাদে উপস্থিত হইয়া একবার তাঁহার নাম না করিয়া, একবার তাঁহার কীর্তিস্তম্ভ সন্দর্শনে নয়ন মন সার্থক না করিয়া পশ্চাৎপদ হওয়া কি উচিত হয়? শ্রীশ্রীশচন্দ্র চট্টোপাধ্যায়।

মৃগ ।

প্রাণিতত্ত্ববিদেরা গোজাতি এবং মৃগ জাতি নামে দুইটি বিভাগ করিয়াছেন। প্রথম বিভাগের নাম দিয়াছেন Bovine অর্থাৎ গোজাতি। দ্বিতীয় বিভাগের নাম দিয়াছেন Cervine অর্থাৎ মৃগজাতি।

পরন্তু এই দুইটি বিভাগ করিবার কতকগুলি কারণ তাঁহারা দেখিয়াছেন, নচেৎ শুধু শুধু শ্রেণীবিভাগ হয় নাই। কারণ গুলির মধ্যে যাহাদের লিভর, পাকস্থলী, শৃঙ্গ প্রভৃতি একরূপ, তাহারা এক শ্রেণীর মধ্যে পরিগণিত, উহার ভারতম্য হইলেই তাহাকে অপর শ্রেণীতে ধরা হইয়াছে। এই হিসাবে জিরেফা, উষ্ট্র, গো, মেঘ, মহিষ, ছাগ প্রভৃতি এক শ্রেণীতে অর্থাৎ Bovine বিভাগে পড়িয়া গিয়াছে। এবং হরিণ অপর শ্রেণীতে পড়িয়াছে। ইংরাজেরা কৃষ্ণসারকে অর্থাৎ (Antelope.) এন্টিলোপকে হরিণ জাতি বলেন নাই; গো জাতি বলিয়া ধরিয়াছেন; তাঁহারা রেগুয়াকে যে হিসাবে হরিণের জাতি বলিয়াছেন, সেই হিসাবে এন্টিলোপ বা কৃষ্ণসারকে হরিণ বলা চলিত। ইহাতে কোন কোন হিন্দু আপত্তি করেন ও তাঁহারা বলেন, “কৃষ্ণসার” হিন্দু-মতে প্রকৃত হরিণ শ্রেণীভুক্ত। ফলে যাহাই হউক, কৃষ্ণসার আমরা হরিণের শ্রেণীর মধ্যে পরিগণিত করিয়া যাইব। উপস্থিত আমরা এই বুঝাইতে চাই যে, যাহারা রোমছনকারী জীব, অর্থাৎ যে জন্তুরা জখবর কাটে; এবং যাহাদের শৃঙ্গ ফাঁপা, অথচ উহার পরিবর্তন হয় না, এবং সাদা সিদে শিং, উহারাই গো জাতি বা Bovine শ্রেণীভুক্ত। এবং যাহাদের শিং নীরেট, প্রতি বৎসর উহা খসিয়া গিয়া নূতন শিং উঠে; তাহারা মৃগ জাতি বা Cervine শ্রেণীভুক্ত।

পৃথিবীর প্রায় সমুদয় বনেই হরিণ পাওয়া গিয়াছে। বিশেষতঃ আফ্রিকা খণ্ডেই কিছু অধিক। সমুদয় প্রাণী বৃত্তান্তেরই আফ্রিকা খণ্ডেই অধিক পরীক্ষার স্থল এবং তথায় প্রকার ভেদে এক প্রাণী বহুবিধ পাওয়া গিয়াছে, ইহা সকল প্রাণিতত্ত্ববিদেরা একবাক্যে স্বীকার করেন। বানর, গরু, ভল্লুক, মৃগ প্রভৃতি যে কোন প্রাণী আফ্রিকাতে নানাবিধ ভাবে পাওয়া গিয়াছে, এমনটি আর কোন মহাদেশে পাওয়া যায় নাই। যাহা হউক, যে হিসাবে পৃথিবীতে যাহা কিছু জানা গিয়াছে, তাহার কোনটি চূড়ান্ত ভাবে পাওয়া যায়

নাই, সেই হিসাবে মৃগ সম্বন্ধে যাহা কিছু জানা গিয়াছে, তাহারও চূড়ান্ত পাওয়া হয় নাই, হরিণের বিষয় জানিবার এখনো অনেক অপরূপ আছে।

যাহা হউক, বসন্তকালে হরিণের কপোল দেশের দুই দিকে শুপারির মত যেন ছুটি গুটি বা স্ফোটক বাহির হয়। এই স্ফোটকদ্বয় সূচিক্রম চর্ম্মাবৃত এবং লোমাবলিতে আচ্ছাদিত থাকে। বোধ হয়, এই স্ফোটক নির্গমন জন্তু উহাদের মস্তকে বেদনা হয়, এইজন্তু উহারা ঐ সময় খুব সাবধানে থাকে; আততায়ী নিকটে আসিলেও কিছু বলে না। তৎপরে যখন সেই সূচিক্রম চর্ম্ম ফাটিয়া শিং বাহির হয়, এবং সেই শিং ক্রমে পাকিয়া যখন বড় হয়, তখন উহারা শিং পাকিল কিনা, তাহার একটা পরীক্ষা করে অর্থাৎ অপর হরিণের পাকা শিঙ্গের সঙ্গে ঠোকাঠুকি করিয়া যখন বুঝে, যে আর ভাঙ্গিবার নহে, তখন উহারা ইচ্ছামত স্থানে গমনাগমন এবং ভ্রমণ করিয়া থাকে। প্রতি বৎসর হরিণের শিং বদলাইয়া নূতন শিং হয়।

ইহাদের অনেকের শিং শাখা প্রশাখা বিশিষ্ট। এবং কোন কোন হরিণের আদৌ শিং নাই। যবদ্বীপ এবং চীনদেশে এক জাতীয় হরিণের আদৌ শিং নাই। পরন্তু শিঙ্গের বাহার প্রত্যেকের স্বতন্ত্র স্বতন্ত্র। তবে রেগুয়া এবং এক জাতীয় হরিণের শিং উৎকৃষ্ট ঝাড়বিশিষ্ট এবং গুচ্ছাকার। তৎপরে লাঙ্গল ফেলো এবং শুকুরো জাতীয় হরিণের শিং যদিও ঝাড়াল এবং এবং শাখা প্রশাখা বিশিষ্ট বটে, কিন্তু পুরো জাতিদ্বয় অপেক্ষা ইহাদের শিং অনেক ছোট। ওয়াপিতী জাতীয় হরিণের শিং বেশি ঝাড়াল না হইলেও উহা শাখা প্রশাখা বিশিষ্ট খুব লম্বা। বোরাক জাতীয় হরিণের শিং অনেক ছোট, আন্দাজ গো শৃঙ্গের অর্ধেক; কিন্তু উহা বাঁকান নয়,—মস্তকের উপর খাড়া ভাবে দাঁড় করান। ইহা ভিন্ন হরিণীর এবং হরিণের শিঙ্গের অনেক স্থলে পরিবর্তন দেখা গিয়াছে; তাহা প্রত্যেক হরিণের বিবরণের মধ্যে বলিয়া যাইব।

হরিণেরা শয় এবং লতা-পাতা-ভোজী প্রাণী এবং শুদ্ধাচারী। অসভ্য গণ্ডারের মত দিবারাত্রি কর্দমে পড়িয়া থাকে না। অনেক হরিণ অক্টোবর মাসে সঙ্গম করে। ইহাদের সঙ্গম সময় সুদীর্ঘ—তিন সপ্তাহ ক্রমাগত সঙ্গম করে। সঙ্গমের পর ইহারা শুদ্ধাচারে থাকে, অর্থাৎ যে, সে লতা পাতা ভক্ষণ করে না। এইজন্তু এই সময় হরিণী কিছু কৃপ হইয়া পড়ে। সঙ্গম করিবার জন্তু ইহাদের সঙ্গী খুঁজিয়া লইতে হয়; ছাগলের মত স্বগোষ্ঠে

ইহাদের সঙ্গম হয় না। অক্টোবরের সঙ্গমে গর্ভ হইলে, জুন মাসে ইহারা সন্তান প্রসব করে। বার বৎসর বয়স হইলে ইহারা পূর্ণাঙ্গ প্রাপ্ত হয়। এবং কুড়ি বৎসর পর্য্যন্ত জীবিত থাকে। সমুদয় হরিণের চক্ষুই মাহুঘের নিকট অতি সুন্দর। এবং কোন কোন হরিণ আদৌ জল পান করে না। কেহবা জলের ধারে থাকে এবং জল পান করে।

কৃষ্ণসার জাতীয় হরিণের পরিচয় এইবার আরম্ভ করা যাউক।

(১)

গাজেলী জাতি ।

এই জাতীয় কৃষ্ণসার পৃথিবীর চারি খণ্ডেই পাওয়া গিয়াছে। এ পর্য্যন্ত কুড়ি প্রকারের গাজেলীর দেখা পাওয়া গিয়াছে। আফ্রিকা, মধ্য এশিয়া, আরব এবং পারস্যে ইহাদের অনেক পাওয়া যায়। ভারতেও গাজেলী আছে। এই জাতীয় হরিণ দুই ফুট হইতে তিন ফুট পর্য্যন্ত দেখা গিয়াছে। সিরিয়া, মিশর এবং আরবের গাজেলী খুব ছোট। মুখ মেঘের মত; বর্ণ উজ্জ্বল তাম্র। শিং বাঁকিয়া বাঁশির মত হয়। ইহারা লতা, পাতা এবং তৃণ ভক্ষণ করে। ইহাদের আদৌ তৃষ্ণা নাই—বারি পান করে না। বর্ণ চিরকাল এক প্রকারের থাকে। নক্ষত্র বেগে দৌড়ায়।

(২)

শ্রায়গা জাতি ।

এই জাতীয় কৃষ্ণসার ২৪ প্রকারের পাওয়া গিয়াছে। ইহাদের মুখ লম্বা, শিং ঝাড়াল; এবং এক ফুট উচ্চ। গ্রীষ্মকালে ইহাদের বর্ণ পিঙ্গল, এবং শীতকালে বর্ণ ধূসর হয়। ইহাদের নাসারন্ধ্রের প্রসরতা বশতঃ আহার কালে নাকের মধ্যে খাদ্য দ্রব্য প্রবেশ করে বলিয়া ইহারা খাইতে খাইতে পশ্চাৎ হটিতে থাকে। ইহাদের নারীজাতির শিং নাই। ইহারা দ্রুত দৌড়ায় বটে, কিন্তু ক্লান্ত হইয়া পড়ে। ইহারা দীর্ঘে প্রস্থে বেশ লম্বা হইয়া থাকে। পারস্যের লাঙ্গল ফলা হরিণের মত দেখিতে। ভারতের চিত্তি হরিণও এই শ্রায়গা জাতি কৃষ্ণসারের অনুরূপ।

(৩)

চাইরু জাতি ।

ইহাদের বর্ণ লাল ছিটে; শিং ২ ফুট লম্বা; ইহাদের নারীগুলিরও শিং হয়। শিঙ ঘোর কৃষ্ণবর্ণের। চাইরু জাতি পর্ব্বতেই অধিক থাকে।

আকারে ইহারা খুব ছোট বাবং খুব বড় নহে। আমেরিকা এবং যবদ্বীপের হরিণাণুকে এই কৃষ্ণসার জাতিতে ধরা চলে।

(৪)

ইম্পালা জাতি ।

পূর্ব এবং দক্ষিণ আফ্রিকা হইতে আড়াই শত প্রকারের ইম্পালা জাতি কৃষ্ণসার পাওয়া গিয়াছে। ইহাদের পায়ের খাৰা জিরেফার মত। চক্ষু বৃহৎ এবং সজল। মেয়েদের শিং নাই। পুরুষদের শিং কুড়ি ইঞ্চি লম্বা। ইহাদের অধিকাংশের লাল রং; লোম কোমল; গলা সরু; মুখ লম্বা; উচ্চে এদেশীয় গরুর মত।

(৫)

ব্ল্যাক বাক জাতি ।

এই কৃষ্ণসার কেবল ভারতে পাওয়া গিয়াছে। ইহার বর্ণ তামাটে কাল। পুরুষের শৃঙ্গ ৩০ ইঞ্চির অধিক লম্বা, এবং পাকান পাকান ভাবে স্ক্রুপের মত। মেয়েদের শিং নাই। ইহারা দেখিতে প্রকাণ্ড! মেয়েগুলি পুরুষাপেক্ষা ছোট। সচরাচর ইহারা আড়াই ফিট উচ্চ হয়। ইহাদের কাহারও চোক এবং কাহারও নাক বেড়িয়া একটা সাদা চক্র আছে। ইহাদের নাকলেজ খাট এবং নিম্নে কিঞ্চিৎ সাদা। ইহারা বিদ্যুৎ গতিতে দৌড়িতে পারে। ব্যাঘ্র ভিন্ন অপর কেহই ইহাদের দৌড়িয়া ধরিতে পারে না। ইহাদের মাংস হিন্দুদিগের নিকট পরম পবিত্র। ইহাদের চক্ষুই উপনয়নের উপবীত প্রাপ্ত হয়। মুনি ঋষিরা ইহারই উপবীত সদা সর্বদা ব্যবহার করিতেন। মনুসংহিতা মতে ইহার মাংস শ্রাদ্ধাদি কার্যে লাগিয়া থাকে।

“কৃষ্ণ সারস্ত চরতি মৃগো যত্র স্বভাবতঃ ।

স জ্জয়ো যজ্জিয়ো দেশো স্নেচ্ছ দেশস্ততঃ পরঃ ॥

অর্থাৎ যতদূর কৃষ্ণসার স্বভাবতঃ চরে; ততদূরাবধিই যাজ্ঞিক দেশ, তাহার পর স্নেচ্ছ ভূমি; কেননা, তথায় যজ্ঞস্থান হইতে পারে না। এই শ্লোক সম্বন্ধে অনেক মতামত আছে। তাহা বলা এ প্রবন্ধের উদ্দেশ্য নহে; তবে “মতামত” আছে; এবং এই কৃষ্ণসার লইয়া সংস্কৃত শ্লোক আছে, ইহা বলাই এ ক্ষেত্রের কার্য।

(৬)

ওয়াটার বাক জাতি ।

ইহাদের ভারতে এবং তিব্বতে পাওয়া যায়, পর্বতের ঝরণার নিকট অধিক দেখা যায়। পুষিতে হইলে, খালে বা বিলের ধারে রাখিতে হয়। ইহারা জল পান করে। ইহাদের কপালে দুই ঘোড়া করিয়া শৃঙ্গ। ইহাদের নারীগুলির আদৌ শিং নাই। পুরুষগুলির শিং একঘোড়া ৫ ইঞ্চি করিয়া এবং ছোট শিং ঘোড়া দেড় ইঞ্চি পরিমাণ। তাম্র বর্ণ। ইহাদের আর দুই জাতি পাওয়া গিয়াছে। সে জাতিদ্বয়ের নাম “সিং সিং” এবং “নাগর”। দেখিতে বেশী বড় নয়। ইহারা বড়ই চতুর কৃষ্ণসার।

(৭)

ইল্যাণ্ড জাতি ।

ইহাদের দেখিতে এক একটি বলদের মত। ৬।৭ ফিট উচ্চ। কেবল আফ্রিকায় পাওয়া যায়; ইহারা বেশ স্থূলকায় বলিয়া আজ কাল ইংলণ্ডের সাহেবেরা ইহাদের পুষিয়াছেন, অবশ্য মাংস খাইবার জন্ত। ইহারা লম্বায় ১৯।২০ হস্ত; এবং ওজনে ৩০।৪০ মণ মাংস পাওয়া যায়। ইহাদের বর্ণ ধূসর। জল খায় না। চক্ষু সজল, দীর্ঘ এবং চাহনি সুন্দর।

(৮)

কুছু জাতি ।

ইহাদের আফ্রিকায় পাওয়া গিয়াছে। এই জাতিয় মত সুন্দর কৃষ্ণসার জগতে নাই। ইহারা স্বর্ণ বর্ণের। গাত্র অতীব মসৃণ। শিং ৪ ফিট লম্বা। ইহাদের নারীগুলিরও শিং আছে।

“হরিণ লোচনে।”

যেন ইহাদের সুন্দর চক্ষু দেখিয়া কবি ঐ শব্দের সৃষ্টি করিয়াছেন। বস্তুতঃ মানুষে ইহাদের চক্ষু দেখিলে মুগ্ধ হইয়া পড়ে। অনেকে অনুমান করেন, ইহা ভারতেও ছিল। রাবণ রাজার স্বর্ণ মৃগ-মায়া দ্বারা যাহা সীতাকে দেখাইয়াছিলেন, তাহা এই জাতীয় কৃষ্ণসার।

(৯)

বেস বাক জাতি ।

ইহাদের আফ্রিকা হইতে পাওয়া গিয়াছে। ইহারাও দেখিতে সুন্দর। মনোমুগ্ধকর। ইহারা প্রায় দবক হইয়া বনভূমি আলোকিত করিয়া

বেড়ায়। ইহাদের শিং গুলি চারু চিকণ কাশরীর মত। দেখিতে এক একটি বাছুরের মত। স্বর্ণ বর্ণে চিত্রিত। চিকণ রোমাবলী। পরন্তু ইহাদের চর্ম হইতে অতি উপাদেয় পুষ্প সৌরভ বিশিষ্ট ওষধি-গন্ধ বহির্গত হইয়া, পথিকের মনপ্রাণ হরণ করে। ইহাদের আর দুইটি “বণ্টিবক” এবং “ছাহাবি” নামক জাতি বাহির হইয়াছে। বোধ হয়, কিছু দিন মধ্যে ইহাদের চর্ম হইতে সুগন্ধি আতর আবিষ্কার হইবে।

(১০)

নু (Gnu) জাতি ।

ইহাদের আফ্রিকায় পাওয়া গিয়াছে। ইহাদের আকার কিছু অল্পত ধরণের। যেমন অপরূপ রূপ, তেমনি লাবণ্যময় শৃঙ্গ। শিং বাঁকান এবং সূচিকণ। জুখের মত মুখ, তছপরে মহিষের মত শিং। শূকরের মত দস্ত। অশ্বের মত পুচ্ছ। কেশরীর মত গ্রীবা বাঁকান। তুরঙ্গের মত চরণ। অনেক দিনের কথা, একবার কলিকাতায় চিরণী সাহেবের সার্কাসে একটা “নু” আনা হইয়াছিল। ঐ জন্তুটা যিনি দেখিয়াছিলেন, তিনিই হাসিয়াছিলেন; বস্তুতঃ ইহা হাস্যকর প্রাণী বটে! ইহাদের আর একটি “কোয়্যাপ” নামক জাতি বাহির হইয়াছে; কোয়্যাপ নু’র মত দেখিতে বটে, কিন্তু নুর বর্ণ কৃষ্ণাভ লোহিত; কোয়্যাপ সাদা বর্ণের, এই যাহা প্রভেদ।

(১১)

কামিং ওঠান জাতি ।

ইহা ভারতীয় কৃষ্ণসার বটে; কিন্তু দেখিতে অনেকটা নু’র মত। ইহারা পাহাড়ে চরে! খুব বললান। ছাগলের মত শিং। কাণ বৃহৎ। লেজ ক্ষুদ্র। গাধার মত গ্রীবা। গরু, গাধা, শূকর এবং ছাগল ভাঙ্গিয়া যেন ইহা সৃজিত হইয়াছে। ইহাদের ভারতবর্ষীয় নাম “গোরাল।” এবং সুমাত্রায় এই জাতীয় কৃষ্ণসার যাহা পাওয়া গিয়াছে, তাহাদের “কামিং ওঠান” জাতি কহে।

(১২)

অরিক্স জাতি ।

দক্ষিণ আফ্রিকায় এই জাতীয় কৃষ্ণসার যাহা পাওয়া গিয়াছে, তাহাকে “অরিক্স” কহে। ভারতে ইহাদের নাম “নীলগো।” অরিক্স এবং নীলগো

দেখিতে এক প্রকারের বটে ; কিন্তু কামেহিলা দেখিতে ছাগলের মত, ইহা ইয়োরোপ খণ্ডে পাওয়া যায় । এই কামেহিলা নীল গো'র জাতিতে ধরা হইয়া থাকে ।

নীল গো ৪ ফুটের অধিক উচ্চ হয় । বর্ণ ঈষৎ নীলাভ । ইহাদের এক অঙ্গুলি পরিমিত শিং । কিন্তু নীল গাই'য়ের শিং নাই । ইহারা জিরে-ফারি জিহ্বা দ্বারা খাদ্য গ্রহণ করে । ওষ্ঠ দিয়া ধরে না । ইহার চক্ষু উৎকৃষ্ট চামড়া হইয়া থাকে । এই কৃষ্ণসারের এক বোড়া ১৭৭৬ খৃষ্টাব্দে লর্ড ক্লাইব সর্ব প্রথমে বোম্বাই হইতে ইংলণ্ডে লইয়া যান ; নচেৎ তথায় পূর্বে ছাগলের মত নীল গো ছিল । কৃষ্ণসার জাতির পরিচয় সংক্ষেপে শেষ হইল । এইবার হরিণ জাতির বিষয় বলা হইতেছে ।

(১৩)

মন্তজাক জাতি ।

বঙ্গীয় বনভূমিতে এই হরিণ অনেক পাওয়া যায় । ইহাদের অপর নাম “ কিদাঙ্গ ” ইহাদের লোকালয়ে পুষিলে বেশ পোষ মানে । ইহাদের বর্ণ রক্তাভ তাম্র—শূগালের মত আকার । এদেশীয় পণ্ডিতেরা অনুমান করেন, শকুন্তলার পালিত হরিণটি এই মন্তজাক জাতি ছিল । ইহারা ২০ ইঞ্চি পরিমিত উচ্চ হইয়া থাকে । কর্ণ দীর্ঘ । লাজুল নাই বলিলেই হয় । নামে মাত্র আছে,—খুব ক্ষুদ্র বেড়ে লেজ অল্প টিকির মত । হিমালয় পর্বত হইতে চীন পিকিন পর্যন্ত ইহারা চরিয়া থাকে । পৃথিবী হইতে ৮ হাজার ফুট উচ্চে ইহাদের আবাস দেখা গিয়াছে । ইহাদের চর্ম খুব উষ্ণ বলিয়া, তুষাররাশির মধ্যে ইহারা বিচরণ করিতে পারে । এই মৃগের নাভির নিম্ন স্থলে, তলপেটের বহির্ভাগে প্রথমে একটি স্ফোটকের মত হয়, পরে ঐ স্ফোটক ক্রমশঃ বৃদ্ধি প্রাপ্ত হইয়া একটা কমলানেবুর মত গোলাকার “আব্” হয় । ইহার অভ্যন্তর প্রদেশে মূল্যবান স্নগন্ধি কস্তুরী সঞ্চিত থাকে । নারী মৃগের মৃগনাভি বা কস্তুরী হয় না ; কেবল পুং মৃগের হইয়া থাকে । মৃগের কস্তুরী হইলে, সে সময় মন্তজ স্থির থাকে না, বড়ই চঞ্চল হইয়া উঠে ; এজন্য সে সময় ইহাদের ধরা বা স্বীকার করা বড়ই কষ্টকর । অনেক কোশলে ধরা হয় । এবং তাহাদের কক্ষ-লুক্কায়িত অমূল্যনিধি তীক্ষ্ণ অস্ত্র দ্বারা ছেদন করিয়া লওয়া হয়, এই ছেদনের জন্য মৃগ উপস্থিত কষ্ট পাইলেও তাহার জীবন নষ্ট হয় না এবং আশ্চর্যের বিষয়

এই যে, এই মৃগ গৃহপালিত হইলে, তাহার কস্তুরী প্রকাশিত হইতে প্রায় দেখা যায় না । যখন কস্তুরী ছেদন করা হয়, তখন ছেদনকারী নাসারন্ধ্র রুদ্ধ করিয়া উহা ছেদন করে, নচেৎ প্রবাদ এই যে, তীব্র গন্ধে রক্ত বমন হইবার সম্ভাবনা । ইহাদের দন্ত দীর্ঘ ।

(১৪)

এল্কজাতি ।

ইহাদের অপর নাম মুজ । উত্তর আমেরিকা, ইউরোপ এবং উত্তর আসিয়া খণ্ডে ইহাদের পাওয়া গিয়াছে । ইহারা শীত প্রধান দেশে বাস করে । আট ফিটের অধিক উচ্চ হয় না । ইহাদের বর্ণ কালচিটের উপর তামাটে । ষাড় ছোট । লেজ খোট । ইহাদের শ্রবণশক্তি খুব তীক্ষ্ণ । ইহাদের লাফ ভয়ানক । শিং ভয়ানক ঝাড়াল—শাখা প্রশাখা বিশিষ্ট । লোম দীর্ঘ দীর্ঘ । মুখ মহিষের মত ।

(১৫)

ওয়ান্টা জাতি ।

মিসর, পারস্য এবং কাশ্মীর প্রভৃতি স্থানে ইহাদের পাওয়া গিয়াছে । বর্ণ লোহিত । শীতকালে ইহাদের লোম বাড়ে । কাশ্মীরের উপত্যকা-ভ্যন্তর প্রদেশস্থ বনভূমি এই হরিণে পূর্ণ । মহিসুরেও ইহাদের পাওয়া গিয়াছে । ১৩।১৪ হস্ত লম্বা হয় । সেপ্টেম্বরে ইহাদের শিং সুপক হয় । ইহাদের বহুবিধ জাতি বাহির হইয়াছে । মুখ গর্দভের মত । লেজ নাই বলিলেই হয় । গলায় লোম বেশী । ইহাদের অপর নাম লাল হরিণ । জাপান, ফোরমোসা, এবং মাঞ্চুরিয়ায় লাল হরিণ অনেক পাওয়া যায় ।

(১৬)

রোবাক জাতি ।

ইহাদের ষাড় এবং গলা অনেকটা উটের মত । পা ছোট । ইহাদের শিং খুব ছোট । দীর্ঘ দীর্ঘ দন্ত আছে । যে হরিণের দন্ত দীর্ঘ, তাহাদেরই মৃগনাভি হয়, মন্তজের দন্তদীর্ঘ বলিয়া এইরূপ অনুমান করা হয় । কিন্তু রোবাক জাতির মৃগনাভি পাওয়া গিয়াছে, এরূপ শুনা যায় নাই । ইহাদের চীন এবং ইউরোপের অনেক স্থানে পাওয়া গিয়াছে । এমন কি ইহাদের বিলাতী হরিণ বলা চলে । চীনে ইহার নাম “ইলাফুর ।” ইহাদের বর্ণ লোহিত, বেশ উজ্জল ।

(১৭)

রেণ্ডিয়া জাতি ।

পৃথিবীর সকল দেশেই পাওয়া যায়, তবে শীতপ্রধান তুষারময় দেশেই ইহারা ভাল থাকে। এই জন্তু লাপল্যাণ্ড এবং ফিনল্যাণ্ডে ইহাদের বেশী দেখা যায় বস্তুতঃ এই হরিণ উক্ত মহাদেশদ্বয়ের জীবন স্বরূপ। ইহারা প্রকাণ্ড হরিণ। ইহাদের বড় বড় মোটা মোটা শাখা প্রশাখা বিশিষ্ট শিং দেখিতে যেন বৃক্ষ বিশেষ। ইহাদের নরনারী উভয়েই শৃঙ্গবতী। সচরাচর ইহাদের ঘোরাল লোহিত বর্ণের দেখা যায়, কিন্তু খেত বর্ণের রেণ্ডিয়াও পাওয়া যায়। ইহাদের পদপল্লবে কৃত্রিম খুর আছে।

(১৮)

লাঙ্গলফেলো জাতি ।

ইহাদের শৃঙ্গাগ্রভাগ লাঙ্গলের ফলার মত দেখিতে বলিয়া ইহাদের নাম হইয়াছে “লাঙ্গলফেলো।” ভারতে এবং পারস্যে পাওয়া যায়। ইহার অপর নাম চিতা হরিণ। সর্বাঙ্গ সুদৃশ্য চিতা চিহ্ন—যেন বেনারসি চেলী। ইহারা প্রকাণ্ড হরিণ। নিশাচর। ইংলণ্ডে ইহাদের পোষা হইয়াছে।

(১৯)

বিবিধ হরিণের কথা ।

আফ্রিকায় অনেক রকম হরিণ আছে, তাহাদের বিশেষত্ব কোন গুণাদি না পাইয়া, উহাদের প্রত্যেক জাতি ধরিয়া বলা হইল না। “ক্লিপ্” “স্রীজার” “ওরবি” “ষ্টেনবক” এবং “গ্রাইস্বক্” দেখিতে সুন্দর, এবং মাংসল। ইহারা ইংরাজপছন্দ হরিণ “বুসবাক” এবং “বেয় সার” ইহারা দেখিতে ছোট ছোট, নাসাগ্র গরুর মত। সর্বদা সজল নয়ন। আমেরিকায় প্রায়ই ছোট মৃগ দেখা যায় এবং পাওয়া যায়; এজন্তু সচরাচর উহাদের decrlet অর্থাৎ হরিণা বা হরিণাণু বলা হয়। যবদ্বীপেও প্রায় ঐরূপ হরিণ পাওয়া যায়। এজন্তু উহাদেরও হরিণাণু বলা হয়। নীলগো এবং লাল হরিণ দেখিতে প্রায় একরূপ। হরিণের চর্ম্মে অনেক শিল্প কার্য্য হয়। হরিণের চর্ম্মে আসন হয়। লাল হরিণের লোমযুক্ত চর্ম্মে সুন্দর ইংলিস কোর্ট হয়। হরিণ চর্ম্মের পাছকা অতি পবিত্র !! রেণ্ডি-

য়ার চর্ম্মে জামা কাপড় প্রস্তুত হয়। হরিণ মাংস কেবল বৈষ্ণব ছাড়া পৃথিবীভূক্ত লোকে আহার করে; হিন্দুর নিকট হরিণ মাংস অতি পবিত্র।

বৃন্দাবনে বানর, ময়ূর এবং হরিণ স্বীকার করা হিন্দুর পক্ষে নিষিদ্ধ। একজাতি হরিণ বিশেষ সঙ্গীত প্রিয়। উহাদের নিকট পরিষ্কার করিয়া শিস্ দিলে, উহারা তোমার নিকটে আসিয়া দাঁড়ায়! আহা! ঐ সময় লোকে বর্ষা দিয়া উহাদের খোচাইয়া মারে!

তুমি চক্ষের চাহনৌ যেমন হরিণকে দিয়াছ! এমন চাহনি আর কাহাকেও দিয়াছ কি?

ফুলের শত্রু কর নাই, তেমনি হরিণের চাহনির প্রতিবাদ করে, এমন কাহাকেও সৃজন কর নাই কেন?

সুশ্রুত সংহিতায় হরিণ মাংস সম্বন্ধে এই কথা লিখিত আছে।

“হরিণ মাংস পাকে মধুর, দোষহর, অগ্নিবৃদ্ধিকর, শীতল, মল-মূত্র-রোধক, সুগন্ধি এবং লঘুপাক।

আর্য্যোরা কৃষ্ণবর্ণ হরিণকে “এণ” এবং তাম্রবর্ণ মৃগকে “হরিণ” ও যে মৃগ কৃষ্ণ এবং তাম্রবর্ণ নহে, তাহাকে “কুরঙ্গ” বলিতেন।

শ্রীরাজকৃষ্ণ পাল ।

জনপদোদ্ধংসে স্বাস্থ্য ।

বাত বিকৃতির জন্ম—

(পূর্ব প্রকাশিতের পর)

ভাব বিপর্যায় সম্বন্ধে ভগবান্ আত্রেয় বলিয়াছেন;—

বাতমেবংবিধমনারোগ্যকরং বিদ্যাৎ। তদ্যথা ঋতুবিষমমতিস্তিমিতমতি চলমতি পরুষমতি শীতমতুষা মতি রুক্ষমত্যভিষান্দিন মতিভৈরবারাবমতি প্রতিহত পুরস্পর গতিমতি কুণ্ডলিনমসহ গন্ধ বাস্প-সিক্ত-পাংশু ধূমাপহতমতি।

ঋতু গুণের বিপরীত ভাবাপন্ন, অতিশয় জলসিক্ত, অতি বেগ, অতি পুরুষ, অতি শীত, অতুষা, অতি রুক্ষ, অতি বেগবাহী, অতি ভীষণ শব্দ-যুক্ত, অতি কুণ্ডলিত, এবং অত্যন্ত অসুখাবহ গন্ধযুক্ত, বাস্প, বালুকা,

পাংশু, ধূমাদি দ্বারা দূষিত হইলে, বায়ু রোগকর হয়, এবং তদ্বায়ু সেবী-
দিগের শরীরও রোগপ্রবণ হইয়া থাকে।

জল বিকৃতি জন্ম—

ভাব বিপর্যয়ের সম্বন্ধে লক্ষণ নির্দেশ করিয়াছেন—

উদকন্তু খলু অত্যর্থ বিকৃতি গন্ধবর্ণ রসস্পর্শবৎ ক্লেদবহুলমপক্রান্ত জলচর
বিহঙ্গমুপক্ষীণ জলাশয়মপ্রীতিকরমপগত গুণং বিদ্যাৎ ।

জল অত্যন্ত বিকৃত গন্ধ, বিবর্ণ, বিকৃতি রস, বিকৃত স্পর্শ, ক্লেদ বহুল,
জলাশয়, জলচর পক্ষিগণ কতৃক পরিত্যক্ত, শুষ্ক, অপ্রীতিকর,—জল, সাধা-
রণতঃ স্বগুণ বজ্জিত হয় ।

দেশ বিকৃতি জন্ম—

ভাব বিপর্যয়ের লক্ষণ হইতেছে,

দেশং পুনঃ প্রকৃতি বিকৃতি বর্ণ গন্ধরস সংস্পর্শং ক্লেদবহুলমুপসৃষ্টং সরীসৃপ
ব্যাল মশক শলভ মক্ষিকা মুষিকালুক শ্মশানিক শকুনি জম্বুকাদিভি-
স্তুগোলূপো পবনবন্তঃ প্রতানাদি বহুলমপূর্ববদব পতিতং শুষ্ক নষ্ট শস্ত্রং
ধূম পবনং, প্রধ্বাত পতত্রিগণমুৎকৃষ্ট শ্বগণমুদ্ভ্রান্ত কথিত বিবিধ মৃগ-
পক্ষি সংঘমুৎসৃষ্ট নষ্ট ধর্ম সত্য লজ্জাচারগুণ জন পদং শব্দং স্মৃতিতোদীর্ণ
সলিলাশয়ং প্রততোকাপাত নির্ঘাত ভূমিকম্পঞ্চ প্রতিভয়া রাবরূপং ক্রুদ্ধ
তাম্রকলমিতাল্রজাল সংবৃতার্কে চন্দ্রর্তারত মভীক্ষং সম্রমোদেগমিব স ত্রাস
রুদিতমিব সতমস্কমিব গুহুকা চরিতমিবা ক্রন্দিত শব্দ বহুলঞ্চাহি তং বিদ্যাৎ ।

দেশ বা ভূমির অর্থ (তদাত্মকগুণ) হইতেছে, শব্দ স্পর্শ রূপ রস গন্ধ বলিয়া
ভূমির বিকারে পূর্বোক্ত গুণ পঞ্চকের বিকার ও দেশের বাহ্যতঃ বিবর্ণত্ব,
ক্লেদ ও নিগ্রহ সরীসৃপ, ব্যাল, মশক, শলভ, মক্ষিকা, মুষিক, উলুক, শ্মশান-
চারীপক্ষী ও জম্বুকাদির মরণ বৃদ্ধি, দেশে নানাবিধ ভূগ ও উলূপের উৎপত্তি
বিবিধ লতার প্রসার বৃদ্ধি,—পূর্ব হইতে দেশের আকার প্রকারগত পরি-
বর্তন, ভূমির অকৃষ্ট পতিত দগ্ধ বা তাহার তদ্রূপ শস্ত্র সমূহ শুষ্ক ও নষ্ট,
ধূমযুক্ত বায়ুর কুজ্জটিকার আয় বোধ, অনুভব পক্ষীদিগের নিরন্তর বিকৃত
কুজন, কুকুরের রোদন, মৃগ পক্ষিগণের, উদ্ভ্রান্ত বহিচরণ বা ব্যথিতভাবে
রোদন, মানব সমূহের সত্য ধর্ম লজ্জা আচার ও গুণ হইতে বিচ্যুতি, জলা-
শয়ের জল কখনও স্মৃতিত, কখনও উদীর্ণ হইয়া ক্ষণে শূন্য ক্ষণে পরিপূর্ণ
হয়। উকাপাত ও নির্ঘাত ও ভূমিকম্প হয়। দেশের দিক সমূহ ভয়াবহ

শব্দে শক্তি হইতে থাকে। আর চন্দ্র সূর্য্যও তারকাবলী কখনও ক্রুদ্ধ
তাম্রবর্ণ কখনও স্নেহিত স্নিগ্ধবর্ণ বা মেঘাঙ্কীর্ণ বলিয়া বোধ হয়। সাধারণের
হৃদয় সর্বদা সম্রম জন্ত উদ্বেগের উদ্রেক বা ভয় ক্রমে রোদন, চক্ষে অন্ধকার
দর্শন, যক্ষ বিচরণের উপলক্ষি হইয়া থাকে। ইহার অতুল বচন তদ্বাস্তরে
দেখিতে পাওয়া যায়। রাজসংগ্রহ সূত্রগোক্ত বচনের উদ্ধার করিয়া দেখান
যাইতেছে। এতৎ সম্বন্ধে তাহাই নির্দেশে কেমন সামঞ্জস্য সুরক্ষিত—

সোম সূর্য্য বিকৃতিশ্চ গন্ধবর্ণ ব্যতিক্রমঃ

ধূম বায়ুশ্চতীব্রোগঃ স্মৃতিতোদীর্ণ পঞ্চলঃ ॥

উকাপাতো ধরাকম্পোদিগ্ মালানিহতা সদা ।

জলাভাবঃ শস্ত্র হানি রীতিনাং সমুপদ্রবঃ ।

হীনচুরা জনাঃ সূর্কে ভয়রাটৈশ্চ শক্তিতাঃ ।

ব্যালপ্লবঙ্গমূষিকা বিসৃজন্তি কালরবম্ ॥

ভবন্তি তুলক্ষণানি যত্র জনপদে যদা ।

বিধবৎস স্তস্য সন্তাব্যো নিশ্চিতং নাত্র সংশয়ঃ ॥

এই শ্লোকের সহিত চরকোক্ত বচনের সামঞ্জস্য সুরক্ষিত। ব্যাল-
প্লবঙ্গ, মুষিকাদির মৃত্যু সম্বন্ধে নির্দেশ থাকায়, বোধ হয় ভূমি দূষিত হইলে,
ভৌম বিকার ভূমি সংস্থিত জীবগণের অন্তর্ভূমিচর মুষিকগণের বিশেষতঃ
শীত রোগপ্রবণতার পরিচয় পাওয়া যায়। প্লবঙ্গ শব্দে কেহ ভেদ বা
উল্লক্ষনশীল জন্তু, কেহ বা শাখামৃগ বলিয়া নির্দেশ করেন। যাহাই হউক,
সুগণ কথিত বাক্যের সহিত চরকোক্ত বাক্যে যথেষ্ট সাদৃশ্য আছে।

কালবিকার জন্ম—

ভাব বিপর্যয় লক্ষণ বক্ষ্যমাণরূপ—

কালন্তু খলু যথর্তু লিঙ্গাদ্বিপরীত লিঙ্গমতি লিঙ্গঞ্চাহিতঃ ব্যবসোৎ ।

যে ঋতুতে যেরূপ লক্ষণ স্বাভাবিক, তাহার বিপরীত লক্ষণ বা ঋতুগত
লক্ষণের আধিক্য বা হীনতা ঘটে।

সে যাহা হউক, জল বায়ু দেশ কাল দূষিত বা বিকৃত লক্ষণ হইলে তদাপ্রিত
জীবের শরীরগত ভাবেরও বিকার ঘটে। স্তত্রাং রোগপ্রবণ হইয়া পড়ে।
এই রোগপ্রবণ শরীরের সংখ্যা বৃদ্ধি হইতে থাকায় একের রোগ অস্তের
শরীরে প্রবেশ লাভ করিতে, অতুল স্থান আশ্রয় করিতে কোনরূপ বাধা
বিহীন পায় না। ইহাও প্রত্যক্ষ সিদ্ধ সত্য যে, কোম্ব একটী সংক্রামক রোগের

প্রবল প্রসারের সময় বিশিষ্ট সামর্থ্যময় শরীরেও রোগের সংক্রমণ ঘটয়াছে, হয়ত তাহাতেই তাহার ধ্বংস হইয়াছে। সুতরাং সংক্রামক রোগের প্রসারের সময় সাবধানে নিয়ত সংযত ভাবে থাকিলে, রোগের আশঙ্কায় আতঙ্কিত না হইয়া বিশুদ্ধভাবে সম্মুখে ব্রতী হইলে, নিরাতঙ্ক নিরাময় থাকার আশা হয় সত্য, কিন্তু স্থান ত্যাগ তাহার অপেক্ষা নিরাপদ। চরকের অনুশাসন হইতেছে।

হিতং জনপদানাঞ্চ শিবানামুপসেবনম্।

সেবনং ব্রহ্মচর্যাস্ত তথৈব ব্রহ্মচারিণাম্ ॥

দেশ দূষিত হইয়া রোগ প্রধনতার অনুকূল ক্ষেত্র হইলে, তাহার ত্যাগ করিয়া মঙ্গলকর জনপদের আশ্রয় গ্রহণ হিতকর, ব্রহ্মচর্যের ও ব্রহ্মচারিণের সেবাও বিহিত। এই ব্যাপারের বিশিষ্টরূপ অনুসন্ধান করিলে, স্পষ্টই অনুমিত হয়, কোন সংক্রামক রোগের প্রবল প্রসারের প্রাক্কালে স্থান ত্যাগ সঙ্গত; কিন্তু প্রবল প্রসারের পর লোকের শরীর রোগ প্রবণ হইয়া রোগের আশ্রয় হইলে, রোগাশ্রয় হইলেও, যাহার কতিপয় দিবসের পর এমন কি পক্ষান্তেও বিকাশ পাইতে পায়, তাহাদের স্থান ত্যাগ করিতে দিয়া রোগের দেশান্তর সংক্রমণের সুযোগ করিয়া দেওয়া সঙ্গত নহে। তৎসম্বন্ধে বোধ হয়, রোগাক্রান্ত দেশে গভ্রী দেওয়া একান্ত কর্তব্য। দেহান্তর সংক্রমণ সমর্থ রোগের বীজাণু যাহাতে দেহান্তর আশ্রয় করিতে না পারে, তাহার বিধান করা একান্ত উচিত বলিয়া সূক্ষ্মে কথিত হইয়াছে।

প্রসঙ্গাদ্ গাত্র সংস্পর্শাণিঃ স্মাসাৎ সহ ভোজনাৎ।

একশয্যাসনাচ্চৈব বস্ত্র মাল্যানুলেপনাৎ ॥

কুষ্ঠং জ্বরশ্চ শোষশ্চ নেত্রাভিষান্দ এবচ।

ঔপসার্গিক রোগাশ্চ সংক্রামন্তি নরান্নরম্ ॥

মৈথুন, গাত্র সংস্পর্শ, নিঃশ্বাস, একত্র ভোজন, এক শয্যায় শয়ন, রোগীর পৃষ্ঠ বস্ত্র মাল্য অনুলেপনাদির ব্যবহার, এই সকল করিলে, কুষ্ঠ, জ্বর, রাজযক্ষ্মা চোক উঠা, এবং পাপজ ও ভূতোপসর্গজ রোগ সকল এক শরীর হইতে শরীরান্তরে সংক্রামিত হইতে পারে। এই সকল সংক্রামক রোগে বা ইহাদের আংশিক লক্ষণ বিশিষ্ট কোন সঙ্কর ব্যাধিতে রোগীর সহিত কথিত মৈথুনাতির সংঘটন নিষিদ্ধ। অপর জনপদবিধ্বংসী রোগ সকল প্রায়ই জ্বরাদির কথঞ্চিং লক্ষণ বিশিষ্ট কোন রূপ সঙ্কর ব্যাধির আবির্ভাব হয়;

আর তজ্জন্মই প্রাপ্ত উপদেশের মর্যাদা রক্ষণ একান্ত আবশ্যিক। শাস্ত্রান্তর নিদেশানুসারে কথিতরূপ কোন রোগীর প্রথম রোগের সময় দেবার্চনাদি মঙ্গল্যকর্মের অনুষ্ঠান অবশ্য কর্তব্য। আর সেই নির্দেশ মতে আরও দেখা যায়, মৃতের অবস্থান গৃহে হোমাদির অনুষ্ঠান করাও বিহিত। গৃহের রোগীর শয্যাতলস্থ ভূমির উৎখাত করিতে লৌহ শলাকার রোপণ করিতেও, যে উপদেশ আছে, তাহার সম্বন্ধে আর্ষ্যবাক্য শাস্ত্রান্তরে দেখিতে পাওয়া যায়। যাহা হউক, সর্বভুক অগ্নিও সংক্রামক রোগের বীজাণু ধ্বংস করিতে সমর্থ। অগ্নিতে আহৃত মৃতাদির মৌরভও ব্যাধিনাশক ও স্বাস্থ্যরক্ষক। সুতরাং হিন্দুদিগের এই আর্ষ্য উপদেশানুযায়ী কর্ম যে একান্ত হিতকর, তাহার অপলাপ করিবার শক্তি কাহারই নাই। সূর্য্যরশ্মিও আমাদিগের আরোগ্য বিধানের উপযোগী, আরোগ্য ভাঙ্গরাদিচ্ছেৎ, এই অনুশাসনও আরোগ্যপ্রদ সবিতার অর্চন সংক্রান্ত উপদেশ। আরও সূক্ষ্মে কথিত আছে:—শীতাংশুঃ ক্লেদয়ত্বাবীং বিবস্থান্ শোষণতাপঃ। তাবুভাবপি সংশ্রিত্য বায়ুঃ পালয়তি প্রজাঃ ॥

চন্দ্র, পৃথিবীকে রসে আল্পুত বা ক্লিন্ন, সূর্য্য পৃথিবীর রস শোষণ ও বায়ু এতদুভয়ের আশ্রয়ে প্রজারক্ষণ করিতেছেন। সূর্য্য রস শোষণ করেন, এবং বর্তমান জনপদ বিধ্বংসী নগরোৎসেধকর ব্যাধি প্লেগ, ত্রিদোষজ বিকার বিশেষ হইলেও গ্রহি ক্ষীতিতে শৈল্পিক প্রকোপের লক্ষণ প্রকাশ পাওয়ায়, শোষণ তেজের আশ্রয় গ্রহণ সঙ্গত। চরকে কথিত হইয়াছে:—

শীতেলোঞ্চ কৃতান্ রোগান্ শময়ন্তি ভিষগিঃ। যেতু শীতকৃত্য রোগা তেষাঞ্চোঞ্চং ভিষগ্ জিতম্ ॥

বৈদ্যগণ শীতল দ্বারা উষ্ণকৃত রোগের ও শীতকৃত রোগের উষ্ণদ্রব্য দ্বারা প্রশমন করিয়া থাকেন। আর কলিকাতায় প্রায়ই বসন্তকালেই প্লেগের প্রকোপ বৃদ্ধি হইতে দেখা যায়। আর ঋতুর বিচার করিতে গেলে দেখা যায়, "হেমন্তে নিচিত্তঃ শ্লেষ্মা বসন্তে কফ রোগকৃৎ"। এই সূত্রানুসারে বোধ হয়, প্লেগে শ্লেষ্মার প্রকোপেরই প্রাধান্য প্রধানতঃ পরিলক্ষিত হয়। সুতরাং কফজ ব্যাধির উষ্ণ ক্রিয়া প্রশমনকর বলিয়া, সূর্য্যরশ্মি প্লেগের প্রতিষেধ পক্ষে প্রকৃষ্ট উপযোগী। স্বাস্থ্য সংক্রান্ত উপদেশের একটি বিশিষ্ট বিধির পরিচয় দিয়া এই প্রবন্ধের উপসংহার করা যাউক। যেমন আবাসস্থান নির্মূল পরিষ্কৃত না হইলে আবর্জনার পচনাদি জন্ম পুতিগন্ধে অধিবাসিগণের

রোগপ্রবণতা অবশ্যাবিনী। • তেমনি সেই ব্যষ্টিভাবের প্রত্যেক গৃহের পরিষ্কার করার ছায়, সমস্ত ভাবে বহুগৃহের সমাহার রূপ নগরেরও পরিষ্কার করিবার জন্ত ব্যবস্থা প্রয়োজনীয়। আবার গৃহের বা নগরের পরিষ্কার বা নিৰ্ম্মলতা সাধনের চেষ্টার ছায় আশ্রয় পুরুষের আশ্রয়স্থান দেহের পরিষ্কৃতি বা নিৰ্ম্মলতা বিধানের উপায় করা অবশ্য কর্তব্য।

কবিরাজ শ্রীঅঘোরনাথ শাস্ত্রী।

পাখীর গান।

কিগান গাহিয়া

কোথায় যাস!

কার লাগি প্রাণ

এত উদাস!

কোন্ সুর তোর

গানেতে ঝরে,

কেন সে আমারে

পাগল করে!

আমার কত কি

পুরাণ স্মৃতি,

উগারিছে যে

ও গান নিতি!

তোর ওই গানে

মরম দেশে,

একখানি সুর

আসিছে ভেসে।

কেন তোর গানে

এমন হই,

আমি যেন আর

আমাতে নই।

বলরে এগান

পেলি কোথায়,—

আমারে পাগল

করিলি যার।

পরাণ বাঁধিতে

পারিনা আর,

বলরে ও গান

হরিলি কার!

শ্রীমতী নগেন্দ্রবালা সরস্বতী।

বড়ালেন, হুগলী।

—:():—

সংবাদ ও নানা কথা।

বিগত ১৮ই ডিসেম্বর, কীর্ত্তহার শিবচন্দ্র ইংরাজী বিদ্যালয়ের পারিতোষিক বিতরণ কার্য সম্পন্ন হইয়া গিয়াছে। বীরভূমের মাজিষ্ট্রেট্। শ্রীযুক্ত আমেদ সাহেব সভায় উপস্থিত থাকিয়া বালকগণকে পুরস্কার বিতরণ করেন। মাজিষ্ট্রেট্ সাহেব প্রায় এক ঘণ্টা কাল সুললিত ভাষায় বালকগণকে উপদেশ দেন। সকলেই তাঁহার মধুর আলাপে আপ্যায়িত হইয়াছিলেন। আমেদ সাহেবের ছায় মাজিষ্ট্রেট্ পাইয়া আমরা সৌভাগ্যবান্ সন্দেহ নাই।

কীর্ত্তহারের সন্নিকট ডাঙ্গাপাড়া গ্রামের একটি জ্বীলোক, বিষপ্রয়োগে অপর কয়েক জনকে হত্যা করিয়াছে বলিয়া পুলিশ কর্তৃক অভিযুক্ত হইয়াছে। পুলিশ সেই জ্বীলোকটিকে চালান দিয়াছে।

বীরভূম জেলায় ত এ সকল উৎপাত পূর্বে ছিল না। কেন এমন হইল?

নানা কারণে পল্লীগ্রামের অবস্থা শোচনীয় হইয়া উঠিতেছে। সকল কথা আজ বলিতে পারিব না। আজ কেবল স্বাস্থ্যের কথাই বলিব। ইংরাজী চাল্ বচন, ডাক্তারি ঔষধ, অল্পযুক্ত আহার, ও ম্যালেরিয়া প্রভৃতি নানা কারণে গ্রাম গুলিত ব্যাধির আকর হইয়া উঠিয়াছে। তাহা ছাড়া লোকে অজ্ঞতা বশতঃ অনেক ব্যাধিকে ডাকিয়া আনিতেছে। এখনও বীরভূমে

বিশেষত কীর্ণহার অঞ্চলে উচ্চ শিক্ষিত লোকের সংখ্যা অতি অল্প। অধিকাংশ লোকই প্রায়ই নিরক্ষর, অর্থাৎ শিক্ষিত বা পুরাতন ধরণে শিক্ষিত। আধুনিক শিক্ষায় লোকের ধর্মভাব হৃদয় হইতে দূর হয়, একথা সত্য হইতে পারে, কিন্তু ইহা স্বীকার করিতেই হইবে যে, শিক্ষিত ব্যক্তিগণ স্বাস্থ্য রক্ষার নিয়মাবলী মোটের উপর মন্থ জানেন না। কিন্তু যাহারা একেবারেই শিক্ষার কোন ধারই ধারে না, তাহাদের না আছে ধর্ম-প্রবৃত্তি, না আছে স্বাস্থ্যের দিকে দৃষ্টি। শাস্ত্রকারগণ সকল বিষয়েরই নিয়ম বিধিবদ্ধ করিয়া গিয়াছেন। স্বাস্থ্যের কথাটাও তাঁহারা ধর্মের মধ্যে ধরিয়া গিয়াছেন। কাজেই যখন লোকের ধর্মভয় ছিল, তখন, সকলেই জলকে নারায়ণ জ্ঞানে অতি পবিত্র রাখিত, ছায়া ও জলদানের জন্ত বৃক্ষ-প্রতিষ্ঠা ও পুষ্করিণী খনন করিত। এসব করিত ধর্মের টানে; স্বাস্থ্যের টানে নহে। কিন্তু হুঃসময় আসিল; ধর্মভাব লোকের মন হইতে প্রায় বিদূরিত হইল। সুতরাং লোকে অবাধে পানীয় জলে শৌচ প্রস্রাবাদি করিতে লাগিল, বৃক্ষপূর্ণ প্রান্তরকে মরুভূমি করিয়া ফেলিল, জলাশয় খনন করা দূরের কথা, পুষ্করিণী ভরাইয়া জমি করিতে লাগিল। অবস্থাত এইরূপ দাঁড়াইয়াছে। এখন উপায়? আবার সেই প্রাচীন কালের মুনি-ঋষির সংস্কৃত শ্লোকে যে বিশেষ কিছু ফল হইবে, তাহাত বোধ হয় না। অথচ আর কিছু পাই আর না পাই, পানীয় জলটা একটু ভাল খাইতে পাইব না কেন? পানীয় জলে বা জলের ধারে মল মূত্র ভাগ না করিলে কি লোকের সুখ হয় না? তাহা ছাড়া কাপড় পরিষ্কার ও অশ্রু শত প্রকার উপায়ে জল নষ্ট করার প্রথা প্রচলিত রহিয়াছে। যদি বলেন, গ্রামের প্রধান ব্যক্তির ইচ্ছা করিলে ত এ সকল নিবারণ হইতে পারে। কিন্তু আমরা দেখিতেছি, তাহা হয় না। অনেক লোকের এ সব বিষয়ে ততটা নজর নাই। আর এক কথা, অনেক গ্রামে কেহ প্রধান নাই। ইংরাজী হাওয়া বহায় সকলেই স্ব স্ব প্রধান হইয়াছে। কেহ কাহাকে মানে না। কথায় কথায় আদালতের আশ্রয় লইতে চায়। এরূপ যখন ব্যাপার, তখন কি করা উচিত? আমরা যতটুকু বুঝি, যত দিন অধিকাংশ লোক শিক্ষিত না হয়, তত দিন পর্য্যন্ত অন্ততঃ গবর্ণমেন্টের হস্তক্ষেপ করা উচিত। আরও একটা কথা আছে। পূর্বে লোকে ধর্মার্জনের জন্ত পুষ্করিণী খনন করিত। এখনত ধর্মের কথা কাহারও মনে নাই; অর্থের কথাই কিছু বেশী পরিমাণে দেখিতে পাই। কাজেই কেহ যে পরোপকারের জন্ত টাকা খরচ করিয়া জলা-

শয় খনন করাইবে, ইহা সম্ভব নয়। আর লোকে কত খরচই বা করিবে? জিনিস পত্র সমস্ত অক্রয়; তাহা ছাড়া নানা প্রকারে খরচ বাড়িয়া গিয়াছে। পোষাকের খরচ, মোকদ্দমার খরচ, বিবাহের খরচ, ট্যাক্সের, চাঁদার খরচ নানা খরচ আছে। জলাশয় খননের খরচ কেমন করিয়া কুলাইবে? সুতরাং রাজাই এখন একমাত্র সহায়। গবর্ণমেন্টের হস্তক্ষেপ ভিন্ন পুষ্করিণী খননের আর উপায় নাই।

রাস্তা সম্বন্ধেও দু'চারি কথা বলা আবশ্যিক। গ্রামের রাস্তা গুলি অতি কদর্য হইয়াছে। পূর্বে গ্রামের প্রধান লোকেরা গ্রাম্য দেবতার দোহাই দিয়া সকলকে আপন আপন বাটীর সিমানার রাস্তা বাঁধাইতে বলিত। সকলেই গ্রাম্য দেবতার ভয়েই হউক, বা অশ্রু কোন কারণেই হউক, আপন আপন সিমানাস্থিত রাস্তা মেরামৎ করিত। এখন এই আইন কালুনের দিনে কেহ ত আর কাহারও হুকুম মানিবে না, কাজেই গ্রাম্য রাস্তাগুলি অতি কদর্য হইয়া উঠিয়াছে। আর গ্রাম হইতে গ্রামান্তরে যাইবার পথ! তাহা ত আর নাই বলিলেই চলে। সে সব গুলি এখন ধান্য ক্ষেত্রে পরিণত হইয়া উত্তম শস্য প্রসব করিতেছে। যাতায়াত ত একেবারে বন্ধ হইয়াছে। যাহারা একটু আধটুকু লেখা পড়া শিখিয়াছে, তাহারা ত দরখাস্ত করিয়া মাজিষ্ট্রেটকে জালাতন করিয়া তুলিতেছে। কিন্তু গবর্ণমেন্টে কিছু সেলামী না দিলে, অর্থাৎ ষ্ট্যাম্প দিয়া নালিশ না করিলে কোন ফলইত হয় না দেখিতেছি। এখন উপায়? উপায়ের মধ্যে একটা দেখিতেছি। কতকগুলি গ্রাম লইয়া এক একটা গ্রাম্য সমিতি (Village Union) স্থাপন করা। আজকাল চাপরাশ ভিন্ন কোন কাজ হয় না। সুতরাং গ্রাম্য-সমিতি দ্বারা পূর্বোক্ত অসুবিধা যে অনেক পরিমাণে নিবারণ করা যাইবে, তাহাতে আর সন্দেহ নাই। শ্রীযুক্ত আমেদ সাহেব গত ১৮ই ডিসেম্বর, যখন কীর্ণহারে আসেন, তখন কেহ কেহ পানীয় জলের প্রতি অত্যাচারের কথা তাঁহাকে জ্ঞাপন করেন। তাহাতে তাঁহার ধারণা হয় যে, এতদঞ্চলে পানীয় জলের বিশুদ্ধি রক্ষা করা আবশ্যিক হইয়াছে। এই জন্ত তিনি শ্রীযুক্ত সৌরেশচন্দ্র সরকার মহাশয়কে কীর্ণহারে গ্রাম্য-সমিতি স্থাপনের জন্য উদ্যোগী হইতে অনুরোধ করেন। সৌরেশ বাবুও আপনার স্বভাবসিদ্ধ উদারতা ও পরোপকারিতা দ্বারা প্রণোদিত হইয়া, মাজিষ্ট্রেটের নিকট গ্রাম্য সমিতি স্থাপনের এক প্রস্তাব উপস্থিত করিয়াছেন। এখন মাজিষ্ট্রেট সাহেব কৃপাদৃষ্টি করিলে

আমাদের অনেক উপকার হয় । আর গ্রাম্য-সমিতি সৌরেশ বাবুর কর্তৃত্বাধীনে পরিচালিত হইলে যে সফল প্রসব করিবে, তাহাতে আর সন্দেহ নাই ।

হিন্দু জাতির অধঃপতনের চূড়ান্ত হইয়াছে । সুতরাং এখন চারি দিকেই শাস্ত্রের অবমাননা দেখিতে হইতেছে । যে সকল মহা পাপের জন্ত হিন্দু জাতির এই বর্তমান ছরবস্থা, গোজাতির প্রতি হুর্ক্যাবহার তাহাদের অগ্রতম । গোচর ত আর কোথাও নাই । গরুগুলি ত জীর্ণ শীর্ণ, মৃতকল্প হইয়া দাঁড়াইয়াছে । জীবিতাবস্থায় গরুগুলি ত এইরূপ অনাহারে থাকিয়া মহাকষ্টে মনুষ্যের উপকার করে । কিন্তু অনেক মানুষ আবার এরূপ কৃতজ্ঞ যে, সেই গরু যখন বৃদ্ধ হইয়া বা অপর কোন কারণে অকর্মণ্য হইয়া পড়ে, ধর্মজ্ঞানহীন লোক সেই সকল অকর্মণ্য জীবগণকে নিষ্ঠুর কসাইগণের হস্তে অর্পণ করে । হিন্দুর দেশে ইহা বড়ই বিসদৃশ্য । কোন্ হিন্দু ইহা দেখিয়া ব্যথিত না হইয়া থাকিতে পারে ? যে পারে, তাহার চক্ষু নাই, হৃদয় নাই । আমরা শুনিয়া সন্তুষ্ট হইলাম যে, বীরভূম, বড়রা গ্রাম নিবাসী শ্রীযুক্ত বাবু প্রাণবল্লভ মিত্র ও শ্রীযুক্ত বাবু মনমথনাথ ঘোষ মহাশয়রয় একটা পিঁজরা পোল স্থাপনের উদ্যোগী হইয়াছেন । অজয় নদের তীরে কোন স্থানে উহা স্থাপিত হইবে । তথায় অকর্মণ্য গরুগুলিকে আশ্রয় দেওয়া হইবে । আমরা ঈশ্বরের নিকট প্রার্থনা করি, প্রাণবল্লভ বাবু ও মনমথ বাবুর চেষ্টা যেন সফল হয় । আর বীরভূমবাসী হিন্দু সন্তানদিগের নিকট আমাদের বিনীত প্রার্থনা যে, তাহারা যেন যথাসাধ্য সাহায্য দ্বারা উক্ত মহোদয়দ্বয়কে উক্ত পুণ্য কার্যে সহায়তা ও সহানুভূতি প্রদর্শন করেন ।

কীর্ত্তহারের নিকটস্থ ছুরপুর গ্রামের তিন জন লোক আবার একজনকে হত্যা করিয়াছে বলিয়া অভিযুক্ত হয় । তাহারা সেসনে সোপর্দ হইয়াছে । এবার বীরভূম জেলায় বড় বেশী খুন হইতেছে ।

বীরভূমি ।

মাসিক পত্রিকা ও সমালোচনী ।

২য় ভাগ] মাঘ ও ফাল্গুন, ১৩০৭ [৪র্থ ও ৫ম সংখ্যা ।

শ্রীনীলরতন মুখোপাধ্যায় বি, এ,

সম্পাদিত ।

সূচী ।

বিষয় ।	লেখকের নাম ।	পৃষ্ঠা ।
১। রাজরাজেশ্বরী ভিক্টোরিয়া । (সম্পাদক)	...	২৭
২। ঐতিহাসিক ছড়া সংগ্রহ । (শ্রীশিবরতন মিত্র)	...	২২
আমারে ভুলালে কে ? (শ্রীমহম্মদ আলী উস সোভান)	...	১০৬
ঘুমের ঘোর । (শ্রীশ্রীশচন্দ্র দে)	...	১০৮
জীবনী সংগ্রহ । (শ্রীরাজকৃষ্ণ পাল)	...	১০৯
৩। জনস্বাধীন । (শ্রীনবীনচন্দ্র মুখোপাধ্যায়)	...	১১৭
৪। সাহিত্য ও জাতীয় জীবন । (শ্রীমহনাথ চক্রবর্তী, বি, এ.)	...	১১৯
(শ্রীদেবিদাস ভট্টাচার্য্য, বি, এ)	...	১২৬
(সম্পাদক)	...	১৩৩
শ্রীকালীপ্রসন্ন মুখোপাধ্যায়, এম, এ)	...	১৩৬
৫। স্মৃতিচিহ্ন । (শ্রীঅবিনাশচন্দ্র বন্দ্যোপাধ্যায়, এম, এ)	...	১৪০
(সম্পাদক)	...	১৪৩

এই সংখ্যার মূল্য ১০ আনা ।

দেশ-হিতৈষী জমিদার শ্রীযুক্ত সৌরেশচন্দ্র সরকার
মহাশয়ের যত্নে ও ব্যয়ে,

বীরভূম জেলার অন্তর্গত কীর্ত্তহার গ্রামে পৃথসলিলা
কীর্ত্তহার গ্রামে সনঃস্বত হইয়া ধরাধামে অমৃত-
শ্রীদেবিদাস হুগুরীর স্নেহ-জাহ্নবীও সেইরূপ ভগ-
কর্তৃক প্রঃনরনারীর প্রাণে অমৃত সিঞ্চন করিয়া

বার্ষিক মূল্য ২ টাকা

হিমগিরি যেকোন প্রবল ঝঞ্ঝাবাত
রা, অচল অটলভাবে স্বীয় তুঙ্গ শৃঙ্গ



মেওরেস সেবনে বিংশতি প্রকার মেহ, পুরুষত্ব হানি, শুক্রক্ষয়, অস্বাভাবিক উপায়ে রेतঃপাত, অতিশয় ইন্দ্রিয়পরায়ণতা বা অধিক বীৰ্যক্ষয়নিবন্ধন শুক্রতারল্য, স্বপ্নদোষ, প্রস্রাবকালীন জ্বালা ও তৎসঙ্গে তুলার আংশের মত কিম্বা খড়ি গোলার আয় বিকৃত বীৰ্যপতন, অতিরিক্ত প্রস্রাব, হস্ত পদ জ্বালা, মাথা ঘোরা, ক্ষুধামান্দ্য প্রভৃতি রোগ খুব শীঘ্র সম্পূর্ণ আরোগ্য হয়। ইহা সেবনে শত শত চিকিৎসক-পরিত্যক্ত রোগী আরোগ্যলাভ করিয়াছে। শক্তি, স্বাস্থ্য ও পুরুষত্ব ফিরিয়া পাইয়াছে। মেওরেস দেখিতে মনোহর, খাইতে প্রীতিপ্রদ, গুণে অমৃত তুল্য। মূল্য প্রতি শিশি এক টাকা মাত্র। ভিঃ পিঃ তে লইলে এক হইতে তিন শিশি পর্যন্ত আট আনা ডাক মাণ্ডলাদি লাগে। পত্র লিখিলেই বিস্তৃত সূখ্যাতি পত্র সম্বলিত মূল্য তালিকা পাঠাই। পত্রাদি লিখিবার একমাত্র ঠিকানা :-

জে, সি, মুখার্জি—ম্যানেজার,
ভিক্টোরিয়া, কেমিক্যাল ওয়ার্কস
রাণাঘাট, (বেঙ্গল)

বড়লাট কাঙ্ক্ষন বাহাদুরের সহানুভূতি প্রাপ্ত,
বঙ্গের কৃতীসন্তান শ্রীরমেশচন্দ্র দত্ত মহাশয় কর্তৃক

ও
মিরার, অমৃতবাজার, হিতবাদী, বহুমতী, প্রতিবাদী, সোমপ্রকাশ,
সাহিত্য প্রভৃতিতে বিশেষরূপে প্রকাশিত।

প্রয়াস।

দ্বিতীয় বর্ষ।

সচিত্র মাসিকপত্র ও সমালোচক।

৩২৭ বিডন ষ্ট্রিট, ৬ প্যারীচরণ সরকার মহাশয়ের বাটী হইতে

সাহিত্য-সেবক সমিতি কর্তৃক প্রকাশিত।

এবার নূতন সরঞ্জামে, নূতন প্রণালীতে প্রয়াস দ্বিতীয় বর্ষে পদার্পণ করিল

রঙ উৎকৃষ্ট, ছাপা আরও সুন্দর

কীর্তহারের নিকটস্থ হুরপুর ক্রে মনোহর চিত্র থাকিবে।

হত্যা করিয়াছে বলিয়া অভিযুক্ত হয়। স্ত্রী সমেত পূর্ববৎ ১১০ টাকাই রহিল।

এবার বীরভূম জেলায় বড় বেশী খুন হইতেছে, ও সঙ্গে সঙ্গে নবীন লেখকদিগের

এই সর্কাপেক্ষা সুলভ মাসিকপত্রখানি
সহানুভূতি ও সাহায্য পাইবে। ইহাতে
লিখিবার বিষয় থাকিবে।

শ্রীঅবিনাশচন্দ্র ঘোষ,

“প্রয়াস”—কার্যাব্যাহক।

বীরভূমি।

মাসিক পত্রিকা ও সমালোচনী।

২য় ভাগ]

মাঘ।

[৪র্থ সংখ্যা।

রাজ রাজেশ্বরী ভিক্টোরিয়া।

অর্ধ ধরিত্রীর অধীশ্বরী রাজরাজেশ্বরী ভিক্টোরিয়া, এই নম্বর জগতের জালা যন্ত্রণা হইতে মুক্ত হইয়া স্মৃথময় নিত্যধামে চলিয়া গিয়াছেন। তাঁহার স্বর্গারোহণে সমগ্র পৃথিবী ঘোর বিষাদ অন্ধকারে নিমজ্জিত হইয়াছে; তাঁহার সুবিশাল রাজ্যের সামান্য কুটীরবাসী প্রজা হইতে, ঐশ্বর্যশালী নরপতি পর্যন্ত সকলেই মাতৃহীন হইয়া রোদন করিতেছে। কত মহামহিনাষিত সম্রাট অলৌকিক প্রতিভাবলে, কত অদ্ভুত কৰ্ম সম্পাদন করিয়া জগতের ইতিহাসে স্বীয় নাম চিরস্মরণীয় করিয়া গিয়াছেন, কিন্তু ভিক্টোরিয়ার আয়, কেহই প্রজার হৃদয়ে আধিপত্য বিস্তার করিতে সমর্থ হইয়া নাই; কেহই কৰ্মক্ষেত্র হইতে অবসৃত হইবার সময় তাঁহার আয় সমগ্র প্রজামণ্ডলীকে কাঁদাইয়া যাইতে পারেন নাই। যতদিন এ জগতে ব্রিটিশ সাম্রাজ্যের অস্তিত্ব পর্যন্ত বর্তমান থাকিবে, যতদিন মানব সমাজে রাজা প্রজা সম্বন্ধ আদৃত হইবে, ততদিন ভিক্টোরিয়া প্রজার হৃদয়ে অধিষ্ঠাত্রী দেবীরূপে ভক্তি পুষ্পাঞ্জলি প্রাপ্ত হইবেন। অলৌকিক গুণের অধিকারী না হইলে কাহারও এমন সৌভাগ্য হয় না।

ভিক্টোরিয়া অলৌকিক গুণের অধিকারিণী ছিলেন। পৃথলিলীলা জাহ্নবী যেমন ভগবানের শ্রীচরণ হইতে নিঃসৃত হইয়া ধরাধামে অমৃত-প্রবাহ ঢালিয়া দিতেছেন, রাজরাজেশ্বরীর স্নেহ-জাহ্নবীও সেইরূপ ভগবদ্ভক্তি হইতে উৎপন্ন হইয়া অগণ্য নরনারীর প্রাণে অমৃত সিঞ্জন করিয়া তাহাদিগকে চরিতার্থ করিয়াছেন। হিমগিরি যেকোন প্রবল ঝঞ্জাবাত ভূধ্বংসকারী কম্পন নীরবে সহ করিয়া, অচল অটলভাবে স্বীয় তুঙ্গ শৃঙ্গ

উত্তোলন করিয়া মানদণ্ডের স্তায় পৃথিবীকে ধারণ করিয়া আছেন, রাজ-
রাজেশ্বরীও তদ্রূপ, কত রাজনৈতিক ঝটিকের প্রবল আঘাতে অবিচলিত
থাকিয়া, কত দৈবীও মানুষী আপদের নিশ্চয় কল্পনে স্থির থাকিয়া, তাঁহার
এই সুবিশাল সাম্রাজ্যের মানদণ্ডরূপে অবস্থিত থাকিয়া উহাকে দৃঢ় হইতে
দৃঢ়তর করিয়া তুলিয়াছিলেন। ভিক্টোরিয়ার চরিত্রে রাজোচিত গুণা-
বলীর সহিত রমণীমূলভ কোমলতার মধুর সম্মিলন হইয়াছিল। যিনি
রাজপদ গ্রহণ করিয়া একজন অপরাধীরও প্রাণদণ্ডের আদেশ দেন নাই,
তাঁহার মননীয় চরিত্র পৃথিবীর প্রত্যেক নৃপতির হৃদয়কে মহিমান্বিত করিবে ;
যিনি সুবিশাল সাম্রাজ্যের স্নানীশ্বরী হইয়াও সর্বদা দাসীভাবে স্বামী পরি-
চর্যায় শ্রাঘা জ্ঞান করিতেন, তাঁহার এই পতিভক্তি পাশ্চাত্য নারীগণের
হৃদয়ে পবিত্র জ্যোতি প্রদান করিবে ; যিনি দুর্কোষ নিয়তি প্রভাবে
স্বামিধনে বঞ্চিত হইয়া, আমরণ ব্রহ্মচর্য্য ব্রত অবলম্বন করিয়াছিলেন,
ভারতবাসী তাঁহাকে দেবীজ্ঞানে চিরদিনই পূজা করিবে ; এবং যাঁহার
ঈশ্বরপ্রেম জীবনের প্রত্যেক কার্য্যে অন্তঃপ্রবাহিত, তিনি অপসরগণ
কর্তৃক স্তম্ভমানা হইয়া অনন্তকাল পবিত্র সূতের লীলাভূমি অমরাবতীতে
বিহার করিবেন।

আর আমরা ভারতবাসী, মহারাণীর স্বর্গারোহণে আমাদের যে দুঃখ,
তাহা অপরে বুঝিবে না।

ভারতবাসী যাঁহাকে চিরদিন দেবতা বলিয়া পূজা করিয়া আসিয়াছে,
'ভারত-মাতা' বলিয়া যাঁহার প্রতি চিরদিনই মাতৃভক্তি প্রদর্শন করিয়াছে,
যাঁহার শাসনে বিপ্লবক্ষুদ্র ভারত নির্বাত নিষ্কম্প প্রদীপের স্তায় স্থির ও
উজ্জলীকৃত হইয়াছে, ভারত-সন্তান যাঁহার রাজত্বে সর্বাপদ হইতে মুক্ত
হইয়া স্বচ্ছন্দ মনে ধর্ম্মানুষ্ঠান করিতে সক্ষম হইয়াছে, তাঁহার বিয়োগে যে
দুঃখ, তাহা কিরূপে প্রকাশ করিব ?

তবে ইহা বলিলে বোধ হয় অত্যাুক্তি হইবে না, যে যতদিন ভারতবাসী
ভগবান রামচন্দ্রকে আদর্শ রাজারূপে হৃদয়সিংহাসনে পূজা করিবে, তত-
দিন ভিক্টোরিয়াও সেই সিংহাসনের এক পার্শ্বে স্থান পাইবেন ; যতদিন
আর্য্য সন্তান সীতা সাবিত্রীর পবিত্র নাম স্মরণ করিয়া কৃতার্থ হইবে, তত-
দিন ভিক্টোরিয়ার নামও এই দুই রমণী রত্নের নামের সহিত সংযোজিত
থাকিবে।

আমরা ক্রমে এই অলোকসামাগ্রা মহিলায় সংক্ষিপ্ত জীবনী প্রকাশ
করিব।

ঐতিহাসিক ছড়া-সংগ্রহ ।

গ্রাম্য কবির গ্রাম্য ভাষায় বিরচিত ছড়াগুলির স্বভাবতঃই এমনই একটা
মোহিনীশক্তি আছে, যাহাতে আমরা সকলেই সেই গুলির প্রতি আকৃষ্ট হইয়া
থাকি এবং অতি আশ্চর্য্য সহিত উপভোগ করিয়া পতিতৃপ্ত হই। কৃত্রিম
অপেক্ষা স্বাভাবিক^{গীতের} পতি চিরদিনই মনের এমনই প্রিয় আকর্ষণ ও নিত্য-
লালসা।

পাখী, অসম্ভূত ভাবে আপন ঠাণে আকাশে গাহিয়া চলিয়া যায়, কাহা
রও অপেক্ষা করে না, অথচ তাহাতেই সকলেই মুগ্ধ ও প্রফুল্লিত। ছড়া,
কবির সরল ঠাণের খোলা গান—সকলে^ক মুগ্ধ না করিয়া ছাড়ে না।

সুনিপুন চিত্রকরের, প্রতি বর্ণ-সম্প^{পা} ও তুলিকা সঞ্চালনে যেমন
চিত্রটি স্ফুটতর হইয়া ক্রমশঃ সজীব হই^হ উঠে, তেমনই ছড়ার প্রতি ছত্রে
মহজ ও সলীল বর্ণনাসাধুর্গো, বর্ণিত বি^ব সমগ্র ছবিটি যেন আমাদের
সমক্ষে অথাৎ, গতিশীল, সুচঞ্চল ও^{এক} বস্তুরূপ উপনীত করিয়া দেয়।
ছড়া মাত্রেরই ইহা সাধারণ গুণ।

এই গুণ আছে বলিয়াই ইহা কাব্যমোদী ব্যতীত ঐতিহাসিকগণেরও
পরম আদরের বস্তু—আরাধ্য ধন। প্রবাদ, ক্রমশঃ বর্ধিতায়ন হইয়া এমনই
অস্বাভাবিক হইয়া পড়ে যে, সে বর্ণনার ঐতিহাসিকের কিছু খুজিয়া বাহির
করা কঠিন হইয়া উঠে। কিন্তু এই ছড়া গুলি, অধিকাংশ স্থলেই, কবির
প্রত্যক্ষভূত বিষয়ের নিখুঁত ফটো। পাঠকগণ ধৈর্য্য ধরিয়া ছড়াগুলি পাঠ
করিলেই তাহা দেখিতে পাইবেন।

এই সুদীর্ঘ ছড়াগুলি আবার প্রায়ই লোকমুখে রক্ষিত আছে—স্মৃতির
উপর একমাত্র নির্ভর। স্মরণ এ বিষয়ে লোকের আর আগ্রহাতিশয্য না
থাকিলে যে, অচিরে এই সকল ছড়া বিলুপ্ত হইয়া যাইবে, তাহা বলাই
বাহ্য। কিন্তু, সে স্মৃতি আর পুরণ হইবে কি করিয়া ?

এই নিমিত্ত আমরা মূল ইতিবৃত্ত প্রবন্ধের সৌকর্য্যার্থ, 'প্রবাদ প্রসঙ্গ'
প্রভৃতি প্রবন্ধের স্তায় এই "ঐতিহাসিক ছড়া-সংগ্রহ" প্রবন্ধের অবতারণা

করিলাম। ইহাতে এতদঞ্চলে ছুর্ভিক্ষ, মহামারী বন্যা, সামাজিক ও রাজ-
নৈতিক বিপ্লব এবং অন্যান্য ঐতিহাসিক বিষয় অবলম্বনে বিরচিত, অপ্র-
কাশিত, ছড়া সকল সংগৃহীত হইতে থাকিবে। একই বিষয়ে দুইজন কবির
ছড়া প্রচলিত রহিলে আমরা উভয়ই পাঠকবর্গের নিকট উপস্থিত করিব।
ছড়াগুলির অধিকাংশ স্থলেই ছন্দের অক্ষর সংখ্যার অসামঞ্জস্য দৃষ্ট হইবে।
অক্ষর সংখ্যা অপেক্ষা উচ্চারণের প্রতি লক্ষ্য বেশী। আমরা কিন্তু যথাযথ
প্রকাশিত করিলাম, বিন্দুমাত্রও পরিবর্তনের চেষ্টা করি নাই। কারণ, এই
ছড়াগুলি যে প্রাদেশিক শব্দ সঙ্কলনে বিশেষ উপকারে লাগিবে, তাহা বঙ্গ-
ভাষানুরাগী ব্যক্তিমাঝেই স্বীকার করিতে কুণ্ঠিত হইবেনা। *

এই ছড়া-সংগ্রহ কার্য্য সামান্য হইলেও আয়াসসাধ্য বিশেষতঃ ক্ষুদ্রশক্তি
আমার পক্ষে। সাধারণের সহায়তা প্রাপ্ত হইলে আরক্কার্য্যে শীঘ্র অগ্রসর
হইতে পারি। কেহ কি দয়া করিবেন না ?

দ

ঢ

১২৬২ সালের সাঁওতাল বিদ্রোহ উপলক্ষে লিখিত,

বীরভূমি ।

রচয়িতা :— রাইকৃষ্ণ দাস।

শুন ভাই বলি তাই সভাজনের কাছে
সুভ বাবুর (১) হুকুম পেয়ে সাঁওতাল বুদ্ধেছে।
বেটারা কোক্ ছাড়িল জড় হইল হাজার হাজার
কখন এসে কখন লোটে থাকা হ'ল ভার।
হল সব ছুর্ভাবনা রাড় কান্দনা সবাই ভাবে বসে
ষড়া ষটি মাটিতে পোতে কখন লিবে এসে।
বলে ভাই, রাখব কোথা হেথা সেথা এই কথা শুনি
রাখতে মুলুক সলা সুলুক ভাষতেছে কোম্পানি।

* আমরা এতদঞ্চলে প্রচলিত বহুসংখ্যক (চারিশতেরও অধিক) প্রাদেশিক শব্দ
সংগ্রহ করিয়াছি, হয়ত ভ্রুব্যত্বে আরও করিতে পারিব। এই সকল বিষয়, ইতিবৃত্ত
প্রবন্ধের "ভাষাতত্ত্বে" আলোচ্য।

(১) 'সুভবাবু' বিদ্রোহী সাঁওতাল দিগের নেতা; (স্ববাদারের অপভ্রংশ)।

বেটারদের শক্তি শুনে প্রজাগণে কৈছে ধীরে ধীরে
জিনীষ ছেড়ে পলাওনা ভাই সবাই থেক ঘরে। ১০
আমাদের আছে গোরা সঙ্গীন চড়া জামা জোড়া গায়
বন্দুকেতে গুলি পোরা তুড়ুক্ সোয়ার তায়।
বেটারা থাকে কোথা সত্যকথা স্বধায় তোমাদেরে
কেহ বলে দেখে এলাম ময়ুরাঙ্গীর ধারে।
আছে সব জড় হয়ে পূর্ব মুয়ে তীর মারিছে গাছে
কত শত কর্মকার সৃষ্টিতে এনেছে।
তীরে ফলা বনাতে বরাত মতে যখন যেমন কয়
হাতে হাতে যোগায় ফলি পাছে টান হয়।
বেটারদের পোষাক চড়া কপী পরা লইতে (২) বেড়া বুকে
ভাড়ের উপর পূজা করে কোক্ ছাড়িছে মুখে। ২০
আগেতে লাগরা পিটে কাটে ছাটে মদে মাসে ভরা
প্রথড়ে বাঁসকুলি দিয়ে পাড়লো গায়ে ডেরা।
দেখে সব লোক পলাছে টোকাপোছে উয়ে লটাই খান
কেহ বলে রান্ধা রইল বড় মাছের খান।
বলে ভাই পালা পালা একি জ্বালা করে কলরব
বেচারামকে কেটে বেটারা রক্ত মুখে সব।
আর কি হাকিম মানে বনে বনে রাস্তা পেলে সোজা
সাদিপুরে লুটলে গিয়ে কাপড়ের বোজা
যথা উচিত, বোচ্কাবন্ধে লিল কান্দে যত মনে ছিল
রাতারাতি হাতাহাতি কালিষ্টেকে গেল। ৩০
সকলি এম্মিধারা দেয় লাগরা অহর্নিশি পিটে
খাবার বেলায় সাঁওতালদের মেয়ে ছেলে ঘোটে।
বলে ভাই রাজা হব টাকা পাব করিয়া মন্ত্রণা
হুদিন বাদে পোড়াইল গিয়া নাঙ্গলের থানা।
এই কথা শুনে সিপাইগণে বন্দুক নিল হাতে
দারগা মুন্সীর সহিত দেখা হইল পথে।

(২) 'লইতে'—দেশীয় স্বত্রে নির্মিত মোটা কাপড়; 'বর বোনা কাপড়'।

মনেতে ভয় পেয়ে পশ্চিম মুখে অগ্নি গেল ফিরে
 পড়ের পুরে মোকাম কৈল গরারামের ঘরে ।
 জত সব জেলের গোল ভাঙ্গি তালা সব বা'র করিল
 মড়াপেটে চড়া দিয়া খিটন যে লইল । ৪০
 তখন সিপাইয়েরা সঙ্গীনচড়া কাপ্তান সহিত
 নদীর উপান্তে আসি হইল উপনীত ।
 জত সব সিপাইগণে ভাবে মনে হায় সার সার
 দেখে শুনে ময়ূরাক্ষী উভয়ে না হয় পার ।
 তীর বর্ষা তৈয়ার আছে আপন সাজে রণ নাইখ বাজে
 নদীরধারে সাঁওতালেরা নাগরা বাজায় নাচে ।
 সেখানে সাধ্য করি পারাবার হুকুল বহে বান
 হাতেতে কিরিচ ধরে দেখিছে কাপ্তান ।
 দেখিয়া বহুত সেনা কি মন্ত্রণা করে ছই জনে
 বন্দুক তৈয়ার রাখ কহে সিপাইগণে ।
 দণ্ড ৪৬ পরে কম হাবিলদারে সুবাদারের প্রতি
 নির্ণয় করিতে ছরবীন্ আন শীঘ্র গতি ।
 বলে উঠলো গরে হাওদা মাঝে
 ঝাড়ে ঝাড়ে আছে সাঁওতাল হুকুল দাস ক কেটে বেট
 কিছু দূর পিছে হাট্ বলে ঝাট্ সাহেব গেল চ'লে
 পবন বেগে ধায় সাঁওতাল পালায় পালায় ব'লে ।
 করিয়া বহু দক্ষ দিল ঝক্ষ পড়িল নদীর জলে
 সাঁতারিয়া পার হৈল হাজার সাঁওতালে ।
 বলে সব মার মার ধর ধর এই মাত্র রব
 আজ সিউড়ী জেলা হুটবোগিয়ে করে পরাভব । ৬০
 জাব সব জেহালখানা দিব থানা মুক্ত কর্বো চোরে
 সুভো বাবু রাজা হবেন জজ সাহেবকে মেরে ।
 আমরা ঘুচ'বো মাঝি কাজের কাজি মছর কর্বো বসে
 কৃষ্ণগৌর দোকান ভেসে সরাপ্ খাব ক'সে ।
 বলে শীঘ্রতর আশুধর আর বিলম্ব কেনে
 কর্ম পাকে পড়লো সাঁওতাল সিপায়ের মাঝখানে ।

বেটারা তুচ্ছজাতি নাইখ বুদ্ধি কিবা জানে টের
 আচম্বিত হুকুম হইল বলিয়া 'কায়ের' ।
 আলি হুকুম পেয়ে সিপাই ষেয়ে বন্দুক হাতে তোলে
 পঞ্চাশ পঞ্চাশ গোলি মারে এক কালে । ৭০
 যেমন তারা ধসে আসেপাশে তেমনি গোলি ছুটে
 পৃষ্ঠেতে বাজিয়া কাক পার হৈল পেটে ।
 অল্প সাঁওতাল যত কত শত পলাইয়া গেল
 কুড়ি আট লয় সাঁওতাল তারা সেই দিনেতে মোল ।
 তখন পলায় সাঁওতাল করিয়া বিকল পিছে নাহি চায়
 স'লাধ পাহাড়ে গিয়া স্তম্ভকে জানায় ।
 শুনে সব হুঃখমনে পর দিনে কৈল একাকার
 জন্মি হইতে আনায় সাঁওতাল দ্বাদশ হাজার ।
 নাহিক মৃত্যুভয় সদা বয় খেলুকেতে চড়া
 নগর মোকামে গিয়ে বাজায় লাগেড়া । ৮০
 শুনে সব লোক পালাল বিষম হল তাহলি পোদার
 সৎপোপ গোয়াল পলায় কান্দে লয়ে ভার ।
 পলায় সব বুড়া বুড়ি দৌড়াদৌড়ি হাতে লয়ে লড়ি
 মুসলমান ককির পলায় মুখে পাকা দাড়ী ।
 মুখেতে বলে আল্লা বিস্মাল্লা একি বেটাদের তীর
 এ বিপদে রক্ষা কর হে সত্যপীর ।
 বলে প্রাণ জায় হায় হায় কি বিপদ হইল
 কালু সেখের মা কেন্দে বলে আমার মুরগী কোথা পেল ।
 জত সব মাথায় বুড়ি কেঁথা ধুকুড়ী উর্কমুখে ধায়
 হোঁজট্ খেয়ে পড়ে কেহ গড়াগড়ি যায় ।
 ঐ সাঁওতাল এল সাঁওতাল কাট্লেরে সাঁওতালে
 আজি রক্ষা নাই ভাই কি আছে কপালে ।
 তখন হর্ষমনে সাঁওতালগণে রাজবাড়ী সেন্দ্রায়
 মামুষকাটা পড়লো মে দিন কুড়ি ছ আড়াই ।
 পরে সাঁওতালগণ হৃষ্টমন দেয় টাঙ্গিছে সান
 লাও জোড়ে নাড়াবেটাকে দিল বলিদান ।

গেল কুম্ভোবাদেরে সূকল কাদে হইল একাকার
 যবে অগ্নি দিয়ে বেটারা করিল ছারখার ।
 পোড়াইল ধানের গোলা তিল জোলা (৩) সরিষা আদি জত
 গরু মহিষ ছাগল ভেঁড়া পুড়লো কত শত । ১০০
 পূর্ব হনুমান লঙ্কাখান যেমতে পোড়ায়
 স্মরাধরি অগ্নি দিয়ে সাঁওতাল বেড়ায় ।
 ঐ গ্রাম নিবাস সাধুদাস তার সঙ্গে জনা চারি
 সিউড়ী আসি জজের কাছে বলুছে বিনয় করি ।
 আর্ত প্রাণ বাঁচে না কি মন্ত্রণা করছেন হজুর বসে
 ঘরকন্না পুড়ায় আমার ভাইকে কাটলে শেষে ।
 শীঘ্র উপায় কর সাঁওতাল ঘরে রাখ প্রজাগণ
 টাঙ্গীর বোটে মুলুক কেটে পতিত করলে বন ।
 নাহেব ও সামলে সিপাইগণে বলয়ে বচন
 অতি শীঘ্র যাও তোমরা কর গিয়ে রণ । ১১০
 কথা শুনে তখন যত সিপাইগণ বন্দুক হাতে নিল
 রাতারাতি সিপাইগণ কুম্ভো বাদকে গেল ।
 যুদ্ধ যেই মতে বিস্তারিতে হবে বহুক্ষণ
 আকাশের চান্দ কোথা ধরয়ে বামন ।
 বেটারা ধনুক ধরে তীর মারে করে মার মার
 সঙ্গেতে কুকুর আছে হাজারে হাজার
 সাহেব হুকুম দিলে 'ফয়ের' বলে শুনে সিপাইগণ
 হাজারে হাজার সাঁওতাল মারে ততক্ষণ ।
 অমনি ভাগেড়া হয় পূর্বমুলয় পলাইয়া যায়
 পাট্‌জোড় মোকামে আসি নাগেড়া বাজায় । ১২০
 নাগেড়ার শব্দ শুনে সর্বজনে পলায় সত্বরে
 জনাদশ বাগিড়ে গোয়াল সেই দিনেতে মারে ।
 লোকে কি যন্ত্রণা কি লাঞ্ছনা করলেরে সাঁওতালে
 কত গর্ভবতী রাস্তায় প্রসবিল ছেলে ।

এমনি সর্ব্বতরে লোট করে বেড়ায় সাঁওতাল
 নহুবা কা কথা দেবতা পলান গোপাল ।
 ভাগিরবন ছেড়ে পলান দৌড়ে পুজুরির মাথায়
 বীরসিংহরের কালিমায়ের বলিহারি যাই ।
 বারশ বাষট্টি সাল বর্ষাকাল বানের বড় বৃদ্ধি
 আকারপূরে মানুষ কেটে কুলে গাদা গাদী । ১৩০
 কাটলে বিষ্ণুপুরে হারা তাঁতিরে শ্রিয়শুলার মাঠে
 বিপন গোপকে তিরিয়ে মারলে পখুরের ঘাটে ।
 লোটিলে কুলকুড়ী দৌড়াদৌড়ি নাগড়া দেয় শেষে
 দেবু রায়কে তেড়ে ধলে আখবাড়ীতে এসে ।
 পুঙ্খাতে দেয় বাড়ী বস্ত্র কাড়ি উলঙ্গ করিয়ে
 যাহুমাঝি বেনাপ্ ছিল তাই দিল ছাড়িয়ে ।
 ধলে চল্যা মাঠে পখুর কাটে দাসী গোয়ালিনি
 কাটের ভিতরে মাগি হারাল পরাণি ।
 যত সব সাঁওতালগণে কাটের মোহানে যত মাটি ছিল
 ওখাড়িয়া সকল মাটি চাপাইয়া দিল । ১৪০
 পরে ধনুক ধরে তার উপরে নাচিতে লাগিল
 কুলাইপুরের ভাঙ্গালেতে সিপাই দেখতে পেল ।
 অগ্নি কোক্ ছাড়িয়ে পশ্চিম মু'য়ে পলাইয়া গেল
 আলান চকের নন্দদাসের গরু ঘেরে নিল ।
 তখন নন্দদাস করে হতাশ মাথায় যা মারে
 বলে গোধন ছাড়াইতে পারি তবেই আস্ব ফিরে ।
 তখন বস্ত্র ছাড়ি কপি পরি সাঁওতাল সাজিল
 চুন শুখান পাতে ভরি কড়ছে গৌজিল ।
 হাতে ধনুর্কাণ টাঙ্গীখান কান্দেতে লাগিয়ে
 সাঁওতালের বুলি জানি এই সাহস করিয়ে । ১৫০
 সাঁওতালের সঙ্গে নানা রঙ্গে কথায় ভুলিয়ে
 জল খাওয়ার ছল করি আনিল ছাড়িয়ে ।
 রাইকৃষ্ণদাসে ভনে সংক্ষেপনে কিছু লেখা হলো
 বিস্তার লিখিতে হলে অনেক বাহুল্য ।

কায়স্ত কুলে জন্ম মোর রাইকৃষ্ণদাস,
কুলকুড়ি গ্রামে মোর হয় যে নিবাস ।
জেলা বীরভূম তাহে ননী পরগণা
লাটরাম তাহে লাঙ্গলের থানা ।
আমি ভাবি মনে সাঁওতালগণে রাখিল যে স্মৃতি
যে কিছু লিখিলাম আমি সকলিত সত্যি । ১৬০
কথা মিথ্যা নয় সত্য হয় এই যে বিবরণ
হরি হরি বল দিন গেল অকারণ ।
১২৬২ সাল এই গোলমাল বড় ভাবনা মনে
কুলকুড়ি লোট হয় ২৩ শে শ্রাবণে । ১৬৪

শ্রীশিবরতন মিত্র

আমারে ভুলালে কে ?

কি ছবি দেখায় ভুলালে আমার,
 (শুধু দেখি বলে) চাহিল পরাণ মোর ;
আপনা ভাবিয়ে তুলে দিলু হাতে,
 কে জানে সে জন চোর ।
এ যে কার মন আমারে দিয়েছে,
 চলে না আপন বশে ;
এ যে শুধু কয় আপন কাহিনী,
 ছুঃখ স্মৃথ নাহি বাসে ।
এ পরাণে দেখি কলঙ্কের রেখা,
 আমার নিমল প্রাণ—
অতি যতনেতে পুষিয়া রেখেছি—
 আমারে করেছে দান ।
আমারে ভুলায়ে বাসিয়েছে ভাল,
 আপনি বেসেছে বুকে,
রজত আশায়— ফুলাহার দিয়ে—
 পাথরে রহিলু মজে ।

জলের পরশে শিলা হয় ক্ষয়
 মনেতে ধারণা ছিল,
স্নেহের নিষ্কার পাশেতে পুষিলু—
 পাথর পড়িয়ে গেল ।
কণা বালুকায় বাঢ়িবে পাথর,
 কে জানে এমন রীতি ;
স্নেহের লিখনি বৃথায় সাধিলু
 লিখিতে বরণ পাঁতি ।
পাষণের গায় • লোহার লিখনি
 লিখিয়াছে কার নাম ;
এ যে তারি নামে বিকাবে পাথর—
 আমিও যে বিকালাম ।
আমার কোমল ফুলের পরাণ
 ভপত নিশ্বাসে দহে ;
ফুলের লতিকা পাষণে রোপিলু,
 সে যে অধরচাপ না সহে ;
আমার সে ফুলে কেবল পড়েছে
 আশার চাহনি রেখা ;
আমার হাসিতে যে জন হেনেছে,
 তারি হাসি আছে লেখা ।
তারি হাসি দিয়ে তাহারি আশায়
 সঁপিব তাহারি করে ;
(এ যে) আপন ভবিষ্যে তারে না চিনিষে
 সঁপিয়ে দিয়েছি পরে ।
শত কোহিনুরে সে হিয়া দিব না,
 • আমার আনিয়া দে
সেও মোর নয় পরের পরাণ
 (মিছে) আমারে ভুলালে কে ?

শ্রীমহম্মদ আজীজ উদ্দৌল্লাহ ।

ঘুমের ঘোর ।

(১)

যাঁরে ভালবাসি ব'লে
কত লোকে কত বলে,
সুখের স্বপনে তাঁরি রহিয়াছি আজি ভোর।
জাগাও না কেহ মোরে ভেঙ্গনা ঘুমের ঘোর।

(২)

যাঁহার বাঁশীর স্বরে
যমুনা উথলি প'ড়ে,
উর্ধ্বরূপী-প্রেম-বাহু করেছিল উত্তোলন ;
তাঁহারি প্রেমেতে ডু'বে ঘুমে আছি অচেতন।

(৩)

সপ্তমে উঠায়ে তান,
গাহিয়ে বাঁশীর গান,
প্রেমে মাতোয়ারা যে গো করেছিল গোপীগণ,
তাঁহারি বাঁশীর স্বরে কেড়ে নিছে প্রাণ মন।

(৪)

যাঁহার প্রণয় আশে
চাঁদ হাসে, রবি হাসে,
গগনের কোলে তারা, হাসিয়ে হাসিয়ে ভোর,
সুখের স্বপনে তাঁরি, ভেঙ্গনা ঘুমের ঘোর।

(৫)

যাঁর মূহু-প্রেম-শ্বাসে
ফুল ফোটে চারি পাশে,
শিশিরে নোলক প'রি, পাতায় পাতায় কত,
প্রণয়ে হতাশ হ'য়ে ফেলে অশ্রুবারি শত ;

(৬)

কুসুম উলঙ্গ করি
বসন ভুলিয়ে ধরি,
রসিক পবন তার লুটিয়ে সৌরভ-ভার,
যাঁর প্রেমে দশ দিকে বিতরে অমৃতধার।

(৭)

অযুত কুসুম পরে,
মধুপ মধুর স্বরে
যাঁর প্রেম গীত গায় গুণ্-গুণ্-রবু করি,
ঘুমিয়ে রয়েছি তাঁরি প্রেমডালি বুকে ভরি।

(৮)

বসন্তের সনে পিক
যাঁর প্রেমে দশ দিক
প্রেমের তুফান তোলে স্নানধুর কলসরে,
ঘুমিয়ে রয়েছি তাঁরি প্রেমসিন্ধু বুকে ভ'রে।

(৯)

যাঁহার প্রেমের গীতি,
গায় দিন, গায় রাত্রি,
সুখের স্বপনে তাঁ'রি রহিয়াছি আজি ভোর,
জাগাও না কেহ কেহ মোরে, ভেঙ্গ না ঘুমের ঘোর।

শ্রীশ্রীশচন্দ্র দে ।

জীবনী সংগ্রহ ।

(৬)

রাজা রাজেন্দ্রলাল মিত্র ।

এই মহাপুরুষ কলিকাতার নিকটবর্তী সূড়া নামক স্থানে ১৮২৪ খৃষ্টাব্দে, ১৪ই ফেব্রুয়ারি, শনিবার, বেলা ৮।০ টার সময় জন্মগ্রহণ করেন। তাহার মৃত্যু হয়, সন ১২৯৭ সালের ১১ই শ্রাবণ, রবিবার, রাত্রি ৯টার সময় কলিকাতাস্থ ৮ নং মাণিকতলার বাটীতে। এই ক্ষণজন্মা ভাগ্যবান মহাপুরুষের নিকট বাঙ্গালা এবং ইংরাজী সাহিত্য অনেকাংশে ঋণী।

ইনি পারস্য, সংস্কৃত, উর্দু, হিন্দি, বাঙ্গালা এবং ইংরেজি ভাষা খুব ভালরকম জানিতেন, ইহা ভিন্ন গ্রীক, লাতিন, ফরাসী এবং জার্মান ভাষাতেও কতকটা তাঁহার বুৎপত্তি ছিল। ইহা বড় কম ভাগ্যের কথা নহে! একরূপ ভাষা জানা লোক আজ কাল বাঙ্গালীর মধ্যে আরো পাওয়া যায় বটে এবং পরিণামে আরো পাওয়া যাইবে বটে; কিন্তু রাজেন্দ্রলাল কেবল ভাষাগুলি “ভাসা” “ভাসা” ভাবে শিক্ষা করেন নাই। তিনি যে সকল ভাষা আয়ত্ত করিয়াছিলেন, সেই সকল ভাষাতে বক্তৃতা এবং পুস্তক পত্রিকা লিখিয়া গিয়াছেন। রাজা রাজেন্দ্রলাল একজন জগদ্বিখ্যাত প্রত্নতত্ত্ববিৎ পণ্ডিত ছিলেন, ইহা ইয়োরোপখণ্ডের বিদ্যাভিমानी বিদেশী পণ্ডিতেরাও স্বীকার করিয়াছেন। রাজা রাজেন্দ্রলালের জীবনী যিনি শুনিবেন বা আলোচনা করিবেন, তাঁহার জ্ঞানচক্ষু প্রস্ফুটিত হইবে। যিনি রাজা রাজেন্দ্রলালের জীবনী অনুকরণ করিবেন, তাঁহার জীবন অমরত্ব লাভ করিবে। কিন্তু বড়ই পরিতাপের বিষয়, এহেন মহাপুরুষের একখানি বৃহৎ জীবনবৃত্তান্ত এ পর্য্যন্ত বাঙ্গালা সাহিত্যে কেহই বাহির করিলেন না। কয়েক বৎসর হইল, শুনিয়াছিলাম, তাঁহার কোন আত্মীয় এ কার্যের ভার লইয়াছেন। “রাজা রাজেন্দ্রলালের সুবিস্তৃত জীবনী সমালোচনা” শীঘ্রই প্রকাশিত হইবে। কিন্তু কৈ আর ত তাহার কিছুই দেখি না।

যাহা হউক, আমাদের যাহা ক্ষমতা, সংক্ষেপে তাঁহার জীবনী সংগ্রহ করিয়া দিতেছি। তিনি নিজে যে বংশ-তালিকা সংগ্রহ করিয়া গিয়াছিলেন, তাহা এই,—

বংশাবলী ।

কালিদাস মিত্রের এক পুত্র, নাম শ্রীধর। শ্রীধরের পুত্র স্তম্ভি। স্তম্ভিরও এক পুত্র, নাম সৌভরি। সৌভরির পুত্রের নাম হরি। হরির এক পুত্রের নাম সোম। সোমের পুত্র কেশব। কেশবের পুত্র মৃত্যুঞ্জয়। মৃত্যুঞ্জয়ের দুই পুত্র, ধুঁই ও গুঁই, তন্মধ্যে গুঁইয়ের বংশের অনুসন্ধান হয় নাই। ধুঁইয়ের তিন পুত্রের পরিচয় পাওয়া যায়। উক্ত তিন পুত্রের নাম যথা, নিশাপতি, মর্করন্দ এবং চক্রপাণি।

চক্রপাণির পুত্র বিভাকর। বিভাকরের পুত্র কুবির। কুবিরের

পুত্র লক্ষ্মীপতি; লক্ষ্মীপতির পুত্রের নাম শ্রীরাম; শ্রীরামের তিন পুত্র, কিন্তু দুইটির নাম পাওয়া যায় নাই, অপরটির নাম সত্যবান।

সত্যবানের তিন পুত্র যথা, বল্লভ, হৃদয় এবং রাজীব। রাজীবের পাঁচ পুত্র যথা, শিব, ভবানী (ইনি দিগম্বর মিত্রের পূর্ব পুরুষ) রূপ, গৌরী এবং বিষ্ণু। ইহাদের মধ্যে অশ্রুতের বংশ পরিত্যাগ করিয়া, শিবচন্দ্রের বংশ হইতে রাজা রাজেন্দ্রলালের পূর্বপুরুষগণ আন্নিতেছেন।

শিবচন্দ্রের তিন পুত্র, তাঁহাদের নাম রামচন্দ্র, রামেশ্বর এবং রামভদ্র। রামচন্দ্রের আট পুত্র, তন্মধ্যে অপরগুলির নাম অপ্রকাশিত, কেবল এক পুত্রের নাম আছে, অযোধ্যারাম।

অযোধ্যারামের পুত্র রূপারাম। রূপারামের চারি পুত্র যথা, পীতাম্বর, কৃষ্ণচন্দ্র, গোরচাঁদ এবং লালচাঁদ। ইহাদের মধ্যে পীতাম্বরের সাত পুত্র, যথা, বৃন্দাবন, হরলাল, গোপীমোহন, হরিমোহন; ধরণীধর, বৈদ্যনাথ এবং বনমালী।

তৎপরে, বৃন্দাবনের একপুত্র নাম জনমেজয়। জনমেজয় রাজা রাজেন্দ্রলাল মিত্রের পিতার নাম। জনমেজয়ের ছয় পুত্র অর্থাৎ রাজা রাজেন্দ্রলাল মিত্র বাহাদুরের ছয় ভ্রাতা ছিলেন।

বংশাবলীর নিবাস নির্ণয়।

প্রবাদ এইরূপ যে, বঙ্গের রাজা আদিশূরের সময় কাণ্ডকুজ হইতে যে পাঁচটি ব্রাহ্মণ আসিয়াছিলেন বা আনিয়াছিলেন, কালিদাস তাঁহাদের অন্ততম অনুচর ছিলেন। অর্থাৎ সেই পাঁচটি ব্রাহ্মণের পাঁচটি কায়স্থ ভৃত্যের মধ্যে কালিদাস একটি ভৃত্য ছিলেন।

৮ কালিদাসের নিবাস যে কোথায় ছিল, তাহার সন্ধান হয় নাই। কালিদাসের পোনের পুরুষ পরে সত্যবান মিত্রের নিবাস ২৪ পরগণার অন্তর্গত বরিসা গ্রামে ছিল, তাহা জানা গিয়াছে।

বরিসা গ্রামে মিত্রবংশ সত্যবান মিত্র হইতে অনেক পুরুষ পর্য্যন্ত ছিলেন এবং এখনো আছেন, এই জন্ত “বরিসার মিত্র গোষ্ঠী” চিরবিখ্যাত হইয়া রহিয়াছেন। তৎপরে বরিসা হইতে ইহাদের কেহ কেহ হুগলী জেলার অন্তর্গত কোলগরে আসিয়া বাস করেন। পরন্তু এ স্থলেও ইহাদের বংশাবলী রাবণের বংশের মত হইয়া উঠে। তাঁহারা “কোলগরের মিত্র” বলিয়াও প্রসিদ্ধ আছেন, তৎপরে কোলগরের মিত্র-পরিবারের

মধ্যে অনেকে কলিকাতার অন্তর্গত গোবিন্দপুর (এখন এখানে কেল্লা) তাহার পর মেছুয়া বাজার, এবং সর্বশেষে কেহ কেহ সেরতলী সূড়ার গিয়া বাস করেন, পরন্তু ইহাদের মধ্যে কেহ কেহ ঝামাপুকুরেও বাস করিয়াছিলেন, ৬ রাজা দিগম্বর মিত্রের পরিবারেরা ঝামাপুকুরের মিত্রদিগের কীর্তিমান বংশধর ।

বংশাবলীধর মর্যাদা নির্ণয় ।

৬ কালিদাস মিত্রের আঠারো পুরুষ পরে ৬রামচন্দ্র মিত্র মহাশয় মুর্শিদাবাদের নবাব সরকারে দাওয়ান পদ প্রাপ্ত হইয়াছিলেন । পরন্তু ইহার পুত্র অযোধ্যারাম মিত্র মহাশয়ও পিতার কার্য্য পাইয়াছিলেন । নবাব বাহাদুর, অযোধ্যারামকে “রায় বাহাদুর” উপাধি প্রদান করিয়াছিলেন । অযোধ্যারামের পুত্র,—

৬ পীতাম্বর মিত্র ।

এই মহাপুরুষ ১৬৬৯ শকের ৩১ শে আষাঢ়, মঙ্গলবার দিবস জন্মগ্রহণ করেন ।

ইনি দিল্লিসম্রাটের সেনাপতি হইয়াছিলেন । বাঙ্গালীর পক্ষে ইহা কম ভাগ্যের কথা নহে । ষাঁহার বলায়, বাঙ্গালীর মধ্যে যোদ্ধা নাই, তাঁহার এই মহাবীরের বিস্তৃত জীবনী সংগ্রহ করিয়া দেখুন । একে দিল্লীর সম্রাট, তাহাতে সে সময়ের কত মুসলমান বীরের সেনানায়ক হওয়া, বাঙ্গালীর ভাগ্যে কত কুখ্যা কি? ইহার অধিনায়কত্বে দশ হাজার মুসলমান অশ্বারোহী সৈন্য ছিল । পরন্তু ইনি সম্রাটের নিকট হইতে রাজা উপাধি প্রাপ্ত হইলেন এবং দোয়ারের অন্তর্গত কড়া জেলা জাইগীর প্রাপ্ত হইলেন ।

১৭৮১ খৃষ্টাব্দে ৬ বারাণসী ধামে চেতসিংহের সময়ে যখন লর্ড পামার রামনগর আক্রমণ করেন, তখন রাজা পীতাম্বর উপস্থিত থাকিয়া ইংরাজের অনেক উপকার সাধন করিয়াছিলেন । ইহার সঙ্গে অযোধ্যার নবাবের খুব আলাপ ছিল । রাজা পীতাম্বর তাঁহার কাছে ৯ লক্ষ টাকা জমা রাখিয়াছিলেন । ইনি ১৭৮৭ কিম্বা ১৭৮৮ খৃষ্টাব্দে সম্রাটের নিকট হইতে সামরিক কার্য্য হইতে অবসর লইয়া কলিকাতায় আগমন করেন । তৎপরে বৈষ্ণব ধর্মে দীক্ষিত হইয়া শেষ জীবনে বৈষ্ণব হইয়াছিলেন ।

কাটাকাটির কার্য্য যুদ্ধবিদ্যা যে জীবনের এক মহাব্রত ছিল, সেই জীবন কি যাহুমন্ত্র বলে, (বলিতে পারি না, কাটাকাটির সংস্কার গিয়াছিল কি না!) শেষকালে, কাটাকাটি শক্তি ছাড়িয়া, বৈষ্ণব “বানাইয়া” গেল !!

মিত্র-পরিবারেরা কলিকাতার মেছুয়াবাজারে ছিলেন । ইনি সেনাপতির পদ পরিত্যাগ করিয়া আসিয়া, প্রথম মেছুয়াবাজারে উপনীত হইলেন । তখন মেছুয়াবাজারে মিত্রদের বাড়ীর নাম ছিল “মিত্র পারিবারিক বাড়ী” এই বাড়ী তাঁহাকে বৈষ্ণব হইয়া পরিত্যাগ করিতে হয় । এখন যেমন ব্রাহ্ম হইলে হিন্দুর জাতি যায় । তখন তেমনি বৈষ্ণব হইলে হিন্দুর জাতি যাইত । অবশ্য, এ বৈষ্ণব আমাদের শাস্ত্রোক্ত বৈষ্ণব নহেন ! ইহা দল বিশেষের ধর্ম্ম । যাহা হউক, ইনি বাড়ী পরিত্যাগ করিয়া সূড়ার বাগানে বাস করেন, এবং ক্রমে তথায় বাড়ী ঘর করিয়া “সূড়ার রাজা” হইলেন । ইহার পুত্রের নাম,—

৬ বৃন্দাবন মিত্র ।

রাজা পীতাম্বর মিত্রের সময়, সূড়ার রাজবাটীর যে শ্রী হইয়াছিল, ইহার দ্বারা রাজবাটীর সেই শ্রী থাকিলেও কিন্তু ইনি কতকগুলি বিষয় নষ্ট করিয়াছিলেন, পরের জন্ত জামিন হইতে গিয়া দুইবার ইহাকে প্রায় ১৮১৯ লক্ষ টাকা ক্ষতিগ্রস্ত হইতে হয় । ইনি মিতব্যয়ী ছিলেন না । পরন্তু ইহার সময় মহারাষ্ট্রের যুদ্ধে সম্রাট প্রদত্ত কড়ার জায়গীর নষ্ট হইয়া যায় । কড়ার জায়গীরের বাৎসরিক আয় ছিল ২ লক্ষ ২০ হাজার টাকা । ইহাও রাজা বৃন্দাবনের গ্রহবৈশিষ্ট্যে নষ্ট হয় । ইনি সাহিত্যপ্রিয় লোক ছিলেন । রাজা পীতাম্বরের সময়ে যুদ্ধবিদ্যা ছিল, ইহার সময় কেবল বিদ্যা আসিল, যুদ্ধকার্য্য এ সংসার হইতে বিদায় গ্রহণ করিল । রাজা বৃন্দাবনের সময় অনেক প্রাচীন সংস্কৃত হস্তলিখিত পুঁথি সংগৃহীত হয় । এই সকল পুঁথির মধ্যে এখনও কতক কতক সূড়ার রাজবাড়ীতে পাওয়া যায় ।

গোলাপ ফুলের কুড়ীটি একটা সবুজ বর্ণের ঠুলীর মধ্যে লুক্কাইত থাকে, ঐ ঠুলীকে ভাল কথায় বলে “ফুলের বৃত্তি” । উহার ভিতর পুষ্পের রঞ্জিত পত্র বা পাপড়ী প্রথম লুক্কাইত থাকে, তৎপরে পুষ্প প্রস্ফুটিত হইলে, উক্ত বৃত্তি রঞ্জিত পত্র বা পাপড়ীর নিম্নে লাগিয়া থাকে । ইহা বলিবার উদ্দেশ্য এই যে, রাজা বৃন্দাবন হইলেন রাজা রাজেন্দ্রলাল মিত্রের পিতামহ এবং ইহার সময় হইতেই রাজসংসারে লক্ষ্মী গিয়া স্বরস্বতীর আগমন হয় ।

অতএব রাজা বৃন্দাবনের বিদ্যালুরাগ যেন মিত্র-পরিবারের বিদ্যার বৃত্তি-স্বরূপ। ইহার পুত্র রাজা জনমেজয় যেন বিদ্যার রঞ্জিত পত্র বা পাপড়ী। পরন্তু পাপড়ী খসিয়া গেলেই “ফল।” অতএব রাজা রাজেন্দ্রলাল মিত্র যেন মিত্র-পরিবারের বিদ্যার ফল! ইনি টাকার জন্ত কটকের কালেক্টরীতে দাওয়ান হইয়াছিলেন।

রাজা জনমেজয় ।

ইনি পারশু এবং সংস্কৃত বিদ্যায় সুপণ্ডিত হইয়াছিলেন। ইনি অনেক সংস্কৃত ভাষার গল্প এবং পারশু ভাষার পদ্য বাঙ্গালা ভাষায় লিখিয়াছিলেন এবং অষ্টাদশ পুরাণের সূচী এবং বর্ণানুসারে ভাগবত পুরাণের নির্ঘণ্ট বাঙ্গালা ভাষায় প্রকাশিত করিয়াছিলেন। পূর্বে বলিয়াছি, ইনিই আমাদের রাজা রাজেন্দ্রলালের পিতা।

রাজা রাজেন্দ্রলাল ইহার তৃতীয় পুত্র ছিলেন। রাজা জনমেজয়ের সময় সূড়ার রাজাদের আর্থিক অবস্থা পূর্ববৎ। অর্থাৎ ইহার দ্বারা ধনক্ষয় বা প্রচুর আয় বৃদ্ধি হয় নাই। যাহা হউক, এইবার, রাজা রাজেন্দ্রলালের,—

বাল্যশিক্ষার

পরিচয় যথা, বালক রাজেন্দ্রলাল পঞ্চম বৎসরে হস্তে খড়ি দিয়া, কলিকাতার বড়বাজারে রাজা বৈদ্যনাথের বাড়ীতে গুরুমহাশয়ের পাঠশালার পড়িয়া বাঙ্গালা এবং পারশু ভাষা কিছু কিছু শিক্ষা করেন। তৎপরে, পাথুরেঘাটাস্থ ক্ষেম বসুর ইংরাজি স্কুলে প্রবেশ করেন। এ স্কুলের অস্তিত্ব এখন নাই। একাদশ বর্ষ বয়সে ইনি শরীর মিত্রের বাড়ীতে গোবিন্দ বসাকের স্কুলে ভর্তি হন। তৎপরে ম্যালেরিয়া জ্বরের লিবর প্লীহার রোগ-যন্ত্রণা এক বৎসর ভোগ করেন। এই সময় হইতে তাঁহার ডাক্তারী শিথিতে ইচ্ছা হয়।

তৎপরে, ১৮৩৯ খৃষ্টাব্দের ৩রা ডিসেম্বর, ইনি মেডিকেল কলেজে ভর্তি হন। কিন্তু ইনি ডাক্তারি পড়িয়া উক্ত বিদ্যায় পরীক্ষায় ফেল হন বলিয়া ডাক্তারি পড়া ছাড়িয়া দেন। এই সময় ইনি ১ম বিবাহ করেন। তৎপরে ইনি আইন পড়িতে আরম্ভ করেন, ইহাতেও রাজা রাজেন্দ্রলাল পান দিতে পারেন নাই। কাজেই আইন পড়া ছাড়িয়া দেন।

এইবার রাজা রাজেন্দ্রলাল উর্দু এবং হিন্দি পড়িতে আরম্ভ করেন, কিন্তু বাড়ীতে পণ্ডিত রাখিয়া ইহা শিখিয়াছিলেন।

১৮৪৬ খৃষ্টাব্দে ইনি এসিয়াটিক সোসাইটীর সেক্রেটারী এবং লাইব্রেরিয়ানের পদ প্রাপ্ত হন। এই পদ পাইয়া ইহার পুস্তক পাঠের প্রবল পিপাসা অনেকটা পরিতৃপ্তি লাভ করিয়াছিল। তৎপরে ইনি ১৮৫৬ খৃষ্টাব্দের মার্চমাসে গবর্নমেন্ট ওয়ার্ডের ডাইরেক্টরের পদে অভিষিক্ত হইলেন।

এসিয়াটিক সোসাইটীতে প্রবেশ করিয়া ইনি উক্ত সোসাইটী হইতে প্রকাশিত “জর্নাল অব এসিয়াটিক সোসাইটী” নামক মাসিকপত্রে প্রবন্ধ লিখিতে আরম্ভ করেন। এই পত্রিকাতেই ইহার প্রথম রচনা বাহির হয়।

তৎপরে ইনি সংস্কৃত ভাষায় প্রবন্ধ লিখিতে চেষ্টা করেন। এই সময় হইতে ইনি সংস্কৃত ভাষা শিক্ষা করিতে আরম্ভ করেন। শেষে উক্ত ভাষায় কতকগুলি পুস্তক রচনা করিয়া গিয়াছেন। পরন্তু ১৮৪৯ খৃষ্টাব্দে ইনি সংস্কৃত ভাষায় “কামন্দকী” নামক মাসিক পত্রিকা প্রকাশিত করেন। তৎপরে “নীতিসার” নামক আর একখানি সংস্কৃত পত্র পরিচালিত করিয়াছিলেন।

ইহার সংস্কৃত এবং ইংরাজী লিখিয়া তৃপ্তি হয় নাই। ১৮৫১ খৃষ্টাব্দ হইতে ইনি “বিবিধার্থ সংগ্রহ” নামক বাঙ্গালা ভাষায় মাসিক পত্র সম্পাদিত করেন। এই মাসিকপত্রই বাঙ্গালা ভাষায় বিজ্ঞান রহস্যের পথ প্রদর্শক। উহা হইতেই বাঙ্গালী বৈজ্ঞানিক চিন্তা প্রথম প্রাপ্ত হয়। তৎপরে “রহস্য সন্দর্ভ” নামক বাঙ্গালাভাষায় আর একখানি মাসিকপত্র বাহির করেন। ইহা ভিন্ন অপরাপর মাসিকপত্রে এবং বহুবিধ ভাষায় সংবাদপত্রে ইনি দুই সহস্রের অধিক প্রবন্ধ লিখিয়া গিয়াছেন। নিজে, ১২৮ খানা পুস্তক রাখিয়া গিয়াছেন। ইহার মধ্যে দুইখানি ইংরাজী পুস্তকের যথেষ্ট সুখ্যাতি ইউরোপখণ্ডে হইয়াছিল। উক্ত পুস্তকদ্বয়ের নাম “বুদ্ধগয়া” এবং উড়িষ্যার প্রবৃত্তি। ইহা ভিন্ন নিম্নলিখিত বাঙ্গালা পুস্তক এবং পত্রিকাগুলি অদ্যাপিও বোধ হয় পাওয়া যায়।

(১) বিবিধার্থ সংগ্রহ (২) রহস্য সন্দর্ভ (৩) প্রকৃতি ভূগোল (৪) পত্র কোমুদী (৫) ব্যাকরণ প্রবেশ (৬) শিল্পিকা দর্শন (৭) শিবজীর জীবনী (৮) মিবারের ইতিহাস। পরন্তু পূর্বেই ১২৮ খানি পুস্তকের মধ্যে সংস্কৃত ভাষায় ১৩ খানি এবং বাঙ্গালা ভাষায় ১০ খানি ভিন্ন অপরাপর গুলি অগ্রাহ্য

ভাষায় লিখিত । ইনি “হিন্দু পেট্রিয়ার্টের” আত্মস্বরূপ ছিলেন । কৃষ্ণদাস পাল ইহারই ছাত্র বিশেষ ।

১৮৮৫ খৃষ্টাব্দে ইনি এসিয়াটিক সোসাইটির প্রেসিডেন্ট পদে নিযুক্ত হইলেন । বাঙ্গালীকে এই পদ ইনি প্রথম দেখাইয়া যান । পরন্তু ১৮৫৫ খৃষ্টাব্দে ইনি গবর্ণমেন্ট ওয়ার্ড ইনিষ্টিটিউশন নামক এক স্কুল চনং মাণিকতলা রোডে স্থাপিত করেন । এই স্কুলে কেবল জমীদারদিগের নাবালক পুত্র-দিগকে শিক্ষা দেওয়া হইত । এই স্কুল হইতে ইনি মাসিক ৫০০ শত টাকা পাইতেন । ১৮৮১ খৃষ্টাব্দের জুন মাসে উক্ত স্কুল উঠিয়া যায় । কিন্তু যুতুকাল পর্যন্ত ইনি উক্ত স্কুলবাটীকে বসতবাটী করিয়া লইয়া সপরিবারে বাস করিতেছিলেন । পরন্তু এখনো তাহার দুই পুত্র এই বাটীতেই বাস করিতেছেন । ইহার প্রথম পক্ষের দ্বী এক কন্যাসন্তান প্রসব করিয়া মারা যান । তৎপরে ইনি ভবানীপুর নিবাসী ৮ কালীধন সরকার মহাশয়ের জ্যেষ্ঠা কন্যাকে বিবাহ করেন । ইহারই গর্তোদ্ভব দুই পুত্ররত্ন—বিশেষ শিক্ষিত গুত্রবয় তিনি রাখিয়া গিয়াছেন ।

ইনি নিম্নলিখিত উপাধিগুলি লাভ করিয়াছিলেন “তান্ত্রার অবল,” “সি, আই, ই,” “রায় বাহাদুর,” “রাজা” ইত্যাদি ।

“ব্ল্যাক এক্ট” নামক আইন যখন পাস হইবে, ইহার পূর্বে ১৮৫৭ খৃষ্টাব্দের ৬ই এপ্রেল টাউনহলে এক সভা হয় । উক্ত আইনের মর্্ম এই ছিল যে, দেওয়ানী আদালতে সাহেবের বিচার এদেশী জজে করিতে পারিবে । কিন্তু ইহাতে সাহেবেরা খুব প্রতিবাদ করেন, ইংলিসমান প্রভৃতি ক্ষেপিয়া উঠিয়া ছিলেন, উহারাই অবজ্ঞা করিয়া উক্ত আইনকে ব্ল্যাক এক্ট” নাম দিয়া ছিলেন । রাজা রাজেন্দ্রলাল স্বজাতির পক্ষ সমর্থন করিয়া টাউনহলে, সেই সাহেবী সভাতে বিশেষতঃ উক্ত আইনের বিপক্ষদের মধ্যে সাহেবী ভাষায় এক সুদীর্ঘ সুন্দর যুক্তিপূর্ণ বক্তৃতা করেন । সে যুক্তির খণ্ডন করিতে না পারিয়া শেষে সাহেবেরা রাগান্বিত হইয়া রাজেন্দ্রলালকে প্রহারের উদ্যোগ করেন । কিন্তু ইহার এক বকুর রূপায় সে যাত্রায় বড়ই কৌশলে লুকাইয়া গাড়ী করিয়া বাড়ী আইসেন ।

তখনকার এমন সভাসমিতি ছিল না যে, রাজা রাজেন্দ্রলাল তাহার সম্বন্ধে ছিলেন না । সুফল সভাতেই ইহার যোগ ছিল । ইনি খুব রসিক ছিলেন ।

আশা করি, এখনকার “সাহিত্য-সভা” এবং বঙ্গীয় সাহিত্য-পরিষৎ সভা” ইহার স্মৃতিস্বরূপ, এই মহাপুরুষের ছবি স্ব স্ব সভা গৃহে রাখিয়া দিবেন ।

শ্রীরাজকৃষ্ণ পাল ।

জল প্লাবন । *

(“ভুবনমোহিনী প্রতিভার” সুপ্রসিদ্ধ কবি কর্তৃক রচিত)

“কে’রে বীরনারী, নভঃপট যুড়ি,

মহামেঘ দালা চিকুর বিস্তারি

নিবিড় তিমিরে ভুবন অঁধারি,

ঝলকে ঝলকে উগ্গার বিছাৎ ?

নিধাম প্রথাসে বহিছে পবন !

মহাঘোর রাব শন্ শন্ শন্ ।

বজ্র হুহুঙ্কার করিয়া ভীষণ,

সমস্ত ভুবনে অমিছ অভূত ?

২

প্রলয়ের তরে লয়ে জলধরে ?

সাজিয়াছ সৃষ্টি সংহারের তরে ?

হয়ে সৃষ্টি-স্থিতি বিধাত্রী সংহারে

কেন এ দারুণ বাসনা তোমার !

দয়াময়ি ! * তোমার এই কি দয়া মা ।

জগত প্রসূতি তুই যে গো গুণমা,

প্রসবিত্তে বিশ্ব কত ব্যথা উমা,

সে সব কি মনে নাহিক তোমার ?

৩

এক এক করি প্রকৃতি পুঞ্জেরে—

প্রসবিয়া স্নেহে পালিলা সাদরে ।

ভাসালে জগতে অমৃত পাথারে

তাহাই নাশিতে হয়েছ উদ্যত ?

অহো মহামায়ে ! তোমার প্রকৃতি

বুঝিব এমন কি আছে শক্তি ?

সম্বর চণ্ডিকে প্রচণ্ড মুরতি,

প্রসীদ জননি ! প্রসীদ প্রসীদ !”

৪

এরূপ প্রকারে কাতর অন্তরে

সিদ্ধ মুনি ঋষি মহাত্মাদিকরে ।

বিবিধ বিধানে দেবী স্তব করে,

কেহবা সম্রাসে পলায় গগনে ।

কোথা কে পলায় স্থির নাই তার,

মানবমণ্ডল করে হাহাকার ;

পশু পক্ষী আদি করিছে চীৎকার ।

হেরি এ ভীষণ দর্শন নয়নে !

৫

মহামেঘ পরে চপলা সঞ্চারে,

ঘোর হুহুঙ্কার ঘন ঘন ছাড়ে,

ঢালে বারি রাশি অবনী উপরে,

দিবা কি রজনী নু হয় নির্ণয় ।

ঘোর দস্তে বহে প্রমত্ত পবন ।

হতেছে অগ্রজ অশনি পতন ।

ভাস্ত্রে তুঙ্গ শৃঙ্গ বন মহাবন,

জনপদ সব হইল বিলয় ।

৬

বায়ু শন্ শন্ গরজে ভীষণ,

ঘোর ঘনজালে আন্ধার ভুবন ।

ঘোরতর বৃষ্টি না যায় কখন ।

ভাসিল অবনী সলিলতরঙ্গে ।

অবিরাম বৃষ্টি ঢালে মেঘদল ।

অবনীতে আর নাহি ধরে জল,

* গুণ আধিন মাসের দুয়োগ দৃষ্টে এই কবিতা লিখিত হইয়াছে ।

একাকার সব হল জলস্থল
ভাবিতেও চিত্র শিহরে আতঙ্কে ।

৭
অবনীর যত জীব জন্তুগণ,
সহ জনপদ পর্বত কানন,
সমস্ত সলিলে হল নিমগন,
সমস্ত ভুবন একাকার জলে !

হিমাঙ্গি প্রভৃতি মহাদ্রি সকল ।
আশ্রয় করিলা গভীর অতল ।
আকাশ ভেদিয়া প্রবাহ সকল,
ছুটে অবিরাম বিকট কল্লোলে !

৮
দারুণ প্লাবনে প্রলয় তুফানে ।
বিশাল বহুধা গেল কোন্ স্থানে ?
এখনো জলদ বরষে সঘনে,
এখনো পবন হুঙ্কারে গস্তীরে ।
মানব হইতে পতঙ্গ অবধি,
আচ্ছন্ন কারয়া প্রলয় জলধি,
(হৃদশার আর নাহিক অবধি)
ভাসিয়া যেতেছে কাতারে কাতারে !

৯
ভীষণ দর্শন এ জলপ্লাবন,
হেরিয়া নয়নে যত দেবগণ,
বশিষ্ঠ, নারদ আদি তপোধন-
অবনীর দশা দেখিয়া, হুঃখেতে
ব্যাকুল অন্তরে ডাকিছে চণ্ডীরে,
বিবিধ বিধানে স্তব স্তুতি করে,
কহিছে “কালিকে” রাখ মা সংসারে,
এ দারুণ দৃশ্য পারি না দেখিতে ।

১০
হয়ে গো আপনি, ত্রিলোক জননী
বিশ্বময়ী বিশ্ব জীবনরূপিনী
শান্তি দয়ারূপা ত্রিতাপ তারিণী,
“বিপদ বারিণী অভয়া সংসারে,

কেন এ সংহার বাসনা তোমার ?
ভুলেছ এ সব রচনা কাহার ?
নিজেই স্বজেছ এ বিশ্ব সংসার,
নিজ হাতে তাহা ভাঙ্গিছ কি করে ?

১১
“তুমি শক্তি বিশ্বপ্রকৃতি মণ্ডলে,
তুমিই চালাও, তাই বিশ্ব চলে,
তুমি সর্বের সর্বা শূন্যে জলেস্থলে,
তোমার মায়ায় ছলনা এমনি ;
দেবাসুরনর গন্ধর্ব্ব কিন্নর,
পশুপক্ষী আদি, মুক্ত চরাচর ।
তোমার মহিমা কি বুঝিবে নর ?
প্রসীদ, প্রসীদ, প্রসীদ জননি !

১২
“পূর্ণ কর মাতঃ আমাদের আশ,
পুনর্বার কর সৃষ্টি অভিলাষ,
সম্বর জলদ কৃষ্ণ কেশ-পাশ,
প্রসন্ন নয়নে নিরখ জগতে ।
অমৃতরূপিণী ! মৃত অবনীরে,
অতল হইতে তুলিয়া সত্তরে
বাঁচাও করুণ করস্পর্শ ক’রে,
আর জলরাশি পারি না দেখিতে ।”

১৩
এইরূপে যত দেবতা সকলে
স্তব করে, আর ভাসে নেত্রজলে,
হেরি দয়াময়ী হৃদয়-কমলে,
উপজিল আশি করুণা অমৃত ।
প্রলয়ের রূপ করি সম্বরণ,
সে অমৃতধারা করিয়া বর্ষণ,
কহিলেন দেবী, “হে অমরগণ ।
আমার এ কার্যে হও না হুঃখিত ।

১৪
ঘোর পাপতাপে স্রাজীর্ণ ধরা,
তাই ডুবাঁইলু এপাপের ভরা ।

ইহাতে বিস্মিত হওনা তোমরা,
উপাদান হেতু আমি এজগতে,
আমি সৃষ্টি আমি সংহার সংসারে,
আমি নিত্য হুজাগ্রত চরাচরে ।
আমার অভাব না হইলে পরে,
সংসার বিলয় হবে কিরূপেতে ?

১৫
প্রতি মঘন্তরে ঘটেছে এমন,
জগতপাবন জল-হতাশন,
ইহাতে সংসারে করিয়া শোধন,
করি অভিনব রচনা সুন্দর ।
ইহাই আমার চিরন্তন রীতি
কালে পুনর্বার হবে সৃষ্টিপ্তি,
সৃষ্টির প্রবাহ রাখিতে সম্প্রতি,
বেদ রক্ষা করা কার্য গুরুতর ।

১৬
বেদ সনাতন হইলে মগন
মানবসমাজ করিয়া গঠন
কি ফল হইবে ? ত্রিমিরে মগন,
খাকিবে অবনী, জ্ঞান প্রভাকর ।
ভাতিবেনা ধরা হৃদয় দর্পণে ।
বিবেক চন্দ্রমা মানস গগনে,
উদিয়েনা, লোক পশু আচরণে
বহিবে ক্রেশেতে জীবন দুর্ভর ।

১৭
তাহা কেন হবে, বলি মহেশ্বরী,
কহেন বিষ্ণুরে “মীনরূপ ধরি
রক্ষা কর বেদ মুকুন্দ মুরারী,
রক্ষা কর সৃষ্টিপ্রবাহ আমার ।’
“যে আজ্ঞা’ বলিয়া দয়াময় হরি,
প্রবেশিলা জলে মীনরূপ ধরি,
ভাসমান মহাগ্রন্থে ওঠে করি,
সনাতন বেদ করিলা উদ্ধার !

১৮
বহুদিন রাত্রি প্রচণ্ড ভারেতে
প্রলয় ছুর্যোগ রহিল ভবেতে •

শান্তি সমীরণ বহিল ক্রমেতে
সমস্ত বিপুব করিয়া বিলয় ।
• মেঘজাল মুক্ত হইল গগন,
• ভেদিয়া অনন্ত সলিল দর্পণ,
• হাসিয়া উঠিল জ্বলন্ত তপন,
ছড়ায়ে আলোক ত্রিভুবনময় ।

১৯
• খামিল বিপদ শান্তি সমুদিত,
কিন্তু চরাচর জলে নিমজ্জিত,
অচেতন ধরা অতলে শায়িত,
কে বুঝিবে আর সুখশান্তি কথা ?
• বহুশতবর্ষ ধরা জলময়
রহিল না জল স্থলের উদয়,
জলজন্তু পূর্ণ হ’ল সমুদয় ;
“কেমন অবনী, ছিলই বা কোথা ?”

২০
অলোকবাসী ভুলিল ক্রমেতে,
অহো ! কি বিস্ময় পারি না ভাবিতে ।
পৃথিবী মিলাল জল মণ্ডলেতে,
অনন্ত সিন্ধুতে জলবিশ্ব প্রায়ণ ।
আদ্যশক্তি বাক্যে দয়াময় হরি,
জীবহিত তরে মীনরূপ ধরি
বহুশতবর্ষ সলিল উপরি,
ভাসিলেন, বেদ রক্ষা হ’ল তায় ।

২১
হইলেন হরি মংস্র অবতার,
করিলেন জীব প্রবাহ বিস্তার,
কুর্মে বরাহাদি দশ অবস্থার
দশ অবতারে সম্পূর্ণ স্ভাব ।

এইরূপে কল্প শত শত বার,
হইল প্রলয়, দশ অবতার
হইল, হইবে সংখ্যা নাই তার ।
ইহাই বিশ্বের নিত্য সিদ্ধান্ত ।

শ্রীনবীনচন্দ্র মুখোপাধ্যায় ।

জাতীয় সাহিত্য ও জাতীয় জীবন ।

যাবতীয় সৃষ্ট জীবের অন্তরেই নানা সময় নানা প্রকার ভাবতরঙ্গের উদয়
হইয়া থাকে । এই জগতে জীব যতদিন বাস করে, ততদিন অহনির্শ নানা-

রূপ অবস্থান্তরের মধ্য দিয়া তাহাকে গতায়ত করিতে হয়, এসব সময় অবস্থান্তরে নানারূপ ভাব বৈচিত্র্যও, যে তাহাদের মনোমধ্যে উদ্ভিত না হয়, তাহা নহে। ইতর প্রাণীগণেরও কতকগুলি মানসিক বৃত্তি আছে, যে গুলির ক্রিয়ায় ফলে তাহাদের মনেও, সুখ দুঃখ, শান্তি অশান্তি, ভয় উল্লাস প্রভৃতি নানারূপ ভাবান্তরের সমাবেশ হয় এবং তাহারা বাকশক্তি বিরহিত হইলেও প্রকৃতিসিদ্ধ নানা প্রকার স্বাভাবিক উপায়ে তাহারা সেই সেই ভাব প্রকাশ করিয়া থাকে। তাহাদের, মুখভঙ্গী, অঙ্গ সঞ্চালন, অব্যক্ত স্বর ইত্যাদিই সেই সব ভাব বাহিরে প্রকট করিয়া থাকে। সুতরাং এগুলিকে তাহাদের ভাষা বলা যাইতে পারে। আমরা মানুষ, আমাদের বাকশক্তি আছে বলিয়া আমরা গর্ব করিয়া থাকি; তাই বলিয়া ভাষাটা যে কেবল আমাদেরই একচেটীয়া সম্পত্তি, তাহা নহে। ভাষা কি? মনের ভাব বাহিরে প্রকাশ করিবার একটা উপায় ও অবলম্বন ভিন্ন আর কিছুই নহে। সুতরাং যে যে ভাবে সেই মনোভাব প্রকাশ করিতে সক্ষম হয়, সেই ভাবেই আমরা তাহার ভাষা বলিতে পারি। পশুগণের নানাবিধ স্বর আমরা বুঝিতে অক্ষম বলিয়াই যে, তাহাদের ভাষা নাই, ইহা যদি বলা যায়, তবে পশুগণও আমাদের কথা বুঝিতে পারে না বলিয়া আমাদের ভাষা নাই এইরূপ স্থির করিতে পারে। অথবা আমাদের নিজেদের কথাই দেখিতে গেলে বুঝা যাইবে যে, ইংরাজি কি লাতিন বা জার্মান প্রভৃতি ভাষায় অনভিজ্ঞ ব্যক্তি ঐ সমস্ত ভাষাভাষীগণের উক্তির এক বর্ণও বুঝিতে পারে না, সুতরাং তাহার নিকট শাখা যুগকুলের কিচিমিচির সঙ্গে ঐ স্বরের কোন পার্থক্য আছে বলিয়াই তাহার ধারণা হইবে না। নিজ ভারতবর্ষেই মহারাষ্ট্রীয় বা তৈলঙ্গীয় বা উড়িষ্যাবাসীর ভাষা বঙ্গীয়েরা বুঝিতে অক্ষম হইবেন। নিজ-বঙ্গেরও চট্টগ্রাম প্রভৃতি অঞ্চলের কথা পশ্চিমবঙ্গীয়েরা বুঝিতে পারিবেন না। সুতরাং বুঝিতে না পারিলেই যে ভাষা হয় না, ইহার কোন যুক্তি নাই। এই জন্যই পৃথিবীতে নানা ভাষার সৃষ্টি। এক এক দেশীয় লোক নিজেদের মধ্যে একটা নিয়ম করিয়া কতকগুলি কথা হির করিয়া লইয়াছে, সেই গুলি দ্বারা তাহারা প্রয়োজনীয় বক্তব্য বলিয়া থাকে; সেই তাহাদের ভাষা। ইতর জাতীয় পশুগণের মধ্যেও সে বাঁধাবাঁধি আছে এবং তাহারা নিজেদের মধ্যে সে সব বেশ বুঝিতেও পারে। গাভীর ছফার বৎস বেশ বুঝে, বিড়ালীর আহ্বান বিড়াল শাবকের বোধগম্য হইতে কষ্ট হয় না।

শাবকের কাতর ভাষা পক্ষিনীকে দূর হইতে আকর্ষণ করে। তারপর যে সমস্ত জন্তু গৃহপালিত, তাহারা সর্বদা আমাদের সংসর্গে আসায় আমাদের অনেক কথা তাহারা বুঝিতে পারে, তাহাদের অনেক ভাবও আমরা বুঝিতে পারি। তাহা না পারিলে তাহাদিগকে লইয়া কাজ করা আমাদের দুর্ঘট হইত।

কৃষকের গরু তাহার কথা মত বাম দক্ষিণ চিনিয়া চলে, 'তু' বলিয়া ডাকিলে শত হস্ত বাসধানস্থিত কুকুরও ছুটিয়া আইসে, 'পুস্ পুস্' আহ্বানে পুসি মেনী লাসুল উত্তোলন করিয়া গা ফুলাইয়া ঘুরিতে থাকে; কুকুরকে 'ধর ধর' বলিয়া কিছু দিকে অঙ্গুলী নির্দেশ করিলে ছুটিয়া যায়, বিরক্ত বা ক্রুদ্ধ ভাবে 'ঘা' বলিলে কুকুর, বিড়াল আদি দূরে পলায়ন করে, আদর করিয়া ডাকিলে তাহারা কাছে আসিয়া লেজ নাড়ে বা ঘোঁৎ ঘোঁৎ করে, ইত্যাদি শত ব্যাপার প্রত্যেকেই প্রত্যহ দেখিতেছেন। তাহাদের ডাকে, বা অঙ্গভঙ্গীতেও যে আমরা তাহাদের শোক, দুঃখ, কি আনন্দ, বুঝিতে পারি, তাহার আর সন্দেহ নাই। এইরূপ পরস্পরের কতকগুলি ভাব ও ভাবার আদান প্রদান হইয়া যাওয়ার আমরাও তাহাদের দ্বারা কাজ করিতে পারিতেছি আর তাহারাও আমাদের আশ্রয়ে থাকিতে পারিতেছে; এক্ষণে তাহাদের লইয়া বসবাস করিতে আমাদের কিছুই বিশেষ অসুবিধা হয় না; কিন্তু যদি এমন একজন মানুষকে লইয়া আমাদের থাকিতে হয়, তাহার ভাষা আমরা জানি না, তাহা হইলে এতদপেক্ষা কত বেশী অসুবিধা ভোগ করিতে হয়, তাহা যাঁহাদের বাসায় উত্তর পশ্চিম দেশীয় হিন্দুস্থানী চাকর আছে, (অথচ বাড়ীর মধ্যে জ্বালোকেরা হিন্দি জানেন না) তাহারা বিশেষ বুঝিতে পারিবেন। অধিক দূর যাইবার আবশ্যিক নাই।

সুতরাং ভাবা যাহার যাহাই হউক না কেন, বুঝিতে পারিলেই কাজ চলিতে পারে, না বুঝিতে পারিলে কিছুতেই কিছু হয় না। ইতর প্রাণীগণ লইয়া যাঁহারা বেশী সময় যাপন করেন, তাঁহারা তাহাদের অনেক বিষয় তাহাদের স্বর হইতে বেশ উপলব্ধি করিতে পারেন, কিন্তু আমাদের তাহা ভাবিতে গেলেও অসম্ভব ও আশ্চর্য্য বোধ হয়। ইউরোপীয় অনেক মনীষি-গণ মৌমাছি, বোলতা প্রভৃতি কীট পতঙ্গ সম্বন্ধে এত অধিক আলোচনা করিয়াছেন, তাহাদের লইয়া এত অধিক সময় ক্ষেপণ করিয়াছেন যে, তাঁহারা তাহাদের সেই সব অস্পষ্ট বাহ্য শ্রুতিতে একবৎপ্রতীয়মান ধ্বনি হইতেই

তাহাদের স্থখ দুঃখ ঝগড়া দ্বন্দ্ব পর্য্যন্ত সুন্দরভাবে বুঝিয়া লইতে সক্ষম হইয়াছেন এবং সেই সব অবলম্বন করিয়া উহাদের সম্বন্ধে সুবৃহৎ ইতিহাস প্রণয়ন করিয়াছেন । এ সব সম্বন্ধে অনেক গ্রন্থই আছে, যাঁহারা কৌতূহলী হন, তাঁহারা অল্পের মধ্যে লবক সাহেবের (Dr. Lubbock) প্রণীত গ্রন্থগুলি পড়িয়া দেখিতে পারেন (Wasps and Bees Insects) এইরূপ এক সাহেব বানরের ভাষা শিক্ষা করিবার জন্ত যথেষ্ট অর্থব্যয় ও কষ্ট স্বীকার করিয়া বানরের প্রধান আড্ডা আফ্রিকা দেশের বনে বাস করিয়াছেন এবং অনেকটা শিক্ষাও করিয়াছেন ।

সুতরাং ইতর জন্তুগণের ভাষা নাই কে বলিবে ? এই পর্য্যন্ত বলা যাইতে পারে যে, ভাষা আছে, আমরা বুঝি না । আমাদের দেশের গৃহ-পালিত পশু পক্ষিগণ আমাদের কথা বুঝিতে পারে, ইংরাজদের পালিত পশু পক্ষিগণের তাহাদের কথা বুঝিতে কষ্ট হয় না, কিন্তু বোধ হয় যে, আমাদের পশু পক্ষিগণকে ইংরাজদিগকে দিয়া তাহাদের পশু পক্ষিগুলি যদি আমরা বদলাইয়া লই, তাহা হইলে কিছুদিন উভয় পক্ষেরই বিশেষ অসুবিধা ভোগ করিতে হয় । তারপর ক্রমে অভ্যাস হইয়া গেলে আর সে অসুবিধা থাকে না ।

অনেকে বলেন, শুক, ময়না, কাকাতুয়া প্রভৃতি বিহঙ্গগণ মানবের আশ্রয়ে থাকিয়া যে সব কথা শিক্ষা করে, তাহারা তাহার অর্থ বুঝে না ; কেবল মুখস্থ করিয়া রাখে, সুতরাং সে শিক্ষায় কোন ফল হয় না । আমি এ বিষয় যতদূর অনুসন্ধান ও পর্য্যবেক্ষণ করিয়াছি, তাহাতে একথাও অনেকটা ভিত্তিহীন বলিয়া মনে হয় । দেখুন, শিশুগণ যে কথা বলিতে শিক্ষা করে, তাহাও শুনিয়া ভিন্ন অল্প উপায়ে নহে । যদি একদল বাক্শক্তি বিহীন লোকের মধ্যে একটি শিশু অতি বাল্যকাল হইতে পালিত হয়, তাহা হইলে সে কখন কথা কহিতে সক্ষম হইবে না । কারণ সে কাহাকেও বাক্শক্তি করিতে দেখিবে না বা শুনিবে না । অতএব পাঁচ জনে একটা জিনিসকে যাহা বলে, সেও তাহা দেখিয়া ও শুনিয়া সেই বস্তুকে তাই বলিতে শিক্ষা করে । এজন্ত অনেক পরিবারে প্রথমজাত সন্তান স্বীয় মাতাকে 'বৌ' বলিয়া থাকে, কারণ তাই বলিয়াই তাহার মাতাকে সে সর্বদা আহুতা হইতে শুনিতে পায়, মাতুলালয়ে থাকিলে অনেক সময় 'মা'কে 'দিদি' বলে । পিতাকে অনেক শিশু নাম ধরিয়া ডাকিতে থাকে, বাটীর পাঁচ জনে তাহার

ভ্রম সংশোধন করাইয়া যাহাকে যাহা বলিতে হইবে শিখাইয়া দেন । এইরূপে তাহার অভ্যাস দৃঢ় হইয়া গেলে সে ক্রমে ক্রমে প্রত্যেক বস্তুর ও ব্যক্তির প্রকৃত নামকরণে অভ্যস্ত হয় এবং তদনুসারে সে সেই সব কথা ব্যবহার করে । সেই সব কথা বলিতে তত্ত্বাচক বস্তু ভিন্ন আর কি সে বুঝিয়া থাকে ? 'কাগজ' বলিলে এইরূপ জিনিস বুঝায়, ইহা ব্যতীত আর কি অর্থের আবশ্যক ? সুতরাং একটা কথা শিখিয়া তাহার প্রকৃত ব্যবহার যদি করিতে পারা গেল, তাহা হইলেই তাহা শিক্ষার কাজ হইল ; তাহার অর্থ বোধ হইল ! 'মানব' বলিতে হাত পা যুক্ত লাম্বুলহীন, ইত্যাদি বিশেষণ সম্পন্ন একটা জীব বুঝায়, ইহা বুঝিয়া মানুষকে 'মানব' বলিয়া জানা হইলেই 'মানব' কথাটার কাজ হইল ! এইরূপ সিংহ, 'ব্যাত্র' প্রভৃতি নামেও তত্ত্বৎ আখ্যাধারী জীবকে ঠিক বুঝাইতে পারিলেই সে গুলি জানার কার্য হইয়া থাকে । নতুবা 'মনোরপত্যং পুমান্' মানব, হিনস্তীতি সিংহ, জিহ্বা-ভীতি ব্যাত্র ইত্যাদি অর্থ কয়জনে জানেন বলুন দেখি ?

ময়না প্রভৃতি পক্ষিগণের সম্বন্ধেও আমি দেখিয়াছি, তাহারা অনেক স্থলেই জ্ঞাত বাক্যগুলির যথাযথ ব্যবহার করিতে পারে । ঝুলি কাঁদে ফকীর দাঁড়াইলেই সে ভিক্ষা চায়, বাড়ীর পাঁচ জনেও হয়ত ভিক্ষা দাও বলিয়া দিতে বলেন, ময়না তাহা শিখিয়া ফকীর বা বৈষ্ণব দেখিলেই 'ভিক্ষা দাও' বলিয়া চিৎকার করে । একজন ভদ্রলোক আসিয়াছে দেখিলেই সে 'বসতে দাও' বলিয়া চেষ্টায় । নিজের খাদ্যস্থানীতে খাদ্য না থাকিলে 'খাবার দাও' বলিয়া খাবার চায় । বাটীর লোকদিগকে 'বাবা', 'দাদা' বলিয়া ডাকে, অনেক স্থলে বাটীর চাকরটিকে পর্য্যন্ত নাম ধরিয়া ডাকে । গোরু বাছুর বাড়ীর উপর আসিলে 'দূর দূর' করিয়া ভাড়াই, ইত্যাদি কত বলিবে ? এ সব দেখিয়া কি বোধ হয়, যে তাহারা শিক্ষিত কথার ব্যবহারে অক্ষম ? আমার তো বোধ হয় যে, তাহারা এই কথায় এই বস্তু বুঝায়, এ বিষয় বেশ বুঝিতে পারে বলিয়াই উহার যথাযথ ব্যবহার করিতে পারে । প্রথম প্রথম শিশুগণের শ্রায় তাহাদের ভ্রম হইতে পারে, কিন্তু তাহা ক্রমে ঠিক হইয়া যায় । এইরূপে তাহারাও মানুষের ভাষায় নিজ মনোভাব বিশেষ বিশেষ স্থলে প্রকাশে সক্ষম হইয়া থাকে ।

অতএব কি ইতর প্রাণী কি মানব সকলেরই ভাষা আছে এবং সকলেই তদ্বারা মনের ভাব প্রকটিত করিয়া থাকে । শিক্ষা দ্বারা, অভ্যাস দ্বারা বিভিন্ন

জাতীয় জীবজন্তু দিগের স্বতন্ত্র জাতীয়গণের ভাষায় অধিকার জন্মিয়া থাকে । এ বিষয় মানুষও ইতর জন্তুগণের মধ্যে প্রকৃত পার্থক্য কিছু নাই । আবশ্যক অনুসারে ভাষার বা কথার সৃষ্টি হয় । পশুপক্ষীগণের আবশ্যকের বিশেষ তারতম্য নাই বলিয়া তাহাদের নূতন শব্দ সৃষ্টি করার প্রয়োজন এবং ক্ষমতাও নাই । তবে বুদ্ধিবার ক্ষমতা তাহাদের আছে বলিয়া বোধ হয় ।

মানুষ আবশ্যক মত ভাষা সৃষ্টি বা ধার করিয়া লইয়া থাকে । যে জাতীয় মানুষের যে বিষয় বেশী প্রয়োজন, যাহার মধ্যে তাহাদের সর্বদা বাস করিতে হয় বা যাহা লইয়া সর্বদা তাহাদের কারবার করিতে হয়, সেই সব বিষয়ে তাহাদের ভাষায় অধিক শব্দ দেখিতে পাওয়া যায় । আদিম জাতীয় বনবাসীগণের ভাষায় যত কথার প্রয়োজন, সূসভ্যগণের ভাষায় তদপেক্ষা অনেক অধিক কথার আবশ্যক হয় ; কারণ তাহাদের কার্যক্ষেত্র অধিক বিস্তৃত । মানুষ এজন্ত সর্বদাই আবশ্যক মত শব্দের সৃজন বা আ-
রণ করিতেছে । আর ইতর জীব হইতে আর এক বিষয়ে মানুষের পার্থক্য আছে—সেটা লিখিত ভাষা । এই লিখন প্রণালীও মনোভাব ব্যক্ত করিবার আর একটি সঙ্কেত । যে সব বাক্য আমরা মুখে ব্যবহার করি, তাহা মুখে ব্যবহার না করিয়া এই উপায়ে কতকগুলি অক্ষর উদ্ভাবন পূর্বক তৎ সাহায্যে ব্যক্ত করা হয় । এই সব অক্ষরও এক নহে, দেশ ভেদে সহস্র প্রকারের রহিয়াছে । পৃথিবীর সকল প্রকার অক্ষর বা সঙ্কেত একজনের জীবনে আয়ত্ব করা বড় সহজ ব্যাপার নহে । এই লিখন সঙ্কেত ইতর প্রাণী বা আদিম মানবগণের মধ্যে প্রচলিত ছিল না, এখনও অনেক স্থলে নাই । তাহাদের অন্য সঙ্কেত আছে ; সেও একপ্রকার ভাষা । জাহাজীয় ভাষা নিশান সম্মিলনে ব্যক্ত হয়, পুকুরে সূর্যালোক প্রতিফলিত করিয়া সামরিক ভাষা ব্যক্ত করা হয়, পূর্বের আফ্রিকার মিশর দেশে চিত্রাঙ্কন সঙ্কেতে মনের ভাব প্রকাশও প্রচলিত ছিল । যতই প্রকার ভেদ থাকুক না কেন, সকলকেই অক্ষর বলা যাইতে পারে । যাহা হউক, এইরূপ যে কোন উপায়েই হউক, লিখিত ভাষায় মানুষ নিজ মনোভাব প্রকাশের উপায় উদ্ভাবন করিয়াছে ; এবং প্রত্যেক জাতীয় মনীষিগণই নিজ নিজ মনোভাব ঐ উপায়ে লিপিবদ্ধ করিয়া রাখিয়াছেন, রাখিতেছেন ও রাখিবেন । এইগুলিকে আমরা গ্রন্থ বা পুস্তক আখ্যা দিয়া থাকি । এবং এইগুলির সম্মিলনই সাহিত্য ।

(ক্রমশঃ)

শ্রীযত্ননাথচক্রবর্তী, বি, এ ।

জয়া ।

প্রথম পরিচ্ছেদ ।

আজি জয়া নিরাশ্রয়া । তাঁহার পিতা দিল্লীর সিংহাসনে বন্দী । তাই আশ্রয় লাভের আশায় পিতার আত্মীয় স্বজনের নিকট যাইতেছেন । সঙ্গে কতিপয় সহচরী ও বহুসংখ্যক শরীররক্ষক । জয়ার হৃদয় চিন্তাপূর্ণ, বদন বিষন্ন, নেত্রদ্বয় অশ্রুভারাক্রান্ত । কিন্তু সে অশ্রুজল শতদলগত হিমালীকণার ছায় তাহার নয়নকমলের সীমা অতিক্রম করে নাই । জয়া তেজস্বিনী রাজপুত্র কন্যা । অপরের নিকট স্বীয় হৃদয় দৌর্বল্য প্রকাশ করিতে অপমান বোধ করেন । তজ্জন্ত আশৈশবসঙ্গিনী সমতুল্যভাগিনী সহচরীগণেরও নিকট নিজ হৃদয়ভাব গোপন করিবার জন্ত চেষ্টা করিতেছেন । কেবল মধ্যে মধ্যে হৃদয়ভেদী গভীর দীর্ঘশ্বাস তাঁহার উন্নত বক্ষঃস্থলকে অধিকতর স্ফীত করিতেছিল ।

জয়ার বয়স পঞ্চদশ বর্ষ । কিন্তু দেখিতে পূর্ণ যুবতীর ছায় । জয়া সুন্দরী ক্ষীণাঙ্গী । হস্তপদাদি সুগোল, সুগঠিত ও দেহের অনুরূপ । নিবিড় আকৃষ্ণিত কেশদাম বেণীবদ্ধ হইয়া আনিতম্ব বিস্তৃত । কপোলপ্রদেশ আরক্তিম । ওষ্ঠাধর সুলোহিত । ইন্দিবর বিনিমিত নয়নযুগল ভ্রমরকৃষ্ণ ক্রময় পরিবেষ্টিত । জয়া অসামান্য রূপলাবণ্যবর্তী । ললনাকুল নন্দনকাননের পারিজাত । এ স্বর্গীয় কুসুমের সৌন্দর্য্যধ্বংসি দিল্লীর পাঠান সম্রাটের সিংহাসন পর্য্যন্ত বিস্তৃত হইয়াছিল । জয়া মাতা পিতার এক মাত্র সন্তান । শৈশবে মাতৃহীনা, আজন্ম পিতার স্নেহে পালিতা । হায় ! অভাপিনী সেই স্নেহময় পিতাকে হারাইয়া সংসার অন্ধকারময় দেখিতেছে । এই আবর্তমান সংসারচক্রে একাকিনী সরলা বালিকাকে না জানি কতই নিষ্পেষিত হইতে হইবে । জয়ার ভবিষ্যৎ অদৃষ্টাকাশ ছুঁথের ঘনঘটায় আচ্ছন্ন । জানি না সে মেঘ কখন অন্তরিত হইবে কিনা ?

ভূর্গম গিরিপথ অতিক্রম করিয়া, অনুযাত্তিকগণ সহ জয়ার শকট একটি বিস্তীর্ণ প্রান্তরে উপস্থিত হইলে গগনমণ্ডল সহসা নিবিড় জলদজালে আচ্ছন্ন হইল । প্রবল বেগে বাতাস বহিতে লাগিল ও পরক্ষণেই মূষলধারে বৃষ্টি

পড়িতে লাগিল। ক্ষণপ্রভা ক্ষণেক হাঁসিয়া মানব-মনের আশার ছায়, পরক্ষণেই বিলুপ্ত হইল ও পথিকের নয়ন বলসিত করিয়া দিয়া অন্ধকারকে দ্বিগুণ বাড়াইতে লাগিল। বজ্রের ভীষণ নিনাদে কর্ণ বধির হইয়া যাইতে লাগিল। এদিকে দিবা অবসান হইয়া আসিয়াছে। ঘোর অন্ধকারে নিকটের লোক দেখা বাইতেছেন। আর অগ্রসর হওয়া ছুফর হইয়া পড়িল। এই সময়ে মেঘের গর্জন অতীব ভয়ানক হইয়া উঠিল ও বাতাসের শব্দের সহিত মিশিয়া একরূপ প্রচণ্ডভাব ধারণ করিল যে, পার্শ্বস্থ লোকের অতুচ্চ চাঁৎকার পর্যন্তও শুনিতে পাওয়া বাইতেছিল না। জয়ার হৃদয়ে শোকের প্রবল ঝড় বহিতেছিল, তজ্জন্ত এই তুন্দর ঝড় বৃষ্টিতে তাঁহার লক্ষ্য হয় নাই। তাঁহার বিষণ্ণ ও নিস্তব্ধ ভাব দর্শনে সহচরীগণও কেহ কিছু জিজ্ঞাসা করিতে সাহস করে নাই। তাহারা অনন্যোপায় হইয়া বসনাঞ্চলে বদন আবৃত করিয়া রোদন করিতে লাগিল। সহসা জয়ার নেত্র রোরুদ্যমানা সঙ্গিনীগণের উপর নিপতিত হইলে তাঁহার চেতনা হইল। বিদ্যুতালোকে দেখিলেন, সমস্ত প্রান্তর জলে প্লাবিত হইয়াছে। এদিকে বৃষ্টির জল শকটের আবরণ ভেদ করিয়া শ্রোতের আকারে ভিতরে পড়িতে লাগিল। পাদচারী সৈন্যগণের ও শকটবাহী পশু সকলের পদে পদে পদস্থলন হইতে লাগিল। উপায়ান্তর রহিত হইয়া জয়া সৈন্যগণকে গমনে বিরত হইতে ও আশ্রয় স্থান অন্বেষণ করিতে আদেশ করিলেন। অনতিদূরে একটি পর্বতগুহা ছিল। সেই গুহা নানাপ্রকার সরীসৃপ পরিপূর্ণ ও ভয়াল-স্বাপদ-সকুল। মধ্যে মধ্যে তদপেক্ষাও ভয়ানক নরশোণিত-পিপাসী দস্ত্য-তঙ্করাদি ঐস্থানে অবস্থান করিয়া স্বকীয় নিকৃষ্ট প্রবৃত্তি চরিতার্থ করিত। সৌভাগ্যক্রমে একজন সৈনিক উক্ত গুহার বিষয় অবগত ছিল। সেই ব্যক্তি পথ নির্দেশ পূর্বক সকলকে তথায় লইয়া গেল। কয়েকজন সাহস করিয়া গুহার অভ্যন্তরে প্রবেশ করিল ও কাঠে কাঠে সংঘর্ষণ করিয়া অগ্নি প্রজ্জ্বলিত করিল। অগ্নির আলোকে গুহার অভ্যন্তর উদ্ভাসিত হইলে অসংখ্য বতুকা ইতস্ততঃ উড়িয়া বেড়াইতে লাগিল এবং কেহ ধরিবার চেষ্টা করিলে তাহাদের হস্তে বা মুখে দংশন করিয়া ব্যতিব্যস্ত করিতে লাগিল।

গুহার বহির্দেশ ভয়াবহ হইলেও উহার অভ্যন্তরের সৌন্দর্য্য একেবারে বিনষ্ট হয় নাই। এবং উহার প্রত্যেক অংশ বহু শতাব্দী পূর্বের ভারতের স্থপতিবিদ্যার উৎকর্ষের পরিচয় প্রদান করিতেছিল। গুহার অভ্য-

ন্তর সমচুতস্কোণ ও প্রশস্ত। ভিতরে একটি বস্ত্রের গৃহ নির্মাণ করিয়া জয়া ও তাহার সঙ্গিনীগণ শয়ন করিলেন। সৈনিকগণ সমস্ত দিন অবিশ্রান্ত পর্যটনে ক্লান্ত হইয়া প্রজ্জ্বলিত অগ্নির চতুঃপার্শ্বে শয়ন করিল। কিন্তু হায়! হতভাগাদিগের অদৃষ্টে বিধাতা বিশ্রামস্থল লেখেন নাই!

বিরামদায়িনী নিদ্রার শান্তিময় ক্রোড়ে শায়িত হইবার পূর্বেই একজন অপরিচিত ব্যক্তি গুহার দ্বারে প্রবেশ করিল ও ইতস্ততঃ মতৃষ্ণ দৃষ্টি নিক্ষেপ করিয়া অন্তর্হিত হইল। তাহার আকৃতি ও পরিচ্ছদ দৃষ্টে তাহাকে সকলে মুসলমান বলিয়া অনুমান করিল। এই ঘটনায় জয়ার অনুচরবর্গ সাতিশয় চিন্তিত হইল, বিশেষতঃ এই সময়ে দিল্লীবু সৈন্যগণ নিকটে অবস্থান করিতেছিল। রাজপুতগণ এবিষয় অবগত ছিল। তাহাদের সঙ্গে তাদৃশ যুদ্ধোপকরণ ছিল না, সুতরাং শত্রুবল কর্তৃক আক্রান্ত হইলে তাহারা যে আত্মরক্ষা করিতে সমর্থ হইবে, তাহার সম্ভাবনা ছিল না। অগত্যা গুহা পরিত্যাগ করিয়া স্থানান্তরে গমন করা যুক্তিসিদ্ধ বিবেচনা করিয়া জয়ার সেনাপতি মুসলমানগণের গতিবিধি পর্যবেক্ষণের জন্ত একজন অনুচরকে প্রেরণ করিলেন ও ঐ স্থান পরিত্যাগ করিবার জন্ত সকলকে প্রস্তুত হইতে আদেশ করিলেন। জয়া এসমস্ত কিছুই অবগত ছিলেন না। কিন্তু সেনাপতি সকল বিষয় বিবৃত করিলে তিনিও গমনে অনুমোদন করিলেন।

সকলেই গমনের জন্ত প্রস্তুত। এমন সময়ে যে ব্যক্তি যবনদিগের গতিবিধি পরিদর্শনের জন্ত প্রেরিত হইয়াছিল, সে সহসা উর্দ্ধ্বাসে দৌড়িয়া আসিয়া সংবাদ দিল, শশস্ত্র মুসলমান সেনা গুহার চারিশত হস্ত অন্তরে আসিয়া উপস্থিত হইয়াছে। পলায়ন অতঃপর অসম্ভব বিবেচনা করিয়া রাজপুতগণ নিরাশ ও শঙ্কিত হইল। জয়া সৈন্যগণকে প্রবোধ দিয়া বলিলেন “মুসলমানগণ মনুষ্য বটে, তাহারা কখন জ্বীলোকের উপর কোন প্রকার অত্যাচার করিবে না। বোধ হয়, ঝড়বৃষ্টির পর আশ্রয়লাভের জন্ত তাহারা এইস্থানে আসিতেছে। আমাদের এই গুহা পরিত্যাগ করাই উচিত, কারণ হিন্দু ও দেবদেবী যবন কখন একত্র অবস্থান করিতে পারে না।” বিনয়-নম্রবচনে জয়ার সেনাপতি উত্তর করিলেন—“দেবি! যবন সেনাগণ দয়া মমতা বিহীন। বিশেষতঃ শত্রুপক্ষ। আমাদের অনিচ্ছা সত্ত্বেও হয়ত বিধর্ম্মিগণের সহিত একত্র এই গুহা মধ্যে বাস করিতে হইবে।” জয়া প্রশান্ত ও ভক্তিপূর্ণ বাক্যে বলিলেন, “সৈনিকগণ! নারায়ণের নাম কর,

সেই অনাথের আশ্রয়দাতা ভগুবানের শরণ লও । দুর্বলের বল হরি বিপৎকালে এই অসহায়া অবলাকে রক্ষা করিবেন ।” জয়ার বাক্য শেষ হইতে না হইতেই আলাউদ্দিনের সৈন্যগণ গুহা দ্বারে আসিয়া উপস্থিত হইল । যবন সেনাপতি গুহার মধ্যে লোক দেখিয়া সৈন্যগণকে বাহিরে দণ্ডায়মান হইতে আদেশ করিলেন । রাজপুতগণ শত্রুর আগমনে অগ্নি নির্ঝাঁপিত করিয়াছিল । যবন সেনানী স্বয়ং গুহা মধ্যে প্রবেশ করিয়া দগ্ধ কাষ্ঠখণ্ডের সাহায্যে পুনরায় অগ্নি প্রজ্বলিত করিল, ইতস্ততঃ পর্যবেক্ষণ করিয়া জয়ার পটমণ্ডপের প্রতি লক্ষ্য করিয়া রাজপুত সেনাপতিকে জিজ্ঞাসা করিল, “গুহার মধ্যে কে আছে ।” রাজপুত নীরব রহিল । তাহার নিস্তরতা দর্শনে ক্রুদ্ধ ও বিরক্ত হইয়া যবন কর্কশস্বরে বলিল, শীঘ্র আমার কথার উত্তর দাও । নতুবা আমি বজ্রাবরণ ছিন্ন করিয়া দেখিব, ইহার ভিতর কে অবস্থান করিতেছে ।” রাজপুত সেনানী কেবলমাত্র উত্তর করিলেন, “স্ত্রীলোক !”

“স্ত্রীলোকত বুঝিয়াছি । পুরুষে কখন এরূপ আবরণিত হইয়া থাকে না । ভাল, যদি তোমার বলিতে সঙ্কোচ হইতেছে, আমি নিজেই এ বিষয়ের সন্ধান লইতেছি ।” এই বলিয়া যবন বজ্রাবরণ অপসরণ করিতে অগ্রসর হইল । স্ত্রীলোকের প্রতি অত্যাচার ! রাজপুত সেনাপতি ইহা সহ করিতে পারিলেন না । বল প্রয়োগ করিয়া তথা হইতে যবনকে বিদূরিত করিবার চেষ্টা করিতে লাগিলেন । ক্রুদ্ধ যবন আরও উত্তেজিত হইয়া স্বীয় অসি দ্বারা তাঁহাকে আঘাত করিল । অস্ত্রাঘাতের শব্দ ও আহতের আর্তনাদ শুনিয়া ব্যাপার কি বুঝিতে জয়ার বাকী রহিল না । তিনি বিশ্রাম-স্থান হইতে বাহির হইয়া যবনের সম্মুখে দণ্ডায়মান হইলেন এবং প্রশান্ত অথচ তেজঃ-পূর্ণ বচনে বলিলেন—“আমি জয়া, চিতোর-রাজ রায় রতন সিংহের কন্যা । চিতোরেশ্বরকে তোমাদের সম্রাট কৌশলে দিল্লীতে বন্দী করিয়া রাখিয়াছেন ।

মন্ত্রমুগ্ধের ন্যায় মুসলমান সেনাপতির হস্ত হইতে তরবারি বিচ্যুত হইয়া ভূতলে পতিত হইল ।

দ্বিতীয় পরিচ্ছেদ ।

জয়ার লোকাতীত রূপলাবণ্যের কথা দিল্লীধর আলাউদ্দিনের শ্রুতি-গোচর হইয়াছিল । খিলিজী-সম্রাট এই রমণীরত্ন লাভ করিবার জন্ত কৌশলজাল বিস্তার করিয়া জয়ার পিতা চিতোররাজ রতন সিংহকে বন্দী করিয়াছিলেন এবং জয়ার অন্বেষণে মিবাশের চতুর্দিকে সৈন্য প্রেরণ করিয়া-ছিলেন । কিন্তু কেহই একাল পর্য্যন্ত জয়ার কোন সন্ধান করিতে পারে নাই । সহসা অলুকুল দৈববলে এক প্রকার আশাতীত ফল লাভ করিয়া পাঠান দলপতি আনন্দে উৎফুল্ল এবং অধীর হইয়া বারংবার স্বীয় অদৃষ্টকে ধন্যবাদ দিতে লাগিলেন । সম্রাট ঈর্ষিত প্রিয়বস্ত্র প্রাপ্ত হইয়া নিশ্চয়ই তাঁহাকে পুরস্কৃত করিবেন, এই বলবতী আশা পুনঃ পুনঃ তাঁহার মনোমধ্যে উদিত হইতে লাগিল । কিন্তু সহসা জয়ার অলৌকিক সৌন্দর্য্য দর্শন করিয়া ও তেজঃপূর্ণ বাক্য শ্রবণে, বিস্মিত ও চমৎকৃত হইলেন এবং নভজানু হইয়া ধীরভাবে বলিলেন—“দেবি ! প্রায় মাসাবধি আমরা ইতস্ততঃ আপনার অনুসন্ধান করিয়া বেড়াইতেছি । আজ সৌভাগ্যক্রমে আপনার দর্শন লাভ করিলাম । আপনি রমণীরত্ন । প্রবল প্রতাপান্বিত দিল্লীধর আপনার পাণিগ্রহণপ্রার্থী । আপনি আলাউদ্দিনের প্রধানা মহিষী হইবেন । অদ্য এই গুহা মধ্যে নিশাযাপন করুন, কল্য প্রত্যাষে আমরা দিল্লী যাত্রা করিব” ।

কিছুমাত্র উদ্বিগ্নের লক্ষণ প্রকাশ না করিয়া জয়া উত্তর করিলেন, “মহাশয়, আমি হিন্দু, দিল্লীর সম্রাট হিন্দুর চির শত্রু, যবন—হিন্দুদেব-দেবী-গণের নিগ্রহকারী, স্মৃতরাং আপনার প্রস্তাব অসঙ্গত । বিশেষতঃ আমি পূর্বেই অগ্নি জনকে হৃদয় দান করিয়াছি । অতএব আমি পরিণীতা । আপনার হৃদয় আছে—দয়া মমতা আছে, এরূপ অসহায়াবস্থায় পাইয়া কখন স্ত্রীলোকের স্বেচ্ছার বিরোধী হইবেন না এবং আমার গমনে কোন রূপ বাধা দিবেন না ।”

“দেবি ! মানুষের কর্তব্য বুদ্ধি তাঁহার ইচ্ছার অনুগমন করে না । আমার ইচ্ছা থাকিলেও আপনাকে ছাড়িয়া দিতে পারি না । তাহা হইলে প্রবল প্রতাপান্বিত খিলিজী সম্রাটের বিরাগ-ভাজন হইব । উজ্জ্বল অধী-নের ধৃষ্টতা মার্জনা করিবেন । বিশেষতঃ আপনার পিতার বিষয় ক্ষণেকের

জগু চিন্তা করা উচিত। আগনি দিল্লী গমন করিলে আপনার পিতা কারা-
মুক্ত হইবেন, নতুবা আজন্ম তাঁহাকে কারাগারে কষ্ট ভোগ করিতে হইবে।”

গর্বিত ভাবে জয়া বলিলেন, “আমার পিতা রাজপুত্র। রাজপুত্র প্রাণ
অপেক্ষা মানকে অধিক জ্ঞান করেন। সামান্য কারাদণ্ডের কথা? আমার
পিতা অনায়াসে প্রাণ পরিত্যাগ করিবেন, তথাপি নির্মল শিশোদীয় কুলে
কলঙ্কের কাণ্ডিমা লিপ্ত হইতে দিখেন না।”

অধিক তর্ক করা অনর্থক বিবেচনা করিয়া যবন সেনাপতি সৈন্যগণকে
বিশ্রামের আদেশ দিলেন। এবং জয়াকেও বিশ্রামের জগু অহুরোধ করি-
লেন। জয়া যবনের মনোভাব জানিবার জগু জিজ্ঞাসা করিলেন “তবে কি
আনি বন্দী?”

যবন কোন উত্তর প্রদান করিল না। পিঞ্জরাবদ্ধা সিংহীর ভায় জয়ার
সর্বশরীর ক্রোধে কম্পিত হইয়া উঠিল। মুখমণ্ডল আরক্তিম হইল। নয়ন-
যুগল হইতে অগ্নিস্কুঞ্জ বহির্গত হইতে লাগিল। কিন্তু তিনি আর কিছুমাত্র
না বলিয়া গুহার অভ্যন্তরে প্রবেশ করিয়া সখীগণের নিকট গমন করিলেন।

রাজপুত্রগণকে পূর্বেই নিরস্ত করা হইয়াছিল। তাহারা সেনাপতির
ক্ষতস্থান বাঁধিয়া দিয়া একাল পর্য্যন্ত তাঁহার গুরুষায় ব্যাপৃত ছিল। এক্ষণে
যবনগণকে দূরে শয়ন করিতে দেখিয়া তাহারও অগ্নির চতুর্দিকে শয়ন
করিল। এবং শীঘ্র নিদ্রিত হইয়া পড়িল। জয়ার সহচরীগণও সমস্ত
দিবসের ক্লান্তি প্রযুক্ত অচিরেই নিদ্রাভিত্ত হইয়া পড়িল। কেবল চারিজন
সশস্ত্র মুসলমান নৈনিক অনিচ্ছাস্বস্তে সেনাপতির আদেশে গুহার বহির্দেশে
দণ্ডায়মান হইয়া প্রহরীর কার্যে নিযুক্ত ছিল এবং আপনাদের অদৃষ্টকে
ধিকার দিতেছিল। অপর সকলেই নিদ্রার শান্তিময় অঙ্কে বিশ্রাম লাভ
করিতেছে। অভাগিনী জয়ার চক্ষে নিদ্রা নাই। বাল্যকাল হইতে
আরম্ভ করিয়া একে একে সমস্ত ঘটনা তাঁহার মনে উদ্ভিত হইয়া তাঁহাকে
অস্থির করিয়া তুলিতেছিল। শৈশবে মাতার মেহে বঞ্চিতা। পিতার
যত্নে লালিত—সেই পিতা কারাগারে বন্দী; দিল্লীতে গেলে পিতার সহিত
সাক্ষাৎ হইবে বটে, কিন্তু হায়! কিরূপ অবস্থায়! পিতা কারারুদ্ধ, আর
স্বয়ং অস্পৃশ্য যবনের অন্তঃপুরচারিণী! জয়ার শৈশবেই বিবাহের সম্বন্ধ
হইয়াছিল। ভাবী পতির সৌন্দর্য্যে ও গুণে মোহিত হইয়া তাঁহাকে হৃদয় দান
করিয়াছিলেন। আশৈশব দেবতা জ্ঞানে যে প্রণয় ভাজনের মধুর ছবি

চিত্রপটে অঙ্কিত করিয়া রাখিয়াছিলেন, আজ কি করিয়া সহসা তাহা মুছিয়া
ফেলিবেন? এ চিন্তা শত বৃশ্চিক দংশনের ছায়া তাঁহার অসহ হইয়া উঠিল।
বারংবার নিদ্রা দেবীর আরাধনা করিয়াও তাঁহার নিদ্রাকর্ষণ হইল না।
যন যন পার্শ্ব পরিবর্তন করিতে লাগিলেন, বদন স্নেহদর্দ্র ও নয়নযুগল অশ্রু-
সিক্ত হইল। জয়া আর স্থির থাকিতে পারিলেন না। উপাধানে মুখ
ঢাকিয়া রোদন করিতে লাগিলেন। কিয়ৎক্ষণ পরে তাঁহার শোকের কিয়ৎ
পরিমাণে উপশম হইল। অঙ্গুলিস্থিত একটি অঙ্গুরীয়কের প্রতি দৃষ্টিপাত
করিয়া তিনি হৃদয় আশ্বস্ত করিলেন। সাহসে বুক বাঁধিলেন। মনে মনে
করিলেন ভয় কি? যদি আবশ্যক হয়, এই অঙ্গুরীয়স্থিত হলাহল পান
করিয়া জীবনত্যাগ করিবেন, তথাপি অস্পৃশ্য, বিধর্ম্মী যবন কখন, তাঁহার
কেশাগ্রও স্পর্শ করিতে পারিবে না।

এদিকে জয়ার অজ্ঞাতসারে নিশা অবসান হইল। উবার ক্ষীণালোক
গহবরের দ্বার দিয়া ভিতরে প্রবেশ করিতেছে। বিহগগণ যেন জয়ার
দুঃখে দুঃখিত হইয়া কাকলিচ্ছলে ক্রন্দন করিতেছে। সমীরণ সহানুভূতির
চিহ্নস্বরূপ দীর্ঘ নিশ্বাস পরিত্যাগ করিতেছেন। প্রভাতাকরণে ক্রোধে দ্বিগুণ
আরক্ত হইয়া গগনমণ্ডলে উদ্ভিত হইতেছে। এই সময়ে সৈনিকগণের
নিদ্রাভঙ্গ হইল। সকলে প্রাতঃকৃত্য সমাপন পূর্বক বৎসামাত্র আহার
করিয়া লইল। পরে মুসলমান সেনাপতি গমনে আদেশ দিলেন। রাজপুত্র-
গণকে মাঝে রাখিয়া যবনসেনা পার্শ্বে পার্শ্বে গমন করিতে লাগিল। জয়াও
তাঁহার সহচরীগণের শকটের চতুঃপার্শ্বে সশস্ত্র প্রহরী রক্ষিত হইল। স্তুরাং
অতঃপর পলায়ন অসম্ভব। কিয়দ্দূর গমন করিলে অস্ত্রের বান্ বান্ শব্দে
জয়ার শকটবাহী পশুদ্বয় উচ্ছ্রাল হইয়া উঠিল। জয়ার শকটবাহকে
দুরীকৃত করিয়া একজন গোখাদক তাহার স্থান অধিকার করিয়াছিল।
সে গোদ্বয়কে যত্নেই কশাঘাত করিতে লাগিল, তাহাদের উচ্ছ্রালতা ততই
বৃদ্ধি পাইতে লাগিল এবং পরিশেষে আর এক পদও অগ্রসর হইল না।
অনন্তোপায় হইয়া মুসলমান সেনানী জয়ার নিকট আসিয়া বিনীত ভাবে
বলিলেন—“দেবি! অবাধ্য পশুদ্বয় কিছুতেই অগ্রসর হইতেছে না। আর
আমাদেরও বিলম্ব করিবার সময় নাই। ক্ষতএব অহুগ্রহ পূর্বক কিছুদূর
পদব্রজে চলুন। পরে পশুদ্বয় শান্তভাবে ধারণ করিলে আবার পুনরায় শকটে
আরোহণ করিবেন।” এবার জয়ার ধৈর্য্যচ্যুতি হইল, দলিতা কণিনীর ভায়

গর্জিয়া বলিলেন, “যখন ? জানিও রাজপুত্র রমণী মরিতে ভীতা নহে । আমার ইচ্ছার বিরুদ্ধে কার্য্য করিলে এখনই আমি আত্মহত্যা করিব । যতক্ষণ পশুঘর শান্ত না হয়, ততক্ষণ আমি এই স্থানেই অপেক্ষা করিব । যখন সেনাপতি রাজপুত্র জাতির নির্ভীকতা ও অটল প্রতিজ্ঞার বিষয় অবগত ছিলেন এবং কিরূপে রাজপুত্র রমণী হাসিতে হাসিতে জ্বলন্ত চিতায় প্রাণ বিসর্জন করেন, তাহাও তাঁহার অজ্ঞাত ছিল না, তজ্জন্ত তাদৃশ কঠোরতা প্রদর্শন করিলেন না । কিন্তু যখন অনেক ক্ষণের পরও গোদয় পূর্ব্বমত উচ্ছ্বলতা প্রদর্শন করিয়া গমনে অসম্মত হইল, তখন, জয়াকে বলিলেন “অধীনের ধৃষ্টতা মার্জ্জনা করুন । আপনাকে পদব্রজেই বাইতে হইবে । আমাদের আর তিলান্নি বিশ্বাস করিবার ক্ষমতা নাই ।” এই সময়ে শকটবান্ সবলে কশাঘাত করায় গোদয় একরূপ উদ্ধত হইয়া উঠিল যে, শকট বিপর্য্যস্ত হইয়া গেল ও জয়া দুইজন সঙ্গিনী সহ শকট হইতে ভূতলে পতিত হইলেন । যখন সেনাপতি শশব্যস্তে জয়াকে উত্তোলন করিতে গমন করিলেন । জয়া বিরক্ত ও ক্রোধে অধীর হইয়া বলিলেন, অস্পৃশ্য যখন ! একপদ মাত্র অগ্রসর হইলে এই অঙ্গুরীয়কের বিষপান করিয়া, জীবন বিসর্জন করিব !”

ইহা দেখিয়া যখন ধীরভাবে বলিল, “দেবি ! এবিষয়ে আমার অপরাধ কি ? আনাকে দোষ না দিয়া এই দুষ্ট পশুগণকে তিরস্কার করা কর্তব্য । এক্ষণে পদব্রজে গমন ব্যতীত উপায়ান্তর নাই । এ বন্ধুর ভূমি আপনার গমনের অনুপযুক্ত হইলেও আমাকে বাধ্য হইয়া এবিষয়ে অনুরোধ করিতে হইতেছে ।”

জয়া ক্রোধভরে বলিলেন, “আমি এস্থান হইতে এক পদও অগ্রসর হইব না ।” এই বলিয়া করস্থিত অঙ্গুরীয়ক চূষন করিতে উদ্যত হইলেন । চকিতের ল্যায় যখন সেনাপতি তাঁহার হস্ত হইতে বলপূর্ব্বক অঙ্গুরীয়ক কাড়িয়া লইলেন এবং বিরক্তি সহকারে বলিলেন । রাজপুত্র ! আপনি বারবার আমার অনুরোধ উপেক্ষা করিতেছেন । এখন যাহা ভাল বিবেচনা করেন, তাহাই করুন । আমি সহসা আপনার প্রতি অসৌজন্য প্রদর্শন করিবনা ।” ক্রোধে এবং অপমানে গর্বিতা রাজপুত্রকণ্ঠার গণ্ড বহিয়া অশ্রুজল পড়িতে লাগিল । তিনি কোনও উত্তর না করিয়া সখীগণ সঙ্গে দ্রুতপদে সেই বন্ধুর উপত্যকা ভূমির উপর দিয়া গমন করিতে লাগিলেন ।

ক্রমশঃ

শ্রীদেবিদাস ভট্টাচার্য্য বি, এ ।

নারীধর্ম্ম ।

শ্রীমতী নগেন্দ্রবালা দাসী (স্বরস্বতী) প্রণীত ।

শিক্ষা যে স্ত্রী পুরুষ উভয়েরই প্রয়োজন, ইহা বোধ হয় কাহাকেও আজি কালি বুঝাইয়া দিতে হইবে না । মানুষকে মানুষ করিবার জন্ত মানব সমাজে সুখসাম্রাজ্য বৃদ্ধি করিবার জন্ত, মানবপরিবারের সুখশান্তি আনয়নের জন্ত এবং ইহকালে ও পরকালে ভগবৎকৃপা লাভের জন্ত, সুশিক্ষা একান্ত প্রয়োজনীয় । সুশিক্ষার অভাবে মানুষ পশু অপেক্ষাও অধম, নরকের কীট অপেক্ষাও ঘৃণ্য হইয়া যায় । এহেন শিক্ষা যে স্ত্রী পুরুষ উভয়েরই অত্যাৱণ্যক, তাহা কি বলিয়া দিতে হইবে ? কিন্তু এমনই আমাদের দুর্দিন আসিয়াছে, যে আমরা একথা বুঝিয়াও বুঝি না । পুরুষের শিক্ষার জন্ত কত আয়োজন হইতেছে, কত অর্থ ব্যয় হইতেছে, কতই কি হইতেছে, কিন্তু স্ত্রীজাতির শিক্ষা সম্বন্ধে কাহারও কোন রূপ যত্ন নাই, চেষ্টা নাই, আগ্রহ নাই । ফল এই দাঁড়াইয়াছে যে, বঙ্গের অধিকাংশ রমণীই অশিক্ষিতা হইয়া গৃহে গৃহে দুঃখ ও অশান্তির হলাহল ছড়াইতেছে, কত নন্দন, কানন স্বরূপ গৃহকে শ্মশানে পরিণত করিতেছে ; যেখানে সুখের উৎস ছুটিতেছিল, তথায় দুঃখের দারুণ কোলাহল উঠিতেছে ; যেখানে স্বর্গীয় পবিত্রতা বিরাজ করিতেছিল, তথায় নরকের কলুষরাশি আনিয়া উপস্থিত করিতেছে । এই সকল কথা অক্ষরে অক্ষরে সত্য—ইহার এক বর্ণও মিথ্যা নহে । তাই বঙ্গরমণীকুলের সুশিক্ষার জন্ত আমাদের “বীরভূমির” পাঠকগণের সুপরিচিতা শ্রীমতী নগেন্দ্রবালা দাসী স্বরস্বতী (ইনি সম্প্রতি স্বরস্বতী উপাধি প্রাপ্ত হইয়াছেন) “নারীধর্ম্ম” নামক একখানি উপাদেয় গ্রন্থ রচনা করিয়াছেন । যিনি এতদিন কবিতার মধুর বাক্যে বঙ্গীয় নরনারীর চিতে আনন্দের হিল্লোল তুলিতেছিলেন, আজ তিনি শিক্ষয়িত্রীর বেশে বঙ্গের গৃহদ্বারে উপস্থিত । গ্রন্থকর্তা নিজে রমণী, রমণীর দোষ গুণ তাঁহার নিকট কিছুই অবিদিত নাই । রমণীর মানসিক রোগের চিকিৎসা করিতে তিনি যেমন পটু, কোন পুরুষে তেমন হইতে পারিবেননা । তাই আশা হইতেছে, নগেন্দ্র বালায় এই উপাদেয় গ্রন্থখানি বঙ্গের প্রতি অন্তঃ-

পুরে প্রবেশ করিয়া রমণীগণের হৃদয়কালিমা বিদূরিত করিতে সমর্থ হইবে । সেই জন্ত অতিশয় অহ্লাদের সহিত আমরা এই গ্রন্থের বিস্তৃত সমালোচনা করিতে ইচ্ছুক হইয়াছি এবং সেই সঙ্গে সঙ্গে বঙ্গীয় স্ত্রীজাতির বর্তমান অবস্থা সম্বন্ধে কয়েকটি কথা বলিবুর ও প্রয়াসী হইয়াছি ।

নগেন্দ্রবালা প্রথমেই স্ত্রীকে স্বামি ভক্তি শিক্ষা দিতেছেন । স্বামিই রমণীর এক মাত্র গুরু, একমাত্র দেবতা ও একমাত্র রক্ষাকর্তা, স্ত্রীর রমণীগণের স্বামি সেবাই প্রথম ও প্রধান কর্তব্যকর্ম । সীতা সাবিত্রী দময়ন্তীর দেশের স্ত্রীগণকে যে একথা বুঝাইয়া দিতে হইতেছে, ইহা অতীব ক্ষোভের বিষয় । যুগের পর যুগ অতীত হইয়াছে, বিপ্লবের পর বিপ্লব আর্য সমাজের শাসনপ্রস্থি শিথিল করিবার চেষ্টা করিয়াছে, কিন্তু তাহাতে আর যাহাই হউক, হিন্দুনারীগণ সতীধর্ম হইতে বিচ্যুত হইয়েন নাই । তবে ধর্মের ব্যভিচার পূর্বকালেও ছিল, এখনও আছে । এসম্বন্ধে অধিক কথা বলিবার প্রয়োজন নাই । তবে রমণীর প্রধান কর্তব্য ও অবশ্য প্রতিপাল্য ধর্মের বিশেষ ভাবে আলোচনা করিয়া গ্রন্থকর্ত্রী হিন্দুনারীগণকে বিশেষ উপকৃত করিয়াছেন ।

রমণীর উপর পারিবারিক সুখ নির্ভর করিতেছে । একটি পরিবার সুশৃঙ্খলায় শাসন ও একটি রাজ্যশাসন উভয়ই একরূপ কার্য । রাজ্য, শাসনে যে রূপ কঠোরতার সহিত কোমলতা, আয়ের সহিত দয়া, পরিণাম-দর্শিতার সহিত ক্ষিপ্ৰকারিতা প্রভৃতি গুণের প্রয়োজন হয়, পরিবার রূপ রাজ্য শাসনেও ঠিক ঐরূপ গুণাবলীর ব্যবহার করিতে হয় । রমণীগণই পরিবার রাজ্যের একমাত্র অধীশ্বরী ; পরিবারের সুখ শান্তি সমস্তই তাঁহাদেরই উপর নির্ভর করিতেছে । এত ক্ষমতা যাঁহাদের, এত দায়িত্ব যাঁহাদের, তাঁহাদের কিরূপ শিক্ষার প্রয়োজন, তাহা আর বেশী বুঝাইতে হইবে না । কিন্তু হায় ! কয় জন হিন্দুরমণীর মধ্যে উপরি উক্ত গুণের সমাবেশ দেখিতে পাওয়া যায় ? কয়জন কর্তব্য পালন করে, কয়জন তাহা বুঝে, কয় জনেরই বা বৃদ্ধিবার শক্তি আছে ? বাড়ীর যিনি গৃহিণী, তিনি জানেন না, শিশুগণের কোমল মতি কুপথে ধাবিত হইলে কিরূপ কঠোর অথচ স্নেহ ব্যবহারে তাহাদিগকে সুপথে আনিতে হয়, কিরূপে বধুগণের হিংসাদেষ নিবারণ করিয়া তাহাদের মধ্যে সামঞ্জস্য রক্ষা করিতে হয়, এক কথায় কিরূপে সুদক্ষ কর্ণধারের ন্যায় পরিবার-তরণীকে সংসার-স্রোতে ভাসাইয়া সুখ

সাগরের উদ্দেশে চালিত করিতে হয় । যেহলে একটি সুমিষ্ট কথা প্রয়োগ করিলে সকল রোষ, সকল বিদ্বেষ, বিদূরিত হয়, সকল জালা যন্ত্রণা জুড়াইয়া যায়, গৃহিণী হয়ত সেখানে এমন একটি পুরুষ বাক্য প্রয়োগ করিলেন, যাহাতে সমগ্র পরিবারের মধ্যে অশান্তির অগ্নি জ্বলিয়া উঠিল । অধিকাংশ বঙ্গনারীগণের মধ্যে, বাক্য সংযম নাই, ব্যবহারে অপকৃপাতিত্ত্ব নাই, পরহৃৎখে সহানুভূতি নাই, নিজহৃৎখে বৈধ্যা নাই । আছে কেবল পরশ্রী-কাতরতা, সঙ্কীর্ণতা, কলহপ্রিয়তা, অত্যধিক কুসংস্কার, ও অতি হেয় স্বার্থ-পরতা ! যাঁহারা ভুক্তভোগী, তাঁহারা জানেন, এরূপ স্ত্রীলোক লইয়া সংসারধর্ম প্রতিপালন করা কিরূপ কঠিন ব্যাপার হইয়া দাঁড়াইয়াছে । গৃহিণী দেখিয়া গুনিয়া, কন্যাকর্তার যথা সর্বস্ব লইয়া একটি পুত্রবধু ঘরে আনিলেন । ভাবিলেন, এই যে পরের কন্যা তাঁহার গৃহে আসিল, সে নামে তাঁহার পুত্রবধু, কিন্তু কার্যে তাঁহার ক্রীত দাসী । তাহার কোন অধিকার থাকিবে না, কিছু সম্মান থাকিবে না, কোনরূপ স্বাধীনতা থাকিবে না, থাকিবে কেবল, ভৎসনা, লাঞ্ছনা ও অবমাননা । আহা ! সুকুমার বয়সে মাতাপিতার অঙ্কুরপ স্বর্গ হইতে বিচ্যুত হইয়া বালিকা কি ঘোর নরকে পতিত হয় ! শিশু প্রথম অপরাধে সর্বত্রই সামান্য দণ্ডে বা বিনাদণ্ডে অব্যাহতি পায় । কিন্তু এই বালিকা বধুর কোন দোষেরই মার্জনা হয় না । কিন্তু মানব সহিষ্ণুতার একটা সীমা আছে । বিনাপরাধে বা স্নানাপরাধে পুনঃ পুনঃ দণ্ডিত হইয়া বালিকা অবশেষে অশ্রু বিকল্পে কার্য করিতে আরম্ভ করে । এইরূপে কত সোণার সংসার ছারখারে গিয়াছে । স্ত্রী লোকের অবিবেচনায়, অপরিণামদর্শিতায়, অন্ধ বিশ্বাসে কত স্নেহের পুত্তলি সংসার অঙ্ককার করিয়া চলিয়া যাইতেছে । এইরূপ কত অনর্থ যে স্ত্রীলোক কর্তৃক সংঘটিত হইতেছে, তাহার আর ইয়ত্তা নাই । উপরে যে সকল কথা বলিলাম, তাহা অধিকাংশ বঙ্গরমণীর প্রতি প্রয়োগ করা চলে । তবে এ কথা স্বীকার না করিলে মহাপাপ হইবে, যে এখনও বঙ্গগৃহে অনেক রমণী আছেন, যাঁহারা নানা সদগুণালঙ্কৃত ও সাক্ষাৎ দেবীস্বরূপা । কিন্তু বড়ই হৃৎখের বিষয় যে, তাঁহাদের সংখ্যা বড়ই কম ।

বঙ্গনারীর এই ছরবস্থা অপনোদনের উপায় কি ? ইহার একমাত্র উত্তর শিক্ষা । কিন্তু কিরূপে শিক্ষা দিতে হইবে ? হিন্দুর মেয়ে কখনই এণ্ট্রাস, এফ, এ, বি এ, পাশ করিবে যাইবে না । তাহা হইলে আর হিন্দু-

য়ানী থাকে না। পাঠশালা প্রভৃতিতে যে প্রণালীতে শিক্ষা দেওয়া হইয়া থাকে, তাহাতে বালকগণের যে কি শিক্ষা হয়, তাহাত আমরা বুঝিতে পারি না। বাঙ্গালা পাঠশালায় বা স্কুলে ছেলেদের মানসিক বা নৈতিক উন্নতি কিছুই হয় না। ঐরূপ স্কুলের ফাঁদে মেয়েদের আর ফেলিয়া কাজ নাই। মেয়েরা যাহাতে হৃদয়বতী হয় ও সেই সঙ্গে তাহাদের বুদ্ধিবৃত্তির উৎকর্ষ হয়, এইরূপ শিক্ষা তাহাদের দিতে হইবে। তাহা করিতে হইলে বিভিন্ন প্রণালীর স্কুল স্থাপন ও বিভিন্ন পাঠ্যপুস্তক প্রণয়ন করিতে হয়। যাহাতে হিন্দুনারীকে সংসারে আবার দেবীরূপে দেখিতে পাই, এমন শিক্ষা দিতে হইবে।

নগেন্দ্রবালা তাঁহার পুস্তকে অতি বিশদ ভাবে বঙ্গীয় রমণীগণের বর্তমান অবস্থা বর্ণনা করিয়াছেন, এবং যাহাতে তাহাদের অবস্থা উন্নত হইয়া বঙ্গের গৃহে গৃহে শান্তি ও সুখ বিরাজ করে, তাহারও উপদেশ দিয়াছেন। পুস্তক খানি সুবর্ণ অক্ষরে মুদ্রিত হইয়া বঙ্গের গৃহে গৃহে গৃহ পঞ্জিকার গ্রায় রক্ষিত হইবার উপযুক্ত। আশীর্বাদ করি, নগেন্দ্রবালা দীর্ঘায়ুঃ হইয়া এমনি ভাবে বঙ্গনারীগণের কল্যাণ সাধন করুন।

শিক্ষা ।

(পূর্ব প্রকাশিতের পর ।)

পূর্বেই বলা হইয়াছে, কেবল মাত্র পুস্তক পাঠে প্রকৃত জ্ঞানার্জন হয় না। পরিদর্শনের অভাব হইলে আমাদের সকল বিষয়েরই জ্ঞান অসম্পূর্ণ থাকে। এক্ষণে পরিদর্শনের বিধি ও তৎসম্পর্কীয় বিষয়ের আলোচনা করা যাউক।

বাহু জগতে যে সকল পদার্থ আছে, তাহাদিগকে সম্যক মনোযোগের সহিত দর্শন করিলে যে আমাদের নানা বিষয়ের জ্ঞানের উপলব্ধি হয়, তাহাতে আর সন্দেহ নাই। পারাবত হইতে দম্পতী প্রেম, মধু মক্ষিকা হইতে শ্রম-শীলতা, ইত্যাদি অনেক পদার্থ হইতে অনেক বিষয়ের শিক্ষা হইতে পারে। মানবের জীবন যদি অতি দীর্ঘ হয়, তবে মানব মনে করিলে যত্ন ও পরিশ্রম দ্বারা বহুশিক্ষা লাভ করিতে পারে। কিন্তু নিয়তির অবিচলিত ব্যবস্থায় সকলকেই নাতিদীর্ঘ জীবন অতিবাহিত করিয়া কালের করাল কবলে নিপতিত হইতে হয়। এই জন্ত কেবল মাত্র জাগতিক পদার্থ পরিদর্শন দ্বারা জ্ঞান সংগ্রহ করিব,

এরূপ প্রতিজ্ঞা করিলে সকলকেই হতাশ হইতে হইবে। সেই জন্ত পুস্তকে যাহা পাওয়া যায়, তাহা অগ্রে সংগ্রহ করিয়া প্রকৃতিরূপ মহাপুস্তক ধীরভাবে অধ্যয়ন কর। শিক্ষা সম্পূর্ণ হইবে—চিত্তের প্রমাদ জন্মিবে। কিন্তু গৃহে বসিয়া প্রকৃতির পুস্তক পাঠ করা হইতে পারে না। শিক্ষার্থীকে নানা স্থানে গমন করিতে হইবে, নানা জাতীয় পদার্থ প্রত্যক্ষ ও পরিদর্শন করিতে হইবে, এবং সকল পদার্থ হইতেই কিছু না কিছু জ্ঞান সংগ্রহ করিতে হইবে। তবেই পুস্তকাতীত বিদ্যা সম্পূর্ণতা লাভ করিবে।

কিন্তু এই নিখিল জগতের যাবতীয় পদার্থ পরিদর্শন সহজ ব্যাপার নহে। ক্রিয়াক্রমে পরিদর্শন আরম্ভ করিতে হইবে, ইহা এক কঠিন সমস্যা। পৃথিবীর অগণ্য পদার্থ পরিদর্শন সময়ে একের সহিত তাহার অনুরূপ পদার্থের পার্থক্য নির্ণয় করা সুকঠিন এইজন্তই পরিদর্শন সময়ে যাবতীয় পদার্থকে শ্রেণীবিভক্ত করা কর্তব্য। এই শ্রেণীবিভাগ প্রথমতঃ শিক্ষার্থীর পক্ষে কষ্টসাধ্য হইতে পারে। কিন্তু যত্ন ও পরিশ্রমে অবশ্যই সফলতা আসিবে। অষ্টার আশ্চর্য্য কৌশলে সকল পদার্থেই কিছু না কিছু সাদৃশ্য ও একতা দৃষ্ট হয়। আবার সেই সঙ্গে অপরের সহিত পার্থক্যও দেখিতে পাওয়া যায়। দৃষ্টান্তস্বরূপ মনুষ্য ও বৃক্ষের কথা বলা যাইতে পারে। উভয়েরই জন্ম, বৃদ্ধি ও বিনাশ আছে। অথচ, যে প্রণালীতে উহাদের জন্ম, বৃদ্ধি ও বিনাশ হয়, তাহা একরূপ নহে। এইরূপ অনেক পদার্থেই একতার সহিত বিভিন্নতা মিলিত আছে। এই টুকু বিশেষ ভাবে লক্ষ্য করিতে হইবে। আবার যাহা স্পষ্টতঃ এক জাতীয় পদার্থ বলিয়া স্থূল দৃষ্টিতে বোধ হয়, তাহার মধ্যেও পার্থক্য আছে। আপাততঃ বোধ সকল মানবেরই অবস্থা একরূপ। কিন্তু বিশেষ ভাবে আলোচনা করিলে বুঝা যায় যে, একজন মনুষ্য অপর মনুষ্য হইতে নানা বিষয়ে বিভিন্ন। সকলের উৎপত্তি, বৃদ্ধি ও লয় সম্পূর্ণ একরূপ নহে। তাহা যদি হইত, তবে সকল মানবই একরূপ হইয়া যাইত। সুতরাং প্রত্যেক মানুষই আমাদের পৃথক্ ভাবে আলোচ্য। এইরূপ স্থূল দৃষ্টির সহিত সকল পদার্থ আলোচনা করিলে তবে আমরা সম্পূর্ণ জ্ঞান লাভ করিব। পূর্কৌতুক প্রকারে পরিদর্শন করিয়া পদার্থ সম্বন্ধে বিষয় সংগ্রহ করা কর্তব্য। সংগৃহীত বিষয় সমূহের আলোচনা ও বিচার করিলে পরিদর্শন শিক্ষা পক্ষে কার্যকারী হয়। কারণ, পদার্থ সকলের কেবলমাত্র পরিবর্তনাদি বিষয়ক ধারণা দ্বারা বুদ্ধিবৃত্তির উৎকর্ষ-সাধিত হয় না। যে কোন বিষয়ই হউক না, তাহার সকল দিক বিচার করিয়া তৎসম্বন্ধে কোন না কোন মীমাংসার উপস্থিত হওয়া যায় এবং সেই মীমাংসিত বিষয় আমাদের জীবননির্বাহে সর্বদা সাহায্য করিয়া থাকে। ইতিহাস পাঠে এ বিষয়ে অনেকটা অগ্রসর হইবার সম্ভাবনা। কারণ ইতিহাস বর্ণিত ঘটনাবলী পাঠ করিয়া আমরা তাহাদের কার্যকারণ সম্বন্ধ নির্ণয় করিতে পারি। কার্যক্ষেত্রে কখন কি উপায় অবলম্বন করিলে জয়ী হইব, সে সম্বন্ধে

বহুবিধ শিক্ষালাভে সক্ষম হই। ইতিহাস পাঠ এক প্রকার অতীত কালের ঘটনাবলীর পরিদর্শন বলিলেও অত্যুক্তি হয় না। কারণ, বড়ই পরিতাপের বিষয় যে, অধুনা আমাদের 'বিদ্যালয় সমূহে ইতিহাস এইরূপে শিক্ষা দেওয়া হয় না। ইতিহাস পাঠে যে বালকদিগের চিন্তা ও বিচার শক্তির পরিপুষ্টি সাধিত হয়, তাহা শিক্ষক ও ছাত্র কেহই ধারণা করেন না। শিক্ষক ও শিক্ষার্থী উভয়েই ইতিহাস বর্ণিত ঘটনাবলী স্মৃতিপথে দৃঢ়ীভূত হইলেই সন্তুষ্ট হইয়া থাকেন। বিশ্ববিদ্যালয়ও এ বিষয়ে সর্বতোভাবে উদাসীন। প্রবেশিকা পরীক্ষা হইতে উপাধি পরীক্ষা অবধি বিশ্ববিদ্যালয় দেখিতে চাহেন যে, ছাত্রেরা পুস্তকে বিবৃত বিষয় উত্তমরূপে মুখস্থ করিয়াছে কিনা? যে বিষয় পুস্তকে বিশেষ রূপে ঘোষণিত থাকে, তৎসম্বন্ধে প্রবন্ধ লিখিতে দিয়া ছাত্রদিগের বুদ্ধিমত্তার পরিচয় লওয়া হয়। প্রকৃতপক্ষে এইরূপ ভাবে ইতিহাস পাঠের উৎসাহ দেওয়া সর্বদা অকর্তব্য। যদি আমরা এই এই ঘটনা দ্বারা এই এই ঘটনা কেন ও কি প্রকারে হইল, তাহা না বুঝিতে পারি, তাহা হইলে কেবলমাত্র ঘটনাবলীর সূত্র মুখস্থ করিয়া আমাদের কি ফল হইবে?

কোন বিষয় পাঠ বা পরিদর্শন করিয়া তাহার যদি বিচার করিতে না পারি, তাহা হইলে কিছুই ফলোদয় হয় না। বিচারশক্তি মানবের প্রধান প্রয়োজনীয়। এই বিচারশক্তির পরিপুষ্টি সাধন করিতে হইলে আমাদের সকল বিষয়েরই তথ্যানুসন্ধান প্রবৃত্ত হওয়া কর্তব্য। আমাদের প্রকৃতি স্বতঃই আমাদেরকে এ বিষয়ে প্রণোদিত করে। বিশ্বব্রহ্মাণ্ডে জীব ও অপূর্ণ পদার্থ সকল যে প্রকারে উৎপন্ন ও বৃদ্ধি প্রাপ্ত হয়, তাহাদের মধ্যে একভাবাপন্নতা পরিলক্ষিত হইয়া থাকে। এই হেতু মানবও সেই এক শক্তি হইতে একই প্রকারে জন্মপরিগ্রহ করিয়া যেন জীব ও পদার্থ মধ্যে সেই নৈসর্গিক বুদ্ধিবৃত্তি দ্বারা পরিচালিত হয় ও তাহাদের মধ্যে সম্বন্ধনিচয় অনুসন্ধান করিতে স্বতঃই প্রবৃত্ত হয়। ইহা আমরা নিজেই জীবন পর্য্যালোচনা করিলে বিশেষ উপলব্ধি করিতে পারিব। কিঞ্চিৎ স্থিরভাবে আমাদের জীবনের ঘটনানিচয় পরিদর্শন করিলে আমরা দেখিতে পাইব যে, আমরা সর্বদাই নিজ নিজ জীবনে সাম্য স্থাপন করিতে ব্যগ্র। এক ঘটনার সহিত অপূর্ণ ঘটনার বৈষম্য দৃষ্ট হইলে, আমরা ধৈর্যচ্যুত ও হতবুদ্ধি হই এবং এই অবস্থার উভয়ের সাম্য স্থাপন করিতে বিশেষ প্রয়াসী হই। তাহার কারণ, পৃথিবীতে সমগ্র বস্তুই কার্যকারণরূপে সম্বন্ধ। তাহাদের কোনস্থলে কোন বৈষম্য ঘটিলে, প্রকৃতি স্বতঃই সেই বৈষম্য দূর করিতে চেষ্টা করে। মানবজীবন হইতে একটি দৃষ্টান্ত দিলে সকল বিষয় বুঝিতে পারিবেন। যখন আমরা নিজেকে কোন একটা অজ্ঞায় কার্য করি, সং প্রকৃতির লোক হইলে আমরা অজ্ঞায় স্বীকার করিয়া তজ্জন্তু পরিতাপ করি ও পরিশেষে ঘটনাসূত্রে তাহার কারণ নির্দেশ করিয়া "ভ্রান্তি মানবের সাধারণ ধর্ম"

এইরূপ একপ্রকার যুক্তি ও তর্ক দ্বারা নিজের মনোমধ্যে শান্তি স্থাপন করিয়া থাকি। অসম্ভাব মানবের প্রকৃতিগত নহে। মানব অসম্ভাব লইয়া জন্মপরিগ্রহ করে না। যদি কেহ বলেন যে, অসং পিতার গর্ভে ও অসং মাতার গর্ভে জন্মহেতু যে অসম্ভাব মানবের প্রকৃতিস্থ। কিন্তু তাহা হইলেও মানব অসং মাতাপিতা কর্তৃক লাভিত পালিত হইলে যে-প্রকার অসংপ্রকৃতি হয়, তাহার শতাংশের একাংশও অসং মাতাপিতা হইতে জন্মপরিগ্রহ হেতু হয় না। পৃথিবীতে জন্মপরিগ্রহ করিয়া মানব যেকোন দেখিয়া ও শুনিয়া থাকে, তাহার প্রকৃতিও সেইরূপ গঠিত হয়, কিন্তু এই সঙ্গে যদি তাহার শিক্ষা হইয়া ভাল ও মন্দ বিষয়ে বিচার করিবার ক্ষমতা হয়, তাহা হইলে, তাহার অসং মহবাসের ফল প্রায় সম্পূর্ণ পরিমাণে তিরোহিত হয়। সুতরাং মানব যে অবস্থায় থাকুক না কেন, তাহার শিক্ষা-বিচারশক্তি অক্ষুণ্ণ থাকা আবশ্যিক। এই বিচারশক্তির পরিপুষ্টি সাধন করাই মানবজীবনের প্রধানতম উদ্দেশ্য।

পূর্বেই বলা হইয়াছে যে, বিচার-শক্তি মানবের প্রকৃতিগত। পৃথিবীতে এরূপ অতি অল্প লোকই আছেন, যাহারা জগতের কার্যসমূহের কারণ অনুসন্ধান করেন না; তবে এ বিষয়ে ভ্রমপ্রমাদ হইবার সম্পূর্ণ সম্ভাবনা। এক বিষয় অজ্ঞ বিষয় হইতে সম্পূর্ণ বিভিন্ন হইলেও আমরা বিচারশক্তির দৌর্বল্য-হেতু এককে অজ্ঞের কারণ বলিয়া স্বীকার করি। যেহেতু আমরা সর্বদাই এক বিষয় ঘটবার পূর্বে যাহা ঘটয়া থাকে, তাহাকেই কারণসূত্রে অভিহিত করি। এবং এই জন্মই ঘটনাসূত্রে এক ঘটনার পূর্বস্থিত ঘটনাকে প্রথম ঘটনার কারণ বলিয়া বিবেচনা করি। এ বিষয়ে একটী দৃষ্টান্ত দিই। অনুসন্ধান করিলে আমরা জানিতে পারিব যে, পল্লীস্থ গৃহস্থ মধ্যে কোন না কোন গৃহস্থের নারিকেল বা তজ্জাতীয় বৃক্ষ রোপণ করা নিষেধ। কারণ ঐ পরিবারে একব্যক্তি নারিকেল বৃক্ষ রোপণ করিয়া তাহার ফলভোগ করিবার অগ্রেই মানবলীলা সম্বরণ করিয়াছেন। যদিও উল্লিখিত বিষয় দুইটির একের সহিত অজ্ঞের কোন সম্পর্ক নাই—তথাপি ঐ পরিবারে নারিকেল বৃক্ষ রোপণই সেই ব্যক্তির মৃত্যুর কারণ বলিয়া স্বতঃসিদ্ধের জ্ঞায় স্বীকার্য হইয়াছে। কিন্তু সন্যক বিচারশক্তিশালী ব্যক্তি কখনই এরূপ ভ্রমে পতিত হইবেন না। শোকে বিহ্বল হইলে তাহার বিচারশক্তি তাহাকে কখনই পরিত্যাগ করিবে না।

বিচারশক্তির উৎকর্ষসাধন মানবজীবনের সর্বধা কর্তব্য। কিন্তু সর্বদা সকলকেই অতি সাবধানে বিচারশক্তির প্রয়োগ করা উচিত। বিচার করিবার পূর্বে বিচার্য বিষয়ের সর্ববিধ জ্ঞানলাভ একান্ত কর্তব্য, নতুবা বিচারফল কলুষিত হইবে। বিচারশক্তির দৃঢ়তাসম্পন্ন করিতে হইলে, সকল ব্যক্তিরই গণিতশাস্ত্র পাঠ করা কর্তব্য। গণিতশাস্ত্রের সকল বিষয়ই সূক্ষ্মপূর্ণ। এইজন্য আমাদের ঐ সকল বিষয়ে সম্যক জ্ঞান ও পারদর্শিতা

লাভ হইলে যুক্তিশক্তি বলবতী হইয়া থাকে এবং তদ্বারা আমরা কার্য্যকারণ সম্বন্ধ আরও অধিক বিশদভাবে হৃদযুদ্ধম করিতে পারি। এইরূপে যুক্তিশক্তি কিঞ্চিৎ দৃঢ়তাসম্পন্ন হইলে, আমাদের বাহ্যজগতের সামান্য সামান্য বিষয় লইয়া স্বীয় মনোমধ্যে তর্ক উপস্থিত করা প্রয়োজন। গণিতের নিয়ম যে প্রকার অপরিবর্তনীয়, কার্য্যক্ষেত্রের নিয়মাবলী সেরূপ কোন প্রকার নিয়মাবদ্ধ নহে। এক ঘটনায় বিপর্যয় বহুবিধ কারণে ঘটিতে পারে, কিন্তু গণিত শাস্ত্রে এক কারণ দ্বারা একই প্রকার ফললাভ হইয়া থাকে। সুতরাং গণিতের নিয়ম হইতে কার্য্যক্ষেত্রের নিয়মাবলী অনেক বিষয়ে বিভিন্ন, তাহা সদা স্মরণ করিয়া বাহ্যজগতের বিষয়সমূহ আলোচনা করা কর্তব্য। মানবচরিত্রের বিচারিত ফলের অনৈক্য বিচারশাস্ত্রের দোষ সংঘটিত হয় না। বিচারক বিচার বিষয়ের নর্কপ্রকার জ্ঞাতব্য জানিতে পারেন না বলিয়া, তাহার বিচারের অন্তথা হইয়া থাকে। এইরূপে সামান্য বিষয় হইতে ক্রমশঃ বৃহৎ বিষয়ের আলোচনা করিতে প্রবৃত্ত হওয়া কর্তব্য এবং বিচারফলের অনৈক্য ঘটিলে বিচার শাস্ত্রের উপর দোষারোপ করিয়া ভ্রমোত্তম ও নিরস্ত হওয়া নর্কপ্রথা অকর্তব্য।

ক্রমশঃ

শ্রীকালীপ্রসন্ন মুখোপাধ্যায় এম, এ।

ভারতেশ্বরীর স্মৃতি-চিহ্ন ।

মহারানী ভিক্টোরিয়ার পরলোক গমনে তাহার স্মৃতিচিহ্ন স্থাপনার্থ দেশের নানা স্থানে সভা সমিতি হইতেছে। স্মরণচিহ্ন কি আকারে প্রতিষ্ঠাপিত হইবে, তদ্বিষয়ে নানা স্থানে নানারূপ জল্পনা কল্পনাও হইতেছে এবং এ বিষয়ে বাদ-বিসম্বাদেরও অভাব নাই। ফলতঃ, এক শ্রেণীর লোক কোনও রূপ অট্টালিকাটির নিৰ্ম্মাণ অথবা স্বর্গীয়া অধিরাজ্যের প্রস্তরময়ী মূর্ত্তি স্থাপন দ্বারা তাহার স্মরণচিহ্ন প্রতিষ্ঠার পক্ষপাতী এবং অপর শ্রেণীর লোক ভারতের বাণিজ্য শিল্পাদির উন্নতিকল্পে কোনও রূপ স্থায়ী অনুষ্ঠান দ্বারা পরলোকগতা মহিষীর স্মৃতি ভারতবাসীর মনে অনুক্ষণ জাগরুক রাখিবার প্রয়াসী। বৃহতী অট্টালিকা দ্বারা স্মরণচিহ্ন স্থাপন নূতন নহে। উত্তর-পশ্চিম প্রদেশের আগ্রা সহরে ভূতপূর্ব সাহজেহান বাদশাহের মমতাজমহল বেগমের সমাধিস্থান তাজমহল শুধু ভারতে নহে, সমস্ত জগতে এ বিষয়ের অদ্বিতীয় এবং অল্পম দৃষ্টান্ত।

মহারানীর পরলোক গমনের অব্যবহিত পরেই, মোগল-গৌরব তাজমহলের সমতুল্য না হউক তদ্বিধ একটা অট্টালিকা দ্বারা স্বর্গীয়া ভারতেশ্বরীর স্মৃতি-ধ্বজা আকাশপথে উড্ডীয়মান হউক, এইরূপ প্রসঙ্গ এ দেশীয় পাইওনীর-প্রমুখ প্রধান প্রধান দৈনিক পত্রে আলোচিত হইয়াছিল।

আমাদের বড়লাট লর্ড কর্জ্জন বাহাদুর এইরূপ ইচ্ছা দ্বারা প্রণোদিত হইয়া কলিকাতার রাজকীয় প্রাসাদের সমীপে একটা উপযুক্ত অট্টালিকা নিৰ্ম্মাণের বাসনায় চাঁদা সংগ্রহ করিতেছেন।

উত্তর-পশ্চিম প্রদেশের অধিবাসি গণ কলিকাতার স্মৃতিচিহ্ন স্থাপনে সাহায্য করা ব্যতীত স্বীয় প্রদেশের স্থানে স্থানে মন্মরময়ী মূর্ত্তি স্থাপন করিবেন, এইরূপ অবধারণ করিয়াছেন।

মহারানীর রাজত্বে আমরা যে সুখে ও শান্তিতে বাস করিয়াছি, সিপাহী বিদ্রোহের পরে স্বহস্তে রাজ্যভার গ্রহণ করিয়া ভারতীয় প্রজার প্রতি সতত সদয় ও শ্রিয়ানুমোদিত বাবহারের যে পরাকাষ্ঠা তিনি প্রদর্শন করিয়া গিয়াছেন, তাহাতে তাহার স্মৃতিচিহ্ন জন্ত কোনও রূপ প্রসঙ্গই আমাদের নিকটে অত্যধিক বলিয়া বিবেচিত হইবে না। অধিকন্তু, যে জাতি সম্রাটকে “মহতী দেবতা হেমা নররূপেণ তিষ্ঠতি” বলিয়া বিশ্বাস করে, অধিরাজের প্রতি বাহাদের ভক্তি অচলা, তাহারা রাজসেবার নিমিত্ত স্বকীয় দরিদ্রতা সত্ত্বেও অজস্র অর্থব্যয় করিবে, ইহাতে আর বৈচিত্র্য কি?

ভারতবর্ষের বর্তমান অবস্থা ভারতের হিতাকাজী মাত্রেই অতীব চিন্তার বিষয়। আমাদের মনের উপর চিরানুগত প্রথার আধিপত্য এত অধিক যে, আমরা এখনও তাহার বিপরীত ভাবাপন্ন অথচ হিতগর্ভ ক্রিয়ার অনুষ্ঠানে সম্পূর্ণরূপে অপারগ। দেশের লোকসংখ্যা অপ্রতিহত প্রভাবে বৃদ্ধি প্রাপ্ত হইতেছে ; অচিরেই বর্তমান লোকগণনার ফলে জানিতে পারা যাইবে, এ বিষয়ে মা যক্তি আমাদের কতদূর কৃপা করিয়াছেন। স্বাভাবিক নিয়মের অবিরাম গতিতে জীবন সংগ্রাম দিনদিন কঠিন হইতে কঠিনতর হইতেছে ; ভারতের জীবিকাার্জ্জনের প্রধান এবং বলিতে গেলে একমাত্র উপায় কৃষি নানা কারণে দুর্দশাগ্রস্ত এবং বর্ষার চাপল্যে সময়ে সময়ে মৃতপ্রায়। দুর্ভিক্ষ, প্লেগ প্রভৃতির সম্বন্ধ আমাদের সহিত ক্রমশঃই ঘনীভূত হইতেছে। এইরূপ অবস্থায় স্মৃতিচিহ্ন স্থাপনার্থ অর্থ ব্যয় যদি সঙ্গত অথচ প্রয়োজনীয় রূপে করিতে পারা যায়, তাহা হইলে তাহার চেষ্টা হইতে বিরত হওয়া কি আমাদের কর্তব্য?

সুবৃহৎ অট্টালিকার দ্বারা স্বর্গীয়া রাজ্যের স্মরণচিহ্ন স্থাপনের প্রশস্ততা সম্বন্ধে আমি কোনও রূপে সন্দেহান নহি। বরং ইহাকে একটি প্রকৃষ্ট উপায় বলিয়াই বিবেচনা করি। কিন্তু আমাদের বর্তমান অধঃপতিত অবস্থায় প্রকৃষ্টতম উপায়ই অবলম্বন করা যে বিধেয়, আশা করি, সে বিষয়ে মতদৈধ পরিলক্ষিত হইবেন।

এ বিষয়ে বোম্বাই প্রদেশ সরকারের অনুকরণীয় দৃষ্টান্ত প্রদর্শন করিয়াছে। এই প্রদেশের অধিবাসীগণ ভিক্টোরিয়ার “ফণ্ড” স্থাপন করিয়া এই ফণ্ডের আয় হইতে “যাবৎ গঙ্গা মহীতলে” তাবৎ ভারতীয় শিল্প বাণিজ্যের উন্নতি সাধন করিবেন। [১৮৫৮ খৃষ্টাব্দে ভারতভার স্বহস্তে গ্রহণ কালে স্বর্গীয়া

মহারাজী ঘোষণা করিয়াছিলেন, ভারতে শান্তি স্থাপিত হইলে আমাদের শিল্প বাণিজ্যের উন্নতিকল্পে বীতিমত বস্ত্র গৃহীত হইবে। দুর্ভাগ্য বশতঃ উন্নতির কথা দূরে থাকুক, ভারতীয় শিল্পের অবনতিই ঘটয়াছে। বোম্বাই-বাসীগণ উল্লিখিত উপায় অবলম্বন করিয়া স্বর্গীয়া রাজ্যের অভিপ্রায়ানুযায়ী কার্য্যই করিয়াছেন।

কোনও আত্মায়ের পত্রে অবগত হইলাম যে, আমাদের বীরভূম জেলার লোকপ্রিয়, সুযোগ্য ম্যাজিষ্ট্রেট, শ্রীযুক্ত এ, আহমেদ সাহেব বাহাদুরের উদ্যোগে কয়েক দিন পূর্বে উক্ত অভিপ্রায়ে সিউড়িতে একটি সভার অধিবেশন হইয়াছিল। বর্তমান ম্যাজিষ্ট্রেট বাহাদুর বীরভূমে নবযুগের অবতারণা করিয়াছেন; সুযুগ্ত বীরভূমবাসীকে কিয়ৎ পরিমাণে জাগ্রত করিয়া তুলিয়াছেন; দায়িত্ব ও কর্তব্যজ্ঞান বিষয়ে তাহাদের উপলক্ষিত উপাদানে অনেক পরিমাণে কৃতকার্য হইয়াছেন। শ্রীযুক্ত আহমেদ সাহেবের প্রতি বীরভূমবাসীর কৃতজ্ঞতার ইয়ত্তা নাই।

শুনিলাম, শিউড়ির নূতন টাউনহলে মহারাজ্যের মর্শ্বরময়ী মূর্তি স্থাপিত হইবে, তজ্জন্ত অর্থ সংগৃহীত হইতেছে। বীরভূম অপেক্ষাকৃত দরিদ্রবহুল স্থান; কি পরিমাণে অর্থ সংগৃহীত হইবে বলিতে পারি না। তবে হেতমপুরের রাজা বাহাদুর, ছবরাজপুর ও বোলপুরের ব্যবসায়ীগণ, সিউড়ির ব্যবহারজীবী ও কর্মচারীগণ, কুণ্ডলার মুখোপাধ্যায়গণ, কীর্ণাহার, লাভপুর, বাজিতপুর, দমদমা প্রভৃতি স্থানের হিন্দু ও মুসলমান জমিদারগণ চেষ্টা করিলে আবশ্যকীয় অর্থ অনায়াসে সংগৃহীত হইতে পারে। অধিকন্তু উপযুক্ত উপায়ে প্রত্যেক পল্লীবাসীর সমীপস্থ হইতে পারিলে তাঁহারাও স্বাধীনেচ্ছা প্রণোদিত হইয়া সাহসাদে এই বিষয়ে যথাসাধ্য অর্থ সাহায্য করিবেন, এক্ষণে ভরসা আছে।

অবশ্যই মর্শ্বরময়ী মূর্তি বীরভূমবাসীর রাজভক্তির নিদর্শন স্বরূপ চিরকাল টাউন হলের শোভা বর্দ্ধন করিবে; কিন্তু কেবল শোভা বর্দ্ধনের পরিবর্তে যদি বীরভূমের কোনও রূপ স্থায়ী উপকার সাধনের জন্ত উপায় অবলম্বিত হয়, তাহা হইলে কি সর্বথা সুখের বিষয় হয় না?

সংগৃহীত অর্থে কোম্পানির কাগজ ক্রয় করিয়া তাহার সুদের আয়ে এক বা ততোধিক মাসিক বৃত্তি স্থাপন পূর্বক তাহার দ্বারা রাজসাহীর শ্রীযুক্ত অক্ষয়কুমার মৈত্রেয় স্থাপিত রেশম বিদ্যালয়ে অথবা শিবপুর কৃষিকলেজে প্রতি বৎসর এক বা ততোধিক বীরভূমবাসী প্রবেশিকা পরীক্ষোত্তীর্ণ বালককে প্রেরণ করিয়া রেশম বা কৃষি বিদ্যায় পারগ করিতে পারিলে বীরভূমের প্রভূত উপকার সংসাধিত হইবে। অবশ্যই এই বৃত্তি জেলা বোর্ডের সম্পূর্ণ কর্তৃত্বাধীনে থাকিবে। চেষ্টা করিলে বীরভূমে রেশমচাষ প্রসার প্রাপ্ত হইতে পারে এবং বীরভূমবাসী তাহা হইতে লাভবান হইতে পারিবে। যদি সংগৃহীত মমত্ত অর্থ এইরূপে ব্যয়িত হওয়া উপযুক্ত বলিয়া

বিবেচিত না হয়, তাহা হইলে কিয়দংশও এবিধ প্রকারে ব্যয় করা কর্তব্য।

শ্রীঅবিনাশচন্দ্র বন্দ্যোপাধ্যায় এম. এ ।

সতীদাহ ।

সে অনেক দিনের কথা। বঙ্গের প্রথম ছোটলাট হ্যালিডে সাহেব, তখন হুগলি জেলার ম্যাজিষ্ট্রেট। একটি হিন্দুরমণীর স্বামী গতানু হইয়াছেন; রমণী তাই সর্বসত্তাপহারিণী জাহ্নবীতীরে জীবন বিসর্জন করিয়া পরলোকগত স্বামীর সঙ্গলাভ বাসনায় আসিয়াছেন। বাড়ী অনেক দূরে, সেই জন্ত স্বামীর মৃতদেহ আনয়ন করা হয় নাই। তাঁহার উত্তরীর খানি কেবল আনা হইয়াছে। বলা বাহুল্য, তখন সতীদাহ নিবারণের আইন হয় নাই। তাহা হইলে কি রমণীর ভাগ্যে স্বামীর অহুগমন ঘটিত? চিরবৈধব্য যন্ত্রণায় তাহাকে আমরণ পুড়িতে হইত।

হ্যালিডে সাহেব আপনার বাঙ্গালায় বসিয়া আছেন। দুইটী সাহেবের সহিত কথাবার্তা কহিতেছেন। একজন ডাক্তার, অপর জন মিশনারি। এমন সময় সংবাদ পাইলেন যে, একটি সতী গঙ্গাতীরে সহমৃতা হইবার জন্ত আসিয়াছে। ডাক্তার ও মিশনারি সাহেব এই ব্যাপার দেখিবার জন্ত উৎসুক হইলেন। স্তত্রাং তিন জনে গাড়ীতে চড়িয়া ভাগীরথীতীরে উপস্থিত হইলেন। দেখিলেন, বহুসংখ্যক হিন্দু সমবেত হইয়াছে। চিতা সজ্জিত হইয়াছে। সতী চিতা পার্শ্বে স্থির ভাবে বসিয়া আছেন। তিনজন সাহেব আসিয়াছেন দেখিয়া লোকে সমস্তমুখে তিনখানি চেয়ার আনিয়া দিল। সাহেবগণ তত্পরি উপবেশন করিলেন। সতী যেখানে বসিয়াছিলেন, তাঁহারাও তথায় বসিলেন। ডাক্তার ও মিশনারি সাহেবের ইচ্ছা যে, তাঁহারা কোন রূপে সতীকে বুঝাইয়া তাঁহাকে প্রাণত্যাগরূপ সংকল্প হইতে প্রতি-নিবৃত্ত করেন। তাঁহারা জামিতেননা যে, হিন্দুরমণী কিরূপ জীব। প্রমদা যে পতিবত্নগা, তাহা তাঁহারা কল্পনাতেও আনিতে পারেন নাই। তাই তাঁহারা সতীকে মরণ সংকল্প পরিত্যাগ করাইবার জন্ত নানা যুক্তি প্রদর্শন করিতে লাগিলেন। তাঁহারা উভয়েই বাঙ্গালা ভাষায় অনভিজ্ঞ ছিলেন। হ্যালিডে সাহেব তাঁহাদের কথা সতীকে বুঝাইয়া দিতেছিলেন। স্থির, গম্ভীর ভাবে ও সমস্তমুখে সতী তাঁহাদের কথা শুনিলেন—কোন উত্তর দেওয়া আবশ্যিক বিবেচনা করিলেন না। আর অপেক্ষা করা চলে না। তাঁহার স্বামী যে তাঁহার জন্ত অপেক্ষা করিতেছেন। তিনি যে অনেকক্ষণ অপেক্ষা করিয়াছেন। আর তিনি কতক্ষণ একাকী থাকিবেন? সতী অধীরা হইলেন। হ্যালিডে সাহেবের নিকট চিতারোহণের অনুমতি প্রার্থনা করি-

লেন। বাক্যব্যয় বৃথা বিবেচনা করিয়া সাহেব তাঁহাকে অনুমতি দিলেন। কিন্তু ডাক্তার ও মিশনারীর এখনও জ্ঞান হয় নাই। এখনও তাঁহাদের ইচ্ছা যে, সতীকে কোন রূপে নিবারণ করেন। সেই জন্ত তাঁহাদের অসু-
রোধে হ্যালিডে সাহেব সতীকে জিজ্ঞাসা করিলেন, “চিত্তানেলে প্রাণ পরি-
ত্যাগে কি ভয়ানক কষ্ট হইবে, তাহা জানত ?” সতী স্বেণাব্যঞ্জক দৃষ্টিতে
সাহেবের প্রতি দৃষ্টি নিষ্ক্ষেপ করিলেন। কোন উত্তর না করিয়া
বলিলেন, “একটা প্রদীপ আন ত।”

আজ্ঞা মাত্রা প্রদীপ, ঘৃত ও সলিতা আনীত হইল।

সতী বলিলেন, “প্রদীপ আন।” প্রদীপ আনা হইল। তখন সতী স্থির
দৃষ্টিতে সাহেবের প্রতি একবার দৃষ্টিপাত্ত করিয়া একটি অঙ্গুলি প্রদীপের
শিখায় ধরিলেন। অঙ্গুলি পুড়িতে লাগিল—ঘোর কৃষ্ণবর্ণ হইয়া গেল,
এবং অবশেষে পালক দগ্ধ হইলে যেমন হয়, সেইরূপ হইয়া গেল, তথাপি
সতীর পবিত্র মুখমণ্ডলে কোন রূপ যন্ত্রণার চিহ্ন পরিলক্ষিত হইল না। কোন
রূপ যে যন্ত্রণা হইয়াছে, কোন রূপে তাহা প্রকাশ হইল না।

গম্ভীর স্বরে সতী হ্যালিডে সাহেবকে বলিলেন, “কেমন, এইবার বুঝিয়াছ ?
সাহেব তৎক্ষণাৎ উত্তর করিলেন, “হাঁ বেশ বুঝিয়াছি। প্রশান্তভাবে
দীপশিখা হইতে অঙ্গুলি অপসৃত করিয়া সতী সাহেবকে জিজ্ঞাসা করিলেন,
“এইবার আনি যাইতে পারি কি ?” সাহেব সম্মতি দিলেন। সতী চিতার
নিকটে চলিয়া গেলেন। চিতা ৪২ ফিট দীর্ঘ, ৪২ ফিট উচ্চ ও তিন ফিট
প্রস্থ। তিনবার চিতা প্রদক্ষিণ করিয়া সতী হস্তে মস্তক রক্ষা
করিয়া চিতার উপরি শয়ন করিলেন। তাঁহার শরীরের উপর শুষ্কতৃণ
বিস্তৃত করা হইল। তাহার পর বৃহৎ বৃহৎ বংশতণ্ড দিয়া তাঁহার শরী-
রকে চিতার সহিত বন্ধন করিবার উদ্যোগ করা হইল। হ্যালিডে সাহেব
ইহাতে আপত্তি করায় উহা কার্যে পরিণত হইল না। সতীর ত্রিংশৎ বর্ষ
বয়স্ক পুত্র চিতাপাশ্বে দণ্ডায়মান ছিল। সতী চিতার অনল প্রজ্জ্বলিত
করিতে তাহাকে আদেশ দিলেন। ধূপ ও ঘৃত সংযোগে মহাবেগে অগ্নি
জলিয়া উঠিল। সতী কোন রূপ আর্তনাদ বা উঠিবার চেষ্টা করে কিনা
দেখিবার জন্ত হ্যালিডে সাহেব চিতার অতি নিকটে দাঁড়াইয়া ছিলেন।
কিন্তু তিনি হতাশ হইলেন। নীরবে সতীর নশ্বর দেহ দগ্ধ হইয়া গেল ;
সতীর পবিত্র আত্মা অমরলোকে স্বামীর আত্মার সহিত সান্মিলিত হইল।
আহা ! সতী ধর্মের কি উজ্জ্বল দৃষ্টান্তই পূর্বে দেখা যাইত !

পাঠক, ইহা আমার নিজের কথা নহে। হ্যালিডে সাহেব স্বহস্তে এই
ঘটনা লিপিবদ্ধ করিয়া গিয়াছেন। মাননীয় বকল্যাও সাহেব প্রণীত
Bengal under the Lieutenant Governors নামক পুস্তকের ১৬০ পৃষ্ঠা
দেখুন।

বীরভূমি।

মাসিক পত্রিকা ও সমালোচনী।

২য় ভাগ] চৈত্র ও বৈশাখ, ১৩০৭-৮ [৬ষ্ঠ ও ৭ম সংখ্যা।

শ্রীনীলরতন মুখোপাধ্যায় বি, এ,

সম্পাদিত।

সূচী।

বিষয়।	লেখকের নাম।	পৃষ্ঠা।
১। ধর্মজিজ্ঞাসা। (শ্রী প্রসন্নকুমার চট্টোপাধ্যায়)	...	১৪৫
২। শিশু। (শ্রীমতী নগেন্দ্রবালা সরস্বতী)	...	১৪৮
৩। সাহিত্যে আদর্শ। শ্রীযতনাথ চক্রবর্তী বি, এ।	...	১৫৮
৪। বিচার। (শ্রী রাজকৃষ্ণ পাল)	...	১৬৮
৫। মুজাউদ্দিন। (শ্রী শ্রীশচন্দ্র চট্টোপাধ্যায়)	...	১৭০
৬। তুমি। (শ্রী শরচ্চন্দ্র চক্রবর্তী)	...	১৭৮
৭। হঠাৎ কবিব আত্মকাহিনী। (শ্রী আদ্যনাথ রায় বি, এ)	...	১৭৮
৮। পৌরাণিক চিত্র। (সম্পাদক)	...	১৮৫
৯। জয়া। (শ্রী দেবিদাস ভট্টাচার্য্য, বি, এ)	...	১৯৪
১০। প্রার্থনা। (শ্রী কৃষ্ণগোপাল চক্রবর্তী)	...	২০৬
১১। সমালোচনা। (সম্পাদক)	...	২০৪
১২। অমৃত তুসনিকা।	...	২০৭

কীর্ত্তহারের স্বদেশ-হিতৈষী জমিদার শ্রীযুক্ত সৌরেশচন্দ্র সরকার

মহাশয়ের যত্নে ও ব্যয়ে,

বীরভূম জেলার অন্তর্গত

কীর্ত্তহার গ্রাম হইতে,

শ্রী দেবিদাস ভট্টাচার্য্য বি, এ,

কর্ত্তক প্রকাশিত।

বার্ষিক মূল্য ১ টাকা

এই সংখ্যার মূল্য ১০ আনা।



মেওরেস সেবনে বিংশতি প্রকার মেহ, পুরুষত্ব হানি, শুক্রক্ষয়, অস্বাভাবিক উপায়ে রতঃপাত, অতিশয় ইন্দ্রিয়পরায়ণতা বা অধিক বীৰ্য্যক্ষয়নিবন্ধন শুক্রতারল্য, স্বপ্নদোষ, প্রস্রাবকালীন জ্বালা ও তৎসঙ্গে তুলার আঁশের মত কিষ্কা খড়ি গোলার ছায় বিকৃত বীৰ্য্যপতন, অতিরিক্ত প্রস্রাব, হস্ত পদ জ্বালা, মাথা ঘোরা, ক্ষুধামান্দ্য প্রভৃতি রোগ খুব শীঘ্র সম্পূর্ণ আরোগ্য হয়। ইহা সেবনে শত শত চিকিৎসক কার্যতঃ রোগী আরোগ্যলাভ করিয়াছে, শক্তি, স্বাস্থ্য ও পুরুষত্ব ফিরিয়া পাইয়াছে। মেওরেস দেখিতে মনোহর, খাইতে প্রীতিপ্রদ, গুণে অমৃত তুল্য। মূল্য প্রতি শিশি এক টাকা মাত্র। ভিঃ পিঃ তে লইলে এক হইতে তিন শিশি পর্য্যন্ত আট আনা ডাক মাণ্ডলাদি লাগে। পত্র লিখিলেই বিস্তৃত সুখ্যাতি পত্র সম্বলিত মূল্য তালিকা পাঠাই। পত্রাদি লিখিবার একমাত্র ঠিকানা :—

ডে, সি, মুখার্জি—ম্যানেজার,
ভিক্টোরিয়া, কেমিক্যাল ওয়ার্কস
রাণাঘাট, (বেঙ্গল)

বড়লাট কাঙ্ক্ষন বাহাদুরের সহানুভূতি প্রাপ্ত,
বঙ্গের কৃতীসন্তান শ্রীরমেশচন্দ্র দত্ত মহাশয় কর্তৃক

মিরার, অমৃতবাজার, হিতবাদী, বসুমতী, প্রতিবাসী, সোমপ্রকাশ,
সাহিত্য প্রভৃতিতে বিশেষরূপে প্রশংসিত।

প্রয়াস ।

দ্বিতীয় বর্ষ ।

সচিত্র মাসিকপত্র ও সমালোচক ।

এবার নূতন সরঞ্জামে, নূতন প্রণালীতে প্রয়াস দ্বিতীয় বর্ষে পদার্পণ করিল ।

কাগজ আরও উৎকৃষ্ট, ছাপা আরও সুন্দর ।

৪৮ং হেমচন্দ্র করের লেন, প্রয়াস সমিতি হইতে প্রকাশিত ।

প্রতি মাসেই মনোহর চিত্র থাকিবে ।

অথচ অগ্রিম বার্ষিক মূল্য ডাকমাঙ্গুল সমেত পূর্ববৎ ১।০ টাকাই রহিল ।

সমিতির উদ্দেশ্য—সাহিত্য প্রচার, ও সঙ্গে সঙ্গে নবীন লেখকদিগের উৎসাহবর্দ্ধন। তাই আশা আছে, এই সর্বোপেক্ষা সুলভ মাসিকপত্রখানি প্রত্যেক সাহিত্যানুরাগীর আন্তরিক সহানুভূতি ও সাহায্য পাইবে। ইহাতে সকল শ্রেণীর লোকের পড়িবার ও লিখিবার বিষয় থাকিবে ।

শ্রী আশুতোষ ঘোষ কার্যাধক্ষ ।

বীরভূমি ।

মাসিক পত্রিকা ও সমালোচনী ।

২য় ভাগ]

চৈত্র, ১৩০৭ ।

[৬ষ্ঠ সংখ্যা ।

ধর্মাজিজ্ঞাসা ।

শিষ্য । “কর্মজনিত ফলাফল হয় কি না? যদি হয়, তবে সে কি প্রকার?”

গুরু । নিশ্চিতই হয়। কথাটা দৃষ্টান্ত দ্বারাই বুঝাইতে হইবে। ইহ-সংসারে তুমি প্রত্যক্ষ দেখিতে পাইতেছ যে, কার্যমাত্রেরই একটা ফল ফলে। তুমি অস্বাস্থ্যকর অতি কদর্য্য জলাশয়ে স্নান করিয়া আইন, দেখিবে এই কার্যের ফলস্বরূপ তোমার সর্দি বা কোন রোগোৎপত্তি হইবে; তুমি একটা নরহত্যা করিয়া আইন, তাহার ফলস্বরূপ বন্দনদণ্ড, ভয়, ভাবনা, লজ্জা ও ঘৃণাদিজনিত ঘোর অশান্তি তোমার মনকে ব্যথিত করিতে থাকিবে; আবার বিপন্ন ব্যক্তির বিপত্নাকার করিয়া আইন, দেখিবে তাহার ফলে তোমার মনঃ প্রশন্ন ও আনন্দময় হইয়া উঠিয়াছে। অতএব এই দৃষ্টান্ত দ্বারা বুঝা গেল যে, ক্রিয়ামাত্রেরই একটা না একটা ফল ফলিয়া থাকে। কিন্তু সকল স্থলেই যে, ইহজন্মকৃত সকল কর্মের ফল এই জন্মেই সঙ্গে সঙ্গে ফলিবে, তাহার কিছু মানে নাই। কতকগুলি এমন ক্রিয়া আছে, যাহার ফল বিলম্বে বা পরজন্মেই ফলিয়া থাকে। ক্রিয়াটা অগ্রে মনের মধ্যেই সম্পাদিত হয়; বাহিরে তাহার কার্য পরে প্রকাশ পায় মাত্র। তুমি পত্রখানি লিখিবার সময় প্রথমে মনের মধ্যেই লিখিয়া থাক; তাহার পর কাগজ, কলম, কালি লইয়া বাহিরে সাঙ্কেতিক চিহ্ন কর মাত্র। নরহত্যাদির বিষয়ও এই প্রণালীতে বুদ্ধিতে হইবে। ফলতঃ জন্মাবধি মৃত্যু পর্য্যন্ত জীবনকালের মধ্যে এইরূপে জীব কর্তৃক যে সকল ক্রিয়ার অনুষ্ঠান হইবে, তাহাই সংস্কাররূপে (স্মরণক্ষম শক্তি বিশেষ বা বাসনা)

মনোমধ্যে অবস্থিতি করিবে। প্রথম দৃষ্টির সময় আমার যে অবয়বটা তোমার মনোমধ্যে অঙ্কিত হইয়া গিয়াছে, তাহা আর কোন কালেই উঠিবে না; উহা সংস্কাররূপেই থাকিবে, কেননা, তোমার মনোমধ্যে আমার অবয়বের সংস্কার না থাকিলে, আমাকে পুনরায় দেখিয়া তুমি চিনিবে কি করিয়া? বস্তুতঃ ইহজীবনের বাবতীয় ক্রিয়াই এইরূপে সূক্ষ্মভাবে সংস্কাররূপে মনোমধ্যে থাকিরা, আগামী জন্মে তাহাই ফলদান করিয়া থাকে। এবং এইরূপ সঞ্চিত কর্মের নামই দৈব বা অদৃষ্ট।

জীবের অদৃষ্ট বুঝাইবার জন্ত আর একটা যুক্তিমূলক কথা বলিব। আমরা প্রত্যক্ষ দেখিতে পাইতেছি যে, জগতের যেখানে যে কোন ক্রিয়া সম্পাদিত হইতেছে, তাহার মূলে একটা কারণ বা সূত্র থাকেই; বিনা কারণে কোন কার্যেরই উৎপত্তি হয় না। বালকে বাবকে মারামারি হইবার পর, বালকের মাতার মাতার গণ্ডগোল বাধিয়া গেল। এইস্থলে গণ্ডগোলের কারণ বা সূত্র হইল, বালকদের মারামারি; আবার মারামারির কারণ তাহাদের পরস্পর সন্মিলন; সন্মিলনের কারণ ইচ্ছা; এবং ইচ্ছারও একটা কারণ নিশ্চিতই আছে। এই ভাবে ধারাবাহিকরূপে অনুসন্ধান করিলে, ইহ জীবনের ইচ্ছার আদি কারণ যাহা পাওয়া যাইবে, তাহাকেই আমি কর্মফল, দৈব ও অদৃষ্ট নামে অভিহিত করিতেছি। কেননা, জীব মাতৃগর্ভ হইতে ভূমিষ্ঠ হইবার পর, মৃত্যুর পূর্বে পর্যন্ত যে সকল কার্যের অনুষ্ঠান করিয়া যাইতেছে, যদি ঐ সকল কার্যের বীজ বা সূত্র পূর্বে হইতে তাহার মনোমধ্যে সঞ্চিত না থাকিবে, তবে কার্যে প্রবৃত্তি হইবে কেন?

দ্বিতীয়তঃ আরও দেখা যাইতেছে যে, জগতে কোন পদার্থেরই নূতন রূপে উৎপত্তি বা একবারে ধ্বংস হয় না; উৎপত্তি ও ধ্বংস ইহা ব্যবহারিক কথা মাত্র। সমস্ত বস্তুই এক অবস্থা হইতে অনবরতঃ অবস্থান্তরিত হইতেছে। সর্ষপপ্রমাণ ক্ষুদ্র বীজই ক্রমান্বয়ে অবস্থান্তরিত হইয়া প্রকাণ্ড বটবৃক্ষে পরিণত হইতেছে; আবার ধ্বংসের সময় ঐ বটবৃক্ষই খণ্ড বিখণ্ড হইয়া নানাস্থানে নানা অবস্থায় অবস্থিতি করিতেছে। তুমি ভূমিষ্ঠ হইবার পূর্বে প্রথমে মাতৃগর্ভে ও তৎপূর্বে পিতৃবীৰ্য্যে ছিলে; কিন্তু তাহারও পূর্বে তুমি কোন না কোন স্থানে নিশ্চিতই ছিলে। কেননা, জাগতিক নিয়মানুসারে তোমার নূতনরূপে উৎপত্তি হইতেই পারে না। অত-

এব ইহা দ্বারাই সিদ্ধান্ত করা যাইতে পারে যে, জগতে যাহা আছে, তাহাই থাকিবে; এবং যাহা নাই, তাহা কোন কালেই নূতন হইতে পারে না। দর্শনশাস্ত্রের স্থিরতর সিদ্ধান্ত এই যে,—

“নাসহৎপাদো নৃশৃঙ্গবৎ” “নাশঃ কারণঃ লয়ঃ”

সাত্ব্যাদর্শনম্।

সূত্রের মর্মার্থ এই যে, যাহা নাই, তাহা কদাচ উৎপন্ন হইতে পারে না; এবং যাহা আছে, তাহাও এককালীন বিনষ্ট হয় না।

ফলতঃ সর্ষপশক্তিমান ঈশ্বরেরও নূতন কিছু সৃষ্টি করিবার সামর্থ্য নাই। কেননা, নূতন পদার্থের সৃজন করিতে হইলে, যে যে উপকরণগুলি সংগ্রহ করা আবশ্যিক, তাহা যদি কোন কালে না থাকে, তবে কোথা হইতে ঈশ্বর তাহা সংগ্রহ করিবেন? সূত্ররূপে ঈশ্বরকে পূর্বে যেমন ছিল, তেমনি ভাবেই সৃষ্টি করিতে হয়। বৈদিকী মতাবলম্বী মন্ত্রেও লিখিত আছে,—

“ধাতা যথাপূর্বেমকল্পয়দ্বিবঞ্চ পৃথিবীঞ্চান্তরীক্ষমথো স্বঃ ॥”

অর্থাৎ সৃষ্টিকর্তা ব্রহ্মা পূর্বেই পৃথিবী, অন্তরীক্ষ ও স্বর্গাদির সৃষ্টি করিলেন। এখানে “যথাপূর্বেম্” শব্দটী “অকল্পয়ৎ” ক্রিয়ার বিশেষণ মাত্র। উহার বাঙ্গালা অর্থ “পূর্বেই ঐশ্বর”।

এই যে ইংরাজের রেলপথ, টেলিগ্রাফাদি অদ্ভুত কাণ্ড দেখিয়া লোকে বিস্মিত হইতেছে, ইহাও নূতন হয় নাই; প্রতি-সৃষ্টিতে প্রত্যেক কলিযুগে স্নেচ্ছজাতি দেশের রাজা হইয়া এইরূপেই রেলপথাদির নির্মাণ করিয়া থাকেন। নতুবা রেলাদি-নির্মাণরূপ ক্রিয়ার সংস্কার সূক্ষ্মভাবে তাহাদের মনোমধ্যে পূর্বে হইতে সঞ্চিত না থাকিলে, বর্তমান কলিযুগে তাহারা কখনই তাহা করিতে সমর্থ হইতেন না। ফলতঃ কলি প্রবল হইলে, স্নেচ্ছ জাতি যে কর্মভূমি ভারতের রাজা হইয়া থাকেন, শাস্ত্র তাহা ভবিষ্যৎবাণী দ্বারা পূর্বেই বলিয়া রাখিয়াছেন। যথা,—

“যদা তু স্নেচ্ছজাতীয়া রাজানো ধনলোলুপাঃ।

ভবিষ্যন্তি শিবে শাস্তে তদৈব প্রবলঃ কলিঃ ॥” মহানির্মাণতন্ত্র।

ইহার সংস্কৃত অতি সরল বলিয়া অনুবাদ দিলাম না।

জীবতত্ত্ব ব্যাখ্যা করিলে বুঝা যায়, বাবৎ জীবের নির্বাণমুক্তি না হইবে, তাৎকাল পর্যন্ত পঞ্চ জ্ঞানেন্দ্রিয়শক্তি, পঞ্চ কর্মেন্দ্রিয়শক্তি, পঞ্চ প্রাণ-শক্তি এবং মনঃ ও বুদ্ধি এই সপ্তদশশক্তির সমষ্টিরূপ একই লিঙ্গদেহ

জীবের সঙ্গে সঙ্গে ঘুরিবে। কেন না, জীবের জীবনের এক মাত্র কারণই ত লিঙ্গদেহ। পূর্বজন্মে তোমার বেঁ ইন্দ্রিয়শক্তি ও মনোবুদ্ধ্যাদি ছিল, এ জন্মেও তাহারা সঙ্গে আছে। পূর্বজন্মের মনঃ ও তদন্তর্গত সংস্কার না থাকিলে, সন্তোজাত গো-বৎস অস্ত্রের বিনা সাহায্যে কখনই স্বীয় মাতৃস্তন চিনিয়া লইতে পারিত না। যদি তর্কস্থলে গোবৎসের এইটাই প্রথম জন্ম ও মনটী তৎসহজাত বলিয়াই স্বীকার করা যায়, তাহা হইলেও স্বতঃপ্রবৃত্ত হইয়া মাতৃস্তন চিনিতে পারা, বৎসের পক্ষে একবারেই অসম্ভবপর। কেন না, চেনা কথার অর্থই হইল, পূর্বদৃষ্ট বস্তুর স্মরণ হওয়া। আমরা যাহা কখন দেখি নাই, যাহা শুনি নাই, যাহা ভাবি নাই, অথবা যাহার সম্বন্ধে মনোমধ্যে কোন ক্রিয়া বা আন্দোলনই হয় নাই, এমন বস্তুর কথা কখনই ত মনে আসিবে না। স্মরণীয় বস্তু বাইতেছে যে, গোবৎসের মনটী পূর্বজন্মেরই ছিল। এবং পূর্বজন্মে সে গোস্তন দেখিয়াছিল বলিয়া, তাহার মনোমধ্যে গোস্তনের অবস্থার সংস্কার থাকায়, তাহারই ফলে এখন সে স্তন চিনিতে পারিল; নতুবা কখনই পারিত না। কেন না, পূর্ব সঞ্চিত অসংখ্য সংস্কার-রাশি ভিন্ন মনের আর স্বতন্ত্র অস্তিত্বই নাই। বলা বাহুল্য যে, জন্মান্তরবাদ সম্বন্ধে একরূপ প্রমাণ অনেকই দেওয়া যাইতে পারে।

পূর্বজন্ম কৃত কর্মের ফলভোগ বিষয়ে এইবার কয়েকটা দৃষ্টান্ত দিয়াই এ প্রশ্নের উত্তর শেষ করিব। এই যে দৃষ্টমান জগৎ তোমার সম্মুখে প্রতিভাত হইতেছে, ইহা এত বৈষম্যময় কেন? এবং কি হেতুবশতঃ এখানে দুইটা বস্তু পরস্পর সমান নাই, তাহার কারণ কিছু কি অনুসন্ধান করিয়াছ? ফলতঃ প্রত্যেক জীবের পূর্বজন্মকৃত কর্মফল বিভিন্ন বলিয়াই জগৎও বৈষম্যময় হইয়াছে; এবং সেই জন্তই এক জন ধনী, এক জন নিধন; এক জন জ্ঞানী, এক জন অজ্ঞান; এক জন প্রভু, এক জন ভূত্য এবং এক জন পণ্ডিত, এক জন মূর্খ; ইত্যাদি। কেবল মানবেই যে বৈষম্যভাব, তাহা নহে; স্থাবর জঙ্গলাদি বাবতীর প্রাণীর মধ্যে এমন কি অচেতন জড় বস্তুতেও এই বৈষম্য ভাব লক্ষিত হইবে। বলা বাহুল্য যে, এই বৈষম্যময় জগতে যাহারা সাম্যনীতি চালাইতে চাহেন, তাহাদিগকে “অজ্ঞানাচ্ছন্ন জীব” ভিন্ন আর কোন বিশেষণে বিশেষিত করিব, তাহা আমরা ভাবিয়া পাই না। যাহা হউক, এই বৈষম্যের মূলই একমাত্র জীবের সঞ্চিত কর্মফল বা অদৃষ্টকেনা ধরিলে, সৃষ্টিকর্তা ঈশ্বরে পক্ষপাতিত্ব দোষ পড়ে। কেন না, ঈশ্বর যদি

জানিয়া শুনিয়া ও ইচ্ছা করিয়াই পূর্বকৃতকর্ম বৈষম্যভাবের (অর্থাৎ এক জন রাজভোগে চিরসুখী ও কেহবা দিনান্তে এক মুষ্টি অন্নের জন্ত লালায়িত, ইত্যাদি) সৃষ্টি করিয়া থাকেন, তাহা হইলে প্রকৃতপক্ষেই তাঁগকে পক্ষপাতী ও অত্যাচারী হইতে হয়। কিন্তু তিনি পক্ষপাতী ও অত্যাচারী, তিনি কখনই সর্বজ্ঞ ও সর্বশক্তিমান ঈশ্বর-পদ-বাচ্য হইতে পারেন না। অতএব বুঝা গেল যে, বৈষম্যভাবের কারণ ঈশ্বরের ইচ্ছা নহে, একমাত্র জীবের কর্মফলেই ইহসংসারে ভাল, মন্দ, উচ্চ, নীচাদি বৈষম্যভাব হইয়া দাঁড়াইয়াছে। ঈশ্বর কেবল নির্দিষ্ট নিয়মানুসারে কর্মের ফলবিধাতা মাত্র।

শিষ্য। “জীব সুখদুঃখের ভাগী কেন?”

গুরু। জীবতত্ত্ব অনুশীলন করিলেই তুমি বুঝিতে পারিবে যে, জীব স্বয়ং জ্ঞানময় ও আনন্দময় চৈতন্য পদার্থ মাত্র; এবং বৈষয়িক সুখ দুঃখ জীব নিজে কখনই ভোগ করেন না; ভোগ করে, ইন্দ্রিয়শক্তি, মনঃ, বুদ্ধি ও অহঙ্কার। কোন নির্মূল ফটিকপাত্রের নিকট রক্তবর্ণ পুষ্প থাকিলে, সেই রক্তপুষ্পের আভা পড়িয়া ফটিকপাত্রটীও যেমন রক্তবর্ণ বলিয়া ধারণা হয়, অথচ বাস্তবপক্ষে ফটিকে কোন রক্ততা নাই; তদ্রূপ মনোবুদ্ধ্যাদির সমীপে অবস্থান হেতু জীবায়া স্বয়ং নির্মূল হইলেও তত্ত্ব পদার্থের সমগুণসম্পন্ন বলিয়াই প্রতীয়মান হইয়া থাকেন। ফলতঃ জীব অবিদ্যাচ্ছন্ন বলিয়াই আত্ম-স্বরূপ অবগত নহে; স্মরণীয় ভ্রান্তিক্রমেই মনোবুদ্ধ্যাদির ভোগকে আত্ম-ভোগ বিবেচনা করিয়া, সংসার যন্ত্রণার অহরহঃ জ্বালাতন হইতেছে। সৌভাগ্যক্রমে যাহার জ্ঞানের উদয় হয়, তিনিই কেবল উক্ত যন্ত্রণা হইতে মুক্তিলাভ করিতে পারেন।

বাস্তবিকও কিঞ্চিৎ অনুধাবন করিলেই স্পষ্ট বুঝা যায় যে, আমাদের ইন্দ্রিয়শক্তি বুদ্ধি, ও অভিমানাদির সহযোগে মনোরূপ মাধারে সর্বপ্রকার বৈষয়িক সুখদুঃখেরই ভোগ হইয়া থাকে। মনে কর, তোমার পদতলে কণ্টকবিন্দু হইল, এখানে স্বপ্নিঙ্গির সহযোগে তোমার মনেই যন্ত্রণার অনুভব হইবে; কেহ তোমাকে দুর্বাক্য বলিল, এস্থলেও তোমার অভিমানে আঘাত লাগায়, ঐ অভিমানের সহিত মনঃই কষ্টানুভব করিবে; ইত্যাদি। আবার লোকব্যবহারেও দেখিতে পাই যে, “অমুক স্থানের প্রাকৃতিক সৌন্দর্য্য দর্শনে আমার মন বড় প্রফুল্ল হইল” “অমুকের ছদ্মশা দেখিয়া, আমার মনে বড় কষ্ট হইয়াছে” ইত্যাদি কথাও প্রচলিত আছে।

অতএব জীবের মনঃ, বুদ্ধি ও অহঙ্কারাদিই যে, বৈষয়িক সুখদুঃখ ভোগ করে, এবং জীব স্বয়ং ঐ ভোগের, দ্রষ্টা, জ্ঞাতা ও সাক্ষী মাত্র, সে পক্ষে সন্দেহ মাত্র নাই ।

শিষ্য । “আমি ভগবানকে ডাকিব না, কোন কুকাঙ্ক্ষা করিব না ; এতে আপত্তি কি ?”

গুরু । এই কথার উত্তরে আমি বলিতেছি যে, আপত্তি আমার কিছুই নাই ; যদি ঐ কার্যেই তোমার অভীষ্ট সিদ্ধ হয় । বোধ হয় তুমি ভাবিয়াছ, ইহাতেই তুমি সুখী হইতে পারিবে । কিন্তু আমার সে অহুমান যদি ঠিক হয়, তবে আবার আমি বলিতেছি, ঐরূপ আচরণ করিলে তুমি কোন কালেই সুখী হইতে পারিবে না ; সুতরাং আপত্তি আমার বিলক্ষণই আছে । কথাটা ভাল করিয়া পরিকার করা যাউক ।

প্রথমতঃ সংসারী জীবের মনোভিলাষ ও কার্য পরম্পরা দেখিয়া বুঝা যায় যে, “আমি চিরকালই সুখে থাকি, কোন কালেই কোন প্রকার দুঃখ ভোগ আমাকে করিতে না হয়” ইহাই জীবের একমাত্র লক্ষ্যস্থল । এবং সেই উদ্দেশ্য সাধনের জন্য তাহারা আপাততঃ বিষয়-ভোগকেই * সুখ-সাধন সামগ্রী মনে করিয়া, তাহারই আহরণে নিরন্তর সংসারে ছুটাছুটি করিয়া বেড়াইতেছে । ফলতঃ যে, যে কোন কার্যেই প্রবৃত্ত হইতেছে, উদ্দেশ্য সকলের ঐ একই । কিন্তু জীবের আকাঙ্ক্ষার নিবৃত্তি হইয়া যায়, জীব কৃতকার্য হয়, এমন সুখ কি বিষয়ভোগে আছে ? আমরা বলি, কখনই নাই । যাহারা বলেন, আছে ; তাহাদিগকে ভ্রান্ত ও অজ্ঞানাক্রম জীব বলিতে আমরা কুণ্ঠিত হই না । শাস্ত্র বলিয়াছেন,—

“ন জাতু কামঃ কামনামুপভোগেন সাম্যতি ।

হবিষা কৃষ্ণবদ্রে'ব ভূয় এবাভিবর্দ্ধতে ॥ ”

মর্স্যার্থ এই যে' কাম্যবস্তুর উপভোগে কামনার নিবৃত্তি না হইয়া অগ্নিতে ঘৃতালতির ঞ্চায় কামনার বৃদ্ধিই হইয়া থাকে । অর্থাৎ কোন ব্যক্তি যে বস্তুর প্রাপ্তি-কামনা করিয়াছিল, সেই বস্তু হস্তগত হইলেই বিতীয় উচ্চতর কামনা আসিয়া, সেই স্থান অধিকার করে । শাস্ত্র আরও বলিয়াছেন,—

“নিশ্চো ব্যষ্টি শতং শতী দশশতং লক্ষং সহস্রাধিপং ।

লক্ষেশঃ ক্ষিতিপালতাং ক্ষিতিপতিশ্চক্রেধরত্বং পুনঃ ।

* জীবের ভোগ্য পদার্থমাত্রেরই নাম বিষয় ।

চক্রেণঃ পুনরিন্দ্রতাং সুরপতিব্রহ্মাস্পদং বাঙ্জতি,

ব্রহ্মা বিষ্ণুপদং পুনঃ পুনরহো আশাবধিং কো গতঃ ॥”

অর্থাৎ দরিদ্র ব্যক্তি মনে করে, শত মুদ্রা পাইলেই সে সুখী হইবে ; কিন্তু যাহার শত মুদ্রা আছে, সে ত তাহাতে সুখী নয় । ফলতঃ শত-পতি সহস্র মুদ্রার, সহস্র-পতি লক্ষমুদ্রার, লক্ষ-পতি রাজত্বের, রাজা সম্রাটত্বের, সম্রাট ইন্দ্রত্বের, ইন্দ্র ব্রহ্মপদের এবং ব্রহ্মা বিষ্ণুপদেরই কামনা করিয়া থাকেন । সুতরাং বুদ্ধিতে হইবে যে, আশার আর অবধি নাই ।

আবার দেখ, বিষয়ভোগে নূতনত্ব-বোধ যতক্ষণ থাকিবে, ততক্ষণই যৎকিঞ্চিৎ সুখবোধ, কিন্তু সে ভোগ-সুখ অভ্যস্ত হইয়া গেলেই আর তাহাতে আনন্দানুভূতি হইবে না ; তখন নূতন বস্তুর কামনা আসিয়া উপস্থিত হইবে । পপ্পান (পোলাও) ও রসগোল্লা উৎকৃষ্ট খাদ্য মধ্যে পরিগণিত হইলেও যে ব্যক্তি প্রতিদিন ঐ দুই দ্রব্যের আশ্বাদ গ্রহণ করে, তাহার পক্ষে তাহা কি কখন সুখকর ? কখনই নয় । তুমি দরিদ্রের পর্ণকুটীর হইতে রাজরাজেশ্বরী ভিক্টোরিয়ার রাজপ্রাসাদ পর্য্যন্ত অহুসঙ্কান করিয়া আইস, দেখিবে প্রকৃত সুখ কোথাও নাই । ফলতঃ বিষয়-ভোগে কোন কালে জীবের তৃপ্তি হয় না, তৃষ্ণা মিটে না ।

অথচ দেখা যাইতেছে যে, জীবের সুখের তৃষ্ণাটা বিলক্ষণই আছে । যখন তৃষ্ণা আছে, তখন সেই তৃষ্ণার বস্তু নিশ্চিতই আছে । কেননা, যে বস্তু নাই, অথবা কোনকালেই ছিল না, এমন বস্তু প্রাতি মনের আকর্ষণ হইবে কেন ? এখন বুঝা গেল যে, জীবের তৃষ্ণার এমন বস্তু একটা অবশ্যই আছে, যাহা পাইলে আর তাহার অতৃপ্তি থাকিবে না ; সর্বাাকাঙ্ক্ষার নিবৃত্তি হইয়া যাইবে । সেটা আর কিছু নহে, জীব স্থলদেহ, লিঙ্গদেহ ও কারণ-দেহের হাত এড়াইয়া, যদি কখন আত্ম-স্বরূপে অর্থাৎ জ্ঞানময় ও আনন্দময় মূল-চৈতন্য-পদার্থে মিশিয়া যাইতে পারে, তবেই তাহার তৃষ্ণার অবসান ও আকাঙ্ক্ষার নিবৃত্তি হইবে ; নতুবা আর আশা নাই । ফলতঃ জীবের এই অবস্থার নামই মুক্তি ।

বোধ হয়, এখন তুমি বুদ্ধিতে পারিবে যে, তোমার প্রশ্ন বাক্যটা নিতান্তই অসার ভ্রান্তিসঙ্কুল । বস্তুতঃ যদি তুমি সর্ব দুঃখের নিবৃত্তি করিয়া মুক্তিরূপ একমাত্র অবিচ্ছিন্ন সুখের কামনা কর, তাহা হইলে তাহার উপায় স্বরূপ শাস্ত্রোক্ত বিধানমত ভগবানকে ডাকিতেই হইবে ; অর্থাৎ যে যে

নার্কস্তুদোহস্থান্ননৃশংসবাদীনহীনতঃ পরমভ্যাদদৌত ।
 যয়স্যবাচাপর উদ্বিজেত নতাংবদেজ্ঞাং পাপলোক্যাম্ ॥
 অরুস্তদং পরুষং তীক্ষ্ণবাচং বাক্কণ্টকৈর্বিদুস্তং মনুষ্যং ।
 বিদ্যাদলক্ষ্মী কতমং জনানাং মুখেনিবদ্ধাংনিষ্কিতিংবহস্তম্ ॥
 সদ্ভিঃ পুরস্তাদভিপূজিতঃ স্যাৎ সদ্ভিস্তথা পৃষ্ঠতোরক্ষিতঃ স্যাৎ ।
 সদা সতামতিবাদান্ তিতিক্ষেৎ সতাং বৃত্তং চাদদৌত্যাংবৃত্তম্ ॥
 নহীদৃশং সমবদনং ত্রিষুলোকষু বিদ্যাতে ।
 দয়ামৈত্রীচ ভূতেষু দানঞ্চমধুরাচবাক্ ॥”

ক্রুদ্ধ ব্যক্তি অপেক্ষা অক্রোধ ব্যক্তি শ্রেষ্ঠ, অসহিষ্ণু ব্যক্তি অপেক্ষা সহিষ্ণু ব্যক্তি শ্রেষ্ঠ, ইতর প্রাণী অপেক্ষা মানব জাতি শ্রেষ্ঠ ও অবিদ্বান্ ব্যক্তি অপেক্ষা বিদ্বান্ ব্যক্তি শ্রেষ্ঠ বলিয়া গণ্য হন। কোন ব্যক্তি আক্রোশ করিলে তাহার প্রতিশোধ স্বরূপ আক্রোশ করিবে না। কেন না সহিষ্ণু ব্যক্তির মনই আক্রোশকারীকে দগ্ন করে, এবং ঐ ক্ষমাশীল ব্যক্তির সুরুতও লাভ করিয়া দেয়। পরপীড়ক বা নৃশংসবাদী হইবে না। অভিচার প্রভৃতি নীচ উপায় দ্বারা শত্রুকে বশীভূত করিবে না। এবং যে বাক্যে পরের মনোহুঃখ হইবার সম্ভাবনা, এ মত দগ্নকারী পাপসূচক বাক্যও কহিবে না। যে ব্যক্তি বচনরূপ কণ্টক দ্বারা মানবগণকে বিদ্ধ করে, যাহার মুখে পরপীড়ন বাক্যরূপ রাক্ষস নিবদ্ধ আছে, এমত তীক্ষ্ণবাদী নির্ধুর ব্যক্তিকে দেখিলেও লক্ষ্মী-ত্যাগ হয়। সচ্চরিত্র ব্যক্তি অসাধুগণ কর্তৃক তিরস্কৃত হইলেও সর্বদা সাধুগণ কর্তৃক অগ্রে প্রপূজিত ও পূর্বাং রক্ষিত হইয়া থাকেন। তিনি সাধু চরিত আশ্রয় করিয়া অসাধুদিগের নিন্দা বাক্যে ক্ষমা প্রদর্শন করেন। * * * * * সর্বপ্রাণীর প্রতি দয়া, মৈত্রী দান, ও মধুর বাক্য এই চতুষ্টয়ের তুল্য সম্বল ত্রিভুবনে আর নাই।”

পোলোনিয়সের পুরের প্রতি উপদেশ সাংসারিকের পক্ষে হিতকর বলিয়া প্রসিদ্ধ আছে, কিন্তু ইহার সঙ্গে তুলনা করিলে বড়ই ঘণিত বোধ হয়। যথাতি সাধুগণকে বলিয়াছিলেন ;—

“তপশ্চ দানঞ্চ সমোদমশ্চ হ্রীরাজ্জীবং সর্বভূতানুকম্পাঃ ।
 স্বর্গস্ত লোকস্ত বদন্তি সন্তো দ্বারানি সঠৈশ্চ মহাস্তি পুংসাং ॥
 নশস্তি মানেন তমোভিভূতা পুংসঃ সঠৈবেতি বদন্তি সন্তঃ ।

অধীয়মানঃ পণ্ডিতং মন্তমানো যো বিদ্যায়া হস্তি যশঃ পরেক্ষম্ ।
 তস্মাস্ত বস্তশ্চ ভবন্তি লোকা ন চাপ্য তদ্ব্রহ্ম ফলং দদাতি ॥”

* * * * *
 “ইতি দদ্যামিতি যজ ইত্যধীয় ইতি ব্রতং ।
 ইত্যেতানি ভয়ান্যাস্তানি বর্জ্যানি সুরশঃ ॥”

“সাধুগণ সর্বদা বলিয়া থাকেন, যে, তপশ্চা, দান, শম, লজ্জা, ঋজুতা ও সর্বপ্রাণীতে অনুকম্পা, এই সাতটি মানবগণের স্বর্গলোক গমনের প্রধান দ্বারস্বরূপ হইয়াছে। পরন্তু যে সকল পুরুষ তমোভিভূত হইয়া অহঙ্কার প্রকাশ করে, তাহারা শ্রেয়োভাজন হইতে পারে না, ইহাই সাধুরা সর্বদাই কহিয়া থাকেন। যে ব্যক্তি অধ্যয়ন করিয়া ‘আমিই পণ্ডিত’ এইরূপ অভিমানী হইয়া বিদ্যা দ্বারা অন্বেষ্য যশঃ বিলুপ্ত করে, তাহার স্বর্গ প্রাপ্তি হয় না। * * * * * দান করিলাম, যজ্ঞ করিলাম, অধ্যয়ন করিলাম, ব্রত করিলাম, এইরূপ দান্তিকতা প্রকাশ করিলে তাহার সদগতি হয় না, ইহা পণ্ডিতেরা কহিয়াছেন। অতএব সর্বতোভাবে দস্ত পরিত্যাগ করাই উচিত।”

আজকাল আমাদের বাঙ্গালা দেশ এই উপদেশটির বড়ই প্রয়োজন হইয়াছে।

পাগল ।

ছুখ সুখ নাই, বৈভব বিভব—
 কান্দিবার নাই মরিয়া গেলে,
 নাহিক বিষয়, মান, অপমান
 বালকেও ডাকে ‘পাগল’ বলে।
 কারো নাই ভয়, কারো নাই ভয়,
 নাহিক অধীন, স্বাধীন নই।
 আপনিই হাসি, আপনিই কান্দি,
 আপনারি প্রাণে সকলি সই।
 চাঁদের কিরণ, কাননের ফুল,
 যখন যে ভাবে যেখানে দেখি ;
 ভুলে যাই ছুখ, ভুলে যাই জালা,
 আপনা ভুলিয়ে চাহিয়ে থাকি।
 পুরাতন রবি, পুরাতন শশী,
 আমার দেশেতে যে ভাবে হাসে
 আমাদের জল, যত নিরমল,
 নহেক এমন কোনও দেশে।

আমাদের বাঁশী, আমাদের গান
 আমাদের সুখ কোথাও নাই ;
 আমাদের ফুল ফোটে না কোথাও,
 গড়ে নাই বিধি এমন ঠাঁই।
 আমাদের দেশে, শীতে বরষায়
 পাখীগুলি ব’সে গায় যে গান,
 বসন্ত যেখানে চির বিরাজিত,
 সেখানেও নাই সে মধু তান।
 প্রাচীরের মুখে যে হাসি এখানে,
 সে হাসির ভাবে যে সুখা ঢালে ;
 আর কারো দেশে আসে না সে হাসি,
 যুবক যুবতী নবীন গানে।
 আমাদের দেশে যুবক যুবতী
 যখন যে ভাবে কথাটি কয়
 পবিত্রতা ভাব, সরল পরাণ
 কথায় কথায় প্রকাশ পায়।

কর্তব্য কার্য ইহ জীবনে যথাযথরূপে পালন করিয়া যাইতে পারিলে, আগামী জন্মে সে অবশ্যই উচ্চ ঋতিতে উন্নীত হইতে পারিবে ।

দ্বিতীয়তঃ জীব কেবল নিজ নিজ কর্ম্মকলেই এই জাতিগত ও বংশগত বৈষম্যভাব প্রাপ্ত হইয়াছে ; ঈশ্বর স্বকীয় ইচ্ছাক্রমে একরূপ বৈষম্যভাবের সৃষ্টি করেন নাই ; তিনি কেবল কর্ম্মের ফলবিধাতা মাত্র । কিন্তু প্রকৃত জ্ঞানীর চক্ষে সংসারে একরূপ বৈষম্যভাব লক্ষিত হয় না । সৌভাগ্যক্রমে যখন মানুষের ব্রহ্মজ্ঞান হয়, তখন তাঁহার নিকট,—

“যবনে ব্রাহ্মণে, কুকুরে আপনে,

শ্মশানে স্বরগে সম ।”

ফলতঃ তোমার মত প্রকৃতি-বিশিষ্ট ব্যক্তি এখন ঐ কথা বলিবার অধিকারী নহে । কেন না, তুমি মুখে ঐরূপ সাম্যবাদের কথা বলিলেও তোমার প্রকৃতি বা মনঃ ত এখন তাহার অনুমোদন করিবে না । যতক্ষণ পর্য্যন্ত তোমার মনোমধ্যে আত্মাভিমান এবং অনুরাগ, বিদ্বেষ ও দৃষ্টিবৈষম্য অর্থাৎ ছোট, বড়, ভাল, মন্দাদি ভেদ-জ্ঞান থাকিবে, ততক্ষণ পর্য্যন্ত সংসারে পার্থক্যভাব থাকিবেই থাকিবে । একজন বিষ্ঠাসংলিপ্ত মেথর যদি তোমার অন্ন পরিবেশন করিয়া দেয়, তাহা কি তুমি অবিকার চিত্তে খাইতে পারিবে? অথবা একজন ইতর জাতীয় কুলিকে সর্ববিষয়ে আপনার সমকক্ষ ভাবিয়া, মনে মনে সুখী হইতে পারিবে? আমি বলি, কখনই না । বস্তুতঃ যিনি “সর্বং ব্রহ্মময়ং জগৎ” ও “একমেবাদ্বিতীয়ম্” এইভাবে ব্রহ্মদর্শন করিতে শিখিয়াছেন, কেবল তাঁহারই মুখে ঐরূপ উচ্চাঙ্গের কথা বলা শোভা পায় । এখন তুমি যে প্রকৃতির লোক, সেই প্রকৃতির সহিত মিশিয়াই তোমাকে সাধনার পথে অগ্রসর হইতে হইবে । সুতরাং পূজা, পূজক, উচ্চ, নীচাদি ভাব তোমাকে মানিয়াই চলিতে হইবে ।

এই সঙ্গে তোমার আরও একটা কথার উত্তর দেওয়া আবশ্যিক বলিয়া বোধ হইল । খৃষ্টান, মুসলমান প্রভৃতির গ্রন্থ “যেন একটা হাত পা আওলা, মানুষের মত ঈশ্বর, একস্থানে মজলিস করিয়া বসিয়া যাহা যাহা ইচ্ছা করিতে-ছেন, তাহাই হইতেছে” একরূপ ভাবের ঈশ্বর হিন্দু কখন স্বীকার করিতে পারেন না । আমার পূর্ব প্রেরিত দুইখানি পত্রে ব্রহ্মতত্ত্ব ও জীবতত্ত্ব সম্বন্ধে যে সকল কথা বলা হইয়াছে, তৎপাঠে তুমি বুঝিতে পারিবে যে, হিন্দুর ঈশ্বর সচ্চিদানন্দ-স্বরূপ সর্বব্যাপী নিরাকার শক্তিসংযুক্ত চৈতন্য-

পদার্থ মাত্র ; এবং তিনি মহাকাল ও নিয়মরূপীও বটেন । সুতরাং অনাদি কাল হইতে জীবগণের কৃত শুভাশুভ কর্ম্মের ফলরূপে তিনি সৃষ্টি, স্থিতি ও সংহার কার্য্য করিয়া থাকেন ।

শিষ্য । মিসেস্ ওয়াক্ মিনিষ্টার নাম্নী একটা বিলাতী বিবি, হিন্দুধর্ম্ম প্রচারোদ্দেশে রানীগঞ্জে আসিয়া যে বক্তৃতা করিয়াছিলেন, তাহার বিষয় ছিল “জীব ক্রমশঃই উন্নতির পথে উঠিতেছে” অতএব সেই কথা প্রকৃত কি না ?

গুরু । মিসেস্ ওয়াক্ মিনিষ্টার নিজের বক্তৃতায় “জীব ক্রমশঃই উন্নতির পথে উঠিতেছে,” এই যে কথাটা বলিয়াছেন, ইহা যে কেবল তিনি একাই বলিয়াছেন, তাহা নহে । আজিকালি ইংরেজ, ফরাশি প্রভৃতি সভ্যতাভিমानी-ধাবতীয় পাশ্চাত্য জাতি এবং তাঁহাদের দেখাদেখি এতদেশীয় ইংরেজী শিক্ষিত বাবুগণের মধ্যেও অনেকে ঐ কথারই প্রতিবন্ধি করিয়া থাকেন । সুতরাং কথাটা কতদূর সত্য ও সারবান্, তাহা একবার আলোচনা করিয়া দেখা কর্তব্য ।

মিসেস্ যে উন্নতির কথা বলিয়াছেন, তাহা কিরূপ উন্নতি, খুলিয়া বলিয়াছেন কি? কেন না, উন্নতি ভাল, মন্দ নানা বিষয়েরই হইতে পারে । যাহা হউক, অনুমানে বোধ হয়, তিনি যে উন্নতির কথা বলিয়াছেন, তাহা বিষয়োন্নতিই হইবে । কারণ যে প্রকৃতিতে তাঁহার জন্ম, তদালোচনায় বিষয়োন্নতির কথা বলাই তাঁহার পক্ষে স্বাভাবিক । তিনি দেখিতেছেন যে, বিজ্ঞানবলে রেলগাড়ির সৃষ্টি হওয়ায়, লোকে এক মনের পথ একদিনে যাইতেছে ; দেখিতেছেন যে, টেলিগ্রাফের আবিষ্কার হওয়ায়, নিমেষের মধ্যে অতি দূরাদূরতর স্থান হইতে সংবাদের আদান প্রদান চলিতেছে, দেখিতেছেন যে, পূর্বকালের অসভ্য লোকেরা তীর, ধনু, খড়্গাদি লইয়া যে যুদ্ধ করিত, সেই যুদ্ধে এখন নানা প্রকার বৈজ্ঞানিক যন্ত্র ব্যবহৃত হওয়ায়, নরহত্যার পথ ক্রমেই সুপ্রশস্ত হইতেছে ; ইত্যাদি । কিন্তু জিজ্ঞাসা করি, পূর্বোক্তরূপ বিষয়োন্নতির দ্বারা মানবের সুখ শান্তির মাত্রা কিছু বাড়িয়াছে কি? উত্তরে আমি বলিতেছি যে, সুখ শান্তির মাত্রা তা বাড়েই নাই, পরন্তু হুঃখ ও অবনতির মাত্রাই দিন দিন বাড়িতেছে । কথাটা পরিষ্কার করা যাউক ।

প্রথমতঃ এই যে পাশ্চাত্য জাতি স্থল জড়বিজ্ঞানের উন্নতি দ্বারা

রেল, ষ্টীমার, মুদ্রাঘন্ত্র, বৈজ্ঞানিক আলো ও জলের বল প্রভৃতি নানা সুখসাধন সামগ্রী প্রস্তুত করিয়াছেন, ও দিন দিন আরও করিবেন, ইহা দ্বারাই কি মানবের প্রকৃত সুখ হইবে? না আকাঙ্ক্ষা মিটিবে? আমি বলি, কখনই না। বস্তুতঃ 'সুখ' শব্দের প্রকৃত অর্থই হইল আনন্দ; ইহা মনের একটা ক্রিয়া বা ধর্ম মাত্র। সুতরাং ইহা কেবল নিজে নিজে অনুভবেরই সামগ্রী; কিন্তু বাহিরে দেখাইবার বা দেখিবার বস্তু সুখ নহে। ফলতঃ বিষয়-ভোগে যে, জীবের প্রকৃত সুখ হয় না ও তৃষ্ণা মিটে না, তাহা এই পত্রের একাধিক স্থানে বিশেষরূপে আলোচিত হইয়াছে। সুতরাং এস্থলে পৌনরুক্তি নিষ্প্রয়োজন।

দ্বিতীয়তঃ যে ধর্ম মানবের পারলৌকিক পথের একমাত্র সম্বলস্বরূপ এবং প্রকৃষ্টরূপে যাহার আশ্রয় গ্রহণ করিতে পারিলে, সর্বদুঃখের নিবৃত্তি করিয়া পরমানন্দ ভোগ করিতে পারা যায়, বর্তমান সময়ে সেই ধর্মের অবনতি কতদূর হইয়াছে, তাহা একবার অনুধাবন করিয়া দেখিয়াছ কি? এখন ধর্ম একটা ব্যবসায়ের সামগ্রী বা লোকমোহকর বক্তৃতার বিষয় মধ্যে পরিগণিত হইয়াছে; প্রকৃতপক্ষে মনের বা অনুষ্ঠানের সহিত ধর্মের কোন সম্বন্ধই নাই। ধর্ম ও সত্য এখন কপটতার আবরণে আবর্তিত। তোমার মনের ভিতর যাহাই থাকুক না কেন, বাহিরটী ঠিক রাখিয়া ও লোক ভুলাইয়া স্বার্থসাধন করিয়া যাইতে পারিলেই তুমি লোকের নিকট ধার্মিক ও সত্যবাদী বলিয়া পরিচিত হইতে পারিবে। এখন কপটতার নামান্তরই সভ্যতা। যিনি যে পরিমাণে মনের ভাব ঢাকিয়া রাখিয়া, লোক-মনো-মুগ্ধকর কপট ব্যবহার বাহিরে দেখাইতে পারিবেন, তিনি সেই পরিমাণেই সভ্য। ফলতঃ প্রকৃত সরলতা এখন কোন্ দিকে অন্তর্ধান করিয়াছে। পূর্বের জ্ঞান মন খুলিয়া কেহ কাহাকেও আর বিশ্বাস করিতে পারে না। আমরা বাল্যকালে দেখিয়াছি, কুলের কুলবধু অতি গোপনে চন্দ্র সূর্য্যকে মাত্র সাক্ষী রাখিয়া লোককে যে টাকা ধার দিত, সে টাকা কখন পড়িত না। আর এখন বড় বড় সাক্ষীর স্বাক্ষরযুক্ত রেজিষ্টার করা দলীলে টাকা ধার দিলেও সেই টাকা আদায় করি আদালতের আশ্রয় লইতে হয়। এখন শরন-সহচরী পত্নীই একমাত্র জীবন-সম্বল। পরম পূজনীয় পিতামাতা বা অগ্র গুরুজনকে লোকে আর ভক্তি করে না। স্নেহময়ী গর্ভধারিণী এখন "বাপের পরিবার" মধ্যে পরিগণিত। তিনি এখন পুত্রের নিকট গ্রাসাচ্ছাদন পাইবার ও অধিকারিণী নহেন। ইত্যাদি।

তৃতীয়তঃ ঘোর কলিকাল-মাহাত্ম্যে এই বৈষম্যময় জগতে প্রকৃতি বিরুদ্ধ এক "সাম্য" কথা উঠিয়া সমাজে নানা প্রকার বিশৃঙ্খলা উপস্থিত হইয়াছে। এখন আর কেহ কাহাকেও মানিতে চাহেনা; সকলেই সমান, সকলেই স্বাধীন ও সকলেই প্রধান। বস্তুতঃ ইহার ফল এই দাঁড়াইয়াছে যে, সকলেরই আত্মাভিমান অসঙ্গত বৃদ্ধি হওয়ায়, পরস্পর জর্জী হইবার ইচ্ছায় কথায় কথায় 'লোক আদালতের' আশ্রয় লইতেছে এবং পরিশেষে উকীল মোক্তার প্রভৃতির কুহকে পড়িয়া আপনারা সর্বস্বান্ত হইতেছে। শুধু এই দেশেই যে, ঐরূপ সমাজ-রিপ্সব ঘটয়াছে, তাহা নহে; "সাম্য" মন্ত্রটী যে দেশ হইতে উদ্ভূত হইয়াছিল, সেই ইউরোপ ভূমিতেই ইহার বিষময় ফল সকলে ভোগ করিতেছেন। ইহার ফলে সেখানে নিহিলিষ্ট প্রভৃতি কতকগুলি বথেচ্ছাচারির দল সৃষ্টি হইয়া, রাজ্যবিপ্লবেরও সূচনা করিয়াছে।

চতুর্থতঃ পাশ্চাত্য শিক্ষা ও দৃষ্টান্তে এখন লোকসকল ঘোর বিলাসী হইয়া উঠিতেছে। সুতরাং সংসারে আর টানাটানি কাহারও ঘুটিতেছে না। পূর্বে মাসিক ১০ টাকা আয়বান ব্যক্তি দোলভূর্গোৎসবাদি ধর্মকর্ম করিয়াও যেরূপ সুখ স্বচ্ছন্দে সংসারযাত্রা নিরীহ করিতেন, এখন ৫০০ টাকা বেতনভোগী উচ্চপদস্থ লোকও তাহা পারিয়া উঠিতেছে না, কলিকাল মাহাত্ম্যে দিন দিন লোকসংখ্যা অসঙ্গত বৃদ্ধি হওয়ায়, ধরিত্রী তাহাদের খাদ্য সামগ্রী যোগাইতে অসমর্থ হইতেছেন। ঘন ঘন হৃৎপিণ্ড এবং রোগ, শোক, ও অকাল মৃত্যুতে জ্বালাতন হইয়া উঠিতেছে। এখন সকল সংসারই অশান্তিময়; প্রকৃত সুখ আর কোথাও নাই। ফলতঃ তুমি যে দিকে দৃষ্টিপাত করিবে, সেই দিকেই ঘোর অবনতি। অতএব বিবি ওয়াক্ মিনিষ্টারের বক্তৃতার বিষয়ভূত "জীব ক্রমশঃই উন্নতির পথে উঠিতেছে" এই কথাটী কতদূর সত্যমূলক ও সারবান, তাহা তুমি একবার নিবিষ্টচিত্তে অবশ্যই ভাবিয়া দেখিবে। বলা বাহুল্য যে, পূর্বোক্তরূপ অবস্থাকে যাহারা উন্নতির লক্ষণ বলিতে চাহেন, আমরা তাহাদের বুদ্ধি ও সূক্ষ্মদর্শিতার প্রশংসা করিতে পারি না।

• শ্রী প্রসন্নকুমার চট্টোপাধ্যায় ।

সীতাহাটী ।

শিশু।

বিধাতার প্রেমআশীর্বাদ,
স্বরগের করুণা মমতা,
গোলফের ভালবাসা,
মরতের সাধ আশা,
হত্যাশের প্রেম আকুলতা ;
বাঁশরীর মধুমাখা স্বর,
সঙ্গীতের মাতানীয়া তান,
বেদের প্রণবখানি,
চাঁদের আলোক মানি,
সাধকের আত্মহারা-প্রাণ ;
ঋতুমাঝে বসন্ত মোহন,
বরষার মৃদুধারা,
সিন্ধুর মুকতা মণি,
সুখ সোহাগের খনি,

অমা যামিনীর ধ্রুবতারা ;
(সাধে নর এত আত্মহারা)
প্রেমেতে মিলন সম শিশু,
বিরহির নয়নের জল।
নন্দনের সুধাধারা,
কবির কল্পনাপারা,
সরসে সরোজ নিরমল ;
শোকের সান্ত্বনাধারা শিশু—
সংসারের অচ্ছেদ্য বন্ধন,
নিতি হেরি মুখে তার,
ত্রিভুগত একাকার,
স্বর্গ মর্ত্যে দৃঢ় আকর্ষণ।

শ্রীমতী নগেন্দ্রবালা সরস্বতী।

সাহিত্যে আদর্শ।

প্রত্যেক কার্যেই কর্তার মনে : একটা উচ্চ আদর্শের ভাব থাকিলে সেই কার্য সুসম্পন্ন হয়—অথবা যতটুকু সম্পন্ন হয়, সেই টুকুই সুন্দর ভাবে হইয়া থাকে। মানবজীবনই হউক, অথবা তাহার অসংখ্য কার্যপ্রণালীই হউক, যদি তাহা একটা বিশেষ আদর্শের প্রতি লক্ষ্য রাখিয়া চালিত হয়, তাহা হইলে তাহা হইতে সুফলের প্রত্যাশা বিশেষরূপেই করা যাইতে পারে। আমরা বর্তমান প্রবন্ধে অশ্রান্ত বিষয়ের আদর্শের কথা পরিত্যাগ করিয়া সাহিত্যের আদর্শের বিষয়ই আলোচনা করিব।

মাতৃভাষার সেবা করা, সাহিত্যের পরিচর্যা করা মানবজীবনের একটা উচ্চ কর্তব্যের মধ্যে পরিগণিত। যে ব্যক্তি স্বয়ং শিক্ষালোকে আলোকিত

হইয়া নানাবিধ জ্ঞানধনে ধনী হইয়া তাহার ফল মাতৃভাষার চরণে অর্পণ না করেন, তাঁহার সে শিক্ষা, সে জ্ঞান বৃথা বলিয়া আমাদের মনে হয়। মাতা পিতার সেবা করা যেমন প্রত্যেক সন্তানের একটা অবশ্য কর্তব্য কর্ম, মাতৃস্বরূপিণী অথবা মাতাপৈক্ষাও গরীয়সী মাতাপিতার পূজিতা, বরণীয়া মাতৃভাষার সেবা ও তাহার শ্রীবৃদ্ধি সাধন করা তেমনই প্রত্যেক শিক্ষিত সন্তানের অবশ্য কর্তব্যের মধ্যে পরিগণিত। যিনি যতই কেন শিক্ষিত হউন না, যতই কেন জ্ঞানগরিমাদৃপ্ত হউন না, তাঁহার ভাণ্ডারে যতই কেন পাশ্চাত্য নানা দেশীয় জ্ঞানরত্ন সঞ্চিত হউক না, তাঁহার পাণ্ডিত্য খ্যাতিতে যতই কেন দিগ্‌মণ্ডল পরিপূর্ণ হউক না, তাঁহার স্মরণ রাখা কর্তব্য যে, মাতৃস্তনের সাহিত্য এই মাতৃভাষাই তাঁহার হৃদয়ের রক্ত-কণিকার সহিত মিশ্রিত হইয়াছে, এই মাতৃভাষাই তাঁহার বাক শক্তির স্কুরণ সংসাধিত করিয়াছে, এই মাতৃভাষাই পদে পদে অসংখ্য প্রকারে তাঁহার সেই বাল্যের বহু অভাব পূরণ করিয়াছে, এই মাতৃভাষাই কল্যাণ-দায়িনী মাতার গায় তাঁহার দুর্বল দেহভারকে স্বীয় করাবলম্বনে চালিত করিয়াছে এবং তাঁহারই সাহায্যে সেই অক্ষরজ্ঞানবিবর্জিত তিনি, আজ কাল এত পাণ্ডিত্য-খ্যাতি লাভ করিয়াছেন। এখন যদি তিনি নানা সম্পদের অধিকারী হইয়া সেই দীনা বাল্যোপকারিণীকে ভুলিয়া যান, তাঁহার সহিত সম্বন্ধ স্বীকারে লজ্জিত হন, তবে তাঁহার গায় অকৃতজ্ঞ, তাঁহার গায় পাষণ্ড জগতে ছলভ!

সুখের বিষয়, আজকাল অনেক সুশিক্ষিত ব্যক্তিই মাতৃভাষার প্রতি বিশেষ অনুরাগ প্রদর্শন করিতেছেন এবং যথাসাধ্য মাতৃভাষাকে সুসজ্জিতা করিতে, তাঁহার সম্পদ বৃদ্ধি করিতে যত্ন করিতেছেন; এটি বিশেষ সুলক্ষণ, তাহাতে সন্দেহ নাই এবং বলা বাহুল্য, এটি বিশেষ আনন্দের বিষয়। এরূপ আগ্রহ-শ্রোত অবিরল ধারে প্রবাহিত হইলে ক্রমে সে শ্রোতে যে বহুতর হীরক রত্নাদি ভাসিয়া মাতৃভাষার ভাণ্ডারে সঞ্চিত হইবে, সে বিষয় আমরা বিশেষ ভরসা করি।

কিন্তু সঙ্গে সঙ্গে আমাদের মনে একটা আশঙ্কারও উদয় হইয়াছে, তাহাও সাহিত্য-সেবিগণের সমীপে উপস্থাপন করিতে ইচ্ছা করি।—সেটি আদর্শের অভাব।

যাঁহারা সাহিত্য-সেবী, এই পবিত্র ব্রত যাঁহারা গ্রহণ করিয়াছেন বা

করিবার সংকল্প করিয়াছেন, তাঁহাদের মনে সাহিত্যের একটা উচ্চ আদর্শের প্রতিকৃতি থাকা একান্ত বাঞ্ছনীয়। নতুবা সাহিত্যরাজ্যে একটা বিশৃঙ্খলা উপস্থিত হইয়া তাহার উন্নতির একটা প্রধান অন্তরায় হইয়া দাঁড়ায়; বিশৃঙ্খলার ফল কোন কালেই ভাল হয় না। সুতরাং তাহার ফলে সাহিত্যের অবনতি অবশ্যম্ভাবী। এ জগুই সাহিত্যবিৎ পণ্ডিতগণ সর্বদেশে সর্বকালে সাহিত্যের একটা আদর্শ রক্ষার জগু ভূয়ো ভূয়ঃ দিব্য দিয়া গিয়াছেন। সাহিত্যের আদর্শ অনুসন্ধান করিতে গেলেই সাহিত্যের উদ্দেশ্য সম্বন্ধে বিচার করিবার প্রয়োজন। এই উদ্দেশ্য স্থির করিতে পারিলেই আদর্শেরও নির্ধারণ হইতে পারে।

আমাদের স্থান সংক্ষিপ্ত সুতরাং ইহা লইয়া অধিক বাদানুবাদ করা আমাদের পক্ষে সম্ভব হইবে না। তবে এটা বোধ হয়, অবিসংবাদী সত্য রূপে বলা যাইতে পারে যে, সাহিত্যের উদ্দেশ্য মানবমনে জ্ঞানসঞ্চার করা এবং সঙ্গে সঙ্গে মানবমনকে উন্নীত করা। বহুল পরিমাণে দৃষ্টান্ত এবং সূত্র দ্বারা মানবজীবনকে উচ্চতর ভাব সম্পন্ন করিবার চেষ্টাই সাহিত্যের মূল উদ্দেশ্য। সাহিত্যের যে শাখা প্রশাখা ধরিয়াই আলোচনা করা যাউক, সকলেই জ্ঞানদানের সঙ্গে সঙ্গে মানবচরিত্রকে, মানবের কার্যকলাপকে সংযত করিয়া স্বর্গীয় মাধুর্যের দিকে আকৃষ্ট করিতে পারেন, এইটাই সকলের মূল উদ্দেশ্য হওয়া কর্তব্য এবং মনীষিগণও তাহাই বলিয়া গিয়াছেন। প্রত্যেকেই স্বতন্ত্র ভাবে যদি এই মূল উদ্দেশ্য মনে রাখিয়া অগ্রসর হন, তবে আদর্শ স্থির করিতেও আর কষ্ট পাইতে হয় না। কোন বিখ্যাত ইংরাজ দার্শনিক সাহিত্যসেবী বলিয়া গিয়াছেন যে, যিনি ভগবানের কোন বিশেষ স্মরণার্থ বা আজ্ঞা প্রচার করেন নাই, তিনি কবি বা সাহিত্যবিৎ বলিয়া কথিত হইবার উপযুক্ত নহেন। আমাদের দেশীয় সাহিত্যকোবিদগণও এই কথাই প্রতিধ্বনি করিয়াছেন এবং যাহাতে ধর্মের মাহাত্ম্য প্রচার করিয়া তাহাতে জনসাধারণের প্রবৃত্তি, এবং অধর্মের ভয়াবহ পরিণামের চিত্র দেখাইয়া তাহা হইতে সাধারণের নিবৃত্তি জন্মাইবার চেষ্টা না করা হয়, তাহা সাহিত্য-শ্রেণীভুক্ত হইতে পারে না; এইরূপ মতই প্রকাশ করিয়া গিয়াছেন।

সাহিত্যের প্রধান এবং একমাত্র কর্তব্য, মানবসমাজকে সুনিয়ন্ত্রিত করিয়া তাহাকে সুপথে পরিচালিত করিবার চেষ্টা। মানবমন দুর্বল,

নানা প্রকারে প্রলোভিত, মানবসমাজ নানা কারণে নানা প্রকার দুর্নীতির ও কুপ্রবৃত্তির অভিনয়স্থল; সাহিত্য ধীরে ধীরে মিষ্ট ভাবে সেই সব দুর্নীতির স্রোত দমন করিয়া মানবসমাজকে স্বর্গীয় ভাবে ভূষিত করিবে, মানবমনকে সেই সর্বনিয়ন্তা মঙ্গলময়ের দিকে আকৃষ্ট করিবে, এই সাহিত্যের পবিত্র উদ্দেশ্য। এতদপেক্ষা মহত্তর উদ্দেশ্য আর হইতে পারে না, সুতরাং সাহিত্যের গায় পবিত্র বস্তুও আর হইতে পারে না। কিন্তু সাহিত্য যদি স্বীয় স্মরণ উদ্দেশ্যে বিশ্বিত হইয়া, স্বীয় পবিত্র লক্ষ্যচ্যুত হইয়া মানবসমাজের দুর্নীতির স্রোত বৃদ্ধি করিতে থাকে, সেই সব সমাজের মজ্জাগত কুপ্রবৃত্তির অনুকূলে চলিতে থাকে, তাহা হইলে তাহা সাহিত্যের পবিত্র নাম গ্রহণ করিবার উপযুক্ত নহে—তাহা সাহিত্য নামের কলঙ্ক—তাহার সমূলঘাত হননই বাঞ্ছনীয়।

সমাজে প্রতিভা সম্পন্ন সাহিত্যসেবীর ক্ষমতা অপরিমিত। তিনি স্বীয় লেখনীর অদ্ভুত ক্ষমতায় অসম্ভব সম্ভব করিতে পারেন, সলিলে অনল উৎপাদন করিতে পারেন। সুতরাং তাঁহার সেই দৈবশক্তি যদি অস্থানে নিয়োজিত হয়, তবে তাহা দ্বারা কি ভয়ানক বিপ্লবই না উপস্থিত হইতে পারে! ইহার দৃষ্টান্তস্থলে ফরাসীদেশীয় বিপ্লবের কথা বলা যাইতে পারে। তাৎকালিক ফরাসীদেশীয় প্রতিভাশালী কবি ও সাহিত্যবিৎগণ যদি ধূমায়মান প্রজার অসন্তোষ বহিঃস্বীয় স্বীয় লেখনী-তাড়িত-ঝঞ্ঝাবাতে প্রজ্জ্বলিত না করিতেন, তাহা হইলে ঐরূপ বিপ্লব উপস্থিত হইত কি না সন্দেহ।

প্রতিভাশালী সাহিত্যসেবীর এইরূপ অপরিমিত ক্ষমতা আছে বলিয়াই তাঁহার সেই ক্ষমতা সংপথে চালিত হওয়া একান্ত প্রয়োজন, তাহা হইলে তদ্বারা সমাজ অনেক উন্নত এবং বহুপ্রকারে উপকৃত হইতে পারে।

মহাকবি বাল্মিকী এবং বেদব্যাসের অমৃতময়ী লেখনী-প্রসূত অমৃত ভাণ্ডার রামায়ণ এবং মহাভারত ভারত সমাজের কত উপকার সাধন করিয়াছে, তাহা ভারত-সন্তানকে বুঝাইতে হইবে না। নানাবিধ পুরাণ, গ্রন্থাবলী, ভারত-সন্তানের হৃদয়কে ধর্মপ্রবণ করিতে কতরূপে সাহায্য করিয়াছে, তাহার বর্ণনা পুনরুক্তি মাত্র বলিয়া বোধ হয়? ভারতের কাব্য, সাহিত্য, নাটক, কথা, যাহার দিকেই দৃষ্টিপাত করুন না কেন, সাহিত্যের পবিত্র লক্ষ্যের উচ্চতম উদ্দেশ্যের পরিচয় প্রত্যেক ক্ষেত্রেই প্রাপ্ত হইবেন।

সুধু ভারত বলিয়া নহে, পাশ্চাত্য স্থায়ী সাহিত্যের প্রতি দৃষ্টিপাত করি-

লেও এই সত্য সুপারিস্ফুট হইবে, সন্দেহ নাই। যে সব তথাকথিত সাহিত্য এই পবিত্র লক্ষণানুপ্রাণিত নহে, তাহারা কখনও স্থায়ী হইতে পারে না, স্থায়ীও হয় না। সাহিত্যের উদ্দেশ্য যখন এইরূপ সামাজিক এবং নৈতিক পবিত্রতা রক্ষণ এবং মানবমনে ধর্ম্যভাবের উদ্দীপনা, তখন তাহার আদর্শও তদনুরূপই হওয়া কর্তব্য।

প্রত্যেক সাহিত্যসেবীরই ভগবৎসান্নিধ্য চেষ্টারূপ মহত্তম আদর্শ মনে অঙ্কিত করিয়া সাহিত্য-সেবা-ব্রত গ্রহণ করা আবশ্যিক। তাঁহাদের স্মরণ রাখা উচিত যে, তাঁহাদের মাতৃসেবা করিতেছেন, মাতার শোভা সম্পদ বৃদ্ধি করিতেছেন, স্তত্রাং অপবিত্র বস্তু দ্বারা, অপবিত্র অলঙ্কার দ্বারা তাঁহারা কেমন করিয়া সে পবিত্র কার্য্য নিকর্ষাই করিবেন ?

সে কার্য্যে সর্বোৎকৃষ্ট বস্তু সংগ্রহ বা সৃষ্টি করাই তাঁহাদের কর্তব্য। প্রত্যেকেই যদি অন্তরের সহিত সেই চেষ্টা করেন, তাহা হইলে পূর্ণ না হইলেও স্বীয় সাধনা এবং ক্ষমতার অনুরূপ আংশিক সফলতাও লাভ করিবেন ; তাহাই পরম লাভ।

সাহিত্যসেবী কবিই হউন, ঔপন্যাসিকই হউন, ভ্রমণকারীই হউন, প্রব্রতত্ববিৎই হউন, অথবা পুরাতত্ত্বানুসন্ধিৎসুই হউন, সর্বদাই সত্য ও পবিত্রতার প্রচারই তাঁহার জীবনের একমাত্র ব্রত হওয়া একান্ত প্রয়োজনীয়। তাহা হইলেই তাঁহার সাহিত্যসেবা সার্থক, তাঁহার সেই সেবার ফল আদর্শ সাহিত্যের ভাণ্ডারে সম্বলে রক্ষিত ও সম্মানিত হইবার যোগ্য—তিনিই মাতৃ-ভাষার সুসত্তান।

সাহিত্যে এইরূপ উচ্চ আদর্শের অভাব হইলে, সাহিত্যসেবিগণ এই পবিত্র লক্ষ্যভ্রষ্ট হইলে, তদ্বারা সমাজের অশেষবিধ ক্ষতি হইয়া থাকে, সামাজিক নিয়মপদ্ধতি পর্য্যুদস্ত হয়, মানবসাধারণের মন নীচগামী হয় স্তত্রাং তাহার ফলে দুর্নীতি-স্রোত অবাধে সমাজ মধ্যে প্রবাহিত হয়—সুবিমল সাহিত্যোদ্যানে নানাবিধ আবর্জনার উৎপত্তি হইয়া উদ্যানের শোভা এবং পবিত্রতা একেবারে দূরীভূত করিয়া দেয়। সাহিত্য-সেবা ব্রত বড় কঠিন—বিশেষ সাধনার বিষয়। এই পবিত্র ব্রত গ্রহণ করিতে হইলে হৃদয়তন্ত্রী উচ্চগ্রামে বাঁধিতে হয়, পার্থিব আপাতমনোরম অসংখ্য প্রলোভন হইতে স্বীয় হৃদয়কে সম্পূর্ণ বিমুক্ত রাখিয়া, সৎ গুরুর পদাঙ্কানুসরণ পূর্ব্বক সাবধানে অগ্রসর হইতে হয়—আর সর্বদা সেই পবিত্র আদর্শের

প্রতি লক্ষ্য রাখিয়া চলিতে হয়। জনসাধারণের নিন্দা বা প্রশংসা-লাগসাকে সম্পূর্ণ বিদূরিত করিয়া, ধনশালী হইবার আশাকে জলাঞ্জলি প্রদান পূর্ব্বক স্বীয় কর্তব্যপালনে প্রস্তুত হইতে হয়, নতুবা এ সাধনার সিদ্ধিলাভ করা, এ পবিত্র ব্রত উদ্ঘাপন করা অসম্ভব !

সাহিত্যসেবীকে যদি সমাজের প্রবৃত্তি দেখিয়া তদনুরূপে চলিতে হয়, অর্থের দিকে দৃষ্টিপাত করিতে হয়, তাহা হইলে তাঁহার আদর্শ হইতে বিচ্যুত হওয়া অবশ্যস্তাবী !

তাঁহার মনে রাখা কর্তব্য, তিনি শাসক, শিষ্য নহেন, তিনি জনসাধারণের প্রবৃত্তিকে নিয়ন্ত্রিত করিবেন, প্রশংসা দিবেন না, তিনি দুর্নীতি দমন করিবেন, তাহার প্রসর বৃদ্ধি করিবেন না। তিনি সাধারণের রুচি পরিমার্জিত করিবেন, আরও কলঙ্কিত করিবেন না।

সমাজের প্রবৃত্তির স্রোত কোন্ দিকে বহিতেছে, তাহা নির্ধারণ পূর্ব্বক যিনি সেই দিকেই স্বীয় লেখনী পরিচালনা করিয়া, সেই স্রোতাবেগ আরও বৃদ্ধি করেন, তিনি অর্থলাভ করিতে পারেন বটে, কিন্তু মায়ের দেহে কলঙ্ক-কালিমা লেপন জন্য পরকালে তাঁহাকে অসীম কষ্ট পাইতে হইবে, এ বিষয় আমি সন্দেহ করি না। ইহকালে তিনি আপাতমধুর প্রশংসাবাদ শ্রবণে স্বীয় কর্ণের পরিতৃপ্ত সাধন করিতে পারেন বটে, কিন্তু তাঁহার প্রেতাগ্না তাঁহার ভবিষ্যৎ দুর্দশা দেখিয়া বিশেষ স্মৃথ অনুভব করিবেন বলিয়া বোধ হয় না। এইরূপ গ্রন্থকারগণের পাপের মাত্রা বড় কম নহে, তাঁহারা যে সমস্ত বিষবৃক্ষ সাহিত্য-কাননে সুরম্য তরু বলিয়া রোপণ করিয়া যাইবেন, তাহার ফল ভক্ষণে চিরকাল মানবগণ দুঃখ পাইবে, এমন কি, তাহার বিষময় বায়ু সংস্পর্শে পর্য্যন্ত সমাজ দূষিত হইয়া পড়িবে।

কিন্তু বড়ই দুঃখের বিষয় যে, বঙ্গসাহিত্য-সেবিগণের অনেকে সে বিষয় বিস্মৃত হইয়াছেন ; তাঁহারা যেন সাহিত্যের পবিত্র আদর্শ দূরে নিক্ষেপ করিয়া, ইহকালের অর্থ এবং তোষামোদ লাভ করাই শ্রেষ্ঠ বলিয়া স্থির করিয়াছেন, তাই সমাজের রুচি ও প্রবৃত্তি সংস্কারের চেষ্টা না করিয়া, তাহা আরও বিষময় করিয়া তুলিবার জন্ত সচেষ্ট হইয়াছেন। তাহার ফলে বঙ্গ-সাহিত্য-ভাণ্ডারে সাহিত্যের নামে অনেক আবর্জনা সঞ্চিত হইতেছে ; কিন্তু প্রকৃত আদর্শ সাহিত্য অতি কমই প্রণীত হইতেছে। ইহা বঙ্গ-সাহিত্য-সেবির পক্ষে প্রশংসার কথা নহে।

এই ছুদ্দিনে যে সকল মহাত্মাগণ স্বীয় অর্থাগম, প্রশংসা ইত্যাদির প্রতি কিছু মাত্র মন না দিয়া সেই পবিত্র আদর্শ অবলম্বনে মাতৃভাষার সেবা করিতেছেন এবং অক্লান্ত ও অশ্রান্তভাবে এই সব আবর্জনা বিদূরিত করিয়া সমাজের প্রবৃত্তিস্রোত ফিরাইবার জন্য চেষ্টা করিতেছেন, তাঁহারা বাস্তবিকই আমাদের আন্তরিক শ্রদ্ধা ও ভক্তির পাত্র—তাঁহাদিগকে ভগবান পুরস্কৃত করিবেন।

ঔপন্যাসিক এবং ক্ষুদ্র গল্প লেখকগণের আদর্শের দিকে দৃষ্টি রাখা আমি অত্যন্ত বেশী প্রয়োজনীয় বলিয়া মনে করি। কারণ তাঁহাদের গ্রন্থের পাঠক বোধ হয় সর্বাঙ্গপেক্ষা বেশী। উপন্যাস, গল্প প্রভৃতির একটা আকর্ষণী প্রবৃত্তি এবং চিত্তরঞ্জিনী ক্ষমতা থাকায় মানবের মন স্বভাবতঃই তাহার দিকে অধিক পরিমাণে আকৃষ্ট হয়, এবং এই সব গল্প এবং উপন্যাস মানুষের মনের উপর একটা বিশেষ কার্য ও প্রভাব করিয়া থাকে।

কি স্ত্রী, কি পুরুষ সকলেই নাটক, উপন্যাসাদির প্রতি সাধারণতঃ কিছু বেশী অনুরক্ত; জীবনচরিত, ইতিহাস, প্রত্নতত্ত্ব ইত্যাদির পাঠক খুব কম। এজন্য এই সব লেখকদিগের এই আদর্শের দিকে খুব বেশী লক্ষ্য রাখা আবশ্যিক, এবং স্বীয় স্বীয় জাতি, ধর্ম, সামাজিক বিধি ব্যবস্থার প্রতি ও বিশেষ দৃষ্টি রাখিয়া সাবধান হইয়া চলা কর্তব্য। তাঁহারা দেশ, কাল ও পাত্র বিবেচনায় যদি বেশ উচ্চ আদর্শ সমন্বিত চিত্রাবলী পাঠকবর্গের সম্মুখে উপস্থিত করেন, তাহা হইলে সেই সব চিত্রের দ্বারা পাঠক-সাধারণের হৃদয় উন্নীত এবং সঙ্গে সঙ্গে সমাজেরও অশেষ কল্যাণ সাধিত হইতে পারে। সমাজের নানারূপ পাপ, অত্যাচার, অনাচার, দুর্নীতি যথেষ্ট পরিমাণে রহিয়াছে, সে সকলের চিত্রও আমরা অহরহ প্রত্যক্ষ করিতেছি, সুতরাং তাহা উজ্জ্বল বর্ণে দেখাইবার এত প্রয়োজনীয়তা দেখা যায় না। মানবের দোষ, ক্রটি, পদস্থলন অনবরতই হইতেছে, সে গুলি দেখাইয়া না দিলেও আমাদের দেখিবার যথেষ্ট অবসর রহিয়াছে, তাহা দেখাইতে অধিক পরিশ্রম না করিলেও ক্ষতি নাই, কিন্তু সেই সব দোষ, ক্রটি প্রভৃতি হইতে কিরূপে স্বীয় পবিত্রতা রক্ষা করা করিতে পারা যায়, স্বীয় আত্মাকে মুক্ত রাখিতে পারা যায়, সেই সব অত্যাচার, অনাচার ও দুর্নীতি কিরূপে অপসৃত হইতে পারে, সেরূপ চিত্র আমরা সমাজে বড় দেখিতে পাই না, সুতরাং সেই গুলিই আমাদের দেখাইয়া দেওয়া আবশ্যিক। বিধবা কুলযুবতী আত্মসংযম শিক্ষার

অভাবে বলবান হৃদয়গ্রামের প্রবল আকর্ষণে, পাপরূপ পিশাচের মোহন প্রলোভনে কিরূপে মুহূর্তের ভুলে সমস্ত জীবনটিকে অপবিত্র এবং ছুঃখময় করিয়া ফেলে, নবীন যুবক কিরূপে প্রবৃত্তির তাড়নায় নানারূপ মোহমত্তে কুলকামিনার সর্বনাশ সাধন করিয়া থাকে, তাহার দৃষ্টান্ত নরসমাজে ছুঃপ্রাপ্য নহে। কিন্তু বিধবা যুবতী কিরূপে শত শত প্রলোভন উপেক্ষা করিয়া স্বীয় সতীধর্ম অক্ষুণ্ণ রাখিয়া স্বর্গের পরিজাত অপেক্ষাও পবিত্র সৌরভমণ্ডিতা থাকে, যৌবনদৃষ্ট যুবক কিরূপে স্বীয় শ্রলুক ইঞ্জিরকে সংযত এবং নিগূহীত করিয়া চরিত্রের পবিত্রতা রক্ষা করিয়া থাকে, সে সব চিত্র আমরা বড় একটা দেখিতে পাই না। আমরা তাই দেখিবারই প্রয়াসী। দৃষ্টান্ত স্বরূপে উল্লিখিত ছুই একটা বিষয়ের কথা বলা হইল মাত্র, এইরূপ সর্ববিষয়েই উচ্চ আদর্শ প্রকটন করা এই শ্রেণীর লেখকগণের কর্তব্য। পাপের চিত্র, অত্যাচারের চিত্র, তিনি দেখাইবেন না, তাহা নহে, কিন্তু তাহা দেখাইতে যে তাঁহার নয়নের কোণে অক্ষ আসিয়াছে, হৃদয়ে ঘৃণা আসিয়াছে, তাহা পরিস্ফুটরূপে চিত্রিত হওয়া চাই। কিন্তু ছুঃখের বিষয় যে, অনেকে সে বিষয় সম্পূর্ণ উদাসীন বরণ তাঁহাদের লিখনভঙ্গীতে বোধ হয় যে, অতি ঘৃণ্য চিত্র দেখাইতেও তাঁহারা একটা আনন্দ, একটা আমোদ বোধ করিতেছেন। ধিক, সে সমুদয় গ্রন্থে! ধিক, সে সমুদয় গ্রন্থকারকে! তাঁহারা পবিত্র প্রেমের নামে জঘন্য লালসা চালাইতেছেন, স্নেহের নামে, দয়ার নামে স্বার্থপরতা চালাইতেছেন, উচ্চ আদর্শের নামে অসামাজিক ধর্ম-বিরোধী ভাবের সমাবেশ করিতেছেন। অনেকে আবার ইংরাজি গল্প ও উপন্যাসের আদর্শে গল্প উপন্যাস জন্মাইয়া আমাদের সমাজে চালাইতেছেন, তাঁহারা একবারও বিবেচনা করেন না যে, পাশ্চাত্য রীতিনীতি, সমাজপদ্ধতি প্রভৃতির সহিত অস্বদেশীয় প্রথার কত বৈষম্য; সে সব আদর্শ এ সব দেশে, এ সব সমাজে খাটিতে পারে না। যদি তদনুসারে সমাজ চলিতে বসে, তাহা হইলেও সেটা তত প্রীতিপ্রদ হয় না। ইহারা স্বীয় দায়িত্বের গুরুত্ব বিস্মৃত হইয়া যান। এই সব চিত্রে, এই সব বিকৃত আদর্শে, সমাজে লোকচক্ষুর অগোচরে যে ধীরে ধীরে ধ্বংসের বীজ সঞ্চিত হইতেছে, তাহা ভাবিবার মুময় বা অবসর তাঁহাদের নাই! কেবল চমকপ্রদ বা বৈচিত্র্যপূর্ণ ঘটনা সমাবেশ হইলেই তাঁহাদের বাহাহুরী হইল বলিয়া তাঁহারা মনে করেন!

আমাদিগের করপুটে নিবেদন, সাহিত্য-সেবিগণের মধ্যে ষাঁহারা এই

পথ অবলম্বন করেন, তাঁহারা যেন আমাদের এই কথা গুলি মনে রাখিয়া প্রকৃত আদর্শের প্রতি মনোযোগ পূর্বক কার্যে প্রবৃত্ত হন, তাঁহাদিগের নিকট আমরা অনেক আশা করি, সমাজ অনেক প্রত্যাশা করেন, এটা যেন তাহাদের মনে থাকে ।

ইঁহাদের পরই কবিগণের দায়িত্ব । ‘পরেই’ বলিলাম, তাঁহার কারণ এই যে, গল্প এবং উপন্যাসের পাঠক অপেক্ষা কবিতার পাঠক কম । কবিগণের উচ্চ আদর্শের প্রয়োজনীয়তা কিন্তু সর্বাপেক্ষা বেশী । আমরা কবি বলিতে প্রকৃত কবিত্ব সম্পন্ন স্বভাবকবিগণের কথাই বলিতেছি, নতুবা কবি তো আজকাল হাটে, মাঠে, ঘাটে সর্বত্রই ! ইংরাজি পুস্তকে পাঠ করা যায় যে, পূর্বে পাশ্চাত্য অনেক পল্লীতে সর্বাপেক্ষা স্থূলবুদ্ধি, অজ্ঞ, অশ্রু কার্যে অপারগ ব্যক্তিকেই গ্রাম্য বিদ্যালয়ের শিক্ষকতা কার্যে ব্রতা করা হইত, অথচ এই কার্যেই একটু বুদ্ধিচালনা ও বিদ্যার প্রয়োজন হয় ; আজ কালকার কবিদেরও অনেকের দশা তাই । আর কিছু পারুন আর নাই পারুন, ভাষা বা ব্যাকরণ জ্ঞান থাকুক বা না থাকুক, “কোকিল কুহু কুহু,” “অখিল উহু উহু” প্রকারে উৎকট কবিতা সৃষ্টি করিতে পারেন, আর গল্প লিখিতে পারেন একরূপ লোক যথেষ্ট । এ বিষয়ের সত্যতা প্রমাণের জন্য অধিকদূর যাইতে হইবে না, আজকালকার মাসিক পত্রিকার পরিচালকগণের নিকট জিজ্ঞাসা করিলেই ইহার সত্ত্বের পাইবেন ; তাঁহাদের কেহ কেহ তো বলিয়াছেন যে, তাঁহারা “জ্বালাতন” হইয়া গিয়াছেন—এমনই কবিত্বের তেজ !

কিন্তু আমার বোধ হয় যে, ঐ দুইটি বিষয়ই বিশেষ কঠিন । যাহা হউক, কবিগণ দেশের মনোভাব প্রকাশ করার মুখপাত্র । সুতরাং তাঁহাদের উচ্চ আদর্শের দিকে লক্ষ্য না থাকিলে চলিবে কেন ? যত প্রকারে সম্ভব, তাঁহারা স্বীয় স্বর্গীয় সুরলয়বদ্ধ বাণা-ঝঙ্কারে স্বর্গীয়-স্বপ্নাত-লহরীই গান করিবেন । সে লহরী মানবহৃদয়ের অন্তরতম প্রদেশে ধ্বনিত হইয়া প্রতিধ্বনি উৎপাদনের চেষ্টা করিবে, হৃদয়ের তন্ত্রীগুলিকে শবল করিয়া তুলিবে, জীবনের লক্ষ্যপথে ধাবিত হইবার জন্ত একটা অদম্য উৎসাহ জন্মাইয়া দিবে ; অথবা কখনও হৃদয়ের কোমল বৃত্তি নিচয়ের অনুলীলনে ইহজীবনে পবিত্র স্বর্গস্থল অনুভব করিবে—কখন পবিত্র প্রেমের মাধুরীময়ী মুচ্ছনায় মুগ্ধ হইয়া তাঁহার মধ্য হইতে সেই প্রেমময়ের অতুল প্রেমের বিকাশাভাস অনুভব করিবে, কখন স্নেহ-করণার অমৃতধারায় অভিষিক্ত হইয়া জগজ্জনীর বিশ্বব্যাপী

স্নেহসত্ত্ব প্রত্যক্ষ করিবে ; আবার কখন অত্যাচারীর নির্দয় পীড়নক্লিষ্ট, অসহায়ের কাতর ক্রন্দনে ভগবানের আহ্বানের ধ্বনি স্পষ্ট শুনিতে পাইয়া ভীম বিক্রমে তৎসাহায্যে অগ্রসর হইবে । কখন পুণ্যের বিমল জ্যোতিরুদ্ধাসিত হৃদয়ে ভগবানের পবিত্র সিংহাসনের সমীপস্থ হইতে আগ্রহান্বিত হইবে, কখন বা স্বীয় অসীম পাপের স্মৃতিতে অনুতাপানলে দগ্ধ হইয়া কাতরে করুণাময়ের রূপাভিক্ষা করিবে, কখন বা নিরাশা-মাগণে ভাসিতে ভাসিতে তাঁহার মধ্যেও মঙ্গলময়ের শান্তিময় মঙ্গলহস্ত দেখিয়া আশান্বিত হইবে । অতুল সৌন্দর্যের আধারভূতা প্রকৃতি দেবীর প্রত্যেক ভূগুণে, প্রত্যেক বৃক্ষে, প্রতি জীব জন্তুতে স্বর্গীয় সৌন্দর্যের আভাস দেখিয়া হৃদয়কে সেই সৌন্দর্য্যাধারের চরণে চালিয়া দিবে । কত বলিব ! কবির ক্ষমতা, কবির মাহাত্ম্য অপরিণীম । তিনি ইচ্ছা করিলে কি না করিতে পারেন ? এজন্য তাঁহাকে আমরা এই আদর্শের প্রতি লক্ষ্য রাখিবার জন্ত একান্ত অনুরোধ করি । তাঁহার আসন পার্থিব ইন্দ্রিয় তৃষা, স্বার্থের কোলাহল, দুর্নীতির স্রোতের অপেক্ষা অনেক উচ্চে, অনেক উর্দ্ধে । তাঁহার আসন স্বর্গে, তাই তাঁহার নিকট আমরা স্বর্গের বাণীই শুনিতে চাই, স্বর্গের চিত্রই দেখিতে চাই । তাঁহার প্রেমে, তাঁহার স্নেহে, তাঁহার গীতে, তাঁহার সুরে আমরা সেই সুরলোকের পবিত্রতাই প্রত্যাশা করি ।

পবিত্র আদর্শ ভিন্ন সাহিত্য কখন স্থায়ী হইতে পারে না, সাহিত্যের উদ্দেশ্য কখন সিদ্ধ হইতে পারে না, সমাজ কখন উন্নীত হইতে পারে না । কেবল এই পার্থিব-ছাই ভস্ম, রক্ত মাংস লইয়া কখন সাহিত্য মানবজীবনের উন্নতি সম্পাদন করিতে সক্ষম নহে ।

আমাদের স্থান সংক্ষেপ, ইচ্ছা থাকিলেও আর বেশী দূর অগ্রসর হইতে পারিলাম না । কিন্তু সাহিত্যে আদর্শের প্রয়োজনীয়তা যে অত্যধিক, তদভাবে যে সাহিত্য স্বীয় পবিত্র ব্রত সাধনে সক্ষম নহে, আদর্শহীন সাহিত্য যে সাহিত্য নামের কলঙ্ক, তাহা বোধ হয় সকলেই স্বীকার করিবেন । বরং সাহিত্য সৈবা না করা শ্রেয়ঃ, বরং একেবারে সাহিত্য চর্চা বা পাঠ না করা ভাল, কিন্তু তথাপি অসং সাহিত্য চর্চা বা তাহা পাঠ করা উচিত নহে । আদর্শ সাহিত্য যেমন হৃদয়ের বৃত্তি নিচয়কে উন্নীত করে, স্বর্গের দিকে লইয়া যায়, অসং সাহিত্য ঠিক তদ্বিপরীত কার্য করিয়া থাকে, সমাজে পাপ দুর্নীতি স্রোত বহাইয়া থাকে । অতএব প্রত্যেক সাহিত্যসেবীই যেন সাহিত্যে আদর্শের প্রতি দৃষ্টি রাখিয়া স্বকর্তব্য পালনে অগ্রসর হন । দেখিবেন,

সাহিত্যতরু ক্রমে নানা স্বর্গীয় পুষ্পফলপল্লবে শোভিত হইয়া ধরায় স্বর্গের সৌরভ বহাইতেছে! সাহিত্য দেবতা আশীর্বাদ করুন, বঙ্গ-ভাষার সুসন্তানগণের চেষ্টায় বঙ্গ-সাহিত্যোদ্যান আদর্শ-সাহিত্য-কুমুমে সুশোভিত হউক, দুষ্ট তরুলতানিচয় সকলের সমবেত যত্নে দূরীকৃত হউক। উদ্যানের স্বর্গীয় সৌরভে হৃদয় পুলকিত হউক এবং সে সৌরভ দেশ দেশা-ব্যাপ্ত হইয়া জনগণের মনোরঞ্জন করুক, সঙ্গে সঙ্গে মাতৃভাষা সর্বদেশে জয়যুক্তা এবং সম্মানিতা হউন।

শ্রীযত্ননাথ চক্রবর্তী বি, এ।

বিচার ।

সদস্য জ্ঞানের নাম বিচার। সদস্য বিচার করাকেই বিবেক বা বৈরাগ্য কহে। যাঁহার বিবেক নাই, তিনি বিচারক হইতে পারেন না।

ভাল ও মন্দের বিচার করাই বিচারকের উদ্দেশ্য। কিন্তু জগতে ভাল মন্দের বিচার হয় না। অমৃতময় জগদীশ্বরের রাজ্যে সবই ভাল। তিনি মন্দ ভারিয়া কিছুই করেন নাই। তবে মন্দ বলি কাহাকে? নিজের অবস্থাকে।

বস্তুতঃ জগতে অবস্থা এবং তুলনা দ্বারা যাহা কিছু মীমাংসা হয় বা বিচার হয়। নচেৎ অনন্তের রাজ্য প্রত্যেক বস্তুই অনন্তমুখী! উহার কোন মুখ ধরিবে? অনন্তের মুখ কোথায়? কাজেই তুলনা এবং অবস্থার ভিতর ফেলিয়া, অনন্তকে সীমাবদ্ধ করিয়া লইতে হয়; তবে বিচার হয়।

বলি রাম ভাল, কি শ্রাম ভাল? একজন বলিল, “রাম ভাল।” উত্তরে “কিসে ভাল দেখিলে?” শ্রামাপেক্ষা “রাম উচু ক্র্যাসে পড়ে।” উত্তরে “জগতে রামাপেক্ষা উচু ক্র্যাসে পড়ে এমন ছেলে কি নাই?”

“তা থাকিবে না কেন? জগতে পিতার পিতা আছে, আবার তাঁহার পিতা আছে, এইরূপ কত অসংখ্য পিতা আছে।”

“তবে রাম বড় কিসে?”

“শ্রামের তুলনায়।”

“তাই বল।”

এইরূপ জগতে যাহা কিছু বিচার করা হয়, তাহা তুলনা এবং অবস্থা ধরা ভিন্ন অল্প কোন প্রকারে বিচার হয় কি? বল দেখি, “অহিফেন ভাল কি ছুন্ধ ভাল?”

ছুন্ধ ভাল।”

“কিসে ছুন্ধ ভাল দেখিলে?” প্রথম ছুন্ধের সঙ্গে অহিফেন তুলনা করুন।”

“এ ক্ষেত্রে তুলনা হয় না।”

“কেন? এই যে বলিলেন, তুলনার দ্বারা বিচার করিতে হয়।”

“হয় বটে, কিন্তু আমি ছুই বলিয়াছি, তুলনা এবং অবস্থা। (১) এক জাতীয় হইলে “তুলনা” দ্বারা এবং বিজাতীয় হইলে অবস্থার দ্বারা বিচার করিতে হয়। “রাম” এবং “শ্রাম” ছুই জনেই “মানুষ।” এই জন্ত উহার “এক জাতীয়।” কিন্তু অহিফেন এবং ছুন্ধ এক জাতীয় নহে, অহিফেন বৃক্ষে জগতের দ্রব্য, ছুন্ধ প্রাণী জগতের বস্তু। কাজেই ইহাদের বিচার তুলনা দ্বারা হয় না। অবস্থা ধরিয়া উহাদের বিচার করিতে হয়। যদি আমরা বলিতাম, বল দেখি চীনের অহিফেন এবং ভারতের অহিফেন ইহার মধ্যে কোন আফিং ভাল? তাহা হইলে অবস্থা দ্বারা বিচার করা চলিত। কিন্তু বিজাতীয় হইলে অবস্থা দ্বারা বিচার চলে কৈ?”

“তাই বুঝি সিডিসন এক্ট কেবল ভারতবাসীর জন্ত হইল, ইংরাজের জন্ত হইল না।”

উত্তরে “কেবল সিডিসন আইন কেন? অনেক বিষয়ে ঐরূপ বিচার আছে! পরমেশ্বরের হিসাবে ইংরাজ এবং বাঙ্গালী এক মানুষ বটে। কিন্তু লৌকিক হিসাবে ইংরাজ এবং আমরা বিজাতীয়। “গুডম্যান” এবং “নোবল” এই ছুই জন ইংরাজের মধ্যে গুডম্যানের রাজত্ব আছে, অতএব গুডম্যানের রাজ্য যদি নোবল বিদ্রোহী হইয়া কাড়িয়া লয়, তাহা হইলে তবু ইংরাজের রাজত্বই থাকিল। কারণ উহার ছুই জনেই “ইংরাজ।” তাই সিডিসন আইন অবস্থাভেদে রাখা হইয়াছে। পরমেশ্বরের তুলনায় রাখা হয় নাই। যাউক ওসকল কথা। এখন তুমি অহিফেন এবং ছুন্ধে না হয় তুলনা করিয়া যাও।

“সেই ভাল। প্রথম দেখুন, অহিফেন শিশুরা খাইলে প্রায় মারা যায়। অহিফেনে বাহ্যে কসা হইয়া যায়। মানুষে আত্মহত্যা করিতে ইচ্ছা করিলে,

উহা দ্বারা সে কার্য সিদ্ধি হয়, কারণ উহা বিষ। তাহার পর উহার দ্বারা স্ত্রীখোর হয়। অতএব তাহার দ্বারা দেশের এত অনিষ্ট হয়, তাহাকে ভাল বলিব কি করিয়া? তাহার পর ছুঙ্কের তুলনায় দেখুন। শিশুদের জীবন ছুঙ্ক। এক ছুঙ্কে পঞ্চ অমৃত হইয়াছে। ছুঙ্ক দ্বারা লোকে আত্মহত্যা করিতে পারে না। ছুঙ্ক অমৃত।”

“বস্তুতঃ তুলনা দ্বারা উক্ত দুই দ্রব্য বিষ এবং অমৃতবৎ প্রভেদ। কিন্তু উদরাময় রোগীর পক্ষে ছুঙ্ক বিষবৎ এবং অহিফেন অমৃত সমান হইয়া থাকে। অর্থাৎ লোকের অবস্থানুসারে উহার বিষ এবং অমৃত নাম পাইয়া থাকে। দেখ, শেঁকো, কুচিলা, কাঠবিষ, অহিফেন এমন কি হাইড্রোসিনিক এসিড পর্য্যন্ত মানুষের অবস্থানুসারে অমৃতবৎ কার্য করিয়া থাকে। বল দেখি, বিষবোধে উহাদের একেবারে পরিত্যাগ করিতে পারি কি? কেন পারি না? কারণ উহারা সবাই অমৃত।

অতএব জগতে আদিয়া ব্যবহার শিক্ষা করিতে হয়। সকল দ্রব্যই বিষামৃত মিশ্রিত। আমাদের উহা বাছিয়া ব্যবহার করিতে হইবে। আমরা কাহাকেও কেবল বিষ এবং কাহাকেও কেবল অমৃত বলিতে পারি না; তাহা হইলে আমরা বিচারক হইব কি করিয়া? দেখ, ছুরি দ্বারা আমাদের কত উপকার হয়; কিন্তু উহার ব্যবহারের ঈষৎ গোলযোগ হইলেই সেই ছুরি দ্বারা হস্ত কাটিয়া যায়। কাপড়ে কত উপকার, কিন্তু উহা দ্বারাই আত্মহত্যা করা যায়। অগ্নি দ্বারা কত উপকার, কিন্তু ব্যবহার না জানিলে, উহাতেই পুড়িয়া মরিতে হয়। জলে কত উপকার; কিন্তু সেই জলেই ডুবিয়া মরা যায়। যে নৈলেয়া গৌয়ার, তাহারাই দেশ জয় করিয়া আমাদের শাস্তি নিকেতনের ভিত্তি স্থাপন করিয়া দেয়। এখন বল দেখি, জগতে কে ভাল, কে মন্দ? মদ্যকে মন্দ বলিবে? বল, আমরাও তোমাদের সঙ্গে বলি “মদ্য বিষ! হিন্দুর অস্পর্শীয় দ্রব্য। উহা ব্যবহার করিলে, বিদ্যা বুদ্ধি, ধনে এবং প্রাণে মারা যাইতে হয়।” কিন্তু যখন সান্নিপাতের রোগে রোগীর জীবন রক্ষার জন্ত ষ্টিমুলেন্ট মিক্শচারে মদ্য প্রয়োগ করা যায়; সে সময় রোগী বাঁচিয়া গেলে, মদ্যকে বলি “ধন্য তুমি! তোমার কৃপায় আজ এক জনের জীবন পাইলাম।”

নিজের অবস্থার সহিত মিলাইয়া আমরা দ্রব্যের ব্যবহার করি না বলিয়াই আমরা ইহা মন্দ, ইহা ভাল, এইরূপ বলিয়া থাকি। মতে পরমেশ্বরের

সৃষ্ট বস্তুর সমালোচনা আমরা করিয়া দিব, সে আশা ঈশ্বর করেন না। আমরা “নিজেরাই” তাহার সৃষ্ট বস্তু। আমরা সৃষ্ট বস্তু হইয়া “সৃষ্ট বস্তুর” ভাল মন্দ বিচার করি,—ইহা কেমন বোধ হয় বল দেখি? ঠিক যেন এক গ্যাসকেশে কতকগুলি পুস্তক রহিয়াছে, তন্মধ্যে এক পুস্তক অপর পুস্তককে মন্দ বলিতেছেন। তৎক্ষণাৎ পুস্তক খানি ধরিয়া দেখিলাম, তাই বটে, অনেক কথা অপরের বিরুদ্ধে বলা হইয়াছে। কিন্তু ছুঙ্কের বিষয়, গ্রন্থকর্তাকে তথায় উপস্থিত দেখিলাম না! গ্যাসকেশের নিকটে দাঁড়াইয়া অনেক প্রভুর কথা শুনিলাম, কিন্তু কাহাকেও দর্শন পাইলাম না। এখানে সব গ্রন্থকর্তাই নিরাকার! অথচ “সৃষ্ট বস্তুতে” “সৃষ্ট বস্তুতে” বিবাদ গ্যাসকেশ ভরা!!

বিচারক হওয়া বড় শক্ত কার্য। প্রথমতঃ বিবেক বৈরাগ্য চাই, তুলনা এবং অবস্থা জ্ঞান চাই। তাহার পর নিজের অবস্থা বোধ হওয়া চাই; কারণ যে “আমি” এখানে আছি,—এই হাত পা ওয়ালা “আমি”। বিচারক হইতে পারি না। এই হাত পা ওয়ালা আমাকে যিনি পরিচালিত করেন, সেই “আমি”তেই বিচারক হইতে পারি। কিন্তু এ দেশের কয়জন বিচারক “সেই আমির” সংবাদ লয়? সেই আমি “আমাদের” সঙ্গে সঙ্গে ঘুরিতেছে; নচেৎ আমরা এক মুহূর্ত্ত জীবিত থাকিতে পারি না। সঙ্গে আছে, তবু তাকে পাই না! কেন পাই না? এই হাত পা ওয়ালা আমিটার জন্ত! এই আমিটাতে হাই দিলে যেমন দর্পণের গাত্রে জল দাঁড়াইয়া দর্পণ ঘোলা হয়, ইহাও তদ্রূপ। এই দেখ হাঁসি, খুঁসি, পরেই দেখ রাগা-রাগি, এই আমি যেন বাতাসে ঘুরিয়া বেড়ায়!—ফুঁ দিলে উড়িয়া যায়! এই আমি কিছু টাকায় কিম্বা ছুটা স্মৃতিটির কথায় যেন গলিয়া যায়।—আনন্দে নাচিতে থাকে! আবার ছুটা অখ্যাতির কথা শুনিলে, রাগিয়া যেন মাতাল সাহেব হইয়া পড়ে! অতএব “এই আমি” কখনই বিচারক হইতে পারে না।

কিন্তু সময় মতে চেষ্টা করিলে এই আমির ভিতর সেই আমিকে প্রত্যহ পাওয়া যাইতে পারে। অর্থাৎ দর্পণে যখন “হাই” না লাগে, তখন দর্পণ অবশ্যই নিম্নল থাকে। হাই কি জান? ভাব। অতএব ভাবশূন্য অবস্থাই বিচারকের অবস্থা।

বাড়ীতে বিবাদ হইলে, মন এবং দেহ অসুস্থ থাকিলে, বেশী বয়স হইলে, (কারণ ৬০ বৎসরের অধিক বয়স ব্যক্তির প্রায় মস্তিষ্কের রোগ

প্রাপ্ত হইলেন, অল্প কথাতই চটিয়া উঠেন) অথবা যুবকের প্রথমাবস্থায় ; এবং দলাদলির ব্যক্তি বিশেষ হইলে তিনি বিচারক হইতে পারেন না। বাড়ীতে বিবাদ হইলে, এবং মন, দেহ অসুস্থ থাকিলে, তিনি সেদিনের জন্ত বিচারকের আসন পরিত্যাগ করিবেন। কিন্তু আমরা দেখিতে পাই, দেহ অসুস্থ থাকিলে বিচারক বিচার করিতে আসেন না বটে ; কিন্তু তাঁহার মনের অস্থির কার্য্য বন্ধ যায় না ! যাওয়া উচিত।

বিচারক বিষ এবং অমৃতকে এক জ্ঞানে এক বোধে উহার ভিতর চইতে “সত্য” বাহির করিবেন। কারণ বিচারক সত্যস্বরূপ ! জ্ঞান স্বরূপ ! এবং দ্রষ্টা স্বরূপ।

আমার এক বন্ধু বগেন, শ্রীবৎস রাজাকে যখন লক্ষ্মী এবং শনি আসিয়া বলিল, “বলুন মহারাজ, আমাদের মধ্যে কে বড় ?” ইহাতে রাজা স্বর্ণ এবং রৌপ্য আসনে উহাদের বসিতে দিরা বলিলেন, আপনাদের যিনি যে আসনে বসিয়াছিলেন, সেই আমার বিচার জানিবেন। অর্থাৎ লক্ষ্মী স্বর্ণাসনে এবং শনি রৌপ্যাসনে বসিয়াছিলেন ; কাজেই স্বর্ণের মূল্য রৌপ্যের তুলনায় অধিক ; এ জন্ত স্বর্ণের মান্য অধিক ; তাহার পর, লক্ষ্মী সেই আসন পাইয়াছেন, অতএব তাঁহার শ্রেষ্ঠতা অধিক, কাজেই শনি অপেক্ষা লক্ষ্মী শ্রেষ্ঠ বা বড় ! ইহা শুনিয়া শনি রাগিল ! শ্রীবৎস রাজার সর্বস্বান্ত করিল। সত্যের জন্ত বিচারকদিগকে ঐরূপ শনির কোপে পড়িতে হয় বটে, কিন্তু এ সকল ক্ষেত্রে “তুলনা” ধরিয়া বিচার না করিয়া “অবস্থা” ধরিয়া বিচার করাই যুক্তিযুক্ত। তাহা হইলে বোধ হয়, শ্রীবৎস রাজাকে অত কষ্ট ভোগ করিতে হইত না, অথচ সত্য বলা চলিত।

নীলকান্ত মণি এবং লালকান্ত মণি এই দুই জনে যদি আসিয়া বলে, “বল দেখি আমাদের মধ্যে কে বড় ?”

এক্ষেত্রে আমরা যদি মণিদ্বয়ের দাম ধরিয়া তুলনায় বিচার করিতে যাই, তাহা হইলে, উহাদের এক জনকে ছোট এবং এক জনকে বড় বলিয়া দিতে পারি। কিন্তু উহারা যদি বলে, যে আমাদের ছোট বলিবে, আমরা তাহাকে তৎক্ষণাৎ গুলি করিব ! তাহা হইলে, আমরা কি বলিব ? বলিব এই যে, যখন তোমরা উভয়ে উভয় জাতি, তখন তোমরা স্ব স্ব জাতিতে উভয়েই প্রধান। বস্তুতঃ লক্ষ্মী জ্ঞানলোক এবং শনি পুরুষ, ইহাতে শ্রীবৎস রাজা জাতীয় অবস্থা ধরিয়া বিচার করিতে পারিতেন। অবস্থা ধরিয়া বিচারটাতে

হ’য়ে সমান হইয়া যায়। পরন্তু অধিকাংশ বিচার তুলনা দ্বারাই হইয়া থাকে।

শ্রীরাজকৃষ্ণ পাল।

সুজাউদ্দীন ।

খৃষ্টীয় অষ্টাদশ শতাব্দীর বাঙ্গলার ইতিহাসে যে কয়জন সদাগুণশালী নবাবের নাম পাওয়া যায়, তাঁহাদের মধ্যে মুর্শিদাবাদের দ্বিতীয় নবাব সুজাউদ্দীন অন্যতম। ১৭২৫ খৃঃ ভারতবিখ্যাত মুরশিদ কুলী খাঁ পরলোক গমন করেন। তিনি, স্বীয় জীবদ্দশাতেই তদীয় দৌহিত্র সরফরাজ খাঁকে আপনার উত্তরাধিকারী মনোনীত করেন। মুরশিদের শাসনকালে তাঁহার জামতা ও সরফরাজের পিতা সুজাউদ্দীন উড়িষ্যার শাসনকর্তৃত্বে নিয়োজিত ছিলেন। সুজাউদ্দীন, আফগানিস্থানের (কেহ কেহ সুজাকে তুরস্কবাসী বলেন*) জনৈক মুসলমানের সন্তান ছিলেন। তিনি প্রথমতঃ সৈনিক বিভাগে অনুষ্ঠকার্যে নিয়োজিত ছিলেন। পরে স্বীয় বাহুবল এবং সাহস প্রভাবে উচ্চ কর্মে উন্নীত হন। শম্ভুরের মৃত্যুর সময় তিনি দিল্লীখর মহম্মদ নাহের দরবারে গমন পূর্বক সম্রাটের সন্তোষ সাধন করিয়া মুর্শিদাবাদের মসনদ অধিকারের অনুমতি লাভ করেন। তজ্জন্য সরফরাজ জনকের প্রতি অসন্তুষ্ট হন। সুজা, পুত্রের রাজপদ লাভের প্রতিবন্ধক হইয়াছিলেন সত্য, কিন্তু তিনি পরে উপযুক্ত পুত্রের মনস্তষ্টির নিমিত্ত সরফরাজকে বাঙ্গালার দেওয়ান এবং আলম চাঁদ নামক তাঁহার প্রিয়পাত্র ও বিশ্বস্ত জনৈক হিন্দুসন্তানকে সহকারী পদে নিয়োজিত করেন। এই সময় শিবনারায়ণ (দর্পনারায়ণের পুত্র) কাননগোর পদে নিযুক্ত ছিলেন। সুজা তাঁহার পদ অক্ষুণ্ণ রাখিয়া আলম চাঁদকে রাজস্ব বিভাগের পেস্কার বা খালসার দেওয়ান নিযুক্ত করেন এবং বাদসাহের নিকট হইতে তাঁহাকে “রায় রায়ান” + উপাধি আনাইয়া দেন। এই সময় হইতে রায় রায়ানই রাজস্ব বিভাগের সর্বপ্রধান কর্মচারী হইয়া উঠিয়াছিলেন। তাঁহারা রাজস্ব বিভাগের সমস্ত

* “Soojah-ood deen, a Turksman” History of India by J. C. Marshman p. 223.

+ কোম্পানী বাহাদুরের দেওয়ানী পদলাভের পর কিছু দিনের জন্য এই পদ উঠিয়া

বন্দোবস্ত করিতেন। কাননগোরা সেই বন্দোবস্তের কাগজপত্র নিয়ম মত রাখিয়া দিতেন এবং সময়ে সময়ে প্রজা ও জমীদারগণকে তাঁহাদের প্রয়োজনীয় কাগজপত্র স্বাক্ষর ও মোহর করিয়া দিতে পারিতেন। বাঙ্গালার মুসলমান রাজত্বের ইতিহাস পাঠে জানা যায় যে, পূর্বে অধিকাংশ উচ্চপদ হিন্দুকর্মচারীরাই প্রাপ্ত হইতেন। মুসলমান নবাবগণের যথেষ্টাচার শাসনপ্রণালী যতই কেন অপকৃষ্ট হইত না, তাঁহারা যে বহুসংখ্যক হিন্দু-সন্তানকে উপযুক্ত পদে প্রতিষ্ঠিত করিয়া তাঁহাদের যথেষ্ট সম্মান সম্বর্জন ও গুণীর পুরস্কার প্রদান করিতেন, তদ্বিষয়ে অসন্দেহ নাই। সুজা, ফতেচাঁদকে (প্রথম জগৎ শেঠ) যথেষ্ট শ্রদ্ধা করিতেন।

সুজার শাসনকালে যে সকল ঘটনা সংঘটিত হয়, তাহাদের মধ্যে ত্রিপুরা বিজয়ই উল্লেখযোগ্য। ১৭৩২ খৃঃ ঢাকার তৎকালীন দেওয়ান মীর হবিব ত্রিপুরাদেশ জয় করেন। এই সময় হইতেই ত্রিপুরা সম্যক প্রকারে মোগল সাম্রাজ্যের অধিকারভুক্ত হয়। সুজার শাসন সময়ে আলিবর্দী খাঁ বিহারের শাসনকর্তা হন। তিনি চম্পারণ জেলার অন্তর্গত বেতিয়া এবং সাহাবাদ জেলাস্থ ভোজপুরের বিদ্রোহী জমীদারদিগকে, পরাক্রান্ত আফগান সৈন্তের সাহায্যে পরাস্ত করিয়া বিহারে শাস্তি সংস্থাপন করেন। সুজার আগলে জর্মান সম্রাট, “অষ্টেণ্ড ইষ্ট ইণ্ডিয়া কোম্পানী” নামক একটা কোম্পানী প্রতিষ্ঠা করিবার জন্ত যথেষ্ট প্রয়াস পাইয়াছিলেন, কিন্তু অবশেষে বিফলকাম হন। মীর হবিবের পর সুজার পুত্র সরফরাজ খাঁ, ঢাকার শাসনকর্ত্ত্বে নিয়োজিত হন। তিনি সর্বদাই মুরশিদাবাদে অবস্থিত করিতেন বলিয়া যশোবস্ত রায় নামক জনৈক কর্মকুশল হিন্দুসন্তানকে তাঁহার সহকারী পদে নিযুক্ত করা হয়। যশোবস্তের কার্যদক্ষতা ও সুশাসন প্রভাবে প্রজাপুঞ্জ বিশেষ

যায় এবং নায়েব দেওয়ানী পদের সৃষ্টি হয়। পরে ওয়ারেন হেস্টিংস খালসার দেওয়ানী পদের পুনঃ সৃষ্টি করেন। লর্ড কর্ণওয়ালিসের শাসনকালে, চিরস্থায়ী বন্দোবস্তের পর হইতে উক্ত পদ একেবারে লোপ পাইয়া যায়। আলমচাঁদের পরও বাঁহারা খালসার দেওয়ান হইয়াছিলেন, নিম্নে তাহার একটা তালিকা প্রদত্ত হইল।

* (১) রায় রায়ান আলম চাঁদ, (সুজাউদ্দীনের আমলে) (২) রায় রায়ান চায়েন রায় (আলিবর্দীর আমলে) (৩) বীরদত্ত (দেওয়ান) রায় রায়ান উপাধি পান নাই। (৪) উমেদ রায়। (৫) রাজা কীর্ত্তিচাঁদ। (৬) রায় রায়ান উমেদ রায়। (৭) রায় রায়ান রাজা রাজবল্লভ (ওয়ারেন হেস্টিংসের আমলে)।

সন্তুষ্ট হয়। তাঁহার আমলে দেশের বিশেষ উন্নতি সাধিত হইয়াছিল। তাঁহার সময়েও (১৭৩৫ খৃঃ) সায়ের্ত্তা খাঁর শাসন কালের ন্যায় টাকায় ৮ মণ তণ্ডুল বিক্রীত হইয়াছিল।

১৭৩৭ খৃঃ রঙ্গপুরের ফৌজদার হাজি আহাম্মদের ২য় পুত্র সৈয়দ আহাম্মদ, দিনাজপুর ও কোচবিহার আক্রমণ পূর্বক তথাকার রাজশবর্গের বহু দিনের সঞ্চিত অর্থরাশি আত্মসাৎ করেন।

সুজাউদ্দীনের রাজত্বকালের পর্যালোচনার জন্যে যাই যে, তাঁহার প্রকৃতি অনেক স্থানে মুরশিদ চরিত্রের ঠিক বিপরীত পথে পরিচালিত হইত। মুরশিদ হিন্দুদেবী ছিলেন, সুজা, হিন্দু মুসলমান উভয়কেই সমান চক্ষে অবলোকন করিতেন। বিশেষতঃ তাঁহার হিন্দুজাতির প্রতি যথেষ্ট সহানুভূতিরই পরিচয় পাওয়া যায়। বাঙ্গালার সেই সকল নবাব হিন্দুদিগের প্রতি বিশেষ অহুরাগ প্রদর্শন করিয়া গিয়াছেন, সুজাউদ্দীনই তাঁহাদের প্রথম পথপ্রদর্শক ও সর্বপ্রধান। মুরশিদ যে সকল জমীদারকে অকারণে বা সামান্য কারণে কারাগারে রুদ্ধ করিয়া অশেষ যন্ত্রণাভোগ করাইতে-ছিলেন, সুজা তাঁহাদিগকে মুক্তিদান করিয়া স্বকীয় দয়ার্দ্র চরিত্রের এবং মুরশিদের আমলের অত্যাচারী কর্মচারীদের প্রাণদণ্ডের অহুমতি প্রদান করিয়া যথেষ্ট সহৃদয়তার পরিচয় প্রদান করিয়াছিলেন। মুরশিদ সৈন্য সংখ্যা কমাইয়া দিয়া রাজ্যের ব্যয়ভার লাঘব করিয়াছিলেন, কিন্তু সুজার সময়ে তাহাদের সংখ্যা ২৫০০০ হইয়া ব্যয় বৃদ্ধি হইয়াছিল। মুরশিদের শাসনে রাজ্যের বাহাড়াঘর লোপ হইয়াছিল, কিন্তু সুজার সময়ে উহার পুনরাবির্ভাব হয়। মুরশিদের অন্তঃকরণে বিলাস বাসনা আদৌ স্থান পাইত না, কিন্তু সুজা নবাবপদে উপবেশন করিয়াই উক্ত প্রবৃত্তির হস্ত হইতে মুক্তিলাভ করিতে সক্ষম হন নাই।

নানা প্রকারে সুজার ব্যয় অতিশয় বর্দ্ধিত হইয়াছিল। সেই কারণে তাঁহাকে অর্থাগমের নবীন পন্থা আবিষ্কার করিতে হইয়াছিল। তিনি “আবওয়াব” * নামক এক প্রকার রাজকর প্রজাবর্গের উপর সংস্থাপন করিয়াছিলেন। এই উপায়ে সুজা প্রায় ২২ লক্ষ টাকার সংস্থান করেন।

* নবাবের হস্তী রক্ষার ব্যয় সংকুলান জন্ত প্রজার নিকট যে টাকা আদায় হইত, জমীদারগণের পাট্টা পরিবর্তনের সময় নবাব, যে টাকা নজরানা স্বরূপ প্রাপ্ত হইতেন ও বলপূর্বক ঐরূপ যে সমুদায় কর আদায় হইত, সেই সকল রাজকরই তৎকালে সামান্যতঃ “আবওয়াব” নামে অভিহিত হইত।

সুজাউদ্দীন অতি উচ্চ প্রকৃতির শাসনকর্তা ছিলেন। ধর্ম্যাধিকরণে উপবেশন করিয়া তিনি গ্রায় ও ধর্ম্মানুমোদিত বিচার দ্বারা সাধারণের তুষ্টি সম্পাদন করিতেন। তাঁহার তুল্য পরোপকারপরায়ণ ও সরল প্রকৃতির মনুষ্য নবাব শ্রেণীর মধ্যে অতি দুর্লভ বলিলেও অত্যাুক্তি হয় না। আমরা যেমন সদগুণশালী রাজার সহিত রামচন্দ্রের প্রজাপালনের তুলনা করি, সেইরূপ মুসলমান ঐতিহাসিকও * সুজার সুশাসন প্রণালীর সহিত পারস্য দেশীয় জনৈক ধার্মিক রাজা নৌশিরবানের শাসনকালের তুলনা করিয়া গিয়াছেন।

সুজা কীর্ত্তিমান পুরুষ ছিলেন। এখনও তাঁহার কীর্ত্তির আংশিক চিহ্ন মুর্শিদাবাদে বর্ত্তমান রহিয়া সেই উন্নতচেতা, গ্রায়বান, পরহিতপরায়ণ ও বিলাস-প্রিয় নবাবের নাম আনাদিগেকে স্মরণ করাইয়া দিতেছে।

সুজা অনেকগুলি মনোহর ও নয়নানন্দকর অট্টালিকা নির্মাণ করাইয়াছিলেন। মুর্শিদাবাদের অন্তর্গত, ভাগীরথীর পশ্চিম তীরে বঙ্গাধিকারিগণের আবাসভূমি ডাহাপাড়াস্থ ফররাবাগ সৌন্দর্য্য বিহীন হইয়া ও অদ্যাপি মহামতি সুজার নাম ঘোষণা করিতেছে। বিলাস-বাসনা-নীরে ভাসমান হইয়া স্বীয় মনের তৃপ্তির নিমিত্ত একসময় সুজাউদ্দীন এই ফররাবাগ বা সুখোদ্যান নির্মাণ করাইয়াছিলেন এবং ইহার শোভা সম্বন্ধনার্থ ইহাকে, নানা প্রকার বৃক্ষলতা, পুষ্করিণী, ধর্ম্মমন্দির, প্রমোদ-ভবন প্রভৃতি অলঙ্কারে বিভূষিত করিয়াছিলেন। পূর্বে এই উদ্যানের দৃশ্য বড়ই মনোহর ও প্রীতি-প্রদ ছিল। সুজা স্বীয় কর্ত্তব্য কার্য্য সমাধানান্তে বারবিলাসিগণ পরিবৃত্ত হইয়া সময়ে সময়ে এই স্বরচিত উদ্যানবিহার পূর্ব্বক মনের তৃপ্তি সম্পাদন করিতেন। তৎকালে এই সুখোদ্যানে গমন করিলে বাস্তবিক কোথায় হইতে যে সুখ আগমন করিয়া চিন্তাশোকদঙ্ক মনুষ্য হৃদয় অধিকার পূর্ব্বক চিন্তের তুষ্টি সম্পাদন করিত বলা যায় না। সুজার কিঞ্চিৎ ইন্দ্রিয় দোষ ছিল সত্য, কিন্তু যে সকল সদগুণ সর্ব্বদাই তাঁহার হৃদয়ে বাস করিত, তাহাদের নিকট সামান্য ইন্দ্রিয় দোষ শব্দবের কলঙ্কবৎ ধর্ত্তব্যই নহে। সেই কারণ আমরা সুজার সে দোষ বিশেষ আলোচনা করিলাম না। সুজা-উদ্দীন, বিদ্বান ও গুণবান ব্যক্তিবর্গ সমভিব্যাহারে প্রতি বৎসর এই উদ্যানে আগমন করতঃ তাঁহাদিগকে সম্মানের সহিত আহার করাইতেন।

* মুতাক্করীণকার গোলাম হোসেন।

বসন্তে এই সুখোদ্যানের রমণীয়তা, মন্দার মন্দাকিনী সুশোভিত নন্দন কাননের অদ্বিতীয় শোভাকেও পরাভব করিত—কোথাও কোকিলের সুমধুর কুহুরব, কোথাও সহকার-মুকুল-গন্ধাপহারী মলয়ানিলের অবিশ্রান্ত ক্রীড়া ও মঙ্গীত কোথাও ভ্রমরের শ্রুতিমধুর গুণ্ গুণ্ রব, কোথাও তরুলতার নয়নরঞ্জন নব পত্রোদগম প্রভৃতি সেই কানন বিহারীর শ্রুতি, নয়ন ও মনের প্রফুল্লতা সম্পাদনে যত্ববান থাকিত। হায়! স্বর্গের নন্দন কাননাপেক্ষাও শ্রেষ্ঠ, মত্তের সেই ফররাবাগ বা সুখোদ্যান আজ মরুভূমিতে পরিণত! উদ্যানের সেই সময়ের শোভা হৃদয়ে অঙ্কিত করিয়া ফররাবাগে উপনীত হইলে আজ সকলকেই অশ্রুধারায় বক্ষস্থল প্লাবিত করিতে করিতে ভগ্নহৃদয়ে ও শুষ্ককণ্ঠে গৃহে প্রত্যাগমন করিতে হইবে। সুজার প্রতিষ্ঠিত সেই সুন্দর জলাশয় বারিহীন হইয়া গিয়াছে, ধর্ম্মমন্দির, চৌবাচ্চা, লহর, প্রমোদশালা প্রভৃতির চিহ্ন মাত্রও নাই। তবে স্থানে স্থানে প্রাচীর ও অট্টালিকার ভগ্নাবশেষ আছে মাত্র। উদ্যান বলিলে যাহা বুঝায়, তাহার কোন চিহ্ন আজ ফররাবাগে নাই—তবে ফররাবাগ নাম আছে বলিয়াই অনেকটা প্রাচীন স্মৃতি জাগিয়া উঠে মাত্র।

যদিও সুজার অন্তঃকরণে বিলাস-বাসনা স্থান পাইয়াছিল, তথাপি তিনি কর্ত্তব্য কার্য্য বিষ্মৃত হইতেন না। মুরশিদের গ্রায় তিনিও যথারীতি দিল্লী-খরের নিকট কর প্রেরণ করিতেন। যে সকল উপায় অবলম্বন করিলে সুনিয়মে ও অনায়াসে প্রজাপালন করা যায়, তিনি তাহারও অনুসন্ধান করিতেন। রাজকার্য্যের সুবিধার নিমিত্ত সুজাউদ্দীন একটি মন্ত্রিসমিতি গঠিত করেন। রায়রায়ান আলম চাঁদ, জগৎ শেঠ ফতেচাঁদ, আলিবর্দী খাঁ, ও হাজি মহম্মদ এই সভার সভ্য ছিলেন। সুজা, এই সভার পরামর্শ গ্রহণ না করিয়া রাজকার্য্য সম্পন্ন করিতেন না।

১৭৩৯ খৃঃ ন্যূনাধিক চতুর্দশ বর্ষকাল প্রশংসার সহিত প্রজাপালন করিয়া সুজাউদ্দীন চিরদিনের জন্ত ইহধাম হইতে বিদায় গ্রহণ করেন। ফররাবাগের কিঞ্চিৎ দক্ষিণে ভাগীরথীতীরে শ্রামল বিটপীদল সুশোভিত সুশীতল ছায়াময় রশনীবাগে তাঁহাকে সমাধিস্থ করা হয়। আজিও সুজার সেই মনোহর সমাধিভবন রশনীবাগ আলোকিত করিয়া বাঙ্গালার প্রাচীন স্মৃতি জাগাইয়া দিতেছে।

শ্রীশ্রীশচন্দ্র চট্টোপাধ্যায়।

তুমি ।

তুমি, অশান্তি-যাতনা-ভরা,
ভীতিপ্রদ, বিষপোরা,
এ পোড়া জগতে—
স্নেহবারিপূর্ণ হাতে
শোক-জ্বালা নিবারিতে
এলে কোথা হ'তে ?

তুমি, ভীষণ সংসার-পথে
কোন্ পথে যেতে যেতে,
হেথায় পশিলে ?

তুমি, অসীম স্নেহের গুণে,
এ' হৃদয় মরুভূমে
শান্তি ঢালি' দিলে ;

তুমি, বজ্রাহত পথিকেরে,
মর্মান্বিত অভাগারে,
স্বখে নিলে বৃকে ;

তুমি, প্রতি পদে প্রীত মনে,
অনন্ত করুণাদানে
তোষ হাসিমুখে ;

তুমি, স্নেহ-জ্যোতি পরকাশি,
তামসীর তম নাশি,
রেখেছ মবারে,
তুমি, প্রলোভন পথ হ'তে
ফিরাইলে বিধি মতে
এ যোর সংসারে ;
তুমি, পথহারা—লক্ষ্য হীন,
চিত্তাদগ্ন-দীন-হীন
অভাগারুতরে—
সহিয়া লাঞ্ছনা কত,
দুঃখ-ক্লেশ শত শত,
তুলি' নিলে করে ;
তুমি, উন্মিময় কাল-শ্রোতে
পতনের হাত হ'তে
করিলে উদ্ধার,
তুমি, বিপদ-সঙ্কুল দেশে
কোথা হ'তে একা এসে,
রাখিলে সংসার ?
শ্রীশরচ্ছন্দ চক্রবর্তী ।
বালী ।

হঠাৎকবির আত্ম-কাহিনী ।

ফাল্গুনী দোল-পূর্ণিমার শুভদিনে, শুভক্ষণে আমি বঙ্গ-ভাষার একজন লেখকরূপে সর্ব সমক্ষে অবতীর্ণ হইলাম। রাশি রাশি ধূমোল্লীর্ণকারী গতিশীল বাষ্পীয় শকটের ত্রায় শান্ত, রৌদ্র, বীভৎসাদি রসোল্লীর্ণকারী আমার ভাবময়ী লেখনী নিমেষমধ্যে বিষয় হইতে বিষয়ান্তরে পরিচালিত হইবে, বঙ্গীয় পাঠক পাঠিকাগণ আমার আলৌকিক প্রতিভা-প্রসূত

কাব্যসুধা পান করিয়া চরিতার্থ হইবেন, আর এই সুলেখককে সর্বান্তঃ-
কারণে ধন্যবাদ দিয়া মুক্তকণ্ঠে তাহার গুণগান করিবেন। ভরসা আছে,
আমার লিখন-প্রণালীতে, ভাষার লালিত্যে ও বিষয়-বৈচিত্র্যে বঙ্গ-সাহিত্যে
যুগান্তর উপস্থিত হইবে, অমানুষিক কল্পনার মোহিনী মায়ায় জগৎ স্তম্ভিত
হইবে, রূপকের ছটায়, অমুপ্রাসের ঘটায় দিকদিগন্ত প্রতিধ্বনিত
হইবে। ভারতচন্দ্রের আসন টলিবে, মধুসূদনের গর্ভ খর্ব হইবে এবং
আমার উত্তাল যশতরঙ্গ সূদূর মহাসমুদ্র অতিক্রম করতঃ ইউরোপ ও
আমেরিকা ভূমে ব্যাপ্ত হইয়া পাশ্চাত্য কবিগণের নাম ধরাতল হইতে
অপসারিত করিয়া দিবে। ষাঁহার অদূর ভবিষ্য জীবন একরূপ আশাপ্রদ,
তিনি দেশের এক অতি নিভৃত স্থানে সাধারণের আগোচরে জীবনযাপন
করিবেন, ইহা কখনই বিধাতার বা সূধীজনের বাঞ্ছনীয় হইতে পারে না,
বিশেষতঃ কোন লেখকের রচনা পাঠ করিতে হইলে, তাঁহার মতি গতি,
হাবভাব বিশদরূপে হৃদয়ঙ্গম করিতে হইলে, তিনি কে, কিরূপ প্রকৃতির
লোক, কোন্ সময়ে তাঁহার জন্ম, বাল্যকালে কখন তিনি “হরিণ চুরি” বা
মৎস্য চুরি করিয়াছিলেন কিনা, এই সমস্ত বিষয় পাঠকমাত্রেরই পুঞ্জীকৃত
পুঞ্জরূপে অবগত হওয়া নিতান্ত আবশ্যিক। এই সকল অবশ্যজ্ঞাতব্য
বিষয় ও তাঁহার সমসাময়িক আচার ব্যবহার ও অশ্রান্ত ঘটনাবলী না
জানিয়া তাঁহার গ্রন্থ পাঠের চেষ্টা একেবারেই নিষ্ফল হইবে; পাঠকগণ
বিষম গোলক-ধাঁধায় পড়িয়া কুম্ভকারচক্রবৎ ঘূর্ণিত হইতে থাকিবেন।
বহুদিন অপেক্ষা করিলাম, কিন্তু লোকে আমাকে দেখিয়াও দেখিল না,
চিনিয়াও চিনিল না, আমার এই ঘটনা-বৈচিত্র্যময় মহৎ জীবনের মহৎ কথা
সাধারণের গোচরে আনিবার চেষ্টা করিল না! সেই জন্ত অন্য লোক-
লজ্জায় জলাঞ্জলি দিয়া, চক্ষু দুইটী মুদ্রিত করিয়া নিজের জীবনী নিজেই
সর্ব সাধারণে প্রকাশ করিতে অগ্রসর হইয়াছি। সহৃদয় ক্ষমাশীল গুণ-
গ্রাহী পাঠকবৃন্দ, আমার এই সামান্য ধৃষ্টতা মার্জনা করিবেন।

প্রথম কথা, আমি ভূমণ্ডলে মানব নামে অভিহিত। চির প্রথানুযায়ী
আমার হস্ত পদ, চক্ষু কণ সমস্তই আছে। ঈশ্বরের অনুগ্রহে আমি বিক-
লাঙ্গ নহি। তবে যে প্রকার গভীর গবেষণায় নিযুক্ত হইয়াছি, বিজ্ঞানের
উন্নতিকল্পে, সাহিত্য-চর্চায়, কবিতা লিখনে ও লুপ্ত প্রত্নতত্ত্বের পুনরুদ্ধারে
যে প্রকার একান্ত মনোনিবেশ করিয়াছি, তাহাতে আমি অনতি দীর্ঘকাল

মধ্যে বিকৃত মস্তিষ্ক হইবে, এরূপ সম্ভাবনা আছে। কিন্তু সে চিন্তায় আমার মন কিছুমাত্র বিচলিত নহে। মহাকবি মিস্টন সাহিত্য-সেবায় জীবন উৎসর্গ করিয়া জগতে অক্ষয় কীর্তি রাখিয়া গিয়াছেন। সর্বতোমুখী প্রতিভার বলে তিনি গদ্য, পদ্য, রাজনীতি, ধর্মনীতি প্রভৃতি সকল বিষয়েই তুল্য পাণ্ডিত্য দেখাইয়া গিয়াছেন। অতি শ্রমে, মস্তিষ্কের অত্যধিক পরিচালনায় চক্ষুরত্ব হারাইয়াও স্বনামধন্য কাব্যংশ রচনা করিয়া জগতে ধন্য হইয়াছেন। ভারতীর বরপুত্র কবির হেমচন্দ্র অন্ধাবস্থাতেও “চিত্ত বিকাশে” মানব-চিন্তের প্রীতি সম্পাদন করিতেছেন। সুতরাং মস্তিষ্ক নষ্ট হইলেই যে আমি জগতে অকর্মণ্য হইব, বা আপন মহারত উদ্বাপনে অক্ষম হইব, কাহারও এ কথা বলিবার অধিকার নাই; বলিলেও আমি তাহাতে কর্ণপাত করিব না।

দ্বিতীয় কথা, আমি ঊনবিংশ শতাব্দীর শেষভাগে ভারতবর্ষে জন্মগ্রহণ করিয়াছি। পাশ্চাত্য বিদ্যার প্রবল স্রোতে প্রাচীন ভারতের বহুকাল সঞ্চিত আবিলাতা সমূহ ভাসিয়া চলিয়াছে। গ্রামে, নগরে, অরণ্যে, প্রান্তরে, পর্বতশিখরে, গভীর গহ্বরে, সর্বত্রই রাশি রাশি বিশ্ববিদ্যালয়ের উপাধিধারী ভারতসংস্কারে বন্ধ-পরিকর। হিমাচল হইতে কুমারিকা পর্যন্ত সর্বত্রই সমাজসংস্কারের ধ্বজা উড়িতেছে, ধর্ম সংস্কারের গভীর ভেরী নিনাদে দশদিক প্রতিধ্বনিত হইতেছে। বিদেশীয় বিদ্যার মোহিনী শক্তিতে ছন্দ্রপোষ্য বালক জ্ঞানবৃদ্ধ হইতেছেন, বহুদর্শী জ্ঞানবৃদ্ধ বালক প্রাপ্ত হইয়া উপহাসাম্পদ হইতেছেন। স্বর্গ শ্মশান ও শ্মশান স্বর্গ হইতেছে। খাদ্যা-খাদ্যের ভেদ লোপ পাইতেছে। প্রাচীন ভারতের রীতি নীতি, আচার, ব্যবহার, প্রোগ, জুর্ভিক্ষ, ঝড়, ঝঞ্জাবাতের মূল কারণ বলিয়া প্রমাণিত হইয়াছে।

পলাণ্ডুভোজী সন্ধ্যা-গায়ত্রী-বিহীন ব্রাহ্মণসন্তান মেচ্ছ-রূপিনী বিদুষী বিবি চূড়ামণি-পুলের বেদ শিক্ষিত্রী। ধর্মভূমি ভারতভূমি আজ ধর্মশূণ্য। পুরাকালীন আৰ্য্য-ঋষি-মণ্ডলী-প্রদর্ভিত পবিত্র ধর্ম নব্য সভ্যতার প্রথম কিরণে ভস্মীভূত। বীণায়ন্তে রমণীকণ্ঠ মিশাইয়া ব্যজন-সুশীতল দেহে অমল ধবল গ্যাসালোকে চক্ষু মুদ্রিত করিয়া ঈশ্বর আরাধনার অভিনব উপায় উদ্ভাবিত হইয়াছে। সংস্কৃতভাষা ভারতে মহাবিপ্লব উপস্থিত। ফ্রান্সের ভীষণ রাষ্ট্র-বিপ্লব সময়ে জন্মগ্রহণ করিয়া কসিকা-সেনানী নেপোলিয়ন বোনাপার্ট আপন অধ্যবসায় বলে বিজয় ছন্দুভি নিনাদে সমস্ত ইউ-

রোপভূমি কম্পিত করিয়াছিলেন, সুদূর আমেরিকার রাজ্য বিপ্লবে কৃষক পুত্র জর্জ ওয়াশিংটন যুক্তরাজ্যের সর্বোচ্চ আসন লাভে সমর্থ হইয়াছিলেন; সুতরাং ভারতের এই বিপ্লবকালে জন্মগ্রহণ করিয়া আমি যে জগতের ইতিহাসে স্বনাম-ধন্য হইতে পারিব না, এরূপ আশঙ্কা করিবার কারণ একবারেই নাই।

আমার আবির্ভাবকালে পাশ্চাত্য ভূমে বিজ্ঞানের চরম উন্নতি হইয়াছে। চঞ্চলা চপলা সুন্দরী বিজ্ঞানবলে রঞ্জুবদ্ধ, বৈজ্ঞানিকের বাহুকরী বিদ্যা প্রভাবে আপন সর্বসংহারিণী শক্তির কথা বিস্মৃত হইয়া মন্ত্রমুগ্ধবৎ মানবের দাসত্বে নিযুক্ত; রাজপথে আলোক-প্রদান করিতেছেন, পাখা টানিতেছেন, সন্মার্জনী হস্তে গৃহ পরিষ্কার ও শকট পরিচালন করিতেছেন। বিনা মেঘে সৃষ্টি বজ্রাঘাত; অপক্ষ স্থলচর মানবের পক্ষোদগম, তুলাদণ্ডে চন্দ্র সূর্যের ভার নিরূপণ প্রভৃতি কত অচিন্ত্যপূর্ব ঘটনা সংঘটিত হইতেছে। সমস্ত বিষয়ের বর্ণনাকরিলে আমার জীবনী অষ্টাদশ পর্ব মহাভারতে পরিণত হইবে। এক কথায় ভারতবর্ষও এ বিষয়ে পশ্চাৎপদ নহে। ‘বসুজা’ মহাশয় বিনা তারে দেশ বিদেশে সংবাদ প্রেরণের উপায় আবিষ্কার করিয়া বিজ্ঞানজগতে অক্ষয় কীর্তি লাভ করিয়াছেন; আর তাঁহার গুণধর শিষ্য-মণ্ডলী প্রাচীন ভারতের ধর্ম কর্ম, আচার ব্যবহার, জল বায়ু, আকাশ পাতাল প্রভৃতির বিষয় বৈজ্ঞানিক বিশ্লেষণে নিযুক্ত হইয়াছেন। আর আমার মত মেধাবী বহুধীসম্পন্ন ব্যক্তি কিছুদিন মস্তিষ্ক পরিচালনা করিলে আরও কত অসম্ভব সম্ভব হইবে; বিনা আহারে ক্ষুধা নিবৃত্তি, ও বিনা তপস্যায় ঈশ্বর প্রাপ্তি হইবে এবং বিনা অধ্যয়নে লোকে মহা বিদ্যাদিগ্গজ পণ্ডিত হইয়া উঠিবে।

“একশত্ৰু স্তমো হস্তি”। বঙ্গের সাহিত্যাকাশে শত শত চন্দ্র সূর্য্য রাজ্য কেতুর উদয়াস্ত হইতেছে। বিদ্যার সাগর ঈশ্বরচন্দ্র বঙ্গভাষার অঙ্গরাজ সম্পাদন করিয়া ঈশ্বরত্ব লাভ করিয়াছেন, রসসাগর বঙ্কিমচন্দ্র বিষবৃক্ষে সুধা ঢালিয়া অমরত্ব প্রাপ্ত হইয়াছেন, আর “জ্যোতির্ময়ীর” অমল কিরণোদ্ভাসিত তারাচন্দ্র তাঁহার শূণ্য সিংহাসন অধিকার প্রয়াসে শনৈঃ শনৈঃ অগ্রসর হইতেছেন!!! বাণীপুত্র হেমচন্দ্র একমনে, একপ্রাণে বঙ্গ সাহিত্যের সেবা করিয়া, মধুর নিনাদে জগৎ মাতাইয়া, অস্তাচল গমনোন্মুখ হইয়াছেন, কবিকুলরত্ন নবীনচন্দ্র নবীন অনুরাগে মধুর ঝঙ্কারে তান

উক্ত মোকদ্দমার প্রথম তদন্ত করেন। নবাবুরাগিনী নাগকের দোষ প্রকাশ করিলেন না এবং অত্যাচারী সাক্ষীর এজাহারও বিশ্বাসযোগ্য হইল না, সুতরাং সব ডেপুটী বাবু মোকদ্দমা মিথ্যা বলিয়া রিপোর্ট দিলেন। এবার প্রত্যক্ষ ১১ ধারায় বন্দী হইল। ডেপুটী মাজিষ্টার শ্রীযুক্ত মৌলবী আবদাস সোভান বাহাদুরের বিচারে প্রত্যক্ষ অব্যাহতি পাইয়াছে। এখন স্ত্রীধনই পরম লাভ বলিতে হইবে।

বোলপুর রেলওয়ে ষ্টেশনের অনতিদূরবর্তী শুরুল গ্রামে স্বর্গীয় বসাক বংশের প্রতিষ্ঠিত ৮ রাধা বিনোদ দেবের বিগ্রহ পূজা ও নিত্যভোগের বস্থা আছে। উক্ত বংশ বিলুপ্ত হইলে স্থানীয় সরকার মহোদয়েরা দেবোত্তর পুত্র ও পূজাদির তত্ত্বাবধান ভারপ্রাপ্ত হইয়াছিলেন। সম্প্রতি পূজক নিত্য অধিকারী উক্ত বিগ্রহ ও অলঙ্কার হরণের অপরাধে অভিযুক্ত হইয়া আসামী অপরাধ অস্বীকার করে, এবং পুলীসের আদেশ মাত্র দ্রব্যাদি মুক্তি বাহির করিয়া দেয়। জেলার মাজিষ্টার শ্রীযুক্ত আমেদ সাহেব বাহাদুরের বিচারে আসামী মুক্তি পাইয়াছে। কিন্তু সাহেব বাহাদুর আসামীকে পুনরায় উক্ত দেবতার গৃহপ্রবেশ করিতে নিষেধ করিয়া দিয়াছেন। তার মধ্যে পূজারীরা রুটী মরিল।

বর্তমান বিভাগের কমিশনার বাহাদুর সম্প্রতি বীরভূম পরিদর্শনার্থ গমন করিয়াছিলেন। এতদুপলক্ষে জেলাস্থ সম্ভ্রান্ত ব্যক্তিগণ নব ত্রিত "রাম রঞ্জন টাউনহলে" সমবেত হইয়া মহাসভা সংগঠন করতঃ পূর্ণ সম্মানে কমিশনার বাহাদুরকে আহ্বান করেন। জেলার মাজিষ্টার আমেদ সাহেব বাহাদুর ঐ দিন ফৌজদারী আদালত সকল বন্ধ রাখিয়াছিলেন। বিগত ১০ই ভাদ্র, সোমবারে বীরভূম জেলা স্কুলের বার্ষিক প্রতিবেদন বিতরণোপলক্ষে বিদ্যালয়ে মহাসভার আয়োজন হয়। স্থানীয় গুলী ঐ সভায় আহৃত হইয়াছিলেন। মুদ্রিত নিমন্ত্রণ পত্রিকায় অভি-

নয়ের পর্যায় প্রকাশিত হইয়াছিল। মুদ্রিত সঙ্গীতমালা সমবেত ব্যক্তিগণ মধ্যে বিতরিত হইয়াছিল, বাদককণ্ঠ নিসৃত ভারতেশ্বরীর জয়কীর্তন সঙ্গীত হারমোনিয়মের সুললিত সপ্তস্বরে সন্মিলিত হইয়া বিদ্যালয়কে ক্ষণকালের জন্ত রঙ্গালয়ে পরিণত করিয়াছিল। নিমন্ত্রিত সভ্যগণও এ বৎসর বহুসংখ্যক পারিতোষিক প্রদান করিয়াছিলেন। কমিশনার বাহাদুর ঐ সভায় সভাপতির আসন গ্রহণ করেন। বালকগণের মনোহর কবিতা পাঠ শ্রবণে কমিশনার বাহাদুর যথেষ্ট প্রশংসা করিয়াছিলেন। বিদ্যালয়ের ভূতপূর্ব হেড মাস্টার মহোদয় এই সকল বিষয়ে বিদ্যালয়ের সমুন্নতি সাধন করতঃ চিরকীর্তি রাখিয়া গিয়াছেন।

বীরভূম-করিধা নিবাসী শ্রীযুক্ত কেদার নাথ চট্টোপাধ্যায় স্বনামধন্য পুরুষ। এই কেদার প্রায় ৩০ বার ফৌজদারী আদালতে অভিযুক্ত হইয়া ক্রান্তি লাভ করত, স্বীয় হীনাবস্থা হইতে সমুন্নতি সাধন করিয়াছিলেন। এই বার তিনি সূদৃঢ় জালে পড়িয়াছিলেন, জাল আর কিছু নয়; একটু রেজেষ্টরীকৃত তমসুক পত্র। রেজেষ্টরী আপীসের মোহর, ছাপ, দস্তখত ও দলিলের অপর অংশগুলিও জাল; প্রতি অক্ষর পরিমাপ করত জাল ধর" হয়; সঙ্গে সঙ্গে কেদারও টানাটানিতে পড়িলেন; ডেপুটী মাজিষ্টার শ্রীযুক্ত হরিশ্চন্দ্র বন্দ্যোপাধ্যায় বাহাদুর মোকদ্দমার তদন্ত করত কেদারের রায় বিচার জন্ত প্রেরণ করিলেন, ক্রমে কেদারের হাজতঃ বাস বিচারে সেসন জজ বাহাদুর কেদারের ছই বৎসর সশ্রম কারাদণ্ড ও ১০ টাকা অর্থ দণ্ড করিলেন। কেদার এবার পাকাপাকিরূপে পাকা ঘটে গিয়া হইলেন; কিন্তু হাইকোর্টে আপীল করিয়া কেদার জামিনে খাড়া হইলেন; মহামান্ত্র হাইকোর্টের বিচারে কেদারের কারাদণ্ড অক্ষুন্ন রহিল। এদিকে আবার আর একটা জালেও টান পড়িল।

বড়ই সুখের কথা, শ্রীযুক্ত রামেন্দ্রকৃষ্ণ দেব মাজিষ্ট্রেটের পদে হইয়াছেন। আমাদের শ্রীযুক্ত মৌলবী আবদাস সোভান রামেন্দ্রকৃষ্ণ

স্বভাবিক পাত করিতে পারেন। স্বভাবতঃ কোপন স্বভাব হইলেও এক্ষেত্রে
আমি তাঁহাদিগের প্রতি ক্রুদ্ধ বা অসন্তুষ্ট হইব না।

ভূমিকা ।

বিএ পাশ করি, হাঁস ফাস ফিরি, দিনরাতি দেশে দেশে,
সাহেব-ভবন, আফিস আপন, পোড়া চাকুরীর আশে।
দাসত্বের তরে, মুখে ধূলা উড়ে, ক্রি কব ছুথের কথা,
উদর জ্বলন, বৃশ্চিক-দংশন, পাইলু মরম ব্যথা।
ছাড়ি জাতি পেশা, পৈতৃক ব্যবসা, পাঠেতে সপিলু মন
উপাধি লভিতে, হুজুর হইতে, করিলু জীবন পণ।
আশা না মিটিল, সাধ না পূরিল, বিধাতা সাধিল বাদ,
(তাই) ধরিলু লেখনী, কবি চূড়ামণি, হইব মনের সাধ।
হেমে পরাজিব, নবীনে বধিব, রবিরে গ্রাসিব বলে
সমাজ শাসিব, ধরম নাশিব, ভারত ভাসাব জলে।
অবনী জাগাব, ধরণী হাসাব, মধুর সবিতা রবে,
ধরা কাঁপাইব, জগৎ কাঁদাব, সুনাম রাখিব ভবে।
ছুভিক্ষ ঘুচাব, প্লেগ তাড়াইব, পয়ার লিখন ছাঁদে,
সাগর শোধিব, ভূধর চূর্ণিব, চন্দ্রমা ধরিব ফাঁদে।
পাতাল উঠাব, আকাশ নামাব, বাতাস করিব জল,
পাষণ গলাব, আগ হিমা হইব, সলিল করিব স্থল।
ওমা বীণাপাণি, কজ্জল নয়নি, দিও মা চরণ-তরি
বিধির বিধানে, ললাট লিখনে, চাহি তব কৃপাবারি।
তব নিজগুণে, দয়া:কর দীনে, অধম সন্তান বলি,
যেন মোর গদ্য, হয় গো মা পদ্য, কাঁ— করে যায় মিলি।

ইতি হঠাৎকবি।

পৌরাণিক চিত্র ।

নলদময়ন্তী ।

নলোপাখ্যান মহাভারত কল্পবৃক্ষের একটি অমৃত ফল। এই উপাখ্যান
পাঠ করিয়া আমরা যেমন এক্ষেত্রে মহাত্মা নলের সত্যপরায়ণতা, আত্মোৎ-
সর্গ, অসাধারণ শৈশ্বর্য ও মহানুভবতা দর্শন করিয়া পুলকিত হই, অপর দিকে
তোমনিই দময়ন্তীর অদ্বিত স্বামিভক্তি ও হৃদয়ের পবিত্রতা দেখিয়া মুগ্ধ হইয়া
যাই।

এই উপাখ্যান পাঠে আমরা জানিতে পারি, পুরুষ যতই সদ্গুণ-সম্পন্ন
হউক না কেন, তাহার ধর্ম প্রবৃত্তি ও চরিত্র যতই সুদৃঢ় হউক না কেন, যদি
তাহার চরিত্রে সামান্য ছিদ্র থাকে, যদি তাহার অশেষ সদ্গুণরাশির মধ্যে
একটী সামান্য মাত্রাও দোষ আশ্রয় পায়, তাহা হইলে এই বিপদ-সঙ্কুল সংসার-
ক্ষেত্রে, তাহার একদিন পদস্থলন হইবেই; একদিন এই সামান্য দোষের
জগ্ন তাহাকে মহা কষ্টে পতিত হইতে হইবে। আমরা আরও দেখিতে পাই,
জীলোক যতই বিপন্ন হউক না কেন, ঘটনাবলী যতই প্রবল ভাবে তাহার
প্রতিকূলাচরণ করুক না কেন, যদি তাহার স্বামিপদে দৃঢ়াভক্তি থাকে,
যদি সে সতীত্বকে পরমধন জ্ঞানে হৃদয়ের নিভৃত্তম প্রদেশে যত্নে রক্ষা
করিয়া থাকে, তবে কিছুতেই তাহার সতীত্বের অবমাননা হয় না, ধর্ম,
বিশ্বস্ত অলুচরের আয় সর্বদাই তাহাকে রক্ষা করেন। জগতে সুখশান্তি
তাহারই, পরকাল পরমপদ প্রাপ্তি তাহারই হয়। তাই মহর্ষি বেদব্যাস
নলোপাখ্যান কীর্তন করিয়া সংসারের পুরুষগণকে বলিতেছেন, “বৎসগণ,
নিজের সামান্য দোষেরও উপেক্ষা করিও না। কলিরূপী পাপ সর্বদাই তোমা-
দের ছিদ্র অবেষণ করিতেছে। সামান্য মাত্র দোষ অবহেলা করিলে, মহা-
রাজ নলের আয় তোমাদিগকে হতসর্কস্ব হইয়া বনে বনে বিচরণ করিতে
হইবে। অতএব সর্বদাই আত্মদোষের উপর ধরদৃষ্টি রাখিবো।” রমণী
গণকে মহর্ষি বলিতেছেন “কথাগণ স্বামিভক্তিই তোমাদের একমাত্র
ধর্ম। স্বামীকে একান্তমনে ভক্তি কর, শত বিপদ তোমাদের গাত্র স্পর্শ
করিতে পারিবে না। যদি স্বামী বিপদে পড়েন, তোমাদের সতীত্বই

তোমাদের স্বামিগণের পরিত্রাণের কারণ হইবে।” নলদময়ন্তী চরিত্র এতই মহান্ বলিয়া আজ আমরা তাহার আলোচনা করিতে প্রয়াসী হইয়াছি। আমাদের মহাতারুল রত্নাকরে যে সকল অমূল্য রত্ন আছে, আমরা যদি তাহাদের আহরণ করিতে পারি, তবে আর আমাদের পক্ষে পরদ্বারে ভিক্ষা করিতে হয় না।

ভগবান বেদব্যাস রাজা নলের এইরূপ গুণবর্ণনা করিয়াছেন :—

ব্রহ্মণ্যো বেদবিৎ শূরো নিষধেষু মহীপতিঃ ।”

অক্ষপ্রিয়ঃ সত্যবাদী মহানক্ষোহিণী পতিঃ ॥

ঈপ্সিতো নরনারীণামুদারঃ সংযতেন্দ্রিয়ঃ ।

“রক্ষিতা ধনিনাং শ্রেষ্ঠঃ সাক্ষাদিব মনুঃস্বরম্ ॥

অর্থাৎ, তিনি ব্রহ্মনিষ্ঠ, বেদজ্ঞ, শৌর্য্য সম্পন্ন, সত্যবাদী, সংযতেন্দ্রিয়, উদার স্বভাব, ধর্ম্মপ্রধান, সর্ব্বরক্ষিতা, অক্ষোহিণী পতি, মহাত্মা, সর্ব্বশ্রেষ্ঠ, ও যেন সাক্ষাৎ মনু।

মহর্ষি নলকে মনুর সহিত তুলনা করিয়াছেন সূতরাং তাঁহাকে আদর্শ পুরুষ বলিয়াছেন। নল, ব্রহ্মনিষ্ঠ ও বেদজ্ঞ, অতএব তাঁহার প্রভূত আধ্যাত্মিক উন্নতি হইয়াছে। তিনি সত্যবাদী, সংযতেন্দ্রিয়, উদারস্বভাব ও মহাত্মা, সূতরাং তিনি অসাধারণ নীতিমান। তিনি শৌর্য্য সম্পন্ন, ধর্ম্মপ্রধান, সর্ব্বরক্ষিতা, অক্ষোহিণী পতি ও সর্ব্বশ্রেষ্ঠ, অতএব তিনি বলবান, ও নানা রাজগুণ-সম্পন্ন। সূতরাং দেখা যাইতেছে, নলের শারীরিক, মানসিক ও আধ্যাত্মিক ত্রিবিধ গুণেরই পরিপুষ্টি হইয়াছিল। প্রকৃত প্রস্তাবে এরূপ না হইলে মানব, মানব পদবাচ্য হইতে পারে না। একথা যে সাহেবেরাই আজ বলিতেছেন, তাহা নহে, আমাদের পূজনীয় মহর্ষিগণ শারীরিক আধ্যাত্মিক ও মানসিক বৃত্তিগুলির বিকাশকেই উন্নতির মূলরূপে নির্দেশ করিয়া গিয়াছেন। শাস্ত্রকারেরা আবার সর্ব্বোপরি নৈতিক চরিত্রের প্রাধাত্ম স্বীকার করিয়া গিয়াছেন। পুরাণাদিতে যে সকল মহাপুরুষদিগের মাহাত্ম্য কীর্তিত হইয়াছে, সকলেই নৈতিক বলে বলীয়ান—সকলের বুদ্ধি ও শারীরিক বলের অপেক্ষা নীতির প্রাধাত্ম বিঘোষিত হইয়াছে। এই নলচরিত্রে আমরা কেবল তাঁহার নৈতিক চরিত্রের বিকাশ দেখিতে পাই। নীতি বলেই নল এত বড়—নীতিবলেই আজ দময়ন্তী প্রাতঃস্মরণীয়া। যে নীতিকে আমাদের পূর্ব্বপুরুষগণ চরিত্রের প্রধান উপাদান বলিয়া পুনঃ পুনঃ কীর্তন

করিয়া গিয়াছেন, আমরা সেই নীতি হারাইয়াছি বলিয়াই আমাদের এতদূর অধঃপতন হইয়াছে। সঙ্গে সঙ্গে নীতির পরিপোষক, ধর্ম্ম ও শারীরিক বল আমাদের খর্ব্ব হইয়াছে। এই তিনটি এতই ঘনিষ্ঠ ভাবে পরস্পরের সহিত আমাদের খর্ব্ব হইয়াছে। এই তিনটি এতই ঘনিষ্ঠ ভাবে পরস্পরের সহিত সম্বন্ধ যে, একটির নূনতায় অপরটি হ্রাস হইয়া যায়। মহাত্মা নলের নৈতিক চরিত্র মহাতারতকারের প্রধান বর্ণনীয় হইলেও, তিনি বলিয়া গিয়াছেন, যে নলের শারীরিক ও আধ্যাত্মিক বল যথেষ্ট ছিল। তাই নল এমন মহনীয় চরিত্র লাভ করিয়াছিলেন, নচেৎ পারিতেন না।

এই সময় দময়ন্তীর জন্ম সম্বন্ধে একটা কথা বলিয়া রাখি। বিদর্ভাধিপতি রাজা ভীম নিঃসন্তান। তিনি নিঃসন্তান জন্ত সন্তান কামনায় স্নসমাহিত হইয়া সাতিশয় যত্নপর হইলেন। পাঠক, স্নসমাহিত কথাটি বিশেষ ভাবে লক্ষ্য রাখিবেন। পূর্ব্বতন আর্ষ্যপুরুষেরা সন্তানোৎপাদনকে পরম পবিত্র কার্য্য বলিয়া বিবেচনা করিতেন। স্নসংঘত হইয়া ধর্ম্মোদ্দেশে তাঁহারা সন্তান উৎপাদন করিতেন। সন্তানোৎপত্তির সময় শরীর ও আত্মা প্রসন্ন থাকিলে সন্তানেরও শরীর ও আত্মা পবিত্র হইবে তাহাতে আর সন্দেহ কি? সেই জন্য প্রাচীন আর্ষ্যগণের গৃহে সীতা দময়ন্তীর গায় রমণীরত্ন ও লক্ষ্মণ ও অর্জুনের গায় মহাপুরুষ জন্মগ্রহণ করিয়াছিলেন। শাস্ত্রের ব্যবস্থা অনুসারে আমাদের যাবতীয় ধর্ম্মকার্য্যই সংযমী হইয়া করিতে হয়। সন্তানোৎপাদন কার্য্যকে ধর্ম্মকার্য্য বিবেচনা করিয়া আমাদেরও সে সময় সংযমী হইয়া অতীব কর্তব্য। দময়ন্তীর জন্মকথা বলিবার সময় ভীম যে “স্নসমাহিত” ছিলেন, ইহা উল্লেখ করা বেদব্যাস অতি প্রয়োজনীয় বিবেচনা করিয়াছিলেন। নচেৎ দময়ন্তীর গায় “কন্যারত্ন” লাভের সম্ভাবনা কোথায়? মহর্ষি বলিয়াছেন :—

“দময়ন্তীতু রূপেণ তেজসা যশসা শ্রিয়া।

সৌভাগ্যেযুচ লোকেষু যশঃ প্রাপস্নসমধ্যমা ॥”

স্নসমধ্যমা দময়ন্তী সৌভাগ্য প্রযুক্ত রূপ, তেজঃ যশ ও শ্রীবারা লোকে অতিশয় সুখ্যাতি লাভ করিলেন। অর্থাৎ দময়ন্তীর রূপের সৌরভ চতুর্দিকে বিস্তৃত হইলই, তাহা ছাড়া অসাধারণ পবিত্রতা বশতঃ তেজ ও অলৌকিক চরিত্রবল হেতু যশঃ ও শ্রী সকলেরই নিকট আদরণীয় হইল। শুদ্ধ রূপ দেখিয়া স্ত্রীলোকের আদর করা উচিত নহে; রূপের সঙ্গে সঙ্গে স্নসমহান চরিত্রও থাকা চাই।

নলের দৌত্য ।

নল, দময়ন্তীর অদ্ভুত রূপলাবণ্য ও সঙ্গুণের কথা শ্রুত হইয়াছেন। তাঁহার মন স্বতঃই দময়ন্তীর প্রতি আকৃষ্ট হইল। দময়ন্তীও নলের কথা শুনিয়াছেন। শুনিয়াছেন, তিনি রূপবান ও গুণবান; তাঁহারও মন নলের প্রতি আকৃষ্ট হইল। নল জানিয়াছেন যে, দময়ন্তীলাভ তাঁহার পক্ষে কঠিন নহে। দময়ন্তী কোনরূপে নলকে তাঁহার মনোভাব জ্ঞাপন করিয়াছেন। দময়ন্তী নলকে জানাইয়াছেন যে, তিনি তাঁহার রূপগুণে মোহিতা। সুতরাং দময়ন্তী প্রাপ্তি সম্বন্ধে নল একরূপ নিশ্চিত হইয়াছেন। তাই বড় আশায় বুক বাঁধিয়া তিনি দময়ন্তীর স্বয়ংবর সভায় গমন করিতেছেন। পথে চারি জন পুরুষের সহিত তাঁহার সাক্ষাৎ হইল। তাঁহারা আর কেহ নহেন—ইন্দ্র, অগ্নি, বরুণ ও যম। তাঁহারাও দময়ন্তী লাভের জন্ত গমন করিতেছেন। তাঁহারা নলের সঙ্গুণের বিষয় জানিতেন। তাঁহার অপরূপ রূপ দেখিয়া তাঁহারা বিস্মিত হইলেন। নল যে দময়ন্তীর স্বয়ংবর সভায় গমন করিতেছেন, দেবগণ তাহা বুঝিতে পারিলেন। স্বয়ংবর সভায় নল যদি তাঁহাদের প্রতিদ্বন্দ্বী হন, তবে তাঁহাদের কাহারও ভাগ্যে যে দময়ন্তী লাভ ঘটিবে না, তাহা তাঁহারা বেশ বুঝিলেন। সেই জন্ত এক কোণল করিলেন। তাঁহারা জানিতেন, নল সত্যপরায়ণ, তিনি যে কার্য্য করিতে স্বীকার করিবেন, তাহা অবশ্যই করিবেন। এই জন্ত সত্যপরায়ণতার দোহাই দিয়া তাঁহারা নলকে বলিলেন—

“ততোহস্ত্রীক্ষে বিষ্টভ্যবিমানানি দিবোকসঃ ।

অবধীন্নৈবধং রাজন্নবতীর্থ্য নভস্তলাং ॥

ভো ভো নিষেধরাজেজ্জ নল সত্যব্রতী ভবান্ ॥

অস্মাকং কুরু সাহায্যং দূতো ভব নরোত্তম ॥”

অর্থাৎ ভো ভো নিষাধরাজেজ্জ নল, তুমি সত্যপরায়ণ, অতএব আমাদের প্রতি সহায়তা কর, হে নরোত্তম তুমি আমাদের দূত হও।

পূর্বকালে মহানুভব ব্যক্তিগণ প্রার্থীকে কখনও বঞ্চিত করিতেন না। যে বাহা প্রার্থনা করিত, ধর্মসঙ্গত হইলে তাহা তাহাকে প্রদান করিতে কোন রূপেই বিমুখ হইতেন না। নল জানিতেন না, উক্ত চারি জন পুরুষ কে, কি নিমিত্তই বা তাঁহারা তাঁহাকে দৌত্যকার্য্যে নিযুক্ত করিতে ইচ্ছুক হইয়াছেন। তথাপি প্রার্থীকে নিরাশ করা অসঙ্গত বিবেচনা না করিয়া

তিনি দৌত্যকার্য্য করিতে স্বীকৃত হইলেন। তিনি ভাবিলেন না যে, তিনি কি জন্ত কোথায় গমন করিতেছিলেন। তিনি যে রমণীকে হৃদয়ের অধিষ্ঠাত্রী-দেবীরূপে এত দিন পূজা করিয়া আসিতেছিলেন, তিনি যে তাঁহারই স্বয়ংবর সভায় গমন করিতেছেন। যদি দৌত্যকার্য্য সাধন জন্ত দেবগণ তাঁহাকে বিদর্ভ হইতে কোন দূর দেশে প্রেরণ করিতেন, তাঁহাই হইলে ত দময়ন্তীর স্বয়ংবর সভায় তাঁহার উপস্থিত হওয়া হইত না। দময়ন্তী লাভ যে তাঁহার ভাগ্যে আর ঘটয়া উঠিত না। কিন্তু মহানুভব নল এ সকল স্বার্থযুক্ত কথা একবারও মনোমধ্যে স্থান দিলেন না। অর্থাৎ কিক্রমে প্রত্যাহার করিতে হয়, তাহা তিনি জানিতেন না। সেই জন্তই তিনি অগ্র পশ্চাৎ না ভাবিয়া দৌত্যকার্য্য করিতে স্বীকার করিলেন। পরিচয় জিজ্ঞাসা করায় নল জানিতে পারিলেন, যে ইন্দ্রাদি চারি জন দেবতা তাঁহাকে দময়ন্তীর নিকট দূতরূপে প্রেরণ করিতে অভিলাষী হইয়াছেন! দেবগণের ইচ্ছা যে, নল দময়ন্তীর নিকট যাইয়া তাঁহাকে এই অনুরোধ করিবেন যে, তিনি যেন তাঁহাদের মধ্যে একজনকে পতিত্বে বরণ করেন। কি ভীষণ অনুরোধ! নল কখনও স্বপ্নেও ভাবেন নাই যে, তাঁহাকে এমন কার্য্যে নিযুক্ত হইতে হইবে। তাঁহার হৃদয় মধ্যে বিষম আন্দোলন উপস্থিত হইল। তিনি ভাবিলেন, তিনি যে কার্য্যের ভার গ্রহণ করিয়াছেন, তিনি সে কার্য্য সম্পাদনে সম্পূর্ণ রূপে অসমর্থ। দময়ন্তীর নিকট কি তিনি একরূপ প্রস্তাব করিতে পারেন? হয়ত তাঁহার দময়ন্তী-প্রেম তাঁহাকে কর্তব্য কর্ম্মে বাধা প্রদান করিবে। হয়ত তিনি সত্য রক্ষা করিতে পারিবেন না। ধর্ম্মভীরু নল এই ভাবিয়া দেবগণকে কহিলেন, আপনারা বদর্থ সমাগত হইয়াছেন, আমি ও তদর্থই আগত হইয়াছি, সুতরাং আমাকে প্রেষ্যকার্য্যে নিয়োগ করা আপনাদের উচিত হয় না। হে প্রভুগণ, কোন্ পুরুষ স্ত্রীর প্রতি কৃত-সংকল্প হইয়া তাহাকে পরের নিমিত্ত একরূপ করিতে উৎসাহ করে? অতএব আপনারা আমাকে ক্ষমা করুন।

যে কারণেই হউক, দেবগণ নলকে ক্ষমা করিলেন না। অগত্যা সত্য শালনের জন্ত নলকে স্বীকৃত হইতে হইল।

এই স্থানে প্রসঙ্গ ক্রমে একটা কথা বলা আবশ্যিক বোধ করিতেছি। গোপনে দময়ন্তীর নিকট যাইতে হইবে জানিয়া, নল দেবগণকে বলিলেন :—

“এবমুক্ত স দেবৈবৈস্তৈ নৈষধঃ পুনরব্রবীৎ ।

সুরক্ষিতানি বেষ্মানি প্রবেষ্টুং কথমুৎসহে ॥”

“দময়ন্তীয় আলয় সকল দ্বারপালেরা উত্তম রূপে রক্ষা করিয়া থাকে, তাহাতে আমি প্রবেশ করিতে কি প্রকারে উৎসাহী হই ?

পার্শ্চাত্য সভ্যতার অনুকরণকারী কোন কোন ব্যক্তি বলেন যে, অবরোধ প্রথা পূর্বে আমাদের দেশে প্রচলিত ছিল না। তাঁহারা বলেন, মুসলমানেরা যখন হিন্দুদের মেয়ে লইয়া টানা টানি আরম্ভ করিল, তখনই হিন্দুগণ বেগতিক দেখিয়া মেয়েদের অন্তঃপুরে অবরুদ্ধ করিলেন ও তাঁহাদের মাথায় ঘোমটা টানিয়া দিলেন। এখন নলের এই কথার উত্তরে তাঁহারা কি বলিবেন, জানি না। দময়ন্তীয় সময়ে ত আর ভারতবর্ষে যবনের দৌরাভ্যা ছিলনা যে, তাঁহার আলয় সকলকে দ্বারপালগণ দ্বারা উত্তমরূপে রক্ষিত করিবার প্রয়োজন হইয়াছিল !

অবগুপ্তন প্রথাও নূতন নহে। যখন শকুন্তলা ছদ্মস্তের সভায় প্রবেশ করিতেছেন, তখন রাজা মনে মনে বলিতেছেন :—

“কেয়মবগুপ্তনবতী নাতিপরিষ্কুট শরীরলাবণ্যা ।”

ঐ অবগুপ্তনবতী রমণী কে ? ইত্যাদি ।

শকুন্তলা বা কালিদাস কেহইত আর যবন অধিকারে জন্মগ্রহণ করেন নাই। তবে শকুন্তলা ঘোমটা দিল কেন ? মেয়েদের বিবি সাজাইতে ইচ্ছা হয়, সাজাও কিন্তু অগ্রায় পূর্বক পূর্বপুরুষগণের দোহাই দাও কেন ?

যাহা হউক, দেবগণের অনুগ্রহে নল অপরের অদৃশ্যভাবে দময়ন্তীর অন্তঃপুরে প্রবেশ লাভ করিয়া তাঁহার সমক্ষে উপস্থিত হইলেন। বিস্মিতা দময়ন্তী তাঁহার পরিচয় জিজ্ঞাসা করিলেন। নল আত্মগোপন করিলেন না। পাঠক বিবেচনা করিয়া দেখুন, আত্মগোপন করাতেই নলের স্বার্থ ছিল। দময়ন্তী যে নলের প্রতি অনুরক্তা, সেই নলই যদি দময়ন্তীর সমক্ষে উপস্থিত হইয়া তাঁহাকে প্রত্যাখ্যান করিয়া অপরকে ভজনা করিতে অনুরোধ করেন, তবে দময়ন্তীর হৃদয় নল হইতে অনেকটা বিচ্ছিন্ন হইবার সম্ভব। কিন্তু তাহা হইলেও নল প্রতারণা করিতে সমর্থ হইলেন না। তিনি স্বীয় স্বার্থের প্রতি কিছুমাত্র দৃষ্টিপাত না করিয়া সরলভাবে দময়ন্তীকে বলিলেন ;—

“নলং মাং বিদ্ধি কল্যাণি দেবদূতমিহাগতম্ ।

দেবাস্তাং প্রাপ্তুমিচ্ছন্তি শক্রোহগ্নিবরুণো যমঃ ॥

তেষামন্যতমং দেবং পতিং বরয় শোভনে ।

তেষামেব প্রভাবেন প্রবিষ্টোহমলক্ষিতঃ ॥

প্রবিশন্তং ন মাং কশ্চিন্নাপশুন্নাপ্যবারয়ৎ ।

এতদর্থ মহং ভদ্রে প্রেধিতঃ সুরসত্তমৈঃ ।

এতচ্ছ ত্বা শুভে বুদ্ধিং প্রকুরুষব যথেষ্টসি ॥”

হে কল্যাণি, আমার নাম নল; আমি দেবতাদিগের দূত হইয়া এখানে আসিয়াছি। ইন্দ্র, অগ্নি, বরুণ ও যম এই দেবতারা তোমাকে লাভ করিতে ইচ্ছা করেন। হে শোভনে, তাঁহাদের একজনকে তুমি পতিরূপে বরণ কর। আমি তাঁহাদের প্রভাবেই লোকের অলক্ষিত হইয়া তোমার ভবনে প্রবেশ করিয়াছি; সূতরাং প্রবেশকালে কেহই আমাকে দর্শন করিতে পারে নাই, নিবারণও করে নাই। হে ভদ্রে, দেবতারা যে প্রয়োজন নিমিত্তে আমাকে প্রেরণ করিয়াছেন, হে শুভে, তাহা তুমি শ্রবণ করিলে; এক্ষণে তোমার যেক্ষণ ইচ্ছা হয় তদনুসারে কার্য্য কর।

পাছে দময়ন্তী মনে করেন যে, নল দেবগণ কর্তৃক প্রেরিত নহেন; তাঁহার মনোভাব বুঝিবার জন্য আসিয়াছেন, এই জন্য নল তাঁহাকে বুঝাইলেন যে, তিনি মানব তাঁহার এমন কোন সাধ্য নাই, যে তিনি অলক্ষিতে তাঁহার অন্তঃপুরে উপস্থিত হইতে পারেন। দেবপ্রভাব ভিন্ন এক্ষণে কখনই সম্ভব হয় না। সূতরাং দময়ন্তীর বেশ বুঝা উচিত যে, নলের নিজের কোন অলৌকিক ক্ষমতা নাই, কেবল দেবতাগণের প্রভাবেই তিনি অলক্ষিতে আসিতে সমর্থ হইয়াছেন।

স্বাধ্বী দময়ন্তীর মন কিন্তু বিচলিত হইল না। তিনি যে নলের প্রতি একান্ত আসক্তা, তাহা নলকে স্পষ্টাঙ্করে বলিলেন। এ সময়ে স্পষ্ট কথা না বলিলে আর উপায় ছিল না। দময়ন্তী যখন নলকে একবার মনে স্থান দিয়াছেন, নল তখনই তাঁহার পতি হইয়াছেন। আর এখন তিনি অপরকে বিবাহ করিয়া দ্বিচারিণী হইতে পারেন না। দময়ন্তী বলিলেন ;—

মা নমস্কৃত্য দেবেভ্যঃ প্রহস্য নলমব্রবীৎ ।

প্রণয়স্ব যথাশ্রদ্ধং রাজন্ কিংকরবাণি তে ॥

“অহঙ্কৈব হি যৎচান্যন্নমাস্তিবস্তু কিঞ্চন ।
তৎসর্কং তব বিশ্রকং কুরু প্রণয়মীশ্বর ॥
হংসানাং বচনং যত্নু তন্মাংদহতি পার্থিব ।
অংকুতেহি ময়া বীর রাজানঃ সন্নিপাতিতাঃ ॥
যদিত্বং ভজমানাং মাং প্রত্যাখ্যাস্যসি মানদ ।
বিষমগ্নিং জলং রজ্জুমাস্ত্রাসে তব কারণাং ॥”

হে রাজন, আপনি আমার স্পৃহাভাসে আমার প্রতি প্রণয় করুন, আমি আপনার কি কার্য্য করিব আজ্ঞা করুন। হে ঈশ্বর, আমি এবং আমার অন্ত যে কিছু সম্পত্তি আছে, তৎসমস্ত নিতান্তই আপনকার অধীন; আপনি প্রণয় প্রকাশ করুন। হে পার্থিব, হংসগণের বাক্য আমাকে দগ্ধ করিতেছে। হে বীর, আপনকার নিমিত্তই আমি রাজগণকে একত্রিত করিয়াছি। হে মানদ, আপনার ভক্ত দেখিয়াও যদি প্রত্যাখ্যান করেন, তবে আমি আপনার নিমিত্তে বিষ, অগ্নি, জল কিম্বা রজ্জু অবলম্বন করিব।

নল প্রথমেই দময়ন্তীকে যাহা বলিয়াছিলেন, তাঁহার কর্তব্যপালনের পক্ষে তাহাই যথেষ্ট। তিনি ত দেবগণের বক্তব্য দময়ন্তীকে জ্ঞাপন করিয়াছেন। তখনই তাঁহার কর্তব্যের অবসান হইয়াছে। তাহার পর তিনি দময়ন্তীর নিকট যাহা শুনিলেন, তাহার উপর কি আর কথা চলে? কিন্তু ধর্ম্মাশ্রমঃনল, দেবকার্য্য সম্পাদন ও নিজ স্বার্থ বিসর্জন জন্ত আর একবার চেষ্টা করিলেন। তিনি দময়ন্তীর সূতের দিকে দৃষ্টিপাত করিয়া ও নিজের সূতের জন্ত ক্ষণমাত্রও চিন্তা না করিয়া দময়ন্তীকে বুঝাইতে চেষ্টা করিতে লাগিলেন যে, দেবতা বিবাহ করিলে দময়ন্তী যেরূপ সুখী হইতে পারিবেন, তাঁহার ঞ্চায় মানব কখনই তাঁহাকে তত সুখী করিতে পারিবে না। দময়ন্তীর উচিত, দেবগণের মধ্যে একজনকে বিবাহ করা। তিনি নলের কথা বিস্মৃত হউন। আর যদি দময়ন্তী নিতান্তই দেবগণকে বিবাহ করিতে সম্মত না হন, তবে ত দেবগণ নলের বিষম সর্কনাশ করিতে পারেন। তাঁহারা রুষ্ট হইলে কি নল জীবিত থাকিতে পারেন? দেবগণ যদি নলকে বধ করেন, তবে কেমন করিয়া দময়ন্তীর সুখ হইবে। অতএব নলের ঞ্চায় প্রিয় সূত্দের বাক্য গ্রহণ করা দময়ন্তীর অতীব কর্তব্য।

এইরূপ নানা যুক্তি প্রদর্শন করিলেও যখন দময়ন্তীর হৃদয় বিচলিত হইল না, তখন নল অগত্যা নিরস্ত হইলেন। দময়ন্তী জানিতেন, দেবগণ

ধর্ম্ম-রূপী। যথার্থ-ধর্ম্মাচরণ করিলে তাঁহারা রুষ্ট হইবেন কেন? নলও যে তাহা না জানিতেন, তাহা নহে। সূতরাং দময়ন্তীকে আর অহুরোধ করা বৃথা বিবেচনা করিয়া নল বলিলেন,—

“দৌত্যেনাগত্য কল্যাণি তথা ভদ্রে বিধীয়তাম্ ।
কথংহং প্রতিশ্রুত্য দেবতানাং বিশেষতঃ ।
পরার্থে যত্নমারভ্য কথং স্বার্থমিহোৎসহে ।
এষ ধর্ম্মো যদি স্বার্থো মমাপি ভবিতা ততঃ ।
এবং স্বার্থং করিষ্যামি তথা ভদ্রে বিধীয়তাম্ ॥”

হে ভদ্রে, তুমিই আমার অভিলষিত নিষ্পন্ন কর। আমি দেবগণের নিকট প্রতিজ্ঞা করিয়াছি, তাঁহাদেরই কার্য্য করিব। কেমন করিয়া আমি তোমার কথায় নিজের স্বার্থ-সম্পন্ন করি? তুমি দেখিতেছি কিছুতেই সম্মত হইলে না। অতএব এমন কোন কৌশল কর, যাহাতে তুমি আমাকে বিবাহ করিলে আমার কোন দোষ না হয়। অর্থাৎ আমার দোষে দেবগণের স্বার্থসিদ্ধি হইল না, দেবগণ ইহা মনে করিলে আমি কখনই তোমাকে বিবাহ করিতে পারিব না।

ধর্ম্মভীরু নল এইরূপে সকল দিক বজাৎ রাখিবার জন্ত দময়ন্তীকে অহুরোধ করিলেন। দময়ন্তী বলিলেন—

“ততোহং লোকপালানাং সন্নিধৌ তাং নরেশ্বরঃ ।
করয়িষ্যে নরব্যাত্র নৈবং দোষো ভবিষ্যতি ॥”

আমি দেবগণের সমক্ষেই তোমাকে বরণ করিব, তাহা হইলে আর তোমার দোষ হইবে না।

নল আশস্ত হইয়া দেবগণের নিকট প্রত্যাভর্জন করিলেন। তিনি দেবগণকে সমস্ত কথা প্রকাশ করিয়া বলিলেন। দেবগণ নলের প্রতি কিছু মাত্র অসন্তুষ্ট হইলেন না।

নলের দৌত্য শেষ হইল। দেবগণ নলকে যে ভীষণ পরীক্ষানলে নিক্ষেপ করিয়াছিলেন, নল তাহা হইতে দ্বিগুণ ছাতিমান হইয়া বহিস্কৃত হইলেন। এইখানেই নলের নলত্ব। এই জন্তই নল “পুণ্যশ্লোক” বলিয়া কীর্তিত। এই পৃথিবীতে অনেকেই অনেক রূপ স্বার্থত্যাগ করিয়া জগতের বরণীয় হইয়া গিয়াছেন, কিন্তু নলের ঞ্চায় হংপিণ্ড ছিঁড়িয়া কয়জন প্রদান করিতে উদ্যত হইয়াছেন? কত মহানুভব পুরুষ রাজ্য, ধন, পুত্র, কন্যা, পরের জন্ত

ত্যাগ করিয়াছেন, কিন্তু কয়জন হৃদয়ের অধিষ্ঠাত্রী দেবীকে, নিজের প্রণয় পাত্রীকে অপরের হস্তে সমর্পণ করিবার জন্ত প্রস্তুত হইয়াছিলেন? যে দময়ন্তীর জন্ত নল আহার নিদ্রা পরিত্যাগ করিয়াছিলেন, যাঁহার জন্ত তিনি বিষয় কস্মে মনোনিবেশ করিতে পারিতেন না, যে দময়ন্তী লাভের আশায় তিনি উৎফুল্ল হৃদয়ে স্বয়ংবর সভায় গমন করিতেছিলেন, অপরকে বিবাহ করিবার জন্ত সেই দময়ন্তীকে তাঁহাকে অনুরোধ করিতে হইয়াছিল! ইহা অপেক্ষা উজ্জ্বল স্বার্থত্যাগ আর কিছু হইতে পারে কি না আমরা জানি না। এই মহা স্বার্থত্যাগের জন্ত মহাত্মা নল পুরস্কৃত হইলেন। দময়ন্তী তাঁহারই হইল। নলের প্রতি দময়ন্তীর ঐকান্তিক প্রেম পরীক্ষার জন্ত দেবগণ সকলেই নলমূর্ত্তি ধারণ করিলেন। কিন্তু দময়ন্তীর হৃদয় বুঝিতে পারিয়া দেবগণ তাঁহাকে রূপা করিলেন। দময়ন্তী নলের গলেই বরমাল্য প্রদান করিলেন। সাধুতার পুরস্কার হইল—ধর্ম্মের জয় হইল। দেবগণ দেখাইলেন, যতই সঙ্কটে পতিত হও না কেন, ধর্ম্মপথ হইতে কদাপি ভ্রষ্ট হইও না। নিজের স্বার্থ যতই প্রবল হউক না কেন, পরের জন্ত তাহা ত্যাগ করিতে সদাই প্রস্তুত থাকিও। ইহাতে তোমার স্বার্থের হানি হইবে না। অধিকন্তু তোমার হৃদয় পবিত্র হইতে পবিত্রতর হইবে। তোমার স্বার্থলাভ ও যশোলাভ এক সঙ্গে উভয়ই হইবে। দেবগণ আরও দেখাইলেন, প্রকৃত ধর্ম্মপথ অনুসরণ করিয়া চলিলে তাঁহারা সদা তুষ্ট থাকেন। দেবপ্রীতি মানবকে সকল সুখ শান্তির অধিকারী করে। কিন্তু হায়! যে ধর্ম্মাচরণে দেবপ্রীতি হয়, সেই ধর্ম্মাচরণেই দুঃস্থ জনের বিরাগ উৎপাদন হয়! এই ধর্ম্মাচরণের জন্য মহাত্মা নলকে যে কিরূপ বিপন্ন হইতে হইয়াছিল, তাহা পরে বিবৃত করা যাইবে।

জয়া ।

তৃতীয় পরিচ্ছেদ ।

আনন্দোন্মত্ত যবন-সেনাদল একটি সঙ্কীর্ণ গিরিবন অতিক্রম করিয়া প্রশস্ত প্রান্তরে আসিয়া উপনীত হইলে দেখিতে পাইল যে, বহুসংখ্যক অশ্বারোহী প্রবল ঝটিকার গায় সমস্ত প্রান্তরভূমি কম্পিত করিয়া তাহা-

দের অভিমুখে অগ্রসর হইতেছে। যবন সেনাপতি বন্দীগণকে মধ্যে রাখিয়া চতুরস্র ব্যূহ নির্মাণ পূর্বক যুদ্ধের জন্ত প্রস্তুত হইল। অনতিবিলম্বে অশ্বারোহীদল নিকটবর্তী হইলে মুসলমানেরা তাহাদিগকে রাজপুতসৈন্য বলিয়া চিনিতে পারিল। রাজপুত-সেনানী বলবান, সুশ্রী যুবক। তাঁহার অশ্বটিও আরোহীর গায় তেজস্বী। রাজপুত সৈন্যধাক্ক যুদ্ধের প্রারম্ভে একজন দূত প্রেরণ করিয়া যবনগণকে আত্মসমর্পণ করিতে বলিলেন। কিন্তু দান্তিক মুসলমানগণ ঘণার সহিত সে প্রস্তাব অগ্রাহ্য করিলে রাজপুত-গণ সেনাপতির ইঙ্গিতানুসারে শৌন পক্ষীর গায় প্রবলবেগে বিপক্ষপক্ষ আক্রমণ করিল।

রাজপুত সৈন্য, সংখ্যায় যবনগণ অপেক্ষা অনেক অধিক। এতদ্ব্যতিরিক্ত তাহারা সকলেই অশ্বারোহী, সুতরাং অল্পসংখ্যক মুসলমান পদাতিক মুহূর্ত্ত মধ্যে ছিন্ন ভিন্ন হইয়া পড়িল। যবন সেনাপতি হৃদয়বুদ্ধে রাজপুত সেনানীর হস্তে প্রাণ হারাইল। সেনাপতির মৃত্যুতে মুসলমানদল ভীত হইয়া যুদ্ধক্ষেত্র হইতে ইতস্ততঃ পলায়ন করিতে লাগিল। কিন্তু রাজপুত অশ্বারোহী পলায়নপর বিপক্ষগণের অনুসরণ করিয়া শাণিত তরবারির আঘাতে তাহাদের অধিকাংশেরই বিনাশ সাধন করিলেন। কেবল কতিপয় মাত্র যবনসেনা সৌভাগ্য ক্রমে রক্ষা পাইয়া দিল্লীধরকে এই নিদাক্ষণ ব্যাপারের সংবাদ প্রদান করিল।

একাল পর্য্যন্ত জয়া চিত্রাৰ্পিতের গায় অনিমেষ গোচনে এই ভয়ানক হত্যাকাণ্ড নিরীক্ষণ করিতেছিলেন। রাজপুত সেনাপতিকে দর্শন করিবার মাত্র তাঁহার সমস্ত শরীরে তড়িৎপ্রবাহ ছুটিল। কম্পিত হৃদয়ে যুদ্ধের ফলাফল দেখিবার জন্য স্বস্থানে দাঁড়াইয়া রহিলেন। দেখিতে দেখিতে যুদ্ধের অবসান হইল। যুদ্ধক্ষেত্র শত্রুশূন্য হইলে রাজপুত সেনাপতি অশ্ব হইতে অবতরণ করিয়া আনন্দগদগদকণ্ঠে বলিলেন “জয়া। ঈশ্বরের অনুগ্রহে আজ তোমার উদ্ধার হইয়াছে।” কিন্তু জয়া কোন উত্তর করিতে পারিলেন না। যাঁহার সহিত বিবাহ হইবে বলিয়া তিনি বাগ্দত্তা হইয়াছেন, যাঁহাকে মনঃপ্রাণ সমর্পণ করিয়াছেন এবং যাঁহার মোহন ছবি চিত্রপটে অঙ্কিত করিয়া রাখিয়াছেন, সেই শৈশবের সহচর ভাবী স্বামী মূলতানের যুবরাজ জয়পালকে সম্মুখে দেখিয়া এবং তিনিই আজ পাপিষ্ঠ যবনের কবল হইতে তাহাকে উদ্ধার করিয়াছেন, এই নিময় চিন্তা করিতে করিতে বাণিকা

আনন্দে অধীর হইয়া পড়িল এবং তাহার নয়নযুগল হইতে অনর্গল আনন্দাশ্রু প্রবাহিত হইতে লাগিল। জয়পাল পুনরায় বলিলেন, “জয়া অকস্মাৎ তোমার চিত্তের পরিত্যাগের কথা শুনিয়া বিস্মিত হইয়াছিলাম, পরে আমার এই সাহসিক সৈন্যগণকে লইয়া তোমার গমনপথ রক্ষা করিবার জন্য যাত্রা করিলাম। অদ্য প্রাতঃকালে শুনিলাম, একদল শত্রুসৈন্য তোমার অনুসরণ করিয়াছে। তৎক্ষণাৎ কালবিলম্ব না করিয়া আমি এখানে আসিলাম। যাহা হউক, তোমার উদ্ধার হইয়াছে। এখন আমি তোমাকে যশস্বীরাে রাখিয়া আসিব।”

আনন্দে উৎফুল্ল হইয়া জয়া বাষ্পজড়িত স্বরে উত্তর করিলেন, “জয়পাল, অদ্য তুমি আমার জীবন ও সন্মান রক্ষা করিলে। তুমি উদ্ধার না করিলে আমি এই অক্ষুরীস্থিত হলাহল পান করিয়া জীবন বিসর্জন করিতাম। এই পাপিষ্ঠ যবন একবার বলপ্রকাশ করিয়া আমাকে আত্মহত্যা হইতে বিরত করিয়াছিল। তখন আমি আপনাকে অপমানিতা জ্ঞান করিয়াছিলাম। কিন্তু এখন দেখিতেছি যে, এ ব্যক্তি শত্রু হইয়াও পরম মিত্রের কাজ করিয়াছিল।”

এদিকে সৈন্যগণ কিয়ৎক্ষণ বিশ্রাম করিয়া যুদ্ধক্লান্তি উপশম করিলে জয়পাল গমনে আদেশ প্রদান করিলেন। গোদয় পুনরায় সংযোজিত হইল এবং চালকের পরিচিত কণ্ঠস্বর শ্রবণ করিয়া কিছুমাত্র উচ্ছ্বলতা প্রকাশ না করিয়া গমন করিতে লাগিল। জয়পাল অধারোহণে জয়ার শকটের পাশ্বে পাশ্বে গমন করিতে লাগিলেন। প্রণয়যুগলের সমস্ত পথ কথোপকথনে অতিবাহিত হইল এবং ক্ষণেকের জন্য জয়ার অন্তঃকরণ হইতে পিতার অবরোধ জনিত শোক অপনীত হওয়ায় তাঁহার মুখমণ্ডল অপূর্ণ স্ত্রী ধারণ করিল এবং তাঁহার সৌন্দর্য্য দ্বিগুণ পরিমাণে বর্দ্ধিত হইল।

পথিমধ্যে অন্য কোন প্রকার বাধা বিহীন হইয়া জয়পাল যশস্বীরাে উপনীত হইলেন এবং জয়াকে তাঁহার মাতুলের হস্তে সমর্পণ করিলেন। অতঃপর নিভূতে জয়ার সহিত সাক্ষাৎ করিয়া জয়পাল তাঁহার নিকট দিল্লী গমনের অভিপ্রায় ব্যক্ত করিলেন।

জয়া তাঁহার এই প্রস্তাব শুনিয়া স্তব্ধনেত্রে তাঁহার মুখের পানে দৃষ্টিপাত করিয়া অক্ষুট স্বরে কেবল “দিল্লী”! এই কথাটি মাত্র উচ্চারণ করিলেন।

জয়পাল পুনরায় বলিলেন, “হাঁ জয়া, দিল্লী! আমি শীঘ্রই দিল্লী যাইবার মনস্থ করিয়াছি।”

অশ্রুপূর্ণ লোচনে জয়া কহিলেন “কেন জয়পাল! কেন এই শত্রুপূরী মধ্যে যাইতে ইচ্ছা কর? কেন সাধ করিয়া হিংস্র পশুর বিবরে প্রবেশ করিতে চাও?”

“জয়া! তোমার পিতা কি দিল্লীর কারাগারে বন্দী নহেন?”

“হাঁ! আমার পিতা মুসলমান কারাগারে বন্দী আছেন বটে। কিন্তু অসংখ্য প্রহরী পরিবেষ্টিত লৌহময় যবন কারাগার হইতে তুমি একাকী কিরূপে আমার পিতার উদ্ধার সাধন করিবে?”

“ঘটনা পরম্পরায় এমন সুযোগ উপস্থিত হইতে পারে যে, একাকী আমি যাহা করিতে পারিব, সহস্র সহস্র লোকের সাহায্যেও হয়ত তাহা হইতে পারে না। যাহা হউক, তুমি আগামী পূর্ণিমা পর্যন্ত অপেক্ষা কর। ইহার মধ্যে যদি আমার সম্বন্ধে কোন সংবাদ না পায়, তবে জানিও জয়পাল ইহলোক পরিত্যাগ করিয়াছে।” বলিতে বলিতে জয়পালের সুন্দর বদনমণ্ডল গম্ভীর ভাব ধারণ করিল।

জয়া তাঁহার বিপদের আশঙ্কায় ব্যাকুল হইয়া পুনরায় তাঁহাকে গমনে বিরত হইবার জন্ত বলিলেন। “জয়পাল! তুমি যে কার্য সাধনের অভিলাষে যাইতেছ, তাহা নিতান্ত অসম্ভব। তবে বুঝা এ বিপদ-সমুদ্রে ঝাঁপ দিয়া কাজ কি?”

“বিপদ রাজপুত্রের প্রিয় বস্তু। যে ভীক বিপদের ভয়ে কর্তব্য কার্যে অবহেলা করে, সে রাজপুত্র নামের অযোগ্য। যদি আমি তোমার পিতার উদ্ধার বিষয়ে ক্ষণেকের জন্ত পরাঙ্মুখ হই, তাহা হইলে আমি রাজপুত্র-কলঙ্ক এবং তোমার ভালবাসার উপযুক্ত নই।”

“যাও জয়পাল,” অশ্রুপূর্ণলোচনে জয়া বলিলেন, “যাও, আমি তোমার গমনে বাধা দিব না। মনে রাখিও যে, তোমার কল্যাণের জন্ত একজন সতত ঈশ্বরের নিকট প্রার্থনা করিবে; তোমার জন্ত একজনের অশ্রুজল নিয়ত মৃত্তিকা সিক্ত করিবে এবং আগামী পূর্ণিমার মধ্যে যদি তোমার কোন সংবাদ না পাই বা অমঙ্গল সংবাদ পাই, তাহা হইলে সেই রজনী শেষে আর একটি জীবনলতিকা চির তরে শুকাইবে।” এই বলিয়া প্রেমিক-যুগল পরস্পরকে আলিঙ্গন করিয়া সাশ্রনয়নে বিদায় গ্রহণ করিলেন এবং জয়পাল পরদিবস প্রত্যাষে দিল্লী যাত্রা করিলেন।

হতাবশিষ্ট সৈন্যগণের মুখে জয়ার উদ্ধারসংবাদ শ্রবণ করিয়া খিলিজী-সম্রাট ক্রোধে অধীর হইলেন এবং সমগ্র রাজপুতানা উৎসন্ন করিবার জন্ত মনে মনে সংকল্প করিলেন । কিন্তু চিতোররাজ তাঁহার হস্তে বন্দী, সুতরাং জয়ার পুনঃপ্রাপ্তির আশা সুদূরপরাহত নহে, এই চিন্তা মনে উদিত হওয়ায় তাঁহার ক্রোধের উপশম হইল । এই মনে করিয়াই তিনি চিতোরপতির প্রতি অনেকটু সদয় ব্যবহার করিয়াছিলেন এবং তাঁহার কারাবন্দনার লাঘব করিয়া তাঁহাকে অনেক পরিমাণে স্বাধীনতা প্রদান করিয়াছিলেন । অতঃপর একদিন আলাউদ্দিন রায় রতনসিংহকে আপন সম্মুখে আহ্বান করিলেন । চিতোররাজ সম্রাট সকাশে দণ্ডার্যমান হইয়া উন্নত মস্তকে তাঁহার আদেশ প্রতীক্ষা করিতে লাগিলেন । তাঁহার তেজপূর্ণ প্রশান্ত বদন নিরীক্ষণ করিয়া সভাস্থ সকলে বিস্মিত হইল ।

আলাউদ্দিন ধীরভাবে কহিলেন, “চিতোররাজ ! বোধ হয়, তুমি স্বাধীনতা পাইতে ইচ্ছা কর” রতনসিংহ উত্তর করিলেন—“দিল্লীধর ! যে ব্যক্তি স্বাধীনতা লইয়া জন্মগ্রহণ করিয়াছে, পরাধীনতা তাহার পক্ষে অস্বাভাবিক এবং অতীব ক্লেশকর । আজি না হয় প্রতিকূল দৈববশে আমি তোমার বন্দী হইয়াছি, কিন্তু সদাশয়তা রাজার মহামূল্য গুণ । ইহার নিকট মণিময় রাজমুকুটও অতি অকিঞ্চিৎকর পদার্থ ।”

“কিন্তু যোগ্যপাত্রে সদাশয়তা প্রদর্শন করা কর্তব্য । অপাত্রে প্রয়োগ করিলে ইহা অপকারী ভিন্ন কখন উপকারী হয় না ।”

“খিলিজীসম্রাট, এ তর্ক অযৌক্তিক । ধর্ম কখন প্রয়োগভেদে অধর্মের পরিণত হয় না । যাহা ঞ্জাঘ্য, তাহা কখন ঞ্জায়বহির্ভূত নহে । আমি সংসারে অনেক দেখিয়া শুনিয়া অভিজ্ঞতা লাভ করিয়াছি । শ্রুতিমধুর বাক্য হৃদয়ের কলুষভাব গোপন করে মাত্র ।”

আলাউদ্দিন বিরক্ত হইয়া বলিলেন—“রাজপুত্ররাজ ! বুঝা তর্কবিতর্কের জন্ত তোমাকে দিল্লীধরের নিকট আনয়ন করা হয় নাই । তুমি মুক্তি প্রার্থনা কর কি না ।”

রতনসিংহ কেবল মাত্র মস্তক অবনত করিয়া আপন সম্মতি জ্ঞাপন করিলেন ।

“কিন্তু তোমার স্বাধীনতার মূল্য কি ?”

“যাহাতে রাজপুত্রের নামে কলঙ্ক না হয়, আমি এক্ষণ প্রস্তুত সম্মত আছি ।”

“তোমার একটি কণ্ঠা আছে”

তীক্ষ্ণ দৃষ্টিতে চিতোরেশ্বর আলাউদ্দিনের মুখের দিকে তাকাইলেন ।

খিলিজীসম্রাট পুনরায় কহিলেন—

“আমি তাঁহাকে আমার এই বিশাল সাম্রাজ্যের অধিশ্বরী করিতে ইচ্ছা করি ।”

“তারপর” এই বলিয়া রতনসিংহ নীরব হইলেন ।

“তোমার কণ্ঠাকে দিল্লীতে আনয়ন কর । তিনি দিল্লীতে উপনীত হইবামাত্র তুমি মুক্তি লাভ করিবে ।”

ক্রোধে ও ঘৃণায় রাজপুত্র নরপতির বদন আরক্ত হইল । তিনি সগর্বে উত্তর করিলেন—“শ্লেচ্ছরাজ, কলঙ্কের জন্ত রাজপুত্রগণ কারাদণ্ড কি প্রাণদণ্ডের ভীত নহে । শিশোদীয় বংশের কণ্ঠা শ্লেচ্ছের অঙ্কশায়িনী হইবে, আর আমি পিতা হইয়া তাহার সহায়তা করিব । আমি তোমার এই জবজ্ব প্রস্তাবে পদাঘাত করি ।”

আলাউদ্দিন ক্রোধে প্রজ্বলিত হইয়া উঠিলেন । কিন্তু আর কিছু না বলিয়া রতনসিংহের প্রতি কঠোর কারাক্লেশ প্রদানের জন্ত কারাধ্যক্ষকে আদেশ করিলেন ।

চিতোরপতি ইহাতে কিছুমাত্র বিচলিত না হইয়া সগর্বে ধীরে ধীরে তথা হইতে প্রস্থান করিলেন ।

চতুর্থ পরিচ্ছেদ ।

দিল্লীর কারাগৃহের একটি ক্ষুদ্র প্রকোষ্ঠে চিতোরেশ্বর রতনসিংহ বন্দী । গৃহটি অতীব ক্ষুদ্র । একটি মাত্র দ্বার ভিন্ন ইহাতে আলোক ও বায়ু সঞ্চালনের আর কোন উপায় নাই ; তাহাও আবার ঘনসন্নিবিষ্ট অর্গল দ্বারা আবদ্ধ । সম্রাটের প্রস্তাব অবহেলা করায় রতনসিংহের কারাক্লেশ অনেক পরিমাণে বৃদ্ধি করা হইয়াছে । কিন্তু রাজপুত্রের পক্ষে সে ক্লেশ অসহনীয় নহে । রাজপুত্র জাতি মৃত্যুর ভয়ে ভীত নহে, নিঃশঙ্ক চিত্তে তাহারা বিপদকে আলিঙ্গন করে এবং ক্লেশভোগ মানবজীবনের প্রধান ধর্ম বলিয়া গণনা করে । কিন্তু রতনসিংহের এ সমস্ত গুণ যথেষ্ট পরিমাণে ছিল না । সংগ্রাম, প্রতাপ বা রাজসিংহের উপাদানে তাঁহার দেহ নিশ্চিত নহে । তবে মধ্যে

মধ্যে যে সমস্ত ভীকু কাপুরুষ চিতোরের সিংহাসনে আরোহণ করিয়া পবিত্র শিশোদীয় কুলে কলঙ্কের কালিমা আশ্রোপ করিয়াছে, রতন সিংহ তাহাদের মধ্যে একজন। তাঁহার হৃদয়ে, জাতিগত তেজ ও বীরত্বের সম্পূর্ণ অভাব না থাকিলেও অতি অল্প পরিমাণে ছিল। বিলাসিতা তাঁহার হৃদয়ের মহৎ গুণাবলী আচ্ছাদিত করিয়া রাখিয়াছিল, সুতরাং কারাঘন্ত্রণা তাঁহার অসহ্য বোধ হইতে লাগিল। ষষ্ঠ দিনের পর দিন গত হইতে লাগিল, ততই তিনি যে কোন উপায়ে কারাঘন্ত্রণা হইতে মুক্তিলাভের চেষ্টা করিতে লাগিলেন। পরিশেষে তিনি সুখের আশায় স্বীয় প্রাণসম দুহিতার বিনিময়ে মুক্তিলাভের ইচ্ছা করিলেন। তিনি জয়াকে যথেষ্ট স্নেহ করিতেন, কিন্তু সুখস্বচ্ছন্দতা তাঁহার তদপেক্ষাও প্রিয়তর। জাতিগত তেজ ও আত্মসম্মান বোধ থাকিলেও তাঁহার স্থিরপ্রতিজ্ঞ বা আত্মসংযম ছিলনা। সুতরাং বিলাসপ্রিয় রতনসিংহ সম্রাটের প্রস্তাব অগ্রাহ্য করিয়া এক্ষণে নিজ অবিমুশ্যকারিতার জগু অহুতাপ করিতে লাগিলেন। সত্য বটে ম্লেচ্ছ করে কন্যা সমর্পণ করিলে তাঁহার স্বজাতি মধ্যে ঘোর কলঙ্ক হইবে, কিন্তু প্রবল প্রতাপান্বিত সম্রাটের সাহায্যে সমস্ত রাজপুতানা তাঁহার করায়ত্ত হইবে, এই আশা মনোমধ্যে উদিত হওয়ায় তিনি দিল্লীধরের প্রস্তাবে সন্মত হইলেন এবং খিলিজী সম্রাটের লোক তাঁহার নিকটে আসিলে তদুত্তরেই তিনি সম্রাটকে স্বীয় মনোভাব ব্যক্ত করিতে অভিলাষ করিলেন। যখন কাপুরুষ চিতোররাজ মানসপটে এই সমস্ত কল্পনার ছবি আঁকিতেছিলেন, প্রতিক্ষণে সম্রাট সকাশ হইতে লোকের আগমন প্রতীক্ষা করিতেছিলেন, এমন সময়ে কারাগারের দ্বার উন্মুক্ত হইল এবং একজন ইহুদী বণিক কারাগৃহ মধ্যে প্রবেশ করিল। রতনসিংহ আগ্রহের সহিত জিজ্ঞাসা করিলেন; “আপনি কি সম্রাটের নিকট হইতে আসিতেছেন?”

বণিক রতনসিংহকে অতি মৃদুস্বরে কথা কহিতে ইঙ্গিত করিলেন এবং চুপে চুপে বলিলেন “আমি জয়পাল”।

রতনসিংহ চমকিত হইয়া উঠিলেন এবং বলিলেন, “জয়পাল!—তুমি কিরূপে এ কারাগারে প্রবেশ লাভ করিলে।”

আমি ইহুদী বণিকের বেশে নগরে প্রবেশ করিয়াছি এবং আপনার নিকট যে বহুমূল্য জহরত আছে, তাহা ক্রয় করিতে আসিয়াছি বলিয়া প্রলোভনে কারারক্ষককে মোহিত করিয়া এখানে আসিয়াছি। আমি শুনি-

লাম, সম্রাটের বিরাগ উৎপাদন করায় আপনার প্রতি কঠোর কারাদণ্ডের আদেশ হইয়াছে। কিন্তু বিরাগের কারণ কি, তাহা জানিতে পারি নাই।”

“আলাউদ্দিন আমার কন্যার পাণিগ্রহণের প্রস্তাব করিয়াছিল। প্রস্তাবে সন্মত না হওয়াতেই এই আদেশ হইয়াছে।”

“আমরা ইহার প্রতিশোধ লইব।”

“কিরূপে?”

“আমি দিল্লীর সৌন্দর্য্য দর্শনের জন্য এখানে আসি নাই। আলাউদ্দিনের মৃত্যু হইলেই আপনার কারামুক্তি হইবে।”

“কিন্তু একাকী অসহায়াবস্থায় তুমি কি আলাউদ্দিনের বিনাশ করিতে পারিবে? কেননা, শত শত রক্ষিবর্গ সর্বদা তাহার শরীর রক্ষা করিতেছে।”

“শত শত কেন, সহস্র সহস্র প্রহরী পরিবেষ্টিত হইলেও দূর হইতে নিষ্কিন্তু সায়কে তাহার হৃদয়স্থল ভেদ করিতে পারে।”

উদাসভাবে রতনসিংহ বলিলেন, “যে কোন প্রকারে আমার কারামুক্তি হইলেই হইল। যদি অত্র উপায় না থাকে, অগত্যা আমাকে যবনের প্রস্তাবে সন্মত হইতে হইবে।”

ক্রোধে এবং অপমানে অতিমাত্র উত্তেজিত হইয়া জয়পাল উত্তর করিলেন “কখনই না”।

এই বলিয়া তিনি বেগে কারাগৃহ হইতে বহির্গত হইয়া গেলেন। কারারক্ষক তাঁহার এই প্রকার ভাব দেখিয়া মনে মনে সন্দেহ করিল এবং ভবিষ্যতের জন্য অধিকতর সতর্ক হইল।

রতনসিংহের বাক্য শ্রবণ করিয়া জয়পাল অতীব চিন্তিত হইলেন এবং কি উপায়ে জয়াকে রক্ষা করিবেন, তাহার চেষ্টা করিতে লাগিলেন। তাঁহার হৃদয়ের দেবী পাপিষ্ঠ যবনের অঙ্কশায়িনী হইবে, এ চিন্তা তাঁহার সহ হইল না। তিনি আলাউদ্দিনের বিনাশ সাধনের সুযোগ প্রতীক্ষা করিতে লাগিলেন। সৌভাগ্যক্রমে শীঘ্রই সুযোগ আসিয়া উপস্থিত হইল।

ইহার দুই চারিদিন পরে আলাউদ্দিন বহুসংখ্যক হস্তী, অশ্ব এবং সৈন্য সমভিব্যাহারে রাজধানী হইতে বার ক্রোশ দূরে একটি বৃহৎ অরণ্যে মৃগয়া করিবার জন্য গমন করিলেন। রাজ্যের প্রধান প্রধান অমাত্যগণও তাঁহার সঙ্গে চলিল। মৃগয়ার আমোদে সকলেই আনন্দিত। তিন দিন

ধরিয়া বহুসংখ্যক পশু হনন হইল। তৃতীয় দিবসের অপরাহ্নে আলাউদ্দিন একটি হরিণের পশ্চাদ্ধাবিত হইয়া একাকী অরণ্যের গভীরতম প্রদেশে প্রবেশ করিলেন। হরিণটি তাঁহার লক্ষ্যপথ অতিক্রম করিয়া চলিয়া গেল। তখন তিনি অনুচরবর্গের সহিত মিলিত হইবার জন্য পথ অব্বেষণ করিতে লাগিলেন, কিন্তু কোন মতে পথের সন্ধান করিতে পারিলেন না। এদিকে সন্ধ্যাও আগতপ্রায়; তাঁহার ঘোটকও অত্যন্ত ক্লান্ত হইয়াছিল। তখন অনন্যোপায় হইয়া অশ্ব হইতে অবতরণ করিলেন এবং একটি উচ্চ ভূমির উপর আরোহণ করিয়া চতুর্দিক নিরীক্ষণ করিতে লাগিলেন। এমন সময়ে একটি তীর আসিয়া তাঁহার পৃষ্ঠদেশ ভেদ করিল। আলাউদ্দিন পশ্চাদ্ধিক মুখ ফিরাইতে না ফিরাইতে দ্বিতীয় তীর আসিয়া তাঁহাকে ভূতলে পাতিত করিল। তিনি অচেতন হইয়া পড়িলেন।

এদিকে আলাউদ্দিনের সৈন্যগণ তাঁহার বিলম্ব দেখিয়া অতিশয় চিন্তিত ও উদ্বিগ্ন হইল। তাহারা সমস্ত রাত্রি অরণ্যের নানা স্থানে তাঁহার অনুসন্ধান করিল এবং পরিশেষে কাননপ্রান্তে শিবির সন্নিবেশ করিয়া তাঁহার আগমন প্রতীক্ষা করিতে লাগিল। পরিশেষে যখন তাহারা আরোহীশূন্ত তাঁহার ঘোটকটিকে দেখিতে পাইল, তখন সকলে স্থির করিল যে, সম্রাট কোনও হিংস্র পশুর কবলে পতিত হইয়াছেন। স্মরণ্য সকলে বিমর্ষ চিত্তে রাজধানীতে প্রত্যাগমন করিল। রাজ্যের প্রধান প্রধান অমাত্যগণ আলাউদ্দিনের ভ্রাতৃপুত্র রুকুদ্দিনকে সিংহাসনে প্রতিষ্ঠিত করিলেন।

এদিকে চেতনা সঞ্চার হইলে আলাউদ্দিন দেখিলেন যে, তাঁহার ক্ষতস্থান উত্তমরূপে বাঁধিয়া দেওয়া হইয়াছে এবং কয়েকজন ভীল তাঁহার শুশ্রূষা কার্যে নিযুক্ত রহিয়াছে। তিনি তাহাদের নিকট আপনার প্রকৃত পরিচয় গোপন করিলেন এবং আপনাকে সম্রাটের অনুচর বলিয়া পরিচয় প্রদান করিলেন। প্রায় পক্ষাধিককাল শয্যাগত থাকিয়া দিল্লীখর বনবাসী ভীলগণের যত্নে ও পরিচর্যায় আরোগ্য লাভ করিলেন এবং নিকটবর্তী একটি গ্রাম হইতে অশ্ব সংগ্রহ করিয়া দিল্লী অভিমুখে গমন করিতে লাগিলেন। পশ্চিমধ্যে তাঁহার পরিচয় পাইয়া দলে দলে সৈন্ত আসিয়া তাঁহার সঙ্গে যোগ দিতে লাগিল। তিনি এইরূপে ৫০০ পাঁচশত সৈন্ত সংগ্রহ করিয়া দিল্লীতে উপনীত হইলেন এবং তাঁহার সমস্ত সৈন্ত আসিয়া তদীয় পতকা মূলে সমবেত হইল। সকলেরই সন্দেহ হইল, রুকুদ্দিনই সিংহাসন লাভের আশায় গুপ্ত-

ভাবে সম্রাটের প্রাণ বিনাশের চেষ্টা করিয়াছিল। রুকুদ্দিন আফগানপুর অভিমুখে পলায়ন করিলেন, কিন্তু পশ্চিমধ্যে ধৃত ও নিহত হইলেন।

সিংহাসন সর্বতোভাবে সূদৃঢ় করিয়া আলাউদ্দিন পুনরায় রতনসিংহকে আপন সমীপে আনয়ন করিয়া কহিলেন, চিতোররাজ! প্রবল প্রতাপশালী দিল্লীখরের পাণিগ্রহণে তোমার কন্যার কোন অবমাননা হইবে না। অতএব যদ্যপি স্বাধীনতা বাঞ্ছা কর, তাহা হইলে অদ্য হইতে ৬০ দিনের মধ্যে তোমার কন্যাকে দিল্লীতে আনয়ন কর, নচেৎ অপরাধীর ত্রায় তোমার প্রাণদণ্ড হইবে। কাপুরুষ রতনসিংহ ধীরভাবে কেবল মাত্র উত্তর করিলেন— “আমাকে স্বজাতি মধ্যে কলঙ্কিত ও জাতিভ্রষ্ট হইতে হইবে।”

আলাউদ্দিন কহিলেন “পবিত্র ইসলাম ধর্মগ্রহণ কর, তাহা হইলে তুমি আমার রাজ্যে সর্বপ্রধান পদে উন্নীত হইবে।”

রাজপুত্ররাজ ধর্ম পরিত্যাগ করিতে সম্মত হইলেন না, কিন্তু তাঁহার কন্যাকে দিল্লীতে আনয়ন করিতে স্বীকৃত হইলেন। এবং আলাউদ্দিনের নিকট বিদায় লইয়া তত্ক্ষণে যশস্বী লোক প্রেরণ করিলেন।

শ্রীদেবিদাস ভট্টাচার্য্য, বি, এ।

প্রার্থনা ।

১

হরি !
কি আছে আমারে আর,
তোমায় করিতে দান,
আমারি তুমি যে সব,
জানি সার ভগবান ।

২
আমারি তরেতে তুমি
নিয়ত ভাবিয়া সারা,
আমারি সুখের তরে,
তুমি যে অপনাহারা !

৩
তাকিনা তোমারে কভু
রহ তবু কাছে কাছে ;
অপূর্ব এ ভালবাসা
কোথা কি এমন আছে ?

৪

ভালবাসা নারি দিতে,
তবু তুমি ভালবাস ;
আঁধার এ যদি মাঝে,
নিরন্তর সুপ্রকাশ ;

৫
অতি দীন দুঃখী আমি
জগতে মিলেনা ঠাই !
তোমারে দেখিনা তবু
তব কোলে সুখ পাই ।

৬

দুরবল হবে হিয়া
অবসন্ন হয় প্রাণ,
তোমারি অনন্ত শক্তি
আনন্দে করহ দান !

৭
জগতে চেনেনা কেহ,
কেহ নাহি ভালবাসে,
তুমি কি ভুলিতে পার
চিনিয়া রেখেছ দাসে !

৮
যখন যেখানে যাই,
শত নদী ব্যবধান,
রহ তুমি কাছে কাছে,
বিপদে করিতে ত্রাণ !

৯
ব্যথিতেরে শান্তি দিতে,
মুছাইতে অশ্রুধার,
তোমা বিনা এ জগতে,
কেবা প্রভু আছে আর ?

১০
তুমিত রেখেছ চোখে,
তবু বলি চোখে রেখ,
তুমিত দেখিছ নীতি
তবু বলি দেখ দেখ ।

১১
ভালবাস যেই রূপে,
শিখাইয়া দেও তাই,
তোমারে (ও) এমনি করে,
যেন বাসিবারে পাই !

১২
তুমিত পৃথক নহ,—
যেন এক হ'য়ে রই,
বারে কও যেন মনে
নাহি হয় “তুমি কই ?”

১৩
তোমার প্রেমের নদী
এ ছদয়ে যেন বয়,
তোমারি অনন্ত ছায়া
হেরি যেন বিশ্বময় !

১৪
কাঁদিলে তোমারি পায়
হাসিলে তোমারি হাসি ;
এক হয়ে তুমি আমি
যেন প্রভু ভালবাসি !
শ্রীকৃষ্ণগোপাল চক্রবর্তী,
যশাই ।

সমালোচনা ।

জন্মভূমি—২য় ভাগ, ৪র্থ সংখ্যা ।

অনেক দিন হইল আমরা এই এক খানি মাত্র জন্মভূমি সমালোচনার জন্ম প্রাপ্ত হইয়াছিলিলাম। অনবধান বশতঃ এত দিন ইহার সমালোচনা করিতে পারি নাই, তজ্জন্ম ক্ষমা প্রার্থনা করিতেছি। “জন্মভূমি” এখন আর “বঙ্গবাসী” কার্যালয় হইতে প্রকাশিত হয় না। নূতন স্থান হইতে, নূতন উৎসাহে, নূতন আকারে প্রকাশিত হইতেছে। এই সংখ্যায় অনেক

সুবিজ্ঞ লেখকের প্রবন্ধ প্রকাশিত হইয়াছে। ভরসা করি “জন্মভূমি” ইহার পূর্বগৌরব রক্ষা করিতে সমর্থ হইবে। এ সংখ্যা দেখিয়াত আমাদের অনেকটা আশা হইয়াছে।

প্রয়াস—২য় বর্ষ, ডিসেম্বর।

পূর্বের জায় এ সংখ্যার প্রয়াসের প্রবন্ধগুলি সুলিখিত ও সুর্মিষ্ট। তবে এ সংখ্যার “অধিকারতত্ত্ব” প্রবন্ধ সম্বন্ধে আমাদের কিঞ্চিৎ বক্তব্য আছে। শ্রীযুক্ত ধীরাজকৃষ্ণ সোম এই প্রবন্ধ তাঁহার নিজের লেখা বলিয়া “প্রয়াস” সম্পাদকের নিকট প্রেরণ করিয়াছিলেন। সম্পাদকও তাহা প্রকাশ করিয়াছেন। কিন্তু পাঠকগণ গুনিয়া বিস্মিত হইবেন, ঐ প্রবন্ধ ধীরাজ বাবুর আদৌ লেখা নহে। “বীরভূমির” বর্তমান সম্পাদক কতিপয় বর্ষ পূর্বে সাওতাল পরগণা মলুটী গ্রাম হইতে প্রকাশিত “ধরণী” নামক মাসিক পত্রে ঐ প্রবন্ধ লিখিয়াছিলেন। ধীরাজ বাবু হয়ত মনে করিয়াছিলেন, লোকে হয়ত ঐ প্রবন্ধের বিষয় বিস্মৃত হইয়াছে। সেই জন্মই বোধ হয় তিনি নিজের নাম দিয়া প্রয়াসে উহা প্রকাশিত করেন। যাহা হউক, সাহিত্যে এরূপ জুয়াচুরি বড়ই নিন্দাহ। এরূপ চোর ডাকাইত কর্তৃক বঙ্গভাষার অনেক ক্ষতি হইতেছে। পাঠকগণ, লোকটিকে চিনিয়া রাখিতে পারিবেন বলিয়া এত কথা বলিলাম। তবে লোকটি চোরের মধ্যে সাধু বটে, তিনি প্রবন্ধটি অবিকল নকল করিয়াছেন। এমন কি, যেখানে মুদ্রাকরের দোষে অর্থ দুর্বোধ হইয়াছে, সেখানেও কোন রূপ পরিবর্তন করিতে ইচ্ছুক হন নাই। “বঙ্গভূমি” সম্পাদক, সেদিন সাহিত্য চোর সম্বন্ধে অনেক কথা বলিয়াছেন। কিন্তু তিনি এমন সাধু চোরের কথা কখন গুনিয়াছেন কি ?

প্রয়াস—২য় বর্ষ, ১ম ও ২য় সংখ্যা ।

তৃতীয় বর্ষের প্রথম সংখ্যা হইতে “প্রয়াস” “সাহিত্য-সেবক সমিতির” হস্ত হইতে “প্রয়াস সমিতির” হস্তে আসিয়াছে। এ দুই সংখ্যা কিন্তু পূর্বের মত হয় নাই। ভরসা করি, নূতন পরিচালকগণ “প্রয়াসের উন্নতি বিধানে সচেষ্ট হইবেন। প্রয়াস বেশ কাগজ ছিল।

নবপ্রভা—প্রথমখণ্ড, ১ম সংখ্যা ।

সম্পাদক জ্ঞানেন্দ্র বাবু বহদরী, সুবিদ্বান ও সুলেখক। সুতরাং আশা-

করা যাইতে পারে যে, “নবপ্রভা সাহিত্য-জগতে নবপ্রভা বিকীরণ করিবে। এ সংখ্যার প্রবন্ধগুলি মন্দ না হইলে ও কোন কোনটি এত ক্ষুদ্র যে, পাঠ করিয়া কিছু মাত্র তৃপ্তি হয় না। ইহা একটা দোষ। প্রবন্ধগুলি অন্ততঃ এত বড় হওয়া উচিত, যাহাতে একমাস কাল পাঠকের মনে আকাজ্জনা স্বভাব থাকে। এক সংখ্যা দেখিয়া বিচার করা যায় না। সেই জন্ত আমরা আশা করিতেছি যে, “নবপ্রভা” স্বীয় নামের সার্থকতা সম্পাদন করিবে।

মহাজন বন্ধু । মাসিক পত্র । কলিকাতা, বড়বাজার, ১নং চিনি পটী হইতে প্রকাশিত। বার্ষিক মূল্য ১ এক টাকা মাত্র।

সাহিত্যালোচনার জন্ত অনেক মাসিক পত্র আছে। কিন্তু ব্যবসায়িকগণের কোনরূপ পত্রিকা ছিল না। আমাদের বীরভূমির পাঠকবর্গের সুপরিচিত রাজকৃষ্ণ বাবু সেই অভাব দূর করিবার জন্ত এই পত্র প্রকাশ করিয়াছেন। যাহাতে ব্যবসা বাণিজ্যের উন্নতি হয়, এই পত্রের তাহাই উদ্দেশ্য। বলিতে হুঃখ হয়, আমরা ব্যবসা আদৌ বুঝি না। ব্যবসায় কেমন করিয়া অর্থের নিয়োগ করিতে হয়, আমরা তাহা জানি না। আবার স্বদেশজাত দ্রব্যের কেমন করিয়া প্রচার করিতে হয়, সে কৌশলও আমাদের অজ্ঞাত। এই দেখুন না, এখনও ত অনেক শিল্পজাত দেশীয় দ্রব্য রহিয়াছে; আরার নিব, কাপড় প্রভৃতি দ্রব্যও ত আমরা প্রস্তুত করিতেছি, কিন্তু বাজারে কয়টা দেশী নিব পাওয়া যায়, বা দেশীয় কলের কাপড় কয় খান দেখিতে পাওয়া যায়? “মহাজানবন্ধু” যদি ব্যবসায়িকগণের মধ্যে একটা একতা ও সহানুভূতি সৃষ্টি করিয়া নূতন ব্যবসায়ের সৃষ্টি ও দেশীয় দ্রব্যের প্রচলন করিতে পারেন, তবে বড় উপকার হয়। প্রথম দুই সংখ্যা “মহাজানবন্ধু” দেখিয়া অনেকটা আশা হইয়াছে। লেখা সর্বত্রই প্রাজ্ঞ ও মধুর। সহজ কথায় কঠিন বিষয় বুঝাইতে রাজকৃষ্ণ বাবু সিদ্ধহস্ত। সেই জন্ত ভরসা হইতেছে, রাজকৃষ্ণ বাবুর সর্বতোমুখী প্রতিভা “মহাজানবন্ধু” দ্বারা দেশের অনেক কল্যাণ সাধন করিবে।

অমৃত তুমনিকা ।

(পূর্ব প্রকাশিতের পর)

এবে সুন যুনিত যুজ পদ্য কোঠার সিমা ।
ক্রমে ২ কহি যেই সতার মহিমা ॥
ভবভয়ভঞ্জন ভুগ যে করে ভজন ।
সাধকসিদ্ধ সেই জন জিনে ত্রিভুবন ॥
পূর্বে কহিঞাছি পদ্য কুঠা লয় হয় ।
যুনিত যুজ দুই তাহে সদা বিলসয় ॥
বৈনিক যুসন্মা নাড়ী সম গুণ ধরে ।
যুসন্মাতে যুনিত পদ্য বৈনিকে যুজ তেজ করে ॥
একৈস হাত সতর যুজুলি প্রমান নাড়ি যুন ।
পাকে পাকে দেখে মধ্যে ইহার ভ্রমণ ॥
দুই পাক মূল স্থানে গুহ দেস হয় ।
পরে পাক বাম ভিতে তবে উদ্ধ যায় ॥
কুমদ বৈনিক কংকা নামে নামে নাড়ি ।
ইড়া পিঙ্গল দুই উঠে মূল পদ্য ছাড়ি ॥
এই পঞ্চ নাড়ি পিষ্টগত উদ্ধ যায় ।
বৈনিক বেষ্টিত পঞ্চ জানহু নিশ্চয় ॥
একাল গিরাতে বৈনিক পিষ্টগত উঠে ।
এক চল্লিস গিরা তার কক্ষ্যমূল হেটে ॥
দুই বাহু দুই গিরা ললিতে পাক তিন ।
কুন্তলেজে দুই দুই ললাটে প্রবিন ॥
এই নাড়িগত যুজ ব্যাপে সর্বস্থান ।
স্বরির মস্তক আর পাদ নিরূপন ॥
এবে কহি স্থিতি গতি তাহার জেমন ।
বিস্তারিঞা কহি এবে যুন দিয়া মন ॥
বাম কক্ষ্য হেটে এক কুমদ কলিকা ।
যুসন্মা নাড়ির দেখ বৈসে তাহা সিকা ॥

সেই কলি মধ্যে স্থিতি বিস্ত্র বাস করে ।
 যুনিত আশ্রয় করি সর্কস্হাগ ফেরে ॥
 কখন মস্তকে জায় কখন গুহ দেশ ।
 কখন পায়েতে জায় কখন পদ্মেতে প্রবেশ ॥
 এই মত সর্কস্হাগেতে ফিরএ ব্যাপিঞা ।
 মস্তকে করএ বাস পদ্ম মধ্যে জাঞা ॥
 ছয় দণ্ড স্থিতি করি নামে ভুরু দেসে ।
 পাঁচ দণ্ড তোথা থাকি জায় চক্ষু পাশে ॥
 তথা তিন দণ্ড থাকি পুণরুপি চলে ।
 তিন দণ্ড স্থিতি করে জাঞা কন্নমূলে ॥
 তদপরে অধরেতে গুণমন্ত্র হঞা ।
 সেতপদ্ম পাশে রহে তিন দণ্ড জাঞা ॥
 তদপরে নামে মন্দ ২ গতি করি ।
 মূলপদ্ম পিষ্টে রহে দুই দণ্ড ধরি ॥
 সেই স্থান ছাড়ি পুন চলে ষ্ঠমুখে ।
 উরু দেসে করি বাস তিন দণ্ড থাকে ॥
 তবে চলে মন্দগতি শিষ্য গতি হঞা ।
 দুই দণ্ড বাস বিদ্ধ অঙ্গুলিতে জাঞা ॥
 পুণ এই মত উদ্ধ উঠে পুনর্বার ॥
 সর্কস্হাগ ব্যাপিত হয় লোমে লোমে আর ॥
 এই মত যুনিত পদ্ম মধ্যে করে স্থিতি ।
 দণ্ড পল পদ্ম কুঠা জাঞা করে স্থিতি ॥
 সেই দুই পুরুষ নারি জুতির্ময় হয় ।
 কাম কিড়া রসে হুহে নিরন্তর রয় ॥
 এই দুই নির্ভ দেহে কিসর কিসরি ।
 মনের গোচর লহে অন্যে কিবা করি ॥
 চন্দ্র ষুর্ঘ্যের গতি নাহি না চলে পবন ।
 ব্রাহ্মণ গোচর লহে এহি নিরূপন ॥

ক্রমশঃ

বীরভূমি ।

মাসিক পত্রিকা ও সমালোচনী ।

২য় ভাগ]

জ্যৈষ্ঠ, ১৩০৮ ।

[৮ম সংখ্যা ।

শ্রীনীলরতন মুখোপাধ্যায় বি, এ,
 সম্পাদিত ।

সূচী ।

বিষয় ।	লেখকের নাম ।	পৃষ্ঠা ।
১। হিন্দু শাস্ত্রোক্ত ব্রহ্মতত্ত্ব ও প্রাকৃতিক সৃষ্টি- বিবরণ । (শ্রীপ্রসন্নকুমার চট্টোপাধ্যায়)	...	২০৯
২। ঐতিহাসিক ছড়া সংগ্রহ । (শ্রীশিবরতন মিত্র)	...	২২১
৩। সাধু দর্শন । (শ্রীরাজকৃষ্ণ পাল)	...	২৩৬
৪। বীরভূমবাসীর কর্তব্য । (শ্রীঅবিনাশচন্দ্র বন্দ্যোপাধ্যায়, এম-এ)	...	২২৯
৫। কৃষি প্রবন্ধ ।	...	২৩৩
৬। অমৃত তুসনিকা ।	...	২৩৯

কীর্ত্তহারের স্বদেশ-হিতৈষী জমিদার শ্রীযুক্ত সৌরেশচন্দ্র সরকার
 মহাশয়ের যত্নে ও ব্যয়ে,
 বীরভূম জেলার অন্তর্গত
 কীর্ত্তহার গ্রাম হইতে,
 শ্রীদেবিদাস ভট্টাচার্য্য বি, এ,
 কর্ত্তক প্রকাশিত ।

বার্ষিক মূল্য ১ টাকা

এই সংখ্যার মূল্য ৮০ আনা ।



মেওরেস সেবনে বিংশতি প্রকার মেহ, পুরুষত্ব হানি, শুক্রক্ষয়, অস্বাভাবিক উপায়ে রেতঃপাত, অতিশয় ইন্দ্রিয়পরায়ণতা বা অধিক বীৰ্য্যক্ষয়নিবন্ধন শুক্রতারল্য, স্বপ্নদোষ, প্রস্রাবকালীন জ্বালা ও তৎসঙ্গে তুলার আঁশের মত কিছা ঝড়ি গোলার জ্বায় বিকৃত দীর্ঘ্যপতন, অতিরিক্ত প্রস্রাব, হস্ত পদ জ্বালা, মাথা ঘোরা, ক্ষুধামান্দ্য প্রভৃতি রোগ খুব শীঘ্র সম্পূর্ণ আরোগ্য হয়। ইহা সেবনে শত শত চিকিৎসক-পরিত্যক্ত রোগী আরোগ্যলাভ করিয়াছে, শক্তি, স্বাস্থ্য ও পুরুষত্ব ফিরিয়া পাইয়াছে। মেওরেস দেখিতে মনোহর, খাইতে প্রীতিপ্রদ, গুণে অমৃত তুল্য। মূল্য প্রতি শিশি এক টাকা মাত্র। ভিঃ পিঃ তে লইলে এক হইতে তিন শিশি পর্য্যন্ত আট আনা ডাক মাণ্ডলাদি লাগে। পত্র লিখিলেই বিস্তৃত সূখ্যাতি পত্র সম্বলিত মূল্য তালিকা পাঠাই। পত্রাদি লিখিবার একমাত্র ঠিকানা :—

ম্যানেজার,
ভিক্টোরিয়া, কেমিক্যাল ওয়ার্ক্‌স,
রাণাঘাট, (বেঙ্গল)

বড়লাট কাৰ্জ্জ'ন বাহাদুরের সহানুভূতি প্রাপ্ত,
রঙ্গের কৃতীসন্তান শ্রীরমেশচন্দ্র দত্ত মহাশয় কর্তৃক

মিরার, অমৃতবাজার, হিতবাদী, বসুমতী, প্রতিবাসী, সোম প্রকাশ,
সাহিত্য প্রভৃতিতে বিশেষরূপে প্রশংসিত।

প্রয়াস।

দ্বিতীয় বর্ষ।

সচিত্র মাসিকপত্র ও সমালোচক।

এবার নূতন সরঞ্জামে, নূতন প্রণালীতে প্রয়াস দ্বিতীয় বর্ষে পদার্পণ করিল।

! কাগজ আরও উৎকৃষ্ট, ছাপা আরও সুন্দর।

৪নং হেমচন্দ্র করের লেন, প্রয়াস সমিতি হইতে প্রকাশিত।

প্রতি মাসেই মনোহর চিত্র থাকিবে।

অথচ অগ্রিম বার্ষিক মূল্য ডাকমাশুল সমেত পূর্ববৎ ১১০ টাকাই রহিল।

সমিতির উদ্দেশ্য—সাহিত্য প্রচার, ও সঙ্গে সঙ্গে নবীন লেখকদিগের উৎসাহবর্দ্ধন। তাই আশা আছে, এই সর্বাপেক্ষা স্থূলভ মাসিকপত্রখানি প্রত্যক সাহিত্যানুরাগীর আন্তরিক সহানুভূতি ও সাহায্য পাইবে। ইহাতে সকল শ্রেণীর লোকের পড়িবার ও শিখিবার বিষয় থাকিবে।

শ্রীআণ্ডতোষ ঘোষ কার্য্যাধক্ষ।

বীরভূমি।

মাসিক পত্রিকা ও সমালোচনী।

২য় ভাগ]

জ্যৈষ্ঠ, ১৩০৮।

[৮ম সংখ্যা।

হিন্দুশাস্ত্রোক্ত ব্রহ্মতত্ত্ব ও প্রাকৃতিক সৃষ্টি বিবরণ।

যে বিশ্বব্যাপিনী অনন্ত-শক্তির ক্রিয়া দ্বারা এই পরিদৃশ্যমান জগৎ পরিচালিত, অর্থাৎ উৎপত্তি, স্থিতি ও ধ্বংসরূপে প্রতিনিয়তই অবস্থান্তরিত লক্ষিত হইতেছে, ইহার মূলে তিনটী মাত্র শক্তি বা গুণ আছে। ঐ তিনটী গুণের নাম, যথাক্রমে সত্ত্ব, রজঃ ও তমোগুণ। এবং ইহাদেরই পরস্পর ভাবাভিব্য-ক্রিয়া (জয়-পরাজয়) দ্বারা বর্তমান আকারে জগতের অবস্থান্তর ও বিচিত্রতার কার্য সম্পাদিত হইতেছে। রজোগুণ দ্বারা উৎপত্তি, সত্ত্বগুণ দ্বারা স্থিতি ও তমোগুণ দ্বারা সংহার কার্য চলিতেছে। এই যে চন্দ্র-সূর্য্য-গ্রহ-নক্ষত্র-পাহাড়-পর্ব্বতাদিবিশিষ্ট স্থূল জগৎটা আমাদের সম্মুখে প্রতিভাত হইতেছে, ইহাদের বর্তমান অবস্থাই কিছু আদিম অবস্থা নহে; ইহারা সূক্ষ্ম পরমাণুর সমষ্টি মাত্র। অর্থাৎ সূক্ষ্ম পরমাণু-পুঞ্জই সম্মিলিত হইয়া স্থূলভাব ধারণ করিয়াছে। নতুবা স্থূলপদার্থকে খণ্ড খণ্ড করিয়া কখনই সূক্ষ্মাকারে বিভাগ করা যাইতে পারিত না। ফলতঃ সূক্ষ্ম পরমাণু সকলের পরস্পর সংযোগ-বিয়োগ দ্বারাই যে, স্থূলপদার্থের উৎপত্তি, স্থিতি ও ধ্বংসসাধন হইতেছে, সে পক্ষে সন্দেহ মাত্র নাই। কিন্তু পরমাণু সকলের সংযোগ-বিয়োগ হয়, কাহার বলে? নিশ্চিতই প্রত্যেক পরমাণুর অভ্যন্তরে রাসায়নিক আকর্ষণ ও বিপ্রকর্ষণ শক্তি নিহিত আছে। এবং সেই আকর্ষণ শক্তির বলেই পরমাণু সকল পরস্পর সংযুক্ত হইয়া স্থূলভাব ধারণ করিতেছে; আবার বিপ্রকর্ষণ শক্তি দ্বারা ইহারা পরস্পর বিযুক্ত

হইয়া সূক্ষ্মাকারে পরিণত হইতেছে। উপরে যে পরমাণুর কথা বলিয়াছি, তাহাও পদার্থ সকলের আদিম অবস্থা নহে। পরমাণু সকলকে আরও সূক্ষ্মাকারে বিভাগ করিলে, অবশেষে শক্তি বা গুণ মাত্রে গিয়া দাঁড়াইবে। অর্থাৎ বস্তুর যাহা গুণ বা শক্তি, তাহাই সেই বস্তুর আদিম সূক্ষ্মাবস্থা। স্থূল অগ্নির আদিম সূক্ষ্মাবস্থাই হইল, তাহার দাহিকাশক্তি; স্থূল জলের সূক্ষ্মাবস্থাই শৈত্যগুণ, ইত্যাদি। অতএব বুঝা গেল যে, এই পরিদৃশ্যমান, স্থূল জগৎটা কেবল সত্ত্ব, রজঃ ও তমোগুণের কার্য্য মাত্র।

সত্ত্ব, রজঃ ও তমোগুণ কাহাকে বলাই এবং তাহাদের ভবাভিব-ক্রিয়াই বা কি প্রকার, এখন সেই কথাটা বুঝাইবার চেষ্টা করিব। শাস্ত্র বলিয়াছেন যে,—

“তত্র সত্ত্বং নির্মূলত্বাৎ প্রকাশকমনাময়ম্ ।

সুখসঙ্গেন বধ্নাতি জ্ঞানসঙ্গেন চানঘ ॥

রজো রাগাত্মকং বিদ্ধি তৃষ্ণাসঙ্গ সমুদ্ভবম্ ।

তন্নিবধ্নাতি কোত্তেয় কৰ্ম্মসঙ্গেন দেহিনম্ ॥

তমস্জ্ঞানজং বিদ্ধি মোহনং সৰ্ব্বদেহিনাম্ ।

প্রমাদালশ্চ-নিদ্রাভিস্তন্নিবধ্নাতি ভারত ॥

সত্ত্বং সূখে সঞ্জয়তি রজঃ কৰ্ম্মণি ভারত ।

জ্ঞানমাবৃত্য তু তমঃ প্রমাদে সঞ্জয়ত্যা ॥

রজস্তমশ্চাভিবৃষ সত্ত্বং ভবতি ভারত ।

রজঃ সত্ত্বং তমশ্চৈব তমঃ সত্ত্বং রজস্তথা ॥

সৰ্ব্বদ্বারেষু দেহেহস্মিন্ প্রকাশ উপজায়তে ।

জ্ঞানং যদা তদা বিদ্যাৎবিবুদ্ধং সত্ত্বমিত্যুত ॥

লোভঃ প্রবৃত্তিরাস্তঃ কৰ্ম্মণামশমঃ স্পৃহা ।

রজশ্চেতানি জায়ন্তে বিবুদ্ধে ভরতর্ষভ ॥

অপ্রকাশোহ প্রবৃত্তিশ্চ প্রমাদো মোহ এবচ ।

তমশ্চেতানি জায়ন্তে বিবুদ্ধে কুরুনন্দন ॥”

শ্রীমদ্ভগবদ্গীতা ।

অর্থাৎ সত্ত্ব রজঃ ও তমঃ এই গুণত্রয়ের মধ্যে সত্ত্বগুণ নির্মূলতা, প্রকাশ-কতা ও নিরূপদ্রবতা জন্ম সুখ ও জ্ঞান দ্বারা জীবকে বন্ধ করে। রজোগুণ তৃষ্ণা ও সঙ্গলাভেচ্ছার উৎপাদক অনুরাগযোগে জীবকে কৰ্ম্ম দ্বারা আবদ্ধ

করিয়া থাকে। আর তমোগুণ অজ্ঞানাংশ হইতে উৎপন্ন ও সৰ্ব্বপ্রাণীর মোহজনক আলশ্চ ও নিদ্রা দ্বারা জীবকে বন্ধ করে। জীবকে সত্ত্বগুণ সূখে, রজোগুণ কৰ্ম্মে ও তমোগুণ জ্ঞানকে আচ্ছন্ন করিয়া প্রমাদে নিযুক্ত করিয়া রাখে। ফলতঃ এই গুণত্রয়ের কার্য্য একই সময়ে সমভাবে সম্পাদিত হয় না। কখন সত্ত্ব, কখন রজঃ ও কখন তমোগুণ প্রবল হইয়া অন্য দুইটা গুণকে পরাভূত ও নিস্তেজ করিয়া দেয়; অর্থাৎ সত্ত্বগুণ প্রবল হইয়া উঠিলে রজস্তমোগুণের ক্রিয়া ও রজোগুণ প্রবল হইলে সত্ত্ব ও তমোগুণের ক্রিয়া এবং তমোগুণ প্রবল হইলে সত্ত্ব ও রজোগুণের ক্রিয়া নিস্তেজ হইয়া যায়। সত্ত্বগুণের প্রবলতার সময় সৰ্ব্বেন্দ্রিয় দ্বারা জ্ঞানের বিকাশ, রজোগুণের প্রাবল্যে লোভ, প্রবৃত্তি, কৰ্ম্মারম্ভ, মানসিক অশান্তি ও আকাঙ্ক্ষার উৎপত্তি এবং তমোগুণের প্রবলতার সময় অজ্ঞানতা, অপ্রবৃত্তি, প্রমাদ ও মোহের আবির্ভাব হইয়া থাকে।

সত্ত্বাদি গুণত্রয়ের শাস্ত্রোক্ত ক্রিয়াপ্রণালী উপরে দর্শিত হইল। এইবার পাঠক! তোমাদের আপন আপন দেহমধ্যে ঐ তিনটা গুণের কার্য্য মিলাইয়া লও। যখন দেখিবে, তোমার মনোমধ্যে ভক্তি বা দয়া বৃত্তির উদ্রেক হওয়ায়, মন প্রশান্ত ও আনন্দময় হইয়া উঠিয়াছে, তখন বুঝিবে যে, দেহমধ্যে সত্ত্বগুণের প্রবলতা হইয়াছে। যখন দেখিবে, ঘোর অশান্তিতে তোমার মনঃ জর্জরিত, তখন রজোগুণের এবং যখন দেহমধ্যে অবসন্নতা, আলশ্চ বা নিদ্রাদির ভাব আসিতেছে, তখন তমোগুণেরই প্রবলতা হইয়াছে বলিয়া বুঝিতে হইবে। ফলতঃ এই তিনটা গুণের স্বভাবই এই যে, অন্য দুইটাকে পরাভূত করিয়া নিজে প্রবল হইবার জন্ম প্রত্যেক গুণই সৰ্ব্বদা সচেষ্ট থাকে এবং উত্তেজক কারণ পাইলেই তাহা কার্য্যে পরিণত করে। ইহারই নাম গুণত্রয়ের ভবাভিব-ক্রিয়া।

জীবদেহের মধ্যে সত্ত্বাদিগুণের ভবাভিব-ক্রিয়া যে ভাবে সম্পাদিত হইতেছে, তাহাই উপরে দর্শিত হইল। বস্তুতঃ কেবল আমাদের দেহের মধ্যে নহে, দেহের বাহিরেও জগৎব্রহ্মাণ্ডের সৰ্ব্বস্থানে স্থূল, সূক্ষ্ম বাবতীয় পদার্থের অভ্যন্তরে ঐ ভাবেই ত্রিগুণের ক্রিয়া চলিতেছে। কিন্তু যখন উক্ত প্রকার ভবাভিব-ক্রিয়া রহিত হইয়া গুণত্রয়ের সাম্যাবস্থা উপস্থিত হয়, অর্থাৎ কোন গুণেরই আর প্রবলতা না থাকে, তখন তাহাকে প্রকৃতি বলে।

শিবঃ * প্রধান পুরুষঃ শক্তিশ্চ পরমা শিবা ।

শিবশক্ত্যাগ্নকং ব্রহ্ম যোগিনস্তত্ত্ব দশিনঃ ।

বদন্তি মাং মহারাজ তত এব পরাৎপরম ॥

সৃজামি ব্রহ্মরূপেণ জগদেতচ্চরাচরম্ ।

সংহরামি মহারুদ্র রূপেণাস্তে নিজেচ্ছয়া ॥

• দুর্কৃত্তশমনার্থায় বিষ্ণুঃ পরমপুরুষঃ ।

ভূত্বা জগদিদং কৃৎস্নং পালয়ামি মহামতে ॥”

ভগুবতী গীতা ।

ভগবতী গিরিরাজকে উপদেশচ্ছলে বলিতেছেন “হে মহারাজ ! সৃষ্টির নিমিত্ত আমি স্বেচ্ছাক্রমে আপনার রূপকে স্ত্রী ও পুরুষ ভেদে দুই ভাগে বিভক্ত করিয়া শিব * রূপে প্রধান পুরুষ ও শিবরূপে (কালী, দুর্গা, রাধিকা ইত্যাদি) পরমা শক্তি হইয়া থাকি। এই শিব-শক্তিয়ুক্ত পদার্থকেই তত্ত্বদর্শী যোগিগণ পরাৎপর ব্রহ্ম নামে অভিহিত করেন। আমি ব্রহ্মরূপে চরাচর জগৎ সৃজন করি; আবার অন্তঃকালে মহারুদ্ররূপে স্বেচ্ছাক্রমেই সমস্ত জগৎ সংহার করিয়া থাকি। হে মহামতে ! আমি দুষ্টদমনের জন্যই পরমপুরুষ বিষ্ণু হইয়া এই সমস্ত জগৎ পালন করি।”

প্রকৃতি চৈতন্যময় পরব্রহ্মের কথা মোটামুটি একরূপ বলা হইল; এই বার জগৎসৃষ্টি সম্বন্ধে কয়েকটি কথা বলা যাইতেছে।

যখন মহাপ্রলয় হয়, তৎকালে সত্ত্বাদি গুণত্রয়ের পূর্বোক্তরূপ ভবাভিভব-ক্রিয়া রহিত হইয়া সত্ত্বগুণ রজোগুণ, রজোগুণ তমোগুণে ও তমোগুণ মূল প্রকৃতিতে মিশিয়া যায়। সুতরাং তখন এই স্থূল জগতের ধ্বংস হওয়ায়, কেবল সর্বব্যাপী, নিরাকার, প্রকৃতিচৈতন্যময় এক ব্রহ্ম মাত্র বিদ্যমান থাকেন। ব্রহ্মের এই অবস্থার নামই নিষ্করণ ও নিষ্ক্রিয়াবস্থা। তাহার পর মহাপ্রলয়ের অবসানে কালশক্তির সহায়তায় ও অদৃষ্ট নিবন্ধন জীবগণের ভোগের সময় উপস্থিত হইলে, ঐ চৈতন্য তদাত্ম্য সম্বন্ধে মূল প্রকৃতিতে অধিষ্ঠিত হইলেন। এবং তৎসূত্রেই প্রকৃতিতে প্রথমতঃ গুণক্ষোভ (ত্রিগুণের চাঞ্চল্য ভাব) হয়; তদনন্তর বসন্তসুমাগমে নবোদ্ভিন্ন পুষ্পের গ্রায়, তিল হইতে তৈলের গ্রায় চৈতন্যযুক্ত উক্ত প্রকৃতি হইতে শক্তির আবির্ভাব হইয়া

* এখানে ‘শিবঃ’ শব্দে ঈশ্বর-পদ-বাচ্য ব্রহ্মা, বিষ্ণু ও মহেশ্বর এই তিন মূর্তিকেই বুঝাইবে।

থাকে। এই শক্তি আদ্যাশক্তি নামে কথিতা হইলেন। বস্তুতঃ এই আদ্যা-শক্তি মূল প্রকৃতির রূপান্তরিত অবস্থা মাত্র; এবং মূল প্রকৃতির গ্রায় ইনিও গুণত্রয়ের সাম্যাবস্থা ও চৈতন্যের সহিত একীভূত। তবে প্রভেদের মধ্যে এই যে, মূলপ্রকৃতি অবিকৃতি; কিন্তু ইহার বিকৃতি আছে। যাহা হউক, তাহার পর ঐ আদ্যাশক্তি হইতে প্রথমেই তমোগুণের আবির্ভাব হইলে, চৈতন্যময়ী আদ্যাশক্তিও সেই তমোগুণে অনুপ্রবিষ্টা হইলেন। তন্ত্রশাস্ত্রে এই তমোগুণ ‘মহাকাল’ নামে ও আদ্যাশক্তি ‘মহাকালী’ নামে কথিতা হইয়া থাকেন। বৈষ্ণবেরা আদ্যাশক্তিকে ‘রাধিকা’ নামে অভিহিত করেন। তন্ত্রে যে, কথিত আছে, “আদ্যাকালী মহাকালকে প্রসব করিয়া তাঁহাতেই বলপূর্বক বিপরীত রীতিতে প্রবৃত্ত হইলেন।” আবার কালীর ধ্যানেও আছে,—

“মহাকালেন বৈ সাক্ষিং বিপরীতরতাতুরাম্ ।”

ইহার তাৎপর্য এই যে, আদ্যাশক্তি হইতে আবির্ভূত তমোগুণে আদ্যা-শক্তি স্বয়ংই অনুপ্রবিষ্টা হইতেছেন।

তাহার পর তমোগুণপ্রবিষ্টা ঐ আদ্যাশক্তি হইতে মহত্ত্বের উৎপত্তি হয়। মহত্ত্বের আর একটি নাম সমষ্টি-বুদ্ধিতত্ত্ব। এই মহত্ত্বই সাত্ত্বিক, রাজসিক ও তামসিক ভেদে ত্রিধা বিভক্ত হইয়া সূক্ষ্মব্রহ্মা, সূক্ষ্মবিষ্ণু ও সূক্ষ্ম মহেশ্বর অথবা ঐ মূর্তিত্রয়ের বীজ উৎপন্ন হয়।

এই স্থূলে প্রকৃত বৈষ্ণব-মতের সহিত একটা কথার সামঞ্জস্য করিয়া লওয়া যাইতেছে। ব্রহ্মবৈবর্ত পুরাণে আছে, “গোলোকে রাসমণ্ডলে আদ্যা-শক্তি রাধিকা একটী অণু প্রসব করিয়াছিলেন। এবং সেই অণু হইতেই ব্রহ্মা, বিষ্ণু ও মহেশ্বরের উদ্ভব হয়।” এই অণু শব্দের লক্ষ্যই এখানে মহত্ত্ব। এবং পূর্বে যে তমোগুণকে “মহাকাল” নামে নির্দেশ করা গিয়াছে, তিনিই বৈষ্ণবদিগের কৃষ্ণ; গোলোকে নিত্য রাসলীলা করিতেছেন। গোলোক শব্দে অসীম ব্রহ্মাণ্ডমণ্ডল ও রাসলীলা শব্দের অর্থ, বহুরূপা শক্তি সহযোগে সৃষ্টি। শ্রুতিতেও আছে,—

• “হিরণ্যগর্ভঃ সমর্ততাগ্রে ।”

অর্থাৎ অগ্রে হিরণ্যগর্ভ উৎপন্ন হইয়াছিলেন; পশ্চাৎ তিনিই গুণভেদে ব্রহ্মা, বিষ্ণু ও মহেশ্বর এই তিন মূর্তি পরিগ্রহ করিয়াছেন। এখানে শ্রুত্যানু-হিরণ্যগর্ভ, তন্ত্রোক্ত মহাকাল ও বৈষ্ণব শাস্ত্রোক্ত কৃষ্ণ একই পদার্থ; সুতরাং শাস্ত্র সকলের মধ্যে কোনই বিরোধ নাই। কেবল মানবগণের প্রকৃতি

শিবঃ * প্রধান পুরুষঃ শক্তিঞ্চ পরমা শিবা ।

শিবশক্ত্যাগ্নকং ব্রহ্ম যোগিনস্তত্ত্ব দশিনঃ ।

বদন্তি মাং মহারাজ তত এব পরাংপরম ॥

সৃজামি ব্রহ্মরূপেণ জগদেতচ্চরাচরম্ ।

সংহরামি মহারুদ্র রূপেণান্তে নিজেচ্ছয়া ॥

• দুর্কৃতশমনার্থায় বিষ্ণুঃ পরমপুরুষঃ ।

ভূত্বা জগদিদং কুৎসং পালয়ামি মহামতে ॥”

ভগবতী গীতা ।

ভগবতী গিরিরাজকে উপদেশচ্ছলে বলিতেছেন “হে মহারাজ! সৃষ্টির নিমিত্ত আমি স্বেচ্ছাক্রমে আপনার রূপকে স্ত্রী ও পুরুষ ভেদে দুই ভাগে বিভক্ত করিয়া শিব * রূপে প্রধান পুরুষ ও শিবরূপে (কালী, দুর্গা, রাধিকা ইত্যাদি) পরমা শক্তি হইয়া থাকি। এই শিব-শক্তিয়ুক্ত পদার্থকেই তত্ত্বদর্শী যোগিগণ পরাংপর ব্রহ্ম নামে অভিহিত করেন। আমি ব্রহ্মরূপে চরাচর জগৎ সৃজন করি; আবার অন্তঃকালে মহারুদ্ররূপে স্বেচ্ছাক্রমেই সমস্ত জগৎ সংহার করিয়া থাকি। হে মহামতে! আমি দুষ্টদমনের জন্যই পরমপুরুষ বিষ্ণু হইয়া এই সমস্ত জগৎ পালন করি।”

প্রকৃতি চৈতন্যময় পরব্রহ্মের কথা মোটামুটি একরূপ বলা হইল; এই বার জগৎসৃষ্টি সম্বন্ধে কয়েকটি কথা বলা যাইতেছে।

যখন মহাপ্রলয় হয়, তৎকালে সত্ত্বাদি গুণত্রয়ের পূর্বোক্তরূপ ভবাভিভব-ক্রিয়া রহিত হইয়া সত্ত্বগুণ রজোগুণ, রজোগুণ তমোগুণে ও তমোগুণ মূল প্রকৃতিতে মিশিয়া যায়। সূত্রাং তখন এই স্থূল জগতের ধ্বংস হওয়ায়, কেবল সর্কব্যাপী, নিরাকার, প্রকৃতিচৈতন্যময় এক ব্রহ্ম মাত্র বিদ্যমান থাকেন। ব্রহ্মের এই অবস্থার নামই নিগুণ ও নিষ্ক্রিয়াবস্থা। তাহার পর মহাপ্রলয়ের অবসানে কালশক্তির সহায়তায় ও অদৃষ্ট নিবন্ধন জীবগণের ভোগের সময় উপস্থিত হইলে, ঐ চৈতন্য তদাত্ম্য সম্বন্ধে মূল প্রকৃতিতে অধিষ্ঠিত হইলেন। এবং তৎসূত্রেই প্রকৃতিতে প্রথমতঃ গুণক্ষোভ (ত্রিগুণের চাঞ্চল্য ভাব) হয়; তদনন্তর বসন্তসুমাগমে নবোদ্ভিন্ন পুষ্পের গ্ৰায়, তিল হইতে তৈলের গ্ৰায় চৈতন্যযুক্ত উক্ত প্রকৃতি হইতে শক্তির আবির্ভাব হইয়া

* এখানে ‘শিবঃ’ শব্দে ঈশ্বর-পদ-বাচ্য ব্রহ্মা, বিষ্ণু ও মহেশ্বর এই তিন মূর্তিকেই বুঝাইবে।

থাকে। এই শক্তি আদ্যাশক্তি নামে কথিত হইলেন। বস্তুতঃ এই আদ্যাশক্তি মূল প্রকৃতির রূপান্তরিত অবস্থা মাত্র; এবং মূল প্রকৃতির গ্ৰায় ইনিও গুণত্রয়ের সাম্যাবস্থা ও চৈতন্যের সহিত একীভূত। তবে প্রভেদের মধ্যে এই যে, মূলপ্রকৃতি অবিকৃতি; কিন্তু ইহার বিকৃতি আছে। যাহা হউক, তাহার পর ঐ আদ্যাশক্তি হইতে প্রথমেই তমোগুণের আবির্ভাব হইলে, চৈতন্যময়ী আদ্যাশক্তিও সেই তমোগুণে অনুপ্রবিষ্টা হইলেন। তন্ত্রশাস্ত্রে এই তমোগুণ ‘মহাকাল’ নামে ও আদ্যাশক্তি ‘মহাকালী’ নামে কথিত হইয়া থাকেন। বৈষ্ণবেরা আদ্যাশক্তিকে ‘রাধিকা’ নামে অভিহিত করেন। তন্ত্রে যে, কথিত আছে, “আদ্যাকালী মহাকালকে প্রসব করিয়া তাঁহাতেই বলপূর্বক বিপরীত রীতিতে প্রবৃত্ত হইলেন।” আবার কালীর ধ্যানেও আছে,—

“মহাকালেন বৈ সাক্ষং বিপরীতরতাতুরাম্ ।”

ইহার তাৎপর্য এই যে, আদ্যাশক্তি হইতে আবির্ভূত তমোগুণে আদ্যাশক্তি স্বয়ংই অনুপ্রবিষ্টা হইতেছেন।

তাহার পর তমোগুণপ্রবিষ্টা ঐ আদ্যাশক্তি হইতে মহত্ত্বের উৎপত্তি হয়। মহত্ত্বের আর একটা নাম সমষ্টি-বুদ্ধিতত্ত্ব। এই মহত্ত্বই সাত্ত্বিক, রাজসিক ও তামসিক ভেদে ত্রিধা বিভক্ত হইয়া সূক্ষ্মব্রহ্মা, সূক্ষ্মবিষ্ণু ও সূক্ষ্ম মহেশ্বর অথবা ঐ মূর্তিত্রয়ের বীজ উৎপন্ন হয়।

এই স্থলে প্রকৃত বৈষ্ণব-মতের সহিত একটা কথার সামঞ্জস্য করিয়া লওয়া যাইতেছে। ব্রহ্মবৈবর্ত পুরাণে আছে, “গোলোকে রাসমণ্ডলে আদ্যাশক্তি রাধিকা একটা অণু প্রসব করিয়াছিলেন। এবং সেই অণু হইতেই ব্রহ্মা, বিষ্ণু ও মহেশ্বরের উদ্ভব হয়।” এই অণু শব্দের লক্ষ্যই এখানে মহত্ত্ব। এবং পূর্বে যে তমোগুণকে “মহাকাল” নামে নির্দেশ করা গিয়াছে, তিনিই বৈষ্ণবদিগের কৃষ্ণ; গোলোকে নিত্য রাসলীলা করিতেছেন। গোলোক শব্দে অসীম ব্রহ্মাণ্ডমণ্ডল ও রাসলীলা শব্দের অর্থ, বহুরূপা শক্তি সহযোগে সৃষ্টি। স্রুতিতেও আছে,—

• “হিরণ্যগর্ভঃ সমর্ত্ততাগ্রে ।”

অর্থাৎ অগ্রে হিরণ্যগর্ভ উৎপন্ন হইয়াছিলেন; পশ্চাৎ তিনিই গুণভেদে ব্রহ্মা, বিষ্ণু ও মহেশ্বর এই তিন মূর্তি পরিগ্রহ করিয়াছেন। এখানে স্রুত্যুক্ত হিরণ্যগর্ভ, তন্ত্রোক্ত মহাকাল ও বৈষ্ণব শাস্ত্রোক্ত কৃষ্ণ একই পদার্থ; সূত্রাং শাস্ত্র সকলের মধ্যে কোনই বিরোধ নাই। কেবল মানবগণের প্রকৃতি

ও রুচিভেদেই শাস্ত্রভেদ হইয়াছে। কিন্তু ফলিতার্থ সকল শাস্ত্রেরই একরূপ।

তদনন্তর মহত্ত্ব হইতে অহঙ্কার-তত্ত্বের উৎপত্তি হয়। অহঙ্কার-তত্ত্বও সাত্ত্বিক, রাজসিক ও তামসিক ভেদে ত্রিবিধ। এই ত্রিবিধ অহঙ্কারের মধ্যে তামসিক অহঙ্কার হইতে প্রথমতঃ শব্দ-তন্মাত্রের সৃষ্টি হয়। শব্দ-তন্মাত্র হইতে আকাশ; আকাশ হইতে স্পর্শ-তন্মাত্র, স্পর্শ-তন্মাত্র হইতে বায়ু; বায়ু হইতে রূপ-তন্মাত্র, রূপ-তন্মাত্র হইতে তেজ; তেজ হইতে রস-তন্মাত্র, রস-তন্মাত্র হইতে জল; জল হইতে গন্ধ-তন্মাত্র এবং গন্ধ-তন্মাত্র হইতে ক্ষিত্তির (মৃত্তিকা) উৎপত্তি হইয়াছে। উক্ত আকাশের গুণ শব্দ; বায়ুর গুণ শব্দ ও স্পর্শ; তেজের গুণ শব্দ, স্পর্শ ও রূপ; জলের গুণ শব্দ, স্পর্শ, রূপ ও রস; এবং ক্ষিত্তির গুণ শব্দ, স্পর্শ, রূপ, রস ও গন্ধ।

পূর্বোক্ত তামসিক অহঙ্কার হইতে যে ভাবে আকাশাদি অতি সূক্ষ্মভূত পদার্থের সৃষ্টি হয়, তদ্রূপ রাজসিক অহঙ্কার হইতেও যথাক্রমে বাগিন্দ্রিয় ও শব্দ-শক্তির পাণীন্দ্রিয় ও স্পর্শ-শক্তির পাদেন্দ্রিয় ও তৈজস-শক্তির, পৃথিবীন্দ্রিয় ও রস-শক্তির এবং উপস্থেন্দ্রিয় ও গন্ধ-শক্তির উৎপত্তি হইয়া থাকে।

আবার ঐ ভাবেই সাত্ত্বিক অহঙ্কার হইতে যথাক্রমে শ্রবণেন্দ্রিয় ও শব্দ-জ্ঞানের, স্পর্শেন্দ্রিয় ও স্পর্শ-জ্ঞানের, দর্শনেন্দ্রিয় ও রূপ-জ্ঞানের, রসেন্দ্রিয় ও রস-জ্ঞানের এবং ভ্রাণেন্দ্রিয় ও গন্ধ-জ্ঞানের উৎপত্তি হয়।

উপরে যে “তন্মাত্র” শব্দের উল্লেখ হইয়াছে, তাহা আকাশ, বায়ু, তেজ, জল ও ক্ষিত্তি নামক পঞ্চভূতের পূর্বাবস্থা, অতি সূক্ষ্ম ভূত মাত্র। পরে ত্রিবৃৎকরণ ও পঞ্চীকরণ হইলে, ইহাদের সূক্ষ্মাংশ সকল পরস্পর মিলিত হইয়া স্থূল ভূতরূপে পরিণত হয়। তাহার পর ক্রমে ক্রমে এই পরিদৃশ্যমান বিচিত্রতাময় স্থূল জগৎ সৃষ্ট হইয়া থাকে। সৃষ্টির সময় অনুলোমক্রমে যাহা হইতে যাহার উৎপত্তি হয়, আবার মহাপ্রলয়ের সময় বিলোমক্রমে তাহাতেই তাহার লয় হইয়া থাকে। এইরূপে অনাদি কাল হইতে সৃষ্টি-প্রবাহ চলিয়া আসিতেছে।

কিন্তু প্রকৃত কথা এই যে, এই জগৎ মায়াকল্পিত মিথ্যা পদার্থ ও সচ্চিদা-নন্দময় শক্তিসংযুক্ত অদ্বয় পূর্ণব্রহ্মের বিবর্ত * মাত্র। যেমন রজ্জুতে সর্পি-ভ্রম

* যে স্থলে এক বস্তু হইতে অণু বস্তুর উৎপত্তি সময়ে পূর্ববস্তুর অণুখা ভাব হয়, তাহার নাম বিকার। যেমন হুঙ্কের বিকার দধি ও শব্দ-তন্মাত্রের বিকার আকাশাদি।

ও মরীচিকায় জল-ভ্রম হয়, তদ্রূপ ব্রহ্ম-শক্তি মায়া কর্তৃক ব্রহ্মেও জগৎ ভ্রম হইতেছে। মায়ার একটি বিশেষণ হইল, অঘটন-ঘটন-পটীয়সী, অর্থাৎ ইনি অঘটনাকে ঘটাইয়া দেন, মিথ্যাকে সত্য ধারণা করাইয়া দেন; ইহাই ইহার স্বাভাবিক কার্য। যেমন স্নানপূর্ণ বাজিকর ভোজবিদ্যাভলে অস-ময়ে পাকা আন্ন আনিয়া উপস্থিত করে, অথচ বাস্তব-পক্ষে সেটা প্রকৃত আন্ন না হইলেও দর্শকগণের দৃষ্টিতে যথার্থ আন্ন বলিয়াই ধারণা হয়, তদ্রূপ জীবের মায়াপ্রসূত মনঃ ও বুদ্ধির নিকট মায়াকল্পিত মিথ্যা জগৎও স্বপ্ন-কালীন স্বপ্নদৃষ্ট পদার্থের ন্যায় সত্যবৎ প্রতীয়মান হইতেছে।

এইবার উপাস্য উপাসক সম্বন্ধে কয়েকটি প্রয়োজনীয় কথা বলিয়াই এই প্রবন্ধের উপসংহার করিব। মহাপ্রলয়ের অবসানে প্রকৃতি চৈতন্যময় পরব্রহ্ম যখন জগৎসৃষ্টি করণে উন্মুখ হইলেন, তখনই তিনি সগুণ ও ঈশ্বর-পদবাচ্য হইয়া থাকেন। মায়া অর্থাৎ প্রকৃতির বিশুদ্ধ সত্ত্বাংশে উপহিত চৈতন্যই সর্বজ্ঞ, সর্বকর্তা ও সর্বশক্তিমান ঈশ্বর; এবং অবিদ্যা অর্থাৎ প্রকৃতির মলিন সত্ত্বাংশে উপহিত চৈতন্য অল্পজ্ঞ, অল্পকর্তা ও অল্পশক্তিমান জীব। ফলকথা সর্গ-চৈতন্যই ঈশ্বর ও ব্যষ্টি-চৈতন্যই জীব। এই ঈশ্বর যখন রজোগুণাবলম্বী হইয়া সৃষ্টিকার্যে প্রবৃত্ত হইলেন, তখন তিনি ব্রহ্মা নামে, যখন সত্ত্বগুণকে অবলম্বন করিয়া সৃষ্ট জগৎ পালন করেন, তখন ‘বিষ্ণু’ নামে এবং যখন তমোগুণাবলম্বী হইয়া জগৎ ধ্বংস করেন, তখন তিনি ‘মহেশ্বর’ নামে অভিহিত হইয়া থাকেন। ফলতঃ একই ঈশ্বর তিন গুণা-বলম্বী হইয়া তিন মূর্তি পরিগ্রহ করিয়াছেন। শাস্ত্র বলিয়াছেন,—

“একা মূর্তিদ্বয়ো ভাগা ব্রহ্ম-বিষ্ণু-মহেশ্বরাঃ।”

পূর্বেই প্রতিপাদিত হইয়াছে যে, প্রকৃতির সহিত চৈতন্যের অবিভাব সম্বন্ধ। সুতরাং একই আদ্যাশক্তি সৃষ্টাদি কার্য করিবার সময়ে ব্রহ্মার নিকট ব্রহ্মাণীশক্তি, বিষ্ণুর নিকট বৈষ্ণবীশক্তি ও রুদ্রের নিকট রুদ্রাণীশক্তি রূপে কার্যসাধন করিয়া থাকেন। ফলতঃ শক্তি ও চৈতন্য এই উভয়ের সংযোগ ব্যতীত কেবল মাত্র একের দ্বারা কোন কার্যই সম্পাদিত হইতে পারে না। চৈতন্যবিহীন হইলে, প্রকৃতি যেমন জড়-স্বরূপা হইয়া যান,

আবার যেস্থলে এক পদার্থ হইতে পদার্থান্তরের উৎপত্তি হইলেও পূর্ববস্তুর সত্ত্বা বিদ্যমান থাকে, তাহারই নাম বিবর্ত। “জগৎ ব্রহ্মের বিবর্ত” বলিলে, ব্রহ্ম হইতে জগতের উপৎতি সূচিত হয় বটে, কিন্তু তাহাতে অদ্বিতীয় ব্রহ্মতত্ত্ব অব্যাহত থাকে।

তদ্রূপ ঈশ্বর-মূর্তি ব্রহ্মা, বিষ্ণু ও মহেশ্বরও প্রকৃতি বা শক্তিবিরহিত হইলে শবরূপে পরিণত হইয়া থাকেন । যথা,—

“ব্রহ্মাণী কুরুতে সৃষ্টিং নতু ব্রহ্মা কদাচন ।
অতএব মহেশানি ব্রহ্মা প্রেতো ন সংশয়ঃ ॥
বৈষ্ণবী কুরুতে ব্রহ্মাং ন তু বিষ্ণুঃ কদাচন ।
অতএব মহেশানি বিষ্ণুঃ প্রেতো ন সংশয়ঃ ॥
রুদ্রাণী কুরুতে গ্রাসং নতু রুদ্রঃ কদাচন ।
অতএব মহেশানি রুদ্রঃ প্রেতো ন সংশয়ঃ ॥
ব্রহ্ম-বিষ্ণু-মহেশাদ্যা জড়াশ্চৈব প্রকীর্তিতাঃ ।
প্রকৃতিঞ্চ বিনা দেবি সর্বৈ কার্যাক্ষমা ধ্রুবম ॥”

কুঞ্জিকা তন্ত্র ।

অর্থাৎ ব্রহ্মাণীশক্তিই সৃষ্টি করেন, একা ব্রহ্মার সৃষ্টি করিবার সামর্থ্য নাই, তিনি শব মাত্র ! বৈষ্ণবশক্তিই জগৎ পালন করেন, বিষ্ণুর পালন করিবার সামর্থ্য নাই ; তিনিও শব । এবং রুদ্রাণী শক্তিই সংহার কার্য করিয়া থাকেন ; রুদ্রও শব মাত্র । বস্তুতঃ শক্তিসমবেত ব্রহ্মা সৃষ্টি করেন ; শক্তি সমবেত বিষ্ণু পালন করেন এবং শক্তি সমবেত রুদ্রই সংহার কার্য করিয়া থাকেন । কারণ প্রকৃতি ব্যতিরেকে ইঁহারা সকলেই জড়স্বরূপ হইয়া থাকেন ।

ফলতঃ এই সগুণ ব্রহ্মই উপাস্য ; ব্রহ্মের নিগুণাবস্থা উপাসনার বিষয়ী-ভূতা নহে । সগুণ-ব্রহ্ম-বিষয়ক মানস-ব্যাপারের নামই উপাসনা । যথা—

“উপাসনানি সগুণ-ব্রহ্ম-বিষয়ক মানস ব্যাপাররূপাণি ।”

তন্ত্র ।

স্ব স্ব প্রকৃতি ও রুচি-ভেদে এই ব্রহ্মপদার্থকে কেহ চৈতন্যময়ী প্রকৃতি অর্থাৎ স্ত্রীদেবতা ও কেহ প্রকৃতিবৃত্ত চৈতন্য অর্থাৎ পুংদেবতা ভাবিয়া থাকেন ; আবার কেহ কেহ বা ইঁহাকে স্ত্রী পুংভাবের অতীত নিরাকাররূপে ধ্যান করেন । সূত্ররূপে এক ব্রহ্মপদার্থই বৈষ্ণবদিগের উপাস্য বিষ্ণু, গোপাল ও কৃষ্ণ প্রভৃতি ; শাক্তদিগের উপাস্য কালী, তারা ও ত্রিপুরা প্রভৃতি ; সৌরদিগের উপাস্য সূর্য্য ; শৈবদিগের শিব ; ও গাণপত্যদিগের গণেশ নামে অভিহিত । ফলতঃ যে, যে নামেই উপাসনা করুক, এমন কি স্ত্রী স্বামিকে, পুত্র পিতাকে ও শিষ্য গুরুকে যে উপাসনা করে, তাহাতে যদি

ব্রহ্মভাব থাকে, তবে প্রকৃতি-চৈতন্যময় পরব্রহ্মের উপাসনাই সিদ্ধ হয় । শাস্ত্রও বলিয়াছেন,—

“যে যথা মাং প্রপদ্যন্তে তাঃ স্তথৈব ভজাম্যহম্ ।”

ভগবদ্গীতা ।

অর্থাৎ ভগবান্ বলিতেছেন, “যে যে ভাবেই আমার উপাসনা করে, আমি তাহাকে সেই ভাবেই কৃতার্থ করিয়া থাকি ।”

বস্তুতঃ পূর্বোক্ত পঞ্চোপাসকগণের মধ্যে মূলে ব্রহ্মনিরূপণে কোন গোল নাই ; কেবল নাম ও রূপ লইয়াই অজ্ঞান লোক ভেদ কল্পনা করিয়া পরস্পর বৃথা ঘন্ডে প্রবৃত্ত হইয়া থাকে । কিন্তু প্রকৃত জ্ঞানী ও তত্ত্ব সাধকগণের নিঃসঙ্গ অন্তঃকরণে বিন্দুমাত্রও ভেদবুদ্ধির উদয় হয় না । তাঁহারা আপন আপন ইষ্টদেবের উপর মুখ্য বুদ্ধি রাখিয়াও অন্যান্য দেবতাদিগকে তাঁহারই বিভিন্ন বিকাশ মাত্র ভাবিয়া তদনুরূপ ব্যবহারই করিয়া থাকেন । শক্তি-সাধক সিন্ধুপুরুষ রামপ্রসাদ কি বলিতেছেন, শুন,—

রাগিণী জংলা—তাল খয়রা ।

“কালি ! হলি মা রাসবিহারী ।

নটবর-বেশে বৃন্দাবনে ॥

পৃথক্ প্রণব, নানা লীলা তব, কে বুঝে একথা বিষম ভারি ॥
নিজ তনু আধা, গুণবতী রাধা, আপনি পুরুষ আপনি নারী ।
ছিল বিবসন কটি, এবে পীত ধটী, এলোচুল চূড়া-বংশীধারী ॥
আগেতে কুটিল নয়ন অপাঙ্গে, মোহিত করেছ ত্রিপুরারি ।
এবে নিজ কাল, অনুরেখা ভাল, ভুলালে নাগরী নয়ন ঠারি ॥
ছিল ঘন ঘন হাস, ত্রিভুবন-হাস, এবে মৃচ্ হাস, ভুলে ব্রজকুমারী ।
পূর্বে শোণিত-সাগরে, নেচেছিলে শ্যামা, এবে প্রিয় তব
যমুনাবারি ॥

প্রসাদ হাসিছে, সরসে ভাসিছে, বুঝেছি জননি ! মনে বিচারি ।
মহাকাল কানু, শ্যাম শ্যামা-তনু, একই সকল বৃষ্টিতে নারি ।”
আবার শুন,—

প্রসাদী সুর—তাল একতালা ।

“তাই কালোরূপ ভালবাসি ।

শ্যামা জগন্মনোমোহিনী মা এলোকেশী ॥

কালোর গুণ না ভাল জানে, শুক শব্দু দেবঋষি ।
 যিনি দেবের দেব, মহাদেব, কালোরূপ তাঁর হৃদয়বাসী ॥
 কালো বরণ, ব্রজের জীবন, ব্রজাঙ্গনার মন উদাসী ।
 হলেন বনমালী, কৃষ্ণ কালী, বাঁশী ত্যজে করে অসি ॥
 যতগুলি সঙ্গী মায়ের, তারা সকল এক বয়সী ।
 ঐ যে, তার মধ্যে কেলে মা মোর, বিরাজে পূর্ণিমা-শশী ॥
 প্রসাদ ভণে, অভেদ জ্ঞানে, কালোরূপে মেশা-মেশি ।
 ওরে, একেই পাঁচ, পাঁচুই এক মন করোনা ঘেষা-ঘেষি ॥”

পাঠক! এইবার এজন প্রকৃত বৈষ্ণব সাধকের কথা শুন। বৈষ্ণব-সাধক কালী দর্শনে কৃষ্ণপ্রেমে বিভোর হইয়া, কালীকে ‘হরি’ সম্বোধনে কি বলিতেছেন, শুন,—

বাউলের সুর—তাল খেমটা ।

“হরি! কই সে মোহন বাঁশরি ।

কেন ভয়ঙ্করা, অসিধরা, হলে হে বংশীধারী ॥

কি লাগি কেলে সোণা, দিগ্‌বসনা, লোলরসনা, হেরি ।

ল’য়ে বনমালা, মুণ্ডমালা, কে পরালে শ্রীহরি ॥

কেন পায় কৃধিরধারা, পড়ে ধরায়, চরণে ত্রিপুরারি ।

হলে কার ভাবে ত্রিনয়না শ্রাম! বাঁকা নয়ন সম্বরি ।

কি কারণে, মত্তরণে, সূধাপানে, দৈত্যারি ॥

আবার চূড়া ফেলে, পড়্‌ছো চ’লে, উন্মাদিনীর বেশ ধরি ।

কোথায় সব ব্রজাঙ্গনা, গোপললনা, কানমে কি রূপ হেরি ।

আবার ক্রীচরণে, পুষ্পাঞ্জলি দিতেছেন রাই কিশোরী ॥

(ওহে কাঙ্গালের ধন চিন্তামণি)”

ব্রহ্মপদার্থ স্বরূপতঃ নিরাকার। এবং সে নিরাকার রূপ প্রশান্ত ও নিশ্চলচিত্ত যোগীজনেরই ধ্যেয়। আমাদের ছায় নিয়াদিকারী, ঘোর সংসারী মানবের বিষয়কলুষিত মলিন অন্তঃকরণে নিরাকার ধ্যান হইতে পারে না বলিয়াই, ভগবান কৃপা করিয়া বিভিন্ন প্রকৃতি ও বিভিন্ন রুচিবিশিষ্ট মানবগণকে কৃতার্থ করিবার জন্যই বিভিন্ন মূর্তি পরিগ্রহ পূর্বক দর্শন দিয়া থাকেন। শাস্ত্রে আছে,—

“সাধকানাং হিতার্থায় ব্রহ্মণো রূপ-কল্পনা ॥”

অতএব হিন্দু পাঠকগণ! সাবধান, যেন কালী-কৃষ্ণে হরি-হরে ভেদ-বুদ্ধি করিও না। *

শ্রীপ্রসন্নকুমার চট্টোপাধ্যায় ।
 সীতাহাটী ।

ঐতিহাসিক ছড়া সংগ্রহ ।

(২)

Lieutenant Colonel James Watson (লেফ্‌টেনেন্ট কর্নেল জেমস্ ওয়াটসন) এর অধীনে H. M. 14th Regiment of Food (১৪নং পদাতিক সেনা) বহরমপুর হইতে ১৮১৫ খৃষ্টাব্দের ৫ই জানুয়ারী তারিখে, তৎকালীন বীরভূমের অধীন গোকর্ণে পঁছিয়া কান্দী, ছোট কপনা, আকলপুর, সিউড়ী, কৃষ্ণনগর, খয়রা শোল, আফজালপুর অতিক্রম করিয়া ১১ই তারিখে অজয় নদীর পর পারে চুড়ুলিয়ার জঙ্গল মহালে প্রবিষ্ট হয় এবং রামগালা চটী, মোতাইনি, ও বিনো রঘুনাথপুর হইয়া পশ্চিমে চলিয়া যায়। মধ্যে এই সৈন্তদলের সিউড়ী স্কুল, ইলাম বাজার, সোণামুখী ও বাঁকুড়া হইয়া যাইবার কথা হইয়াছিল, কিন্তু অসুবিধা বশতঃ এই বন্দোবস্ত পরিত্যক্ত হয়। পরে নগর হইয়া দেওঘর, চাকাই, নোয়াদা ও গয়া এই রাস্তাও অসুবিধা জনক বলিয়া প্রতিপন্ন হইল। কারণ ১৮১৪ খৃষ্টাব্দের প্রারম্ভে ২০০০ অশ্বারোহী ও পদাতি সহ ‘He Highness Amrut Row brother to the Peswah’ (পোশোয়ার ভ্রাতা অমরৎ রাও) বারাণসী হইতে বীরভূম হইয়া বৈদ্যনাথ ধাম দর্শনে গিয়াছিলেন; তখন মধ্যে মধ্যে গভীর জঙ্গল ও নালা থাকায়, দেশীয় সৈন্তগণের রাস্তা অতিক্রম করা কষ্টকর হইয়াছিল। ইংরাজ সৈন্যের পক্ষে আরও কষ্টকর হইবে, ভাবিয়া এই রাস্তাও পরিত্যাগ করিয়া প্রথমোক্ত রাস্তাই অসুবিধা জনক বলিয়া গৃহীত হয়।

* এই প্রবন্ধের কোন কোন অংশ ব্রাহ্মণকঠাভরণে উদ্ধৃত “আগম মতে ওঙ্কার ব্যাখ্যা” নামক প্রবন্ধের ভাবার্থ সকলনে লিখিত হইয়াছে।

বীরভূমে তখন আর মরিসন সাহেব, সহকারী কলেকটর। তাঁহার অধ্যবসায় গুণে সৈন্তগণের রসদ আহরণের সুবন্দোবস্ত হইয়াছিল। এবং যাহাতে প্রজাগণের উপর কোনরূপ অত্যাচার না হয় ও তাহারা রীতিমত রসদের মূল্য প্রাপ্ত হয়, তাহারও বিহিত বন্দোবস্ত করিয়াছিলেন। তবে এতদঞ্চলে সৈন্তসঞ্চালনের প্রথা তত প্রচলিত না থাকায়, তদানীন্তন বীরভূমবাসী স্ত্রী ইংরাজ সৈন্ত দেখিয়া একবারে বিব্রত হইয়াছিল। বলিতে কি, মরিসন সাহেব, বীরভূমের অধিবাসিগণ অধিকাংশ হিন্দু বলিয়া গোহত্যার পরিবর্তে সৈন্তগণের জন্ত ৪০৫০ টি ভেড়ার বন্দোবস্ত করিয়াছিলেন।

প্রথমতঃ চারি পঁচ শত সৈন্ত আসিবার কথা হয়। পরে নির্দিষ্ট দিনের ৪।৫ দিন পূর্বে Assistant Commissary General এর নিকট হইতে খবর আইসে যে, 'H. M. 14 Regiment will not move as originally intended in 2 divisions; but the whole will proceed together amounting to 900 men, exclusive of officers and camp-follower's—14 December, 1814. অর্থাৎ অপরাপর লোক ছাড়া ৯০০ শত সৈন্ত আসিবে। এই ছড়াটি পূর্বোক্ত ঘটনা অবলম্বনে লিখিত।

‘গোরার কবিতা।’

শুন সবে এক ভাবে বিপত্তের কাজ
জেন মতে লড়াই দিতে সাজিল ইংরাজ।
থাকে সব বরমপুরে, ফৌজ জুড়ে, কি দিব তুলনা
এক এক গোরার পিছু, সিপাই তিন জনা।
এমন নয়শ' গোরা, হাতি ঘোড়া, তার তেমন সোয়ারী
নফর চাকর, বেটবেগারী, লিখিতে না পারি।
জাবে সব পশ্চিমতে, আঁচশিতে, আইল পরওয়ানা
জমীদার লোক শুনে, করিছে ভাবনা।
তারিখ সন ১২২১ সালে, অর্ধেক পৌষ মাস
আঁচশিতে শুনে লোকের লাগিল তরাস। ১০

জেলা বীরভোমে, সিউড়ী গ্রামে, জজ সাহেবের থানা
লাটে লাটে জমীদার পাইল পরওয়ানা।
সাহেব ডেকে বলে, রেয়ৎ লেশকে, সাবধান হও তোমরা
এই রাস্তা দিয়া জাবে বাদসাই গোরা।
তাদের খোরদানা, জত জমা কুর সকল মুদি
জেলাদারে হুকুম দিল কর রাস্তাবন্দি।
হাকিমের হুকুম শুনে, সেনা বেনে, ভাবিছে অন্তরে
ভাবনায় ভাবুচি লাগে ভৈকাচুকি ধরে।
বলে ভাই ফৌজ আসিবে, কিবা হবে, বিষম ফৌজের লেঠা
দেখবেক থাকে, বান্দবেক তাকে, মানিবেক নাই তারা ২০

ছয়ারে ছয়ারে দিল সিয়াকুলের কাঁটা।

বলে ভাই, পড়লো দায়, রৈতে নারি ঘরে
গরু জরু সকল নিয়ে পলায় দোশান্তরে।
পলায় সব কলুমালি, তিলি তামলি, মনে পেয়ে ভয়
ব্রাহ্মণ কায়স্থ বৈদ্য কপাট দিয়ে রয়।
তঁাতি ভাই তঁাত ছেড়ে, লুকায় তঁাতের গাড়ে।
জমীদার গ্রামে গ্রামে, পেয়দা লয়ে, আনে মণ্ডুল ধরি
তোমরা, খাবার খোরদানা দাও, বেট্‌আর বেগারি।
লাগিবেক বলদ সগড়, রগড় ঝগড়, না করিহ ভাই
হাঁড়ি কাট পাত খাসি বখ্‌রি ভেড়া চাই। ৩০

পাবে সব দাম ধরে, লেখা করে, জিনিষ দেহ আনি -
চাল ডাল লবণ তৈল স্নাত আটা চিনী।

বলদের খোরদানা চাই আউড় পোয়াল লাড়া
জিনিষ দিতে কোন কাজের ওজর না করিহ তোমরা।
বিষম ফৌজের লেঠা—

ছয়ারে ছয়ারে দিল সিয়া কুলের কাটা।

আনালো স্ত্রধরে ইজাদারে লাগয়ে কোটাল
রাস্তাবন্দি হবে বাছা কাট গিয়া ডাল।

জাবে সব হাতি ঘোড়া, হাওদা চড়া, বিষম ফৌজের লেঠা
জেতে পথে, ঠেকবেক মাথে, মার খাবি তু বেটা। ৪০

আনালো কস্মকারে, জারী করে, লাগায়ে কাটাল
গ্রামের ইজাদার ।
বলে গোলমেক্ কন্যে দাও হাজারে হাজার ।
একটি জাবীন দাও, ভাল চাও, শুন কামার ভাই
তারিখ সাতাশে পোষে গোলমেক্ চাই ।
তখন কোটাল ডেকে, কেয়ট্ দিকে, আনালো তৎকাল
তারা হেষ্ট মাথে, আস্ছে পথে, বৃন্তে বৃন্তে জাল ।
বলে জানছি মনে, মাছ করিণে, ডাকাইলে মোরে ।
ইজাদার কৈছে তারে, মাছের তরে, ঘন নাড়ি মাথা
কেয়ট বলে, এত জাড়ে মাছ পাব কোথা ।
শুনে উঠলো রেগে, মাছের লেগে, রাখ বেটাকে ধরে
দেখে দাপ, বলে বাপ্, জালে লাগলো গিরে । ৫১
আনালো ফকির যত, দেড়াল তত, সহিত খাদিম
বলে মুরগী কুখুড়ী বাহা দাও তার ডিম ।
আনালো ত্বরা করে, পাত নেড়ে, জত মুছলমান
সৈয়দ মল্লিক সেখ মোগল পাঠান ।
এলি দিবা নিশি, রাস্তায় বসি, করে হিরা চিয়া
গাতাশে পোষের কথা সকল হৈল ভূয়া ।
করে লোক পিঠা নাটা, চাল কুটা, ফোজের কথা ছেড়ে
ছপুর দাপুর ধুপুর ধাপুর প্রতি ঘরে ঘরে ।
মনে আনন্দ হল, ঘরকে এল, পলায়েছিল যত
পোষ মাস গত হইল মাঘ উপনীত । ৬১
শুন সব মন দিয়া সর্কজনে মঙ্গলার স্থানে
দেয়ালে পড়িয়া লেখন, ভাবছে মনে মনে ।
বলে ভাই এল গোরা, পড়লো ডেরা, সিউড়ী মোকামে
তখন রাইপুর পলায়ে গেল আস পাশ গ্রামে ।
লোক সব হল হাবা, হাবা চাবা, লাগলো সভাকারে
মোট সেট, বান্ধে লোক, খাবার দাবার করে ।
এমনি হুচুক হলো, লোক পলালো, ছাড়ি ঘর বাড়ী
আবাল বৃদ্ধ যুবা পলায় ঠেঙ্গা ধরা বুড়ী ।

পলায় নাড়া, ব'লে গোরা রৈল ঝুলি ঝালা, জপের মালা
কোরঙ্গ কোপীন
কেবল মাত্র রসের পাত্র চলিল বৈরাগীন । ৭১
বৈরাগী কৈছে দাপে, নবদীপে, হয়েছিল যে গোরা
নিস্তার করিল জীব শতীর কিশোরা
দিয়া হরি নাম, কৈল ভ্রাণ, গোরচন্দ্র রায়
এবে বিলাতী গোরার হাতে পাছে প্রাণ যায় ।
তখন ফোজ সিউড়ি গ্রামে, সর্কজনে পড়িল ঘোষণা
নফর চাকর বেট্ বেগারী পড়লো তাম্বুখানা ।
আগাড়ীর ফোজ সকল রয় শ্রীকৃষ্ণ নগরে
বীণা বাঁশী, যন্ত্ররাশি, আস্ছে ভারে ভারে ।
এলি অবিরত, আস্ছে কত, তুড়ুক সওয়ার
কামান গেঠান কত হাজারে হাজার । ৮১
কিবা তারা, আস্ছে গাড়ী, তার উপরি, দেখতে জেন ঠাঠ,
তাহার উপরে আছে ইংরাজ সরাপ ।
কিবা তার রূপের ছটা, বরণ কটা, দেখিতে মাধুরী
কিবা সাহেব, কিবা গোরা, চিনিতে না পারি ।
বন্দুকে সঙ্গিন চড়া, আছে গোরা, বিপক্ষ বিনাশে
কটকের পদধূলি উড়িছে আকাশে ।
জোখা মোকাম পেয়ে, খানা খেয়ে, কাওয়াজ খেলে তারা
জয়ঢাক, জয় ঢোল বাজে, বাজে রণকাড়া ।
বাজে সব তুরী ভেরী, ধো ধো করি, স্মুরালী বাঁশী
গোরা মেলে, কাওয়াজ খেলে, সাহেব দেখে খুসী । ৯১
বাজিছে জগবান্দ, মহিকম্প, বাদ্যের বাধান
ছই ভিতে, ছই ছড়ি হাতে, ফিরিছে কাপ্তান ।
জত সব ফৌজের গুলি, কহি গুলি, কিছু মাত্র সীমা
ফোজ দেখিতে শোক পেয়েছে কুখুটার নিমা ।
কহে দ্বিজ দ্বারকানাথে, কুখুটাতে, জাহার নিবাস
ফৌজের কবিতা কৈল হইয়া উল্লাস । ৯৭

শ্রীশিবরতন মিত্র ।

সাধু দর্শন ।

শীতকালে বড় লাট সিমলা পাহাড় হইতে কলিকাতায় শুভাগমন করেন। বসন্তের আগমনে কত ফুল ফুটে, চাঁদ হাসে, পাখী ডাকে; সেইরূপ বড় লাট বাহাদুরের পদার্পণের সঙ্গে সহরে কত রাজা মহারাজা আসিয়া থাকেন। তাহার পর, শীতকাল ইংরাজী বৎসরান্ত। ইহাও এক ধূম ব্যাপার। পরন্তু খৃষ্টের জন্মোৎসবও শীতকালে হয়, ইহাও আনন্দের ব্যাপার। আর থাকে সার্কাস, থিয়েটার, মোহন-মেলা, কংগ্রেস, কত কি ব্যাপার এই শীতকালেই হয়। তৎসঙ্গে প্রতিবৎসর সাগর-সঙ্গমে স্নানের জন্ত এই শীতকালে কলিকাতায় কত স্থানের সাধু মহাপুরুষেরা আগমন করেন, ইহাদের এই মেলার জন্ত বিজ্ঞাপন নাই, সংবাদ পত্র নাই, কাজেই ইহা নীরবে নিষ্পন্ন হইয়া যায়। ইহাও কিন্তু এক মহানন্দের অপূর্ণ মেলা। বাক্যহীন এক সাধুর পরিচয় দিতেছি। ইহার সঙ্গে এক শিষ্য, শিষ্যও প্রায় গুরুর মত। দুই জনের পরিধান কোপিন মাত্র। এই প্রবল শীতেও গা' আগ্লা। গায়ে ভস্ম-মাখা। মস্তকে বৃহৎ জটা। মুখ দু'খানি হাঁসি হাঁসি। তাঁহাদের নয়নে কি যেন আছে! গুরু শিষ্য হিন্দুস্থানী এবং সংস্কৃত ভাষায় কথা কহেন, বাঙ্গালা ভাষায় কথা বলিলে বেশ বুঝিতে পারেন। এবং তাঁহাদের হিন্দুস্থানী ভাষাও আমরা বেশ বুঝিয়াছিলাম। যাহা হউক, এ প্রবন্ধে তাঁহাদের কথা বাঙ্গালা ভাষায় বলা হইবে। ইহাদের শরীর, স্বাস্থ্য-বিজ্ঞান মতে যাহাকে “সুস্থ শরীর” বলা হইয়াছে তাহাই। পরন্তু ইহারা যেন সংসারীর “স্বাস্থ্য রক্ষা” পুস্তককে রহস্ত করিয়া দেখাইতেছেন! “তোরা ঐ বলিস, হিম লাগাইও না, খোলা বাতাসে শয়ন করিও না ইত্যাদি। আর আমরা দেখ, উহার বিপরীত পথে দাঁড়াইয়া কেমন সুন্দর স্বাস্থ্য লাভ করিয়াছি! অতএব জানিও, জগতের সমুদয় ভাবেই সৎ আছে!” বস্তুতঃ তাঁহাদের দেহ দেখিলে ঐ কথা মনে হয়। আমার সঙ্গে এক বন্ধু ছিলেন, তিনি প্রশ্ন করিলেন “জগতের মধ্যে বড় কে?” সাধুর শিষ্য উত্তরে বলিলেন (গুরুকে দেখাইয়া) “উহার অবস্থা ঠিক নাই! বালকের মত হইয়া গিয়াছেন। উহার কখন জ্ঞান হয়, কখন অজ্ঞান হইবে। জ্ঞান এবং অজ্ঞান অবস্থা অস্থায়ী ভাবে হয়। পূর্বে বড় জ্ঞানী ছিলেন, আমার স্বামী উনি।

উহার এই অবস্থা বলিয়া আমাকে দয়া করিয়া সঙ্গে লইয়াছেন এবং আনিয়াছেন। আপনাদের উত্তর আমি দিলে হইবে না।” এই বলিয়া তিনি এক মাটির হাঁড়ী করিয়া জল গরম করিতে লাগিলেন, এবং আমাদের সঙ্গে কথা কহিতে লাগিলেন। গুরু ঠাকুরটি চাহিয়া রহিয়াছেন, কিন্তু গভীর অন্তমনস্ক! যেন এজগৎ ছাড়িয়া, তাঁহার “মন” শূণ্ণে উঠিয়াছে।

শিষ্য পুনরায় বলিল, “পৃথিবীতে কে বড়, তা' আপনারই বলুন না? আপনাদের ত' এক একটা মন সকলের কাছেই আছে; আমাদের কাছে তাই আছে। সেই যন্ত্র নাড়াইয়া ত' আমরাও উত্তর দিব, অতএব আপনাদের কাছেও যখন সেই এক যন্ত্র, তখন না হয়, আপনারই উহা নাড়াইয়া বলুন, আমি শুনি।” বন্ধু বলিলেন, আমাদের যন্ত্রে ও গৎ বাজে না। উত্তরে “তা হয় না, গৎ বাজালেই বাজে। তবে পাত্রানুসারে সুর মিষ্টের কম বেশা হয়।”

প্রশ্ন। আপনারা বড় দামের যন্ত্র; আপনাদের যন্ত্রটা বাজাইয়া বলুন না, “কে বড়?” শিষ্য হাসিয়া বলিলেন, “আচ্ছা ছোট ছোট যন্ত্রগুলির বাজনা হউক না শুনি। বড় যন্ত্র বাজিলে, লোকের কানে তালা লাগিবে, অনেকে বিরক্ত হইবে। আর দেখুন, নহবতের ছোট বাঁশীর বাজনা শুনে নিদ্রা আইসে, শান্তি আইসে। আপনারা কিছু বলুন, অগ্রে আমি শুনিব, নচেৎ আমি কিছুই বলিব না। কারণ উনি বলিয়াছেন, “আগন্তকের সহিত কথা কহিবার অগ্রে তুমি যেন উপদেশ দিও না, কারণ উপদেশ দেওয়া গুরুর কার্য্য।” আমি এখন গুরু হই নাই। এজন্য আমি লোকের কাছে তাহাদের উপদেশ শুনি, তৎপরে আমার নিজের মতামত কিছু কিছু বলি। কিন্তু আমার মতামত লোকের ভাল লাগে না, যে উহা শুনে, সেই রাগ করে। আপনারা অগ্রে যেটুকু বুঝিয়াছেন, তাহাতেই বলুন, “কে বড়?” যাহা হউক, অনেক কথার পর, তিনি বলিলেন, সকল সেয়ানারই কথা এক। আমাকে এক ব্যক্তি বলেছিল, “অমুক লোক তোমাপেক্ষা অনেক বড়”; অগ্রে ভাবিলাম, “বয়সে বড়” তাই বুঝি বলিলে। তৎপরে কথার ভাবে জানিলাম, তা নয়, অমুক আমাপেক্ষা বিদ্যায় এবং টাকায় বড়, তাই বলিল। কাজেই আমি বলিলাম, “তা হতে পারে; নিশ্চয়ই সে আমাপেক্ষা বড়, তাহা স্বীকার করিতেছি, এবং তজ্জন্ত তাহাকে দুই শত নমস্কার করিতেছি। আমি যেন জগতে কাহার অপেক্ষা বড় না হই। কিন্তু জিজ্ঞাসা করি, সে লোক তোমা-

পেক্ষা বড় কি না? উত্তরে সে বলিল, “নিশ্চয়ই আমাপেক্ষা তিনি বড়।”

তোমার বিবাহ হইয়াছে?

“হইয়াছে।”

“সে বড়, ইহা ঠিক জানিয়াছ! তবে এক কাজ কর, তোমার স্ত্রীকে উহার নিকট পাঠাইয়া গর্ভাধান সংস্কারটি করাইয়া লও না, কারণ তাহা হইলে উহা দ্বারা তোমাপেক্ষা বড় ছেলে হইবে এখন!! দেখ, ঐ এক মুটে যাইতেছে, মুটে অপেক্ষা তুমি যে বড়, তাহা আমি দেখিতেছি বটে, কিন্তু এ দেখা আমার ঠিক কি না, তাহাই বিচার্য। কারণ ঐ মুটের পর্যন্ত বিচার শক্তি আছে। মুটেও এক জনের স্বামী। তুমি বড় বলিয়া উহার স্বামিত্ব পদ টুকু তোমায় দিতে পারে না। তবেই বুঝে দেখ, জগতে “কে বড়?” সকলেই বড়—গুরু নানক বড়—ঈশ্বর বড়।

প্রশ্ন। মিথ্যাবাদী এবং জুয়াচোরে প্রভেদ কি? উহার ধর্মপথ হইতে কেন স্থলিত হয়?

উত্তরে “ইচ্ছা করিলেই উহার ধার্মিক হইতে পারে। ধর্ম উহাদের ছাড়ে না। কিন্তু সংসার ধর্মের নিম্ন স্তরে উহার পড়িয়া যায়। সংসার-ধর্মের মতে মিথ্যা কথার দ্বারা মিথ্যা কার্য্য প্রসব হয়, সেই মিথ্যা কার্য্যের অপর নাম “জুয়াচুরী।” পরোপকার এবং দয়া মানুষের উৎকৃষ্ট বৃত্তি। চুরী কার্য্যের দ্বারা মানুষের উৎকৃষ্ট বৃত্তিগুলিকে হত্যা করা হয়, কাজেই উহার নিম্নশ্রেণীর বৃত্তি পায়।

এইবার তাহার গুরু ঈশ্বর যেন রাগিয়া বলিলেন, “আঃ কি কর! ক্ষুধা পাইয়াছে, এখনো হইল না;—কবে হইবে?” এই বলিয়া তিনি সেই হাড়ীটি ভাঙ্গিয়া দিলেন, উহার জল ধুনিতে পড়িয়া ধুনির আগুণ নিভিল। ইহা দেখিয়া শিষ্য বলিলেন, আপনাদের অদৃষ্টে ভাল হইবে। ইনি কথা কহিতেছেন। এই হাড়ী ভাঙ্গিয়া ইনি আপনাদের এই জানাইলেন যে, জল আগুনের দেহ, ঐরূপ হাড়ীর জলের মত ফুটিতে থাকে, তাহাতে নানা শব্দও উঠিতে থাকে। যতক্ষণ শব্দ উঠে, তর্গ বর্গ করে, ততক্ষণ মানুষের গুরুশিষ্য সম্বন্ধ থাকে, ভাল মন্দের বিচার থাকে; দেশের পুতুল অপেক্ষা বিলাতী পুতুল ভাল, এ খেলা ঘরের জ্ঞান থাকে, ছোট বড় জ্ঞান হয়, সবই হয়। তাহার পর, জল আগুণ ভাঙ্গিয়া এক করিয়া দিলে, সব ঠাণ্ডা হয়ে যায়।

আর কোন শব্দ থাকে না। এই দেখুন না, আর হাঁড়ির জলের সে ডাক নাই।

শ্রীরাজকৃষ্ণ পাল।

বীরভূমবাসীর কর্তব্য।

বিগত পৌষ মাসের বীরভূমি পত্রিকায় আমাদের পরম হিতাকাঙ্ক্ষী ম্যাজিষ্ট্রেট শ্রীযুক্ত এ, আহমেদ সাহেব বাহাদুরের উপদেশানুসারে বীরভূমের জমীদারকুলচূড়ামণি শ্রীযুক্ত সৌরেশচন্দ্র সরকার মহাশয়ের কর্তৃত্বাধীনে পানীয় জলের বিপুল সংরক্ষণার্থ কীর্ণাহারে যে গ্রাম্য-সমিতি সংস্থাপনের বিষয় প্রকাশিত হইয়াছিল, আশা করি, তাহা এত দিনে কার্য্যে পরিণত হইয়াছে। * পানীয় জলের বিপুল সংরক্ষণ শুধু কীর্ণাহার অঞ্চলে নহে, সমস্ত বীরভূম জেলায়, এমন কি, সমগ্র বঙ্গদেশে একান্ত প্রয়োজনীয়। আর্য্যাবর্তের অন্যান্য প্রদেশ অপেক্ষা বঙ্গদেশে শিক্ষাবিস্তার কিছু অধিক হইলেও অধিকাংশ বাঙ্গালীকে সম্পূর্ণরূপে নিরক্ষর না হউক, অশিক্ষিত বলিতে হইবে। বিশেষতঃ বীরভূম জেলা এ বিষয়ে অতীব মন্দগতি। এখনও বীরভূম জেলার সদর ষ্টেশনের অনতিদূরেই একরূপ স্থান দৃষ্টিগোচর হয়, যেখানে বিংশতি মাইলব্যাপী গ্রাম সমূহের বালকগণের শিক্ষাবিধানের নিমিত্ত একটীও মধ্য-বাঙ্গালা স্কুল নয়নপথে পতিত হয় না।

পূর্বকালে পানীয় জলের পবিত্রতা সংরক্ষণ প্রভৃতি স্বাস্থ্যবিষয়ক অবশ্যকর্তব্য কর্মসমূহ ধর্মের অন্তর্ভূত ছিল বলিয়া, এবং তৎকালীন মনুষ্য হৃদয়ে ধর্মভাব অত্যন্ত প্রবল ছিল বলিয়া, উত্তম পানীয় জলের অভাব পরিলক্ষিত হইত না। অধুনা সে ভাব অন্তর্হিত হইয়াছে এবং বর্তমান অবস্থায় তাহার পুনরাবির্ভাব সম্ভবপর নহে। অথচ বঙ্গদেশের বিশেষতঃ বঙ্গীয় পল্লীসমূহের জলবায়ু দিন দিন একরূপ অস্বাস্থ্যকর হইয়া উঠিতেছে যে, বঙ্গীয় শিক্ষিত সমাজ ও ধনাঢ্য ব্যক্তিগণ এ বিষয়ে তাহাদের চিরপ্রদর্শিত উপেক্ষা পরিহারপূর্বক বন্ধপরিকর হইয়া সমবেত চেষ্টায় কার্য্যক্ষেত্রে

* লেখক শুনিয়া হতাশ হইবেন, এ সম্বন্ধে এখনও কিছুই হয় নাই। ম্যাজিষ্ট্রেট সাহেব সমস্তের সহিত সৌরেশ বাবুর প্রস্তাবের অনুমোদন করিয়া মেম্বরগণের নাম চাহেন, অনতি-বিলম্বে নাম প্রেরিত হইল। তাহার পর আর ও সম্বন্ধে কোন কথা শুনিত পাই না। বীঃ স।

অবতীর্ণ না হইলে বাঙ্গালীর শোচনীয় জীবন ক্রমশঃই শোচনীয়তর হইবে।

বঙ্গদেশের সর্বত্রই, সূতরাং বীরভূম জেলাতেও, পল্লীগামের বাস পরিত্যাগ পূর্বক জেলার সদরে অথবা তদ্রূপ কোনও সহরে আবাসবাটী ক্রয় বা নিৰ্ম্মাণ করিয়া তথায় স্থায়িভাবে বাস করা ইদানীন্তন শিক্ষিত সমাজে এবং জমীদার শ্রেণীর মধ্যে রোগবিশেষ হইয়া পড়িয়াছে। প্রায়ই দেখিতে পাওয়া যায়, মফঃস্বলের জমীদারগণ কলিকাতাবাসী হইয়া পড়েন। কলিকাতার অপেক্ষাকৃত উৎকৃষ্ট-জলবায়ুর আকর্ষণেই হউক, বাসোপযোগী অত্যাশ্রয় নানাবিধ দ্রব্য প্রাপ্তির আশাতেই হউক, অথবা অশেষবিধ আমোদ প্রমোদের প্রলোভনেই হউক, কলিকাতাবাসী জনপদ জমীদারের সংখ্যা নিতান্ত অল্প নহে। অবশ্যই বিষয় কর্মের সুবিধার জন্ত কলিকাতায় অথবা জেলার সদর ষ্টেশনে মধ্যে মধ্যে অবস্থান করা কোনরূপেই নিন্দনীয় হইতে পারে না। যে প্রজার কষ্টলব্ধ অর্থ দ্বারা জমীদারের কোষাগার পূর্ণ হয়, তাহাদিগের উন্নতিবিধানে সম্পূর্ণরূপে উদাসীন থাকিয়া গ্রাম্য বাস পরিত্যাগ পূর্বক নগরে স্থায়িভাবে অবস্থান করা কোনও ক্রমে প্রশংসনীয় নহে।

অধিকাংশ শিক্ষিত ব্যক্তিই যদি এইরূপে স্ব স্ব গ্রামের সহিত সম্বন্ধ বিচ্ছিন্ন করেন, তাহা হইলে সেই সেই গ্রামের উন্নতির আশা অবশ্যই সুদূরপর্যন্ত। উচ্চ শিক্ষায় যাহাদের মন প্রদীপ্ত হইয়াছে, প্রাচ্য ও প্রতীচ্য জগতের মনস্বীগণের সংস্পর্শে যাহাদের মনের উচ্চতা সম্পাদিত হইয়াছে, এবং তজ্জন্ত দেশোন্নতিবিধান যাহাদিগের নিকট অবশ্যকর্তব্য স্বরূপ প্রত্যাশিত হয়, তাহাদিগের পক্ষে গ্রামোন্নতি বিধানে পরাজুখ থাকা কেবল মাত্র কর্তব্যভঙ্গের নহে, পরন্তু অতীব অশিষ্টতার পরিচায়ক। ক্ষোভের বিষয় এই যে, শিক্ষিত ব্যক্তিগণ জীবিকার্জনের নিমিত্ত জেলার সদরে অথবা অপর নগরে বৎসরের অধিকাংশ সময় অতিবাহিত করিতে বাধ্য হইয়া বহুসংখ্যক তথায় স্থায়িভাবেই অবস্থান করিয়া থাকেন। জীবিকার্জনের কঠোর পরিশ্রমের পর, অবকাশকালে গ্রামে গিয়া অবস্থান করিলে, স্থানের এবং দৃশ্যের পরিবর্তনে ও সরল প্রকৃতি গ্রাম্য সুহৃদগণের সাহচর্যে যে চিত্তবিনোদন হয়, তাহা অনির্কচনীয়। শিক্ষিত লোকের সংসর্গে পল্লীবাসীগণের নৈতিক ও ব্যবহারিক উৎকর্ষ ঘটিবার পথ এইরূপে

প্রশস্ত হইতে পারে, এবং কৃতবিদ্য ব্যক্তিবর্গের উদ্যোগে ও দৃষ্টান্তে তাহারা বহুবিধ হিতগর্ভ কর্মের অনুষ্ঠানে, সংক্ষেপতঃ গ্রামোন্নতি-বিধানে প্রবৃত্ত হইতে পারেন। এইরূপ গ্রাম্যবাসত্যাগী জমীদার বা শিক্ষিত ব্যক্তির সংখ্যা সৌভাগ্যবশতঃ বীরভূমজেলায় এখনও অল্প হইলেও যখন এই অনিষ্টের সূত্রপাত হইয়াছে, তখন ইহার আলোচনা অপ্রাসঙ্গিক বলিয়া বিবেচিত হইবে না।

যদি মাননীয় ম্যাজিষ্ট্রেট সাহেব বাহাদুর কেবল মাত্র কীর্ণাহারে বা তদঞ্চলে পানীয় জলের পবিত্রতা সংরক্ষণের উপায় বিধানান্তর ক্ষান্ত না হইয়া বীরভূমি জেলার সর্বত্রই ইহার অনুষ্ঠান করেন, তাহা হইলে সর্বথা সুখের বিষয় হইবে। অবশ্যই এবিষয়ে স্থানীয় লোকের সহকারিতা একান্ত প্রয়োজনীয় এবং জমীদার ও শিক্ষিত শ্রেণীর নিকটেই এরূপ আহুকূল্য প্রাপ্ত হইবার প্রত্যাশা করা যায়। রাজপুরুষগণ সাধারণ প্রজার মঙ্গল বিধায়ক যে প্রস্তাব সমূহ সময়ে সময়ে উত্থাপন করিয়া থাকেন, অশিক্ষিত ব্যক্তিগণ নানারূপ কুসংস্কার বশতঃ তাহার উপকারিতা হৃদয়ঙ্গম করিতে পারে না। নূনাধিক ৬ বৎসর পূর্বে বীরভূম জেলা বোর্ডের তদানীন্তন অধ্যক্ষ শ্রীযুক্ত ফিসার সাহেব বাহাদুর পুরন্দরপুর গ্রামের মধ্য-ইংরাজী স্কুল ও পোষ্টাফিসের সমীপবর্তী একটা পুকুরিণীর জলের বিশুদ্ধি রক্ষা করিবার অভিলাষে পুকুরিণীর অধিকারীগণকে যে অনুরোধ করিয়াছিলেন, ছুঃখের ও আশ্চর্যের বিষয় এই যে, তাহা রক্ষিত হয় নাই। সূতরাং যখন বীরভূমবাসীর সুকৃতিবশতঃ বর্তমান ম্যাজিষ্ট্রেট বাহাদুর একরূপ স্বতঃপ্রবৃত্ত হইয়াই এবিষয়ে উদ্যোগী হইয়াছেন, তখন আশা করি, বীরভূমের চতুঃপার্শ্বস্থ জমীদার ও কৃতবিদ্য ব্যক্তিগণ ম্যাজিষ্ট্রেট বাহাদুরের আহুকূল্যে স্ব স্ব গ্রামে এক একটা সমিতি সংস্থাপন পূর্বক পানীয় জলের বিশুদ্ধি সংরক্ষণ বিষয়ে মনোযোগী হইবেন।

এই প্রস্তাবিত সমিতির গ্রাম্যবাসীর সংস্কারেও মনোযোগ প্রদর্শন করা কর্তব্য। আমাদিগের প্রতি অসভ্য, বর্বর প্রভৃতি আখ্যা প্রদত্ত হইলে আমরা প্রায়ই অপ্রকৃতিস্থ হইয়া পড়ি। কিন্তু আমাদিগের বাসস্থানের কুৎসিত পথ ঘাট ও সাধারণ অপরিচ্ছন্নতা অবলোকন করিলে আমাদিগকে উল্লিখিত আখ্যা অপেক্ষা অধিকতর সম্মানসূচক বিশেষণে বিভূষিত করিতে কোনও সভ্যজাতির প্রবৃত্তি হইবে না। অরণ্যবাসী আমমাংসভোজী সাঁও-

তালেরাও নিজ পল্লার মধ্যস্থলে একটি সুপ্রশস্ত বহু সর্বদা সযত্নে সুরক্ষিত করে। কিন্তু মনুর বংশধর বেদোপনিষদব্যায়ী সভ্যতাভিমানী আমরা সুযোগ পাইলেই রাস্তা চাপিয়া বড়ী বা প্রাচীরাদি নিৰ্ম্মাণ করিতে, অথবা সুপ্রশস্ত গোপথকে ধান্য-ক্ষেত্রে পরিণত করিয়া তাহার সম্পূর্ণ বা আংশিক লোপ ঘটাইতে কখনও পশ্চাৎপদ হই না। আমরা এতই অধঃপতিত ও এতদূর স্বার্থান্ধি যে, উল্লিখিতরূপ নীচতা মূলক অকার্য্য দ্বারা সম্যকরূপে প্রত্যায়ভাগী হইতে কখনও ইতস্ততঃ করি না।

এক পল্লীগ্রাম হইতে অত্র পল্লীগ্রামে শকটাদি লইয়া যাইবার পথ বীরভূমের অনেক স্থলেই একেবারে অন্তর্হিত হইয়াছে। তাহার অভাব বশতঃ যে কষ্ট ও নিগ্রহ ভোগ করিতে হয়, তাহা ভুক্তভোগী ভিন্ন অপরের হৃদয়ঙ্গম হওয়া দুঃকর। অনেক স্থলেই গ্রাম্য রাস্তা ও গোপথের হৃদিশা এরূপ ভয়াবহ যে, বর্ষার শেষে আশ্বিন কার্তিক মাসেও সে সকল পথ ব্যবহার করা অতীব আয়াস-সাধ্য। প্রায় দেড় বৎসর পূর্বে কোনও বৈষয়িক কার্য্যোপলক্ষে বাতিকার গ্রামের জমীদার বিশেষের সহিত সাক্ষাৎ করণাভিলাষে আমাকে তথায় যাইতে হইয়াছিল। পক্ষিল গোপথে গোষান চক্রের ন্যূনাধিক অন্ধাংশের নিমজ্জন হেতু গোষানের অচলতা, তন্নিবন্ধন শকট হইতে সেই কৰ্দমাক্ত পথে অবতরণের পৌনঃপুন্য, চারি দণ্ডের পথে চারি প্রহরের ক্ষেপণ, এবং অবশেষে অবসাদভরে শকটচক্রের কায়া মায়া ত্যাগ চিরকাল আমার স্মৃতিপথে জাগরুক থাকিবে। বাতিকার যাইতে হইলে একটি ক্ষুদ্র কন্দর অতিক্রম করিতে হয়। আমার কষ্টের সীমা তখনও শেষ হয় নাই বলিয়াই হউক, অথবা আমাদের অসভ্যাবস্থার এবং মানসিক জড়তার চরম দৃষ্টান্ত তখনও আমার নয়নপথে পতিত হয় নাই বলিয়াই হউক, বাতিকার যাইবার পথে এই স্রোতস্বিনী আমার প্রধান প্রতিবন্ধক হইয়াছিল। নদীর উভয়কূলে শকটাদির অবরোধ ও আরোহণের নিমিত্ত কোনও রূপ অবনতভূত স্থল ছিল না। এরূপ ছরাবরোধস্থানে কোন প্রকারে অবতরণ করিয়া যে ছঃসাহসের পরিচয় দিয়াছিলাম, কতিপয় সহৃদয় মুসলমানের সাহায্যে শকটের উদ্ধার সংসাধিত না হইলে, ক্লিষ্টশরীরে, ক্ষুধার্ত্ত উদরে সেই স্রোতস্বিনীর জলে সমস্ত রাত্রি তাহার প্রায়শ্চিত্তের সমাধান হইত। বাতিকারের সন্নিহিত নবগ্রামে কতিপয় মুসলমানের সহিত কথোপকথনে অবগত হইয়াছিলাম যে, “দেওয়ান্জী” (বাতিকারের জমীদার

শ্রীযুক্ত মদনগোপাল সিংহ) প্রভৃতি ব্যক্তিগণের কর্তৃত্বাধীনে তাহারা অবকাশকালে স্বীয় কার্যিক পরিশ্রমে ঐ সকল রাস্তার আবশ্যকীয় সংস্কার বিধান করিতে পারে। আমার বিশ্বাস, যদি জমীদার ও শিক্ষিত ব্যক্তিগণ গ্রাম্য ব্যক্তিগণের সহিত যথোপযুক্তভাবে মিশিয়া রাস্তাঘাট সংস্কারের প্রয়োজনীয়তার বিষয় তাহাদিগের হৃদয়ঙ্গম করান এবং তন্নিমিত্ত তাহাদিগের নিকট আর্থিক ও কার্যিক সাহায্যের প্রার্থনা করেন, তাহা হইলে তাহারা সর্বদাই তাহাদিগের অনুগামী হইবে এবং একবার কর্মক্ষেত্রে অবতীর্ণ হইয়া কার্য্যারম্ভ করিতে পারিলে ভবিষ্যতে ইহা হইতে প্রভূত শুভফল প্রসূত হইবে।

লোপপ্রাপ্ত গোপথগুলির পুনরুদ্ধারের জন্য শ্রীযুক্ত ম্যাজিষ্ট্রেট সাহেব বাহাদুরের নিকট বিনা ষ্ট্যাম্পে দরখাস্ত করিলে তাহা অগ্রাহ্য হইয়া থাকে। কিন্তু আমাদের দয়ালু ম্যাজিষ্ট্রেট সাহেব বাহাদুর বোধ হয় উপরিউক্ত গ্রাম্য সমিতির দরখাস্ত বিনা ষ্ট্যাম্পে গ্রহণ করিবেন। যদি ষ্ট্যাম্প দিয়া দরখাস্ত না করিলে কোনও রূপে কার্য্য সিদ্ধি না হয়, তাহা হইলে কার্য্যোদ্ধারের নিমিত্ত অগত্যা তাহাই করিতে হইবে।

এখানে ইহাও উল্লেখযোগ্য যে, দেশের সাধারণ জনগণের মধ্যে শিক্ষা বিস্তার হইলে উল্লিখিত সংস্কারাঙ্গির পথ অপেক্ষাকৃত সুগম হইবে। অধুনা স্ব স্ব গ্রামে অথবা কতিপয় গ্রাম লইয়া সমবেত ভাবে জনসাধারণের মধ্যে শিক্ষাবিস্তার, পথঘাটের সংস্কার ও সংযোজন, এবং বিশুদ্ধ পানীয় জলের সংগ্রহ বীরভূমবাসী প্রত্যেক শিক্ষিত ব্যক্তির ও প্রত্যেক জমীদারের প্রধানতম কর্তব্য। আমাদের স্বভাবসুলভ জড়তার ও দীর্ঘস্থত্রতার জন্য আমরা ইতঃপূর্বে অথবা অনেক অমূল্য সময় নষ্ট করিয়াছি, কিন্তু আর আমাদের এরূপ ভাবে কালযাপন করা উচিত নহে।

শ্রীঅবিনাশ চন্দ্র বন্দ্যোপাধ্যায় এম, এ।

কৃষি প্রবন্ধ ।

(সঙ্কলিত)

(১)

বীজ পবন বিধি ।

“বৈশাখে বপনং শ্রেষ্ঠং জ্যৈষ্ঠে মধ্যমং স্মৃতং ।

আষাঢ়ে চাধমং শ্রাবণে শ্রাবণে চাধমাধমং ॥”

বৈশাখে বপনই শ্রেষ্ঠ, জ্যৈষ্ঠে মধ্যম, আষাঢ়ে অধম, ও শ্রাবণে অধমাধম

বলিয়া কথিত হয়। বছরের প্রথমে মাটী নূতন হয়। তাহার প্রমাণ চাষের দ্বারা জানা যায়। বৈশাখ মাসে যত জমি চষা যায়, জ্যৈষ্ঠ মাসে তদপেক্ষা কম, এইরূপে শ্রাবণ মাসে সে হিসাবে নিতান্ত কম জমিতেই চাষ উঠে। ইহার কারণ ক্রমে মাটী কঠিন হইয়া যাওয়া ব্যতীত আর কিছুই নহে। মাটী যতই কঠিন হয়, ততই ধাত্বাদির বীজ হইতে গাছ হইয়া পুষ্ট হইতে বিলম্ব হয়। একারণ বৈশাখের বুনাই ভাল। ধনা বলিয়াছেন ;—

“বৈশাখী বুনো। ফলে ছুনো॥”

শিশির, শীত, বসন্ত ও গ্রীষ্ম খাইয়া মৃত্তিকার উর্বরতা শক্তিও নূতন হয়। শীত, তাপ, বায়ু ও বৃষ্টি আদি প্রাকৃতিক নিয়ম বলে পৃথিবী নূতন শক্তি প্রাপ্ত হয়। এই নূতন শক্তি হইতে যে গাছ জন্মে, তাহার ফলোৎপাদিকা শক্তি নিশ্চয়ই অধিক হয়।

“বৃষান্তে মিথুনাদৌ চ ত্রীণ্যহানি রজস্বলা।

বীজং ন বাপয়েত্তত্র জনঃ পাপাস্বিনশ্যতি ॥

বৃষের (জ্যৈষ্ঠের) অন্ত ও মিথুনের (আষাঢ়ের) আদিতে তিন দিবস পৃথিবী রজস্বলা হয়েন। ঐ সময় বীজ বপন করিবে না, করিলে বিনষ্ট হইবে।

অন্য মতে :—

“মৃগশিরসি নিবৃত্তে রৌদ্র পাদেহম্বুবাচী।

ভবতি ঋতুমতীক্ষ্মা ভাস্করে ত্রীণ্যহানি।

যদি বপতি কৃষাণঃ ক্ষেত্র মাসাদ্য বীজং।

ন ফলতি ফললাভো দারুণ শ্চাহ কালঃ ॥”

বরাহ সংহিতা।

মৃগশিরসি নিবৃত্ত হইয়া রৌদ্রপাদ আরম্ভ হইলে (আষাঢ়ের) তিন দিন পৃথিবী ঋতুমতী হয়েন। উহাকে অম্বুবাচী বলে। ঐ কাল দারুণ সময় জানিবে। অম্বুবাচীতে যদি কৃষক ক্ষেত্র মধ্যে বীজ বপন করে, তবে তাহা নিষ্ফল হয়।

রোপণ বিধি।

“রোপণার্থন্তু বীজানাং শুচৌ বপন মুত্তমম্।

শ্রাবণে চাধমং প্রোক্তং ভাদ্রে চৈবাধমাধম্ ॥”

রোপণের জন্তু যে বীজ, তাহা জ্যৈষ্ঠ মাসে বপন করাই উত্তম ; শ্রাবণ মাসে অধম, আর ভাদ্রে অধমেরও অধম।

“বৈশাখী বাওয়া জ্যৈষ্ঠের জাওয়া

আষাঢ় রোওয়া, শ্রাবণে গাওয়া।” (ধনা)

বৈশাখ মাসে বপনের পর গাছ বাহির হইয়া যাওয়াকে বাওলা বা বাওয়া বলে। জ্যৈষ্ঠ মাসে রোপণ জন্তু যে বীজ বপন করা হয়, তাহার গাছ বাহির হওয়াকে জাওলা বা জাওয়া কহে। আষাঢ় মাসের রোপণকে রোওয়া ও শ্রাবণ মাসের গাছানকে গাওয়া বলে। যদি এইরূপ হয়, তবেই চাষ ভাল হয়। সময়ে সবই ভাল আর অসময়ের কৃষি কষ্টসাধ্য এবং তাদৃশ ফলদায়কও নহে।

“বপনে রোপণে চৈব বারযুগ্মং বিবর্জয়েৎ।

মৃষিকাণাং ভয়ং ভৌমে শলভকীটয়োঃ ॥

ন বাপয়েত্তিথৌ রিক্তে ক্ষৌণে সোমে বিশেষতঃ।

এবং সম্যক্ প্রযুজ্ঞানঃ শস্যাবৃদ্ধিমবাগ্নুয়াৎ ॥”

বপনে ও রোপণে শনি মঙ্গলবার তাগ করিবে। মঙ্গলবারে মৃষিকের ও শনিবারে শলভ (পতঙ্গ) ও কীটাদি ভয় হয়। আর রিক্তা তিথিতে বিশেষতঃ সোম মঙ্গলবার হইলে কদাচ বপন করিবে না। একরূপ হইলে নিশ্চয়ই শস্য বৃদ্ধি হয়।

* * * * *

“বপনং রোপণঞ্চৈব বীজং স্যাচ্ছভয়ায়কম।
বপনং গদ নিশ্চুক্রং রোপণং স গদং বিছঃ ॥
ন বৃক্ষরূপ ধাত্বানাম্ বীজাকর্ষণ মাবুরেৎ।
ন ফলান্তু দৃঢ়বীজা বৃক্ষা কেদার সংস্থিতাঃ ॥
হস্তাঙ্কুর কর্কটে চ সিংহে হস্তাঙ্কি মেবচ।
রোপণং সর্ষ-ধাত্বা নাং কণ্ঠায়ং চতুরঙ্গনম্ ॥”

বপন এবং রোপণ এই উভয় প্রকারেই বীজের আবাদ করা যায়। বপন করিতে হইলে জমি পরিষ্কার পরিচ্ছন্ন হওয়া চাই, যেন সোঁতা না হয়। আর রোপণের জমি জল ও কাদাযুক্ত হওয়া আবশ্যিক। যে ধাত্ব গাছ শক্ত বা যাহার গোঁড়ার পাব হইয়াছে, একরূপ গাছাল বীজ লইবে না। গাছাল বীজ ও বীজক্ষেত্রের আইল পার্শ্বস্থ গাছবীজে ভাল ফল হয় না।

শ্রাবণে এক হাত অন্তর, ভাদ্রে আধ হাত অন্তর, এবং আশ্বিনে চারি আঙ্গুল অন্তর রোপণ করাই রীতি।

“কোল পাতলা ঘন গুছি ।

লক্ষ্মী বলে ঐখানে আছে ॥” (খনা)

রোপণ করিবার সময় বিবেচনা পূর্বক গুছি গুলিতে ধানের গাছবীজ কিছু বেশী করিয়া দেওয়া হয় । রোপণ করাইলে যদিও কোল পাতলা হয়, তথাপি তাহাতে প্রচুর ধান্য জন্মে ।

মদিকা দান বিধি ।

বীজস্য বপনং কৃত্বা মদিকা তুত্র দাপয়েৎ ।

বিনা মদি প্রদামেন শস্যজনা ন জায়তে ॥

বীজ পবন করিয়া তাহার উপর মই দিবে । বিনা মইয়ে ধান্যাদি ভাল জন্মে না । দাবিয়া মই দিলে মৃত্তিকার তেজ বন্ধ থাকিয়া সমস্ত ধান্যাদিকে ঝাড়িয়া বাহির করিয়া দেয় । এবং মৃত্তিকার তেজ আবদ্ধ থাকায়, মৃত্তিকা মধ্যস্থ ধান্য গাছের মূলে তেজ প্রদান করে । উহাতে ধান্য সত্ত্বর বর্দ্ধিত হওয়ার আহার পায় । এতদ্ব্যতীত মই দ্বারা মাটি সমান, ও তৃণাদিও অনেক পরিমাণে জন্ম, ও ক্ষুদ্র ঘাসের অঙ্কুর বা চারাত সমূলেই নষ্ট হইয়া যায় । জমি ভিজা থাকিলে কদাচ মই দিবে না । যোগে মই দেওয়াই নিয়ম ।

কৃষক, ২য় খণ্ড, ১ম সংখ্যা ।

মাট কড়াইয়ের চাষ ।

(২)

মাট কড়াই এক প্রকার ক্ষুদ্র মূল বিশেষ । আনোরিকা মহাদেশ ইহার প্রধান উৎপাদনস্থান । তথা হইতে ইংরাজি ১৭১২ সালে বিলাতে সর্ব-প্রথম ইহার চাষ আরম্ভ হয় । কিন্তু কোন সময়ে ও কাহার দ্বারা যে ভারত-বর্ষে এ চাষ আরম্ভ হইয়াছিল, তাহা জানিবার কোন উপায় নাই । বর্তমান সময়ে ইহার চাষের ভূমির পরিমাণ অল্প নহে । বাংলাদেশ ও উত্তর-পশ্চিম প্রদেশ ছাড়িয়া দিলেও ইংরাজি ১৮৮৪ সালে এক মাদ্রাজ প্রদেশেই দুই লক্ষ কুড়ি হাজার চারশত বিঘা জমিতে মাট কড়াইয়ের চাষ হইয়াছিল, এবং ঐ সময়ে নাগারি নামক একটা সামান্য রেলওয়ে ষ্টেশনে ৯০ হাজার মণ মাট কড়াই বোঝাই হইয়াছিল । আরও এই মাদ্রাজ প্রদেশ হইতেই ১৮৪৮ সালের এই মাট কড়াইয়ের তৈল প্রথম বিদেশে রপ্তানি হইতে আরম্ভ করিয়াছে । ক্রমে ক্রমে ইহার ব্যবহার এত

বর্দ্ধিত হইয়াছে, যে ফ্রান্স দেশের “অলিভ” বা “জলপাই” তৈলের বিশেষ ক্ষতি হইতেছে । কিন্তু আমাদের দেশে এই চাষ যত বর্দ্ধি হইবে ততই মঙ্গল ।

মাট কড়াইয়ের উপকারিতা ।

মাট কড়াই হইতে প্রধানতঃ ঈষৎ হরিদ্রা বর্ণ বিশিষ্ট তৈল বাহির হয় । এই তৈল দেখিতে বেশ পরিষ্কার এবং অনেক দিন রাখিয়া দিলেও নষ্ট হয় না । মাট কড়াই তৈল (বাদাম তৈল নামেও অভিহিত হয়) ঔষধের জন্ত, সূতা, কাপড় ইত্যাদির কল পরিষ্কার করিবার জন্ত দাবান ও মিঠাই করিবার জন্ত বিশেষরূপে ব্যবহৃত হইয়া থাকে । জালানি কার্যেও ব্যবহৃত হয়, ইহার বিশেষ গুণ ইহাতে কালি পড়ে না । ফ্রান্স দেশে মাট কড়াই ও জলপাই তৈল লইয়া পরীক্ষা করা হইয়াছিল, তাহাতে মাট কড়াই ভাল বলিয়া জানা গিয়াছে । হিন্দুস্থানীরা ডালা মাথায় করিয়া রাত্রে পথে পথে হাঁকিয়া যে “চানাচুর” বিক্রয় করে, তাহার প্রধান উপকরণ এই মাট কড়াই । ইহার খইল বন্দ প্রভৃতির উত্তম খাদ্য এবং জমীর পক্ষেও উত্তম সার । শুকনা গাছগুলি গরুকে খাওয়াইলে গরু দুগ্ধবতী হয় । এইরূপ মাট কড়াই হইতে অনেক প্রকার উপকার হয় ।

চাষ ।

জ্যৈষ্ঠ আষাঢ় মাসে অর্থাৎ প্রথম বৃষ্টি হইলেই জমিতে বেশ করিয়া চাষ দিবে, এবং যত দিন না বীজ বপন করা হয়, তত দিন মধ্যে মধ্যে আগাছা সকল তুলিয়া ক্ষেত্রটিকে পরিষ্কার রাখিবে । যে জমিতে ক্ষার ও চুণের ভাগ বেশী থাকে, তাহাতে মাট কড়াই ভাল উৎপন্ন হয় । পচা গোবরের সার যত অধিক পরিমাণে ক্ষেত্রে ছড়ান হইবে, ততই ফসল বেশী হইবে ।

আষাঢ় মাসের শেষ কিম্বা শ্রাবণ মাসের প্রথমে অথবা বৃষ্টি না হইলে শ্রাবণের শেষে জমি আর একবার বেশ করিয়া চাষ করিয়া বীজ বপন করিবে । ভূমি উর্বরা হইলে খুব পাতলা করিয়া এবং অল্প উর্বরা হইলে খুব ঘন করিয়া বীজ বপন করা উচিত ।

বপনযোগ্য বীজগুলি বেশ ভারি ও পুরস্ত গুঁটি বুল হওয়া চাই । প্রথমতঃ বীজগুলি লইয়া দিবা ভাগে রৌদ্র ও রাত্রিতে শিশিরে চার দিন রাখিবে, তাহা হইলে বীজে পোকা ধরিবার আশঙ্কা থাকিবে না । পালং-শাকের বীজ যেরূপ পাত্রে ছাই দিয়া রাখিয়া তত্পরি খড়কুটা চাপা দেওয়া হয়, তদ্রূপ করিবে, বেশীর ভাগ উক্ত খড় কুটার উপরি খানিক

গোময় দিয়া পাত্রে মুখটি বন্ধ করিয়া দিবে। এইরূপ অবস্থায় ৩৪ দিন রাখিয়া গুঁটি গুলিকে বাহির করিয়া খুব সাবধানের সহিত খোসা ছাড়াইতে হইবে। উপরকার কঠিন আবরণ সহিত পুতিলে অনেক 'কলা' বাহির হয়। কিন্তু কঠিন আবরণ ভাঙ্গিয়া বীজগুলি বাহির করিবার সময় দৃষ্টি রাখিতে হইবে, যেন কটা রংয়ের পাতলা ছালটা উঠিয়া না যায়। তাহা হইলে আর অঙ্কুর বাহির হইবে না। তিন বিঘা জমীতে বপন করিতে ৩০ আড়ি বীজ লাগিবে।

বীজ পোতা হইলে ইহাকে দুইটা শত্রুর হস্ত হইতে রক্ষা করার বিশেষ আবশ্যিক; নতুবা সমস্ত পরিশ্রম বিফল হইবে। প্রথম দিবাভাগে কাকে ক্ষেত্র হইতে সমস্ত বীজ বাহির করিবে, দ্বিতীয়তঃ রাত্রে শৃগালের উপদ্রব। প্রথমটার জন্ত জমির মধ্যস্থলে একটা বংশদণ্ডে মৃত কাক কিম্বা তাহার ডানা রাখিয়া রাখিবে, দ্বিতীয়টার জন্ত—রাত্রে পাহারা দিবে। বেশী দিন থাকিতে হইবে না, চার পাঁচ দিনের মধ্যে অঙ্কুর বাহির হইয়া বৃক্ষে পরিণত হইবে, তখন কোন ভয়ের কারণ নাই। কেবল মধ্যে মধ্যে জমি শুষ্ক হইলে জল দিবে। মাঘ ফাল্গুন মাসে গাছ গুলি শুকাইতে আরম্ভ করে। তখন কতকগুলি গুঁটি তুলিয়া পরীক্ষা করিবে। যদি গুঁটি শক্ত হয় ও ভাঙ্গিলে কুচিকুচি হইয়া যায়, এবং দানার উপর ঈষৎ লাল বর্ণের ছাল দেখিতে পাওয়া যায়, তখন জানিবে ঠিক হইয়াছে।

মাটকড়াই তুলিবার নিয়ম :—

সন্ধ্যাবেলা একবার জমি অল্প ভিজাইয়া দিয়া, পরদিন গাছগুলি উপড়াইয়া ফেলিবে। পরে ছোট খুন্তি কিম্বা নিড়ান দিয়া মাটি খুঁড়িয়া গুঁটিগুলি বাহির করিবে। পরে গাত্রস্থ মৃত্তিকা পরিষ্কার করিয়া বিক্রয়ার্থ উহা যথা ইচ্ছা প্রেরণ করা যাইতে পারে। (বলিতে ভুলিয়াছি মাটকড়াইয়ের গুঁটি জমীর উপরে না হইয়া আলুর ছায় মাটির ভিতরে জন্মায়)। যাহা হউক, এখানে ১২৯২ সালের কৃষি গেজেট হইতে ইহার আয় ব্যয় উদ্ধৃত হইল।

তিন বিঘা জমীতে মাট কড়াই চাষ করিতে কম বেশী যে খরচ পড়ে, তাহার হিসাব :—

৬ বার লাঙ্গল দিবার খরচ	৪১।০
২৪ গাড়ি সার দিবার খরচ	৬।

৩৫ গাড়ি বীজের মূল্য	৩১।০
বপনের খরচ	১।০
দুইবার হাত দিয়া নিড়ানের খরচ	২।০
জল সেচন খরচ	৬।
জমীর খাজানা	৪।
কুলির মজুরি বা আধ গাড়ি পরিমিত ফসলের মূল্য	১৭।০
			মোট খরচ	৪৫।

ফসলের হিসাব :—

৩ বিঘা জমীর উৎপন্ন প্রায় তিন গাড়ি কড়াইয়ের

মূল্য—(৩৬/০ মণ) ১০৫।

৫৬ মণ খড়ের (শুষ্ক গাছের) মূল্য— ১০।

মোট— ১১৫।

খরচা বাদ কৃষকের আয় ৭০।

প্রতিবাদী, ৬ই জ্যৈষ্ঠ, ১৩০৭।

অমৃত তুসনিকা।

পূর্ব প্রকাশিতের পর।

আর কহি যুন মনের কল্পনা কর'ছর।
কল্পনা কৈতব দেহে হয়ত অমুর ॥
আর এক যাছে দেহে মায়া মুগ্ধ জনা।
সংসার ব্রহ্মাণ্ডেতে সকলে বঞ্চনা ॥
এ সব কহিব পরে এবে যুন যার।
অংসরূপে মহাবিশু সকলে বিহার ॥
বৃন্দাবন বেহার আর গোচারণ লিলা ॥
বাসুদেব দ্বারে ইহা সকল করিলা ॥
শুকট বেহার পুত্র জত বৃন্দাবনে।
কেবা কবে কার দ্বারে কেহ নাহি জানে ॥
বৃন্দাবনে নন্দ যুত পুত্র সাজে কয়।
ইহাতে সন্দেহ চিত্ত আমার আছয় ॥
বাসুদেব পুত্র খুণ্ডা গেল নন্দঘরে।
এই কথা সর্ব সাজে জানয়ে সংসারে ॥

পূর্ণ ভগবান যবতার জেহ কালে ।
 অংস রূপে বিষ্ণু আসি সব তাহে মিলে ॥
 ইহার সিদ্ধান্ত এক'বুন স্থির হঞা ।
 ক্ষগাক্ষগ লক্ষত্র' তিথি তাহে মিসাইঞা ॥
 ভাদ্র ষষ্ঠমি যুক' পক্ষ জান দুই ক্ষগ ।
 সময় জানিঞা দুহে হইলা সংজোগ ॥
 দৈবকি নন্দ জেহো যাইলা বৃন্দাবনে ।
 জসদা যুতিকা মধ্যে তাহার গমনে ॥
 চন্দ্র দণ্ড রাতি সেসে তাহার গণন ।
 সেইক্ষণে মেঘে বিদ্যুত ঠেকল আকর্ষণ ॥
 লবিণ মেঘেতে জৈছে সোদামিনি খেলে ।
 সেই মত বিষ্ণু দেহে মদন সেবুলে ॥
 স্বয়ং ভগবানের কৰ্ম্ম নহে তার হরণ ।
 বিষ্ণু দ্বারে করে সব জগত পালন ॥
 যুর্যের কিরণে জৈছে ব্রহ্মাণ্ড জলে স্থলে ।
 এই মত ভগবান সৰ্ব্বজিবে বলে ॥
 আর এক অপূর্ব কথা শুণ স্থির হঞা ।
 না কর প্রকাশ রেখ হৃদএ ভরিঞা ॥
 মহাতেজ পূর্ণ মদন ফেরে বৃন্দাবনে ।
 অন্তে নাহি জানে ইহা রাধিকা সে জানে ॥
 আর এক রহস্য কথা যুগ সৰ্ব্বজনে ।
 বৃন্দাবনে রাসলিলা করে দুই জনে ॥
 রাধাকৃষ্ণের নহে না জানে গুপিগণে ।
 কেবা এই নিতু বাস করে কার সনে ॥
 ইহার সন্দেহ মোর খণ্ডাহ কৃপা করি ।
 তব মুখে এই বাক্য স্থনিব বিস্তারি ॥
 মদন মনন মথন করে জেই জন ।
 তার সঙ্গে করে বাস নবিন মদণ ॥
 বনভেদে জান তত সিদ্ধান্তের সার ।
 অন্তরে বুঝিয়া রেখ্য না কর বিস্তার ॥
 রকারে রাধিকা রক্ত বন' সেই হয় ।
 কংকারে কন্দর্প বিন্দু বিদ্যুত রূপি তায় ॥
 যেই দুই করে বাস আর নিজ নিত্য লিলা ।
 তে কারণে লিলা রাধাকৃষ্ণ না জানিলা ॥ (ক্রমশঃ)

বীরভূমি ।

মাসিক পত্রিকা ও সমালোচনী ।

২য় ভাগ]

আষাঢ়, ১৩০৮ ।

[৯ম সংখ্যা ।

শ্রীনীলরতন মুখোপাধ্যায় বি, এ,
সম্পাদিত ।

সূচী ।

বিষয় ।	লেখকের নাম ।	পৃষ্ঠা ।
১। ৩ কালীপ্রসন্ন মুখোপাধ্যায় । (শ্রীশিবরতন মিত্র) ২৪১
২। প্রণয় । (শ্রীমহম্মদ আজীজ উন্ সোভান) ২৫৫
৩। বীরভূমে সেন্সস বা জনসংখ্যা । (শ্রীশিবরতন মিত্র) ২৫৭
৪। পৌরাণিক চিত্র । ২৬৭
৫। আমাদের বর্তমান অবস্থা । (শ্রীকালীপ্রসন্ন চট্টরাজ, এম-এ) ২৭১

কীর্ত্তহারের স্বদেশ-হিতৈষী জমিদার শ্রীযুক্ত সৌরেশচন্দ্র সরকার
মহাশয়ের যত্নে ও ব্যয়ে, বীরভূম জেলার অন্তর্গত

কীর্ত্তহার গ্রাম হইতে,
শ্রীদেবিদাস ভট্টাচার্য্য বি, এ,
কর্ত্তক প্রকাশিত ।

বার্ষিক মূল্য ১ টাকা

এই সংখ্যার মূল্য ৭০ আনা ।



মেওরেস সেবনে বিংশতি প্রকার মেহ, পুরুষত্ব হানি, গুরুক্ষয়, অস্বাভাবিক উপায়ে রেতঃপাত, অতিশয় ইন্দ্রিয়পরায়ণতা বা অধিক বীৰ্য্যক্ষয়নিবন্ধন গুরুতরল্য, স্বপ্নদোষ, প্রস্রাবকালীন জ্বালা ও তৎসঙ্গে তুলার আঁশের মত কিস্বা খড়ি গোলায় ত্রায় বিকৃত বীৰ্য্যপতন, অতিরিক্ত প্রস্রাব, হস্ত পদ জ্বালা, মাথা ঘোরা, ক্ষুধামান্দ্য প্রভৃতি রোগ খুব শীঘ্র সম্পূর্ণ আরোগ্য হয়। ইহা সেবনে শত শত চিকিৎসক-পরিত্যক্ত রোগী আরোগ্যলাভ করিয়াছে, শক্তি, স্বাস্থ্য ও পুরুষত্ব ফিরিমা পাইয়াছে। মেওরেস দেখিতে মনোহর, খাইতে প্রীতিপ্রদ, গুণে অমৃত তুল্য। মূল্য প্রতি শিশি এক টাকা মাত্র। ভিঃ পিঃ তে লইলে এক হইতে তিন শিশি পর্য্যন্ত আট আনা ডাক মাশুলাদি লাগে। পত্র লিখিলেই বিস্তৃত সূখ্যাতি পত্র সম্বলিত মূল্য তালিকা পাঠাই। পত্রাদি লিখিবার একমাত্র ঠিকানা :—

ম্যানেজার,
ভিক্টোরিয়া, কেমিক্যাল ওয়ার্কস,
রাণাঘাট, (বেঙ্গল)

বড়লাট কাঙ্ক্ষন বাহাদুরের সহানুভূতি প্রাপ্ত,
বঙ্গের কৃতীসন্তান শ্রীরমেশচন্দ্র দত্ত মহাশয় কর্তৃক
ও
মিরার, অমৃতবাজার, হিতবাদী, বসুমতী, প্রতিবাসী, সোমপ্রকাশ,
সাহিত্য প্রভৃতিতে বিশেষরূপে প্রশংসিত।

প্রয়াস।

দ্বিতীয় বর্ষ।

সচিত্র মাসিকপত্র ও সমালোচক।

এবার নূতন সরঞ্জামে, নূতন প্রণালীতে প্রয়াস দ্বিতীয় বর্ষে পদার্পণ করিল
কাগজ আরও উৎকৃষ্ট, ছাপা আরও সুন্দর।

৪নং হেমচন্দ্র করের লেন, প্রয়াস সমিতি হইতে প্রকাশিত।

প্রতি মাসেই মনোহর চিত্র থাকিবে।

অথচ অগ্রিম বার্ষিক মূল্য ডাকমাশুল সমেত পূর্ববৎ ১১০ টাকাই রহিল।

সমিতির উদ্দেশ্য—সাহিত্য প্রচার, ও সঙ্গে সঙ্গে নবীন লেখকদিগের উৎসাহবর্ধন। তাই আশা আছে, এই সর্বাপেক্ষা সুলভ মাসিকপত্রখানি প্রত্যেক সাহিত্যানুরাগীর আন্তরিক সহানুভূতি ও সাহায্য পাইবে। ইহাতে সকল শ্রেণীর লোকের পড়িবার ও লিখিবার বিষয় থাকিবে।

শ্রী আশুতোষ ঘোষ, কার্য্যাধক্ষ।

বীরভূমি।

মাসিক পত্রিকা ও সমালোচনী।

২য় ভাগ]

আষাঢ়, ১৩০৮।

[৯ সংখ্যা।

কালী প্রসন্ন মুখোপাধ্যায়।

অদ্য আমরা পাঠকবর্গের নিকট, বীরভূমি নিবাসী একজন উৎকৃষ্ট সঙ্গীত-রচয়িতার পরিচয় প্রদান করিব। ইনি যে সকল সঙ্গীত রচনা করিয়াছেন, তন্মধ্যে অধিকাংশই প্রকৃতপক্ষে উচ্চাঙ্গ প্রাপ্ত হইবার উপযুক্ত। কিন্তু তিনি নিজে রচনা করিয়া নিজের প্রাণেই তৃপ্তি লাভ করিতেন, অপরকে শুনাইয়া বাহাদুরী লইবার প্রবৃত্তি তাঁহার আদৌ ছিল না। সেই জন্ত তিনি এত দিন জনসাধারণের নিকট অপরিচিত। এমন কি, তাঁহার বন্ধুবর্গের মধ্যেও অনেকেই তাঁহার এতগুলি সুন্দর সুন্দর গীত রচনার কথা আদৌ জানিতেন না। এই সঙ্গীত-রচয়িতার নাম কালীপ্রসন্ন মুখোপাধ্যায়।

কালীপ্রসন্ন মুখোপাধ্যায়, বীরভূমির অন্তর্গত মঙ্গলডিহি নামক গ্রামে আপন মাতামহ গৃহে সন ১২৬২ সালের শ্রাবণ মাসে জন্ম গ্রহণ করেন। ভূমিষ্ট হইবার পর, তৃতীয় দিবসে স্মৃতিকাগারেই তাঁহার মাতৃ বিয়োগ হয়; সুতরাং তিনি মাতামহীর যত্নে আশৈশব প্রতিপালিত হইয়াছিলেন।

জেলা বর্ধমানের অন্তঃপাতী কলুমা নামক গ্রামে কালীপ্রসন্নের পিতৃ ভবন। পিতা ক্ষেত্রনাথ মুখোপাধ্যায়, ভাগলপুরে কোন গদীয়ানের পক্ষে মহরীর কর্ম করিতেন। কালীপ্রসন্ন, তাঁহার প্রথম স্ত্রীর আদ্যজাত সন্তান। শশুর কার্তিকচন্দ্র বন্দ্যোপাধ্যায়ের অনুরোধ ও কালীপ্রসন্নের প্রতি মমতা বশতঃ, ক্ষেত্রনাথ, কার্তিকচন্দ্রের দ্বিতীয় কন্যার পাণিগ্রহণ করিলেন। দ্বিতীয় স্ত্রীর গর্ভে ক্ষেত্রনাথের, সত্যপ্রসন্ন, নিত্যপ্রসন্ন ও দুর্গা-প্রসন্ন, এই তিন পুত্র জন্ম গ্রহণ করেন; তন্মধ্যে কনিষ্ঠ সন্তানটী শৈশবেই

মৃত্যুমুখে পতিত হয়। শ্রীযুক্ত বাবু সত্যপ্রসন্ন মুখোপাধ্যায় ও শ্রীযুক্ত বাবু নিত্যপ্রসন্ন মুখোপাধ্যায় উভয়েই সুশিক্ষিত—সত্যপ্রসন্ন বীরভূম জজ কোর্টে ওকালতী ও নিত্যপ্রসন্ন সিউড়ী মিউনিসিপাল আফিসে চাকুরী করেন।

কিছু কাল পর, মাতামহ কাকর্তিকচন্দ্র বন্দ্যোপাধ্যায়ের মৃত্যু হইলে, কালীপ্রসন্নের মাতামহী কালীপ্রসন্নকে লইয়া সিউড়ীর দক্ষিণ, অদূরবর্তী আড্ডাহা নামক গ্রামে স্বীয় পিতা পরেশনাথ মুখোপাধ্যায়ের গৃহে অবস্থিতি করিতে লাগিলেন। ইহাতে কালীপ্রসন্নের সিউড়ীতে সুশিক্ষা প্রাপ্ত হইবার সুবিধা হইল—প্রত্যহ চারি মাইল পথ হাঁটিয়া সিউড়ী যাতায়াত করিতে লাগিলেন।

কালীপ্রসন্নের অবস্থা সচ্ছল ছিল না। তিনি সিউড়ী বঙ্গবিদ্যালয়ে অধ্যয়ন করিতে লাগিলেন। আবশ্যকীয় পুস্তক ক্রয়ের ব্যয়ভার বহন করা নিতান্ত কষ্টসাধ্য হইলে তিনি সিউড়ী আফিসের পরিত্যক্ত কাগজ সংগ্রহ করিয়া তাহাতেই পুস্তক সমূহের প্রতিলিপি প্রস্তুত করিয়া লইতেন।

কালীপ্রসন্নের মেধাশক্তি প্রবল ছিল; সেই জন্ত অতি অল্পকাল মধ্যেই স্কুলের একজন প্রধান ছাত্র বলিয়া পরিগণিত হইয়া শিক্ষক ও তদানীন্তন সেক্রেটারী স্বনামখ্যাত বাবু দ্বারকানাথ চক্রবর্তীর স্নেহময় সর্কোটুক দৃষ্টি আকর্ষণ করিতে সমর্থ হইলেন। বাবু দ্বারকানাথ তাঁহাকে আপন শিশু পুত্র ও কন্যাগণের শিক্ষকরূপে নিযুক্ত করিয়া স্বীয় গুণগ্রাহিতার পরিচয় প্রদান করিলেন। কালীপ্রসন্নও এই অভয় আশ্রয় প্রাপ্ত হইয়া নিশ্চিন্ত মনে অধ্যয়নে প্রবৃত্ত হইলেন। এই সময় হইতে কালীপ্রসন্ন আমৃত্যু দ্বারকানাথ বাবু বা তাঁহার পরিবারবর্গ সকলেরই সমধিক স্নেহের পাত্র ছিলেন।

বাঙ্গালা স্কুলের শেষ পরীক্ষায় উত্তীর্ণ হইয়া তিনি চারি টাকা করিয়া বৃত্তি প্রাপ্ত হইলেন। তৎপরে বীরভূম জেলা স্কুলে ভর্তি হইয়া পাঁচ বৎসর মধ্যে প্রবেশিকা পরীক্ষায় উত্তীর্ণ হন। তখন স্কুলে সর্ভে শিক্ষা করিতে হইত। কালীপ্রসন্ন এ বিষয়ে সমধিক ব্যুৎপত্তি লাভ করিয়াছিলেন। তাঁহার অধিকত সিউড়ী মিউনিসিপালিটির ম্যাপ এখনও মিউনিসিপাল আফিসে রক্ষিত আছে।

এই সময় কেন্দুয়া-নিবাসী নবীনচন্দ্র গোস্বামীর কন্যার সহিত কালীপ্রসন্নের বিবাহ হয়, কিন্তু এই স্ত্রী নিঃসন্তান অবস্থাতেই মৃত্যুমুখে পতিত হয়।

কালীপ্রসন্নকে F. A. পড়াইবার জন্ত বাবু দ্বারকানাথ বিশেষরূপ উদ্যোগ করিয়াছিলেন। তিনি নিজে শুধু অর্থ সাহায্য করিয়া ক্ষান্ত ছিলেন না, পরন্তু বিদ্যাসাগর মহাশয়কে অনুরোধ পত্র দিয়া তাঁহার বিনা ব্যয়ে আহার ও বাসস্থানের বন্দোবস্ত করিয়া দেন। কিন্তু কলিকাতার জল বায়ু আদৌ সহ্য না হওয়ায় কালীপ্রসন্নকে বিশ্ববিদ্যালয়ের উচ্চশিক্ষা লাভের আশায় চিরকালের জন্ত জলাঞ্জলি দিতে হয়।

এ দিকে অর্থের অনাটনে তিনি ব্যতিব্যস্ত হইয়া পড়িয়াছেন। মাতামহীর সাগ্রহ অনুরোধে বৎসর মধ্যেই তাঁহাকে কাটোয়ার নিকট নওয়াপাড়া নিবাসী বাদব চন্দ্র বন্দ্যোপাধ্যায়ের কন্যার পাণিগ্রহণ করিতে হইয়াছে। শিশু ভ্রাতাগুলির অধ্যয়ন আরম্ভ করিবার সময় উপস্থিত; মাতামহী ও তাঁহার পিতা পরেশনাথ তখনও বর্তমান। ফলতঃ পোষ্য সংখ্যা অল্প নহে। এই ছঃসময়ে বাবু দ্বারকানাথের অনুরোধে তিনি বাঙ্গালা স্কুলের তৃতীয় শিক্ষকের পদে মাসিক ১২ টাকা বেতনে নিযুক্ত হন। কিন্তু এই চাকুরীতে তিনি আস্থাবান ছিলেন না, অর্থের দারুণ অনাটন হওয়াতেই তিনি ইহা গ্রহণ করিতে বাধ্য হইয়াছিলেন।

এই সময় জমীদার বাবু দক্ষিণারঞ্জন মুখোপাধ্যায়, সিউড়ী হইতে দিবাকর নামক সাপ্তাহিক পত্র ও 'শব্দ জ্ঞান কল্পদ্রুম' নামক অভিধান প্রকাশিত করিতে লাগিলেন। কালীপ্রসন্ন স্কুলের শিক্ষকতা ব্যতীত, দক্ষিণাবাবুর শিশু সম্ভার্ম গুলিকে গৃহে শিক্ষাদান এবং পত্রিকা সম্পাদন ও অভিধান সংকলনে বিশেষরূপ সাহায্য করিতে লাগিলেন। সেই জন্ত তাহার অর্থের অভাবও কিয়ৎপরিমাণে দূরীভূত হইত। কালীপ্রসন্ন এইরূপে সিউড়ীর দুই সম্ভার্ম ও বিশিষ্ট ভদ্র পরিবারের অনুরোধ লাভে সমর্থ হইলেন।

পাঁচ বৎসর বাঙ্গালা স্কুলে চাকুরী করার পর, প্রধান শিক্ষকের সহিত মনাস্তর হওয়ায় তিনি তাহা অগ্নান বদনে পরিত্যাগ করিলেন—বিশেষতঃ পূর্বাধি তাঁহার এই কার্যে আদৌ আস্থা ছিল না। এদিকে দক্ষিণাবাবুরও প্রেস বন্দ হইয়া গেল।

তদনন্তর, তিনি কুণ্ডলার অন্ততম জমীদার নবদ্বীপেন্দু বাবুর নিকট ৩ বৎসর কার্য্য করিলে, সিউড়ী জিলা স্কুলে অস্থায়ীরূপে শিক্ষক নিযুক্ত হইয়া বাটী প্রত্যাগমন করিলেন। কার্য্যকাল ফুরাইলে, সিউড়ী ফৌজদারী আফিসে কিছু দিন শিক্ষানবীস স্বরূপ থাকিয়া, মিউনিসিপাল আফিসে

২৫ টাকা বেতনে টেক্স দারোগা ও খাজাঞ্চী নিযুক্ত হইলেন। মৃত্যুকাল পর্যন্ত তিনি এই কার্যেই হায়ীভাবে নিযুক্ত ছিলেন।

১৩০২ সাল, অগ্রহায়ণ মাসের 'উষাকালে, কালীপ্রসন্নের শয়ন গৃহের দ্বারে একটা ক্ষিপ্ত কুকুর অপর একটা কুকুরকে মারিয়া তাহার উপর রক্তমুখে বসিয়া আছে। কালীপ্রসন্ন যেমন দ্বার উদ্বাটন করিয়া বাহিরে আসিবেন, অমনি কুকুরটা নিমেষ মধ্যে লক্ষ্য প্রদান করিয়া তাঁহাকে আক্রমণ করিল ও দক্ষিণ হস্ত, হাঁটু ও স্কন্ধ মুহূর্ত মধ্যে ক্ষত বিক্ষত করিয়া দিল। কালীপ্রসন্ন ইত্যবসরে সেই ক্ষিপ্ত কুকুরটিকে ধরিয়া তাহার উপর বসিয়া চাপিয়া ধরিলেন। ইতিমধ্যে, তাঁহার ভ্রাতারা আসিয়া তাঁহাকে ক্ষিপ্ত কুকুরটিকে ছাড়িয়া দিতে বলিলেন; কিন্তু পাছে অপর কাহাকেও কামড়াইয়া দেয় বলিয়া তিনি কুকুরটিকে একবারে না মারা পর্যন্ত ছাড়িয়া দিলেন না। ধস্ত সহিষ্ণুতা! কিয়ৎক্ষণ পর তিনি অচেতন হইয়া পড়িলেন এবং ৩ দিন ক্রমাগত ভয়ানক যন্ত্রণা ভোগ করিলে পর খাঁকীবাবার ঔষধ ব্যবহার করিয়া আপাততঃ বেশ আরোগ্য লাভ করিলেন। তাহার পর, তিনি রীতিমত অফিস যাতায়াত করিতেন।

এইরূপে ৩ মাস কাটিয়া গেলে, ১৫ই ফাল্গুন তারিখে তাঁহার উরুস্থলে বেদনা অনুভব হইয়া জ্বর হয় এবং ১৬ই প্রাতঃকাল অবধি জলাতঙ্কের সূত্রপাত হয়। এত দিনের মধ্যে তিনি একদিনও স্নান করেন নাই; কিন্তু অদ্য শরীরে বিষম জ্বালা অনুভব হওয়ায় জল সিঞ্চন করিলেন, তাহাতে অসুখের মাত্রা আরও বৃদ্ধি পাইল। ১৭ই সন্ধ্যার সময় তিনি আপনার অন্তিমকাল সন্নিকট বুলিতে পারিলেন এবং দুই ভ্রাতা সত্য ও নিত্য, স্ত্রী প্রভৃতি সকলকে একত্র করিয়া 'গুরু' ও 'কালী' নাম উচ্চারণ করিতে বলিলেন। পিপাসায় কণ্ঠ শুষ্ক, এক পোয়া আন্দাজ জল গলাধঃকরণ করিলেন। কিন্তু তখন জলাতঙ্ক নাই। গৃহে, নবদ্বীপ হইতে আনিত দেব দেবীর পট, গুরুর পাছকা ও শিবাদির পূজা, সজ্জানে বসিয়া সমাপন করতঃ সকলকে 'কালী কালী,' 'গুরু গুরু' বলিতে নির্দেশ করিলেন এবং নিজে সত্যপ্রসন্নের ক্রোড়ে মস্তক রাখিয়া শুইয়া পড়িলেন। দোল পূর্ণিমা, গ্রহণ মুক্ত হইতে তখনও পাঁচ ছয় মিনিট থাকি আছে, এমন সময় তাঁহার নাড়ীর গতি ক্ষীণ হইতে ক্ষীণতর হইয়া একেবারে রোধ হইয়া গেল—বদন হইতে 'কালী' 'গুরু' শব্দ আর পরিষ্কৃত ভাবে উচ্চারিত না হইয়া অভ্যন্তরেই

বিলীন হইয়া গেল—কালীপ্রসন্নের মস্তক শ্লথভাবে ভ্রাতৃক্রোড়ে লুটাইয়া পড়িল।

কালীপ্রসন্ন এইরূপে অকালে ৪১ বৎসর বয়সে একটীমাত্র শিশুসন্তান, বিধবা স্ত্রী ও ভ্রাতাদিগকে কান্দাইয়া তাঁহার বহু আকাঙ্ক্ষিত 'নিত্যধামে' চলিয়া গেলেন।

কালীপ্রসন্নের বংশ তালিকা যথা—১১ দৈবকিনন্দন, ১০ লোকনাথ, ৯ বল্লভ, ৮ শ্রীরাম, ৭ রাজেন্দ্র, ৬ হরেকৃষ্ণ, ৫ কৃষ্ণকান্ত, ৪ রামজয়, ৩ রামধন,

২ ক্ষেত্রনাথ।

১মা স্ত্রী, কর্ত্তিকচন্দ্রের ১মা কন্যা। | ২য়া স্ত্রী, কার্ত্তিকচন্দ্রের ২য়া কন্যা।

১ কালীপ্রসন্ন মুখোপাধ্যায়।

শ্রীসত্যপ্রসন্ন মুখোপাধ্যায়।

২ শ্রীনৃসিংহ হরি মুখোপাধ্যায়।

নিত্যপ্রসন্ন মুখোপাধ্যায়।

কালীপ্রসন্ন শক্তিমন্ত্রের উপাসক ছিলেন! তাঁহার কুলগুরুর মৃত্যু হইলে সন্ন্যাসী স্বামী দুর্গানন্দ স্বরস্বতীর নিকট তিনি মন্ত্রগ্রহণ করিয়াছিলেন। এই সময় হইতে তিনি নিয়মিতরূপে দৈনিক দুই একটা করিয়া গীত রচনা করিতে আরম্ভ করেন। মন্ত্র গ্রহণের পর মোটে তিনি ৩ বৎসর মাত্র জীবিত ছিলেন। তিনি পূর্ণাভিষিক্ত হইয়াছিলেন। দুই কিম্বা আড়াই ঘণ্টা নিদ্রার পর সমগ্র রাত্রি গৃহাভ্যন্তরে জপ ও সাধনা করিতেন। তাঁহার শিষ্য ভ্রাতা প্রকাশানন্দ সরস্বতী স্থাপিত পানুড়িয়া ও চাকদহ গ্রামের হরিসভায় তিনি নিয়মিত রূপ বক্তৃতা করিতেন ও সাধারণ গ্রামবাসীদিগকে ধর্ম্মোপদেশ প্রদান করতেন।

গীত রচনায় সিদ্ধহস্ত হইলেও কালীপ্রসন্ন স্বয়ং তত ভাস গায়ক ছিলেন না; তবে তিনি সুন্দররূপ বাজাইতে পারিতেন। উচ্চারণ নিবাসী কালীচরণ রায় প্রভৃতির ন্যায় দেশ বিখ্যাত গায়কগণ, তাহার নিকট গীত রচনা করাইয়া লইতেন।

কালীপ্রসন্নের হস্তাক্ষর অতি সুন্দর ছিল,—তিনি সুন্দর ছবি অঙ্কিত করিতে পারিতেন।

চিকিৎসা শাস্ত্রে তিনি যথাসম্ভব ব্যুৎপত্তি লাভ করিয়াছিলেন। কিন্তু তাঁহার নাড়ী জ্ঞান অতি সূক্ষ্ম ছিল।

এই কয়েকটা মাত্র কথা, কালীপ্রসন্নের বাহ্যিক দরিদ্র-জীবনের ক্ষুদ্র

ইতিহাস। জীবনে বিশেষ কোন ঘটনা-বৈচিত্র্য নাই, কেবলমাত্র দারিদ্র্যের সহিত নিরবচ্ছিন্ন কঠোর সংগ্রাম সাংসারিক ঝঞ্জাটের দারুণ অশান্তি। কিন্তু এই সংগ্রামে কে জয়ী হইয়াছিল, পাঠকগণ, কালীপ্রসন্নের রচিত সঙ্গীতাবলী হইতে তাহার পরিচয় প্রাপ্ত হইতে পারিবেন।

অর্থহীন জীবনের কি সুন্দর চিত্র দেখুন।

বাউলস্বর।

১। অর্থহীন জীবনে কি কাজ আছে।

২। তার কি কাজ বেঁচে।

৩। অর্থ নাই কাছে, কেবল নাম আছে, যেমন খাট সাড়ী কুলবালায় ব্যস্ত ক'রে তুলেছে।

৪। যার হাতে অর্থ নাই, কেউ কথা কয়না ভাই, লক্ষ্মী ছাড়া বাড়া পাপ আর সংসারেতে নাই; ধর্মকর্ম গণ্য মাগ্ন অর্থের পাছু সব গেছে।

৫। অর্থহীনের সংসারে সুখ নাই, মুখে অবাত্রা সদাই, মায়ে নিন্দে লজ্জাভয়ে ভাই বলেনা ভাই; পুত্র কণ্ঠা কাছে যার না আদর নাই বাপের কাছে।

৬। দৈবাৎ অর্থহীন নরে, গেলে স্নহদের ঘরে, তারা কয়না কথা তুলে মাথা আদর থাকু দূরে; তারা ভেবে সারা, লক্ষ্মীছাড়া আমার কিছু চায় পাছে।

৭। ঘরে গিন্নীর কাছেও তাই, কথা বলে আর কাজ নাই, মিষ্ট কথায় রুষ্ট সদাই শিষ্ট আলাপ নাই; বলে, ছারকপালে ম'রে গেলে হাড় জুড়ায় আর প্রাণ ব'সে।

৮। আবার যদি তারই অর্থ হয়, অমনি হেসে কথা কয়, (তখন) কর্তা ছাড়া নাইকো কথা, কর্তা সমুদয়; এখন ভাল মন্দ সকল কথাই হচ্ছে সব কর্তার কাছে।

৯। গতিক সব দেখে শুনে, কালীপ্রসন্ন ভনে, অর্থ বিনা সব অনর্থ জান্লাম এত দিনে, আমি গুরু চরণ ধরব এঁটে, পরমার্থ য'র কাছে।

'অর্থ নাই' অথচ 'নাম আছে' এমন ব্যক্তির সহিত, খাট সাড়ী-পরিহিতা কুলবালায় ব্যস্ত ও সঙ্কচিত ভাবের সহিত উপমা কত স্পষ্ট ও জীবন্ত। তিনি স্বয়ং অর্থহীন, তাই তিনি মা'কে বলিতেছেন,

স্বরট মল্লার—একতাল।

১। নাই মা আমার টাকার তোড়া, বলে কিমা তারা, ভবদারা পূজা নিবে না নিবে না

২। দিতে নানা উপহার, করি স্তপাকার, কিনিবার আমার সাধ্য ত হ'লো না।

৩। কোথা পাব গো মা রত্ন অলঙ্কার, মুক্তকেশী মুণ্ডমালী মুক্তাহার, রতন খচিত মুকুট মাথার, হুপুর রচিত মরকত সোণা।

৪। শববাসনা কোথা স্বর্ণসুন পাব, দিখসনা কোথা কাশ্মীরী রাস্কব, অট্টহাসা কোথা পটুবাস পাব, জেনেও কি কিছু জান না; (আমায়) বা দিয়েছ দিতে তাই দিব শঙ্করী, ক্ষেমঙ্করী কোথা আনব চুরী করি, জবা বিবদল অর্ধপাদ্যবারি, দিতে পারি যদি কর মা ককণা।

৫। মনঃপ্রাণ ভক্তি ক্ষিত্তি অপ শূন্য, অনল অনিল, তত্ত্ব অগ্র অগ্র জগন্ময়ী জগন্মধ্যে তোমা ভিন্ন, কে আছে দিব বল না; বারিনিধি বারি বারিদে যেমন, বারম্বার আকর্ষণ-বরির্ষণ, 'গঙ্গাজলে' যথা গঙ্গার অর্চন', তোরি দিয়ে তেমনি তোরি উপাসনা।

৬। যাকে যা দিতে দিয়েছ সেত তাই দিয়েছে, বেশী দিতে কে কোথা পেয়েছে, তোর মনোমত কে দিতে পেরেছে, জগতে কি ছাড়া তোমা, মুদ্রাহীন অতি ক্ষুদ্র আয়োজনে, কালীপ্রসন্নের তরে পূজা কেনে, নিবে না জননী কেন কি কারণে, সে শ্রীপাদ পদ্ম পূজিতে পাবে না।

আবার,—

পিলু—পোস্তা।

১। যেমন আছে আমার কাছে তেমনি দিব ব্রহ্মময়ী

২। চাইলো বেশী কোথায় পাব দিস নাই ত মা ইহা বই।

৩। তোরি নিয়ে তাকেই দিব আমার কেবল চেঁড়া সই, যেমন দিবি তেমনি দিব বেশী দিতে পারি কই।

৪। করেছ ভিখারীর ছেলে, পুঁজী রাস্তা পদ ঐ; সাধ করে কি সাধেশ্বরী ভূতের বোঝা মাথায় বই।

৫। মা আমার ব্রহ্মাণ্ডেশ্বরী লোকে বলে রূপাময়ী বুঝিতে নারি এ চাতুরী, আমি কি তোর ছেলে নই।

৬। ভোগাতে ভোলাবে কালীপ্রসন্ন তাঁয় ভুলে কই,
(যেন) মরণকালে, কালী বলে চরণ পানে চেয়ে রই।

স্থানান্তরে,—

রামপ্রসাদী সুর ।

১। চাইনে তারা টাকার তোড়া ।

২। এষে বিষের হাঁড়ি দিশেহারা ।

৩। অক্লিষ্টে অনর্থ অর্থ পরমার্থ পথের খাঁড়া ;

ভজলে তারে বিপদ বাড়ে, অহঙ্কারে পূর্ণ করা ।

৪। মুদলে অঁধি, সকল ফাঁকি, থাকবে চাকী ঘরে পুরা ;
রাঙা চরণ, অমূল্য ধন, হৃদে যেন হই না হারা ।

৫। শ্রীনাথ দত্ত, পরমার্থ, আছে আমার হৃদে ভরা ;

সে যে নিদানের বল, পথের সম্বল, কি ধন আছে ইহার বাড়া ।

৬। কাজ কি আমার এমন ধনে নিধনে যার সঙ্গ ছাড়া ;

(আমায়) দিস যদি ধন, অভয় চরণ, তবেই জানি রূপা করা ।

৭। কালীপ্রসন্ন কয়, কাজ কি সুখে, পাছে তোকে ভুলি তারা ।

আমি থাকবো হুঃখে, ডাকব তোকে, হাঁকবো মুখে তারা তারা ।

কালীপ্রসন্ন 'মুক্তি' অপেক্ষা 'ভক্তি' ধনেরই সমধিক
প্রয়াসী,

রামপ্রসাদী সুর ।

১। কাজ কি আমার মুক্তি লয়ে ।

২। ও সে বেশী কিসে ভক্তি চেয়ে ।

৩। সালোক্য সামীপে তারা, সারূপ্য সাযোজ্য পেয়ে ;

আমার কি কাজ আছে জলধিতে জলবিষ মিশাইয়ে ।

৪। চাঁদের শোভা চাঁদ কি জানে, চকোর জানে সুধা পিয়ে ;

চিনিতে কি স্বাদ বুঝে মা, খাদক বুঝি চিনি খেয়ে ।

৫। ভক্তের হৃদে কি আনন্দ, বুঝে বা কে বুঝায় ক'য়ে ;

মা জানে না সে আনন্দ চিদানন্দময়ী হ'য়ে ।

৬। ভবানী লাকুটী ভঙ্গী, ভূধর তার পিতা হ'য়ে

জানে না, তা, শিব জেনেছেন, ভক্তি ভরে হৃদে খুঁয়ে ।

৭। চাইনে মুক্তি মুক্তকেশী, শ্রীনাথ দিলেন যুক্তি কয়ে

কালীপ্রসন্নের কর মা রূপা, শ্রীচরণে ভক্তি দিয়ে"।

• গৌরী রাগিণীতে কালীপ্রসন্ন গাইতেছেন ।

১। একি তেমনি ধারা মেয়ে ।

২। ব্রহ্মা বিষ্ণু মহেশ্বর ঘাঁর চরণ পানে চেয়ে ।

৩। তন্ত্র মন্ত্র বেদ বেদান্ত, (ঘাঁর) অন্ত না পায় ক'য়ে,
তুমি কি করিবে অন্ত দিনান্তে তাঁয় ধয়ে ।

৪। ব্রহ্মাও গঠিলা ব্রহ্মা (ঘাঁর) চরণধূলি পেয়ে,

তত্ত্বরূপার তত্ত্ব কেবা সমর্থ নির্ণয়ে ।

৫। পঞ্চ প্রেত মঞ্চে ঘাঁরে মরে ব'য়ে ব'য়ে ;

থাকেন যখন যেমন, তখন তেমন, নানা সৃষ্টি হ'য়ে ।

৬। কালীপ্রসন্ন কয়, কালী আমার ভবাবর্গের নেয়ে ;

অকূল-নিস্তারী চরণ তরি দিবেন বেয়ে ।

'মা'য়ের ছেলে' কালীপ্রসন্ন, মায়ের বলে কত বলীয়ান দেখুন ।

একতাল্লা—জঙ্গলা ।

১। চেন না আমারে শমন, তাই কি তুমি নিতে এলে ।

২। আমি কালা মেয়ের ছেলে, থাকি মায়ের কোলে,

• বদন ভরে ডাকি মা মা ব'লে ।

৩। দাঁড়াও দাঁড়াও একবার মা মা বলে ডাকি,

এলেন কি জননী নয়ন মুদে দেখি,

কাল ভয় হরা কাল হৃদি চড়া, তারা আমার এই বিপদ কালে ।

৪। মহাকাল ধরেন যে সম্পদ হৃদে, যে পদে বিপদে পতিত বিপদে

(সেই)শমন দমন পদে, শমনের বিপদে, শরণ লয়েছি ভয়কি কালে ।

৫। চাইলে ছুতে যদি পারিস রে কৃতান্ত, বৃথা যপি তবে কালী সোটা মন্ত্র

বৃথা অহঙ্কার, করি শ্রামা মার, কালী কালবারিণীর ছেলে ব'লে ।

৬। বৃথা ধরি কালী নামের কবজ পাটা, বৃথা ধরি হৃদে কালী রূপের ছটা

(বৃথা) কালী নামের মালা, হৃদি করি আলা, কালীপ্রসন্নের গলে দোলে ।

এমন মা যে কালীপ্রসন্নের আদরের তাহার আর কথা কি ? তাই তিনি
আদর করিয়া ডাকিতেছেন ।

রানপ্রসাদী সুর ।

- ১। আদরিণী শ্রামা মা'রে ।
- ২। ডাক দেখি মন আদর করে ।
- ৩। আদর মুখে আদর হাসি, আদর রাশি সুধাধরে
(তাইতে) আদর করে সদানন্দ প্রেমানন্দে হৃদে ধরে ।
- ৪। আদর মাথা তনু মায়ে'র, অনুমানে বুকে করে
সেই আদরিণীর আদর পেলে অনাদরের আদর বাড়ে ।
- ৫। কালীপ্রসন্ন কয় এ আদরের, কুদর বুঝি সাধ্য কিরে ;
বাঁর আদর তাঁর পদে দিয়ে, শরণ লওগে চরণ ধরে ।

একস্থানে বলিতেছেন ।

পিলু—জং ।

- ১। ভেবেছ কি কথার কথা খেপা হওয়া খেপা মন ।
- ২। খেপা সাজা, নয়ক সোজা, কত রোজা খেপার বোঝা বন ।
- ৩। কপ্লি ঝুলি নামাবলী, ছেঁড়া কাঁথায় সেজে সঙ ;
বলে খেপা, হয় না খেপা, কেবল, খেপায় তারে খেপা জন ।
- ৪। ভিতরে কাজল, বাইরে আজল, বদমাইসির নিদর্শন ;
এ খেপামি খেপ্ হারান, সে খেপানয় সাধারণ ।
- ৫। খেপার মত যে খেপেছে, সে করে কি আড়ম্বন ;
সে অন্তরেতে চিন্তা করে চিন্তামণির শ্রীচরণ ।
- ৬। অন্তরে অন্তরে খেপা, খেপা খেপীর সঙ্গে রণ,
খেপার খেপা গুরুদত্ত পরমার্থ রত্নধন ।
- ৭। ধরবে কালী প্রসন্ন সেই, খেপা খেপীর শ্রীচরণ ;
যেন ফিরতে না হয়, ফের খেপে আর, এই খেপেই খেপের মতন ।

কালী প্রসন্ন নানা বিষয়ের উপমা দিয়া গান রচনা করিয়াছেন ; সেই
বিষয় গুলি তাঁহার একান্ত আয়ত্তাধীন ।

মূলতান—একতালা ।

- ১। ওষুধ খেয়ে দেখ মন ।
- ২। হবে ভবব্যাধি একবারে নিবারণ ।
- ৩। মনু তোমা'রে বলি ত্যজরে সন্দেহ, হরি নাম মধু কর অবশেহ,
সংসার বাসনা চূর্ণ তাহে দেহ, দেহ হবে রে শোণন ।

- ৪। নিবৃত্তি লজ্বন কর দেখি মন, বিপাক অপাক হবে না,
তাজ বিষয় কুপথা, হরি তত্ত্বতথা, সুপথোতে পিত্ত হবে না ;
চিন্তামনি চূর্ণ অষ্টমূর্তি রসে, চতুর্মুখ তাহে জ্ঞান খলে মিশে
অভয়া বটিকা বেক্রে অবশেবে, কর দেখিরে সেবন ।
- ৫। মনরে বালানুতে গুরু মন্ত্র নখে মর্দন কর রে,
(তবে) বাবে রে যন্ত্রণা, বলি সুমন্ত্রনা, ভালবাসি ব'লে মন তোরে,
কালী প্রসন্ন এ ভব রোগে চিররোগী, ঔষধ সেবনে সতত বিরাগী,
শ্রীনাথ অনাথ নাথ নিধানেন তার লাগি নিদানে শ্রীচরণ ।

কৃষ্ণ-কালী বিষয়ক একটি পদ উদ্ধৃত করা গেল ;—

মূলতান—আড়াঠেকা ।

- ১। একবার দেখিহে বাঁকা আঁধি ।
- ২। কাল এলোকেশী রূপে দাঁড়াও দেখি ।
- ৩। (একবার) বাঁশী ত্যজি অসি ধর কালশশী, করাল বদনে অটু অটুহাদি,
রণ মত্ত বেশে রণ রঙ্গে ভাসি, রুধির ধারে মাধি ।
- ৪। বিপরীত রসে, মাতি রতি রসে, মহাকাল হবেন শ্রীমতী ।
(তোমা'র) শ্রীরাম মণ্ডল, সহস্র কমল, রাসময় হবে সংপ্রতি ;
ধরিয়ে ঐ পদ হৃদয়কমলে, শবছলে দেহ হবে ক্ষিতি তলে,
দৈত্য দর্পহারী রিপুদৈত্য দলে সমূলে নাশ দেখি ।
- ৫। (আমা'র) স্নেহ মায়া হবেন নন্দ যশোমতী, ব্রজাঙ্গনা যত স্মৃতি,
প্রণয় সুরঠাম, দাদা বলরাম, ভক্তি হবেন শ্রীবৃন্দা.দুতী ;
আশা নদী হবে যমুনা পাথার, রাখাল বেশে সব ইন্দ্রির আমা'র
দাস হ'য়ে সবে লবে সেবাতার, কিছু না হবে বাঁকা ।
- ৬। মনোজবা ফুলে ভক্তি বিষদলে, তুলব মনে মনে যতনে,
(করি) মনোজরকত চন্দন চর্চিত অর্চনা করিব চরণে ;
প্রেম অশ্রুজলে অর্ঘ্যপূর্ণ করি, পূর্ণানন্দে পাদ পদে দিব হরি,
কালীপ্রসন্নের বাণী দিগম্বরী, সতত হৃদে রাখি ।

আবার, সামান্য বিষয়ের সহিত গভীরতর বিষয়ের তুলনা কেমন প্রাজ্ঞ ।

বাউল সুর ।

- ১। কৃষ্ণপ্রেম অতলনদী, নিরবধি স্নান কর আনন্দ হয়ে ।
- ২। দেহমন ঠাণ্ডা হবে, দেখতে পাবে, পাপের ময়লা বাবে ধুয়ে ।

- ৩। প্রেমের হিল্লোলে ভেসে, হেসে হেসে, যাও যদি উজান বেয়ে,
বারেক তায় মগ্ন হ'লে, অগাধ জলে, থাকুবেরে আনন্দে শুয়ে ।
- ৪। নদীতে যে নেমেছে, সেই ডুবুঁছে, তবু লোকে যাচ্ছে ধেয়ে ;
ছাড়েনা কোনও মতে, ছুটছে পথে, উঠছে আবার আছাড় খেয়ে ।
- ৫। জলেতে কুমীর আছে, ধরবে পাছে, ইষ্ট কবচ নাওরে গায়ে ;
কালীপ্রসন্ন শরণ, শ্রীনাথ চরণ, বইছে তরি ভবের নেয়ে ।

ঐ

- ১। শ্রীগুরু মন্ত্র ইঁটে, জ্ঞান ঢেঁকিতে, স্মৃতিঃকুটে দালান করিরে ।
- ২। রিপু ছয় ঋতু যোগে, কিসের লেগে, ভবরোগে যুরে মরিরে ।
- ৩। শ্রীগুরুতত্ত্ব কাঠে, দাগুনা এঁটে, বিবেচনা সূত্র ধরি ;
সাধনা করাৎ ধরে, দাগুনা চিরে, বেশ হবে বিশ্বাসের কুড়িরে ।
- ৪। ভক্তিচূর্ণ খাসা সাদা, গাদা গাদা, মনভাঁটিতে জড় করি ;
লাগিয়ে দশটি রাজে, চিত্ত মেজে, সোজা কর মাটাম ধরিরে ।
- ৫। সুযুগ্ম শিকল আঁটা, চৌকঠাটা, মিছে কেন থাকে পড়ি
চিত্ত সংঘম কপাটে, দাগুনে এঁটে, একদমে দন, কজা জুড়েরে ।
- ৬। শ্রীচরণ টালীঘুড়ে, ছাত পিটারে, বদলাতে হবে না কড়ি ;
কালীপ্রসন্ন ভনে, এক কাঠামে, কাল কাটাব মজা করিরে ।

আবার,—

বাউল সুর ।

- ১। ভাবরে কিসের জন্য, নূতন ধান্য, কেটে আয় নবান্ন করিরে ।
- ২। খাঁটি শ্রীচরণামৃত, ত্রুঙ্ককত, রেখেছি মন বাটী পুরিরে ।
- ৩। পূর্ণপ্রেম-অশ্রু জলে, নারিকেলেরে ছড়াও কুচি কুচি করি ;
কর তায় মুঠোখণ্ড, ইস্কুদণ্ড, তত্ত্বকাণ্ড খণ্ড করিরে ।
- ৪। কৃষ্ণনাম সস্তা চিনি, নাওরে কিনি, দিয়ে পরমার্থ কড়ি,
মাখতায় ভক্তি কলা, মনরে ভোলা, এই বেলাতে বোগাড় করিরে ।
- ৫। রাধানাম নবাৎ মেখে, মনের সূখে, আনরে পান ফল চারি,
কালীপ্রসন্ন বলে, কাজ কি গোলে, ব'সে যানা তাড়াতাড়িরে ।

ঐ

- ১। খোদার উপর খোদকারী তোর চলবে না ।
- ২। বাঞ্জাকল্লতরুর কলম কোনও মতে টলবে না ।

- ৩। কস্মফলে খণ্ডিবারে করছ যত ক্রম, সেটা কেবল মনের ভ্রম,
তোমার লণ্ডভণ্ড কস্মকাণ্ড পণ্ড পরিশ্রম ;
তোমার মুঠোর উপর ছুটো দিলে, পড়বে—হাতে ধরবে না ।
- ৪। মরুস্থলে রত্ন মিলে থাকলে কপালে, ভাঙ্গা কপালের ফলে,
মেরু শিরে খুঁজলে কানা কড়ি না মিলে, ঘরে বসে রত্ন ফলে,
ধাইলে ধন ত মিলবে না ।
- ৫। গেলে ছটকে ঘটা হাতে ক'রে সাগরের কূলে,
বেশী জল তুলবেরে বলে ;
ছুটলে দৌড়ে ক' হাঁড়ী জল তুলতে পারিলে,
(তোমার) যেমন ঘটা তেমনি পাবে, বেশী জল ত তুলবে না ।
- ৬। অকার্য্য অসাধ্য কিছু নাইক তোমাতে, কেবল ধনমদে মেতে
ভাবছ মনে আর সেখানে, হবে না যেতে,
কালীপ্রসন্নের মন ভুলছে কালে, কালত তারে ভুলবে না ।

সাংসারিক বাঞ্জাতে কালীপ্রসন্ন বড়ই ত্যক্ত হইয়াছিলেন, তাই

একতারা—মূলতান ।

- ১। (তার) আর কতদিন দীনে, কৃপাক্ষে চাবিনে, কৃপাময়ী তাই বল না ।
- ২। (আর) ক'দিন এমন করে, কান্দব মা সংসারে,
আমার আমার আশা কিছু হলো না ।
- ৩। (ঘোর) সংসারের বিবাদ, হলো প্রতিবাদ, প্রতিবাদ কিছু করলি না ;
(তার) বাঁচতে ভবে আর, তিলার্কি আমার, নাইক সাধ গো ত্রিলোচনা ।
- ৪। পরিবার বর্গের, পুরল না মা সাধ, দিবা রাত্রি এই গঞ্জনা ;
আমার কপালের দোষ, সবাই করে রোষ,
(কেউ) দোষী কি অদোষী দেখলে না ।
- ৫। প্রভাত কালে উঠি, অর্থ লাগি ছুটি, দিনান্তেও ছুটি মিলে না ;
উপায় কর'লাম যা মা তারা, কর'লাম উদর সারা,
উদরের দ্বার আর পুরলোনা ।
- ৬। (হাতে) নাই মা পুঁজি পাটা, ঘটল বড় লেঠা,
গরিব বলে যমেও নিলে না ;
(ওমা) আসলে উয়লে, ফাজিল উঠলো ঠেলে,
হিসাব দিব কিসে মিললো না ।

৭। আমার সদাই প্রাণ জ্বলে, বাঁচি একবার ম'লে,
(দেখছি) প্রাণান্তেও প্রাণত, গেল না ;

কালীপ্রসন্ন বিদায় দিয়ে ভবদায়, মুক্তি কর হর-ললনা ।

প্রবন্ধের কলেবর ক্রমশঃ বৃদ্ধি হইয়া পড়িল । কালীপ্রসন্নের নানাবিধ বিষয় অবলম্বনে ছয় শতেরও অধিক গান আমাদের হস্তগত হইয়াছে । সেই সমুদয় গীতাবলী হইতে দশ পনরটি গানে রচয়িতার ক্ষমতার সম্যক পরিচয় প্রদান করা অসম্ভব । এই নিমিত্ত আমরা যথা তথা হইতে তাঁহার সাংসারিক ও মানসিক অবস্থা জ্ঞাপক কয়েকটি মাত্র সঙ্গীত উপহার দিয়া অদ্যকার মত ক্ষান্ত থাকিলাম । কালীপ্রসন্নের সমস্ত গীতাবলীই অপ্রকাশিত ; কেবল মাত্র একটি কালীকৃষ্ণ বিষয়ক গান 'বঙ্গবাসী'র 'সঙ্গীতসার সংগ্রহ'র দ্বিতীয় খণ্ডের পরিশিষ্ঠে ৩৩৪ পৃষ্ঠায় প্রকাশিত হইয়াছে ।

আরও দুইটি গান শুধু,—

রামপ্রসাদী সুর ।

১। মা আমার কাঁদাবে কত ।

২। যত হ্যাঁচকন্দূলে ছেলের মত ।

৩। মা মা বলে কেন্দে তোরে, ডাকলে আর কান্দতে হয় নাত ;

মা তোর নামে, কান্নার সীমে, ভবকান্না নয় মা হত ।

৪। মায়ে মেলে মা মা বলে, মায়ের পিছুই ধায় মা হত ;

অম্নি বাহুতুলে, নেন্ মা ঠিকালে, শান্ত করেন কত মত ।

৫। দিস্বা না দিস্, অভয় চরণ, ডাক্তে তবু ছাড়ব নাত ;

(অম্নির) আর কে আছে, যেতে কাছে,

(হয়) পর কি পরের অনুগত ।

৬। কান্না শুনে কান না দিলি, কেবল কান্না দিলি যত তত ;

কি দোষেতে দোষী কালীপ্রসন্ন তোর পদে এত ।

আড়া মুলতান ।

১। আমার অশোচ হয়েছে ।

২। শমন এসনা, এসনা এসনা কাছে ।

৩। ছিল দুটি মাত্র, ধর্ম্মাধর্ম্ম পুত্র, জন্মমাত্র তারা হত হয়েছে ;

(তাই) প্রবৃত্তি নিবৃত্তি সপত্নি ছুজনে পুত্রশোকে পরলোক গিয়েছে ।

৪। ওরে ক্রিয়াকর্ম্ম যত, হয়েছে সব হত, অনুগত যত গতরে ;

ওরে সেই শোক ভরে, বৃদ্ধ পিতা ঘরে, মোহ নামে তিনিও হতরে ;

পিতৃশোকে আমার মায়া মা মরেছে ;

সন্ধ্যাদি বন্দনা সব বন্ধ করেছে ;

শুনের কৃতান্ত, হতে অশৌচান্ত কালান্ত বাকী আছে ।

৫। আমার অজ্ঞানাক্ষ ঘোর, হয়েছে ভোর,

জ্ঞানালোক দেখা দিয়েছে,

আনন্দ কোকিল কাকলি, কুজনে ছরাশা কুতন্ত্রা গিরেছে ।

দেখে শুনে সব হয়েছি বিরাগী, হয়েছি গতকালী গৃহত্যাগী

কালীপ্রসঙ্গে ছুঁওনা, তাইতে করি মানা, কি জানি ছোও পাছে ।

কালীপ্রসন্নের গুরুতত্ত্ব, মানসপূজা, বৈরাগ্য, ব্রহ্মসঙ্গীত, শিব সঙ্গীত ; আগমনী, কৃষ্ণকালী, কালীকৃষ্ণ, কৃষ্ণ, দুর্গা, গঙ্গা, কালী, ষট চক্রভেদ প্রভৃতি বিষয় অবলম্বনে অতি সুন্দর সুন্দর গীত রচনা করিয়াছেন । রামপ্রসাদী ও বাউল সঙ্গীতগুলি অতি সুমিষ্ট । পাঠকবর্গের কৌতুহল হইলে আমরা ক্রমশঃ কালীপ্রসন্নের সমগ্র সুন্দর সুন্দর গীতাবলী বীরভূমিতে প্রকাশিত করিতে পারি ।

শ্রীশিবরতন মিত্র ।

প্রণয় ।

রতন স্বরগ চ্যুত—পারিত প্রণয়,

স্বরগে তোমার জন্ম

স্বর্গীয় তোমার কর্ম্ম

দুর্গম তোমার মর্শ্ব—

মধুর নিশ্চয়,

তোমার প্রকৃত স্থখ মানবের নয় ।

প্রণয়েরে ! শুভ্রে তুমি স্বর্গের সোপান,

কত ঋষি তপোবনে

কত যোগী যোগাসনে

কত সাধে নিশি দিনে—

পায়না সন্ধান,

কখন কি ভাবে তুমি কোথা অধিষ্ঠান ।

* কৃতজ্ঞতার সহিত স্বীকার করিতেছি যে, আমার সহায়ী বালাবন্ধু কালীপ্রসন্নের কনিষ্ঠ ভ্রাতা শ্রীযুক্ত বাবু নিত্যপ্রসন্ন মুখোপাধ্যায়, এই জীবনী সংগ্রহে আমার সম্পূর্ণরূপ সাহায্য করিয়াছেন এবং কালীপ্রসন্নের রচিত সমগ্র প্রকাশিত গীতাবলী আমার যথেষ্ট ব্যবহারের অনুমতি প্রদান করিয়া চিরবীধিত করিয়াছেন ।

৩
অন্ধের নয়ন তুমি অজ্ঞানের জ্ঞান,
তুমি কৃপা কর যারে
সংসার ভূলাও তারে
শিখাইয়ে দাও তারে
সুখের বিধান,
বিরলে বসিয়ে গায় তব গুণগান।

৪
নির্মল প্রণয় চায় পবিত্র পরাগ,
রূপের প্রণয় নয়
গুণের প্রণয় নয়,
কুলের প্রণয় নয়
কিষ্ণা ভাগ্যবান,—
সে পথে অভাগা কত পেয়ে যায় ত্রাণ।

৫
বুঝেনা মানব কিসে অক্ষুর তোমার,
বুঝেনা তোমার গতি
জানেনা তোমার রীতি
কি ভাবে তোমার স্থিতি
বুঝে উঠা ভার,
জানেনা মানব তুমি কিসে হও কার।

৬
অনুমাণে বুঝি তুমি কঠিনের নও ;
কঠিন স্বভাব যার,
বিকল সাধনা তার
মিছা সহে ছুখ ভার
(তবে) কেন আশা দাও,
তুমিও কঠিন আহা আশ্রিতে কান্দাও।

৭
কুটীল সংসারী মিছে করে আবাহন ;
সংসারে ডুবিয়া থাকে
তবু মনে সাধ রাখে
তব গুণ গায় মুখে
প্রণয়ী যে জন ;—
রাখিতে তোমার মন দিতে নারে মন

৮
প্রণয় পবিত্র নিধি সংসারের সার ;
সরল প্রণয়ী জন,
পবিত্র প্রণয়ী মন
অমূল্য প্রণয় ধন—
সৃষ্টি বিধাতার,
যে বুঝে তোমায় তার মর্ম্ম বুঝা ভার।

৯
অস্তিত্ব তোমার বুঝি সংসারেতে নাই
গঠিত শূন্যের ধূলে
পালিত শূন্যের কোলে
স্থাপিত প্রেমের মূলে—
তব ভিত্তি নাই,
স্থায়িত্ব, ভিত্তির সনে সচঞ্চল তাই।

১০
তবে কেন তব নামে এহেন মাধুরী ;
সংসারী বিরাগী বেশে
বিজনে বিপিনে পশে
ভূপতি তোমার বেশে
পথের ভিখারী,
পাগলের বেশে যাপে দিবস শরীরী।

১১
এ হেন পবিত্র ভাবে কলঙ্ক প্রকাশ ;
দম্পতী তটিনী তটে
তোমারি ক্ষমতা রটে
তোমারি মাধুরী বটে
বাড়ায় উচ্ছ্বাস
পারেনা লভিতে, কেন লয় অবকাশ।

১২
প্রণয়ের ঐটুকু কলঙ্ক তোমার,
সাধিয়ে একান্ত মনে
পুলিনে প্রান্তরে বনে
কেন্দ্রে কেন্দ্রে ছুটি জনে
আসেনাক আর ;
মুখতায় রাখে শুধু কলঙ্ক তোমার।

১৩
রে প্রণয় ! ও কলঙ্ক ধরি না তোমার
প্রণয়ে কান্দিতে হয়
সে দোষ তোমার নয়

ধর্ম্ম তুমি, প্রেমময়
নামটি তোমার
অমূল্য রতন তুমি সংসারের সার।
শ্রীমহম্মদ আজীজ উস্ সোভান।

বীরভূমে সেন্সস বা জনসংখ্যা ।

১৯০১

প্রথম প্রস্তাব ।

দশ বৎসর পরে আমাদের দেশে আবার সেদিন সেন্সস বা জনসংখ্যা হইয়া গেল। ইহার পূর্বে ১৮৭২, ৮১, ৯১ সালে আরও তিন বার রীতিমত সেন্সস হইয়া গিয়াছে। রাজার পক্ষে, রাজ্যের আভ্যন্তরীণ অবস্থার বিষয় অবগত হইবার, সেন্সসের জ্ঞায়, আর কোন কার্য্যকরী অনুষ্ঠান আঁছে বলিয়া বোধ হয় না। মুসলমান রাজত্বেও 'আদম স্মারী' বা লোক সংখ্যা হইত।

এই সেন্সসে যে শুদ্ধ প্রজার সংখ্যা অবগত হওয়া যায়, তাহা নহে। ইহাতে, দেশের সমাজতন্ত্র, ভাষাতন্ত্র, জাতিতন্ত্র, জনসাধারণের স্বাস্থ্য ও আভ্যন্তরীণ উন্নতি বা অবনতির কারণ, জাতীয় ব্যবসায় বা জাতীয় অবলম্বন প্রভৃতি জটিল ঐতিহাসিক তথ্যের স্বরূপ নির্ণীত হইয়া থাকে। দেশের প্রকৃত ইতিহাস সংগ্রহ করিবার, সেন্সস প্রধান উপকরণ।

বর্তমান ১৯০১ সালের সেন্সসের ফলাফল আমরা পাঠকবর্গের অবগতির নিমিত্ত নিম্নে সঙ্কলিত করিয়া দিলাম। ইহাতে বীরভূম জেলার ১৮৯১-১৯০১ এই দশ বৎসরের ইতিহাস প্রকটিত আছে।

এই প্রবন্ধটি সমগ্র জিলার মাজিস্ট্রেট সাহেব কর্তৃক ইংরাজী ভাষায় লিখিত বীরভূম জেলার সেন্সস রিপোর্টের মর্ম্মানুবাদ। এই রিপোর্ট বা বিবরণীর আকার বৃহৎ, আমরা ক্রমশঃ সমগ্র রিপোর্টের, সাধারণের জ্ঞাতব্য বিষয়ের মর্ম্মানুবাদ প্রদান করিবার আশা করি। এই রিপোর্টখানি ভবিষ্যতে গভর্নমেন্ট কর্তৃক মুদ্রিত হইয়া প্রকাশিত হইবে। কিন্তু আমাদের সদাশয় মাজিস্ট্রেট কালেক্টার শ্রীযুক্ত এ, আহম্মদ এক্সোয়ার সি, এম, বাহাদুর তৎপূর্বেই 'বীরভূম'তে প্রকাশিত করিবার অনুমতি প্রদান করিয়া আমাদের

সমধিক উৎসাহিত করিয়াছেন। তাঁহার নিকট যে আমরা কি পরিমাণে ঋণী, তাহা প্রকাশ করিয়া বলিতে বাস্তবিকই অক্ষম। *

জেলার ইতিহাস (১৮৯১-১৯০১) এবং জনসংখ্যার হ্রাস বৃদ্ধি ।

সীমানা পরিবর্তন—বিগত দশ বৎসরে, অর্থাৎ ১৮৯১ সালের সেন্স-সের পর, জেলার সীমানার বা আয়তনের বিশেষ কোন পরিবর্তন হয় নাই। সিংনগর, রাজবাড়ী ও গোপালপুর, এই তিনখানি গ্রাম বীরভূম জেলার সীমানার মধ্যে অবস্থিত হইলেও, পাকুড় সবডিবিজনের শাসনাধানে ছিল। শুদ্ধ এই তিনটি গ্রাম, ১৮৯৫-৯৬ সালে বীরভূমের শাসনাধীনে আনয়ন করিয়া নলহাটী থানার অন্তর্নিবিষ্ট করিয়া দেওয়া হইয়াছে। ইহাতে আয়তনের কিছুই পরিবর্তন হইল না, পূর্ববৎ ১৭৫৩ বর্গ মাইলই রহিল। কিন্তু ঐ তিনখানি গ্রামের লোক সংখ্যা (৪২১ জন), গত সেন্সসে পাকুড়ের অধীনে হইয়াছিল বলিয়া, এক্ষণ তুলনার সমালোচনা করিতে হইলে, বীরভূমের সেন্সসের জনসংখ্যা $৭৯৭৮৩৩ + ৪২১ = ৭৯৮২৫৪$ ধরিয়া লইতে হইবে।

নলহাটী ব্যতীত জেলার অধীনস্থ থানা গুলিরও সীমানা বা আয়তনের কোন পরিবর্তন করা হয় নাই। পূর্বে মুড়ারই একটি আউটপোষ্ট ছিল; ১৮৯৯ সালের ১লা এপ্রেল হইতে নলহাটীর কতকাংশ মুড়ারই আউটপোষ্টের অন্তর্নিবিষ্ট করিয়া নলহাটী ও মুড়ারই এই দুইটি স্বতন্ত্র থানার সৃষ্টি করা হইয়াছে। সেই জন্ত, পূর্বে সেন্সসে ৮টি থানা দেখান হইয়াছিল, এবার হইল নয়টি, যথা সিউড়ী, ছবরাজপুর, বোলপুর, সাফুলীপুর, লাভপুর, রামপুরহাট, মৌড়েশ্বর, নলহাটী ও মুড়ারই। তবে, আউটপোষ্টের সংখ্যা পূর্বপেক্ষা কমিয়া গিয়াছে; পূর্বে ছিল ৮টি, এক্ষণ হইয়াছে ৪টি। ছনিগ্রাম, বেঙুচাতরা, ও সাঁইথিয়ার যে আউটপোষ্ট ছিল, তাহা উঠিয়া গিয়াছে,—আর মুড়ারই ত স্বতন্ত্র থানা হইয়াছে। বর্তমান ৪টি আউটপোষ্টের মধ্যে, রাজনগর ও মহাম্মদবাজার সিউড়ী থানার, ইলামবাজার বোলপুর থানার এবং খয়রা-শোল ছবরাজপুর থানার অন্তর্গত।

* বীরভূমির ইতিবৃত্ত সকলন করিবার জন্তই ইনি দয়া করিয়া আমার কালেক্টারী ও ফৌজদারী উভয় আফিসের পুরাতন দপ্তর হইতে আবশ্যকীয় কাগজ পত্র দেখিতে পাইবার এবং কালেক্টারী লাইব্রেরীর পুস্তক সমূহ আবশ্যক মত ব্যবহার করিবার অনুমতি প্রদান করিয়াছেন। জানিনা, এইরূপ বিশেষ অনুগ্রহ লাভের নিমিত্ত কি বলিয়া তাঁহার নিকট কৃতজ্ঞতা স্বীকার করিব। লেখক।

বীরভূম জেলার অধীনস্থ থাকিয়াও কোন কোন মহাল মুর্শীদাবাদে রাজস্ব প্রদান করিত, ইহাদের মধ্যে কতকগুলিকে বীরভূমে রাজস্ব প্রদান করিবার অনুমতি প্রদান করা হইয়াছে। ইহাতেও অবশ্যই জেলার সীমানা বা আয়তনের কোন পরিবর্তন ঘটে নাই।

আভ্যন্তরিক উন্নতি—এই কয় বৎসরে সমগ্র জেলায়, ১৮৭০ সালের ৬ আইন প্রচলিত হওয়ায় এবং ষাটোয়ালী জমি, জমীদারগণকে হস্তান্তরিত করিয়া দেওয়ায় জমীদারগণ অবশ্য লাভবান হইয়াছেন।

আলোচ্য এই দশ বৎসর মধ্যে, নূতন সর্বরেজেস্তারী আফিসের সৃষ্টি, দাতব্য চিকিৎসালয়ের প্রতিষ্ঠা, নূতন নূতন রাস্তা নিৰ্ম্মাণ, সহরে ও পল্লিগ্রামে স্বাস্থ্যের উন্নতিকল্পে বিবিধ আয়োজন, বিদ্যালয় এবং সাধারণের হিতকরী অশ্রান্ত অনেক কার্যের অনুষ্ঠান দেখিতে পাওয়া যায়। পক্ষান্তরে, কোন নূতন রেলরাস্তা নিৰ্ম্মাণ অথবা আমদানী রপ্তানী করিবার কোন সুবিধাজনক বন্দোবস্ত ও সাধারণের অভ্যাসগত প্রকৃতির উন্নতিকল্পে কোন পরিবর্তন, এ সকল কিছুই দৃষ্টিগোচর হয় না।

অধিবাসিগণের স্বাস্থ্য :—বিগত দশ বৎসরের জন্ম ও মৃত্যুর দুইটি তালিকা প্রদত্ত হইল—

মৃত্যু তালিকা ।

বৎসর	জ্বররোগে	বিস্মৃতিকা রোগে	উদরাময় রোগে	বসন্ত রোগে	অশ্রান্ত কারণে	মোট সংখ্যা	প্রতি মাইলে মৃত্যু সংখ্যার হার।
১৮৯০-৯১	১২৯৯৪	৪৩৫	১৪৪	১৭	৫৮৮৪	১৯৪৭৪
১৮৯১-৯২	১৮৮৫৬	১১১৪	১২৯	৪	৬২৩৩	২৬৩৩৬	৩০.৭২
১৮৯২-৯৩	১৮৭৮৯	২০৯৬	১৫৮	২৩	৫২৩১	২৬২৯৭	৩২.৯৬
১৮৯৩-৯৪	১৬০৩০	৩৮০	১১১	৫	৬৬৪৬	২৩১৭২	২৯.০৪
১৮৯৪-৯৫	১৯৮৯০	২৫১৭	১৫১	৮	৬১২০	২৮৬৮৬	৩৫.৯৫
১৮৯৫-৯৬	১৯০২১	১৫৭৬	১১৭	৩৮	৫৬৯৬	২৬৪৪৮	৩৩.১৫
১৮৯৬-৯৭	১৮৬৫৮	১৪১৬	১১৭	১৯৯	৫৭৩০	২৬১২০	৩২.৭২
১৮৯৭-৯৮	১৫৬৪৪	১২৮৪	৮৯	১৯৪	৬৫৪৭	২৩৯৩৮	২৯.৭৩
১৮৯৮-৯৯	১১৩৮৩	১৭২	৭৩	৩৯	৫৪৯০	১৭১৫৭	২১.৫০
১৮৯৯-১৯০০	১৩৪৩৫	২৯২	৬১	৪	৬৭৩৪	২০৫২৬	২৫.৭১

জন্ম তালিকা ।

বৎসর	মোট	প্রতি মাইলের জন্ম সংখ্যার হার ।
১৮৯১-৯২	...	২৭.৮৩
১৮৯২-৯৩	...	৪০.৬২
১৮৯৩-৯৪
১৮৯৪-৯৫	...	৩২.৪৯
১৮৯৫-৯৬	২৮৮৮৮	৩৬.২০
১৮৯৬-৯৭	২৯৫৩০	৩২.৭২
১৮৯৭-৯৮	৩১৯৮৩	৪০.০৭
১৮৯৮-৯৯	৩৫০৫৪	৪৩.৯১

মারিভয় অথবা দেশব্যাপী অপর কোন সংক্রামক পীড়া এই দশ বৎসর মধ্যে লক্ষিত হয় নাই। ১৮৯১—৯২ সালে, পূর্ব বৎসর অপেক্ষা অধিবাসীগণের স্বাস্থ্যের অবস্থা হীনতর ছিল। সেপ্টেম্বর মাসের প্রথমে ইন্ফ্লুয়েঞ্জা জ্বরের সূত্রপাত হইয়া নভেম্বর ও ডিসেম্বর এই দুই মাসের মধ্যে চতুর্দিকে ছড়াইয়া পড়ে। তদন্তর কিছুদিন প্রচ্ছন্নভাবে থাকিয়া মার্চ মাসে (১৮৯২) পুনরায় আবির্ভূত হয়। জেলার প্রায় তৃতীয়াংশ লোক এই জ্বর কর্তৃক আক্রান্ত হইয়াছিল; স্বথের বিষয়, মৃত্যু সংখ্যা বৃদ্ধি পাইলেও, তত লোক হানি হয় নাই। ইহার পর বৎসরও ইন্ফ্লুয়েঞ্জা সমভাবেই প্রচলিত ছিল। উপরস্থ, লাভপুর, মাকুলীপুর ও বোলপুর থানায় বিস্ফটিকা রোগের প্রাচুর্য হইয়াছিল। আজীমগঞ্জ ও কাটোয়া ইহাতে প্রত্যাগত তীর্থযাত্রীগণ সেই রোগ আনয়ন করে, পরে সংক্রামতা প্রযুক্ত, বোলপুর প্রভৃতি স্থানে বিস্তারিত হইয়া পড়ে। ১৮৯০-৯১ সালের বীরভূমে অত্যন্ত বারিপাতেই ইন্ফ্লুয়েঞ্জা জ্বরের এতাদৃশ প্রাচুর্য হইবার কারণ বলিয়া সূচিত হয়।

১৮৯৩-৯৪ সালে অধিবাসীগণের স্বাস্থ্য ভালই ছিল—মৃত্যুসংখ্যাও কম। সাধারণতঃ জ্বর রোগেই অধিক লোকের মৃত্যু ঘটয়া থাকে; কিন্তু এই বৎসর জ্বর রোগে মৃত্যু সংখ্যা অনেক কম।

১৮৯৪-৯৫ সালে জন সাধারণের স্বাস্থ্য আবার অবনতি প্রাপ্ত হয় এবং জ্বর ও বিস্ফটিকা রোগে বহু লোকে প্রাণত্যাগ করে। অগ্রান্ত বারের শ্রায় বোলপুর থানায় জ্বর রোগে মৃত্যু সংখ্যাই অধিক। রামপুরহাটে বিস্ফটিকার

প্রকোপ অতিশয় বৃদ্ধি পাইয়াছিল—২৫১৭ জন রোগীর মধ্যে ১৯৮৫ জনের মৃত্যু ঘটে।

১৮৯৫-৯৬ সালে স্বাস্থ্যের অবস্থা পূর্ব বৎসরের শ্রায়; বিস্ফটিকার প্রকোপ কিঞ্চিৎ হ্রাস হইলেও জ্বর পূর্ববৎই চলিতে থাকে।

১৮৯৬-৯৭ এই বৎসর অধিবাসীগণের স্বাস্থ্যের অবস্থা কিঞ্চিৎ ভাল। কিন্তু বোলপুর, সিউড়া, লাভপুর ও দুবরাজপুর, এই কয় থানার অন্তর্নিবিষ্ট গ্রাম সমূহে জ্বরের প্রকোপ বৃদ্ধি পাইয়া লোক হানি হয়। বোলপুর, লাভপুর, মাকুলীপুর ও নলহাটা থানায় জানুয়ারী হইতে মে মাস পর্যন্ত বিস্ফটিকা রোগেরও প্রাচুর্য হইয়াছিল।

ইহার পর, তিন বৎসর ধরিয়া, জন সাধারণের স্বাস্থ্যের অবস্থা অবশ্য ভালই ছিল বলিতে হইবে। এই দশ বৎসরের তালিকায়, ১৮৯৮-৯৯ সালের মৃত্যু সংখ্যাই সর্বাপেক্ষা নূন। পূর্ব দুই বৎসর সামান্য বৃষ্টিপাতের পর ১৮৯৫ সালে সর্বত্র সমভাবে ধীরে সুষ্ট্রে বৃষ্টিপাত হওয়ায় স্থানে স্থানে জল জমিয়া দূষিত হইয়া স্বাস্থ্যের হানি করিতে পারে নাই; অধিকন্তু, লোকের স্বাস্থ্যের উন্নতি ও অবস্থার সচ্ছলতা হইয়া উঠিল। ১৮৯৬-৯৭ সালের শেষাংশে এবং ১৮৯৭-৯৮ সমগ্র বৎসর ধরিয়া তুর্ভিক্ষ ও আহাৰ্য্য হ্রাস হইলেও সাধারণ মৃত্যু সংখ্যার তাহাতে হ্রাস বৃদ্ধি হয় নাই।

জন্মতালিকা যাহা পাওয়া গিয়াছে, তাহাতে বড় একটা আস্থাস্থাপন করা যাইতে পারে না, বিশেষতঃ প্রথম কয় বৎসরের। কারণ জন্ম বিবরণী সংগ্রহ প্রণালীটাই তত কার্যকারক নহে। তত্রীচ আমরা দেখিতে পাই-তেছি যে, মৃত্যু সংখ্যা অপেক্ষা জন্মসংখ্যা বরাবরই অধিক; এমন কি, শেষ দুই বৎসরের অর্থাৎ ১৮৯৮-৯৯ ও ১৮৯৯-১৯০০ সালের মৃত্যুসংখ্যা অপেক্ষা জন্মসংখ্যা প্রায়ই দ্বিগুণ। পূর্ব সেন্সনের জনসংখ্যা অপেক্ষা এবার যে ১০৩২৭৫ জন লোক বৃদ্ধি হইয়াছে, বেশ বৃদ্ধিতে পারা যাইতেছে যে, দেশের বর্দ্ধিষ্ণু অবস্থা, বিশেষতঃ মারিভয় বা অপর কোন দেশব্যাপী সংক্রামক পীড়ার আবির্ভাব না হওয়াই ইহার প্রধান কারণ।

বীরভূম জেলা মধ্যে সিউড়া মিউনিসিপালিটি ভিন্ন অপর কোন মিউনিসিপালিটি নাই। এই দশ বৎসর মধ্যে এই সহরের স্বাস্থ্যের বিশেষ উন্নতি হইয়াছে। কিন্তু পল্লিগ্রামের স্বাস্থ্যের প্রতি তত মনোযোগ করা হয় নাই। জেলার প্রাকৃতিক গঠনের প্রতি দৃষ্টিপাত করিলে মধ্যাংশে পয়ঃপ্রণালী

বা জল নিকাসের অসুবিধার কথা বেশ উপলব্ধি করিতে পারা যায়। সার-ডোবা, গৃহস্থের ব্যবহৃত ময়লা জল, অপরিষ্কৃত ক্ষুদ্র পুষ্করিণী ও অগ্রাণ্ড আবর্জনা প্রায় সর্বত্রই দৃষ্টিগোচর হয়, এই গুলিই অস্বাস্থ্যের মূল। গ্রাম-বাসিগণ ইচ্ছা করিলেই অনায়াসে তাহারা স্বয়ং এই সকলের প্রতিবিধান করিয়া স্বাস্থ্যের উন্নতি সাধন করিতে পারেন।

অধিবাসিগণের বৈষয়িক অবস্থাঃ—বীরভূমের অধিবাসী কৃষিজীবী; সেই জন্ত ইহাদের বৈষয়িক অবস্থার বিষয় অবগত হইতে হইলে জেলার কৃষিকার্যের সুবিধা অসুবিধার প্রতি নেত্রপাত করিতে হয়। বীরভূম জেলার অধিকাংশ স্থলই উন্নতগত, এই জন্য এখানে কখনই অজন্মা হয় না, সামান্য বৃষ্টিপাত হইলেও 'জোল' জমীতে আবশ্যিকমত শস্যোৎপন্ন হইয়া থাকে। ধাত্তের জন্ত এই প্রকার ভূমিই উপযুক্ত, ধাত্তও সেইজন্ত এখানে প্রচুর পরিমাণে উৎপন্ন হইয়া থাকে।

মোটামুঠী বলিতে গেলে, এই কয় বৎসর লোকের অবস্থা ভালই ছিল বলিতে হইবে, এবং অনেক উন্নতি লাভও করিয়াছেন। তবে এক্ষণ জমিদার হইতে সামান্য কৃষক পর্যন্ত সকলেরই সুখ স্বাচ্ছন্দ্যের প্রতি লোলুপ দৃষ্টি পড়িয়াছে। ইহাতে মধ্যবিত্ত ভদ্র লোকদিগেরই যত কিছু কষ্ট— তাহাদের নির্দিষ্ট আয়ে সম্বলান হয় না, এদিকে তাহাদের বাবুয়ানীর আদর্শ সামান্য কৃষকদিগের ত্রায় ছোট খাট নয়। ফলে, ইহাদের অবস্থার কোনও উন্নতি হইতে পাইতেছে না।

১৮৯১-৯২ সালে প্রায় চতুর্থাংশ ফসল উৎপন্ন হইল না। কিন্তু পূর্ক বৎসরে প্রচুর পরিমাণে শস্যোৎপাদন হওয়ার সমগ্র জেলার খরচ সম্বলান হইয়াও অনেক উদ্ধৃত ছিল। তদনন্তর তিন বৎসর ধরিয়া শস্য দুর্শ্মল্য হওয়ায় কৃষকগণের আর্থিক অবস্থা স্বচ্ছল হইতে লাগিল। পরবর্তী ৩বৎসরেও শস্য সামান্য পরিমাণে উৎপন্ন হইলেও অত্যন্ত মহার্ঘ ও সুবিধামত দরে প্রজারা শস্য বিক্রয় করিয়া বেশ লাভবান হইয়া উঠিল। তবে, দৈনিক মজুর ও সাধারণ ভদ্রলোকদিগের চূড়ান্ত কষ্ট হইতে লাগিল। কারণ মজুরের দৈনিক বেতন অথবা যে সকল ভদ্রলোকের তত ভূসম্পত্তি নাই, অধিকাংশ চাকুরীর উপর নির্ভর, তাহাদের বেতনের বৃদ্ধি নাই, অথচ আহা-রীয় দ্রব্যাদি দুর্শ্মল্য হইয়া উঠিয়াছে; ১৮৯৬-৯৭ ও ১৮৯৭-৯৮ সালে ত প্রায় দুর্ভিক্ষই হইয়াছিল। ১৮৯৭—৯৮ সালে গভর্ণমেণ্ট অনেক

টাকা দান দিয়া ভদ্র সাধারণ ও সমর্থ মজুরদিগকে অনেক সাহায্য করিয়াছিলেন।

এদিকে অসমর্থ, খঞ্জ, অন্ধ ও বৃদ্ধ নীচ জাতিদিগকে দুর্ভিক্ষ ভাণ্ডার হইতে আহারীয় দ্রব্যাদি প্রদান করা হইয়াছিল। ১৮৯৯ সালে শস্যোৎপন্ন হইলে এই কষ্টের মোচন হয়। কিন্তু অগ্রত দুর্ভিক্ষ প্রশমিত না হওয়ার দ্রব্যাদির মূল্যের বিশেষ কিছু হ্রাস বৃদ্ধি হইল না। তবে পরবর্তী কয় বৎসর ধরিয়া প্রচুর শস্যোৎপন্ন হওয়ায় অধিবাসিগণের অবস্থার অনেক উন্নতি হইয়াছে; কর্মচারী ভদ্রলোক, দৈনিক মজুর ও অপরাপর সকলেই এখন সুখে জীবনযাত্রা নির্বাহ করিতেছে এবং সর্বত্রই উন্নতির মূহ হাশ্ব পরিলক্ষিত হইতেছে।

অধিবাসিগণের স্থানান্তরে গমন ও ভিন্ন দেশ হইতে বিদেশীয়গণের আগমনঃ—বীরভূমে বাস করিবার জন্ত ভিন্ন জেলা হইতে আগত লোক সমূহ গণনা করিবার নির্দিষ্ট কোন উপায় নাই। তবে এই পর্যন্ত বলা যাইতে পারে যে, কতকগুলি সাঁওতাল মজুর জীবিকার্জনের নিমিত্ত বীরভূমে আসিয়া চিরস্থায়ী রূপে বাস করিয়াছে। ১৮৮১ সালে এই জেলায় সাঁওতাল সংখ্যা মোট ১৪১৭২ জন ও ১৮৯১ সালে ৩৪১৮৪ জন ছিল। কিন্তু বর্তমান সেন্সসে যে সকল সাঁওতাল 'হিন্দু' বলিয়া অভিহিত, 'ক্রিষ্টিয়ান' নহে, শুদ্ধ তাহাদেরই সংখ্যা ৪১৫০০ জন, এতদ্ব্যতীত সাঁওতাল পরগণার সন্নিহিত গ্রাম সমূহে ধাত্ত ছেদনের সময় অনেক সাঁওতাল মজুর খাটিতে আসিয়া বর্ষান্তে প্রত্যাগমন করে।

রেল থাকায়, বিহার অঞ্চলের কতক লোক এদেশে আসিয়াছে। পশ্চিম দেশ হইতেও অনেক লোক রেল-ষ্টেশনের নিকটবর্তী গ্রাম সমূহে আসিয়া দোকান খুলিয়া ব্যবসায় করিতেছে, আবার কেহ কেহবা ভূত্যের কার্যে নিযুক্ত আছে। কিন্তু ইহাদের সংখ্যা নির্দ্ধারিত করিবার কোন উপায় নাই।

বীরভূম হইতে যে সকল লোক স্থানান্তরে গমন করে, তাহার কোন হিসাব রাখা হয় না। চা-নাগানে অথবা ভিন্ন জেলায় খাটিবার জন্ত অনেক মজুর বিদেশে চলিয়া যায়। কিন্তু সংপ্রতি এখানে লাইসেন্স প্রাপ্ত কোন 'কুলীডিপো' বর্তমান না থাকায়, সেই সকল কুলীর সংখ্যা নির্দ্ধারণের কোন উপায় নাই। রামপুরহাটে পূর্বে একটি কুলীডিপো বা কুলী সংগ্রহের আড্ডা ছিল, কার্য্যভাবে এক্ষণ তাহা বন্ধ হইয়া গিয়াছে। আপাততঃ সেখানে

কয়েকটি মাত্র বিশ্রাম-গৃহ (Rest-house) আছে; ভিন্ন স্থান হইতে খানাত কুলীদিগকে রেল চালাই দিবার পূর্বে এই গৃহে তাহাদিগকে বিশ্রাম করিবার অবসর দেওয়া হয় মাত্র।

১৮৭২ সাল হইতে মোট লোক সংখ্যার এবং ১৮৯১ সাল হইতে প্রতি থানার লোক সংখ্যার তারতম্য ও তাহার কারণ নির্দেশ বা আন্দোচনা—

বীরভূমের জন সংখ্যা

১৮৭২ সালে	৮৫৩৭৮৫
১৮৮১ সালে	৭৯২০৩১
১৮৯১ সালে	৭৯৮২৫৪
১৯০১ সালে	৯০১৫২৯

১৮৯১ সালের লোক সংখ্যা অপেক্ষা এইবার লোক সংখ্যায় ১০৩২৭৫ বা শতকরা ১২.৯ জন হিসাবে বৃদ্ধি প্রাপ্ত হইয়াছে। গত পূর্ব বারের সেন্সসে (১৮৮১ সালের) যে, ১৮৭২ সালের সেন্সস অপেক্ষা লোক সংখ্যার হ্রাস হইয়াছিল, ১৮৭২-৭২ সাল হইতে কয়েক বৎসর ব্যাপিয়া যে ভয়ানক সংক্রামক ব্যাধি দেশ মধ্যে প্রবল হইয়া উঠিয়াছিল, ইহাই বোধ হয় তাহার প্রধান কারণ। ১৮৮১-৯১, এই দশ বৎসর ধরিয়াও জেলার দক্ষিণাংশে জ্বরের ভয়ানক প্রাদুর্ভাব দেখা গিয়াছিল এবং তজ্জন্ত লোকক্ষয়ও বিস্তর হইয়াছিল। এতদ্ব্যতীত ১৮৮৪ সালে বীরভূমে রীতিমত দুর্ভিক্ষ উপস্থিত হয়। ১৮৯১-১৯০০, এই দশ বৎসর মধ্যে, কিন্তু ঐরূপ বিশেষ কোন দুর্ঘটনা সংঘটিত হয় নাই; উপরন্তু অধিবাসীগণের স্বাস্থ্যের অবস্থা বরাবরই অত্যন্ত ভাল ও বৈষয়িক অবস্থা বর্দ্ধি দেখা যাইতেছে। এই সকল অনুরূপ কারণ পরস্পর বর্তমান থাকায়, এই দশ বৎসরে পূর্বাংগে লোক সংখ্যার বৃদ্ধি হইয়াছে। আর এক কথা, পূর্ব পূর্ব সেন্সস অপেক্ষা এবার সেন্সসের কার্য প্রায়ই যথাযথ শুদ্ধ রূপে নির্বাহিত হইয়াছে, বাদ পড়িতে পায় নাই। জন সংখ্যার বৃদ্ধি হওয়া, ইহাও একটি প্রধান কারণ সন্দেহ নাই।

অগ্রেই বলা হইয়াছে, কেবল মাত্র নলহাটী থানাটি, মুড়ারই ও নলহাটী এই দুই স্বতন্ত্র থানায় বিভক্ত হইয়াছে; এতদ্ব্যতীত অপর সকল থানায়ই আয়তন পূর্ববৎই আছে, কোন পরিবর্তন হয় নাই। ১৮৯১ সাল হইতে প্রতি থানার লোক সংখ্যার তারতম্য নিম্নে প্রদর্শিত হইল।

থানার নাম	১৮৯১ সাল	১৯০১ সাল	বৃদ্ধি	অর্থাতঃ শতকরা
সিউড়ী	১২৬২০৮	১৩৯৮১৭	১৩৬০৩	১০.৮
ছবরাজপুর	১১৯৪৭২	১৩৭৯৬৪	১৮৫২২	১৫.৫
বোলপুর	৯৮৭৮১	১১৫৭৪৯	১৬৯৬৮	১৭.২
সাকুলীপুর	৬৮১৪৫	৭৭৫৫৮	৯৪১৩	১৩.৮
লাভপুর	৫৭৬২৩	৬৪২৮১	৬৬৬৫	১১.৫
রামপুরহাট	৯৩৪৩৪	১০২৮১০	৯৩৭৬	১০.
মোড়েশ্বর	৮৬৪২৮	৯৩৮৩৯	৭৪১১	৮.৫
নলহাটী ও মুড়ারই	১৪৮১৬৩	১৬৯৫১১	২১৩৪৮	১৪.৫

তবেই দেখা যাইতেছে যে, সকল থানায় বৃদ্ধির হার সমান নহে। জ্বর এবং অশ্রান্ত সংক্রামক ব্যাধির নিমিত্ত, ছবরাজপুর, বোলপুর ও সাকুলীপুর এই তিন থানায় ১৮৮১ সালের সেন্সস অপেক্ষা ১৮৯১ সালের সেন্সসে লোক সংখ্যা অনেক হ্রাস হইয়াছিল। কিন্তু আশ্চর্যের বিষয় এই যে, এই তিনটি থানাতেই এইবার সর্বাংগে জনসংখ্যা অধিক বৃদ্ধি প্রাপ্ত হইয়াছে। লাভপুর, মোড়েশ্বর, রামপুরহাট ও নলহাটী থানায় ১৮৯১ সালের সেন্সসে জন সংখ্যা বৃদ্ধি পাইয়াছিল, বর্তমান সেন্সসেও বৃদ্ধির হার পূর্বাংগে অনেক বেশী। মোড়েশ্বরে এবারেও পূর্বের স্থায় বৃদ্ধির হার সর্বাংগে নূন। মোড়েশ্বর থানার পশ্চিমাংশ সমগ্রই অহুর্কর ও জঙ্গলময় এবং আবাদী অপেক্ষা পতিত জমীই অধিক, জনসংখ্যার বৃদ্ধির হার কম হইবার ইহাই যে প্রধান কারণ, তাহার আর অনুরূপ সন্দেহ নাই। গত সেন্সসে নলহাটী থানায় জনসংখ্যার হার সর্বাংগে অধিক হইয়াছিল; এবারেও বৃদ্ধির হার কম নহে। জেলার মধ্যে এই অঞ্চলে সর্বাংগে প্রচুর পরিমাণে রবিফসলের চাষ হইয়া থাকে, জমীও উর্বর; এই থানার মধ্যে (লুপ্ ও আজীমগঞ্জ) দুইটি রেললাইন বর্তমান। এই সকল কারণ বশতঃ এখানে জনসংখ্যা এত বৃদ্ধি পাইয়া থাকে।

নোটের উপর বলিতে গেলে, বীরভূমের প্রকৃতিগত সুবিধাই এতদৃশ জনসংখ্যা বৃদ্ধির প্রধান কারণ।

প্রতি থানায়, বর্গমাইল হিসাবে লোক সংখ্যার হার এবং

হ্রাস-বৃদ্ধির কারণঃ—এই স্থানে ১৮৮১ সাল হইতে প্রতি থানায় প্রকৃতি বর্গমাইলে কত লোক, তাহার একটা তালিকা প্রদান করা গেল।

থানার নাম	১৮৮১ সাল	১৮৯১ সাল	১৯০১ সাল	
সিউড়ী	৪০৭.৫২	৪০৫.৮১	৪৪৯.৫৭	(৮)
ছবরাজপুর	৪৬০.২৪	৪৩৪.৪৮	৫০১.৬৮	(৬)
বোলপুর	৪১৯.২৩	৩৮৪.৩৬	৪৫০.৩৮	(৭)
সাকুলীপুর	৫০৪.৬১	৪৬০.৪৪	৫২৪.০৪	(৪)
লাভপুর	৪৫২.৫৭	৪৯৩.৫০	৫৪৯.৪১	(৩)
রামপুরহাট	৪৬৯.০৩	৫০৩.৭৯	৫৪৯.৭৯	(২)
মোড়েশ্বর	৪৪৮.৬৬	৪৭৫.৭২	৫১৫.৫৯	(৫)
নলহাটী ও মুড়ারই }	৪৮৫.১৩	৫২৫.২৯	৬১৪.১৬	{ ৬০৮.৮৩ ৬২০.৮২

দেখা যাইতেছে, নলহাটী থানাতেই বর্গমাইল হিসাবে লোক সংখ্যার হার সর্বাপেক্ষা অধিক। তা হইবারই কথা,—নলহাটী থানার মত সুবিধাজনক স্থান আর কোন থানার মধ্যে নাই। ইহার ভূমি উর্বর ও পূর্বাংশে সমতল, দুইটি রেল লাইন থাকায় গমনাগমনের সুবিধার ত কথা উল্লেখ করাই নিশ্চয়োজন। রামপুরহাট ২য় স্থান অধিকার করিয়াছে—নলহাটীর স্থায় নানাবিধ সুবিধা এই থানাতেও বর্তমান রহিয়াছে। ৩য় স্থান অধিকার করিয়াছে, লাভপুর; লাভপুর থানার পূর্বাংশ সমতল এবং কৃষিকার্যের পক্ষে সমধিক উপযোগী। আর এক কথা; লাভপুর এলাকা মধ্যে গণুটিয়া রেশমের কুঠী থাকায় তথায় অনেক মজুর কর্ম করিবার সুযোগ পায়। গতবারের সেন্সসে লাভপুরে লোক বৃদ্ধির ইহা একটা কারণ বলিয়া নির্দিষ্ট হইয়াছিল। সাকুলীপুর, বোলপুর ও ছবরাজপুর থানায় অপরাপর থানা অপেক্ষা দেশ-ব্যাপী জরের বিশেষ প্রাচুর্য হইয়াছিল। সেই জন্ত সমতল উর্বর ভূমি, বিশেষতঃ অজয় নদীর তীরবর্তী শস্যপ্রসূ উর্বর ভূমি থাকা সত্ত্বেও, এই সকল থানায় জনসংখ্যার হার বৃদ্ধি প্রাপ্ত হইতে পায় নাই। এই তিন থানার অন্তর্নিবিষ্ট স্থান সমূহে যে সকল নীলকুঠী ও গালার কারবার ছিল, তাহা একপ্রকার লুপ্ত হইয়া গিয়াছে বলিলেই হয়। তদ্ব্যতীত, অজয় নদীর পরপার হইতে কয়লার খনি আরম্ভ হওয়ায়, অনেক মজুর চলিয়া গিয়া বর্তমান জেলার অধীনস্থ স্থান সমূহে একপ্রকার চিরস্থায়ী রূপে বাস করি-

তেছে। কৃষিকার্য এ অঞ্চলের লোকের প্রধান উপজীবিকা হইলেও, অবশ্য স্বীকার করেতে হইবে যে, বীরভূমের পশ্চিমাংশ, পূর্বাংশের স্থায় উর্বর, সমতল ও চাষের পক্ষে তত উপযোগী নহে। এই নিমিত্ত, এই সকল থানার লোক সংখ্যার হার, পূর্বাংশে অবস্থিত থানা সমূহ অপেক্ষা তুলনায় ন্যূন হওয়া বিবিত্র নহে। সিউড়ী থানার দক্ষিণ ও পশ্চিমাংশ সাঁওতাল পরগনার সংলগ্ন। এই জন্ত এবং পূর্বেল্লিখিত কারণ বশতঃ সিউড়ী থানার লোক সংখ্যার হার সর্বাপেক্ষা কম বলিয়া বোধ হয়। (ক্রমশঃ)

শ্রীশিবরতন মিত্র।

পৌরাণিক চিত্র।

নলদময়ন্তী।

নলের প্রায়শ্চিত্ত।

এ সংসার বড়ই ভীষণ স্থান। তুমি যে কোন কার্য কর না কেন, তোমার কার্যে সকলে সন্তুষ্ট হইবে না। কেহ নিন্দা করিবে, কেহ বা প্রশংসা করিবে। এই জগতে দুই শ্রেণীর লোক দেখিতে পাওয়া যায়। এক শ্রেণী উদ্দেশ্য দেখিয়া কার্যের ভাল মন্দ বিচার করেন। কার্যের ফল যাহাই হউক না কেন, তোমার উদ্দেশ্য যদি সাধু হয়, তবে তাহাদের মতে তুমি নিন্দনীয় নহ। আর তোমার কার্যের ফল যতই শুভদায়ক হউক না কেন, যদি তোমার উদ্দেশ্য অসাধু হয়, তবে তুমি নিন্দনীয়। অপর শ্রেণী ফল দেখিয়া কার্যের বিচার করে। তোমার উদ্দেশ্য সৎ হইতে পারে, কিন্তু তোমার কার্যের ফল যদি কাহারও পক্ষে অনিষ্ট-কর হইল, তবে তুমি তাহাদের চক্ষে শত ধিকারের পাত্র হইলে! আর এক কথা, সকল কার্যের ভালমন্দ দুইটা পাশ্ব আছে। সাধুগণ তোমার ভাল দিকটাই দেখিবেন, দুষ্ট ব্যক্তি মন্দ দিক ভিন্ন ভাল দিক দেখিতে পাইবে না। মনে কর, তুমি একজনকে একটা পরামর্শ দিলে। ইহাতে তোমার ভাল মন্দ দুই উদ্দেশ্য থাকিতে পারে। কেহ ভাবিল, তোমার উদ্দেশ্য সৎ, আবার কেহ বা ভাবিল, তোমার উদ্দেশ্য অসৎ ভিন্ন হইতে পারে না। এই-রূপে দুই ভাবে কার্যের বিচার হওয়ায় সংসারে কত অশান্তি, কত মনো-মালিন্য, কত লাঞ্ছনা ও কত প্রতারণা অহরহ ঘটতেছে। নল ও দময়ন্তীর

কার্য সম্বন্ধে দুই শ্রেণীর লোক দুই প্রকার বুদ্ধি। নলের প্রতি দময়ন্তীর ঐকান্তিক অনুরাগ দেখিয়া দেবগণ, সন্তুষ্ট হইলেন। আর নল যে দৌত্য কার্যে তাঁহাদের সহিত কোন রূপ প্রভারণা করেন নাই, দেবগণ ইহাও বুঝিলেন। এইজন্য তাঁহারা প্রণয়ী যুগলের প্রতি অতীব সন্তুষ্ট হইয়া উভয়কে আশীর্বাদ করিলেন। কাল কিন্তু অন্যরূপ বুদ্ধি। তাহার মতে, দেবগণ উপস্থিত থাকিতেও দময়ন্তী নলকে বরণ করিয়া অন্তায় কার্য করিয়াছে। অতএব নলদময়ন্তী দণ্ডার্থ। নলকে রাজ্য হইতে পরিত্রষ্ট ও দময়ন্তী সঙ্গ হইতে বিচ্যুত না করিলে কলির ক্রোধের শাস্তি হইবে না। এখন একটা কথা জিজ্ঞাস্য হইতে পারে, নল বা দময়ন্তী কলির ত কোনরূপ অপমান বা অপকার করেন নাই। তবে তাঁহাদের প্রতি কলির ক্রোধ হয় কেন? তাঁহাদের অপমান হইয়াছে বলিয়া কলির এত ক্রোধ, তাঁহারা ত কৈ অপমান বোধ করেন নাই। তাঁহারা ত নলদময়ন্তীর প্রতি অতীব প্রীত হইয়াছেন। তবে কলির ক্রোধের কারণ কি? ইহার একমাত্র উত্তর এই যে, পরের অনিষ্ট করাই ছুঁষ্টের স্বভাব। তুমি তাহার অনিষ্ট না করিলেও সে তোমার অনিষ্ট করিবে। সে তাহার স্বভাবের বিরুদ্ধে কেমন করিয়া কার্য করিবে? তাই কোন দূরদর্শী পণ্ডিত বলিয়াছেন,

অপরাধে নমেহস্তীতি নৈতৎ বিশ্বাস কারণম্ ।

বিদ্যতে হি নশংসেভ্যো ভয়ংগুণবতামপি ॥

কিন্তু সংসারে পাণের প্রাধান্য যতই প্রতিষ্ঠিত হউক না কেন, আর পুণ্যের যতই অনাদর হউক না কেন, যদি ফেহ সামান্য মাত্রও অধর্ম্মাচরণ না করিয়া অবহিত হইয়া প্রকৃত ধর্ম্মানুষ্ঠান করে, মহজে কেহই তাহার অনিষ্ট করিতে পারে না। নল ধার্ম্মিক হইলেও একবারে নির্দোষ ছিলেন না। শাস্ত্র-বিগর্হিত দ্যুতক্রীড়ায় তাঁহার অত্যধিক আসক্তি ছিল। তাহা ছাড়া, ধর্ম্মকর্ম্মাচরণের সময় বিহিত ক্রিয়ার অনুষ্ঠানেও তিনি যে খুব সতর্ক ছিলেন, এমন বোধ হয় না। কলি তাঁহার এই শেষোক্ত অতি সামান্য দোষ পাইয়া তাঁহার সর্বনাশ সাধন করিল। সংসারের ইহাই নিয়ম। ছুঁষ্টেরা অতি সামান্য ছল পাইলেই অনিষ্ট করিয়া বসে। স্তুরাং যাহাতে অতি সামান্য মাত্রও পাপ তোমায় স্পর্শ করিতে না পারে, সে বিষয়ে অতি সতর্ক হওয়া উচিত। নলের উপরি উক্ত দুইটি দোষ ছিল বলিয়াই কলি তাঁহার অনিষ্ট সাধন করিতে পারিয়াছিল।

দ্যুতক্রীড়ায় অত্যধিক আসক্তি থাকায়, নল হত-সর্বস্ব হইলেন। তিনি “সর্বস্ব হইতে ভূষণ সকল পরিত্যাগ করতঃ একমাত্র বস্ত্র পরিধায়ী ও অনাবৃত হইয়া স্তূহনাগের শোক-বৃদ্ধি করতঃ অতি বিপুল সম্পত্তি বিসর্জন দিয়া গৃহ হইতে নির্গত হইলেন”। প্রজাগণ ধীরভাবে নলের এই নিরাসন দেখিল। নূতন রাজা ঘোষণা করিল, “যে ব্যক্তি নলের প্রতি সম্যক আস্থা করিবে, সে আমার বধ্য হইবে।” পৌরগণ পুরের এই ঘোষণা দ্বারা নলের প্রতি তাঁহার বিবেচনা করিয়া নলকে আর কোন রূপে সমাদর করিল না। রাজা নল নগরের বহিঃপ্রদেশে ত্রিরাত্র বাস করিয়া থাকিলেন, কিন্তু তিনি সংকারাই হইয়াও কোন ব্যক্তি কর্তৃক সংকৃত না হইয়া ত্রিরাত্র কাল জলমাত্র আহারে জীবন ধারণ করিলেন।” ভারতীয় প্রজাবৃন্দের এইরূপ এক দিকে অন্ধ রাজভক্তি ও অপর দিকে স্বাধীনতার একান্ত অভাব দেখিয়া আমরা যুগপৎ বিস্মিত ও ক্ষুব্ধ হই। যে রাজা এতদিন তাহাদিগকে অপত্য নিরীক্শে পালন করিয়া আসিতেছিলেন, আজ তিনি নিঃসম্বল, পথের ভিখারী। নূতন রাজার ভয়ে কেহই তাঁহার দিকে ফিরিয়া চাহিল না! আপন জীবন বিপন্ন করিয়া পরের উপকার করা পাশ্চাত্য দেশে বিরল নহে; আমাদের দেশেও নহে। তবে রাজাদেশ অবহেলা করিয়া অপরের সাহায্য করা ভারতে বিরল। ভারতে কয়জন ফ্লোরা ম্যাকডোনাল্ড দেখিতে পাওয়া যায়? ইহার প্রধান অথবা একমাত্র কারণ এই যে, রাজা হিন্দুর চক্ষে দেবতা, তাঁহার আদেশ যতই অন্তায় বলিয়া বোধ হউক, তাহা অবহেলা করিলে মহাপাপ! এই জন্যই নল বা যুদ্ধিরের অন্তায় তাহা অবহেলা করিলে মহাপাপ! এই জন্যই নল বা যুদ্ধিরের অন্তায় নির্যাতনে প্রকৃতিপুঞ্জ নীরব ছিল। ভারতের ইতিহাসে এরূপ দৃষ্টান্ত বিরল নহে। পানিপথ বা পলাশী প্রজার হৃদয় বিচলিত করিতে পারে নাই। আজি যদি অপর কোন রাজা ভারত আক্রমণ করেন, তবে ইংরাজ যে ভারতীয় প্রজাপুঞ্জের নিকট কোন সাহায্য পাইবেন, তাহাত আমার বোধ হয় না। আর ইংরেজকে দূর করিয়া অপর কেহ যদি ভারতের অধীশ্বর হইত, তবে ভারতের প্রজা যে তাঁহার বিরুদ্ধে কোন কার্য করিবে, ইহাই বা কিরূপে মনে করি? দুই চারিজন কঙ্গ্রেস করিয়া চীৎকার করিলে প্রজার হৃদয় হইতে বহু সহস্র বৎসরের সংস্কারের অপনোদন হইবে না। দেশের সমস্ত লোককে সাহেবনা করিতে পারিলে যে তাহারা রাজনীতি বুঝিবে, তাহাত বোধ হয় না। তাহাতে স্কুল হইবে কিনা, তাহাও সন্দেহের বিষয়।

যাহা হউক, নলের পাপের প্রায়শ্চিত্ত আরম্ভ হইল। তিনি নানা কষ্টে পতিত হইলেন। কিন্তু আশ্চর্যের বিষয়, তিনি বা অপর কেহ বুদ্ধিতে পারিলেন না যে, তাঁহার এত কষ্ট, এত লাঞ্ছনা তাঁহারই দোষে হইয়াছে, তিনি স্বকৃত কর্মেরই ফলভোগ করিতেছেন। তাঁহার নিজের কোন দোষ নাই, সমস্তই কাল কতৃক ঘটতেছে, এই বিশ্বাসেই নল হৃদয়কে সান্ত্বনা দিতে লাগিলেন। বন মধ্যে যখন তিনি নিজের পরিধেয় বস্ত্রখানি হারাইলেন, তখন দময়ন্তীকে বুঝাইলেন,

যেষাং প্রকোপাদৈশ্বর্যাং প্রচ্যাতোহমনিন্দিতৈ ।

প্রাণযাত্রান্বিন্দেয়ং ছুঃখিতঃ ক্ষুধয়ান্বিতঃ ॥

যেষাংকৃতে ন সংকারমকুর্কনু ময়ি নৈষধাঃ ।

ইমেতে শকুনা ভূত্বা বাসোভীরু হরন্তি মে ॥

“আমি যাহাদের কোপহেতু ঐশ্বর্য হইতে পরিভ্রষ্ট হইয়াছি এবং ক্ষুধা-পীড়িত দেহে অভিকষ্টেও প্রাণ যাত্রা নির্বাহ করিতে সমর্থ হইতেছি না ; হে ভীরু যাহাদের নিমিত্তে নিষধবাসী প্রজা সকল আমার সমাদর করে নাই, তাহারাই পক্ষী হইয়া আমার বস্ত্র হরণ করিলে।”

আরার নিজদোষ স্থালনের জন্ত দময়ন্তীকে বলিতেছেনঃ—

হে ভীরু, আমার যে রাজ্য নষ্ট হয়, এবং আমি যে তোমাকে পরিত্যাগ করি, এ সকল আমি স্বয়ং করি নাই, কলি করিয়াছে।”

মমরাজ্যং প্রগষ্টং যন্নাহং তৎকৃতবান্‌স্বয়ম্ ।

কলিনা তৎকৃতং ভীরু যচ্ছত্রামহমত্যজমু ॥

নল পুষ্করকে বলিতেছেন,—“আমি যে পূর্বে তোমার নিকট পরাজিত হইয়াছিলাম, তাহা তোমার শক্তি দ্বারা হয় নাই, কলি সেই কার্য্য করিয়াছিল।”

কর্কোটক নামক নাগেরও ঐ বিশ্বাস।

ন ত্র্যাতৎকৃতংকর্ম্ম যেনাহং বিজিতঃপুরা ।

কলিনাতৎকৃতংকর্ম্ম ত্বক্ষমূঢ় ন বুধ্যসে ॥

“হে নল, আপনি যাহার নিমিত্তে প্রবঞ্চিত হইয়া মহাকষ্টে পতিত হইয়াছেন, সে মদীয় বিষ দ্বারা কষ্ট ভোগ পূর্ব্বক আপনার শরীরে বাস করিবে।”

আর দময়ন্তী জীলোক, তিনিও বলিবেনই, নলের কোন দোষ নাই,

“ক্ষুদ্রাশয়ঃ দ্যুতনিপুণ কুটিল কোন নীচ প্রকৃতি প্রবঞ্চকের! সেই সত্যধর্ম্ম-পরায়ণ রাজাকে আত্মান পূর্ব্বক অক্ষত্রীয়ায় পরাজয় করিয়া তাঁহার রাজ্য ও সম্পত্তি হরণ করিয়া লইয়াছে।”

অদৃষ্টে এইরূপ দৃঢ় বিশ্বাস ছিল বলিয়াই নল এত কষ্টেও একবারে বিষন্ন হইলেন নাই। তাঁহার নিজের দোষে যে এত অনর্থ ঘটিল, নল তাহা বুঝেন নাই। অদৃষ্টে এইরূপ বিশ্বাস প্রাচীন ভারতে বড়ই প্রবল ছিল। ইহাতে সুফল ও কুফল উভয়ই ফলিত। আমার বিশ্বাস, কোন মত যতই কুসংস্কারাচ্ছন্ন হউক না কেন, তাহা হইতে যে কোন মঙ্গল হইবে না, এমন নহে। সংসারের কোন পদার্থই একবারে সম্পূর্ণ অনিষ্ট-কর নহে। অদৃষ্ট বা দৈবের শক্তির নিকট পুরুষার্থ কখনই স্থায়ী নহে, এই বিশ্বাসে, একদিকে যেমন মানবকে বিপদে চঞ্চল ও অভিভূত করিতে পারে না, অপর দিকে তেমনি তাহাকে স্বকীয় দোষের সংশোধনে অনবহিত করিয়া উন্নতির পথ রোধ করে। সেই জন্ত অক্ষত্রীয়া যে মহা দোষের, এত নিখাতনেও নল তাহা বুদ্ধিতে পারেন নাই। বৃহদশ্ব মুনিও তাহা বুঝেন নাই—তিনি নলের সমদশাপন্ন যুধিষ্ঠিরকে সংশোধন করিয়া বলিয়াছিলেনঃ—

“হে নৃপতে পুরুষার্থ কখনই স্থায়ী নহে, এই ভাবিয়া তাহার উৎপত্তি বা বিনাশে আপনার চিন্তা করা উচিত হয় না। আপনি এই ইতিহাস শ্রবণ করিয়া আশ্চস্ত হউন, শোক করিবেন না। দৈব্য-বৈষম্য-প্রযুক্ত পুরুষকার বিফল হইলে সত্ত্বগুণাশ্রয়ী ব্যক্তির আত্মাকে বিষাদিত করেন না।”

নলের দৃঢ় বিশ্বাস যে, কলিই যত অনর্থের মূল, পুষ্করের কোন দোষ ছিলনা। এই ভাবিয়া পুষ্করকে ক্ষমা করিয়াছিলেন। পুষ্করকে দোষী জানিয়া নল যদি তাহাকে ক্ষমা করিতে পারিতেন, তাহা হইলে আমরা আরও সন্তুষ্ট হইতে পারিতাম।

আমাদের বর্তমান অবস্থা ।

ক্ষুধার্ভের আর্জনাৎ ভারতের নিত্য ঘটনা হইয়াছে। প্রায় প্রতি বৎসরই ভারতের কোন না কোন স্থানে স্বল্পাধিক শস্য হানির সংবাদ পাওয়া যাইতেছে। শুভ সংবাদ এই যে, মহাপ্রাণ ইংরাজজাতি, জীবন রক্ষার্থে সর্বদাই বন্ধপরিষ্কার রাখিয়াছেন, এবং অকাতরে অজস্র অর্থব্যয় করিতেছেন।

গবর্ণমেণ্টের আয়োজন বিপুল। ইংরাজ বণিক ও ধনীগণও ভারতের
 দুঃখে ব্যথিত হইয়া কোটি কোটি টাকা দুর্ভিক্ষ ফণ্ডে দান করিতেছেন। এই
 দৈব বিড়ম্বিত দেশের সাহায্য বিষয়ে ইংরাজ রাজপুরুষ এবং ধনি সম্মানগণ
 যে প্রকার মহানুভবতা, পরদুঃখকাতরতা এবং সার্বজনীন প্রেম দেখাইয়া-
 ছেন, তাহা ইতিহাসে স্বর্ণাক্ষরে অঙ্কিত থাকিবার যোগ্য। যাহাতে দুর্ভিক্ষ
 ভবিষ্যতে সংহারক-মূর্তিতে প্রকাশনা হয়, তাহার জন্য রাজপুরুষগণ যথোচিত
 চিন্তিত। নানা প্রকার উপায়ের প্রস্তাবনা ও সমালোচনা হইতেছে। ইউ-
 রোপের জাতিমাত্রেরই একটি বিশেষ গুণ আছে, যাহার জন্ত তাঁহারা বর্তমান
 সময়ে সর্বত্র অগ্রণী ও বিজয়ী। কোন রূপে বাধাবিল্ল বা দুর্ঘটনা তাঁহাদের
 পথরোধক হইতে পারে না। সকলই নিয়তির নিরীক্স বলিয়া তাঁহারা
 বদ্ধহস্ত থাকিবার লোক নহেন। তাঁহারা কস্মিন্দা, আর আমরা বাক্যবীর।
 'উদ্যোগিনং পুরুষ সিংহনুপৈতি লক্ষ্মীঃ' এই তাঁহাদের মূল মন্ত্র, "দৈবেন দেয়ম"
 এ কথা তাঁহাদের কোষ্ঠিতে স্থান পায় না। তাই আজ ইংরাজ রাজপুরুষগণ
 দুর্ভিক্ষের মূল অন্বেষণ ও তন্নিবারক উপায় উদ্ভাবনের জন্ত ব্যস্ত আছেন।
 সম্প্রতি যে শিক্ষা-সংস্কারক মন্তব্য প্রকাশিত হইয়াছে, তাহাতে গবর্ণমেণ্টের
 দুর্ভিক্ষ দমনেচ্ছা সম্যক্ প্রতিফলিত হইয়াছে। কৃষি বিষয়ক শিক্ষার সবি-
 শেষ বিস্তারের চেষ্টা হইতেছে। কৃষি ব্যাঙ্ক স্থাপনের জন্ত মতামত সংগৃহীত
 হইতেছে। কিন্তু যিনি যতই বলুন বা করুন, ভারতের দুর্ভিক্ষ অবশ্যস্তাবী।
 একমাত্র কৃষিজাতই যে দেশের সম্বল, সে দেশে দুর্ভিক্ষের আবির্ভাব কখনই
 একেবারে নিবারিত হইতে পারে না। অবশ্য কৃষিব্যাঙ্ক ও কৃষিবিষয়ক
 বৈজ্ঞানিক শিক্ষা দ্বারায় বহু পরিমাণে দুর্ভিক্ষের প্রকোপ প্রশমিত হইবে,
 তাহার সন্দেহ নাই। কৃষি প্রধান দেশে দুর্ভিক্ষ অবশ্যস্তাবী। বর্তমান বৎসরে
 কৃষিয়ার কৃষকবর্গকে যে দুর্ভিক্ষ নিষ্পেষণ সহ্য করিতে হইতেছে, তাহা
 সংবাদ পত্র পাঠক মাত্রেরই অবগত আছেন। দুর্ভিক্ষের শোকাবহ ফল
 নিবারণের জন্ত কৃষিয়ার জার (সম্রাট) নান্য প্রকারে সাহায্যের ব্যবস্থা
 করিতেছেন। ভারতবর্ষেও যে পূর্বে পূর্বে দুর্ভিক্ষ হইত না, এখনই কেবল
 অনাহারীর আর্তনাদ শুনিতে পাওয়া যাইতেছে, একরূপ নহে। দুর্ভিক্ষও
 হইত, লোকক্ষয়ও প্রচুর হইত। তবে বর্তমান সময়ে দুর্ভিক্ষ যেমন নিত্য
 ঘটনা হইয়াছে, পূর্বে পূর্বে তেমন ছিলনা। এতৎ সম্বন্ধে বাবু পৃথীশ চন্দ্র
 রায় যে সংবাদ সংগ্রহ করিয়াছেন, তাহা সংক্ষেপে আগামী বারে প্রদত্ত
 হইবে। যাহারা দুর্ভিক্ষ সম্বন্ধে স বিশেষ জ্ঞান লাভ করিতে ইচ্ছুক, তাঁহারা
 যেন পৃথীশ বাবুর দুর্ভিক্ষ বিষয়ক পুস্তিকা পাঠ করেন। মন্ত্রণঃ

শ্রীকালীপ্রসন্ন চট্টরাজ, এম এ।

বীরভূমি ।

মাসিক পত্রিকা ও সমালোচনী ।

২য় ভাগ]

শ্রাবণ, ১৩০৮ ।

[১০ম সংখ্যা ।

শ্রীনীলরতন মুখোপাধ্যায় বি, এ,
 সম্পাদিত ।

সূচী ।

বিষয় ।	লেখকের নাম ।	পৃষ্ঠা ।
১। সরফরাজখাঁ । (শ্রীশ্রীশচন্দ্র চট্টোপাধ্যায়)	...	২৭৬
২। আমাদের বর্তমান অবস্থা । (শ্রীকালীপ্রসন্ন চট্টরাজ, এম-এ)	...	২৭২
৩। জয়া । শ্রীদেবিদাস ভট্টাচার্য্য, বি-এ	...	২২০
৪। এ হেন ভারতা তুলোনা । (শ্রীমহম্মদ আজিজ উন্সোভান)	...	২২৭
৫। জীবনী সংগ্রহ । (শ্রীরাজকৃষ্ণ পাল)	...	২৩৮
৬। ফুল ও ফুলের ভাষা । (শ্রীশিবরতন মিত্র)	...	৬০২

কীর্ত্তহারের মন্বদেশ-হিতৈষী জমিদার শ্রীযুক্ত সৌরেশচন্দ্র সরকার

মহাশয়ের যত্নে ও ব্যয়ে, বীরভূম জেলার অন্তর্গত

কীর্ত্তহার গ্রাম হইতে,

শ্রীদেবিদাস ভট্টাচার্য্য বি, এ,

কর্ত্তক প্রকাশিত ।

বার্ষিক মূল্য ২ টাকা

এই সংখ্যার মূল্য ৭/০ আনা ।



মেওরেন্স সেবনে বিংশতি প্রকার মেহ, পুরুষত্ব হানি, শুক্রক্ষয়, অস্বাভাবিক উপায়ে রৈতঃপাত, অতিশয় ইন্দ্রিয়পরায়ণতা বা অধিক বীৰ্য্যক্ষয়নিবন্ধন শুক্রতারল্য, স্বপ্নদোষ, প্রস্রাবকালীন জ্বালা ও তৎসঙ্গে তুলার আঁশের মত কিষ্কা খড়ি গোলার ত্রায় বিকৃত বীৰ্য্যপতন, অতিরিক্ত প্রস্রাব, হস্ত পদ জ্বালা, মাথা ঘোরা, ক্ষুধামান্দ্য প্রভৃতি রোগ খুব শীঘ্র সম্পূর্ণ আরোগ্য হয়। ইহা সেবনে শত শত চিকিৎসক-পরিত্যক্ত রোগী আরোগ্যলাভ করিয়াছে, শক্তি, স্বাস্থ্য ও পুরুষত্ব ফিরিয়া পাইয়াছে। মেওরেন্স দেখিতে মনোহর, খাইতে প্রীতিপ্রদ, গুণে অমৃত তুল্য। মূল্য প্রতি শিশি এক টাকা মাত্র। ভিঃ পিঃ তে লইলে এক হইতে তিন শিশি পর্য্যন্ত আট আনা ডাক মাণ্ডলাদি লাগে। পত্র লিখিলেই বিস্তৃত সূখ্যাতি পত্র সম্বলিত মূল্য তালিকা পাঠাই। পত্রাদি লিখিবার একমাত্র ঠিকানা :-

ম্যানেজার,
ভিক্টোরিয়া, কেমিক্যাল ওয়ার্কস,
রাণাঘাট, (বেঙ্গল)

বড়লাট কাজ্জর্ন বাহাদুরের সহানুভূতি প্রাপ্ত,
বঙ্গের কৃতীসন্তান শ্রীরমেশচন্দ্র দত্ত মহাশয় কর্তৃক
ও
মিরার, অমৃতবাজার, হিতবাদী, বসুমতী, প্রতিবাসী, সোমপ্রকাশ,
সাহিত্য প্রভৃতিতে বিশেষরূপে প্রশংসিত।

প্রয়াস।

দ্বিতীয় বর্ষ।

সচিত্র মাসিকপত্র ও সমালোচক।

এবার নূতন সরঞ্জামে, নূতন প্রণালীতে প্রয়াস দ্বিতীয় বর্ষে পদার্পণ করিল।

কাগজ আরও উৎকৃষ্ট, ছাপা আরও সুন্দর।

৪নং হেমচন্দ্র করের লেন, প্রয়াস সমিতি হইতে প্রকাশিত।

প্রতি মাসেই মনোহর চিত্র থাকিবে।

অথচ অগ্রিম বার্ষিক মূল্য ডাকমাণ্ডল সমেত পূর্ববৎ ১১০ টাকাই রহিল।

সমিতির উদ্দেশ্য—সাহিত্য প্রচার, ও সঙ্গে সঙ্গে নবীন লেখকদিগের উৎসাহবর্দ্ধন। তাই আশা আছে, এই সর্বাপেক্ষা সুলভ মাসিকপত্রখানি

প্রত্যক সাহিত্যানুরাগীর সামান্ত্রিক সহানুভূতি ও সাহায্য পাইবে। ইহাতে

সকল শ্রেণীর লোকের পড়িবার ও লিখিবার বিষয় থাকিবে।

বীরভূমি।

মাসিক পত্রিকা ও সমালোচনা।

২য় ভাগ]

শ্রাবণ, ১৩০৮।

[১০ম সংখ্যা।

সরফরাজ খাঁ।

সুজাউদ্দিনের রাজত্বকালের শেষ সময় হইতেই তৎপুত্র সরফরাজ খাঁ রাজ্যের প্রায় অধিকাংশ দায়িত্ব স্বহস্তে গ্রহণ করিয়াছিলেন। ১৭২৩ খৃঃ যখন পারশ্বাধিপতি নাদের সাহ বিপুল বিক্রমে আর্ঘ্যাবর্তে বিচরণ করিতে- ছিলেন, তখনই সুজাউদ্দীন পরলোক গমন করেন। তাঁহার মৃত্যুর পর তৎ- পুত্র সরফরাজ অবিরোধে মুর্শিদাবাদের মসনদ অধিকার করিয়া, নাদেরের অনুমতি পত্রানুসারে, পিতৃ প্রতিষ্ঠিত মন্ত্রীসভার পরামর্শ ক্রমে ষ্টিত বর্ষ ত্রয়ের বাকী রাজস্ব দিল্লীতে প্রেরণ পূর্বক স্বীয় রাজ্য মধ্যে নাদেরের নামে মুদ্রা প্রস্তুত ও স্তোত্র পাঠের অনুমতি প্রদান করেন। 'মাতামহের অনুকরণে সরফরাজও বাহিরে ধর্মনিষ্ঠার যথেষ্ট পরিচয় প্রদান করিতেন। কোরাণ পাঠার্থী ও অগ্রান্ত ধার্মিক ব্যক্তিগণকে সরফরাজ বেতনপ্রদানে নিযুক্ত করিতেন। কিন্তু তাঁহার বাহাদুর মাতামহ মুর্শিদদের অপেক্ষা যথেষ্ট অধিক ছিল। এমন কি, তিনি সর্বদাই দুই সহস্র উৎকৃষ্ট অশ্বারোহী সৈন্য পরিবেষ্টিত হইয়া কালাতিপাত করিতেন।

পুত্র, মাতামহের অধিকার লাভে কখনই বঞ্চিত হয় না সত্য, কিন্তু সরফ- রাজ, জননীর নিকট হইতে যে পরিমাণ বাৎসল্য লাভ করিয়াছিলেন, তাহা সকল পুত্র মাতার নিকট লাভ করিতে সমর্থ হয় না। সরফরাজের জননী, জিনেত্ অলিনসা, পুত্রকে চক্ষুর অন্তরালে অবস্থিতি করাইতে ভালবাসি- তেন না। এই কারণেই সুজার শাসন সময়ে, সরফরাজ, সর্বদাই মুর্শিদা- বাদে বাস করিয়া মেহম্মদী জননীর অকৃত্রিম মেহসন্তোষ দ্বারা দীর্ঘকাল

অতিবাহিত করিয়াছিলেন। ১৭৯৩ খৃঃ বিহারের শাসনকর্তার পদশূণ্য হইলে সুজা, স্বীয় পুত্রকে সেই পদ প্রদান করিতে কৃতসংকল্প হন, কিন্তু বেগম জিনেত্‌ অলনিমার অগাধ স্নেহবাৎসল্য কোন ক্রমেই পুত্রের স্থানান্তর বাসের সম্মতি দান করিতে সমর্থ হয় নাই। ঢাকার শাসনকর্তৃর্ষ গ্রহণ করিয়াও 'সরফরাজ মাতৃস্নেহশৃঙ্খল ছিন্ন করিতে পারেন নাই। অবশেষে তাঁহাকে প্রতিনিধি দ্বারাই সে কার্য সম্পাদন করাইতে হইয়াছিল।

ইতিহাস পাঠে সরফরাজের দুই একটা রাজোচিত গুণের পরিচয় পাওয়া যায়। তবে তাঁহার অসঙ্গুণের তুলনায় সে গুলি অকিঞ্চিৎকর বলিলেও বোধ হয় অত্যুক্তি হইবে না। সত্য বটে সরফরাজ কিঞ্চিৎ তেজস্বী ও সাহসী বীরপুরুষের গ্ৰায় অনেক কার্য সম্পাদন করিতেন, সত্য বটে—সময়ে সময়ে তিনি “কার্যের সাধন কিম্বা শরীর পতন” এই মহামন্ত্রের অনুসরণ করিতেন, কিন্তু তাঁহার দেহে যে সকল অসঙ্গুণ অবস্থিতি করিত, তাহাদের নিকট পূর্বোক্ত গুণাবলীর মূল্য অতি অল্প সন্দেহ নাই। ইংরাজ ঐতিহাসিক বলেন যে, সরফরাজের প্রশংসনীয় গুণের মধ্যে এই ছিল যে, তিনি সুরাপান করিতেন না বা অত্যাচারী শাসনকর্তা ছিলেন না। * তাঁহার স্বল্পকাল ব্যাপী রাজত্বকালের পর্যালোচনায় জানা যায় যে, সুজার যে সকল উৎকৃষ্ট গুণ ছিল, সরফরাজ তাহাদের অধিকাংশেরই উত্তরাধিকারিত্বে বঞ্চিত হইয়া কেবলমাত্র ইন্দ্রিয় পরায়ণতারূপ পৈতৃক সম্পত্তির অধিকারী হইয়াছিলেন। সরফরাজ অন্তঃপুরের আমোদে বিশেষ অনুরক্ত থাকিতেন। কথিত আছে যে, তাঁহার অন্তঃপুরে বহু প্রকারের পঞ্চদশ শত স্ত্রীলোক^১ রক্ষিত হইত। সেই সকল রমণী পরিবেষ্টিত হইয়া নবাব, রাজকার্যে সম্পূর্ণ উদাসীন প্রদর্শন পূর্বক ইন্দ্রিয় সুখভোগে অধিকাংশ সময় অতিবাহিত করিতেন। * ইন্দ্রিয়-দোষ বাঙ্গলার নবাবগণের নিজস্ব ও অনুল্লঙ্ঘনীয় হইলেও সরফরাজ এবং

* “In short all that could be said in this favour was that he was neither a drunkard nor an oppressor.” History of Bengal, by C. Stewart. p. 271.

* “He was also much addicted to the pleasure of *haren*; and his seraglio is said to have consisted of 1500 women of various descriptions; amongst whom he dissipated much of his time and entirely neglected business.”

History of Bengal, by C. Stewart, p. 271.

সিরাজদ্দৌলা এই দোষের অধিকারী হুত্রে নবাব সমাজের যে কলঙ্ক অর্জন করিয়া গিয়াছেন, সত্যই হউক আর মিথ্যাই হউক, কোন কালে যে সে কলঙ্ক-রাশির ক্ষয় হইবে, এরূপ আশা করা যায় না। এই ভয়ঙ্কর দোষের জন্তই উক্ত নবাবঘরের শাসনকালে বাঙ্গলার যুগান্তর উপস্থিত হইয়াছিল। দেশে যত কিছু বিপ্লব, যত কিছু ষড়যন্ত্র, যত কিছু যুদ্ধ বিগ্রহ প্রায় সমস্তেরই প্রধান কারণ উক্ত নবাবঘরের কলুষিত চরিত্র। * সিরাজের চরিত্র বর্ণন বর্তমান প্রবন্ধের আলোচ্য নহে। অন্য আমরা সংক্ষেপে সরফরাজ খাঁর প্রকৃতির কিঞ্চিৎ পরিচয় পাঠকবর্গকে প্রদান করিব।

সরফরাজের উদ্ধত ও অসচ্চরিত্রায় সুজাউদ্দীনের মন্বত্ব প্রতিষ্ঠিত মন্ত্রী-সভার সভ্যমণ্ডলী ও বাঙ্গলার তৎকালীন অগ্ৰাণ প্রধান প্রধান ব্যক্তিবর্গ নবাবের প্রতি বিশেষ অসন্তুষ্ট হইয়া উঠিয়াছিলেন। সুজাউদ্দীন মন্ত্রীসভার সভ্যগণের পরামর্শ ব্যতীত কদাচ কোন কার্যে হস্তক্ষেপ করিতেন না। তিনি মৃত্যুকালে পুত্র সরফরাজকেও উক্ত সভার সভ্যমণ্ডলীর মন্ত্রণাক্রমে সকল কার্য সম্পাদন করিতে উপদেশ দিয়া যান। কিন্তু “চোর না স্ত্রী-স্বয়ম কাহিনী”। পিতার মৃত্যুর পরই পুত্র বিপরীত ভাব অবলম্বন করিলেন। কমলা যখন বাহার প্রতি অপ্রসন্ন হন, তখন তাহার বুদ্ধিবিপর্যায় ঘটয়া থাকে এবং বন্ধু ও গুরুজনের সহপদেশ তাহার কর্ণে কর্ণশ ও বিষবৎ প্রতীয়মান হয়। সে তৎকালে হিতাহিত জ্ঞান বিবর্জিত হইয়া স্বেচ্ছায় বিপদ সমুদ্রে পতিত হইয়া থাকে। সরফরাজেরও তাহাই ঘটয়াছিল। নবাব ইন্দ্রিয় লালসা ও বিদেহ বুদ্ধির তাড়নায় মন্ত্রযুদ্ধবৎ বিমোহিত হইয়াছিলেন। পিতার আমল হইতে বাঁহারা রাজদ্বারে বিশেষ সন্মানিত হইয়া আসিতে-ছিলেন, বাঁহারা ভূতপূর্ব নবাবের দক্ষিণ বাহু স্বরূপ পরিগণিত হইতেন, সরফরাজ একে একে তাঁহাদের প্রায় অধিকাংশকেই অপমানিত করিতে আরম্ভ করেন। প্রভুশক্তি পুনঃ পুনঃ প্রকৃতি পুঞ্জের মাননাশে প্রবৃত্ত হইলে স্বতঃই প্রজাকুল অচিরে সে শক্তির অনিষ্ট চিন্তায়-মনোনিবেশ করিয়া থাকে। সে কালের জমীদার ও পদস্থ প্রজাগণের দিল্লীর দরবারে বিশেষ সন্মান, প্রতিপত্তি এবং পদমর্যাদা ছিল। দেশের লোকের একতা ছিল; দেশে মিলিয়া বাদসাহের নিকট কোন বিষয়ের প্রস্তাব করিলে সম্রাট সে প্রস্তাব কোন-মতেই অগ্রাহ করিতে পারিতেন না। অধিকন্তু সে সময়ে দিল্লীখর মহম্মদ সাহ নানা কারণে নিতান্ত হীনবল হইয়া পড়িয়াছিলেন সুতরাং তৎকালে

সরফরাজের অনিষ্ট চিন্তায় প্রজাবর্গের চেষ্টা কিছুতেই ব্যর্থ হইবার নহে। কি কারণে সরফরাজের প্রতি মুর্শিদাবাদবাসী ব্যক্তিগণ খড়্গহস্ত হইয়াছিলেন, এইবার আমরা সংক্ষেপে তাহারই আলোচনা করিব।

ইতিহাস পাঠে অবগত হওয়া যায় যে, শেঠদিগের সহিত মনোবিবাদ, এবং হাজি আহাম্মদের প্রতিকূলচরণই সরফরাজের রাজ্যচ্যুতি, এমন কি মৃত্যুরও প্রধান কারণ। শেঠদিগের সহিত নবাবের মনোবিবাদের কারণ সম্বন্ধে শেঠেরা বলেন যে, মুরশিদ কুলী খাঁ মৃত্যুকালে শেঠদের নিকট ৭ কোটি টাকা জমা রাখিয়া যান। সরফরাজ সেই টাকার জন্তে ফতেচাঁদ জগৎশেঠকে * বিশেষ ব্যতিব্যস্ত করিয়া তুলেন এবং একদা এই সূত্রে নবাব উক্ত জগৎশেঠকে অপমান সূচক বাক্যও প্রয়োগ করেন। বলা বাহুল্য যে, সেই জঁতাই ফতেচাঁদ সরফরাজের অনিষ্ট চিন্তায় প্রবৃত্ত হন। সরফরাজের প্রতি জগৎশেঠের বিদ্বেষের কারণ সম্বন্ধে হলওয়েল, অস্মে ও ষ্টুয়ার্ট প্রমুখ প্রধান প্রধান ইংরাজ ঐতিহাসিকগণ বলেন যে, জগৎশেঠ ফতেচাঁদের জ্যেষ্ঠ পুত্রের স্ত্রী + রূপের গোরবে তৎকালে বাঙ্গলায় বিশেষ বিখ্যাত হইয়া উঠেন। প্রস্ফুটিত পুষ্পভারাবনতা লবঙ্গ লতার মনোমোহন সৌগন্ধ যেরূপ সমীরণ সঞ্চালনে চতুর্দিকে বিক্ষিপ্ত হইয়া থাকে, সেইরূপ সেই জগৎশেঠের পুত্র বধুর অনুপম রূপলাবণ্যের কথাও লোকপরিম্পরায় দেশ বিদেশে পরিকীর্তিত হইয়াছিল। এমন কি, একদা সেই শেঠ রমণীর রূপলাবণ্যের কাহিনী নবাব সরফরাজেরও শ্রুতিগোচরে আইসে। নবাব সেই একাদশ বর্ষীয়া হিন্দু রমণীর অশ্রুতপূর্ব রূপমাধুরীর কথা অবগত হওয়ায় কোতূহলাক্রান্ত হইয়া কেবল মাত্র একবার সেই রূপের ছবিকে দর্শন করিবার নিমিত্ত বিশেষ আগ্রহ প্রকাশ করেন এবং দর্শন লাভসা পরিতৃপ্তির নিমিত্ত ফতেচাঁদকে অনুরোধ করেন। বলা বাহুল্য যে, ফতেচাঁদ এই হৃদয় বিদারক সংবাদ শ্রবণে বিশেষ ব্যথিত হইয়া নবাবকে একরূপ অগ্রায় অনুরোধ হইতে প্রতি-নিবৃত্ত হইবার পরামর্শ দেন এবং ইহাতে হিন্দুর জাতিনাশ ও বংশ মর্যাদার হানি হইবে বলিয়াও নবাবের নিকট প্রকাশ করেন, "কিন্তু ছবৃত্ত সরফরাজ কিছুতেই ক্ষান্ত হন নাই। অধিক কি, অবশেষে বলপূর্বক জগৎশেঠের বাটী

* হারানন্দের অধস্তন ৩য় পুরুষ ও মাণিক চাঁদের পোষ্যপুত্রই প্রথম জগৎশেঠ হন।

+ অস্মে, ষ্টুয়ার্ট প্রভৃতির ইতিহাসে এই রমণী ফতেচাঁদের পুত্রবধু এবং হলওয়েলের পুস্তকে ফতেচাঁদের অনিষ্ট পৌত্রের স্ত্রী বলিয়া উল্লিখিত হইয়াছে।

ইহাতে সেই লাবণ্যময়ী শেঠ রমণীকে আনয়ন করাইয়া দর্শনান্তে পুনঃ প্রেরণ করেন। অনেকে উক্ত শেঠ রমণীর প্রতি সরফরাজের অসদ্ব্যবহারের ইচ্ছা ও তাহাকে অঙ্কশায়িনী করিবার কথাও প্রকাশ করিয়া থাকেন। * যাহাই হউক, ইহাতে শেঠদিগের মর্যাদার বিশেষ হানি হয় এবং সরফরাজের এই ব্যাপারে বঙ্গভূমি চমকিত হয় ও ছবৃত্ত নবাবের এই অগ্রায় কার্যের প্রতিফল প্রদানের নিমিত্ত সকলেই বদ্ধশরিক হন।

তিন চারিজন বিশ্বস্ত বন্ধুর কুপরামর্শে সরফরাজ হাজি আহাম্মদের প্রতিকূলেও হস্ত প্রসারণ করিতে ক্রটি করেন নাই। হাজি আহাম্মদ এক সময়ে একটা রমণীকে ভাষ্যা রূপে গ্রহণার্থ স্থিরসংকল্প হইলে সরফরাজ স্বীয় পুত্রের সহিত সেই কামিনীর পরিণয় সম্পন্ন করেন। ইহাতে সরফরাজের প্রতি হাজি আহাম্মদের ক্রোধের সঞ্চারণ হয়। এইরূপ নানা কারণে সরফরাজের পিতার মিত্রবর্গ (মন্ত্রীসভার সভ্যগণ) সরফরাজের প্রতি বিশেষ বিরক্ত হন। এমন কি, তাহাকে সিংহাসনচ্যুত করিবার নিমিত্ত অবশেষে বিপক্ষদল সকলেই স্থিরপ্রতিজ্ঞ হন।

পূর্বেই উল্লিখিত হইয়াছে যে, এই সময় দিল্লীখর বিশেষ হীনপ্রতাপ হইয়াছিলেন। অল্প দিন পূর্বেই পারস্যরাজ নাদের সাহ ভারতের কুধির পান পূর্বক তাহাকে অস্থিচন্দ্রাবশিষ্ট রাখিয়া দেশে প্রত্যাগমন করিয়াছেন মাত্র।

তিনি দিল্লীখরকেও অব্যাহত রাখেন নাই, দিল্লী জয় করতঃ ৯ কোটি মুদ্রা, বহুসংখ্যক মণিমুক্তা প্রবাল স্বর্ণ রৌপ্যাদি বহু মূল্য অর্থ সংগ্রহ পূর্বক দিল্লীখর ছুর্ভাগ্য মহম্মদ সাহকে অনুগ্রহ পূর্বক স্বস্থানে পুনঃ প্রতিষ্ঠিত করিয়া ভারত পরিত্যাগ করেন। সুতরাং দিল্লীখরের তৎকালীন ছর্ব্বলতা সহজেই অহুমের।

এসময়ে, দেশের দশ জনে মিলিয়া উক্ত বাদসাহের নিকট একটা অগ্রায় প্রস্তাব করিলেও যে তিনি সহসা সে প্রস্তাব অগ্রাহ করিতে সাহসী হইবেন,

* "The young woman was sent to the Palace in the evening, and after staying there a short space, returned, unviolated indeed, but dishonoured to her husband, History of Bengal, by C. Stewart. p. 271.

[ইংরাজ ঐতিহাসিকগণের এ উক্তির অন্তর্কালে আমরা মত প্রকাশ করিতে পারি না, কারণ কোন মুসলমান গ্রন্থে তাহাদের উক্তির পোষকতা দৃষ্ট হয় না।]

এরূপ আশা কখনই করিতে পারা যায় না। যাহা হউক, সরফরাজের ব্যবহারে বিশেষ অসন্তুষ্ট হইয়া ও মস্ত্রি-সভার সভ্যগণের উত্তেজনায় মুরশিদাবাদের প্রধান প্রধান ব্যক্তিবর্গ একত্র যোগে বিহারের বুদ্ধিমান ও কার্যদক্ষ শাসনকর্তা আলিবর্দী খাঁকে মুরশিদাবাদের নবাবের মসনদে উপবেশন করাইবার পরামর্শ করিয়া দিল্লী দরবারে উপস্থিত হন। যথাকালে তাঁহাদের আবেদন সম্রাটের শ্রুতিগোচর এবং অচিরে তাঁহাদের প্রস্তাবও কার্যে পরিণত হয়। তাঁহারা সম্রাটের নিকট হইতে আলিবর্দীর স্বপক্ষে বাঙ্গলা, বিহার ও উড়িষ্যা তিন প্রদেশের স্ববাদারীর মনন্দলাভ করেন। আলিবর্দীও রাজ্যলাভের আশায় সম্রাটকে বার্ষিক নির্দ্ধারিত রাজস্বের অধিক ১ কোটী মুদ্রা ও সরফরাজের সমুদায় সম্পত্তি প্রদান করিতে প্রতিশ্রুত হন। এ দিকে সরফরাজের বিরুদ্ধে সমস্ত ষড়যন্ত্রই একরূপ স্থির হইয়া গেল, কিন্তু সরফরাজ কিছুই বুঝিতে পারিলেন না।

এই সময় বাঙ্গলার বহুসংখ্যক সৈন্যকে তাহাদের কার্য হইতে অপসৃত করা হয়। পরে সেই অবসর প্রাপ্ত সৈন্যগণ পাটনায় প্রেরিত হইয়া আলিবর্দীর অধীনে নিয়োজিত হয়। অতঃপর শুভদিনে, শুভক্ষণে আলিবর্দী, সরফরাজের বিরুদ্ধে যাত্রা করেন। পাটনা পরিত্যাগ কালে আলিবর্দী এইরূপ ভাব প্রকাশ করেন যে, তিনি ভোজপুরের জটনক জমীদারের বিরুদ্ধে যুদ্ধযাত্রা করিতেছেন। নবাব সরফরাজের প্রতিকূলে অস্ত্রধারণ করিবার পূর্ব মুহূর্ত্তেও আলিবর্দী তাঁহার সহিত কপট-সম্ভাব প্রদর্শনে ক্রটি করেন নাই। পাটনা হইতে কিছু দূরে পোছিয়াই আলিবর্দী নিজ পক্ষ সুদৃঢ় করিবার অভিপ্রায়ে তাঁহার কর্মচারীবৃন্দকে এক স্থানে সমবেত করেন এবং হিন্দু কর্মচারীগণের এক হস্তে তুলসীপত্র অন্য হস্তে গঙ্গাজল পাত্র ও মুসলমান কর্মচারীর তরফে কোরাণ প্রদান পূর্বক এইরূপ প্রতিজ্ঞাবদ্ধ করাইয়া লইলেন যে, “আপনি যাহাকে আপনার শত্রু বলেন, আমরাও তাহাকে আমাদের শত্রু বলিয়া এবং আপনার মিত্রকে নিজের মিত্র বলিয়া জ্ঞান করিব। আপনার অদৃষ্টে যাহা ঘটবে, আমরাও তাহার অংশ গ্রহণ করিব। আপনি আমাদের যাহা করিতে বলিবেন, আমরা অদম্য উৎসাহের সহিত তাহাতেই প্রবৃত্ত হইব।” অতঃপর আলিবর্দীর সৈন্যগণ বাঙ্গলার দিকে ধাবিত হইলে আলিবর্দী সরফরাজকে এই মর্মে একখানি পত্র লেখেন যে—

“আপনি আমাদের পরিবারবর্গের প্রতি যথেষ্ট অপমান প্রদর্শন

করিয়াছেন। ভবিষ্যৎ অপমানের হস্ত হইতে তাহাদিগকে মুক্ত করিবার অভিপ্রায়ে অত্র রাখিবার নিমিত্ত, গুমন করিতেছি, কিন্তু এখনও আমি আত্মা প্রতিপালনে পরাজুখ নহি।” *

এ দিকে হাজি আহম্মদ, আলিবর্দীর মহিত রাজকার্য্য সম্বন্ধীয় কোন বিষয় সম্পাদনের নিমিত্ত সাক্ষাৎ করিবার ব্যপদেশে মুরশিদাবাদ হইতে বাহির হইবা মাত্র তৎক্ষণাৎ আলিবর্দী সরফরাজের বিরুদ্ধে যুদ্ধার্থে প্রস্তুত হন। আলিবর্দীর প্রাথমিক চরিত্রে আমরা প্রধানতঃ দুইটি কলঙ্কের রেখা দর্শন করিতে পাই। প্রথম—প্রভু পুত্রের বিরুদ্ধে ষড়যন্ত্রে যোগদান এবং নেতৃত্ব গ্রহণ পূর্বক গিরিয়ার সমরাজ্যে অবতরণ ও প্রভু পুত্রের জীবননাশের হেতু; দ্বিতীয়—মনকরার ময়দানে বিশ্বাসঘাতকতার আশ্রয়ে ভাস্কর পণ্ডিতের প্রাণবধ। আলিবর্দী প্রসঙ্গে আমরা তাঁহার দ্বিতীয় কলঙ্ক উল্লেখ করিব।

অসচ্চরিত্রতার নিমিত্ত মুরশিদাবাদের ইতিহাসে সরফরাজ ও সিরাজের নাম সমধিক পরিজ্ঞাত, মুরশিদাবাদের ভাগীরথী তীরস্থ বিশ্ববিখ্যাত পলাশী প্রান্তরে যেমন আলিবর্দী দৌহিত্র সিরাজের সৌভাগ্য-রবি অস্তমিত হইয়াছিল; ভাগীরথী তটবর্তী স্বরূহং গিরিয়া প্রান্তরেও সেইরূপ মুরশিদ কুলীর দৌহিত্র সরফরাজেরও সৌভাগ্য-তপনের সঙ্গে সঙ্গে জীবলীলার অবসান হয়।

আলিবর্দী ও সরফরাজের সৈন্ত, মুরশিদাবাদের প্রায় পঞ্চদশ কোশ উত্তরে প্রসন্ন সলিলা ভাগীরথীর তীরে এক প্রশস্ত ময়দানে শিবির সন্নিবেশ করিয়াছিল। এই সুবিস্থিত ময়দানে গিরিয়া নামক একটা পল্লী আছে, তদনুসারে এই সমগ্র ময়দানটাও গিরিয়া নামে অভিহিত হইয়া আসিতেছে। এক্ষণ গিরিয়া জঙ্গীপুর সবডিভিসন হইতে অধিক দূরে নহে। এই গিরিয়ার নাম স্মরণ হইলেই এখনও সেই দুর্ভাগ্য সরফরাজকে মনে হয়, কারণ এই গিরিয়াই সেই হতভাগ্য নবাবের স্মৃতিচিহ্ন ও বধ্যভূমি। এই ইতিহাস প্রসিদ্ধ গিরিয়া প্রান্তরেই মুরশিদ কুলীর বংশের সহিত মুরশিদাবাদের সিংহাসনের সকল সম্বন্ধ চিরদিনের জন্ত নিঃশেষিত হয়। এই গিরিয়া যুদ্ধে † আলিবর্দী চরিত্রের কলঙ্ক-কালিমা কিছুতেই লয় হইবার নহে। দেশের হিত

* Stewart's History of Bengal, P. 273-74.

† এই গিরিয়া প্রান্তরেই ১৭৬৩ খৃঃ মীর কাশিমের সহিত ইংরাজদের যুদ্ধ সংঘটিত হয়। পাঠক যথাস্থানে তাহার আলোচনা দেখিতে পাইবেন।

ও দেশের মঙ্গল সাধনের মূলে যদি আলিবর্দীর বাসনা না থাকিত, তাহা হইলে অবশ্য আমরা এ ক্ষেত্রেও আলিবর্দী, চরিত্রের প্রশংসাই করিতাম। সত্য বটে, সরফরাজ অসচ্চরিত্র ছিলেন, স্বীকার করিতে হইবে, তাঁহার অসদ্ব্যবহারে দেশের অনেকেই বিরক্ত হইয়াছিলেন, তাই বলিয়া সেই দুর্দর্শ নবাব,—তাঁহার পিতার অন্তরে আলিবর্দী চিরজীবন প্রতিপালিত, সেই প্রভু পুত্র নবাব সইয় অপরাধে অপরাধী হইলেও তাহার বিরুদ্ধে সামান্য কারণে স্বার্থ প্রণোদিত হইয়া অস্ত্রধারণ, আলিবর্দীর ন্যায় ইতিহাস বিখ্যাত ধর্মভীরু নবাব চরিত্রে চিরদিনই কলঙ্ক ঘোষণা করিতে থাকিবে, যাহা হউক, দেখিতে দেখিতে গিরিয়া প্রান্তর রণবাদ্যে প্রতিধ্বনিত হইতে আরম্ভ হইল। শৃগাল, কুকুর, শকুনি, গৃধিনী প্রভৃতি মাংসলোলুপ জন্তুগণ ভবিষ্যতের আশায় মনে মনে মহানন্দ পোষণ করিতে লাগিল। হস্তীর বৃংহিত, তুরঙ্গমের হ্রেষারবে অস্ত্র শস্ত্রের বন্ বন্ শব্দে চতুর্দিক পরিপূর্ণ হইয়া উঠিল।

প্রথমতঃ সরফরাজের প্রধান সেনাপতি গাওস খাঁ আলিবর্দীর সৈন্যের বিরুদ্ধে ভাগীরথী পার হইয়া সূতী পর্যন্ত ধাবিত হইলে একবার সন্ধির কথা-বার্তা হয়। আলিবর্দী সরফরাজকে বলেন, যদি আপনি আপনার মন্ত্রীকে পদচ্যুত করেন, তাহা হইলে আমি আপনার আজ্ঞাধীন থাকিতে পারি। সরফরাজ এ প্রস্তাবে সন্মত হইলে তাঁহার নবীন বন্ধুবর্গ কিছুতেই তাঁহাকে উক্ত সন্ধির সর্ত্তে বাধ্য হইতে দিগেন না, সূতরাং যুদ্ধ অনিবার্য হইয়া উঠিল। উভয় পক্ষই যুদ্ধার্থ পুনরায় প্রস্তুত হইল। আলিবর্দীর সেনাপতি নন্দলালের সহিত গাওস খাঁর যুদ্ধারম্ভ হইলে আলিবর্দী স্বয়ং দুই দল সৈন্য লইয়া সরফরাজের সহিত সম্মুখ সংগ্রামে প্রবৃত্ত হন। সরফরাজও স্বয়ং এক হস্তীর পৃষ্ঠে আরোহণ করিয়া যুদ্ধার্থ রণক্ষেত্রে উপস্থিত হইয়াছিলেন। তিনি বীরের ত্রায় কিছুক্ষণ সমরঙ্গনে কালাতিপাত করিয়াছিলেন, কিন্তু পরে বিপন্ন হন। তাঁহার হস্তীচালক প্রভুকে বিপন্ন দেখিয়া যুদ্ধক্ষেত্র পরিত্যাগে উদ্যত হয়, কিন্তু রণে মত্ত প্রভুর তিরস্কারে সে হস্তীপৃষ্ঠে প্রভুকে লইয়া সমর ক্ষেত্রের মধ্যস্থলে উপস্থিত হইতে বাধ্য হয়। সরফরাজ মহাবীরত্বের সহিত যুদ্ধ করিতে থাকেন, কিন্তু তাঁহার অদম্য সমরপিপাসা বৃদ্ধির সঙ্গে সঙ্গে জীবন-বায়ুর অবসান কাল ক্রমশঃই অপ্রশস্ত হইয়া আসিতে আরম্ভ হইল। জগৎশেঠের কুলবধূর অব্যর্থ অভিসম্পাতের ফলে ও অশীতিপর স্ববির জগৎ

শেঠের হুঃখাশ্রুপাতে সরফরাজের রাজ্যলক্ষ্মী বিচলিতা হইয়াছিলেন, সূতরাং জগদীশ্বর শীঘ্রই যেন তাঁহার পাপের প্রতিফল প্রদানে স্থিরপ্রতিজ্ঞ হইলেন। অনতিবিলম্বেই আচম্বিতে * একটা বন্দুকের গুলি সরফরাজের মস্তকে পতিত হইল! নবাব তৎক্ষণাৎ সেই হস্তিপৃষ্ঠেই মৃত্যুর কোমল ক্রোড়ে শয়ন করিলেন। হস্তিপালক সরফরাজের শবদেহ লইয়া রাজধানীতে গমন করিল। গোয়াস্, খাঁর অধীনস্থ আফগান সৈন্য ব্যতীত সকলেই চতুর্দিকে পলায়ন করিল। ১৭৪১ খৃঃ জানুয়ারী মাসে এই যুদ্ধ সংঘটিত হইয়াছিল। সরফরাজের মৃত্যুর পর তৃতীয় দিবস প্রাতে (১৫ই মার্চ ১১৫৩) আলিবর্দীও নগরাভিমুখে যাত্রা করেন। তিনি রাজপ্রাসাদে গমন না করিয়া প্রথমতঃ সরফরাজের মাতা জিনেত্ অলনিমার বাসভবনে গমন করিয়াছিলেন। তিনি বেগমের বাসভবনের বহির্দ্বারে উপস্থিত হইয়া হস্তিপৃষ্ঠ হইতে অবতরণান্তর সাষ্টাঙ্গ প্রণিপাত পূর্বক জনৈক খোজাকে উক্ত বেগম সকাশে প্রেরণ করিয়া নিম্নলিখিত বাক্যাবলী দ্বারা তাঁহার নিকট ক্ষমা প্রার্থনা করেন—

“ভাগ্যে যাহা নির্দিষ্ট ছিল, তাহাই সংঘটিত হইল। আপনার অবজ্ঞাত ভৃত্যের অকৃতজ্ঞতার কাহিনী ইতিহাসে অক্ষয় ভাবে চিরদিন লিখিত থাকিবে, কিন্তু আপনার অধম ভৃত্য শপথ করিয়া বলিতেছে যে, যতদিন তাহার জীবন থাকিবে, ততদিন সে কোন প্রকারে আপনার প্রতি অসম্মান প্রদর্শন করিবে না।

আপনার ভৃত্য এ আশাও হৃদয়ে পোষণ করিতেছে যে, আপনি স্বীয় ক্ষমাগুণে কালক্রমে অধীনের কুকার্য্য বিস্মৃত হইবেন। অধীনের পাপের প্রায়শ্চিত্তের প্রমাণ স্বরূপ এ দাসের সম্পূর্ণ অধীনতা, চিরবাধ্যতা, ও প্রগাঢ় ভক্তি গ্রহণ করিতে আজ্ঞা হয়।” (Stewart)

এদিকে হস্তিপালক সরফরাজের মৃত দেহ লইয়া রাজধানীতে পৌছিলে সরফরাজের পুত্র মীর্জা আমানি নাক্টাখালি নামক স্থানে রাত্রি দ্বিপ্রহরের সময় পিতার সেই মৃত দেহ সমাধিস্থ করেন। *

* At midnight his (Sarfarez's) son Mirza Amany caused it to be buried in a private manner at Nuktakhaly.

নাক্টাখালি নসীপুরের সন্নিকট, সাহানগরের খানার পূর্বাংশে, আপাততঃ জঙ্গলময় হইয়া রহিয়াছে। এখানে কতকগুলি সমাধি রহিয়াছে, কিন্তু তাহাদের মধ্যে কোনটী যে সরফরাজের সমাধি, তাহা এক্ষণ নিঃশেষ উপস্থিত নাই।

মুর্শিদাবাদের প্রাচীন স্মৃতিচিহ্ন আর কিছু থাকুক আর নাই থাকুক, খৃষ্টীয় অষ্টাদশ শতাব্দীর মুসলমান শাসনকর্তা (নবাব) গণের সমাধিগুলি আজিও বর্তমান থাকিয়া প্রাচীন রাজধানীর অনেক প্রাচীন কথা মনে আনিয়া দেয় ও বর্তমান মুর্শিদাবাদের শ্মশানস্থ প্রতীপাদনে সাহায্য করিয়া থাকে ।

কাঠরার ধ্বংসমুখে পতিত মসজিদের সোপানাবলীর নিম্নদেশে মুর্শিদাবাদ স্থাপয়িতা চির নিদ্রায় অভিভূত, তদীয় জামাতা অশেষ গুণালঙ্কৃত মুর্শিদাবাদের দ্বিতীয় নবাব সুজাউদ্দীন ভাগীরথীর পশ্চিমতীরস্থ ডাহাপাড়া গ্রামের রোশনীবাগ নামক রমণীয় উদ্যানে বিশ্রামস্থল অনুভব করিতেছেন । লালবাগের কিঞ্চিৎ দক্ষিণে ভাগীরথীর পশ্চিম কূলে খোসবাগ নামক স্থানে বঙ্গের আদর্শ নবাব সুপ্রসিদ্ধ আলিবর্দী খাঁ তাঁহার প্রিয়তম দৌহিত্র বিখ্যাত সিরাজের সহিত চিরশায়িত রহিয়াছেন । ছুঃখের বিষয়, হুর্ভাগ্য সরফরাজের সমাধির এক্ষণে অনুসন্ধান করা বড়ই কঠিন ।

ন্যূনাধিক ত্রয়োদশ মাস কাল রাজত্ব করিয়া সরফরাজ সমরক্ষেত্রে প্রাণ বিসর্জন করেন । তাঁহার পূর্বে বা পরে মুর্শিদাবাদের কোন নবাবই যুদ্ধক্ষেত্রে প্রাণত্যাগ করেন নাই ।

শ্রীশ্রীশচন্দ্র চট্টোপাধ্যায় ।

আমাদের বর্তমান অবস্থা ।

(পূর্বপ্রকাশিতের পর)

প্রধান প্রধান ছুর্ভিক্ষের তালিকা ।

খৃষ্টাব্দ	ছুর্ভিক্ষ পীড়িত প্রদেশ	শাসনকর্তা
১৭৬৯-৭০	গঙ্গা নদীর নিম্ন উপত্যকা	কাটিয়ার
১৭৮৩-৮৪	উত্তর-পশ্চিম প্রদেশ	ওয়ারেন হেস্টিংস্
১৭৯০-৯২	মাদ্রাজ প্রেসিডেন্সির কিয়দংশ	লর্ড কর্ণওয়ালিস্

যাঁহার অসাধারণ অনুসন্ধিৎসা প্রভাবে মুর্শিদাবাদের বহু লুপ্ত রত্নের উদ্ধার সাধিত হইয়াছে, অল্পদিন হইল, আমাদের মুর্শিদাবাদের সেই সুপ্রসিদ্ধ ঐতিহাসিক শ্রদ্ধাস্পদ শ্রীযুক্ত বাবু নিখিলনাথ রায় বি এ, মহোদয় সরফরাজ বংশীয়দের সাহায্যে মুর্শিদাবাদের ৩য় নবাব হতভাগ্য সরফরাজের সমাধির কতকটা অনুসন্ধান পাইয়াছেন গুনিয়া আমরা পরম সুখী হইলাম ।

খৃষ্টাব্দ	ছুর্ভিক্ষ পীড়িত প্রদেশ	শাসনকর্তা
১৮২৩-২৫	মাদ্রাজ এবং বোম্বাই প্রেসিডেন্সির কতকাংশ	লর্ড আমহার্ট্
১৮৩২-৩৩	মাদ্রাজ, বোম্বাই, হায়দারাবাদ	লর্ড উইলিয়ম বেণ্টিঙ্ক্
১৮৩৭-১৮৩৮	উত্তর-পশ্চিম প্রদেশ রাজপুতানা	লর্ড অক্ল্যাণ্ড্
১৮৬০-৬১	উত্তর-পশ্চিম প্রদেশ, পঞ্জাব	লর্ড ক্যানিং
১৮৬৫-৬৬	উড়িষ্যা, বিহার, উত্তর বঙ্গ, মাদ্রাজ, মহীশূর, হায়দারাবাদ, বোম্বাই	সার্জন লরেন্স্
১৮৬৮-৬৯	রাজপুতানা, উত্তর পশ্চিম প্রদেশ, মধ্য প্রদেশ, বোম্বাই, পঞ্জাব	লর্ড লরেন্স্
১৮৭৩-৭৪	বিহার, বাঙ্গালা, অযোধ্যা, উত্তর-পশ্চিম প্রদেশ	লর্ড নর্থব্রুক্
১৮৭৬-৭৮	দাক্ষিণাত্য, উত্তর-পশ্চিম প্রদেশ, অযোধ্যা পঞ্জাব	লর্ড লিটন্
১৮৯৬-৯৭	পশ্চিম ভারতবর্ষ, মধ্য প্রদেশ,	লর্ড এল্‌গিন্
১৮৯৯-১৯০০	পশ্চিম ভারতবর্ষ, রাজপুতানা, মধ্য প্রদেশ, পঞ্জাবের ও উত্তর পশ্চিম প্রদেশের কতকাংশ	লর্ড কর্জন্

এতদ্ব্যতিরিক্ত স্বল্পস্থানব্যাপী ছুর্ভিক্ষ অনেকগুলি ঘটিয়াছে । ছুর্ভিক্ষের মূলোচ্ছেদের উপায় ভবিষ্যতে আলোচনা করা যাইবে । যাহাতে ছুর্ভিক্ষের ঘন ঘন আক্রমণ অথবা প্রচণ্ডতা কথঞ্চিৎ নিবারিত হয়, তাহাও সাদরে গ্রহণ করা উচিত, এবং তদ্বিষয়ক চেষ্টা ও অনুসন্ধানের জন্ত গবর্নমেন্টের নিকট কৃতজ্ঞতা স্বীকার করা উচিত । কৃষিক্ষেত্র বিস্তার ও কৃষি ব্যাঙ্ক স্থাপনের প্রস্তাবনা করিয়া গবর্নমেন্ট সকলেরই সবিশেষ অনুরাগভাজন হইয়াছেন । কৃষি ও কৃষক উভয়েরই উপর রাজার সম্মেহ দৃষ্টি সূচিত হইতেছে । আমাদেরও এ বিষয়ে কিছু কর্তব্য ও দায়িত্ব আছে ।

গবর্নমেন্টের সাধু সঙ্কল্পে আহ্লাদিত হইয়া কেবল মাত্র জয়ধ্বনি করিলে চলিবে না । ডাক্তার ঔষধ নির্দেশ করিলেই ব্যাধি দূরীভূত হয় না ; রোগীরও যথা সময়ে এবং যথা মাত্রায় ঔষধ সেবন করা চাই । রাজা আমাদের উপকার করিতে প্রস্তুত, আমাদেরও উপকৃত হইবার জন্ত সমধিক প্রস্তুত

হইতে হইবে। কঠিন প্রস্তুতময় স্থানে শস্যবীজ অঙ্কুরিত হয় না, কিন্তু সুকর্ষিত ক্ষেত্রেই আশারূপ ফলদায়ক হয়। আমরা যদি রাজার সাধু উদ্দেশ্যের জন্ত সম্যক রূপে প্রস্তুত না হই, তবে সমস্তই পণ্ড হইবে। এবং নিরাশার নিবিড় তিমির নিবিড়তর হইবে। রাজার সহকারী হইলেই নিশ্চিত সুফল লাভ করিব, অগ্রথা! অদ্য যে হাহাকার, কল্যাণ সেই হাহাকার! এক্ষণে জিজ্ঞাস্য এই যে, শত বৎসর পূর্বে কি ছুর্ভিক্ষের কারণ সজীব অবস্থায় ছিল না, এবং বর্তমান সময়েই সহসা তেজস্বী হইয়া উঠিয়াছে? অতিবৃষ্টি ও অনাবৃষ্টির সম্ভব কি তখন ছিল না? কোন নৈসর্গিক পরিবর্তনের ফলে অনতিব্যবহিত ঋতুবিকার বর্তমান কালে উপযুক্ত পরি সংঘটিত হইতেছে কি? বিজ্ঞানবিৎ উত্তর দেন যে, এত অল্প সময়ে প্রাকৃতিক পরিবর্তন হওয়া সম্ভব নয়। সে কালেও অনাবৃষ্টি অতিবৃষ্টি ছিল, এখনও অনাবৃষ্টি অতিবৃষ্টি আছে, ভবিষ্যতেও থাকিবে। তবে তৎকালে ছুর্ভিক্ষ পরম্পরা সূদূর-ব্যবস্থিত ছিল, এখনই বা তাদৃশ হয় না কেন? ইহার কারণ রাজনৈতিক পরিবর্তন। কিন্তু এই কারণ নির্দেশ অযথা সংক্ষিপ্ত। ইহার বিস্তৃত বিবরণ আবশ্যিক।

মোগল সম্রাটদিগের রাজত্বকালে উল্লেখযোগ্য বৈদেশিক বাণিজ্যের কোনই প্রমাণ পাওয়া যায় না। চাউল ও অগ্রাণ্ড খাদ্যদ্রব্যের রপ্তানি। একেবারেই ছিল না। যে শস্য হইত, তাহা সমস্তই দেশের ব্যয়ে নিয়োজিত হইত, এবং অতিরিক্ত দেশেই সঞ্চিত হইত। অগত্যা কোন সময়েই শস্যের মূল্য অত্যধিক হইত না। সাধারণ লোকেহা যাবতীয় আবশ্যকীয় দ্রব্য শস্যের বিনিময়ে ক্রয় করিত। বস্ত্রের জন্ত নগদ পয়সা ব্যয় করিতে হইত না। জমিতে যে কার্পাস জন্মিত, তাহা হইতে স্ত্রীলোকেরা অবকাশমত সূতা প্রস্তুত করিত, এবং ঐ সূতা হইতে তন্তুবায় দ্বারা ধাত্তের বিনিময়ে বস্ত্রবয়ন করান হইত। অবশ্য সে বস্ত্র এখনকার মত চাক্চিক্যশালী হইত না, কিন্তু অধিক কালস্থায়ী হইত।

চাকর নিযুক্ত করিতে হইলে তাহার জন্ত ধাত্ত বা জমির বন্দোবস্ত করা হইত। যে প্রকারেই হউক, ধান্যের ব্যয় ও হস্তান্তর দেশের মধ্যেই হইত। এক ছটাকও বিদেশে যাইত না। কয়েক মাস গত হইল, প্লেট স্ম্যান সংবাদ পত্রে ছুর্ভিক্ষ উপলক্ষে ধাত্ত সঞ্চয় সম্বন্ধে কতকগুলি সুদীর্ঘ সম্পাদকীয় প্রবন্ধ প্রকাশিত হইয়াছিল। সম্পাদকের মত এই যে, ধাত্ত সঞ্চয়ে প্রজা সাধা-

রণকে উৎসাহিত করা কর্তব্য। কিন্তু ইংরাজ সম্পাদকেরা আমাদের দেশের অবস্থা সম্পূর্ণরূপে অবগত নহেন। অবাধ বাণিজ্যের শ্রোতে ধাত্ত সঞ্চয় কখনই সম্ভবপর নহে। যে দেশ হইতে ঘোরতর ছুর্ভিক্ষের সময়েও বিদেশে প্রায় সমভাবে শস্যের রপ্তানি হইতে থাকে, সে দেশে কখনই ধাত্ত সঞ্চয় হইতে পারে না। যাহারা সঞ্চয় করিতে পারে, তাহারা নিজেদের আবশ্যিক মত সঞ্চয় করে। যাহারা শ্রমজীবী, দরিদ্র, এবং স্বল্পমাত্র জমি অধিকার করিয়াছে, তাহারা সঞ্চয়ের উপযুক্ত শস্য একত্র করিতে কোন কালেই পারে না। ছুর্ভিক্ষ কাহাদের? যাহারা সঞ্চয়ক্ষম, ছুর্ভিক্ষ তাহাদের কেশ-স্পর্শ করিতে পারে না। যাহারা দরিদ্র, এবং সঞ্চয়ে অক্ষম, তাহারা হুর্ভিক্ষের নিম্পিষ্ট হয়। সামান্য অর্থনীতির মত অনুমান করিলেই প্রস্তাবিত বিষয়ের কার্যকারণ সম্বন্ধে সহজেই জ্ঞানবান হওয়া যায়। আমার প্রচুর শস্য আছে, আমি কেন অতিরিক্ত সঞ্চয় করিব? যখন কলিকাতার বাজারে প্রতিদিন লক্ষাধিক মণ শস্য বিদেশের জন্ত ক্রীত হইতেছে, তখন সমস্ত বুঝিয়া অতিরিক্ত শস্য উচ্চ দরে বিক্রয় করিয়া বিক্রয়লব্ধ অর্থ অন্য কোন ব্যবসায় নিয়োজিত করিয়া ক্রমাগত লাভবান হওয়া শ্রেয়ঃ, না কীট পতঙ্গ ও অগ্নি দ্বারা শস্যহানির সম্ভাবনা স্বন্ধে করিয়া নিরর্থক সঞ্চয় করিয়া রাখা শ্রেয়ঃ? এক্ষণে সঞ্চয় করিলে, পরিশেষে ঘটিবে এই যে, দেশে বহুল শস্য সঞ্চয় হেতু হুর্ভিক্ষেরও আশারূপ মূল্য পাওয়া যাইবে না। সুতরাং ইহা এক্ষণে সুস্পষ্ট যে, যাহারা ছুর্ভিক্ষের করায়ত্ত, তাহাদের সঞ্চয়ের ক্ষমতা নাই, এবং যাহারা ছুর্ভিক্ষের বহির্ভূত, তাহাদের অতি-সঞ্চয়ে ক্ষতি ভিন্ন লাভ নাই। ইহাতে কি সঞ্চয় হইতে পারে?

এই ত গেল শস্য সঞ্চয়ের কথা। অবাধ বাণিজ্যের অনুগ্রহে আরও যাহা যাহা ঘটিয়াছে, সে সকল সম্যকরূপে বিবৃত করা অসাধ্য। বিদেশীয় কল কারখানায় প্রস্তুত দ্রব্যের সহিত প্রতিদ্বন্দিতায় আমাদের দেশীয় শিল্প একেবারে বিধ্বস্ত। ম্যাঞ্চেষ্ঠারের প্রভাবে দেশী তন্তুবায় 'হা হতোস্মি' বলিয়া ক্রন্দন করিতেছে। একবার ভাবিয়া দেখা উচিত, কত কোটি টাকার ব্যবসা ম্যাঞ্চেষ্ঠার গ্রাস করিয়াছে। এ দেশ হইতে পাট যাইতেছে, কিন্তু আমরা তাহার সদ্যবহার করিতে পারিতেছি না। আমরা কেবল পাটগাছ পচাইয়া জলবায়ু দূষিত করিতেছি, ম্যালেরিয়া প্রভৃতি নানাবিধ দেশব্যাপী ব্যাধির সৃষ্টি করিতেছি। এবং এই প্রকারে যৎসামান্য অর্থের জন্য যত্ন

প্রীহার দোষে শরীরকে জীর্ণ শীর্ণ করিয়া ফেলিতেছি, কিন্তু তাহারকে পরি-
পাটি করিয়া সূত্র প্রস্তুত করি, এ ক্ষমতা নাই। এমন কি রেড়ির বীজ এ
দেশ হইতে চালান হয়, এবং বিলাত হইতে পরিষ্কৃত তৈল আমাদের দেশে
আমদানী হয়। লক্ষ লক্ষ টাকার হরীতকী প্রভৃতি অতি সামান্য জিনিষ
এ দেশ হইতে রপ্তানী হয়, এবং তাহা হইতে টিংচার, রঙ, প্রভৃতি নানা
প্রকার প্রয়োজনীয় জিনিষ বিলাতে প্রস্তুত হয়, আমরা কিন্তু সে সকল এ
দেশে প্রস্তুত করিয়া পাঠাইতে পারি না। আমাদের অক্ষমতা সকল দিকেই
পরিদৃষ্ট হয়!!! ছুরি, কাঁচি, কল্ককজা, গ্যাস, টিন্ ইত্যাদি প্রায়
স্বাভাবিক আবশ্যকীয় দ্রব্য বিদেশ হইতে আসিতেছে। আমাদের এখনও
কিন্তু একটা প্রধান বিষয়ে যথেষ্ট সাহস আছে। এখন পর্য্যন্ত এ দেশ হইতে
ধান রপ্তানী হইয়া ইংলণ্ড কি জার্মানি হইতে চাউল প্রস্তুত হইয়া আমাদের
দেশে আসিতেছে না, ইহাই আমাদের গৌরবের বিষয়!! পূর্বে পূর্বে
যাহা অনায়াসে বিনা অর্থব্যয়ে পাওয়া যাইত, সে সমস্তই আজকাল ব্যয়-
সাপেক্ষ হইয়াছে। সূত্রাং অর্থের আবশ্যক বৃদ্ধি পাইয়াছে। অর্থ ভিন্ন
সামান্য অভাবও পরিপূরণ করিবার উপায় নাই। অর্থাগমের উপায়ও
সঙ্কীর্ণ। অনেকে বলিতে পারেন যে, যে সময় সূতা কাটিতে, কাপড় প্রস্তুত
করিতে, এবং অন্যান্য কার্যে ব্যয় হইত, সেই সময় এক্ষণে অপর কোন
অর্থকর বিষয়ে নিযুক্ত করিয়া লাভ করা যাইতে পারে। সূত্রাং আমাদের
ক্ষতিগ্রস্ত হইবার কারণ নাই।

এ স্থলে ভাবিয়া দেখা উচিত যে, যথেষ্ট সংখ্যার ধনাগমের পথ আছে
কি না। পূর্বেই বলা হইয়াছে যে, এ দেশ হইতে ধান্য রপ্তানী হইয়া
বিদেশ হইতে চাউলের আমদানী হয় না, এইমাত্র আমাদের অহঙ্কারের
কারণ আছে। যদি সকল পথই কণ্টকাকীর্ণ হয়, তবে কোন্ পথই বা অব-
লম্বন করা যায়। সূতা ও কাপড় প্রস্তুত করা সম্ভব নহে, ছুরী, কাঁচি, কাচ
প্রভৃতি আমাদের বিদেশ হইতে আনিতে হয়। তবে কি কেবল কতক-
গুলি শস্ত উৎপাদন করিয়া বিদেশে পাঠাইলেই ধনবান্ হওয়া যায়? কেবল
মুটে মজুরের কার্যে আর কত অর্থ আছে? নিতান্ত আবশ্যকীয় দ্রব্যাদি
পর্য্যন্ত বিদেশ হইতে আনীত হইলে, ধনক্ষয়ের পথ যে বিস্তৃত হইবে, ইহা
সকলেই বুঝিতে পারেন। যখন ধনাগমের পথ অপ্রশস্ত, অথচ সকল
জিনিষই ক্রয় করিতে হইবে, তখন সে অভাব বোধ ক্রমশঃ বৃদ্ধি পাইবে,

এবং জীবন-সংগ্রাম অধিকতর কষ্টকর হইবে, ইহাতে আর বৈচিত্র্য কি
আছে? ক্ষুদ্র জাপান জাতীয় জীবনের গুঢ় তত্ত্ব সবিশেষ অবগত হই-
য়াছে। তাই আজ জাপানের সর্বস্থানই সজীব। জাপানের চেষ্ঠা এই যে,
আবশ্যকীয় দ্রব্য মাত্রই জাপানে প্রস্তুত করিতে হইবে। বিদেশ হইতে
যত অল্প জিনিষ আনীত হয় ততই মঙ্গল। জাপান স্বাবলম্বন মন্ত্রে দীক্ষিত, এবং
জাপানের যুবকগণও নবীন উৎসাহে উৎসাহিত। বৎসর বৎসর অনেক
ধীমান যুবক রাজকোষ হইতে সাহায্য পাইয়া শিল্প শিক্ষার জগৎ বিদেশে
যাইতেছেন। ধনিসন্তানগণ নিজ ব্যয়ে দলে দলে জার্মানি ও আমেরিকা
প্রভৃতি বিশ্বকর্মার দেশে যাইয়া নানাবিধ কার্যে সুশিক্ষা লাভ করিতেছেন।
আমাদের যে ব্যক্তির বৎসরে ৩৬৫ টাকা আয় আছে, তাহার শ্যালক
পুত্রও ঘোর বাবু ও গর্কিত হন, এবং তাহার পরিচয়ে সকলেরই মুখে একই
কথা—ত্রিশ দিনে ত্রিশ টাকা!!! যাহার গ্রাসাচ্ছাদনের সামান্যরূপ সংস্থান
আছে, তাহার বাড়ীতে সকলেই ক্ষীতোদর, শীতাতপানহিষ্ণু, প্রবাস-ভীকু,
আলস্য পরায়ণ ও অকর্মণ্য। পুত্র, কন্যা, পৌত্র ও দৌহিত্রাদি ঘরে বসিয়া
মাথায় মাথায় চুকিতে থাকে, এবং পরস্পর গণ্ডগোলে অগ্নি উৎপাদন
করিয়া ও পরিশেষে মারামারি ও কাটাকাটি করিয়া সোণার সংসারকে
শ্মশানে পরিণত করে। এই প্রকারে কত সম্ভ্রান্ত পরিবার যে পথের ভিখারী
হইয়াছে, তাহার ইয়ত্তা নাই।

ভাত্ৰোহ ভারতের একটা প্রধান রিপু। জাপানে কেহই অপরের
অনিষ্ট চেষ্ঠা করে না। সকলেই স্বীয় স্বীয় কর্মে ব্যস্ত। অনলস কর্মপ্রাণ
জাপান যুবক মাতৃভূমির উন্নতিকল্পে আত্মোৎসর্গ করিতে আগ্রহান্বিত।
আমরা সংকল্পে নিশ্চেষ্ট, এবং পরস্পরের অনিষ্ট চিন্তায় আসক্ত। ইংরা-
জীতে একটা সুন্দর প্রবাদ প্রচলিত আছে—সয়তান অলস ব্যক্তির জন্ত সর্ব-
ক্ষণ একটা না একটা ছক্ষ্ম নির্দিষ্ট করিয়া রাখে। দেশে হুর্ভিক্ষ হইবে,
আর গবর্নমেন্ট চিরকালই আমাদেরকে রক্ষা করিতে বাধ্য থাকিবে,
এরূপ আশা করা নিতান্ত অগ্নায়। পরের দয়ার উপর জোর জবরদস্তি
নাই। গবর্নমেন্ট যদি পুনঃ পুনঃ বিরাট সাহায্য না করেন, তবে আমাদের
আর কি উপায়ে নিস্তার আছে? ভিক্ষা দেওয়া না দেওয়া যখন গৃহস্থের
ইচ্ছাধীন, তখন ভিক্ষা না পাইলে অহুতাপ করা নিরর্থক। যাহাতে ভিক্ষা
না করিতে হয়, তাহারই উপায় করা উচিত। কিন্তু এই উপায় চিন্তার

ভাগ করিয়া কেবল মাত্র গবর্ণমেন্টকে সকল দিকে গালি দিলে কোনই সমুপায় হইবে না। সংবাদপত্রের সম্পাদকেরা সময়ে অসময়ে, কারণ সত্ত্বে ও নিষ্কারণে গবর্ণমেন্টকে তিরস্কার করিয়া শান্তি লাভ করেন। কিন্তু ইহাতে উপকার না হইয়া অপকারই হইয়া থাকে। হোম চার্জ—কখন কেহ কাগজ কলমের দ্বারা নিবারণ করিতে পারিবে না। রাজকীয় উচ্চকর্মে ইংরাজ মণীষীগণ গবর্ণমেন্টের মেরুদণ্ড স্বরূপ অবশ্যই নিযুক্ত থাকিবেন। সুলভ পুণ্যের দ্বিজয় পতাকা সর্বত্র এবং সর্বকালে উড্ডীন থাকিবে। কেবল মাত্র আক্ষেপ উক্তি এবং লেখনী পরিচালনে অভাব মোচন হইবে না। কর্মক্ষেত্রে পুরুষত্ব দেখাইতে হইবে। শিল্প শিক্ষা, বাণিজ্যের বিস্তার, কৃষির উন্নতি প্রভৃতি বিষয়ে সম্যক যত্নশীল হওয়া আবশ্যিক। কিন্তু সকল সময়ে স্মরণ রাখা উচিত, যে কেবল কৃষির উন্নতি হইলেই, ছুঃখের অবসান হইবে না। কৃষি যাহাদের প্রধান উপজীবিকা, কোন কালে তাহারা সম্পূর্ণরূপে ছুঃখের আয়ত্বের বহির্ভূত হইতে পারিবে না। অনেকে মনে করিতে পারেন যে, দেশে যদি কৃষির উন্নতি দ্বারা প্রচুর শস্য উৎপন্ন করা যায়, তবে ছুঃখ কিরূপে হইতে পারে? ইহা সকলেই বোধ হয় লক্ষ্য করিয়াছেন, যে যখন যখন ছুঃখ হইয়াছে, তখন দেশ পালনোপযোগী শস্যও দেশে ছিল, ছুঃখের কালে কেবল শস্যের মূল্যেরই বৃদ্ধি হইয়া থাকে; এবং অর্থাভাবে নিম্ন শ্রেণীর লোকে শস্য ক্রয় করিতে পারে না। যাহার আর্থিক অবস্থা ভাল, সে কখনও ছুঃখের প্রাণবিসর্জন করে না।

আজ কাল যেরূপ রেলপথের বিস্তার হইয়াছে, তাহাতে একস্থানের শস্যাব্যবহারণের উপায় দ্বারা অতি অল্প সময়ের মধ্যে নিরাকৃত হইয়া থাকে। পূর্বকালে যে ছুঃখ হইত তাহাতে স্থানীয় শস্যাব্যবহারণের উপায় ছিল এবং প্রায়ই ঘটত। এক্ষণে সেরূপ শস্যাব্যবহারণ হইতে পারেনা, কেবল শস্য হুমূল্য হয়। ছুঃখ আর সুখ, যে দেশ হইতে সকল সময়ে চাউল, গম, বুট প্রভৃতি অজস্র রপ্তানি হইয়া থাকে, সে দেশে ছুঃখের শস্যের মহার্ঘতা একটা নিশ্চিত বিষয়। যদি বলি যে, ছুঃখের বৎসরে রপ্তানি স্থগিত করা কর্তব্য, অমনি চতুর্দিক প্রতিধ্বনিত হইবে “অবাধ বাণিজ্য!!। অবাধ বাণিজ্য!!!” সুতরাং দেশের ধনবৃদ্ধির উপায় ভিন্ন আর নিস্তার কিসে? শিল্প ও বাণিজ্য ব্যতিরেকে ছুঃখের ঘন ঘন আক্রমণ হইতে আত্মরক্ষার পন্থা কি আছে! যতই দেশে স্বার্থের অভাব হইবে, ততই

• ছুঃখের আবির্ভাবও নিরবচ্ছিন্ন ঘটবে। পূর্বেই বলিয়াছি,— কেবল গবর্ণমেন্টের দোষ দিয়া নিরস্ত থাকিলে চলিবে না। গবর্ণমেন্ট বলিতেছেন, “আমরা যথেষ্ট করিয়াছি এবং করিতেছি—দেশে শান্তি আনিয়াছি—যাহাতে আপামর সাধারণ সুশিক্ষা পায়, তাহার ব্যবস্থা করিয়াছি, এবং আমাদের অধ্বাসায় তোমাদের সমক্ষে দৃষ্টান্ত স্বরূপ ধরিয়া রাখিয়াছি। তোমরা চেষ্টা কর সুফল পাইবে, স্বাবলম্বন মহামন্ত্রে দীক্ষিত হও, ‘দেহি দেহি’ শব্দ ত্যাগ কর, শিক্ষা বৃত্তিকে ঘৃণা করিতে শিখ”। আমাদের ছুঃখ ও আলস্য সমস্ত বিনষ্ট হইতেছে, এবং সোণার ভারতে আমরা সোণা ছাড়িয়া কেবল মাটির বোঝা বহিয়া মরিতেছি। কত শত দিকে কত শত প্রকার অর্থাগমের উপায় আছে, তাহা দেখিয়াও দেখি না। এতলে একটা সুন্দর গল্প মনে পড়ে। গ্রীষ্মকালে সন্ধ্যায় সূর্যের কিরণরাশি অগ্নিকূলিকে তিরস্কার করিতেছে, এমন সময়ে হরপার্বতী এক গ্রামের মধ্যে দিয়া যাইতেছেন। অদূরে এক ভিক্ষুক দেখিয়া তাহারা উভয়ে বৃক্ষতলে দণ্ডায়মান হইলেন। ভিক্ষুক সবল ও প্রৌঢ়বয়স্ক, হস্তে ভিক্ষা-পাত্র, এবং তাহাতে মুষ্টিময় চাউল আছে। ভিক্ষুককে দেখিয়া পার্বতী হরকে বলিলেন, “হে দেবাদিদেব! তোমার দয়া বিচিত্র! কেহ বা অট্টালিকায় শয়নে, এবং অসংখ্য বিলাস সম্ভোগে আপ্যায়িত, কেহ বা এই প্রথর রৌদ্রে এক মুষ্টি ভিক্ষার জন্ত বস্মাক্ত কলেবরে দ্বারে দ্বারে বেড়াইয়া নিতান্ত পরিশ্রান্ত। কেহ বা সুখে বিভোর, কেহ বা ছুঃখে ভর্জিত। কেন একরূপ অসম ব্যবহার?” মহাদেব উত্তর করিলেন—“দেবি, আমার দয়া সর্বত্রই সমান। ভোগ-সুখের উপায় সকলের সমক্ষেই বিস্তৃত রহিয়াছে। কেহ বা চেষ্টা ও কর্ম দ্বারা সুখলাভ করে, আর অল্প মন্দধীগণ অবহেলা করিয়া দুর্দশাগ্রস্ত হয়। শেষোক্ত ব্যক্তিগণের দক্ষিণ হস্তের উপান্তে রত্নভাণ্ডার থাকিলেও তাহারা ঐ রত্ন গ্রহণ করিতে সক্ষম হইবে না।” এই বলিয়া, মহাদেব পৃথিবীতে সহস্র মুদ্রাপূর্ণ এক ভাণ্ড রাখিলেন। ভিক্ষুক দূর হইতে দেখিল যে, অপরূপ কান্তি ছুই জন স্ত্রী পুরুষ বৃক্ষতলে দণ্ডায়মান। সে তখন ভাবিল যে, ইহারা নিশ্চয়ই বিপুল ধনের অধীশ্বর, সুতরাং অন্ধ হইয়া ভিক্ষা মাচঞা করিতে করিতে চলিলে, ইহাদের আর দয়ার সীমা থাকিবে না। আজ অভিনাষ পূর্ণ করিয়া জীবনের সঞ্চয় করিয়া লইব, এই সঙ্কল্প করিয়া ভিক্ষুক ছুই চক্ষু মুদ্রিত করিয়া অন্ধতার ভাগ করিল, এবং চীৎকার করিতে করিতে হরপার্বতীর

সম্মুখ দিয়া চলিয়া গেল । তখন হরপার্বতী রত্নভাণ্ডার প্রত্যাহার করিয়া অন্তর্হিত হইলেন ।

শ্রীকালীপ্রসন্ন চট্টরাজ ।

জয়া ।

পঞ্চম পরিচ্ছেদ ।

জয়পাল দিল্লী হইতে নির্ঝিমে যশস্বী প্রত্যাগমন করিয়া তিনি কিরূপে আলাউদ্দীনের জীবন বিনাশের জন্ত অলক্ষ্যে বাণ নিক্ষেপ করিয়াছিলেন এবং আলাউদ্দিনও শরাঘাতে আহত হইয়া ভূপতিত হইয়াছিলেন, তৎসমুদায় বিবৃত করিলেন । খিলিজী সম্রাটের মৃত্যু হইলেই যে রতনসিংহের মুক্তি হইবে, এ বিশ্বাস তাঁহাদের হৃদয়ে বদ্ধমূল হইয়াছিল । এক্ষণে সোৎসুকমুখে তাঁহারা চিতোররাজের অবরোধ মোচন প্রতীক্ষা করিতেছিলেন । এমন সময়ে রতন সিংহের নিকট হইতে পত্র আসিল, রাজপুত্ররাজ জয়াকে তিলান্বিত বিলম্ব না করিয়া দিল্লীগমন করিতে আদেশ করিয়াছেন । প্রেমিক যুগলের হৃদয়াকাশে যে ক্ষীণ আশালোকের সঞ্চার হইয়াছিল, সহসা তাহা ঘোর বিবাদ তমসে অচ্ছন্ন হইল । এই আকস্মিক দুঃসংবাদে সকলেই চিন্তান্বিত ও কিংকর্তব্যবিমূঢ় হইয়া পড়িল । জয়ার আত্মীয়গণ কুলে কলঙ্ক-কালিমা স্পর্শের ভয়ে ব্যাকুল হইয়া জয়াকে দেবালয়ে আত্মবলি দিয়া বংশমর্যাদা রক্ষা করিতে অনুরোধ করিতে লাগিলেন । তাঁহাদের এই নিদারুণ বাক্য শুনিয়াও জয়া প্রশান্ত বদনে কহিলেন, “আপনারা নিশ্চিন্ত হউন, যখন দেখিব আর কোন উপায় নাই, তখন নিশ্চয়ই আমি এ প্রাণ পরিত্যাগ করিব, তথাপি পবিত্র রাজপুত্রকুলে কলঙ্করেখা স্পর্শ করিতে দিব না । কিন্তু এখনও বিপদ দূরে—এখনও আমার প্রিয়তম জয়পাল নিকটে থাকিয়া আমার রক্ষণাবেক্ষণ করিতেছেন, সুতরাং বৃথা ভয়ে ভীত হইয়া কেন এ জীবন পরিত্যাগ করিব ?”

তখন সকলে একমত হইয়া শীঘ্র জয়পালের সহিত জয়ার বিবাহ দিতে মনস্থ করিলেন এবং তজ্জন্ত আয়োজনও হইতে লাগিল । পরে বিবাহের দিন চতুর্দিক হইতে সহস্র সহস্র ব্রাহ্মণ সমাগত হইলেন । জয়ার

মাতুল কন্যা সমর্পণ করিলেন এবং রীতিমত বিবাহকার্য সম্পন্ন হইল । এই ঘোর বিষাদেও দম্পতিযুগলের বদনমণ্ডল আনন্দশ্রী ধারণ করিল ।

বিবাহের পরদিবস জয়া বেশ পরিবর্তনের জন্ত একটি প্রকোষ্ঠে গমন করিয়া পার্শ্বস্থ গৃহে দুই জন ব্যক্তির অনুচ্চকণ্ঠস্বর শুনিতে পাইলেন এবং এই কথোপকথনের মধ্যে স্বীয় নাম ও জয়পালের বিষয় শ্রবণ করিয়া উৎসুক হইয়া কি কথাবার্তা হইতেছে, তাহা শুনিতে লাগিলেন । কণ্ঠস্বরে বুঝিতে পারিলেন যে, তাঁহার মাতুল ও মাতুলানী তাঁহাদেরই সম্বন্ধে পরামর্শ করিতেছেন । জয়ার মাতুল তাঁহার পত্নীকে জিজ্ঞাসা করিতেছেন—

“জয়া কোথায় ?”

তাঁহার পত্নী উত্তর করিলেন, “তাঁহার অন্য দিকের বারাণ্ডায় আছে ।”

“নিশ্চয় বলিতেছ ?”

“হাঁ নিশ্চয়ই । আমি এই মুহূর্ত্তে দেখিয়া আসিলাম, নব দম্পতী কথোপকথনে অতিশয় মত্ত । সম্ভবতঃ তাঁহারা এখন সেই স্থানেই থাকিবে ।”

“এ বিবাহ সম্বন্ধে তোমার মত কি ?”

“এ বিবাহের লক্ষণ শুভ নহে । যতদিন জয়া জীবিত থাকিবে, ততদিন দিল্লীর সম্রাট তাহাকে হস্তগত করিবাব চেষ্টা করিবে, সুতরাং আমাদের কুলে কলঙ্কসঞ্চার অবশ্যস্বাবী ।”

“তবে দুই জনেরই বিনাশ সাধন করা কর্তব্য । কেন না, জয়পাল জীবিত থাকিলে অবশ্যই ইহার জন্ত প্রতিহিংসা গ্রহণ করিবে ।”

“জয়পাল প্রকৃত রাজপুত্র—মরণে তাঁহার ভয় নাই—মৃত্যু তাঁহার ক্রীড়ার সামগ্রী ।”

“কিন্তু উহাদের বিনাশ সাধনের উপায় কি ?”

“উপায় আমি স্থির করিয়া রাখিয়াছি, কল্যাণ আহারের সময় আমি তাঁহাদের খাদ্যে বিষ মিশ্রিত করিয়া দিব এবং সন্দেহ নিরাকরণের জন্ত সেইরূপ খাদ্য তোমার জন্যও স্থাপিত হইবে, কেবলমাত্র তাঁহাতে বিষ থাকিবে না । তাঁহারা এক্ষণে আনন্দে উন্মত্ত, সুতরাং এ বিষয়ে কিছুমাত্র সন্দেহ না করিয়া সেই বিষ মিশ্রিত খাদ্য আহার করিবে এবং আমাদেরও উদ্দেশ্য সিদ্ধ হইবে ।”

এবম্প্রকার কথোপকথন শ্রবণ করিয়া করিয়া ক্রোধ, ভয় এবং ঘৃণায় জয়ার সর্বশরীর রোমাঞ্চিত হইয়া উঠিল, এবং পাছে কেহ দেখিতে পায়, এই আশঙ্কায় গৃহস্থিত একটা তক্তপোষের নীচে লুকায়িত হইলেন এবং

তাহার উপর একরূপ ভাবে একখানি কাপড় ফেলিয়া দিলেন যে, কেহ তাহার ভিতর লুকাইয়া আছে, তাহা সহজেই জানিতে পারা যায় না। পরক্ষণেই জয়ার কক্ষের দ্বারে পদধ্বনি শ্রুত হইল, এবং জয়ার মাতুল কক্ষের মধ্যে ইতস্ততঃ দৃষ্টি নিক্ষেপ করিয়া কাহাকেও দেখিতে না পাইয়া নিঃশঙ্কচিত্তে ষড়যন্ত্র নিরাপদ ভাবিয়া তথা হইতে প্রস্থান করিলেন।

তৎপরে জয়া ধীরে ধীরে কক্ষ হইতে বাহির হইয়া জয়পালের নিকট গমন করিলেন, এবং তাঁহাকে সমস্ত ঘটনা আমূল বর্ণনা করিলেন। ক্রোধে জয়পালের সমস্ত শরীর জ্বলিয়া উঠিল, নয়নযুগল হইতে অগ্নিস্ফুলিঙ্গ নির্গত হইতে লাগিল। তিনি তৎক্ষণাৎ ষড়যন্ত্রকারীদিগকে সমুচিত প্রতিফল দিতে বাইতেছিলেন। কিন্তু জয়া তাঁহাকে নিবারণ করিয়া বলিলেন—“জয়পাল! এ ক্রোধের সময় নহে, আনাদিগকে কৌশলে কার্য্যসিদ্ধি করিতে হইবে, তোমার ও মাতুলের খাদ্য একপ্রকার হইবে, স্তত্রাং কৌশলক্রমে সেই খাদ্যের পরিবর্তন করিতে পারিলে, বিষ মিশ্রিত খাদ্য ভক্ষণ করিয়া মাতুল মৃত্যুমুখে পতিত হইবেন, এবং তাঁহার পত্নীকে তাঁহার অন্তিমুতা হইতে হইবে, স্তত্রাং অনায়াসেই আমাদের প্রতিহিংসা চরিতার্থ হইবে।”

জয়পাল এ প্রস্তাবে সম্মত হইলেন এবং দাবানল পরিপূরিত প্রশান্ত সাগরের ন্যায় বাহ্যকৃত্তিতে হৃদয়ভাব গোপন করিয়া জয়ার আত্মীয় ও অন্ত্রাণ নিমন্ত্রিত ব্যক্তিবর্গের সহিত মহাসম্মুখে কথোপকথন করিতে লাগিলেন। প্রথমে অভ্যাগত ব্যক্তিবর্গের সম্মান জন্য ঐকতান বাদ্য আরম্ভ হইল। পরে স্তত্রাং যোড়শী নর্ত্তকীগণের নৃত্যগীতে সকলেই মুগ্ধ হইলেন। পরিশেষে বাজুকরেরা আমিয়া নানাবিধ ভোজবিদ্যা দ্বারা সকলের চিত্তবিনোদন করিল। প্রথমে তাহারা একটি লোককে খণ্ড খণ্ড করিয়া তাহার উপর একখানি চাদর দিয়া মাটিতে রাখিয়া দিল ও কিছুক্ষণ পরে চাদরখানি অপসারিত হইলে সেই লোকটি স্থস্থ শরীরে উঠিয়া দাঁড়াইল। বোধ হইল, যেন তাহার শরীরে আঁচড়টি পর্য্যন্ত লাগে নাই। তদনন্তর দুইটি পটমণ্ডপ নির্মাণ করিয়া প্রত্যেকটিতে এক একটি লোক প্রবেশ করিল এবং সমাগত জনগণকে সম্বোধন করিয়া কহিল, “আপনারা যে জন্তু দেখিতে চাহিবেন, আমরা তাহাই দেখাইব।” তৎপরে দর্শকগণ যাহার যাহা ইচ্ছা, সেই সেই জন্তু দেখাইতে আদেশ করিলেন, ঐন্দ্রজালিকেরা একে একে তাহাই দেখাইতে লাগিল। এইরূপে তাহারা

নানা প্রকার কোতুক প্রদর্শন করিতে লাগিল। পরে জয়ার মাতুল সকলকে আহারের জন্য আহ্বান করিলেন। নিমন্ত্রিতগণ সকলে যথাযোগ্য স্থানে উপবেশন করিলেন। এই গোলমালে জয়পাল খাদ্যের পরিবর্তন করিয়া লইলেন এবং সন্দেহ দূর করণের জন্তু স্তত্রাং আগ্রহের সহিত আহার করিতে লাগিলেন। জয়ার মাতুলও অসদ্বিক্রম চিত্তে আহারে প্রবৃত্ত হইলেন। কেবল জয়া খাদ্য দ্রব্য স্পর্শ করিলেন না। ইহা দেখিয়া তাঁহার মাতুলপত্নী তিরস্কার করিয়া কহিলেন, “জয়া এই প্রকারে কি তুমি নিমন্ত্রিতগণের অভ্যর্থনা করিবে? তুমি আহার না করিলে সকলেই ক্ষুধা ও অপমানিত বিবেচনা করিবেন।”

জয়া। “এই খাদ্য দ্রব্যে কেমন একটা গন্ধ। আমার ইহা ভাল লাগিতেছে না।”

“সে কি? তুমি ইহা ভালবাস বলিয়া তোমার জন্যই প্রস্তুত হইয়াছে। বিশেষত আমি স্বহস্তে পাক করিয়াছি। আমার বোধ হইতেছে, ইহা অতি উপাদেয় হইয়াছে।”

“যদি অতি উপাদেয়ই বিবেচনা কর, তুমিই ইহা ভক্ষণ কর।” তখন জয়ার মাতুলানীর মুখ বিবর্ণ হইল। তিনি বুঝিতে পারিলেন যে, তাঁহার ষড়যন্ত্র ধরা পড়িয়াছে। এদিকে তাঁর বিষের প্রভাবে জয়ার মাতুল অল্পক্ষণ মধ্যেই হতচেতন হইয়া পড়িলেন এবং পঞ্চম প্রাপ্ত হইলেন। তখন সমস্তই বিশৃঙ্খল হইয়া পড়িল। এই আকস্মিক মৃত্যুতে সমাগত ব্যক্তিবর্গ সকলেই বিচলিত হইলেন। কেহই কোন কারণ অবধারণ করিতে পারিলেন না। মৃতের পত্নীও লোকলজ্জা ভয়ে কিছুই প্রকাশ করিতে পারিলেন না। তখন সকলে দৈব বিড়ম্বনা মনে করিয়া সংকার জন্তু মৃতদেহ নদীতীরে লইয়া গেল। ব্রাহ্মণগণ মৃতের পারলৌকিক স্থথের জন্তু ঈশ্বরের নিকট প্রার্থনা করিতে লাগিলেন। জয়ার মাতুল পত্নীকেও সহমরণের জন্য প্রস্তুত হইতে হইল। ভয়ঙ্কর শ্মশানদৃশ্য মনে করিয়া তিনি প্রথমে বাইতে অস্বীকার করিলেন। পরে লোকগণনা ভয়ে ব্রাহ্মণগণ তাঁহাকে বাইতে বাধ্য করিল। চিতার উপর মৃতদেহ স্থাপন করিয়া চিতাকাঠে তাঁহাকে বদ্ধ করিল এবং পরে অগ্নি সংযোগ করা হইল। দেখিতে দেখিতে চিতানল ধূ ধূ করিয়া জ্বলিয়া উঠিল। হতভাগিনীর চীৎকার সেই শব্দে মিশিয়া গেল। পাপের প্রায়শ্চিত্ত হইল।

ষষ্ঠ পরিচ্ছেদ ।

এক্ষণে রতনসিংহের আদেশই নর দম্পতীর একমাত্র উদ্দেশ্যের কারণ হইল । কিরূপে কৌশলে আলাউদ্দিনকে প্রতারিত করিয়া চিতোর-রাজের উদ্ধার সাধন করিবেন, সতত তাহাই চিন্তা করিতে লাগিলেন । পরিশেষে জয়া দিল্লী গমনের অভিপ্রায় ব্যক্ত করিয়া পিতাকে এক পত্র লিখিলেন । রতনসিংহ সম্রাটকে পত্রের মর্ম্ম জ্ঞাপন করিলে দিল্লীধর পুনরায় রতন সিংহের সহিত সাক্ষাৎ করিয়া কহিলেন, “হিন্দুরাজ ! এতদিন পরে তুমি আমার অভিলাষ পূর্ণ করিতে সম্মত হইয়াছ । তোমার কণ্ঠা দিল্লীধরী হইবে, ইহা কম সৌভাগ্যের বিষয় নহে এবং তোমাকেও আমি দিল্লীর অমাত্যগণের মধ্যে সর্বোচ্চ পদে প্রতিষ্ঠিত করিব ।”

বিনীতভাবে রতনসিংহ উত্তর করিলেন “দিল্লীধর ! আমি অত্র সম্মানের প্রার্থী নহি । কেবল স্বাধীনতার জন্য আমাকে এই ঘোর অপমানাজনক কার্যে সম্মত হইতে হইল ।”

তোমার কণ্ঠা দিল্লীর প্রাকারের মধ্যে আসিলেই তুমি স্বাধীন হইবে, কিন্তু তোমার কণ্ঠা কখন আসিবে, জানিতে চাই ।”

যবনরাজ ! শুনিলাম, আমার কণ্ঠার বিবাহ হইয়াছে, স্তত্রাং সে পরাধীনা । তাহার স্বামীর অনুমতি ভিন্ন কখনই সে আসিবে না । কিন্তু জয়া রাজপুত কণ্ঠা, কখন পিতার আজ্ঞা লঙ্ঘন করিবে না ।”

রতন সিংহের কথায় আলাউদ্দিনের মনে সন্দেহ হইল । তিনি ভাবিলেন, চতুর রাজপুত তাঁহার সহিত চাতুরী করিতেছে । তজ্জন্ত গম্ভীর হইয়া বলিলেন, “রাজপুত ! যদি তোমার কণ্ঠা অদ্য হইতে সাতদিনের মধ্যে না আইসে, তাহা হইলে তোমার প্রাণদণ্ড হইবে ও তোমার রাজ্য ছারখার করিব ।”

এই বলিয়া সম্রাট উত্তরের প্রতীক্ষা না করিয়া প্রস্থান করিলেন । রাজপুতরাজও ভাবিতে ভাবিতে প্রহরী বেষ্টিত হইয়া কারাভ্যন্তরে প্রবেশ করিলেন । ইহার পর চারিদিন গত হইল । পাছে জয়া তাঁহার আজ্ঞা পালন না করে, এই ভয়ে রতন সিংহ ভীত হইলেন । তাঁহার কারাবন্দনা দ্বিগুণ কষ্টদায়ক হইয়া উঠিল । এমন সময়ে একজন রাজপুত সৈন্য জয়ার নিকট হইতে সংবাদ লইয়া আসিল । পত্রে চিতোররাজ জানিতে পারিলেন যে, জয়া পরদিন অপরাহ্নে দিল্লীতে উপনীত হইবে এবং তাহাতে কৌশলে তাঁহার মুক্তির আভাষ ছিল । পত্রানুসারে তিনি সম্রাটের নিকট

জয়া ও তাহার সঙ্গিগণের নির্দিষ্টে নগর প্রবেশের আদেশ প্রাপ্ত হইলেন ।

এদিকে দিল্লীধর এই সংবাদ পাইয়া আনন্দে উৎফুল্ল হইলেন । অধীর হইয়া কল্পনার নেত্রে কত সম্মোহন ছবি দেখিতে লাগিলেন । বিস্তৃত রাজ-প্রাসাদের একাংশ সাজ্জত করিবার জন্ত আদেশ দিলেন এবং স্বয়ং নানা প্রকার বেষ্ট্রভূষা করিয়া সোৎসুক নেত্রে জয়ার আগমন প্রতীক্ষা করিতে লাগিলেন । জয়ার অভ্যর্থনার জন্ত একদল সশস্ত্র সৈন্য নগরের বহিঃভাগে সংরক্ষিত হইল । তিনি রতন সিংহকেও অনেকটা স্বাধীনতা প্রদান করিলেন । দিল্লীর নানাস্থানে মহোৎসব হইতে লাগিল ।

নির্দিষ্ট সময়ে একজন দূত আসিয়া জয়ার আগমন সংবাদ জ্ঞাপন করিল । এবং জানাইল যে, জয়া প্রথমতঃ পিতার সহিত সাক্ষাৎ করিবার প্রার্থনা করিতেছেন । রক্ষিবর্গ সম্রাটের বিরাগোৎপাদনের ভয়ে কোনও আপত্তি না করিয়া তাহাতে সম্মত হইল । দেখিতে দেখিতে একশত শিবিকা দিল্লীর ভিতরে প্রবেশ করিয়া রতন সিংহের কারাগারের দিকে বাইতে লাগিল । প্রত্যেক শিবিকা একজন করিয়া আরোহী ও চারিজন বাহক ও দুইজন সশস্ত্র রক্ষি-পরিবেষ্টিত । শিবিকার অভ্যন্তরে স্ত্রলোকের পরিবর্তে রাজপুত বীরগণ অস্ত্র শস্ত্রাদি লইয়া অবস্থান করিতেছিলেন । বাহকগণও শিবিকা ছাড়িয়া তরবার গ্রহণ করিল ও জয়পালের আদেশে কারাগৃহের রক্ষিবর্গের উপর পতিত হইয়া মুহূর্ত্ত মধ্যে সকলকে বিনাশ করিল । রতন সিংহও পূর্ব হইতে প্রস্তুত হইয়াছিলেন । তিনিও স্বভাবজ আলস্য পরিত্যাগ করিয়া অস্ত্রগ্রহণ করিলেন । এই কার্য একরূপ নিস্তরঙ্গতার সহিতই সম্পন্ন হইল । এবং রতন সিংহের কারাগৃহ নগরের প্রান্তভাগে স্থাপিত হওয়ায় তখন কোন প্রকার গোলযোগ হইল না । তৎপরে জয় সিংহ, রতন সিংহ ও জয়াকে মধ্যে রাখিয়া সাতশত রাজপুত সৈন্য লইয়া প্রবল বেগে নগর দ্বারের বাহিঃস্থিত সৈন্যগণকে আক্রমণ করিলেন । অতর্কিত ভাবে আক্রান্ত হওয়াতে মুসলমানগণের অধিকাংশ হত হইল ও অবশিষ্টাংশ পলায়ন করিল । অদূরেই তিনটি অশ্ব সাজ্জত ছিল । জয়পাল, জয়া, ও রতন সিংহ তাহাতে আরোহণ করিয়া তীরবেগে দিল্লী হইতে বাহির হইলেন । এবং ঐ সাতশত রাজপুত সৈন্য ক্ষুদ্র ক্ষুদ্র দলে বিভক্ত হইয়া বিভিন্ন দিকে রাজপুতানা অভি-মুখে গমন করিল । তদনন্তর মধ্যেই জয়ার ও রতন সিংহের পলায়ন দিল্লী-

স্বরের শ্রুতিগোচর হইল। তাঁহার সূখের স্বপ্ন ভঙ্গ হইল। পলাতকগণের অনুসরণার্থ চতুর্দিকে সৈন্যদল প্রেরিত হইল। কিন্তু এইরূপে প্রতারণিত হওয়াতে হর্ষবিষাদে আলাউদ্দিনের মস্তিষ্কের বিকৃতি ঘটিল। তিনি প্রতি-হিংসার জন্য চীৎকার করিতে লাগিলেন এবং পরিশেষে তাঁহার অবস্থা এরূপ হইল যে, তাঁহাকে বন্ধ করিয়া রাখা আবশ্যিক হইল।

এদিকে জয়পাল পঞ্চাশৎ সৈন্য সমভিব্যাহারে নির্ঝিল্লি হইতে বাহির হইয়া প্রায় বিংশ ক্রোশ দূরে একটি পর্বতে বিশ্রামার্থ অশ্ব হইতে অবতরণ করিলেন। সেই দিবস রাত্রে একজন সৈনিক আসিয়া সংবাদ দিল যে, প্রায় দুইশত মুসলমান সৈন্য পর্বতের অতিদূরে আসি-তেছে। শুনিয়া মাত্র জয়পাল একটি অন্ধকারময় স্থানে পঞ্চবিংশতি জন রাজপুত্র সৈন্য রাখিয়া স্বয়ং অবশিষ্টগণ সহ একটি উন্নতপ্রদেশে আরো-হণ করিয়া যবনদিগের গতিবিধি পর্যবেক্ষণ করিতে লাগিলেন। মুসল-মান সেনাদল দুই দলে বিভক্ত হইয়া অগ্রপশ্চাৎ আসিতেছিল। নিকটস্থ হইবামাত্র প্রথম দলের পঞ্চবিংশতি জন গুপ্তস্থান হইতে নিক্ষিপ্ত তীরের আঘাতে হতাহত হইল। অবশিষ্টেরা পশ্চাৎ হটিয়া গিয়া দ্বিতীয় দলের সহিত মিলিত হইয়া পূর্বাশ্রয় সতর্কতার সহিত আসিতে লাগিল। কিন্তু এবারও পর্বতের সমীপে উপস্থিত হইবা মাত্র পূর্বের স্থায় অনেক সৈন্য হতাহত হইল। কোথা হইতে তীর আসিতেছে, নির্ধারণ করিতে না পারিয়া, যবন সেনাগণ কিংকর্তব্যবিমূঢ় প্রত্যাভর্তন করিবার মনস্থ করিল। কিন্তু শত্রুদল সংখ্যায় অল্প, ইহা অবধারণ করিতে পারিয়া প্রবল-বেগে পর্বত সমীপে উপনীত হইল এবং একটি পার্কৃত্যপথ দেখিতে পাইয়া তদ্বারা উপরে উঠিবার চেষ্টা করিতে লাগিল। এই সময়ে জয়পাল স্বীয় দলবল লইয়া তাহাদিগকে আক্রমণ করিলেন। অপর দলও পশ্চা-দ্দিক হইতে মুসলমানদিগকে আক্রমণ করিল। যবনদল পূর্ব হইতেই ভীত হইয়াছিল। এক্ষণে এই আক্রমণ বেগ সহ করিতে না পারিয়া ছত্রভঙ্গ হইয়া পলায়ন করিল। তাহাদের অনেকেই হতাহত হইল। অতঃপর জয়পাল নির্ঝিল্লি চিত্তোরে উপনীত হইলেন ও সম্রাটের সহ যুদ্ধ অবশ্য-স্তাবী মনে করিয়া তজ্জগু প্রস্তুত হইতে লাগিলেন। কিন্তু অল্পকাল মধ্যেই আলাউদ্দিনের মৃত্যু হওয়ায় রাজ্যে অরাজকতা ঘটিল, জয়পালও নিষ্কণ্টক হইলেন। রতনসিংহ মুসলমান করে কথ্য সমর্পণে প্রতিশ্রুত

হইয়াছিলেন বলিয়া পাপের প্রায়শ্চিত্ত স্বরূপ রাজ্যভার জয়পালের হস্তে সমর্পণ করিয়া নিজে অবসর লইলেন। তিনি বনগমনের অভিপ্রায় ব্যক্ত করিলেন, কিন্তু জয়া ও জয়পাল কিছুতেই তাহাতে সন্মত হইলেন না। একান্ত অনুরক্ত হইয়া তিনি রাজপ্রাসাদেই বাস করিতে লাগিলেন। অল্পদিন পরেই ক্ষুদ্র শিশুর হাস্যে রাজভবন পরিপূরিত হইল।

সম্পূর্ণ।

শ্রীদেবিদাস চট্টোপাধ্যায়।

এ হেন বারতা তুলোনা ।

(৫)

যে হাসি গরবে কমলিনী মরে,
সে হাসি কি প্রিয়া জানে না ?
পাছে সে ভ্রমর দংশয়ে অধরে
তাই ভেবে প্রিয়া হাসে না ।

২

যে তারার হারে নিশা-দেবী সাজে,
সে কি তা সাজিতে পারে না ?
কোমল কুসুম পাছে ব্যথা পায়,
তাই ভেবে মালা পরে না ।

(৩)

কমলিনী সুখী ভ্রমর ঝঞ্ঝারে
তারে কি তা ভাল লাগে না ?
ভানু ডুবে যায় যখন সে হাসে,
ভ্রমর তখন জাগে না ।

(৪)

চকিত হরিণী যে নয়নে চায়,
সে কি সে নয়নে দেখে না ?
ব্যাধের তাড়না সহেনি বলিয়ে
তাই মনে ভয় রাখে না ।

যে রবে কোকিল কাননশ্রাতায়,
সে কি তা গাহিতে জানে না ?
পাছে সে কোকিল শুনে লাজ পায়
তাই ভেবে প্রিয়া গাহে না ।

(৬)

যে সুধার ধারা সুধাকর ঢালে,
সে কি তা ঢালিতে পারে না ?
পাছে সে চকোর করে জালাতন,
তাই ভেবে দান করে না ।

(৭)

কুসুমের বনে ভাসে পরিমল
সে কি তা ভাসাতে পারে না ?
পাছে সে পবনে ফুল ভেসে যায়,
ভাল বুঝে সেথা আসে না ।

(৮)

কলঙ্কী চন্দ্রমা, পঞ্চজ কমল,
সে মুখে এ মূল তুল না !—
সে যেন শুনে না কেন্দ্রে মরে যায়,
এ হেন বারতা তুলো না !
শ্রীমহম্মদ জাঙ্গীজ উম্ সোভান ।
সিউড়ী ।

জীবনী সংগ্রহ ।

স্বর্গীয় দ্বারকানাথ বিদ্যাভূষণ ।

কলিকাতার খিদিরপুর হইতে আন্দাজ ৪ ক্রোশ দক্ষিণ চাঙ্গাড়িপোতা নামক স্থানে এই মহাপুরুষ সন ১২২০ সালে জন্মগ্রহণ করেন। ইহার পিতার নাম ৮ হরচন্দ্র ন্যায়রত্ন ।

শ্রায়রত্ন মহাশয়ের জ্যেষ্ঠ পুত্রই আমাদের পণ্ডিত দ্বারকানাথ ছিলেন। পরন্তু দ্বারকানাথের আর কয়েক ভ্রাতা এবং ভগ্নী ছিল। ইহার পিতার আর্থিক অবস্থা তত ভাল ছিল না। কিন্তু তিনি দেবভাব সম্পন্ন ব্রাহ্মণ ছিলেন। দ্বারকানাথের পিতা গ্রাম্য পাঠশালার গুরুমহাশয় ছিলেন। তন্নিম্ন ব্রাহ্মণ পণ্ডিতের বৃত্তি দ্বারাও কিছু কিছু পাইতেন।

পণ্ডিত দ্বারকানাথ প্রথমে পিতার পাঠশালে পাঠ সমাপ্ত করিয়া তৎপরে কলিকাতার সংস্কৃত কলেজে বিদ্যাভ্যাস করেন। ইহার সময় সংস্কৃত কলেজে ইংরাজী শিক্ষা দিবার নিয়ম ছিল না। তাহা না থাকিলেও মধ্য বয়সে নিজের অধ্যবসায় গুণে বাড়ীতে বসিয়া ইংরাজী পড়িয়া উৎকৃষ্ট ইংরাজী শিখিয়াছিলেন। ইনি সংস্কৃত কলেজ হইতে বিদ্যাভূষণ উপাধি লাভ করিয়া তখনকার ফোর্ট উইলিয়ম কলেজে একটি সামান্য পণ্ডিত রূপে তথায় কিছু দিন চাকুরী করেন। তৎপরে উক্ত কলেজ ছাড়িয়া দিয়া সংস্কৃত কলেজে অধ্যক্ষের সহকারী পদে নিযুক্ত হইলেন। ক্রমে ইনি সংস্কৃত কলেজের সংস্কৃত ব্যাকরণ এবং সাহিত্যের অধ্যাপক হইয়াছিলেন। এই কার্যে ইনি বহুদিন নিযুক্ত ছিলেন। এক্ষণে বিদ্যাভূষণ মহাশয়ের গুণের বিষয় সংক্ষেপে জানাইতেছি। পাঠক মহাশয় এ প্রবন্ধে দেখিতে পাইবেন যে, গুণের সঙ্গে কার্যের অথবা কার্যের সঙ্গে গুণের কেমন সুন্দর সম্বন্ধ। তাঁহার প্রধান গুণ ছিল,—

শ্রমশীলতা ।

এই জন্য তিনি বহুকাল একরূপ স্বাস্থ্যে ছিলেন, সর্দি জ্বর ইত্যাদি পীড়া ছিল না। ২৫ বৎসরের মধ্যে সংস্কৃত কলেজে ২৫ দিনও ছুটি লয়েন নাই। ঝড় বৃষ্টি, হর্ষ শোক, যাহা কিছু সংসারের বাধা বিঘ্ন পড়ুক না কেন, ইনি সে সমুদয় কাটাঁইয়া ত্রিক নিয়মিত সময়ে সংস্কৃত কলেজে নিজের কার্যে

উপস্থিত হইতেন। এবং শেষদশায় বৃদ্ধ বয়সেও সকলকে সর্বদাই বলিতেন,—

“উদ্যোগিনং পুরুষ সিংহ মুপৈতি লক্ষ্মীঃ ।” অর্থাৎ উদ্যোগী পুরুষকেই লক্ষ্মী আলিঙ্গন করিয়া থাকেন। আরো বলিতেন, “আমি চোর ডাকাতকে যত ঘৃণা না করি, তাহাপেক্ষা আলসে অকর্মণ্য কুড়ে লোকদিগকে ঘৃণা করিয়া থাকি।”

সংস্কৃত কলেজের চাকুরী পূর বিদ্যাভূষণ মহাশয়ের সংসারে ভ্রাতা ভগ্নী, পুত্র কন্যা প্রভৃতিতে একটি বৃহৎ পরিবার হইয়াছিল। কিন্তু প্রত্যহ নিজে অতি প্রত্যুষে গাত্রোথান পূর্বক পরিবারস্থ সকলকেই জাগাইতেন। ইহার আর একটি গুণ ছিল,—

গান্ধীর্ষ্য ।

এই গুণের জন্য ইনি নাটক নভেল গ্রন্থ কখনই পাঠ করেন নাই। উক্ত পুস্তক সকলে ছেলে খেলার কথা লিখিত হয়, উহা আবার লোকে পড়ে, ইহাই তাঁহার সংস্কার ছিল। কিন্তু ইতিহাস, জীবন-চরিত, মনো বিজ্ঞান এবং ধর্মগ্রন্থ পাঠ করিতে তাঁহার বড়ই আগ্রহ ছিল। কোন হালকা বিষয় পড়িয়া তিনি তৃপ্তি পাইতেন না। লেখা পড়া করা তাঁহার জীবনের এক মহাব্রত ছিল। কখন অস্থায় রূপে সময় নষ্ট করিতেন না; কলেজ হইতে আসিয়া হয় পুস্তক পাঠ, না হয় প্রবন্ধ রচনা করিতেন। এই অভ্যাস জীবনের শেষ দিন পর্য্যন্ত ছিল। রাত্রে ৪ ঘণ্টা মাত্র নিদ্রা ঘাইতেন। যখন ইনি লেখাপড়া করিতে বসিতেন, তখন ইহাকে ডাকিতে কেহই সাহস করিত না। পড়িতে বা লিখিতে বসিলে, তাঁহার ঘোল আনা মন উহাতে ব্যয় হইত; কিছু মন কোন দিকে থাকিত না, কাজেই এসময় ডাকিলে, উত্তর দিতে হইলে ঐ লেখাপড়ার মন তুলিয়া তবে ত উত্তরের জন্য কিছু মন ব্যয় করিবেন। কিন্তু এ ব্যয় করিতে তাঁহার ভাল লাগিত না। কি যেন আটার জোরে মনটা লেখাপড়ার ভিতর এমন আটকান থাকিত যে, উহা তুলিতে গেলে আটার চাড়ে মনটা চড় চড় করিয়া উঠিত, তাহাতে বোধ হয় কষ্ট হইত, তাই কেহ লেখা বা পড়ার সময় তাঁহাকে ডাকিলে, তিনি ভয়ানক রাগিয়া উঠিতেন। এই জন্ত লেখাপড়ার সময় তাঁহার পুত্র কন্যা কিম্বা মাতা পর্য্যন্ত নিকটে গিয়া ডাকিতে সাহস করিতেন না। অল্প সময়ও

প্রায় গস্তীর ভাবে থাকিতেন। এ গান্তীর্ঘ্য ভাব পুস্তকের পাঠক অপেক্ষা পুস্তক বা শ্রবকাদি লেখকদিগের মধ্যে স্বভাবতঃ সহজেই সময়ে সময়ে আসিয়া পড়ে। “লেখকদিগের সাময়িক গান্তীর্ঘ্যাবস্থা ভাবী শ্রবকের গর্ভাবস্থা” ইহা তিনি বলিতেন, এই জন্ত অন্তমনস্ক ভাবে বসিয়া আছেন, তখনও কেহ তাঁহার সম্মুখীন হইতে সাহসী হইত না। পরন্তু তাঁহার অপর গুণ,—

শ্রায় পরায়ণতা।

নিজের প্রাপ্য কড়ায় গণ্ডায় বৃদ্ধিয়া লুইতেন এবং নিজের দেনা কদাচ রাখিতেন না। কোন প্রতিবেশীর নিকট কেহ পাইবে বলিয়া তাগাদায় আসিলে, ইনি সে প্রতিবেশীকে ঘৃণা করিতেন এবং মনে মনে রাগিয়া উঠিতেন। কেহ কর্তব্যপালনে উদাসীন হইলে ইনি তাহাকে প্রহার করিতে উদ্যত হইতেন। ইহার চক্ষের উপর দুর্কলের প্রতি কেহ অত্যাচার করিলে ইনি তাহাকে সহজে ছাড়িতেন না, যে প্রকারে হউক, তাঁহার প্রতিবিধান করিতেন। এ সময় মিতব্যয়িতা উল্টাইয়া যাইত, এজন্ত অনেক অর্থ আদালতে অকাতরে চালিয়া দিয়া, তবু অত্যাচারীকে দণ্ড দেওয়াইতেন।

শ্রায়পরায়ণতার আর একটি দৃষ্টান্ত এই যে, সংস্কৃত কালেজে চাকুরী হইবার পূর্বে ইহার পিতার যেরূপ বার্ষিক, বৃত্তি বিদায় এবং দান প্রভৃতিতে পাওনা ছিল, সে সময় ইহারও সেইরূপ পাওনা ছিল, কিন্তু স্বক্ষমতার অর্জন করিতে শিক্ষা করিয়া সে সকল বৃত্তি লওয়া পরিত্যাগ করিয়াছিলেন। “লাখ টাকায় বামন ভিখারি” এ ছন্দাম তিনি কাটাইয়া উঠিয়াছিলেন। ইনি বলিতেন, “চলিবার শক্তি হইলে আর কিছু ধরিতে হয় না।” এমন কি, সংস্কৃত কালেজে কেহ কখন বৃত্তি পাঠাইয়া দিলেও তিনি উহার অংশ লইতেন না, অপরাপর শিক্ষকেরা উহা অংশ করিয়া লইতেন।

স্বাধীনতা।

ন্যায়ের উপর কিছু নিজের মত দিলে, যেরূপ স্বাধীনতা আসিয়া থাকে, ইহার সেইরূপ একটু স্বাধীনতা ভাব ছিল। এজন্ত ইনি পুরা সমাজ সংস্কারক না হইলেও, লোকাচারের ব্যাধিযুক্ত কার্য্যগুলি ভাল বাসিতেন না। আচার বেশী হইলেই গুচি বাই রোগে পরিণত হয়, সেইরূপ লোকাচার বহুদিনের হইলে উহার ভিতর অনেক দোষ ধরিয়া যায়।

• বিদ্যাভূষণ মহাশয় দাক্ষিণাত্য বৈদিক কুলে জন্মগ্রহণ করিয়াছিলেন। ইহাদের সমাজের প্রথা এই যে, কোন গৃহস্থের কন্যাসন্তান জন্মিবা মাত্র একটা পাত্র স্থির করিয়া উহার বিবাহের সম্বন্ধ ধার্য্য হইয়া যায়। এমন কি, এই সমাজে তিন মাসের বালিকা এবং চারি মাসের বালকের সঙ্গে বিবাহ পর্য্যন্ত হইত দেখিয়া, বিদ্যাভূষণ মহাশয় এই প্রথা তুলিয়া দিতে উদ্যত হইলেন, এজন্ত অনেক লিখিয়াছেন, অনেক কলহ সহ্য করিয়াছেন; এমন কি নিজের পরিবার মধ্য হইতে এ প্রথা উঠাইয়া দিয়া দেখাইয়াছেন, এজন্ত সে সময় তাঁহার সমাজে কত গোলযোগ হইয়াছিল। কেহ কেহ ইহাকে সমাজে পতিত করিয়াছিলেন, ইনি কিছুতেই উক্ত বিষয়ে প্রতিবাদে ভ্রক্ষেপও করেন নাই। এক্ষণে উক্ত সমাজে পূর্বের কুৎসিত প্রথা আর নাই বলিলেই হয়।

বিদ্যাভূষণ মহাশয়ের সংকীর্্তি ।

ইহার প্রথম কীর্ত্তি এই যে, নিজ গ্রামে একটা ইংরাজী স্কুল খুলেন। কিন্তু উহা অর্থাভাবে বন্ধপ্রায় হইয়া উঠে। এজন্য ধনীদিগের তোষামোদ করিতে হয়, কিন্তু তাহাতে ভাল ফল হয় নাই। শেষে “নিজে বাহা পারিব সেই মত করিব” এই বলিয়া স্কুলটা নিজের পরিবারভুক্ত মত করিয়া লইয়া, মাসে মাসে উহাতে অনেক অর্থ দিতেন। উক্ত স্কুল বিদ্যাভূষণ মহাশয়ের হস্তে আসিলে, উহাকে কেবল ইংরাজী স্কুল না রাখিয়া, সংস্কৃত এবং ইংরাজী স্কুল করা হয়। তৎপরে তাঁহার দ্বিতীয় কীর্ত্তি,—

সোমপ্রকাশ।

ইহা সাপ্তাহিক বাঙ্গালা সংবাদ-পত্র। এই সংবাদ-পত্রের পূর্বে যে সকল বাঙ্গালা সংবাদ পত্র ছিল, তাহারা মার্জিত রুচি লইয়া পরিচালিত হইত না। সোমপ্রকাশ সে সময়ে বাঙ্গালীদের, বিশেষ শিক্ষিত সংবাদ-পত্র হইয়া উঠিয়াছিল। এখন যেমন এডুকেশন গেজেটের “মত” গভর্নমেন্ট গুনিয়া থাকেন এবং লোকেও এডুকেশন গেজেটের “এই বিষয়ে” কি মত গুনিবার জন্ত যেমন আজকাল গুৎসুক্য প্রকাশ করেন, সোমপ্রকাশের ঠিক এই অবস্থা বিদ্যাভূষণ মহাশয়ের সময়ে ছিল।

৬ঈশ্বরচন্দ্র বিদ্যাসাগর এবং ৬অক্ষয় কুমার দত্ত এই দুই মহাপুরুষের যত্নে বাঙ্গালা ভাষা যেমন পরিমার্জিত হইয়াছে, বিদ্যাভূষণ মহাশয়ের দ্বারা

বাঙ্গালা সংবাদ-পত্র সেইরূপ পরিমার্জিত হইয়াছে। এখনও “সোমপ্রকাশ” জীবিত আছে। কিন্তু ইহার পর হইতে আর সে “সোমপ্রকাশ” নাই। এখন বুড়া সোমপ্রকাশ হইয়াছে।

যাহা হউক, ইনি বৃদ্ধাবস্থায় পীড়িত হইয়া জব্বলপুরের সন্নিহিত সাতনা নামক স্থানে বাস করিতেছিলেন। তথায় সন ১২৯১ মালে চই ভাদ্র, সোমবারে বিস্ফোটক রোগে প্রাণত্যাগ করেন।

শ্রীরাজকৃষ্ণ পাল।

ফুল ও ফুলের ভাষা।

(পাশ্চাত্য সংস্কার)

পশ্চাত্য শিক্ষার প্রভাবে শিরীষকুম্বুম, নবমল্লিকা, চুতমুকুল, বনলতিকা, মাধবী প্রভৃতির সহিত আমাদের ঘনিষ্ঠতা ক্রমশঃ শিথিল হইয়া পড়িতেছে। কিন্তু এই সমস্ত লইয়াই আমাদের গৌরবের ধন মহাকবি কালিদাস। সাধারণ মনুষ্যশরীর পঞ্চভূতে নির্মিত; কালিদাস যে যে উপাদানে গঠিত হউক না কেন, আমরা তন্মধ্যে এই কয়েকটিকেই শ্রেষ্ঠ বলিয়া গণ্য করি। বলিতে কি, এই সমস্ত কালিদাসের প্রাণ; শুদ্ধ তাহাই কেন, প্রাণ হইতেও প্রিয়তর।

কাহার সহিত কাহার তুলনা! আবার দেশকালপাত্র ভেদে কুচি পরিবর্তন হওয়া অসম্ভব নহে। কিন্তু সকল বিষয়ের মাত্রা আছে; অবস্থানুযায়ী অতিরিক্ত হইলে আশ্চর্য্যান্বিত হইতে হয়।

করুণাময় জগদীশ্বর প্রকৃতি রাজ্যে কি মহদুদ্দেশ্যে পুষ্প সৃষ্টি করিয়াছেন, তাহা আমাদের ক্ষুদ্র বুদ্ধির অগম্য। বৈজ্ঞানিকেরা বিজ্ঞান বলে এ রহস্য কতদূর বুঝিতে সক্ষম হইয়াছেন, বর্তমান ক্ষেত্রে আমরা সে বিষয়ের আলোচনা করিতে চাহি না। কিন্তু সংসারাসক্ত মানব নিচয় যখন সংসারের বিষম জ্বালায় জর্জরীভূত হইয়া যায়, প্রাণমন ক্ষুণ্ণ এবং নিস্তেজ হইয়া পড়ে, তখন প্রস্ফুটিত কুম্বুম অথবা ততুল্য কোন মনোরম বস্তু দেখিলে, দেহে কি জানি কেন, কি এক সঞ্জীবনী শক্তির সঞ্চারণ হয় এবং মনপ্রাণ উল্লাসিত এবং উৎসাহিত হইয়া উঠে। অপরের কথা কেন, ক্ষুদ্র মানব শিশু হইতে দেবতা পর্যন্ত ইহার গুণে মুগ্ধ, রূপে বিমোহিত। দেবতা গন্ধর্ব্ব, মানব, ভারুক এবং কবি, সকলেরই মনে উচ্ছ্বাস জন্মাইতে পুষ্পের অপ্রতিহত প্রভাব ও অদ্বিতীয় ক্ষমতা।

সুনির্মল মৃদুমন্দবাহি নদীকন্ডর বিধৌত, শাদল সমাচ্ছাদিত, শৈলরাজি পরিবেষ্টিত নিভৃত বনভূমি প্রকৃতির লীলা-ক্ষেত্র। তথায় বিবিধ কুম্বুম

স্বতই প্রস্ফুটিত হইয়া সুরভি বিতরণ করে। এই স্থানে আগমন করিলে মনে এক অপার্থিব সুহৃৎ স্বর্গীয় ভাব বিকশিত হয় এবং উচ্ছ্বাসের সুখউৎস সদা উছলিতে থাকে। জীবনুজ্জ্বল অশাস্ত্র যোগী ঋষি তপস্বীগণের একরূপ স্থল সেই কারণে সমধিক অভিলাষাকরূপ। কিন্তু যোগী কিম্বা তপস্বীদিগের কথা স্বতন্ত্র। মানব সংসারে বাস করিয়া নিয়ত বিবিধ ঝঞ্জাটে ত্যক্ত বিরক্ত হইয়া উঠে; এই কারণে নগ্নরে অথবা তন্নৎ অপরাপর জনপদ সমূহে যথায় প্রকৃতির অকৃত্রিম শোভা কৃত্রিম সৌন্দর্য্যে বিকৃত হইয়া গিয়াছে—মনের শান্তি লাভের নিমিত্ত, জগতের সমগ্র সভ্য সমাজে তত্তৎ স্থানে ফুলের বাগান, রাখিবার প্রথা আবহমানকাল প্রচলিত আছে।

যখন বর্ণ, জাতি বা ধর্ম্মনির্দেশে জগতের অত্যাশ্র জাতি নগ্নাবস্থায় গিরিগুহায় পশুবৎ বিচরণ করিয়া কেবল মাত্র উদরপূর্তি করিয়াই সন্তুষ্ট থাকিত, তখন ভারতের আর্য্যগণ উন্নতির উর্দ্ধ হইতে উর্দ্ধতর, সোপানে অধিরোহণ করিতেছিলেন। স্মৃতরাং তৎকালে আর্য্যগণের নিকট পুষ্প অথবা পুষ্পোদ্যানের যে বিশেষ আদর ছিল, তাহা বলাই বাহুল্য। প্রাচীন গ্রন্থে মাত্রেই ইহার বহুল উল্লেখ দেখিতে পাওয়া যায়। নিকুঞ্জ কানন, কাম্য বন, কেলী কানন, বৃক্ষ বাটিকা প্রভৃতি মনোহর সুসজ্জিত উদ্যান সমূহ, প্রাচীন কালে নৃপতিগণের অবসর সময়ে সন্তোষ বিধান করিত। পাশ্চাত্য পণ্ডিতগণও মুক্তকণ্ঠে স্বীকার করেন যে, সমগ্র ইউরোপখণ্ড আজকাল যে সমস্ত বিচিত্র মনোহর পুষ্পোদ্যানে পরিপূরিত, তন্মধ্যে অধিকাংশ পুষ্পই ভারতবর্ষ, পারস্য প্রভৃতি দেশ হইতে নীত হইয়াছে।

গণিত, জ্যোতির্বিদ, আয়ুর্বেদ, দর্শন, জ্ঞান প্রভৃতি অমূল্য বিদ্যাসমূহ পাশ্চাত্য জাতিগণ ভারতবর্ষীয়দিগের নিকট প্রথমতঃ শিক্ষা করিয়া, কালক্রমে যেমন অনেক স্থলে তাহাদিগকে পরাজিত করিয়া স্বীয় আধিপত্য বিস্তার করিতেছে, পুষ্প ও পুষ্পোদ্যান সম্বন্ধেও তদ্রূপ এই নিয়মের ব্যভিচার পরিলক্ষিত হয় না। অধুনা, নিকুঞ্জ কানন বলিলে বুদ্ধিতে পারি না, কাম্য বন কি জিনিষ, মনে ধারণা হয় না; আবার পুষ্পোদ্যান বলিলে একটা বিষম ধাঁধা আসিয়া উপস্থিত হয়। আজকালকার আমাদের ফুলের বাগান এক একটা বিলাতী নার্সারী। বিলাতী ফুল এবং ‘পাতার’ সংখ্যাই অধিক—আগাছার মধ্যে যদি কচিং ছই একটা ভুলক্রমে দেশী গাছ থাকিয়া যায়, তা বলা যায় না। অশোক কাঞ্চন, চম্পক বকুল, জবা গন্ধরাজ, যুগ্ম মল্লিকা, সূর্য্যমুখী অপরাজিতা প্রভৃতি আর বড় দেখিতে পাই না—ইহার নার্সারীর তালিকায় স্থান পাইবার কোন প্রকারেই উপযুক্ত নহে। শিরীষ কুম্বুম, চুতমুকুল ত দূরের কথা! এমত ক্ষেত্রে যে ইহাদের সহিত আমাদের ঘনিষ্ঠতা ক্রমশঃ শিথিল হইবে, তাহার বিচিত্রতা কি? কিন্তু অশোক, চুতমুকুল, নবমল্লিকা, নীলোৎপল অরবিন্দ লইয়াই ত পূর্ব্বতন মনীষীগণ কন্দর্পের পঞ্চ শর নির্মাণ করিয়াছেন!

‘The old order changeth yielding place to new,’ এটি পাশ্চাত্য শিক্ষা এবং সভ্যতার একটি মূল মন্ত্র। অস্বদেশীয় অনেকেই এই মন্ত্রে দীক্ষিত। অবশ্য যিনি যাহা সুবিধা বুঝেন অথবা যাহাতে যাহার অভিরুচি, তিনি সেই পথ অবলম্বন করেন, তাহাতে আমাদের কোন আপত্ত্য নাই। কিন্তু যে কথার স্পষ্টতঃ জাজ্জল্য ভাবে যথার্থ্য দেখিতে পাওয়া যায়, সে কথা নিঃশঙ্কচিত্তে বলিবার সকলেরই সমান অধিকার আছে। পুরাতন হইলেই যে একবারে অস্পৃশ্য হইল এবং নূতন হইলেই যে তাহা ভাল মন্দ বিচার না করিয়া তৎক্ষণাৎ সাদরে গ্রহণ করিতে হইবে, তাহার এমন বিশেষ বিধি কি আছে? নূতন ভাল হইলে গ্রহণ করিব, কিন্তু পুরাতন ভাল হইলেও শুদ্ধ পুরাতন বলিয়া তাহাকে অগ্রাহ্য করিব কেন? ফরাসী গ্রন্থকার Boileau বলিয়াছেন, “পুরাতন এককালে নূতন ছিল, কিন্তু নূতনেরা যে কালে পুরাতন হইতে পারিবে, তাহার স্থিরতা কি”। * কথাটা ঠিক; আর্থ্য ঋষিগণ নানাবিধ গভীর গবেষণা করিয়া চিরস্মরণীয় হইয়াছেন, কিন্তু আমরা তাঁহাদের কৃত কীর্তি সকলের আলোচনা করিয়া, এমন কি কার্য করিতে প্রবৃত্ত হইতেছি, যাহাতে আমাদের কার্য সমুদয় একবারে বিলুপ্ত না হইয়া ভবিষ্যতে ‘পুরাতন’ বলিয়া অভিহিত হইতে পারিবে?

ফল কথা পুরাতন ভাল থাকিতে তাহা উপেক্ষা করিয়া তৎপরিবর্তে নূতনের সম্মান করা যুক্তিসঙ্গত নহে। পুরাতনের যথাযথ সম্মান রাখিয়া, নূতনের সমাদর করাই যথার্থ কৃতিত্বের পরিচায়ক। এ বিষয়ে Sidonius Apollinaris একটি সুন্দর সারগর্ভ উপদেশ প্রদান করিয়াছেন, যথা— ‘we should read the ancient with respect and the moderns without envy’। পাশ্চাত্য শিক্ষার প্রসাদে দেশীয় পুষ্পের এমন কি দোষ দৃষ্ট হইল, যে তাহাকে এক বারে নগণ্য করিতে হইবে? গ্রীষ্মপ্রধান দেশে স্বভাবতঃ পুষ্পনিচয় যেরূপ সুন্দর ও সুরভিযুক্ত হয়, তদ্রূপ আর কোন দেশে হয় না। কিন্তু শীতপ্রধান দেশের পুষ্পবৃক্ষ সকল এ দেশে সচরাচর যে প্রকণ্ড বিকৃত হয়, তাহা কাহারও অবিদিত নাই। একথা সকলে হৃদয়ঙ্গম করিলেও সেই একটানা স্রোতের গতি ফিরিয়া বহে না, ইহাই বড় পরিতাপের বিষয়।

(ক্রমশঃ)

শ্রীশিবরতন মিত্র ।

* Curiosities of Literature—“ancient and modern” p. 27. Routledge's Edition.

বীরভূমি ।

মাসিক পত্রিকা ও সমালোচনী ।

২য় ভাগ] ভাদ্র ও আশ্বিন, ১৩০৮ । [১১শ ও ১২শ সংখ্যা ।

শ্রীনীলরতন মুখোপাধ্যায় বি, এ,

সম্পাদিত ।

সূচী ।

বিষয় ।	লেখকের নাম ।	পৃষ্ঠা ।
১। অনুস্মৃতি । (শ্রীলক্ষ্মীনারায়ণ সিংহ)	৩০৫
২। ফুল ও ফুলের ভাষা । (শ্রীশিবরতন মিত্র)	...	৩১১
৩। কোথা শান্তি? (শ্রীশরচ্চন্দ্র চক্রবর্তী)	...	৩২০
৪। জ্যোতিষ্ক তত্ত্ব । (শ্রীআদ্যনাথ রায় বি,এ)	...	৩২১
৫। অমৃত তুঙ্গনিকা ।	৩২৭
৬। ঈশ্বরের স্মৃতি জীবের সম্বন্ধ । (শ্রীশশীভূষণ রায় বি,এ)	...	৩৩৩
৭। পৌরাণিক চিত্র । (সম্পাদক)	৩৩৫
৮। পাগল । (শ্রীমহম্মদ আজিজ উস সোভান)	...	৩৪৩
৯। মুক্কা বালিকা । (শ্রীকৃষ্ণগোপাল চক্রবর্তী)	...	৩৪৪
১০। জমীদার বংশাবলীর সংক্ষিপ্ত পরিচয় । (শ্রীশিবরতন মিত্র)	...	৩৪৫
১১। ঐতিহাসিক ছড়া সংগ্রহ । ... (ঐ)	...	৩৫২
১২। লীলা । (সম্পাদক)	৩৫৩
১৩। সমালোচনা । (ঐ)	৩৬১

কীর্তহারের স্বদেশ-হিতৈষী জমিদার শ্রীযুক্ত সৌরেশচন্দ্র সরকার
মহাশয়ের যত্নে ও ব্যয়ে, বীরভূম জেলার অন্তর্গত

কীর্তহার গ্রাম হইতে

শ্রীদেবিদাস ভট্টাচার্য্য বি, এ,

কর্তৃক প্রকাশিত ।

বার্ষিক মূল্য ১ টাকা

এই সংখ্যার মূল্য ১০ আনা



মেওরেস সেবনে বিংশতি প্রকার মেহ, পুরুষত্ব হানি, শুক্রক্ষয়, অস্বাভাবিক উপায়ে রেতঃপাত, অতিশয় ইন্দ্রিয়পরায়ণতা বা অধিক বীৰ্য্যক্ষয়নিবন্ধন শুক্রতারল্য, স্বপ্নদোষ, প্রস্রাবকালীন জ্বালা ও তৎসঙ্গে তুলার আঁশের মত কিস্বা খড়ি গোলার ত্রায় বিকৃত বীৰ্য্যপতন, অতিরিক্ত প্রস্রাব, হস্ত পদ জ্বালা, মাথা ঘোরা, ক্ষুধামান্দ্য প্রভৃতি রোগ খুব শীঘ্র সম্পূর্ণ আরোগ্য হয়। ইহা সেবনে শত শত চিকিৎসক-পরিত্যক্ত রোগী আরোগ্যলাভ করিয়াছে, শক্তি, স্বাস্থ্য ও পুরুষত্ব ফিরিয়া পাইয়াছে। মেওরেস দেখিতে মনোহর, খাইতে প্রীতিপ্রদ, গুণে অমৃত তুল্য। মূল্য প্রতি শিশি এক টাকা মাত্র। ভিঃ পিঃ তে লইলে এক হইতে তিন শিশি পর্য্যন্ত আট আনা ডাক মাণ্ডলাদি লাগে। পত্র লিখিলেই বিস্তৃত সূখ্যাতি পত্র সম্বলিত মূল্য তালিকা পাঠাই। পত্রাদি লিখিবার একমাত্র ঠিকানা :—

ম্যানেজার,
ভিক্টোরিয়া, কেমিক্যাল ওয়ার্ক্‌স,
রাণাঘাট, (বেঙ্গল)

বড়লাট কার্জন বাহাদুরের সহানুভূতি প্রাপ্ত,
বঙ্গের কৃতীসন্তান শ্রীরমেশচন্দ্র দত্ত মহাশয় কর্তৃক
ও
মিরার, অমৃতবাজার, হিতবাদী, বসুমতী, প্রতিবাসী, সোমপ্রকাশ,
সাহিত্য প্রভৃতিতে বিশেষরূপে প্রশংসিত।

প্রয়াস ।

দ্বিতীয় বর্ষ ।

সচিত্র মাসিকপত্র ও সমালোচক ।

এবার নূতন সরঞ্জামে, নূতন প্রণালীতে প্রয়াস দ্বিতীয় বর্ষে পদার্পণ করিল।

কাগজ আরও উৎকৃষ্ট, ছাপা আরও সুন্দর।

৪নং হেমচন্দ্র করের লেন, প্রয়াস সমিতি হইতে প্রকাশিত।

প্রতি মাসেই মনোহর চিত্র থাকিবে।

অথচ অগ্রিম বার্ষিক মূল্য ডাকমাণ্ডল সমেত পূর্ববৎ ১১০ টাকাই রহিল।

সমিতির উদ্দেশ্য—সাহিত্য প্রচার, ও সঙ্গে সঙ্গে নবীন লেখকদিগের উৎসাহবর্ধন। তাই আশা আছে, এই সর্বাপেক্ষা সুলভ মাসিকপত্রখানি প্রত্যেক সাহিত্যানুরাগীর আন্তরিক সহানুভূতি ও সাহায্য পাইবে। ইহাতে সকল শ্রেণীর লোকের পড়িবার ও শিখিবার বিষয় থাকিবে।

শ্রী আশুতোষ ঘোষ, কার্য্যাধ্যক্ষ ।

বীরভূমি ।

মাসিক পত্রিকা ও সমালোচনী ।

২য় ভাগ]

ভাদ্র, ১৩০৮ ।

[১১শ সংখ্যা।

অনুস্মৃতি ।

“অম্বর বিবুধ সিন্ধুজর্জায়তে ঘন্য নান্তঃ”

“সকল মুনিভিরন্তু শিচন্ত্যতে যো বিশুদ্ধঃ”

“নিখিল হৃদি নিবিষ্টো বেত্তি যঃ সর্বসাক্ষী”

“তমজ মমৃতমীশং বাসুদেবং নতোস্মি।” গারুড়ে ॥

দুঃখ নিবৃত্তির পর সুখ প্রাপ্তি হউক ইহাই সকলেরই ইচ্ছা, কিন্তু সুখ প্রাপ্তির উপায় অপরিজ্ঞান বিধায় ইচ্ছা করিলেও সকলেই প্রকৃত সুখের সুখী হইতে পারেন না। সুখ প্রাপ্তির ইচ্ছা করিতে হইলে, সুখ কাহাকে বলে, অগ্রে তাহা জানা আবশ্যিক। পরে তাহার প্রাপ্তির উপায় অবলম্বন করিতে পারিলে মনুষ্য প্রকৃত সুখের সুখী হইতে পারেন। এই মনুষ্য-জীবন-কালই প্রকৃত সুখের তথ্য জানিয়া লইবার উপযুক্ত অবসর। সুখ কাহাকে বলে, দেখিতে গেলে আমরা ইহাই দেখিতে পাইব যে, সঙ্কলিত চিত্তের সাময়িক বৃত্তান্তর বশতঃ সময় বিশেষে বস্তু বিশেষের অভাবের অসদৃশ্যই সুখ শব্দবাচ্য হয়। মনে করুন, যাঁহার সুন্দর গৃহ নাই, তিনি একটি উত্তম গৃহ পাইলে আপনাকে সুখী বোধ করেন; যাঁহার পশু নাই, তিনি কতকগুলি পশু পাইলে আপনাকে সুখী বোধ করেন; যাঁহার রমণী নাই, তিনি একটি সুন্দরী রমণী পাইলে আপনাকে সুখী বোধ করেন; যাঁহার ব্রীহি ও রতন নাই, তিনি ব্রীহি ও রতন পাইলে আপনাকে সুখী বোধ করেন। এবং প্রকার জীবের প্রত্যেক অভাব পূর্ণ

করিতে হইলে, জীবনের কোটি কোটি বৎসর অতিবাহিত করিলেও জীব কখনই প্রকৃত সুখের সুখী হইতে পারিবেন না; জীবনকালে জীবের অভাবের ইয়ত্তা নাই, একটি অভাব পূর্ণ হইলেই আবার একটি নূতন অভাব স্বতই উদ্ভাবিত হইয়া থাকে; জীব-সৃষ্টির ইহা স্বতঃ-সিদ্ধ প্রবাহ, ইহার গতিরোধ হইবার নহে। সেই জন্ত সুখী ব্যক্তিগণ যাহার আদি নাই, অথচ যিনি সকলেরই আদি, যাহার কারণ নাই, অথচ যিনি সকল কারণের কারণ, সেই ঈশ্বর, পরম কৃষ্ণ, সচ্চিদানন্দ বিগ্রহের স্মনোহর নথকিজ্জন্মাবধি উচ্চ হাস্য পর্যন্ত নিরীক্ষণ বা আপন আপন সম্প্রদায়ানুসারে চক্রাদি ক্রমে ধ্যানযোগ দ্বারা সঙ্কল্পাত্মক চিত্ত-বৃত্তি সকলকে বিকল্পাত্মক চিত্ত-বৃত্তি সকলে হোম করতঃ প্রারন্ধ ভোগ মাত্র করিয়া আনন্দ-মনা হইয়া থাকেন।

ইহদৃষ্টিতে যাহাকে সুখ বলিয়া গণ্য করা যায়, তাহাকে প্রকৃত সুখ বলিয়া লওয়া হয় না বলিয়া আপত্তি উত্থাপিত হইতে পারে যে, যদি দৃশ্য বস্তু মাত্রই জীবের সুখের জন্ত না হইয়া থাকে, তাহা হইলে বস্তুতঃ মিথ্যা জানিয়াও জীব মাত্র উহাতে লিপ্ত হয় কেন? ইহার উত্তরে ইহাই দেখিতে পাইব যে, এই পরিদৃশ্যমান জগতে যাহা কিছু আমাদের দৃষ্টিপথের পথিক হয়, সেই সমস্তই বস্তুতঃ মিথ্যা হইলেও কোন এক অনির্বচনীয় সত্য পদার্থের চির সত্ত্বা বশতঃ সত্য বলিয়া প্রতীয়মান হয়। জলপতিত চন্দ্র ছায়ার প্রতি লক্ষ্য করিলে প্রকৃত চন্দ্রের মধুরিমা যেমন নয়নপথের অতীত হয়, তদ্রূপ জগতীশ্বর মায়িক বস্তু সকলে মমতা স্থাপন করিয়া গুরুরূপী পরব্রহ্মের সন্নিধান হইতে দাস বা বন্ধুরূপী জীব স্বদুরে পতিত হইয়া থাকেন।

এবম্প্রকার চিত্তবৃত্তি সকলের বিক্ষিপ্তজনিত অভ্যাসই কাল ক্রমে গাঢ় হইয়া অজ্ঞান নামে কথিত হয়। এই অজ্ঞানই সমস্ত দুঃখের জনক। যখন চিরমুনি সকলও কদাচিৎ ধ্যানাভাব হইয়া থাকেন, তখন স্বতঃ ভ্রান্ত জীবের কা কথা!

পূর্বাভ্যাস ক্রমে আত্মা, কর্ম করিবার জন্তই চিরানুবদ্ধ, এবং কর্মই জীবের সুখ বা দুঃখের হেতু। এবং চিত্তের সঙ্কল্পাত্মক বৃত্তির পরিচালনই কর্মপ্রবৃত্তি। কর্ম ক্ষয় করিতে না পারিলে দুঃখ নিবৃত্তির অশুভ উপায় নাই। অতএব চিত্তের সঙ্কল্পাত্মক বৃত্তির পরিচালন যতই ক্ষীণ হইবে, জীবও ততই প্রকৃত সুখের অধিকারী হইতে পারিবেন।

• ইহজগতে আমরা যাহা কিছু দেখিতে পাই, তাহা সমস্তই ত্রিগুণাত্মক, তমঃ রজ ও সত্ত্ব এই তিনটি গুণের একত্রাবস্থা ব্যতীত কোন বস্তু সৃষ্ট হয় না। কালে ইহাদের প্রত্যেকই প্রধান হইয়া থাকে; অর্থাৎ সত্ত্বের উদয় কালে জীব সাত্ত্বিক, রজোগুণের উদয় কালে জীব রাজসিক, ও তমঃগুণের উদয় কালে জীব তামসিক আচরণ করিয়া থাকে। জীব বহুতর চেষ্টা করিলেও কখনই কালের গতি রোধ করিতে সক্ষম হইতে পারে না। পূর্ণব্রহ্মভগবানের চিদংশ বিশেষ আত্মা জীবরূপে আকাশে, বায়ুরূপে বায়ুতে, তেজরূপে অগ্নিতে, জলরূপে জলে ও পৃথিবীরূপে পৃথিবীতে আছেন, কিন্তু কি পৃথিবী, কি জল, কি অগ্নি, কি বায়ু, কি আকাশ কেহই ইহাকে জানে না; তবে আকাশে যে শব্দ গুণ আছে, বায়ুতে যে স্পর্শগুণ আছে, পৃথিবীতে যে গন্ধ গুণ আছে, অগ্নিতে যে দাহিকা শক্তি আছে ও জলে যে রস পদার্থ আছে, তাহা উক্ত ভূত সকলে পূর্ণব্রহ্ম ভগবানের চিদংশ অনুপ্রবিষ্ট থাকা বশতঃ হইয়া থাকে। জড়পদার্থে চিদংশের সন্নিধান না হইলে উহাতে চৈতন্য হইতে পারে না। যত প্রকার চৈতন্য পদার্থ আছে, তাহাদের মধ্যে মনুষ্য জীবনই উত্তম দৃষ্টান্তস্থল; কেন না, মনুষ্য জীবনে মনুষ্য সকলকে হিতাহিত জ্ঞানবিশিষ্ট দেখিতে পাই, অশু জীবে হিতাহিত জ্ঞান থাকিলেও তাহা কেবল ভয় বশতঃই হইয়া থাকে, কিন্তু মনুষ্য জীবনে কাহাকেও ভয় করিতে হইতেছে না, নিজ শরীরে নিজে নিজে সমস্ত আপদ হইতে উদ্ধার হইবার সুবিহিত উপায় রহিয়াছে। অশু কোন জীবের, সেরূপ ধারণা করিবার ক্ষমতা নাই। হরিস্মৃতিই সমস্ত সুখের একমাত্র জনক। হরিস্মৃতি অভয়দা, শুভদা ও বিঘ্ননাশিনী; অপর

“বেদে রামায়ণে চৈব পুরাণে ভারতে তথা।

আদি মধ্যেচ অন্তে চ হরিঃ সর্বত্র গীয়তে ॥”

হরি স্মরণ করিলে কখনই কোন কার্যে ব্যর্থমনোরথ হইতে হয় না, হরি সকল দুঃখ কর্ষণ করিয়া সর্ব লক্ষ্মীময়ী রাধার প্রতি মনোধারণা করাইয়া থাকেন, রাধার প্রতি মনোধারণা করিতে পারিলে সকল আপদ দূর হইয়া গেল, সুতরাং তখন সর্বপ্রকার সুখ আপনা আপনি আসিয়া উপস্থিত হয়, আর সুখ সুখ করিয়া সুখান্বেষণ করিয়া বেড়াইতে হয় না; কিন্তু বাঞ্ছনীয় বিষয় লাভ করিতে হইলে সর্বাগ্রে, সর্বক্ষেত্রে সর্বতোভাবে গুরুতে বিশ্বাস করা চাই, কেন না

“দেবে তীর্থে দ্বিজে মন্ত্রে দৈবজ্ঞে ভেষজে গুরৌ ।
যাদৃশী ভাবনা যস্য সিদ্ধির্ভবতি তাদৃশী ॥”

আরও—

“ধ্যানং দৈবত পূজনং জপতপো দানাগ্নিহোত্রাদয়ঃ ।
“পাঠোযোগ নিষেবণং পিতৃমধোহভ্যাগতার্চা বলিঃ ।
“এতেব্যর্থ ফলা ভবন্তি নিয়তং যস্যোপদেশং বিনা,
“তং বন্দে শিবরূপিণং নিজ গুরুং সর্কার্থ সিদ্ধিপ্রদং ॥”

অর্থাৎ ধ্যান, দেবতা-পূজা, জপ, তপস্যা, অগ্নিহোত্র প্রভৃতি যাগ যজ্ঞ, স্তোত্রাদি পাঠ, যোগ সেবা, পিতৃ পূজা, পিতৃ যজ্ঞ, অতিথি সংকার ও বলি-প্রদান, যাঁহার উপদেশ ব্যতিরেকে এ সমস্তই ব্যর্থ বা নিষ্ফল হয়, সেই শিব-রূপী অভীষ্টদাতা গুরুদেবকে আমি নিত্য নিত্য বন্দনা করি। আরও যথা,

“গুরু বক্ত্রে স্থিতং ব্রহ্ম প্রাপ্যতে তৎ প্রসাদতঃ ।
“স্বাশ্রমোক্তং স্বজাতিঞ্চ স্বকীর্ত্তিং পুষ্টিবর্দ্ধিনাং ।
“অন্যং সর্বং পরিত্যজ্য গুরোরন্যং ন ভাবয়েৎ ॥”

অর্থাৎ গুরুবদনস্থিত পরমব্রহ্মতত্ত্ব শ্রীগুরু প্রসাদেই লাভ হয়, অতএব স্বাশ্রমোক্ত বর্ণ ধর্ম এবং পুষ্টি বর্দ্ধিনী স্বীয় কীর্ত্তি প্রভৃতিকে বরং পরিত্যাগ করিবে, তথাপি গুরু ভিন্ন অগ্র ভবনা ভাবিবে না। পুনশ্চ শ্রীভগবদুক্তৌ যথা—

“আচার্য্যং মাং বিজনীয়ান্নাব মন্ত্ৰেত কর্হিচিৎ
ন মর্ত্যবুদ্ধ্যা স্ময়েত সর্ব-দেবময়ো গুরুঃ ॥”

অর্থাৎ আমাকেই (ভগবানকে) আচার্য্য জ্ঞান করিবে, কদাচ মৃত্যু সমাকুল মনুষ্য বুদ্ধি করিবে না। কেননা, গুরু সর্ব-দেবময়।

বিশেষতঃ কলিকালে শ্রুতি সকল পাষণ্ড ভয়ে গুপ্তা হইয়াছেন, আচার্য্য বাক্যে বিশ্বাস ভিন্ন অগ্রত বিশ্বাস স্থাপনা করিলে আমরা আমাদের অভীষ্ট-সাধন করিতে সক্ষম হইতে পারিব না। গুরুতে বিশ্বাস করিতে না পারিলে চিরকালই অসুখী থাকিতে হইবে, সংসাররূপ কূপে পতিত ব্যক্তিকে উদ্ধার করিতে গুরু ভিন্ন ত্রিজগতে আর কেহ নাই—

“অবিদ্যো বা সবিদ্যো বা গুরুরেব জনার্দনঃ ।
“মার্গস্থো বাপ্য মার্গস্থো গুরুরেব সর্দাগতিঃ ॥”

• অর্থাৎ গুরু বিদ্বান হউন আর নাই হউন, স্বপথে চলুন আর বিপথেই চলুন গুরুদেবই সদাকাল গতি হইয়া থাকেন। অগ্রত চ—

“হরৌ রুষ্ঠে গুরুস্তাতা গুরৌ রুষ্ঠে নকশ্চন ।

“তস্মাৎ সর্ব প্রযত্নেঃ গুরুরেব প্রসাদয়েৎ ॥”

অর্থাৎ হরি রোষ করিলে গুরু ত্রাণ করিয়া থাকেন, কিন্তু গুরুদেব রুষ্ঠ হইলে ত্রাণকর্তা আর কেহ নাই, তজ্জগ সর্বপ্রযত্ন সহ শ্রীশ্রীগুরুদেবকে প্রসন্ন করিবে।

আমার কিন্তু গুরুতে সম্পূর্ণ বিশ্বাস হয় নাই। হরি স্মৃতির কোন ক্রমও অবগত নহি। এমতাবস্থায় দিন যায় রাত্রি আইসে, আবার রাত্রি যায় দিন আইসে, কত দিন কত রাত্রি চলিয়া গেল, আমি যে অসুখী, সেই অসুখী; এমতাবস্থায় একদিন মনকে জিজ্ঞাসা করিলাম, মন! তুমিই দেহেন্দ্রিয় সকলের রাজা, রূপা করিয়া আমায় হরি দেখাইতে পার? তখন মন আমাকে সঙ্গে লইয়া জগতীস্থ নানা স্থানে লইয়া গিয়া নানা মূর্ত্তি দেখাইতে লাগিল, কিন্তু কোন মূর্ত্তিই আমার মন ভুলান না হওয়ায় পুনরায় মনকে বলিলাম, মন! তুমি আমাকে অনর্থক ঘুরাইয়া লইয়া বেড়াও কেন? বঞ্চনার ফল কি? তখন মন বলিল, তুমি যাহাকে দেখিতে চাও, তাহাকে কি এই প্রথম দেখিতে যাও, না আর কখন দেখিয়াছ? কেননা যে বিষয়ের জ্ঞান হইবে, পূর্বে সে বিষয়ের অগ্রবিধ জ্ঞান চাই; প্রত্যক্ষ হউক, অনুমান হউক, আর শব্দ বোধই হউক, এই জাতীয় জ্ঞান না থাকিলে স্মরণ হইতেই পারেনা। প্রথম অনুভব, প্রত্যক্ষাদি, তাহার পর, তাহার পর সংস্কার, তাহার পর স্মৃতি, তাহারই ফল ধর্মশাস্ত্র, এই জন্যই উহার নাম স্মৃতি না এই প্রথম দেখিতে চাও? আমি বলিলাম আমার মনে হয়, যখন আমি মাতৃগর্ভে নিহিত ছিলাম, তখন একবার দেখিয়াছিলাম; মাতৃগর্ভ হইতে ভূপৃষ্ঠে পতিত হইয়া আর দেখিতে না পাইয়া কাহা কাহা করিয়া কান্দিয়া উঠিলে জননী মুখে স্তন্য দিলেন। স্তন্য পান করিবা মাত্র সেই মন, প্রাণ নয়ন ভুলান রূপ আর দেখিতে রা দেখিবার চেষ্টা পাইলামনা। ভাই মন! আমায় কে ভুলাইল? তখন মন বলিল, তুমি যাঁহার রাজ্যে আসিয়াছ, তিনিই তোমাকে তোমার হরি ভুলাইয়াছেন। আমি জিজ্ঞাসা করিলাম, তিনি কে? কোথায় থাকেন? তখন মন বলিল, তিনি মায়া, সর্বত্রই বিরাজমান। আমি বলিলাম, তবে দেখিতে পাই না কেন? তখন মন নিজ কমণ্ডলু হইতে জল

লইয়া আমার চক্ষুরয়ে সেচন করিবা মাত্র দেখিলাম, এক ওপ্ত কাঞ্চন বরণা
সুন্দরী যুবতী আলুলায়িত কেশে দিগ্‌বসন পরিধান করিয়া সম্মুখে দণ্ডায়-
মানা। তাঁহার কপালে অরুণ-বিনির্মিত সিন্দূর বিন্দু, দক্ষিণ হস্তে ত্রিশূল,
বাম হস্তে কমণ্ডলু, অধর ফলকে মূছ মন্দ হাসি ও তাহাতে এমনি প্রকাশ,
যেন প্রার্থীগণকে বরাভয় প্রদান করিতে সদাই উদ্যতা।

আমি দেখিয়াই প্রণতি পূর্কক্ষ জিজ্ঞাসা করিলাম, মাগো! তোমার
রাজ্যের ব্যবহার ও নিয়ম কি? বলিলেন

আপনার বল ধারে, সেতো তাঁমার মন্দ করে,

আপনারে জানায়ে তোমার

আর, পুত্র, পৌত্র, পরিবার আর শত শত,
আমার রাজ্যের ধন তারে বিধিমত;
প্রদান করিয়া নিত্য তাহারে ভুলাই,
আমার আমার মাত্র তাহারে শিখাই;
সে যে কার, কে তাহার নাহি দিই অন্ত,
সর্বদা তাহারে রাখি এই মতে ভ্রান্ত;
মৃত্যুকালে মম বশে আমারে ধোয়ায়,
পুনর্বার জন্ম হয় আমাতে বেড়ায়।

তখন আমি কাতর স্বরে জিজ্ঞাসা করিলাম, মাগো! তোমার রাজ্যে
আসিয়া পড়িলে নিস্তারের কি কোন উপায় নাই? উপদেশিলেন

ত্যজ, ত্যজ, রে বৎস ঘৃণা লজ্জা ভয়,
আর নিন্দা জাতিকুল শীল কর ক্ষয়;
আদি, মধ্য অন্ত্য বৎস কররে বর্জন,
সর্বদা আনন্দে তুমে কররে স্থাপন;
বহ, বহ, রে বৎস, নিত্যতত্ত্ব স্থানে,
তা হলে কি ভব ভয় আছে কোন স্থানে;
নির্ভীকার হবে তবে, সাধুজন সঙ্গ পাবে,
হবে তব স্মৃতি উদয়।
হবে সৎপথে ভক্তি, অনায়াসে পাবে মুক্তি,
সংসারের আর কিবা ভয়;

এই স্থলে বল হরি, পুনরে বদন ভরি,
হরি, হরি, হরি কর সার,
সুভক্তি উদিত হবে, পুন নাহি জন্ম পাবে,
এড়াবে সংসার কাঁরাগার।

বলিলেন বৎস! শ্রীশ্রীগুরুদেবের বাক্যে অটল বিশ্বাস করিয়া অপ্রমত্ত
হইয়া অগ্রসর হও। বস্তুত কোন অভাষ থাকিবে না, সকল কামনাই পূর্ণ
হইবে। এই বলিয়া কি জানি কোন পথ দিয়া কোন নির্জন স্থানে
চলিয়া গেলেন—আর দেখিতে পাইলাম না, আমি আবার যে কে সেই—সেই
অসুখী এবং না হইবই কেন? গুরু ও হরিতে অভেদ জ্ঞান স্থাপনা
করিতে না পারিলে ত আর কোন উপায় নাই—যথা ব্রহ্মণোবাক্যং

“যোমন্ত্রঃ সগুরুঃ সাক্ষাৎ, যো গুরুঃ সহরিঃ স্মৃতঃ ইত্যাদি। •

(ক্রমশঃ)

শ্রীলক্ষ্মীনাথায়ণ সিংহ।

ফুল ও ফুলের ভাষা ।

(পূর্ক প্রকাশিতের পর)

বিলাতী পুষ্পের জন্ত যে প্রকার যত্ন, পরিশ্রম এবং অর্থ ব্যয়িত
হয়, দেশীয়ের জন্ত তাহার কণাংশ মাত্র হইলেও যে বিশেষ উপকার সাধিত
হইবার সম্ভাবনা, তাহার অনুমাত্র সন্দেহ নাই। নিম্নোক্ত কয়েক
পংক্তি হইতে একথা স্পষ্টই প্রমাণীকৃত হইবে। ‘স্থলপদ্ম আশ্বিন মাসে
ফুটিতে আরম্ভ হয় ও ফাল্গুন চৈত্র পর্যন্ত ফুটিয়া উদ্যানের শোভা বর্ধন
করে, ইহার বড় বড় ফুল হয় দেখিয়াই সকলে মুগ্ধ হয়; কিন্তু আমরা
ইহার আর একটি গুণ দেখিয়া সাধারণ সমক্ষে প্রকাশ করিতে ইচ্ছা
করিয়াছি। বর্ষারম্ভের কিছু পূর্ক ইহার মোটা শাখা ছাটিয়া দিলে
সেখানে অনেক গুলি শাখা বাহির হয়। এই নবীন শাখাগুলি অতি অল্প
দিনেই পাটের গাছ হইতেও লম্বা হয়। যে সময়ে পাট কাচিয়া পচান
হয়, সেই সময়ে এই ডাল গুলি কাটিয়া সেইরূপ পচাইয়া ধুইয়া লইলে
অতি উৎকৃষ্ট পাট হয়, যেমন শক্ত তেমনি দীর্ঘ ও পরিষ্কার। যদি ইহার
রীতিমত চাষ করা হয়, তাহা হইলে আরও সুন্দর ও অধিক পরিমাণে জন্মে,

আর একটি কথা, পাটের গ্রায় ইহার গাছ বৎসর বৎসর সমূলে নষ্ট করিতে হয় না। একবার হইলে বহু বৎসর থাকে। ... গবাদির উৎপাত, বৃষ্টি বা অতিবৃষ্টি দ্বারা ইহার নষ্ট হইবার আশঙ্কা নাই। কার্তিক মাসের শেষে, অর্থাৎ বর্ষা ক্ষান্ত হইলেই, ইহার ছোট শাখা বিতস্তি প্রমাণ করিয়া পুতিলে দুই বৎসর মধ্যেই আশানুরূপ বৃক্ষ হয়, তখন কার্য্যারম্ভ করা যাইতে পারে।* অধিক কি এক ভারত ক্ষেত্রে চেষ্টা করিলে ২৫৪ প্রকার গোলাপ উৎপন্ন করা যাইতে পারে।†

পূর্বের কথা ছাড়িয়া দিলে অবশ্য স্বীকার করিতে হইবে, যে অধুনা পুষ্প ও পুষ্পোদ্যানের মুখ্য উদ্দেশ্য অবসর কালে বা সময় অসময়ে মনের একটু শান্তি লাভ করা,—ক্ষুদ্র মনে কিঞ্চিৎ স্ফূর্তির বিকাশ করা। ছলভ মানসিক শক্তি ও স্ফূর্তির জন্ম এত যত্ন, এত আয়াস ও এত অর্থব্যয়। কিন্তু বহু কষ্টে রচিত সেই বিচিত্র শোভাময়ী bower এ বসিয়া, আশানুরূপ হৃদয়ের শান্তি কয়জনে লাভ করিয়া থাকেন?

যে কবি?

‘প্রকৃত তাহার সব অধিকার
আকাশ কানন কন্দর গিরি,
তার অন্তর্গত রাজ্য দেশ কত
সকলি তাহার আনন্দ পুরি।’

তাহার আবার ক্ষুদ্র সীমাবদ্ধ পুষ্পোদ্যানের আবশ্যক কি? সে—

‘আসিলে বৃক্ষের পত্র
অনির্মেষে চেয়ে রয়—
বনের পাখীর রবে
বিমুগ্ধ।’

তাহার আবার bower এর দরকার কি, তাহার আবার হার্মনিয়ম ফ্লুটের কি কাজ? ভাবুক প্রকৃতি প্রেমে বিভোর, সে বলে

‘যা দেখি যা বুঝি, সতি
তাই যেন নিরমিত
ভূলাতে এ ক্ষুদ্র প্রাণ’

* হিতবাদী ৩০ ভাদ্র ১৩০১।

† The Indian amateur Rese gardener—ch'xi.

• তাহার আবার দেশী বিদেশী ভালমন্দ বিচার কি? তাহার নিকট

‘ধার পানে চাই . . . সেই মধুময়
সরলতা গুণে ভুলিয়ে রই।’
‘জল নিরমল . . . যা কিছু সরল
সকলি আমার স্মৃতির মূল।’
‘চাঁদের কিরণ . . . কাননের ফুল
যখন যে ভাবে যেখানে দেখি।’
‘ভূলে যাই হুঃখ . . . ভূলে যাই জালা
আপনা ভুলিয়ে চাহিয়ে থাকি।’

প্রকৃতির সর্বত্রই মধুময়, প্রতি অনুপরমাণু উচ্ছ্বাসে পরিপূর্ণ-ঠল্ ঠল্ করিতেছে; তবে প্রবেশ করা চাই, নচেৎ অন্ধের মত সকলই শূন্য এবং অন্ধকারময় বলিয়া প্রতীয়মান হয়। যাহার একটি মাত্র চক্ষু আছে, সে চন্দ্রচক্ষে সমগ্র বাহ্যপ্রকৃতি দেখিতে পারে; কিন্তু প্রকৃতির গূঢ় রহস্য ভেদ করিতে পারে কয় জন? আর এক কথা, প্রকৃতি সৌন্দর্যের এমনই গুণ যে, যতই আলোচনা করি, ততই অভিনব সৌন্দর্য্য স্তরে স্তরে উদ্ঘাটিত হইতে থাকিবে। সেই জন্ম কবি, স্তব্ধ প্রকৃতি লইয়াই সুখী, প্রকৃতি পাঠেই মাতোয়ারা। কিন্তু এইরূপ কবি হইতে পারে কয়জন,—এই সুখ কয়জনের ভাগ্যে ঘটিয়া উঠে?

জগদীশ্বরের বিশাল রাজ্যে সকলে সমান নহে—সকলে সমভাবে সুখী হইবে কোথা হইতে, সকলে কবি হইবে কেমন করিয়া। সুখ হুঃখ ভাগ্যাভাগ্য সকলেরই তারতম্য আছে। কবি প্রকৃতিরাজ্যে যাহা দেখে, তাহাতেই উন্মত্ত; আমি একজন সাধারণ সক্ষীর্ণচিত্ত ক্ষুদ্র মানব, বিচিত্র কৃত্রিম শোভায়ুক্ত বিবিধ বর্ণের পত্র পুষ্প পরিপূরিত সীমাবদ্ধ অন্নায়ব উদ্যান ভিন্ন আমার আর উপায়ান্তর কি।

ভাল কথা;—কিন্তু আমরা বিষয়ান্তরে নিযুক্ত ছিলাম। বলিতেছিলাম, সাধারণ মনুষ্যের পক্ষে মনোরম পুষ্পোদ্যান অত্যাশঙ্ক বটে, তবে উদ্যান রচনা সম্বন্ধে দেশীয় পুষ্পের প্রতি একটু নিষ্ঠুরতা প্রদর্শিত হইতেছে। উদ্যানে বিদেশী পুষ্পের আয়দানী হওয়ার পক্ষে, আমরা বিরোধী নহি; বরং ইহার সংখ্যা যতই বৃদ্ধি হয়, ততই আমরা স্মৃতির বিষয় বিবেচনা করি।

কিন্তু, এটি বিশেষরূপে স্মরণ রাখা আবশ্যিক, যেন দেশীয় পুষ্পের প্রতি কোন মতে গর্হিতাচরণ করা না হয় ।

সুখের ও গৌরবের কথা, যে ইন্দোনীন্তন শিক্ষিত সমাজে উদ্যান-রচনা, কৃষিকার্য্য প্রভৃতির প্রতি কিঞ্চিৎ শুভদৃষ্টি পতিত হইতেছে । এই সকল সম্বন্ধে আলোচনা একবারে বিলুপ্তপ্রায় হইতেছিল ; পাশ্চাত্য শিক্ষার প্রভাবে এবং তাহাদিগের অপরাপর বিদ্যার জ্বায় এই বিদ্যার প্রতি অতিশয় অনুরাগ দেখিয়া—কত গ্রন্থকার এ বিষয়ে কত গ্রন্থ লিখিয়াছেন, এমন কি জীবন পর্য্যন্ত উৎসর্গ করিয়াছেন—আমাদেরও অপরাপর বিষয়ের জ্বায় এ বিষয়ে অনুরাগ বর্ধিত হইতেছে সন্দেহ নাই । তবে, পূর্বেই বলিয়াছি, বিদেশীয়েদের প্রতি টান একটু বেশী । তা হইবারই কথা ; আমাদের দেশে যখন ইংরাজী শিক্ষা প্রচলিত হইতে আরম্ভ হয়, তখন অনেক প্রতিভাশালী ব্যক্তি ইংরাজী শিক্ষার প্রতি একবারে মনপ্রাণ ঢালিয়া দিয়াছিলেন,— বাঙ্গালার নাম পর্য্যন্ত শ্রবণ করিলে ঘৃণায় নাসিকা কুঞ্চিত করিতেন । কিন্তু ক্রমে এক্ষণ অবস্থা কিরূপ দাঁড়াইয়াছে ?—ইংরাজী সাহিত্য, বিজ্ঞান প্রভৃতির চর্চা করিয়া অনেক মহাত্মা এক্ষণ বাঙ্গালা ভাষা ও বিজ্ঞানের পুষ্টি-সাধনে ব্রতী হইয়াছেন । বাঙ্গালায় যাহা কিছু অভাব আছে, পূরণ করিবার জন্ত সাধ্যমত চেষ্টা করিতেছেন । সেই জন্ত গুপ্পোদ্যান রচনা সম্বন্ধে বিদেশীয়েদের প্রতি কিঞ্চিৎ বেশী টান দেখিলে তত জ্বঃখিত হইবার কারণ নাই—দেশীয়েদের উন্নতির আশা করিবার সময় অতিবাহিত হয় নাই, এমন কি উন্নতির আশা করিবার সময় হয় ত এক্ষণে বহুদূরে অবস্থিত ।

পুষ্প ও পুষ্প বৃক্ষের যত্ন ও রক্ষণাবেক্ষণ এবং পুষ্পের উৎকর্ষসাধন করা সামান্য কথা নহে ; এ সকল বিষয়ের জটিল বিজ্ঞানশাস্ত্র আছে, বহু যত্ন এবং আয়াসে শিক্ষা করিতে হয় । কে বলিবে, যে বিদেশীয়েদিগের নিকট বিজ্ঞানাদি শিক্ষা করিয়া ভবিষ্যতে দেশীয় পুষ্প-বৃক্ষাদির উন্নতিকল্পে এবং দেশীয় বৃক্ষসুর্বেদের সম্যক্ আলোচনায়, অনেকেই বিশেষ যত্নপর না হইবেন ।

এক্ষণে আমরা পাশ্চাত্য জাতিগণের মধ্যে ফুলের যে ভাষা সংস্কার প্রচলিত আছে, তাহারই কথঞ্চিৎ আলোচনা এবং উল্লেখ করিতে প্রবৃত্ত হইব ।

নিম্নাবস্থায় অবস্থান করিয়া যিনি যত যত্ন ও পরিশ্রম করিবেন, তিনি ততই ক্রমে উন্নতির পথে অগ্রসর হইতে পারিবেন । এ কথাই বাখার্বা

ব্যাপ্তিগত অথবা জাতিগত, উভয় অবস্থায় সমভাবে দেখিতে পাওয়া যায় । মানসিক অথবা পরমার্থিক উন্নতি সম্বন্ধেও ঠিক তাই । এ বিষয়ে যিনি যত অগ্রসর হইবেন, আমরা তাহাকে ততই ভালবাসা হইতে সম্মান এবং সম্মান হইতে ভক্তি করিতে আরম্ভ করি । সেই জন্ত আমরা বাস্তবিক ব্যাসকে শুদ্ধ কবি বলিয়া ক্ষান্ত হই না,—দেবতা তুল্য জ্ঞান করি । ইংরাজগণও Milton ও Shakespearকে Divine শব্দে অভিহিত করিতে কুণ্ঠিত হয় না । সেইরূপ আবার দাম্পত্য প্রণয় এবং ভালবাসা হইতে ঈশ্বর প্রীতি ও প্রেম প্রাপ্ত হইবার সম্ভব, তবে যিনি যতদূর কৃতকার্য্য হইতে পারেন । এই হেতু পাশ্চাত্যগণ অপেক্ষা আমরা আপনাদিগকে অধিকতর উন্নত মনে করি । ‘পুষ্প’ শব্দটি উচ্চারণ করিলে, হিন্দুহৃদয়ে দেবভাবেরই সমধিক স্ফূর্তি হইয়া থাকে, তদেতর ভাব বড় একটা মনকে অধিকার করিয়া বসিতে পারে না । পাশ্চাত্যগণের মধ্যে এখনও ইতর ভাবই প্রবল ; অধিকাংশ স্থলেই পুষ্প, শুদ্ধ প্রণয়ীর ভালবাসা দেখাইবার নিদর্শন মাত্র—ইন্দ্রিয় তৃপ্তির বিলাস সামগ্রী । কিঞ্চিৎ পরে তাহা স্পষ্ট বুঝিতে পারা যাইবে ।

হিন্দুদিগের মধ্যে যদি কোন প্রকার পুষ্পের ভাষা প্রচলিত থাকে, তবে তাহা নীরব ও অব্যক্ত । নীরবে ও নির্জনে, প্রাণভরা প্রাণের ভাষা, পুষ্পের অব্যক্ত গভীর ভাষায় বিমিশ্রিত হইয়া, হৃদয়ের প্রেম-অশ্রুতে লিখিত হইলে, তাহাই বাগ্মী প্রবরের অকাটা বাক্যপ্রপঞ্চের জ্বায় ক্রিয়া করিতে থাকে ; শুদ্ধ পুষ্প অথবা বৃক্ষপত্র, কথিত ভাবের জ্বায় কার্য্য করিতে দেখিতে পাই না । শকুন্তলাকে শুকোদর সুকুমার নলিনী পত্রে নখ দ্বারা বর্ণ অঙ্কিত করিয়া ‘মদন লেখ’ প্রস্তুত করিতে হইয়াছিল ; সুন্দরকে রত্নির ফুলময় তনু গড়িয়া, কেঁয়া পত্রে চিত্র শ্লোক লিখিয়া নিজের পরিচয় প্রদান করিতে হইয়াছিল—পরিশ্রমের এক শেষ ! পাশ্চাত্যগণের কিন্তু এইরূপ স্থলে বিশেষ সুবিধা ।

ইংলণ্ডে ফুলের ভাষা বহুদিবসাবধি প্রচলিত আছে । Spencer, Ben Jonson হইতে আরম্ভ করিয়া আধুনিক কবিদিগের গ্রন্থে পুর্য্যন্ত, ইহার বিস্তর আভাষ প্রাপ্ত হওয়া যায় । তাহারা যেস্থলে হৃদয় বা মনোগত ভাব সমূহ বাক্য দ্বারা পূর্ণ বিকশিত করিতে অসমর্থ হয়, তথায় পুষ্পের দ্বারা সম্পূর্ণরূপে কৃতকার্য্য হইয়া থাকে ।

“All those token flowers which tell

What words could ne'er express so well.”

Mary Worthy Montague তুরঙ্গ হইতে প্রত্যাবর্তন করিয়া এই প্রথা ইংলণ্ডে বিধিবদ্ধ করিতে আরম্ভ করেন। তুর্কেরা নাকি এ বিষয়ে সমধিক পটু।

লিখিত ভাষা মাত্রেরই যেমন ব্যাকরণ প্রচলিত আছে এবং স্থলবিশেষে তাহার ও আবার সংজ্ঞা নির্দিষ্ট থাকে, ফুলের ভাষা সম্বন্ধেও ঠিক সেই প্রথা অবলম্বন করিবার যত্ন করা হইয়াছে।

সর্বনাম সম্বন্ধে এইরূপ সঙ্কেত নির্দ্বারিত হইয়াছে, কোন বিশিষ্ট ফুলকে বাম দিকে নত করিলে ক্ষেত্রানুসারে 'আমি' অথবা 'আমাকে' বুঝিতে হইবে এবং দক্ষিণ দিক নত করিলে 'তুমি' অথবা 'তোমাকে' বুঝিতে হইবে। কিন্তু যখন প্রকৃত ফুল না দিয়া, কেবল মাত্র তাহার চিত্র প্রেরণ করা হয়, তখন ঐ ফুল পূর্বোক্ত সঙ্কেতের বিপরীত ভাবে অঙ্কিত করিতে হয় 'তুমি' ও 'তোমাকে' বুঝাইতে হইলে, বাম দিকে নত করিয়া চিত্রিত করিতে হয়।

'যে ফুল' যে ভাব পরিস্ফুট করে, সেই ফুলটিকে উন্টাইয়া ধরিলে, অর্থাৎ বোঁটাধার উপর করিয়া ধরিলে, ঠিক তাহার বিপরীত ভাব বিজ্ঞাপিত হয়। পত্র ও কণ্টক সহ গোলাপ কোরক প্রেরিত হইলে, বুঝিতে হইবে, যে আমার মনে আশঙ্কা হইতেছে, কিন্তু আশাও করিতে পারি; কোরকটি উন্নতানত করিয়া প্রেরিত হইলে "তোমার আশা বা শঙ্কা কিছুই করিবার দরকার নাই।" আবার কোরকটি কণ্টক বিবর্জিত করিলে, 'আশা করিবার বিশেষ কারণ রহিয়াছে' ('There is everything to hope') এইরূপ এবং পত্র শূন্য করিলে শঙ্কা করিবার বিশেষ কারণ রহিয়াছে (There is everything to fear) এইরূপ বুঝিতে হইবে। কোন এক প্রকার ফুল (Pausy) সোজাভাবে ধরিলে 'হৃদয়ের শান্তি' (Heart's ease) এবং উচ্চ ভাবে ধরিলে তাহার বিপরীত অর্থ বুঝায়। আবার এই ফুল যখন কাহাকেও হাতে হাতে সোজাভাবে উপহার স্বরূপ প্রদত্ত হয়, তখন সে ব্যক্তি 'আমায় মনে রেখো' ('Think of me') এইরূপ এবং উন্টাভাবে প্রদত্ত হইলে 'আমায় ভুলিয়া যাও' ('Forget me'), এইরূপ বুঝে। Amaryllis নামক এক প্রকার ফুল, অহঙ্কারের সংজ্ঞা বলিয়া নির্দিষ্ট; পূর্বোক্ত প্রথা অনুসারে 'my pride is humbled', 'your pride is checked' এই দুই ভাব উদ্ধাধঃ এবং বামদক্ষিণ দিকে নত করিয়া ব্যক্ত করা যাইতে পারে।

Wall-flower ছুঁড়াগের সময় অনুরক্ত থাকার চিহ্ন (Fidelity in misfortune) বোঁটা ধরে উন্নত করিয়া কাহাকেও প্রদান করিলে, সেই ব্যক্তি দুঃখের সময় অবিশ্বাসের (unfaithful in trouble) কার্য্য করিয়াছিল, এই রূপ সূচিত হয়। আবার mary gold Flower হস্তে রাখিলে 'মনের কষ্ট' (Trouble of mind) হৃদয়ে ধারণ করিলে বিপত্তি অথবা প্রীতি ('trouble or love) এবং বক্ষে ধারণ করিলে ক্লান্তি (weariness) বিজ্ঞাপিত হইয়া থাকে।

A, An এবং The এই তিনটি ইংরাজী (Article) শব্দ এক, দুই ও তিন শাখা বিশিষ্ট লতাগ্র ভাগ দ্বারা অভিযুক্ত হইয়া থাকে।

সংখ্যা নির্দিষ্ট করিবারও সহজ উপায় আছে। এক হইতে দশ পর্য্যন্ত সংখ্যা, যথাক্রমে এক, দুই, তিন ইত্যাদি সংখ্যক পত্রের দ্বারা প্রকাশিত হয়। এগার হইতে উনবিংশ সংখ্যা পর্য্যন্ত বুঝাইতে হইলে, দশটি পাতায় অতিরিক্ত ফল সংযুক্ত করিতে হয়; যথা ১০ তের বুঝাইতে হইলে, দশটি পত্র যুক্ত শাখায় তিনটি ফল সংযুক্ত করিতে হয়। ২০ হইতে ৯৯ সংখ্যা পর্য্যন্ত তিন নিয়ম; যত দশক হইবে, দশ সংখ্যা পত্র বিশিষ্ট শাখায় ততটি যুক্ত পত্র সংলগ্ন করিতে হয়, বক্রী সংখ্যা ফলের দ্বারা জ্ঞাপিত করিতে হয়। যথা ৫৫ বুঝাইতে হইলে, দশ পত্র বিশিষ্ট শাখার অগ্রভাগে পাঁচটি যুক্ত পত্র সংশ্লিষ্ট করিলে প্রকাশ হইল, তাহাতে পূর্বকার মত পাঁচটি ফলযুক্ত করিলে সর্ব সমেত ৫৫ হইল। একশত হইলে দশটি দশপত্র বিশিষ্ট শাখা একটি বৃহৎ শাখায় সংযুক্ত থাকে, তাহাতে আবার যতটি পৃথক পত্র থাকিবে, তত শত বুঝিতে হইবে। খুচরা সংখ্যার নিয়ম পূর্বকার মত। এই প্রকারে এক শত হইতে নয় শত নিরানব্বই সংখ্যা প্রকাশিত হয়। দশটি ফারণ পত্র থাকিলে সহস্র এবং তাহাতে যতটি অপর অপর পত্র সংলগ্ন থাকিবে, ততগুণ সহস্র বুঝিয়া লইতে হয়। এইরূপ ফল ও পত্রের দ্বারা, বয়স, জন্ম তারিখ প্রভৃতি অনায়াসেই স্পষ্ট করিয়া ব্যক্ত করা যাইতে পারে।

কোন প্রণয়ী নিজ প্রণয়িনার অষ্টাদশ জন্মোৎসবে পুষ্প ও পত্রের দ্বারা কিরূপ মনের অস্ফুটভাব, জলন্ত ও স্পষ্ট ভাবে প্রকাশ করিতে পারে, তাহার একটি দৃষ্টান্ত প্রদত্ত হইল। একটি চির সবুজ (চির ভালবাসার নিদর্শন) পত্রে, মাল্যের ভিতর দশটি পত্র বিশিষ্ট শাখায় আটটি ফল সন্নিবেশিত করিয়া (অষ্টাদশ প্রণয়িনীর বয়ঃক্রম), তাহাতে একটি লাল গোলাপ

কোরক (নিশ্চল এবং সুন্দর) অথবা শ্বেত-পদ্ম (পবিত্র ও বিনীত) স্থাপিত করিবে ; ইচ্ছা হইলে তাহাতে আরও পীচ মুকুল (=আমি তোমার বন্দী), কারণ (=সরলতা) প্রদান করা যাইতে পারে ।

সপ্তাহের সপ্ত বার ও বৎসরের দ্বাদশ মাস জ্ঞাপন করিবার ভিন্ন ব্যবস্থা আছে ; সপ্তাহ যথা—সোমবারঃ—পদ্ম পত্র ; সোমবার হইতে সৃষ্টির আরম্ভ, পদ্মপত্র স্বয্যোদয়ে দিবারন্তে প্রস্ফুটিত হয় ।

মঙ্গলবারঃ—অর্ধ শুভ্র ও অর্ধনীল বর্ণ পত্র ; শুভ্র ভাগ স্বর্ণ এবং নীল অংশ সমুদ্রের চিহ্ন । সৃষ্টির দ্বিতীয় দিনে এই কার্য্য সমাধা হইয়াছিল ।

বুধবারঃ—ত্রিবর্ণ রঞ্জিত পত্র ; শুভ্রাংশে স্বর্ণ, নীলাংশে জল এবং হরি-তাংশে পৃথিবী সৃষ্টির তৃতীয় দিবসে এই কার্য্য সমাধা হইয়াছিল ।

বৃহস্পতিবারঃ—হরিদ্বর্ণ পত্রের উপর একটি পুষ্প ; কারণ সৃষ্টির চতুর্থ দিবসের কার্য্য Luminary

শুক্রবারঃ—একটি কীট অধিষ্ঠিত একটি পত্র, শুক্রবার হইতে জীবের সৃষ্টি ।

শনিবারঃ—ফলযুক্ত পত্র ; শনিবার দিবস শাক্ সব্জী ও ফল মূলের সৃষ্টি হয় ।

রবিবারঃ—একটি অলিভ (Olive) পত্র ; বিশ্রাম ও পবিত্রতার চিহ্ন ।

মাস যথাঃ—

জানুয়ারীঃ—সাময়িক পুষ্পমালা পরিবেষ্টিত একটি রবিন্ পক্ষী ; এই সময় রবিন্ পক্ষীর আবির্ভাব হয় এবং সাময়িক পুষ্প সৌরভে চতুর্দিক আমোদিত হইয়া উঠে ।

ফেব্রুয়ারীঃ—সাময়িক পুষ্পমালা পরিবেষ্টিত, একটি (Gold-finch) পক্ষী ; এই সময় এই সকল পক্ষী সঙ্গমে রত হয় ।

মার্চঃ—বাদাম শাখা সমন্বিত একটি পক্ষীর বাসা ।

এপ্রেলঃ—ঝোপের মধ্যে একটি লিনেট পক্ষীর কুলায় ।

মেঃ—পুষ্পবিশিষ্ট একটি ঝোপে কুলায়, আহা-লোলুপ পক্ষী শাবকের চিত্র ।

জুনঃ—অঙ্গুর জনিত পরিপক Stradberry ফল ।

জুলাইঃ—সুগন্ধী বেগুনে Thyme জড়িত, লাম রঙের cherry গুচ্ছ ।

আগষ্টঃ—পক বদরী সংলগ্ন যব ও গমের গুচ্ছ ।

সেপ্টেম্বরঃ—অঙ্গুর সংযুক্ত hops নামক বৃক্ষপত্রের মালা ।

অক্টোবরঃ—বিবিধ বর্ণ বিশিষ্ট তিন Asters এবং hazel-nuts গুচ্ছ ।

নভেম্বরঃ—গাজর ও সালগম সংশ্লিষ্ট আইবি লতার মালা ।

ডিসেম্বরঃ—Holly পুষ্পমালা চাক্চিক্যময় সবুজ পাতা এবং সিন্দূর বর্ণ ফল ও তাহার মধ্যে আনন্দপ্রদ mistletoe এতগুলি একত্র রহিলে ডিসেম্বর মাস বৃষ্টিতে হয় ।

প্রবন্ধটি ক্রমশঃ দীর্ঘতর হইতে চলিল । পাঠকগণের ধৈর্য্যচ্যুতি হইবার সম্ভব ; বিশেষতঃ এইবার ক্ষান্ত না হইলে বীরভূমির বহুমূল্য স্থানের অপব্যবহার করা হইবে । এই জন্য আমরা আপাততঃ আরও কয়েকটি বিলাতী ফুল সম্বন্ধে দুই চারি কথা বলিয়া অদ্যকার মত বর্তমান প্রবন্ধের উপসংহার করিব ।

Chamomile :—‘ছুখে সাহস,’ এই পুষ্প যতই নিষ্পেষিত হয়, ততই মনোরম ভ্রাণ উৎপাদন করে ।

Dodder :—‘নীচতা’ ; এই পুষ্পলতা সাধারণ মৃত্তিকায় আঁগাছার মত জন্মায় । অন্য বৃক্ষ বা গুল্মে সংলগ্ন হইলে তাহাতেই জড়াইয়া থাকে ; তখন ইহার মূল নষ্ট হইয়া যায় এবং ঐ বৃক্ষ বা গুল্ম হইতেই পরিপুষ্ট হইতে থাকে ।

Buckbean :—‘স্থির ও শান্তি’ ; যখন আকাশ নিশ্চল হয় এবং সূক্ষ্ম বায়ু বহিতে থাকে, তখন এই শ্বেত পুষ্প সকল গুচ্ছে গুচ্ছে প্রস্ফুটিত হয় । সচরাচর এই পুষ্প জলাশয়ের নিকট জন্মে, এই জন্য ইহার শ্বেত পুষ্প নিশ্চল জলে প্রতিফলিত হইয়া বড়ই সুন্দর দেখায় ।

Darnel :—‘পাপ’ ; মানবের মনে পাপ প্রবেশ করিলে যেরূপ সঘৃতি নিচয় বিনষ্ট হয়, তদ্রূপ এই পুষ্প, শস্যক্ষেত্রে জন্মিয়া শস্যের বিশেষ অনিষ্ট সাধন করে । ইত্যাদি

শ্রীশিবরতন মিত্র ।

কোথা শান্তি ?

হেথা, সদা জলে শোকানলে, এ ক্ষুদ্র পরাণ মোর,
 হেথা, বিষে হৃদি জর্ জর্, সদা উঠে হাহাকার ;
 হেথা, কিবা নিশি দিনমান, হৃদি পুড়ে ছারখার ;
 হেথা, কোথা হ'তে অলক্ষিতে, সদা বহে এক টান
 হেথা, সদাই আকুল প্রাণ, হৃদে তৃষ্ণা বলবান,
 হেথা, প্রবল অশান্তি বাতে, উৎপাটিত শান্তি তরু
 হেথা, সংসার-বিটপী তলে, ফুলে ফল ঝরে যায় ;
 শেষে, হতাশে ভেঙ্গেছে বুক, খুঁজিয়াছি যতবার
 তাই, বিষম বিপাকে পড়ি, শান্তির শীতল ছায় ;
 ওমা, তোর আশে সযতনে, লাজনা, গঞ্জনা সহি
 এ হৃদি আসন খানি ।

শ্রীধরচন্দ্র চক্রবর্তী ।
 বালী ।

জ্যোতিষ্ক-তত্ত্ব ।

অনন্ত-শক্তির অনন্ত সৃষ্টির মধ্যে জ্যোতিষ্কমণ্ডল অশ্রুতম । প্রভাতে
 রক্তরাগ রঞ্জিত পূর্ব গগনে 'জ্বাকুসুম, সঙ্কাশ' তপন দেবের উদয়, পৌর্ণ-
 মাসীর সাক্ষ্য নিশায় জগৎ-মনোহর রূপে পূর্ণচন্দ্রের বিকাশ, 'অমা-নিশার
 ভামসী রজনীতে সুনীল নির্মল আকাশে সুরবালা দীপরাজি সদৃশ তারকা-
 বলীর আবির্ভাব আমরা আজন্ম প্রত্যক্ষ করিতেছি । বিশ্ব সৃষ্টির প্রারম্ভ
 হইতেই এই জ্যোতিষ্কমণ্ডল বিদ্যমান আছে । সমুদ্র-সৈকতের ক্ষুদ্র বালুকা-
 কণা হইতে অত্যাঙ্গ শূঙ্গ সুবিশাল মহীধর, প্রভাত তৃণদল সংযুক্ত ক্ষুদ্র শিশির
 কণা হইতে অনন্ত অসীম নীল অম্বুধি, চক্ষুর অগোচর সামান্য কীটানু হইতে
 জীবকুলশীর্ষ মানব প্রভৃতি পৃথিবীস্থ যাবতীয় পদার্থই তাঁহার সর্বশক্তিমত্তার
 পরিচায়ক, গণনাভীত জ্যোতিষ্কমণ্ডলও এই বিশ্বনিয়ন্ত্রার অপার মহিমা
 যুগযুগান্তর ঘোষণা করিতেছে । সেই জ্যোতিষ্কমণ্ডলের আলোচনায়
 প্রবৃত্ত হইলে মহাতেজা তপনদেবই সর্ব প্রথমেই আমাদের মনোযোগ
 আকর্ষণ করেন । কোটি ব্রহ্মাণ্ডপতির অনন্ত রাজ্যে তপনদেবের গায় বা
 তাঁহা অপেক্ষা মহীয়ান কোটি কোটি জ্যোতিষ্ক বিদ্যমান থাকিলেও নৈকট্য
 নিবন্ধন, বাল্যকাল হইতেই তিনি আমাদের বিশেষ পরিচিত । আমাদের
 সৌরজগতের কেন্দ্র বলিয়া তিনি আমাদের চক্ষে মহান । শৈশবে 'দিদি-
 মার' মুখে তাঁহার বৃদ্ধ সারথী পরিচালিত অষ্টাঙ্ঘ-যোজিত বিশাল স্যন্দনের
 কথা শ্রবণ করিয়াছি, পৌষের দারুণ শীতে সতৃষ্ণ নয়নে পূর্ব গগনে তাঁহার
 উদয়ের প্রতীক্ষা করিয়াছি, কখনও বা তাঁহাকে মাতুল সন্মোদনে, কখনও বা
 তাঁহার অতি বৃদ্ধা মাতাকে উৎকোচ-প্রদান প্রলোভনে তাঁহার শীতাপহারক
 প্রথর কর-প্রার্থী হইয়াছি । বয়োবৃদ্ধির সঙ্গে সঙ্গে শাস্ত্রকার-মুখে তাঁহার
 দেবত্বের কথা শুনিয়াছি, পৌরাণিক মুখে তাঁহার অমিত পরাক্রমশালী বিস্তৃত
 বংশের বিষয় অবগত হইয়াছি, আর সেই অনন্ত শক্তিমান মহান জ্যোতি-
 ষ্মানের চক্ষু স্বরূপ এই অমিত-তেজা জ্যোতিষ্ক-পুঞ্জবের অল্পম রূপে ও
 অপার শক্তি দর্শনে আত্মহারা হইয়া 'জ্বা-কুসুম সঙ্কাশ' ইত্যাদি মন্ত্রপাঠ
 পূর্বক ভক্তিভরে শত সহস্র বার তাঁহার চরণে প্রণাম করিয়াছি । এই

তপন দেব হইতেই জগতের উদ্ভব, তাঁহা ব্যতীত জগতের অস্তিত্ব অসম্ভব, সেইজন্য তিনি 'সবিতা' বা 'জগৎ প্রসবিতা'। সুতরাং জ্যোতিষ্কমণ্ডলীর আলোচনায় প্রবৃত্ত হইয়া তাঁহাকে উপেক্ষা করিয়া অস্ত্রের আলোচনা করা অসম্ভব। তাঁহার বিষয় যথাশক্তি আলোচনা করাই এই ক্ষুদ্র প্রবন্ধের উদ্দেশ্য। বলিয়া রাখা আবশ্যিক যে, মানব বিভিন্ন দেশে বিভিন্ন সময়ে সূর্য্যদেবকে বিভিন্ন চক্ষে দর্শন করিয়াছে, সে সমুদয়ের অবতারণা এই প্রবন্ধের উদ্দেশ্য নহে। এই বিংশ শতাব্দীতে, বিজ্ঞানের এই চরম উন্নতিকালে বিজ্ঞান শাস্ত্র উপেক্ষা করিয়া সূর্য্যের ঈশ্বরত্ব বা দেবত্ব প্রতিপাদনের চেষ্টা পৌত্তলিকতা মাত্র। সুতরাং আমিও বিজ্ঞানবিদের পদাঙ্ক অনুসরণ করিয়া তিনি বৈজ্ঞানিক-চক্ষে সূর্য্য সম্বন্ধীয় যে সকল বিষয়ের আবিষ্কার করিয়াছেন, সংক্ষেপে তাহার আলোচনা করিব।

আমরা চক্ষুচক্ষে সূর্য্যকে একখানি গোলাকার রৌপ্য খালার স্থায় ক্ষুদ্র ও সমতল দেখিয়া থাকি, কিন্তু বস্তুর তাহা নহে, সূর্য্য অতি প্রকাণ্ড ও পৃথিবীর ন্যায় বর্তুলাকার। যেমন কোন গোলকের সম্মুখে দণ্ডায়মান হইলে উহার এক অংশ মাত্র আমাদের দৃষ্টিপথে পতিত হয়, অপর সমুদয় অংশ দৃষ্টির বহির্ভূত থাকে, সেইরূপ আমরা সূর্য্যেরও অংশমাত্র দেখিতে পাই। প্রকৃত পক্ষে সূর্য্যের আয়তন এত প্রকাণ্ড যে, উহার পরিমাণের বিষয় সম্যক ধারণা করা এক প্রকার অসম্ভব। বহু দিন পরে পুত্র-কণ্ঠার চন্দ্রমুখ নিরীক্ষণেচ্ছ বা প্রিয়তমা প্রণয়িনীর প্রণয়-সন্তোষণ-লিপ্সু প্রবাসী পাঠক বোম্বে বা পঞ্জাব মেলের বেগ দেখিয়া বিস্মিত হইয়াছেন। "ছয় দণ্ডে ছয় দিনের পথ" অতিক্রম করিয়া সূদূর ব্যবধানস্থিত প্রিয়তম-পুত্রের সুখ-সংস্পর্শে আত্মহারা হইয়া বা প্রণয়িনীর সুকোমল বাহুপাশে আবদ্ধ হইয়া বাস্পীয় শকটের ত্রিশশক্তি সম্পন্ন আবিষ্কারকের ভূয়সী প্রশংসা করিয়াছেন। কিন্তু ঐ প্রকার দ্রুতগামী যানে আরোহণ করিয়া যদি একবার সূর্য্যমণ্ডলকে প্রদক্ষিণ করিতে হয় তাহা হইলে দিবারাত্রির মধ্যে একবার বিশ্রাম না করিলেও দশ বৎসর লাগিবে! পৃথিবীর আয়তনকেই আমরা অতি প্রকাণ্ড বলিয়া জানি কিন্তু সূর্য্যকে দশ লক্ষ সমান ভাগে বিভক্ত করিলে তাহার এক এক ভাগও পৃথিবী অপেক্ষা বড়! সূর্য্যের তাপ পরিমাণও আয়তনেরই অনুরূপ, বৈজ্ঞানিক রসায়ন শাস্ত্রের সাহায্যে, কৃত্রিম উপায়ে যে পরিমাণ তাপ উৎপন্ন করিতে পারেন, তাহা সূর্য্যতাপের সামান্যতম মাত্র প্ল্যাটিনম,

নামক ধাতুখণ্ডে তাড়িত প্রবাহ চালিত করিলে উহা অত্যন্ত গুণ ও অত্যন্ত জ্বল হইয়া দ্রব হইয়া পড়িতে আরম্ভ করে। কৃত্রিম উপায়ে উদ্ভূত যাবতীয় তাপের মধ্যে এই গলনশীল প্ল্যাটিনমের, তাপ পরিমাণই সর্বাপেক্ষা অধিক, কিন্তু সূর্য্যতাপের সহিত ইহার তুলনাই হইতে পারে না।

এক্ষণে জিজ্ঞাস্য হইতে পারে, সূর্য্য এত প্রকাণ্ড হইলেও আমাদের চক্ষে এত ক্ষুদ্র কেন? সূর্য্যতাপ এত অধিক হইলেও আমরা তাহাতে ভস্মীভূত হই না কেন? পৃথিবী হইতে সূর্য্যের দূরত্বই ইহার কারণ। সূর্য্য আমাদের আবাসভূমি পৃথিবী হইতে প্রায় ৯ কোটি ২৭ লক্ষ মাইল অন্তরে অবস্থিত। এই দূরত্ব নিবন্ধনই আমরা সূর্য্যকে এত ক্ষুদ্র দেখি, এই দূরত্ব নিবন্ধনেই সূর্য্যতাপের অতি সামান্যতম মাত্র পৃথিবীতে আসিয়া পৌঁছে। কোন প্রকাণ্ড অগ্নিকুণ্ডের যত নিকটবর্তী হওয়া যায়, ততই আমরা উহার তাপ অধিক অনুভব করি এবং উহা হইতে যত দূরে বাওয়া যায়, উহার তাপও তত হ্রাস হয়, আমরা এই অসীম তাপরাশি হইতে ৯ কোটিরও অধিক মাইল দূরে অবস্থান করিতেছি বলিয়া সেই অননুমেয় তাপের শুভাব অনুভব করিতে পারি না। যদি কোন উপায়ে সূর্য্যের সন্নিহিত হইতে পারিতাম, তাহা হইলে ভীষণ দাবানলে ক্ষুদ্র পতঙ্গের স্থায় মুহূর্ত্তে ভস্মীভূত বা বাস্প-পুঞ্জ মাত্রে পরিণত হইতাম, তদ্বিষয়ে আর সন্দেহ নাই। অনেকে মনে করিতে পারেন, আমরা পৃথিবীপৃষ্ঠ হইতে যত উচ্চে উঠিব, ততই সূর্য্যের সন্নিহিত হইব, সুতরাং তাপ পরিমাণও সেই পরিমাণে বৃদ্ধি হইবে। কার্যতঃ কিন্তু তাহা ঘটে না। যাঁহারা কখন শৈলারোহণ করিয়াছেন, যাঁহারা কখন হিমাদ্রির উচ্চ-চূড়ায় উঠিবার চেষ্টা করিয়াছেন, তাঁহারা অবগত আছেন যে, পৃথিবীপৃষ্ঠ হইতে যত উচ্চে আরোহণ করা যায়, তাপের পরিমাণ সেই পরিমাণে হ্রাস হইয়া থাকে। সাগরতল হইতে ৭০০০ ফিট উচ্চে অবস্থিত দার্জিলিংএ সমস্ত বর্ষব্যাপী ঘোর শীত, পৃথিবীস্থ যাবতীয় উচ্চ গিরিশৃঙ্গ চিরনিহারাচ্ছন্ন। পূর্বে যাহা বলা হইয়াছে, বাহুতঃ দেখিতে গেলে এই ব্যাপারটী তাহার সম্পূর্ণ বিরোধী বলিয়া বোধ হয়। কিন্তু বাস্তবিক তাহা নহে। আমরা সূর্য্য হইতে সাক্ষাৎ সম্বন্ধে যে তাপ প্রাপ্ত হই, তাহার পরিমাণ এত অল্প যে, উক্ত তাপ পৃথিবীপৃষ্ঠে সঞ্চিত হইবার কোন উপায় না থাকিলে পৃথিবী চিরবরফাচ্ছন্ন হইয়া প্রাণীবাসের অযোগ্য হইত। কথাটা একটু বিশদরূপে বুঝিবার চেষ্টা করা যাউক। প্রথম রবি-করোজ্বল দিবা-

ভাগে কোন দেওয়াল শূণ্য কাচনির্মিত সাসী পরিবেষ্টিত গৃহমধ্যে প্রবেশ করিলে গৃহের মধ্যভাগ বহির্দেশ অপেক্ষা অধিক উত্তপ্ত বোধ হইবে। ইহার কারণ এই যে, যে পরিমাণ তাপ কাচ ভেদ করিয়া চতুর্দিক হইতে গৃহমধ্যে প্রবেশ করে, সে পরিমাণ তাপ আর বাহির হইতে পারে না, সুতরাং তথায় তাপ ক্রমশঃ সঞ্চিত হইতে থাকে। এইরূপে ক্ষুদ্র গৃহে অধিক পরিমাণে তাপ সঞ্চিত হওয়ায়, গৃহের অভ্যন্তরভাগ বহির্দেশ অপেক্ষা অধিক উষ্ণ হয়। পৃথিবীতল সম্বন্ধেও ঠিক এইরূপ। যে পরিমাণ সূর্য্যতাপ বায়ুরাশি ভেদ করিয়া পৃথিবীপৃষ্ঠে আসিয়া পৌঁছে, সেই পরিমাণ তাপ আর বায়ুভেদ করিয়া শূন্য দেশে বিক্ষিপ্ত হইতে পারে না। ভূভাগ উক্ত তাপ গ্রহণ করিয়া উষ্ণ হইতে উষ্ণতর হইতে থাকে ও তন্নিকটবর্তী বায়ুরাশিও উত্তপ্ত ভূপৃষ্ঠ সংস্পর্শে উপস্থিত বায়ুরাশি অপেক্ষা অধিক উত্তপ্ত হয়। এখানে বায়ুরাশিকে কাচ নির্মিত সাসী ও পৃথিবীপৃষ্ঠকে গৃহাভ্যন্তর বলিয়া কল্পনা করা যাইতে পারে। আমরা এই সাসীরূপী বায়ুভেদ করিয়া যতই উর্দ্ধে উঠিতে থাকিব, ততই অধিক শৈত্য অনুভব করিব। যদি কোন প্রকারে পৃথিবীর চতুর্দিকস্থ বায়ুমণ্ডল নষ্ট হইয়া যায়, তাহা হইলে পৃথিবীপৃষ্ঠে চিরহিমালী বিরাজ করিবে, তদ্বিষয়ে আর সন্দেহ নাই।

“শশাঙ্ক কলঙ্কী” বলিয়া ভুবনবিখ্যাত। চন্দ্রের নিজের রূপ নাই—পরের রূপ লইয়া তাঁহার রূপ, সূর্য্যদেবের প্রথর কিরণই তাঁহার মধুর রূপের মূলীভূত, তাই তিনি ধার করা রূপে আপন কলঙ্ক গোপনে অক্ষম। সেই জন্ত আমরা বাল্যকাল হইতেই তাঁহার পল্লবিত শাখা-প্রশাখা বিশিষ্ট ‘কদম্ব বৃক্ষ’ তলদেশে রজ্জুবদ্ধ “হরিণ শাবক” ও সকার্য্য তৎপরা অশীতি-পরা “বুদ্ধার সূত্র নিৰ্ম্মাণ” প্রত্যক্ষ করিয়াছি। সূর্য্যের কলঙ্কের কথা কখনও স্বপ্নেও ভাবি নাই। কিন্তু বৈজ্ঞানিক ছাড়িবার পাত্র নহেন, যন্ত্রদৃষ্টিতে সূর্য্যের এই ভুবন আলোকরা রূপের মধ্যেও কলঙ্ক আবিষ্কার করিয়াছেন, দূরবীক্ষণ সাহায্যে তাঁহার অনুপম সৌন্দর্য্যরাশির মধ্যেও কৃষ্ণবর্ণ কিছু দেখিয়াছেন। যিনি সূচ্যগ্রস্থিত রক্তবিন্দুতে দশ লক্ষ কীটাপুর সমাবেশ প্রত্যক্ষ করিতে পারেন, তিনি যে সূর্য্যে কলঙ্ক দেখিবেন, ইহার আর বিচিত্র কি! ব্রহ্মাণ্ডেশ্বর পূর্ণচন্দ্রে কলঙ্ক দিয়াছেন, অকোমল জনমনোহর কুমুম-কোরকে কীট দিয়াছেন, সূর্য্যও তাঁহার সৃষ্টি, সুতরাং সূর্য্য নিখুঁত হইবে কেন? ঐ সকল কৃষ্ণবর্ণ চিহ্নই সূর্য্যের কলঙ্ক। বিশ্বচক্ষুর চক্ষুরোগ বড়ই বিচিত্র

কথা! কিন্তু সূর্য্যের পক্ষে বাহ্য কলঙ্ক, বিজ্ঞানবিদের পক্ষে উহা অমূল্য কৃষ্ণমণি, কারণ ঐ সকল কৃষ্ণ চিহ্নের সাহায্যেই তিনি সূর্য্য সম্বন্ধীয় বহুবিধ তথ্যের আবিষ্কার করিয়াছেন। এই সমস্ত বিষয়ের আলোচনা করা লেখকের সাধ্যাতীত, তবে এই চিহ্ন সম্বন্ধে যথাসক্তি ছই একটি কথা বলিয়া এ অংশের উপসংহার করিব।

পরীক্ষা দ্বারা দেখা গিয়াছে যে, সূর্য্যমুখ্যে এই সকল কৃষ্ণচিহ্নের মধ্যভাগ ঘোর কৃষ্ণবর্ণ ও চতুঃপ্রান্ত ঈষৎজ্বল এবং এই সকল চিহ্ন একস্থানে স্থিরভাবে থাকে না। পরন্তু কোন একটি চিহ্ন লক্ষ্য করিয়া বিশেষ পর্য্যবেক্ষণ করিলে দেখা যাইবে, উহা সূর্য্যের একপ্রান্তে আবির্ভূত হইয়া ক্রমশঃ অপর প্রান্তে গমন করিয়া অন্তর্হিত হয় এবং এইরূপে একপ্রান্ত হইতে অপর প্রান্ত পর্য্যন্ত গমন করিতে যে সময় লাগে, ঠিক সেই সময় পরিমিত সময় দৃষ্টির অগোচরে থাকিয়া পুনরায় পূর্ব্ববৎ প্রান্তভাগে প্রকাশ পায়। স্থানভেদে, ইহার আকৃতিরও পরিবর্তন হইয়া থাকে। প্রান্তদেশে প্রথম আবির্ভাব কালে ইহা রেখাকৃতি প্রতীয়মান হয়, ক্রমশঃ যত মুখে দিকে অগ্রসর হইতে থাকে, ততই বিস্তৃত হইয়া সূর্য্যের কেন্দ্র প্রদেশে অর্থাৎ দর্শকের দৃষ্টির সম্মুখভাগে আসিলে পূর্ণভাবে দৃষ্টিগোচর হয় এবং আবার ক্রমশঃ ক্ষুদ্র হইতে ক্ষুদ্রতর হইয়া অপর প্রান্তে অদৃশ্য হইয়া যায়। সূর্য্যপৃষ্ঠস্থ সমুদয় কৃষ্ণ চিহ্নের এইরূপ গতি একই দিকে এবং একই প্রকারে সম্পাদিত হইয়া থাকে। এই সকল চিহ্নের সংখ্যা সকল সময় সমান থাকে না, কখন অধিক, কখন অল্প, কখনও বা একবারে কিছুই থাকে না। কেহ কেহ অনুমান করেন যে, এই সকল কৃষ্ণ চিহ্ন সূর্য্য ও পৃথিবীর মধ্যে অবস্থিত বস্তু বিশেষ মাত্র। কিন্তু বিশেষ পরীক্ষা দ্বারা স্থির হইয়াছে যে, এ মত সমীচীন নহে। অনেকে এই সমস্ত কৃষ্ণ চিহ্নকে সূর্য্যপৃষ্ঠস্থ গভীর গহ্বর বলিয়া অনুমান করিয়া থাকেন। ফলতঃ এরূপ অনুমান করিলে বিষয়টি কিছু সহজ হইয়া যায়। সূর্য্যপৃষ্ঠ অত্যাজ্বল হইলেও উহার অন্তর্দেশ অন্ধকারময় হইতে পারে। কোন গভীর গহ্বরের পার্শ্বদেশ সমূহ আলোকময় করিলে দেখা যায়, উপরিস্থ আলোক গহ্বরে প্রবৃষ্ট হইয়া উহার চতুর্দিকের কিয়দংশ কিয়ৎ পরিমাণে আলোকিত করে, কিন্তু তলভাগ অন্ধকারময় থাকিয়া যায়। সেইরূপ সূর্য্যের উপরিভাগে কোন গর্ত থাকিলে সূর্য্যপৃষ্ঠস্থ আলোকরাশি উক্ত গহ্বরে প্রবৃষ্ট হইয়া চতুঃ

দিকের কিয়ৎ অংশ কথঞ্চিৎ উজ্জল করিতে পারে, কিন্তু উহার তলভাগে অন্ধকারায় থাকিবে ইহা বিচিত্র নহে ।

মনে করুন এক প্রকাণ্ড ভূগোলকের উপরিভাগে বিষুবরেখার নিকটে একটা গর্ত খনন করা আছে । যদি ঐ গোলকের সম্মুখে কিছু দূরে দণ্ডায়মান হইয়া উহার প্রতি দৃষ্টিপাত করা যায়, তাহা হইলে উহার অর্ধাংশ মাত্র আমাদের দৃষ্টিগোচর হইবে এবং অপর অংশ দৃষ্টির অগোচর থাকিবে । পূর্বোক্ত গর্তটা যদি আমাদের দৃষ্টির অগোচর থাকে ও গোলকটিকে নিয়মিত বেগে আপন মেরুদণ্ডের উপর আবর্তন করান যায়, তাহা হইলে উক্ত গর্ত দৃষ্টিনীমান্তবর্তী প্রদেশের প্রান্তভাগে আবির্ভূত হইয়া পুনরায় অপর প্রান্তে অন্তর্হিত হইবে এবং যতক্ষণ আমাদের দৃষ্টিগোচর ছিল, তিক ততক্ষণ দৃষ্টির অগোচরে থাকিয়া আবার পূর্ববৎ দৃষ্টিপথে আসিবে । আরও দেখা যাইবে যে, গর্তটা যখন প্রথম দৃষ্টিগোচরে আইসে, তখন আমরা উহার এক প্রান্ত মাত্র দেখিতে পাই, ক্রমশঃ যত সম্মুখবর্তী হইতে থাকে, ততই উহার অধিক হইতে অধিকতর অংশ দেখিতে পাই, এবং আমাদের তিক সম্মুখভাগে উহা পূর্ণভাবে দৃষ্ট হয় ও আবার অনস্পর্গ হইতে অনস্পর্গতর ভাবে দৃষ্ট হইয়া পরিশেষে অন্তর্হিত হয় । গোলকের যে অংশেই গর্তটা থাকুক না কেন, তিক ঐরূপই ঘটবে, একের অধিক গর্ত থাকিলে বা কোন অংশে অধিক সংখ্যক ও কোন অংশে অল্প সংখ্যক থাকিলে ঐ গুলি পর্যায়ক্রমে আমাদের নয়নপথে আসিবে—আমরা কখন অধিক দেখিব কখন অল্প দেখিব । পূর্বে বলা বাহা হইয়াছে, তাহাতে বুঝা যায়, সূর্য্যপৃষ্ঠস্থ কৃষ্ণ চিহ্নগুলি সম্মুখে ও প্রায়ই ঐরূপ ঘটে এবং সূর্য্য ও পৃথিবীর গ্রায় বর্তুলাকার । এক্ষণে যদি কল্পনা করা যায় যে, সূর্য্য ও পৃথিবীর গ্রায় আপন মেরুদণ্ডের উপর আবর্তন করে, তাহা হইলে উহার উপস্থিত কৃষ্ণ-চিহ্নগুলির আবির্ভাব, গতি ও তিরোভাব সম্বন্ধে পূর্বে বলা হইয়াছে, তাহা বুঝা আর কঠিন হয় না । যেমন কোন বেগে ঘূর্ণিত লাটিম হইতে দূরে দণ্ডায়মান হইলে উহা নিশ্চল বলিয়া বোধ হয়, কিন্তু উহার উপরি-ভাগে কোন চিহ্ন থাকিলে সেটা গতিশীল প্রতীয়মান হয়, সেইরূপ আমরা ও দূরস্থ নিবন্ধন সূর্য্যের আবর্তন অনুভব করিতে পারি না, কেবল উহার উপস্থিত কৃষ্ণ চিহ্নগুলিকেই গতিবিশিষ্ট মনে করি । বস্তুতঃ চিহ্ন-গুলি সূর্য্যের অংশরূপে উহার পৃষ্ঠদেশে থাকিয়া উহার সহিত আবর্তন করে ।

পর্য্যক্ষণ দ্বারা দেখা গিয়াছে, সূর্য্যের বিষুবরেখার নিকটস্থ চিহ্নগুলি প্রায় ১৩ দিন দৃষ্টিগোচর থাকিয়া অদৃশ্য হয় । কিন্তু ৩০ অক্ষাংশ সম্বিহিত চিহ্নসমূহ তাহা অপেক্ষা প্রায় ১২ ঘণ্টা অধিক দৃষ্টিগোচর থাকে । ইহাতে অনুমিত হইতে পারে, সূর্য্য পৃথিবীর গ্রায় কঠিন পদার্থ নহে ; কারণ তাহা হইলে ঐরূপ সময়ের বিভিন্নতা অসম্ভব । ফলতঃ ইহা এক প্রকার স্থিরীকৃত হইয়াছে যে, সূর্য্য কঠিন বা তরল নহে, জলন্ত বাষ্পপিণ্ড মাত্র ।

ক্রমশঃ

শ্রী আদ্যনাথ রায় বি, এ !

অমৃত তুমনিকা ।

(পূর্ব প্রকাশিতের পর ।)

প্রকট বিহার রূপে বিলাস জাহার ।
 তেহোর মফলা এই শাস্ত্রের বিচার ॥
 ইহো পুন্ন নহে কভুহএ পুন্নভর ।
 নহে কেনে গতায়াতে কিরে নিরন্তর ॥
 কার্জায়ভাবর্তে লোকে কক্ষ স্থানে জনময় ।
 এই মত পুন্নভর সর্ক ক্ষগে বিলসয় ॥
 জেহো পুন্ন ভগবান তিহো পুন্নরূপ ।
 স্থলেতে তাহার বিলাস গুণ অপরূপ ॥
 কার্জ্যাতি স্মরির এই স্থল রূপ বলি ।
 এই দেহে মুণিত মুকু ছই করে কেলি ॥
 নিভ স্মরির মুণিত মুকু নিভ কৌসর হয় ।
 ইস্বর গোচর নহে সান্তে কিবা কয় ॥
 আর কহি মুন সর্ক সান্ত রহুভব ।
 অপ্রাকৃত ধাম বৃন্দাবন কহে সব ॥
 প্রাকিত কাহারে বলি অপ্রাকিত বার ।
 সান্তবেদ বহি মরে বলদ আকার ॥
 ষোল ক্রোস বৃন্দাবন সর্ক সান্তে জান ।
 বৈকুণ্ঠের পর হয় কহি এ কারণ ॥

ক্রোসকে অঙ্গুলি বলি করিলা সিদ্ধান্ত ।
 গর্গবাক্য এই কথা জানিবে যেকান্ত ॥
 ইহার পরেতে জেই সেই নিত্যস্থান ।
 নিত্য লিলা তোথা করে স্বয়ং ভগবান ॥
 দিগ মধ্যে সেই নিত্য কোন দিগ নয় ।
 সিদ্ধান্ত করিয়া বুঝ ইমান কুণ হয় ॥
 বেদ বিধিগোচর সেই নিত্য ধাম ।
 কন্দপ মোহন স্থান যতি অনুপাম ॥
 স্বরসেতে রস হয় নিরসেতে রস ।
 সেই রসোদিপ্ত করে জগত করে বস ॥
 দিবা নিশি নাহি তথা চন্দ্র সূর্যের গতি ।
 ক্রোটি খনি নিরাকার করি স্থানের হয় জুতি ॥
 জদি কহ নিতিত কুঞ্জ স্থান বিলক্ষণ ।
 তোথা সেবা করে কেবা সেই কোন জন ॥
 তাহার বিসেস কথা যুন এক মনে ।
 রূপবতি রস সেবা করে তিন জনে ॥
 সেই নিত্য সিদ্ধ সর্বসক্তি ধরে ।
 অভিমত জানি ইহার মন হিত করে ॥
 জখন জেমত রূপে মদন বিহরে ।
 সেই ভাবে তিণ জন পরিতোস করে ॥
 জখন শ্রিজিল শ্রিষ্টি ব্রহ্মাণ্ড ইন্দ্র ।
 রাত্রি দিন নাহি ছিল ঘোর অন্ধকার ॥
 তখন যাছিল নির্ভ কেমন প্রকারে ।
 কেমনে যাছিল মদন কহিবে যামারে ॥
 কোন রূপে ছিলা তোমা সক্তি নিত্য স্বরি ।
 এই সব তত্ত মোরে কহিবে বিচারি ॥
 যুনহ একান্ত করি যাগম বচন ।
 ইহাতে করহ সব সন্দেহ ভঞ্জন ।
 সুন ২ সর্বজন হঞা একজন ।
 ইহার শ্রবণে স্কন্ধ স্তম্ভ হয় মন ॥

কহিলে ব্রহ্মাণ্ড জবে যন্ধকার ছিল ।
 কেবা তাহে যাসি ঘোর সব ছর কৈল ॥
 সে সব সিদ্ধান্ত কথা স্মরণ এক মনে ।
 ঘুচিবে সংসার ফাস হবে তও জানে ॥
 ব্রহ্মাণ্ড ব্যাপিত পঞ্চাসং সত ক্রোটি হয় ।
 তার মধ্যে চৌরাসিন্তে জিবের উদ্ভব নিশ্বর ।
 সুনহ অপূর্ব কথা বচন আমার ॥
 সোল ক্রোস খণ্ড ভিতর হয় সর্বসার ॥
 তার মধ্যে ষষ্ঠ ক্রোস দেখ বিচারিঞা ।
 অষ্ট পদ আছে তথা মুদিত হইঞা ॥
 তার উর্দ্ধে এক পদ জ্যোতির্ময় হয় ।
 তাহাতে মদন স্থির জানিহ নিশয় ॥
 সেই পদ বিকসিত হৈল জেই কালে ।
 অন্ধকার ছুরে গেল দিপ্ত সর্ব স্থলে ॥
 তথাহি গর্গ বাক্যঃ ॥
 আব্রহ্মঃ ব্রহ্ম লক্ষ জোজনিত ।
 পরংপরে উদিত ভানু ঘোর সর্ব বিনাসিত ॥
 ব্রহ্মাণ্ড উপরে সূর্য্য লক্ষ যোজন গুণি ।
 তোমা উদয় হঞা দিপ্ত করয়ে অবনি ॥
 এই মত পদ জুতি সুন সর্বজন ।
 বিকসিত হঞা য়ালা করে ত্রিভুবন ॥
 পূর্বে জে কহিলাম জত সব ফাকি জান ।
 ঘোর অন্ধকার কেবল মনের করণ ॥
 অজ্ঞান পাষণ্ড মায়া মুঞ্চ জত জন ।
 ঘোর অন্ধকারে তারা থাকে সর্বক্ষণ ॥
 জেমত কুলুর বলদ ফেরে চক্ষু নঞা চুঁসি ।
 পাকে পাকে ফিরে সেহ গলে নঞা ফাঁসি ॥
 এইরূপে জিবের ফাঁসি কন্যা পুত্র গলে ।
 চক্ষ্যে চুলি দিল নারি নানা দিগে বলে ॥
 এই সব জিবের দেখ ঘোর অন্ধকার ।

সূর্যের কিরণে দিপ্ত না হয় তাহার ॥
 আর কহি সুন প্রাণি হঞা একমন ।
 উদ্ধে কেনা দেখে জেন সূর্যের কিরণ ॥
 এই সব জিব জিরের হয় অদিষ্ট নিত্য স্থান ।
 বিনা সাধু সঙ্গ ইহার নাহি হয় জ্ঞান ।
 তথাহিঃ ॥
 সেবা সাধক রূপেন সিদ্ধরূপেন চাত্তি হি ।
 তদ্ভাব নিষ্পণা কার্য্যঃ ব্রজলোকানুসারদ ॥ ইতি ॥
 ব্রজ জনের সাদ্ধিসি সাধু এক যঙ্গ ধরে ।
 এক যাত্না এক প্রাণ ফিরয়ে সংসারে ॥
 সহজ ভাবেতে তেহো সহজ মানুষ হঞা ।
 ভ্রমণ করয়ে খেতি তলে বিলসিঞা ॥
 তুহার করহ সেবা আত্ম সমর্পণ ।
 তবে খোর অন্ধকার হইবে মোচন ॥
 তবে নিত্য দেখিতে পাবে নিকুঞ্জ ভূবন ।
 তবে জ্যোতির্ময় সেই করিবে দরসন ।
 গোপি ভাবগ্রাহি হঞা সাধে সেই কর্ম্ম ।
 সেই জন চাহিবে ব্রেজে যুনে যার মর্ম্ম ॥
 লিলা নির্ভু ছুই গোপি ক্ষম তাহা বলি ।
 অন্তর বাঁহু ছুই ইসত বুঝহ সকলি ।
 লিলাকারি গোপি সেবি লিলাধুখ রসে ।
 নিত্য গোপি লিঙ্গ পুজি নিত্য রস সোষে ॥
 নিষ্পলা সাধকে ভাব এই কার্য্য মত ।
 নির্গুন নিষ্কামি হঞা যুথ ভূঞে কত ॥
 অস্যার্থ ॥ তথাহি ॥ লিঙ্গপুরাণে অশ্র না ॥
 জ্যোতিলিঙ্গ কাম্যালিঙ্গ দিব্য লিঙ্গ ব্রহ্ম
 কৈলাস দিষ্ট বায়ুদেবঃ দিব্য রতন মুনি ॥
 অনাদি অনন্তঃ মধ্য পরিবেদ ভেদঃ বর্গনঃ
 শ্রীহং লিঙ্গ পুন্ন ব্রহ্ম সক্তি আদ্যা সেবনঃ ॥ ইতি ॥
 এই মত নিত্য গোপি লিঙ্গ আরাধিঞা ।

জ্যোতির্ময় নিকট জায় বসে মিসাইঞা ॥
 আর কহি ভগবাণের অপার মহিমা ।
 ভব বিরিক্ত জার নাহি পায় সিমা ॥
 ভগের নিকটে নিত্য আইসে যার জায় ।
 তব স্তুতি করি বলে তুমি সর্ব্বময় ॥
 ভবভয় ভঞ্জন তুমি জগত ইশ্বরি ।
 কি জানি তোমার অন্ত কি বলিতে পারি ॥
 সত্য গুণে বিষ্ণু ভজে রজগুণে ব্রহ্মা ।
 তমগুণে ভজি হর না পাইল সিমা ॥
 তমাতে প্রলয় হয় তোমাতে জিবন ।
 এত কহি ভগ পূজা করে ভগবান ॥
 তথাহি ॥
 তিকুণ মণ্ডলাকারঃ ব্যাপ্ত লোক চরাচরঃ
 তৎরূপ দর্শন সর্ব্ব শ্রজ নিত্য বিলাসনঃ ॥ ইতি ॥
 তোমার দর্শনে স্থির নারে হৈতে নরে ।
 পর্ষ করি সেই জন জায় ক্ষম ধরে ॥
 তোমার বন্দ্যরূপ বিদ্যাত যাকার ।
 চক্রে আশ্ছাদন আছে বাহিরে চন্দ্রাকার ॥
 তথাহি ॥ জাদ্ধিসি ভাবনাশ্চিবঃ তাদ্ধিসি প্রাপ্তি সংভুবঃ
 জগত বঞ্চনা হেতু তোমার এই কায় ।
 জিবের নাহিক সক্তি স্থির হবে তায় ॥
 তুমি তো জগতের মাতা পুন জে রমণি ।
 এ কথা নাহিক জানি দেব সিরোমণি ॥
 মোহিনি হঞা তুমি মহিলে তিনলোকে ।
 অগ্নি সিধা দেখি জেন পুড়ে ক্ষুদ্র পোঁকে ॥ ১
 ধখা রাগ ॥
 অগ্নি জৈছে নিজধামঃ দেখাইঞা অতিরামঃ
 পতঙ্গেরে আকর্ষিঞা মারেঃ ।
 ঐ হে তব নিজগুণঃ দেখাইঞা হরো মনঃ
 পাছে ছুখ ভবকুপে ভারে ॥ ইতি ॥

এ সব তোমার লিলা জানে মহেশ্বর ।
 জোগেতে জানিঞা গলে করে' নিল হার ॥
 কখন অধরে ধরি' করে রস পান ।
 কখন মস্তকে করি' করে জপ ধ্যান ॥
 কখন গলায় দেয় আনন্দিত হঞা ।
 লোমাঞ্চ পুলক কম্প সর্বান্ধ ব্যাপিঞা ॥
 তদপরে রাখে বৃকে সেই পঞ্চানন ।
 উষ্ট্রে ধরি করে জুভায় রূম আশ্বাদন ॥
 সেই সদা সিব তোমার বিষ পান করি ।
 নিত্য মধ্যে বৈসে এবে লিঙ্গরূপ ধরি ॥
 নিত্যের ঐশানে স্থিতি জোনি পদ্মের মধ্য স্থানে ॥
 ছয়ার উপরে স্থিতি কটিকা আক্ষ্যাণে ॥
 সেই সম রস অমৃত ফেলি নাম ।
 চুসিতে চুসিতে সেই পায় নিত্য ধাম ॥
 বিকসিকা পদ্মে জৈছে ভ্রমর পসি রয় ।
 সেই মত মূর জুহ্বা স্থিত গতি তায় ॥
 এত কহি বনু বাস করিল খদন ।
 স্তব স্তুতি করে যার করে দরসন ॥
 তবে সক্তি দেখি ভক্তি নির্ভ অভিলাস ।
 অহুগত দেখি পদ্ম করিলা প্রকৃতাস ॥
 সর্ব জ্যোতি ধরে পদ্ম রত্ন ক্রোট জিনি ।
 অমৃত পুরিঞা জৈছে রসের ছাহনি ॥
 তাহা দেখি পুন্ন ব্রহ্ম লিলা স্থথ রসে ।
 পুন্ন দিষ্টি রস দূরে জাত্মঃ আর যাইসে ॥
 কৃতাজলি করি কহে যুন রসকারি ।
 দয়া করি নিজ দাসে কর সহচারি ॥
 তোমার বিলাস সখি এই তিন জন ।
 রূপ রস রতি মোরে করুক আকর্ষণ ॥
 জেরূপে ত্রৈলক্ষ ভুলাইঞা কৈলে ক্ষেপা ।
 সেইরূপ ধরি এবে য়ামারে দেখাইবা ॥

গোলক পর ব্যোমে জেহি নাহি দেখি যুনি ।
 কৃপা করি এবে তাহা দেখাইবা আপনি ॥
 কাম গাত্রি কাম বিজ বিধি নাহি জানে ।
 রতি রসে প্রকাশিলা নিত্য বৃন্দাবনে ॥
 রতিতে বিজের জন্ম রূসে গাত্রি বলি ।
 মূর উপাসনা তাহা দেখাইলা সকলি ॥
 দস ইন্দ্র ছয় রিপু আর পঞ্চ জন ।
 তাহা দেখি স্তবু থকিত হয় সর্বক্ষণ ॥
 এত কহি নিত্য স্বর আর দলে জায় ।
 কারণ্য দলেতে জাঞা দাগুাইঞা কয় ॥

তুমি ব্রহ্ম সনাতনিঃ সকল পুরাণে যুনিঃ

তুমি সর্ব বেদ বিধি সার ।

তুমার অংসের যংসে ব্রহ্মা বিষ্ণু অবতংসে

তিতিয়ে সিবের জন্ম যার ॥

সেই তিন পদ্ম এবে আমারে দেখাইবা ।

তবে সেত বর্গ নিল রক্ত জে উৎপল ।

জোনি উদ্দ নাভি যধ করে ঝলঝল ॥

ক্রমশঃ ।

ঈশ্বরের সহিত জীবের সম্বন্ধ ।

কেহ কেহ মনে করেন, জীব ঈশ্বরের অংশ ব্যতীত আর কিছুই নহে ।
 অপর কেহ কেহ বলেন, জীব ঈশ্বর হইতে উৎপন্ন অথচ ঈশ্বরের অংশ । প্রথ-
 মোক্ত মতে সূর্য্যকিরণের সহিত সূর্য্যের যে প্রকার অংশাংশিতাব, জীবের
 সহিত ঈশ্বরের সেইরূপ অংশাংশিতাব । সুতরাং জীবও ঈশ্বরের মত নিত্য
 বস্তু । ঈশ্বর সূর্য্যস্থানীয় এবং জীব তন্নিঃসৃত অংশস্থানীয় । দ্বিতীয় মতে
 অগ্নিস্কুলিঙ্গ যেমন অগ্নি হইতে উৎপন্ন হয়, সেইরূপ জীবও ঈশ্বর হইতে
 উৎপন্ন । অথো বলেন, প্রলয় ও মোক্ষকাল উপস্থিত হইলে জীব ঈশ্বরে
 লীন হইয়া যায় ; সুতরাং তাহার পুনরাবৃতি হয় না । এইরূপ মুক্তিকেই

নির্বাণ মুক্তি বলে। ব্রহ্মজ্ঞান ব্যতীত এ মুক্তির আদৌ সম্ভাবনা নাই। প্রথমোক্ত মতে ঈশ্বরের সহিত জীবের সেব্য-সেবক সম্বন্ধ ব্যবস্থাপিত আছে। এই মতে জীব ঈশ্বরে ধিলীন হয় না, অর্থাৎ নির্বাণমুক্তি পায় না। মার্ত্তণ্ডময়ূখ যেমন মার্ত্তণ্ডে পুনর্গমন করে না, সেইরূপ জীবও ঈশ্বরে লীন হইয়া নির্বাণ লাভ করে না। সুতরাং এ মতে জীব কেবল ঈশ্বরের পার্শ্বদ হয় মাত্র। এই মত দুইটি সাংখ্যসম্মত নহে। সাংখ্য যখন ঈশ্বরের অস্তিত্ব স্বীকার করেন না, তখন সাংখ্যমতে জীব ঈশ্বরের অংশও নহে এবং ঈশ্বর হইতে উৎপন্নও নহে। সাংখ্যাধ্যায়ীরা বলেন, জীব যদি ঈশ্বরের অংশ হয়, তবে ঈশ্বরে যে শক্তি আছে, জীবে তাহা নাই কেন? অগ্নিস্কুলিঙ্গে যেমন কিছু না কিছু শক্তি আছে, জীব ঈশ্বরের অংশ হইলে অবশ্যই তাহাতে একটুও ঐশীশক্তি থাকিত। তাহা যখন নাই, তখন জীবকে ঈশ্বরংশ বলিয়া তর্ক-বিতর্ক করা বৃথা। যদি বল, জীব ঈশ্বর হইতে উৎপন্ন, সে মতও রক্ষা করা অসম্ভব; কারণ উৎপন্ন বস্তু মাত্রই ধ্বস্ত হইয়া যায়, ইহা হির দিকান্ত। জীব ঈশ্বর হইতে উৎপন্ন—এ মত সত্য হইলে জীব ধ্বংস প্রাপ্ত হয়, ইহাও সত্য হইবে। সুতরাং নাস্তিক ব্যতীত অত্র কেহ এ মতের পোষকতা করিতে সাহস করিবেন না। আস্তিকগণ কৃতনাশ ও অকৃত্য-ভ্যাগম প্রভৃতি দোষ দেখাইয়া আত্মার উৎপত্তি বিনাশ মতের মূল শিথিল করিয়া দেন।

কোন কোন দার্শনিক পণ্ডিত বলেন যে, রাজার সহিত প্রজার যেরূপ সম্বন্ধ। ঈশ্বরের সহিত জীবেরও সেইরূপ সম্বন্ধ। রাজার উপাসনা করিলে যেমন প্রজা অভীষ্ট লাভে সমর্থ হয়, সেইরূপ জীবও ঈশ্বরের উপাসনা দ্বারা পরমা গতি লাভ করিতে পারে, অর্থাৎ মোক্ষ পায়। অত্র দার্শনিক পণ্ডিত বলেন, “জীবই ঈশ্বর,” জীবে ও ঈশ্বরে কোন প্রভেদ নাই, যেমন—“তত্ত্বমসি”। ইহার অর্থ এই—“তুমিই সেই,” “অর্থাৎ তুমিই ব্রহ্ম”। এস্থলে, জীব কি, তৎসম্বন্ধে দুই একটি কথা বলা আবশ্যিক। “বেদান্তসার” বলেন, “ইয়ম্ বুদ্ধিঃ পঞ্চ-জ্ঞানেন্দ্রিয়ৈঃ সহিতা সতী জীব উচ্যতে।” ইহার অর্থ—বুদ্ধি ও পঞ্চজ্ঞা-নেন্দ্রিয়ের সমষ্টির নাম জীব। জীবেরই কর্তৃত্ব ও ভোক্তৃত্ব আছে—আর কাহারও নাই এবং এই জীবই সুখ দুঃখের ভাগী। গুণশচ এই জীবই ইহ-লোকে পরলোক সঞ্চরণ করিয়া থাকে। পূর্বে উল্লিখিত হইয়াছে যে,

জীবেরই কর্তৃত্ব, আর কাহারও নহে। ইহা দ্বারা বুঝিতে হইবে যে, জীব স্বয়ং কিছুই করিতে পারে না, কারণ উহা জড় স্বভাব বিশিষ্ট। এখন জিজ্ঞাস্য হইতে পারে—যদি জীব জড়ই হয়, তাহা হইলে কি প্রকারে তাহার কর্তৃত্ব হইতে পারে? ইহার প্রত্যুত্তরে এই বলা যাইতে পারে যে, জীবের কর্তৃত্ব কেবল চিহ্নিত্রির সান্নিধ্য দ্বারা হইবে। জীব যতদিন চিহ্নিত্রির উপাসনা না করিবে, ততদিন উহাকে সংসারে পুনরাবর্তন করিতেই হইবে। কিন্তু উপাসনা করিলে মোক্ষপদ লাভ করিবে।

এক্ষণ “তত্ত্বমসি” সূত্রটির অর্থ কি দেখা যাউক। এই সূত্রটির দুইটি অর্থ আছে—একটি অর্থ তুমিই সেই; আর একটি অর্থ তস্য ত্বম্ অসি অর্থাৎ তাহার তুমি। শেষোক্ত অর্থটি ষষ্ঠী সমাস দ্বারা পাওয়া যায়। আমি অদ্য যাহা লিখিলাম, তাহা স্বকল্পিত নহে। শাস্ত্র হইতে সংগ্রহ করিয়াছি। প্রকৃত পক্ষে জীব কি এবং ঈশ্বরের সহিত তাহার সম্বন্ধই বা কি, তাহা স্বয়ং ঈশ্বরই জানেন। তবে আমাদের দার্শনিক পুণ্ডিতগণ এই প্রকারে ঈশ্বরের সহিত জীবের সম্বন্ধ নির্ণয় করিয়া গিয়াছেন।

শ্রীশশিভূষণ রায় বি, এ।

লাভপুর যাদব লাল হাই স্কুলের
দ্বিতীয় শিক্ষক।

পৌরাণিক চিত্র ।

যযাতি ।

ধর্মের পথ বড়ই সঙ্কীর্ণ ও পিচ্ছিল। এই পথে অতি সাবধানে অগ্রসর হইতে হয়। সামান্য মাত্র অসাবধানতায়, সামান্য মাত্র অমনো-যোগে স্থলিতপদ হইয়া, মানব অধর্মের অন্ধকার গহ্বরে নিপতিত হয়; অসাধারণ ধৈর্য্য, প্রভূত শক্তি না থাকিলে সহজে কেহ সেই অন্ধকার হইতে আত্মোদ্ধারে সমর্থ হয় না। এই সংসারে ধর্মের উন্নত, সঙ্কীর্ণ ও পিচ্ছিল পথের পাশ্বে পাশ্বে অধর্মের নিম্ন প্রশস্ত আপাতমোহন বহু চলিয়া গিয়াছে। কাম-ক্রোধাদি দৃঢ়প্রতিজ্ঞ দম্যগণ সর্বদাই পথিককে আকর্ষণ করিয়া অধঃপাতিত করিবার চেষ্টা করে। পথিক দৃঢ়প্রতিজ্ঞ

ও অবহিত না হইলে পতন অবশ্যস্বাবী। পতনের পর তাহার আর ধর্ম্মে শ্রদ্ধা, অধর্ম্মে ঘৃণা থাকে না; অধর্ম্মাচরণ করিয়া তৃপ্তি হয় না—ধর্ম্মের জন্ত প্রাণ ব্যাকুল হয় না। সাধারণতঃ এইরূপই হইয়া থাকে। তবে কোন ক্ষণজন্মা পুরুষ ধর্ম্মপথ পরিত্রষ্ট হইয়াও অলৌকিক আশ্চর্য্যে স্বকীয় উদ্ধার সাধন করিয়াছেন! তাই মহর্ষি বেদব্যাস যযাতি রাজার উপস্থানে কীর্ত্তনচ্ছলে আমাদিগকে উপরিউক্ত মহোপদেশ প্রদান করিয়াছেন। সঙ্গে আরও কত অমৃতোপম ধর্ম্মকথা দ্বারা সংসারী জীবের হৃদয় বাধা জুড়াইয়াছেন। সেই জন্ত আমরা আজ যযাতি-প্রসঙ্গের আলোচনা করিব।

বন মধ্যে মৃগয়াবিহারী যযাতি রাজাকে যখন আমরা প্রথম সন্দর্শন করি, তখন উত্তরকালে তিনি যে ঘোর ইন্দ্রিয়পরায়ণ হইবেন, তাহার কোন লক্ষণই তাঁহাতে প্রকাশ পায় নাই। শুক্রহুহিতা দেবযানী শর্ম্মিষ্ঠা কর্ত্তক কূপে নিঃক্ষিপ্তা হইয়াছেন, মৃগয়া পরিশ্রান্ত তৃষ্ণার্থ যযাতি জলাশয়ে কূপের নিকট আসিয়া তাঁহাকে দেখিয়া সমুচিত সন্দর্শন করিয়া তাঁহাকে কূপ হইতে উদ্ধার করিলেন। বনমধ্যে অসহায় সুন্দরী যুবতীকে দেখিয়া পূর্ব্বকালের অনেক রাজার স্থায় তাঁহার ত কিঞ্চিৎ মাত্র চিত্তবিকার ঘটিল না। “তিনি স্মশ্রোণী দেবযানীকে কূপ হইতে উদ্ধার করিয়া সমুচিত সম্ভাষণ পূর্ব্বক তৎক্ষণাৎ স্বনগরে গমন করিলেন।” আবার যখন ইহার বহুকাল পরে, যযাতি পুনর্বার মৃগয়ার্থ এই বনে আসিয়া সখিপরিবৃত্তা দেবযানীকে দর্শন করেন, তখন তিনি দেবযানীকে চিনিতেই পারেন নাই। পরস্পরের নিকট পরিচিত হইলে যযাতি কোন রূপ চিত্তচঞ্চল্য না দেখাইয়া প্রশ্ন করিতে উদ্যত হইলেন। দেবযানী বিবাহের প্রস্তাব করিলেন; যযাতি অসম্মত হইলেন। যযাতি কহিলেন:—

বিদ্যোশনসি ভদ্রন্তে গত্বামহেঁহস্মি ভাবিনি।

অবিবাহা হি রাজানো দেবযানি পিতৃস্বব ॥

“হে শুক্রনন্দিনি, ভাবিনি, দেবযানি, তোমার মঙ্গল হউক, আমি তোমার যোগ্যপাত্র নহি। তোমার পিতা যেরূপ, তাহাতে রাজগণ তোমার বিবাহযোগ্য হইতে পারেন না।” ইহা শুনিয়া দেবযানী নানা যুক্তি তর্ক দ্বারা রাজাকে বুঝাইবার চেষ্টা করিলেন যে, যযাতি ভিন্ন অপর কেহ তাঁহার ভর্ত্তা হইতে পারেন না। কেন না তিনিই প্রথমে দেবযানির পাণিগ্রহণ

পূর্ব্বক তাঁহাকে কূপ হইতে উদ্ধার করিয়াছিলেন। যযাতি ঘোর আপত্তি করিতে লাগিলেন; তিনি শাস্ত্রবাক্য দ্বারা প্রমাণ করিতে লাগিলেন যে, ব্রাহ্মণকন্যা ক্ষত্রিয়ের ভার্য্যা হইতে পারে না। তবে শুক্রাচার্য্য যদি অনুমতি করেন, তবে তাঁহার আপত্তি থাকিবে না। শুক্রাচার্য্য অনুমতি দিলেন, তথাপি যযাতি বিবাহ করিতে সঙ্কুচিত হইতেছিলেন। তিনি শুক্রাচার্য্যকে বলিলেন, “হে ব্রহ্মণ ভার্গব, এ বিষয়ে বর্ণসঙ্কর জন্ত মহান্ অধর্ম্ম যেন আমাকে স্পর্শ না করে, আমি আপনার নিকট এই বর প্রার্থনা করি।” এই সকল হইতে স্পষ্টই অনুমান হয়, যে যযাতি সাতিশয় ধর্ম্মভীরু ছিলেন! তাঁহার ইন্দ্রিয়লালসা যে প্রবল ছিল, এই সকল ঘটনা হইতে তাহার কোন প্রমাণ পাওয়া যায় না। তিনি “সৎশজ্জ সাতিশয় শাস্ত্র বীৰ্য্যবান ও যশস্বী।” “তিনি ব্রহ্মচার্য্য অবলম্বন করিয়া সমস্ত বেদ অধ্যয়ন করিয়াছিলেন।” এহেন যযাতিও উত্তর কালে এত ইন্দ্রিয়সক্ত হইয়াছিলেন যে, স্বকীয় জরা পুত্রের উপর অর্পণ করিয়া নিজে বিষয় সুখ উপভোগ করিয়াছিলেন।

যাহা হউক, এত গুণ সত্ত্বেও যযাতির এক মহান্ দোষ ছিল। সেই দোষের জন্যই তাঁহার অবনতি ঘটিয়াছিল। মানুষ যতই সুশিক্ষা প্রাপ্ত হউক না কেন, তাহার কর্ত্তব্যাকর্ত্তব্য অবধারণের বুদ্ধি স্তীর্ণ হওয়া চাই, ও সেই বুদ্ধি বৃত্তি-প্রদর্শিত পথে গমন করিবার মনের বল (Will power) থাকা চাই। কর্ত্তব্যাবধারণে ভুল হইলে আমরা, যে দুষ্কর্ম্ম করিয়া ফেলিব, তাহাতে আর বিচিত্র কি? ব্রহ্মচার্য্যভ্যাস ও শাস্ত্রপাঠ জন্য যযাতির ইন্দ্রিয় সংযম ও সংশিক্ষা হইয়াছিল বটে; কিন্তু তাঁহার কর্ত্তব্যাবধারণী বুদ্ধি যে তাদৃশ তীক্ষ্ণ ছিল, একথা বলিতে পারা যায় না। আর বিিন্ন বাধা সত্ত্বেও কর্ত্তব্যপথে অগ্রসর হইবার জন্য যতটুকু দাঢ্য চাই, তাহাও যে তাঁহার ছিল, এমন বোধ হয় না। প্রগাঢ় শাস্ত্রজ্ঞান দ্বারা তিনি বুঝিয়াছিলেন, ঠিকই বুঝিয়াছিলেন, যে দেবযানীকে বিবাহ করা তাঁহার অশ্রায়। অথচ শুক্রাচার্য্যের ভয়ে বিবাহে সম্মতি দিয়াছিলেন। আবার যখন শর্ম্মিষ্ঠা তাঁহাকে শয়নে আহ্বান করেন, তখনও যযাতি কর্ত্তব্যাবধারণে ভ্রম করিয়াছিলেন। শর্ম্মিষ্ঠা যখন তাঁহার নিকট প্রথমে প্রস্তাব করেন, তখন তিনি শুক্রাচার্য্যের নিকট প্রতিজ্ঞা স্বরণ করিয়া প্রথমে তাঁহার প্রস্তাব প্রত্যাখ্যান করেন। কিন্তু শর্ম্মিষ্ঠার তর্কে পরাস্ত হইয়া তাঁহার কথায় সম্মতি প্রদান করেন।

এই মহাভাগিনীতে তাঁহার পরিণাম বড়ই শোচনীয় হইয়া দাঁড়াইয়াছিল। তিনি অগ্রপশ্চাৎ না ভাবিয়াই শুক্রাচার্যের কথা অবহেলা করিয়া শর্মিষ্ঠার মনোবাসনা পূর্ণ করিয়াছিলেন। তাঁহার জানা উচিত ছিল, দেবযানী কিরূপ প্রকৃতির স্ত্রীলোক। দারুণ অভিমান ও ক্রোধ বশতঃ যিনি রাজনন্দিনী দৈত্যরাজ হুহিতাকে নিজদাসীরূপে পরিণত করিয়াছিলেন, তিনি যে তাঁহাকে ক্ষমা করিবেন না, যযাতির ইহা বুঝা উচিত ছিল। ফলে ঘটিলও তাহাই, শুক্রাচার্যের ভীষণ শাপে যযাতি জরাগ্রস্ত হইলেন।

এইবার আমরা বুঝিতে পারি, যযাতি কি ছিলেন, কি হইয়াছেন। শুক্রাচার্যের অভিশাপে জরা পরিগ্রহ করিয়া যযাতি অতি নিম্নজ্জের স্থায় বলিলেন,—

“অতৃপ্তো যৌবনস্তাহং দেবযান্যাং ভৃগুর্ষহ।

প্রসাদং কুরুমে ব্রহ্মন্ জরেয়ং ন বিশেচমাম্।”

“হে ভৃগুর্ষহ, আমি যৌবনাবস্থায় দেবযানীতে পরিতৃপ্ত হই নাই। হে ব্রহ্মন্ আপনি প্রসন্ন হউন, যে এই জরা যেন আমাতে প্রবিষ্ট হইতে না পারে।” শুক্রাচার্য দয়া করিয়া বলিলেন, যে তাঁহার বাক্য মিথ্যা হইবার নহে। তবে যযাতি ইচ্ছা করিলে এই জরা অত্র ব্যক্তিতে সংক্রমণ করিতে পারিবেন। যযাতি পুত্রকে জরা অর্পণ করিতে মনস্তৃপ্ত করিলেন।

ধর্ম কর্মক্রমে শর্মিষ্ঠায় উপরত হইয়া যযাতি ঘোরতর অধর্ম্যাচরণ করিয়াছিলেন। এই পাপের ফলে তিনি ধীরে ধীরে ধর্মপথ পরিভ্রষ্ট হইয়া ইন্দ্রিয়-পরায়ণ হইতেছিলেন। ইহা কিন্তু তিনি নিজে বুঝিতে পারেন নাই। পাপের গতি এমনই নিঃশব্দ। শর্মিষ্ঠার গর্ভে তিনটি পুত্র উৎপাদন করাই তাঁহার ইন্দ্রিয় পরায়ণতার প্রকৃষ্ট প্রমাণ। বিষয় ধ্যান করিতে করিতে মাহুষের ক্রমে আসক্তি আসিয়া পড়ে। ভগবান বলিয়াছেন,—

“ধ্যায়তো বিষয়ান্ পুংসঃ সঙ্গস্তেষপজায়তে।

সঙ্গাৎ সংজায়তে কামঃ কামাৎ ক্রোধোহভিজায়তে ॥

ক্রোধাৎ ভবতি সন্মোহঃ সন্মোহাৎ স্মৃতি বিভ্রমঃ।

স্মৃতিভ্রংশাৎ বুদ্ধিনাশো বুদ্ধিনাশাৎ প্রণশ্যতি ॥” গীতা।

যযাতিরও তাহাই হইয়াছিল। যাহা হউক, যযাতি পুত্রের জরা সংক্রমণ করিয়া পুনরায় বিষয় ভোগে লিপ্ত হইলেন। ভাবিলেন, আর কিছুদিন

সুখাস্বাদন করিলেই তাঁহার তৃপ্তি জন্মিবে। কিন্তু হায়! তিনি যে হৃপ্তির আশায় নিতান্ত নীচের ন্যায় পুত্রের যৌবন অপহরণ করিয়া ইন্দ্রিয় সুখমাগরে অবগাহন করিলেন, কিছুতেই তাহার তলদেশ প্রাপ্ত হইলেন না। কিছুতেই তাঁহার তৃপ্তি হইল না। নৈরাশ্য কাতরকণ্ঠে, অনুতাপ শ্রাবিনী জালাময়ী ভাষায় তিনি পুত্রকে সম্বোধন করিয়া বলিলেন;—

“যথা কামং যথোৎসাহং যথাকালে মরিন্দম।

সেবিতা বিষয়াঃ পুত্র যৌবনেনময়া তব ॥

ন জাতু কামঃ কামানামুপভোগেন শাম্যতি।

হবিষা কৃষ্ণবস্ত্রে বভূয় এবাভিবর্দ্ধত ॥

যৎপৃথিব্যাং ব্রীহি যবং হিরণ্যং পশবঃ স্ত্রিয়ঃ।

একস্যাপি ন পর্যাপ্তং তস্মাতৃষ্ণাং পরিত্যজেৎ ॥

যাহুস্তজা হুমতিভির্ধান জীর্ঘ্যতি জীর্ঘ্যতঃ।

যোহসৌ প্রাণান্তিকো রোগ স্তাং তৃষ্ণাং ত্যজতঃ সুখম্ ॥

পূর্ণং বর্ষ সহস্রং মে বিষয়াসক্ত চেতসঃ।

তথাপ্যানুদিনং তৃষ্ণা মমৈতেষভিজায়তে ॥

তস্মাদেনামহং ত্যক্ত্বা ব্রহ্মণ্যাধায় মানসম্।

নির্দন্দ্বানির্মমো ভূত্বাচরিষ্যামি মৃগৈঃ সহ ॥”

“হে অরিন্দম পুত্র, আমি তোমার যৌবন দ্বারা অভিলাষ ও উৎসাহ অনুসারে যথাকালে বিষয় ভোগ করিয়াছি; পরন্তু যেমন হতাশনে ঘৃত প্রদান করিলে নির্ঝাঁগ না হইয়া বরং প্রদীপ্ত হইয়া উঠে, তদ্রূপ কাম্যবস্তুর উপভোগ দ্বারা কখন কাম নিবৃত্ত হয় না, বরং উত্তরোত্তর বৃদ্ধি প্রাপ্ত হইতে থাকে। পৃথিবীতে ধাতু, যব, সুবর্ণ পশু ও স্ত্রী এ সকল একজনের উপভুক্ত হইলেও তাহাতে তৃপ্তির পর্যাপ্তি হয় না। অতএব ভোগ-তৃষ্ণা পরিত্যাগ করাই বিহিত। যে তৃষ্ণা হুমতি ব্যক্তিদিগের হুমত্যা, বার্কক্য হইলেও যাহার ক্ষয় হয় না, এবং যাহা প্রাণ বিনাশক রোগ স্বরূপ, সেই তৃষ্ণা পরিত্যাগ ভিন্ন সুখী হইবার আর উপায় নাই। আমি বিষয়াসক্ত ছিলাম, তাহাতে আমার সহস্র বৎসর অতিক্রান্ত হইয়াছে। তথাপি আমার বিষয় তৃষ্ণা দিন দিন প্রবল হইতেছে। অতএব আমি এই তৃষ্ণা পরিত্যাগ পূর্বক পরমব্রহ্মে চিন্তা সমাধান করিয়া নির্দন্দ ও মমতা রহিত হইয়া অরণ্য মধ্যে মৃগের সহিত একত্র বাস করিব।”

যযাতির এই বাক্যগুলি যেন সহস্র জিহ্বায় সাংসারিক জীবগণকে, সাবধান করিয়া দিতেছে। ভোগ দ্বারা লালসার তৃপ্তি হয় না। সংযম দ্বারা ইন্দ্রিয় দমন ভিন্ন সুখের প্রকৃষ্ট উপায় নাই।

যযাতির এই পরিণাম দেখিয়া আমরা আমাদের ভবিষ্যৎ ভাবিয়া ভীত হই। যযাতি ব্রহ্মচর্য্য অবলম্বন করিয়া বেদপাঠ করিয়াছিলেন, তাহার চিত্ত সংযম ঘটিয়াছিল; বাল্য জীবনের যাহা কর্তব্য, তাহা তিনি উৎকৃষ্ট রূপে সম্পাদন করিয়াছিলেন। তথাপি তিনি ইন্দ্রিয়গণের হস্তে ক্রীড়ার সামগ্রী হইয়া উঠিয়াছিলেন। আর আমাদের এখন কি আছে? আমাদের ব্রহ্মচর্য্য আছে, না ইন্দ্রিয় সংযম আছে? নানা প্রলোভন সঙ্কুল সংসারে নির্ভয়ে বিচরণ করিবার উপযোগিনী কি শিক্ষা আমরা বাল্যে প্রাপ্ত হই? আমরা প্রথম হইতেই বালকগণকে বিলাসী, উচ্ছৃঙ্খল ও অসহিষ্ণু করিয়া তুলি। ব্রহ্মচর্য্য কাহাকে বলে, আমরা তাহা একবারে ভুলিয়া গিয়াছি। সংসারে প্রবেশ করিয়া আমাদের বালকগণ যে বায়ুতড়িত অর্নবপোতের স্তায় ইতস্ততঃ বিক্ষিপ্ত হইবে, তাহাতে আর বিচিত্র কি? আমরা যে ইংরাজ জাতির অনুকরণ করি, তাহারাও শিক্ষার সময় কথঞ্চিৎ ব্রহ্মচর্য্য অবলম্বন করিয়া থাকে। শিক্ষার সময় তাহারা ছাত্রের ন্যায় থাকে। আমরা শিক্ষার সময়ও গৃহী দারা পুত্র পরিবৃত। এই ভয়ঙ্কর দোষে আমাদের শিক্ষা সম্পূর্ণ হইতেছে না। আমাদের চরিত্র গঠিত হইতেছে না। চরিত্র গঠন না করিয়া মিল, স্পেন্সার পড়াইলে কোন ফল হইবে না।

যাহা হউক, যযাতি কঠোর প্রায়শ্চিত্ত করিলেন; যেমন পাপ তদুপযুক্ত প্রায়শ্চিত্ত করিলেন। অন্তিমের তিনি স্বর্গে বাস করিবার অনুমতি পাইলেন। দেখাইলেন, অধঃপতিত ব্যক্তির নিরাশ হইবার প্রয়োজন নাই। যদিও তুমি কোনরূপে ধর্ম্মপথ পরিত্যক্ত হও, তাহা হইলেও স্বকীয় কর্ম্মদ্বারায় আবার দিব্যগতি প্রাপ্ত হইতে পারিবে। আর্ধ্যশাস্ত্র কখনও পাপীর চির নরকের ব্যবস্থা করেন নাই।

যযাতি স্বর্গে পরম সুখে বাস করিতে লাগিলেন। কিন্তু সেখানেও যে পাপ করিলে দণ্ড হয়, তাহা তিনি জানিতেন না। মানব স্বর্গেই থাকুক; আর মর্ত্যেই থাকুক, পাপের প্রলোভন হইতে তাহাকে সদা সতর্ক থাকিতে হইবে। জীবের স্বতন্ত্র অস্তিত্ব যতদিন থাকিবে, ততদিন তাহাকে পাপ পুণ্যের অধীন থাকিতেই হইবে। মানবজীবন কি কঠিন পরীক্ষার স্থল!

মানুষকে কত সাবধানে যে জীবন অতিবাহিত করিতে হয়, তাহা বলা যায় না। স্বর্গে যযাতি কথা-প্রসঙ্গে এক দিন আত্মপ্রশংসা করিলেন। অমনি এই পাপেই তাহার স্বর্গবিচ্যুতি ঘটিল। ইন্দ্র বজ্রগন্তীর স্বরে বলিলেন—

“যদাবমংস্থাঃ সদৃশঃ শ্রেয়সশ্চ জুলীয়সশ্চাবিদিত প্রভাবঃ।

তস্মাল্লোকাস্তত্ত্বস্তবস্তবোন, ক্ষীণেপুণ্যে পতিতাস্বদ্য রাজন্ ॥”

“হে রাজন্! তুমি অত্নের প্রভাব না জানিয়াই তোমা অপেক্ষা শ্রেষ্ঠ, তুল্য ও অধম সকলকেই অবমাননা করিলে—এই কারণে তোমার পুণ্যক্ষয় হইল, সুতরাং এই স্বর্গভোগেরও শেষ হইল। অতএব তুমি অদ্য দেবলোক হইতে পতিত হইবে।” এই হিসাবে দেখিতে গেলে আমাদের দিন দিন দণ্ডে দণ্ডে কত যে পুণ্যক্ষয় হইতেছে, তাহার আর সীমা নাই। আমরা কি আর স্বর্গ দেখিতে পাইব? আমাদের জন্ম স্বতন্ত্র নরক নির্দিষ্ট হইতেছে। আমরা শাস্ত্র পড়ি না, বুঝি না, শাস্ত্রের সম্মান করি না, আমাদের নরক হইবে না ত কি হইবে? যাহা হউক, যযাতি পুনরায় স্বায় কর্ম্মবলে সদগতি প্রাপ্ত হন।

যযাতি উপাখ্যানে পুরুষ চরিত্র অতি উজ্জ্বল ভাবে প্রদীপ্ত হইয়াছে। পিতার বাসনা পূর্ণ করিবার জন্ম, যৌবনে জরাগ্রস্ত হইয়া তিনি যে অদ্ভুত কীর্ত্তি সঞ্চা করিয়া গিয়াছেন, এই ঘোরতর শোচনীয় সময়ে ভরসা করি, তাহা আমাদের পিতৃভক্তি শিক্ষা দিবে। কিন্তু হায়, বাল্যে ধর্ম্মহীন শিক্ষা (?) লাভ করিয়া আমাদের বুদ্ধি এমনই বিকৃত হইয়া যায় যে, যৌবনে আমরা আর ধর্ম্মকথায় কিছুমাত্র আস্থা স্থাপন করিতে পারি না।

প্রসঙ্গ ক্রমে যযাতির মুখ হইতে যে সকল ধর্ম্মোপদেশ বাহির হইয়াছিল, তাহার মধ্যে দুই একটি পাঠকদিগকে উপহার দিয়া আমরা প্রবন্ধের উপসংহার করিব।

যযাতি পুরুষকে বলিয়াছিলেন:—

“অক্রোধনঃ ক্রোধনেভ্যো বিশিষ্ট স্তথাতিতিক্ষুরতি তিক্ষোবিশিষ্টঃ।

অমানুষেভ্যো মানুষাশ্চ প্রধানা বিদ্বাংস্তথৈবার্বিহ্বঃ প্রধানঃ ॥

আক্রুশ্যমানোনাক্রোশেন্নন্যুরেবতিতিক্ষতঃ।

আক্রোষ্টারং নির্দহতি স্কৃতংচাম্যবিন্দতি ॥

নার্কস্তুদোহস্থান্ননশংসবাদীনহীনতঃ পরমভ্যাদদৌত ।
 যয়াস্য বাচাপর উদ্বিছেত নতাংবদেদুক্ষাং পাপলোক্যাম্ ॥
 অরুস্তদং পরুষং তীক্ষ্ণবাচং বাক্কণ্টকৈর্বিভুদস্তং মনুষ্যং ।
 বিদ্যাদলক্ষ্মী কতমং জনানাং মুখেনিবন্ধাংনিখিঁতিংবহস্তম্ ॥
 সদ্ভিঃ পুরস্তাদভিপূজিতঃ স্যাৎ সদ্ভিস্তথা পৃষ্ঠতোরক্ষিতঃ স্যাৎ ।
 সদা সতামতিবাদানুতিতিক্ষেৎ সতাং বৃত্তং চাদদৌতার্থ্যবৃত্তম্ ॥
 নহীদৃশং সমবদনং ত্রিষুলোকসু বিদ্যাতে ।
 দয়ামৈত্রীচ ভূতেষু দানঞ্চমধুরাচবাক্ ॥”

ক্রুদ্ধ ব্যক্তি অপেক্ষা অক্রোধ ব্যক্তি শ্রেষ্ঠ, অসহিষ্ণু ব্যক্তি অপেক্ষা সহিষ্ণু ব্যক্তি শ্রেষ্ঠ, ইতর প্রাণী অপেক্ষা মানব জাতি শ্রেষ্ঠ ও অবিদ্বান্ ব্যক্তি অপেক্ষা বিদ্বান ব্যক্তি শ্রেষ্ঠ বলিয়া গণ্য হন। কোন ব্যক্তি আক্রোশ করিলে তাহার প্রতিশোধ স্বরূপ আক্রোশ করিবে না। কেন না সহিষ্ণু ব্যক্তির মনই আক্রোশকারীকে দণ্ড করে, এবং ঐ ক্ষমাশীল ব্যক্তির স্ক্রুতও লাভ করিয়া দেয়। পরপীড়ক বা নৃশংসবাদী হইবে না। অভিচার প্রভৃতি নীচ উপায় দ্বারা শত্রুকে বশীভূত করিবে না। এবং যে বাক্যে পরের মনোদুঃখ হইবার সম্ভাবনা, এ মত দণ্ডকারী পাপসূচক বাক্যও কহিবে না। যে ব্যক্তি বচনরূপ কণ্টক দ্বারা মানবগণকে বিদ্ধ করে, যাহার মুখে পরপীড়ন বাক্যরূপ রাক্ষস নিবদ্ধ আছে, এমত তীক্ষ্ণবাদী নির্ধুর ব্যক্তিকে দেখিলেও লক্ষ্মী-ত্যাগ হয়। সচরিত্র ব্যক্তি অসাধুগণ কর্তৃক তিরস্কৃত হইলেও সর্বদা সাধুগণ কর্তৃক অগ্রে প্রপূজিত ও পশ্চাৎ রক্ষিত হইয়া থাকেন। তিনি সাধু চরিত আশ্রয় করিয়া অসাধুদিগের নিন্দা বাক্যে ক্ষমা প্রদর্শন করেন। * * * * সর্বপ্রাণীর প্রতি দয়া, মৈত্রী দান, ও মধুর বাক্য এই চতুষ্ঠয়ের তুল্য সম্বল ত্রিভুবনে আর নাই।”

পোলোনিয়সের পুত্রের প্রতি উপদেশ সাংসারিকের পক্ষে হিতকর বলিয়া প্রসিদ্ধ আছে, কিন্তু ইহার সঙ্গে তুলনা করিলে বড়ই ঘণিত বোধ হয়। যথাতি সাধুগণকে বলিয়াছিলেন ;—

“তপশ্চ দানঞ্চ সমোদমশ্চ হ্রীর্জীবং সর্বভূতানুকম্পাঃ ।
 স্বর্গশ্চ লোকশ্চ বদন্তি সন্তো দ্বারানি সপ্তৈব মহান্তি পুংসাং ॥
 নশস্তি মানেন তমোভিভূতা পুংসঃ সদৈবেতি বদন্তি সন্তঃ ।

অধীয়মানঃ পণ্ডিতং মন্তমানো যো বিদ্যায়া হস্তি যশঃ পরেক্ষম্ ।
 তস্তাস্ত বস্তশ্চ ভবন্তি লোকা ন চাস্য তদ্ব্রহ্ম ফলং দদাতি ॥”

* * * *
 “ইতি দদ্যামিতি যজ ইত্যধীয় ইতি ব্রতং ।
 ইত্যেতানি ভয়ান্যাস্তানি বর্জ্যানি সুরশঃ ॥”

“সাধুগণ সর্বদা বলিয়া থাকেন, যে তপশ্চা, দান, শম, লজ্জা, ঋজুতা ও সর্বপ্রাণীতে অনুকম্পা, এই সাতটি মানবগণের স্বর্গলোক গমনের প্রধান দ্বারস্বরূপ হইয়াছে। পরন্তু যে সকল পুরুষ তমোভিভূত হইয়া অহঙ্কার প্রকাশ করে, তাহারা শ্রেয়োভাজন হইতে পারে না, ইহাই সাধুরা সর্বদাই কহিয়া থাকেন। যে ব্যক্তি অধ্যয়ন করিয়া ‘আমিই পণ্ডিত’ এইরূপ অভিমানী হইয়া বিদ্যা দ্বারা অত্মের যশঃ বিলুপ্ত করে, তাহার স্বর্গ প্রাপ্তি হয় না। * * * * দান করিলাম, যজ্ঞ করিলাম, অধ্যয়ন করিলাম, ব্রত করিলাম, এইরূপ দান্তিকতা প্রকাশ করিলে তাহার সদগতি হয় না, ইহা পণ্ডিতেরা কহিয়াছেন। অতএব সর্বতোভাবে দত্ত পরিত্যাগ করাই উচিত।”

আজকাল আমাদের বাঙ্গালা দেশ এই উপদেশটির বড়ই প্রয়োজন হইয়াছে।

পাগল ।

দুখ সুখ নাই, বৈভব বিভব—
 কান্দিবার নাই মরিয়া গেলে,
 নাহিক বিষয়, মান, অপমান
 বালকেও ডাকে ‘পাগল’ বলে।
 কারো নাই ভয়, কারো নাই ভয়,
 নাহিক অধীন, স্বাধীন নই।
 আপনিই হাসি, আপনিই কান্দি,
 আপনারি প্রাণে সকলি সই।
 তাঁদের কিরণ, কাননের ফুল,
 যখন যে ভাবে যেখানে দেখি ;
 ভুলে যাই দুখ, ভুলে যাই জ্বালা,
 আপনা ভুলিয়ে চাহিয়ে থাকি।
 পুরাতন রবি, পুরাতন শশী,
 আমার দেশেতে যে ভাবে হাসে
 আমাদের জল, যত নিরমল,
 নহেক এমন কোনও দেশে।

আমাদের বাঁশী, আমাদের গান
 আমাদের সুখ কোথাও নাই ;
 আমাদের ফুল ফোটে না কোথাও,
 গড়ে নাই বিধি এমন ঠাই।
 আমাদের দেশে, শীতে বরষায়
 পাখীগুলি ব’সে গায় যে গান,
 বসন্ত যেখানে চির বিরাজিত,
 সেখানেও নাই সে মধু তান।
 প্রাচীরের মুখে যে হাসি এখানে,
 সে হাসির ভাবে যে সুধা ঢালে ;
 আর কারো দেশে আসে না সে হাসি,
 যুবক যুবতী নবীন গানে।
 আমাদের দেশে যুবক যুবতী
 যখন যে ভাবে কথাটি কয়
 পবিত্রতা ভাব, সরল পরাণ
 কথায় কথায় প্রকাশ পায়।

রবি, শশী, তারা সকলি সরল,
 মৃদুল পবন-সরল বয় ;
 তারাও সরল, আমিও সরল,
 দেশটি আমার সরলময় ।
 সকলি সরল, সব নিরমল,
 কঠিন এখানে কিছুই নয়
 সুধীর পবন সেটিও সরল
 মধু মাসে কিছু কঠিন বয় ।
 সরল (ও) আমার, কঠিন (ও) আমার,
 আমার আমার কাহারো নই,
 যার পানে চাই, সেই মধুময়,
 সরলতা গুণে ডুবিয়ে রই ।
 যত দিন আছি, যত দিন বাঁচি,
 প্রাণটি(ও) আমার ছাড়া ত নয়,
 প্রাণ বলে আসি ধরি না সে প্রাণ,
 সুকলে সে প্রাণ পাগল কয় ।

রবিও আমার, শশীও আমার,
 সরল পবন, বনের ফুল ;
 জল নিরমল, যা কিছু সরল,
 সকলি আমার স্নেহের মূল ।
 একটি বকুল ফুটে থাকে ফুল,
 বনের একটি কোকিল বসে,
 একটি ভ্রমর বাঙ্কিয়াছে ঘর,
 সদাই বেড়ায় ফুলের পাশে ;
 সেই তরুমূলে একাকী বসিয়ে,
 ভ্রমরার সনে বাঁশরী গাই,
 বনের কোকিল, ভ্রমর বাঁশরী,
 এ ছাড়া আমার কিছুই নাই ।
 শ্রীমহম্মদ আজীজ উস্ সোভান ।

মুগ্ধা বালিকা ।

মাঝে মাঝে মনে হয় যেয়ে বলে আসি ;
 প্রাণের সহিত তারে কত ভালবাসি !
 সেইত সর্বস্ব মোর,
 অলক্ষ্যে বেঁধেছে ডোর
 তার বিনা স্বর্গস্থে নহি অভিলাষী ;
 সে যে এ হৃদয়াকাশে,
 ফাল্গুন পূর্ণিমা রাসে,
 বসন্তের সুবিমল সুধাময় শশী !
 (অথবা) শুক্লিম মাধুরীভরা,
 শরতের শুকতারা,
 নির্জন প্রভাত কুঞ্জ কুমুমবিলাসী ;
 ভকতি কুমুম তুলে,
 ভাবেতে আপনা ভুলে,
 প্রেমাঞ্জলি তার পদে দেই দিবানিশি ;
 গোপনে গোপনে তারে বড় ভালবাসি ।

মাঝে মাঝে মনে হয় ধরি তার পায়,
 বলিগে প্রাণের কথা পাশরি লজ্জায় !
 বহু দিন হতে গাঁথা,
 নিদারুণ মর্মে-ব্যথা,
 আঘাতিলে যেন শত লৌহশলাকায় ।
 বলি তায় অনিবার,
 নাহি সহে এত আর,
 সুধু আশা, ফিরে যাওয়া, চা (ও) যা উভরায় ;
 অজ্ঞাতে এ প্রেম-ভার,
 বিনামূলে কেনা তার,
 অলক্ষ্যে শৃঙ্খল পরা আপনার পায় ;
 জীবন-তপস্যা শেষে,
 অব্যক্ত স্বপ্নের দেশে,
 আনিত পেয়েছি মোর আদি দেবতায় ;
 মাঝে মাঝে মনে হয় চলি গিয়া তায়,
 কিন্তু হায় ! সরমের কঠিন বাঁধন,
 বলাত হ'লনা তায় মনের বেদন
 ফুরায় না দিনরাত,
 অবিরাম অশ্রুপাত,
 ঘোচে না প্রাণের ব্যথা, স্মৃতির দংশন ;
 তোরা কি আমার হবি,
 বারেক তাহারে কবি,
 বালিকার মর্মেব্যথা নীরব রোদন !
 অযাচিত উপহার,
 টেলে দিবি পদে তার,
 ফিরে কি আনিয়া দিবি, স্নেহ-সস্তাষণ,
 বলিবি আমি যে তার, আমারি সে জন ।
 শ্রীকৃষ্ণগোপাল চক্রবর্তী ।

জমীদারবংশাবলীর সংক্ষিপ্ত পরিচয় ।

প্রাচীন ভূম্যধিকারিগণের পূর্কাবধি গতিবিধি পর্যবেক্ষণ ও উন্নতি
 অবনতির হেতু অন্বেষণ, তাহাদিগের পারিবারিক কিস্বদস্তী, কুলগত প্রথা
 ইত্যাদি বিষয়ের সংক্ষিপ্ত বিবরণ সঙ্কলন করিতে পারিলে যে স্থানীয়
 ইতিবৃত্তের একটি প্রধান উপকরণ সংগৃহীত হয়, তাহা বলাই বাহুল্য ।

বর্তমান প্রবন্ধে, আমরা বীরভূমি ও তৎপাশ্চাত্তী নানা স্থানের প্রাচীন জমিদার বংশাবলীর সংক্ষিপ্ত পরিচয় প্রদান করিবার চেষ্টা করিব।

বীরভূমির বর্তমান সীমানার ক্ষুদ্র গণ্ডীর বাহির হইয়া, ইহার পূর্বতন সীমানার পরিসর-ক্ষেত্রে বিচরণ করিতে আমরা পাঠকবর্গকে অনুরোধ করিতেছি। এই পূর্বায়তন সম্বন্ধে, 'বীরভূমির' ১ম খণ্ডে ১৩০ পৃষ্ঠায় 'সীমানা' প্রবন্ধে বিশদ রূপে আলোচনা করা গিয়াছে।

পাঁড়রা বা পোদ্দার ডিহি রাজবংশাবলী।


পাঁড়রা বা পোদ্দার ডিহি—এক্ষণ মানভূম জিলার অন্তর্গত ১৭৭০ খৃঃ হইতে ১৮০৫ খৃঃ পর্যন্ত মানভূমের কতকাংশ বীরভূম ও কতকাংশ মেদিনীপুরের অন্তর্গত ছিল; তন্মধ্যে পাঁড়রা পরগণা বীরভূমের অন্তর্নিবিষ্ট ছিল। কিন্তু ১৮০৫ খৃঃ Regulation xviii দ্বারা, বর্তমান মানভূমের অধীনস্থ ও অন্তর্গত কয়েকটি পরগণা একত্র করিয়া, 'জঙ্গল মহাল' বলিয়া স্বতন্ত্র একটি জিলা সৃষ্ট হয়। পরে, ১৮৩৩ খৃঃ 'জঙ্গল মহাল' লুপ্ত করিয়া সেন পাহাড়ী, সেরগড়, ও বিষ্ণুপুর ব্যতীত সমগ্র মানভূম, এবং দানভূম পরগণা লইয়া, বর্তমান মানভূম জিলার সৃষ্টি হয়। অন্তর্গত সামান্য পরিবর্তনের পর, ১৮৭১ খৃঃ ১লা জুলাই তারিখে ইহা স্বতন্ত্র একটি জিলা বলিয়া ঘোষিত হয়।

ফলকথা, পাঁড়রা বা পোদ্দার ডিহি বীরভূমের অন্তর্গত একটি পরগণা ছিল,—কাল ক্রমে বীরভূমি হইতে পৃথক হইয়াছে মাত্র।


পারিবারিক কিস্তদত্তীঃ—পাঁড়রা রাজ্য বংশীয়গণ আপনাদিগকে 'সূর্য্যবংশ সন্তৃত ছত্রি' বলিয়া পরিচয় প্রদান করেন।* তাঁহারা অযোধ্যা হইতে আগমন করিয়া তুড়ী বা তুণ্ডী পরগণার জঙ্গলভূমি শাসন করিয়া লন এবং স্বাধীন ভাবে রাজত্ব করিতে থাকেন। কিছু কাল রাজত্ব করিলে পর, লছমন সিংহের পুত্র সাহেব সিংহ, তুণ্ডী পরগণা পরিত্যাগ করিয়া, ২৪ মাইল পূর্ব পাঁড়রায় আগমন করতঃ মালিক বা মল্লিক নামক নীচ জাতীয় জমিদারগণকে নিহত করিয়া আধিপত্য স্থাপন করিলেন। এই সময়ে তিনি নগরে রাজার নিকট জমিদারী বন্দোবস্ত করিয়া লইলেন!

* Colonel Dalton কিন্তু এ বিষয়ে ভিন্ন মত প্রকাশ করিয়াছেন। 'Ethnology of Bengal.' নামক গ্রন্থ দ্রষ্টব্য। লেখক।

বংশাবলী।



(অপর্য্যক্তি বংশাবলী পরপৃষ্ঠায় দ্রষ্টব্য)



পরিচয় :- পাড়রা রাজবংশে জ্যেষ্ঠ পুত্রই রাজ্যভার প্রাপ্ত হইতেন, অপর ভ্রাতৃগণ গ্রামাচ্ছাদন পাইতেন মাত্র। এই নিয়মিত সাহেব সিংহের পর যথাক্রমে মোহন, প্রতাপ, ছবরাজ ও দুর্জন সিংহ রাজ্যভার প্রাপ্ত হন। কিন্তু দুর্জন সিংহের পুত্র নরেন্দ্র সিংহ রাজ্যভার প্রাপ্ত হইলে, খুল্লতাত বীর সিংহ সম্পত্তি বিভাগ করিয়া নগরের তদানীন্তন রাজা বাদির জমা খাঁর

২য় বর্ষ, ১২শ সংখ্যা] জমীদারবংশাবলীর সংক্ষিপ্ত পরিচয়। ৩৪৯

নিকট ১১৩৬ সালের ৩রা ভাদ্র তারিখে, উভয়ে একত্র ৩৬০ টকা রাজস্ব ৬টি তালুক বন্দোবস্তের একটি সনন্দ বাহির করিয়া লইলেন। সনন্দটির প্রতিলিপি যথা, :-

(সনন্দ *)

হুকুম দেওয়ান সাহেব।

মোহর সেখ বাদিয়ৎ জমা খাঁ।

ইজতাসার রাজা নরেন্দ্র সিংহ ও কোউর বীরসিংহ বাকিয়ৎ বাসন্দ বাং সন ১১৩৬ সাল অবধি তালুকা পাড়রা ও উব্চিড়া প্রভৃতি তোমাকে হুকুম হইল ও তুমি এই একবার সন মজকুর হইতে মোকরির জমা ৩০০ টকা সন সন আদায় করিব বলিয়া কবুলতি লিখিয়া দিয়াছ তাহা দপ্তর দাখিল হইল। মোজা মজকুর তপশীল অনুসারে আমল দখল করিয়া সন সন মাল গুজারী করিবে।

তপশীল
পাড়রা
উব্চিড়া
জামতাড়া
ভিটরা হুই তরফ
আবড়া

তালুক হইয়া পরওয়ানা অনুসারে ছয় মোজা আমল করিয়া আবাদ মতে মালগুজারী কর তাঃ ৩রা ভাদ্র ১১৩৬ সাল বাঙ্গালা।

৩০০ টকা
সদর জমা
মালগুজারী
মঞ্জুর

প্রতাপ দাস
নন্দরাম দাস
কীষণ দাস।

১১৫২ সালে কোনরূপ বিবাদহুত্রে তাঁহারা সম্পত্তি বিভাগ করিয়া

* পাড়রা রাজবংশের প্রাচীন কর্মচারী শ্রীকামালী চন্দ্র রায় মহাশয়, অনুগ্রহ করিয়া আমায় এই সনন্দের একটি প্রতিলিপি প্রদান করিয়া উপকৃত করিয়াছেন। অত্যাশ্চর্য বিবরণও তিনিই সংগ্রহ করিয়া দিয়াছেন; তজ্জন্ত আমি তাঁহার নিকট ঋণী রহিলাম। লেখক।

লইলেন। রাজদপ্তরে স্ব স্ব নাম খারিজ করিয়া লইলে পর, জামতড়া, ভিৎড়া, পেবা বা পাবিয়া ইত্যাদি মহাল লইয়া ৬০ টাকা মাত্র জমায়, বীরসিংহ পাড়রা হইতে আপন নামে পৃথক তৌজী করিয়া লইলেন। এতদ্ব্যতীত গ্রাসাচ্ছাদনের উপসক্ ভোগাধিকারী, বিরাজ সিংহের কতক সম্পত্তি অধিকৃত করিয়া ১১৫২ সালে বীরসিংহ জামতড়ার পৃথকভাবে রাজত্ব করিতে লাগিলেন।

নরেন্দ্রের তিন পুত্র। যত্নন্দন কুঞ্জল ও প্রহ্লাদ। জ্যেষ্ঠ পুত্র যত্নন্দনের নামে দশমালা বা চিরস্থায়ী বন্দোবস্ত হয়। 'বাহাদুর জমা খা যত্নন্দনকে ১১৯২ সালে সনন্দ প্রদান করেন।' ১২০০ সালে যত্নন্দনের মৃত্যুর পর, কুঞ্জলের তিন পুত্র—হনাস, জয়মঙ্গল ও ভৈরব, যত্নন্দনের পুত্র প্রতাপ নারায়ণের নামে সমগ্র সম্পত্তি বিভাগ করিবার নিমিত্ত আদালতের আশ্রয় গ্রহণ করেন। ১৭৯৫ খৃঃ ২৯ এপ্রেল তারিখে ৫২২৫ নম্বর মোকদ্দমায় তদানীন্তন বীরভূমের জজ, সম্পত্তি বিভাগ করিতে আদেশ প্রদান করেন। ১৭৯৭ খৃষ্টাব্দের ১৯৮ নম্বর মোকদ্দমায় প্রভিসিয়াল কোর্টও, গৃহস্থ সম্পত্তি রাজ্য নয়, এই বলিয়া নরেন্দ্রের বংশ মধ্যে সম্পত্তি বিভাগ করাই ন্যায়সঙ্গত বলিয়া জজের মতের অনুমোদন করিলেন। অতএব নরেন্দ্রের জ্যেষ্ঠ পুত্র যত্নন্দন বা পৌত্র প্রতাপ নারায়ণ ৬ অংশ, মধ্যম পুত্র কুঞ্জল ৬ অংশ (বা কুঞ্জনের তিন পুত্র ৬ অংশ করিয়া) এবং কনিষ্ঠ বা তৃতীয় পুত্র প্রহ্লাদ সিংহ বা তাঁহার পত্নী রাজকুমারী, ৬ অংশ সমভাবে প্রাপ্ত হইলেন। প্রহ্লাদ বা রাজকুমারী নিঃসন্তান। এই নিমিত্ত ১৮২৬ খৃষ্টাব্দে রাজকুমারীর মৃত্যু হইলে তাহার অভিপ্রায়াধুসারে অধিকৃত সম্পত্তির অর্দ্ধাংশ অর্থাৎ ৬ প্রতাপের পুত্র সারগর নারায়ণ, এবং অপরাধি ৬ কুঞ্জনের দুই পুত্র ভৈরব ও জয়মঙ্গল প্রাপ্ত হন।

ভৈরবের মৃত্যুর পর, তাহার পত্নী রঘুনাথ কুমারী, স্বামীর পৈত্রিক ৬ অংশ রাজকুমারী হইতে প্রাপ্ত অংশ জীবিতকাল পর্য্যন্ত ভোগ করিলে জয়মঙ্গলের পুত্র লছমীনারায়ণ তাহা প্রাপ্ত হন। হনাসের পত্নী মিলন কুমারীর মৃত্যু হইলেও ঐ সম্পত্তি তাহার হস্তগত হয়। ফলে, মূল সম্পত্তির অর্দ্ধাংশ লছমীনারায়ণ এবং অপরাধি সাগরনারায়ণ প্রাপ্ত হইলেন।

সাগরনারায়ণ ১৭৯৫ খৃষ্টাব্দের ডিক্রি বা মীমাংসা সত্ত্বেও বংশগত প্রথা বলিয়া 'অবিভাজ্য' প্রথা পুনঃ প্রচলিত করিলেন। বিশেষতঃ অপরাপর

ভ্রাতারা, এ বিষয়ে তত সচেষ্টি ছিলেন না। ১২৮৮ সালে সাগরনারায়ণের পত্নী রাণী হিজলকুমারীর * মৃত্যু হইলে, প্রয়াগ ও মধুসুদন বিলাত পর্য্যন্ত মোকদ্দমা করেন; কিন্তু রাজ্য 'অবিভাজ্য' বলিয়াই অবশেষে স্থিরীকৃত হয়।

লছমীনারায়ণের বংশ মধ্যে কিন্তু, সম্পত্তি তুল্যাংশে বিভক্ত হইয়া আসিতেছে।

সাগরনারায়ণ ১৮৪০ খৃষ্টাব্দে ইংরাজ গভর্নমেন্ট কর্তৃক 'রাজা' উপাধি প্রাপ্ত হন। তদবধি সাগরনারায়ণের বংশধরগণ আপনাদিগকে 'রাজা' বলিয়া পরিচয় প্রদান করেন। লছমীনারায়ণের বংশধরগণ 'বাবু' বলিয়া আখ্যাত হন।

রাজবংশের জমিদারী অন্যান চল্লিশ সহস্র টাকা। সদর মালগুজারী ১৬১ টাকা মাত্র; এতদ্ব্যতীত কয়লাখনি প্রভৃতির আয় আছে।

কুলপ্রথা :—মৃত্যুর পর দশম দিবসে শ্রাদ্ধাদিক্রিয়া আচরিত হইয়া থাকে। শ্রাদ্ধাদিক্রিয়া সমাপ্ত হইলে, কুটুম্ব স্বজনগণের অবস্থিতি কালেই নূতন রাজার শূত্র অভিষেক কার্য্য সুসম্পন্ন করা হয়। জ্যেষ্ঠ পুত্র রাজ্যে অভিষিক্ত হইয়া 'রাজা' বলিয়া খ্যাত হন। মধ্যম 'কুমার' তৃতীয় 'ঠাকুর', চতুর্থ 'নুহু' এবং পঞ্চম অবধি 'বাবু' নামে অভিহিত হইয়া থাকেন।

অভিষেককালে রাজা মস্তকে উষ্ণীষ বা 'পাগড়ী' ব্যবহার করেন,— 'কুমার' ছত্রধারণ ও 'ঠাকুর' চামরব্যাজন করেন। অভীষ্ট দেবতা সর্বাগ্রে রাজ্যভিষেক করিয়া মস্তকে 'পাগড়ী' বন্ধন করিয়া দিবেন এবং রাজাকে মুদ্রা বস্ত্র ইত্যাদি উপচৌকন প্রদান করিবেন। তদনন্তর পুরোহিত অভিষেক করিলে অস্ত্রাত্ত ব্রাহ্মণেরা আশীর্বাদ ও উপহার সামগ্রী প্রদান করেন। সর্বশেষে খুল্লতাত, ভ্রাতা, স্বজাতীয় কুটুম্ববর্গ সকলেই পাগড়ী বন্ধন করিয়া দেন। দরবার গৃহে এই সকল কার্য্য সমাধা হইলে অন্তরে সস্ত্রীক 'গোষ্ঠী বন্ধনের' পর রাজপাঠে অভিষিক্ত হইয়া থাকেন।

প্রতি বৎসর বিজয়া দশমীর রাত্রে অন্তরমহলে অভিষেক হইয়া থাকে। তৎকালে কেবলমাত্র পুরোহিত, খুল্লতাত, ও ভ্রাতৃগণ উপস্থিত থাকেন।

রাজসংসারের কর্মচারীগণ প্রায় সকলেই বংশপরম্পরা কার্য্য করিয়া আসিতেছেন।

জামতড়া, বরিয়া, কাতরাস, নওয়াগড়, শ্রীরামপুর, হাজারীবাগ, করহর-

* ১২৭৬ সালের ছুর্ভিক্ষে ইনি মহারাণী উপাধি লাভ করিয়াছিলেন।

বালী, 'টীকাইৎ প্রভৃতি জমিদারগণ পাড়রা রাজবংশের কুটুম্ব। এতদ্ব্যতীত
ছমকা, মুঙ্গের প্রভৃতি স্থানেও ইঁহাদিগের জ্ঞাতিবর্গ দেখিতে পাওয়া যায়।

রাজাদিগের বাসস্থান পোদ্দার ডিহি বা পাড়রা। বাবুদিগের বাসস্থান
কিঞ্চিৎ অন্তরে সমন্দপুর।

(ক্রমশঃ)

শ্রীশিবরতন মিত্র।

ঐতিহাসিক ছড়া সংগ্রহ।

(৩)

‘বানভাসীর কবিতা’

[সন ১২৩০ সালের বন্যা উপলক্ষে রচিত।]

রচয়িতা—লক্ষর দাস।

নদী সৈ দামোদরে, বড়াকরে, করহে আনাগোনা

ছুধারে মিশায়ে ভাঙ্গে সেরগড় পরগণা।

এলো বান পঞ্চকোটে, নিলেক লুটে, ভাঙ্গলো রাজার গড়

ছড় ছড় শব্দে ভাঙ্গে পর্বত পাথর।

মিশায়ে লাল খোলা, বানের খেলা নদীর হলো বল

দামোদরে জড় হল চৌদ তাল জল।

নদীতে আঁটবে, কত শত শত, নৌকা ভাসে জলে

প্রলয় কালেতে যেন সমুদ্র উথলে।

ভাঙ্গিলো আদর্গা ভাড়া, গোপের পাড়া, ভাঙ্গিল বাবুই শোন

তার পর ভাঙ্গিল লয়ে নপুর বহলভপুর। ১০

বাক্সা, ডুবলো, গোলা, হাতে খোলা, নিলেক মহাজন

দামোদরের বলদেখে উঠলো সিঙ্গেরণ।

চললো বান যোজ জুড়ে, ত্বরায় করে, যেমন টাঙন ঘোড়া

আদর্গা ডুলুই ভাঙ্গে, মেজে ময় সাড়া।

করিল চিপেপুরি, আহা মরি, করিলে কি ঠাকুর

নিশি সরোবরে যেন ফুটিল সালুক।

বলে, কি করলে হরি, আহা মরি, কি করলে ঠাকুর

তার পর ভাঙ্গিল যেয়ে পুর্বা মদনপুর।

• চললো বান পূর্ব মুখে, আপন স্থখে, চলেন দামোদর
ছুধার মিশায়ে ভাঙ্গে কাঞ্চন নগর। ২০

বাবুদের কাট গোলাতে, লাউশানাতে, প্রবেশ করলো বান
বাঁকার সনে, সালিশ করে ভাঙ্গলো বর্ধমান।

বাজারে নৌকা চলে, কুতুহলে, প্রণয় দেখি বান
শিবের মঙ্গলা পলায় ছাড়ি বর্ধমান।

ভাঙ্গিল রানীর হাটা, দালান কোঠা, জজ সাহেবের কুঠা
রাজবাড়ী ছাড়ি বান যান গুটি গুটি।

এবারে বান, বাহির হলো, রাত পোহাল, চলিল মাঠে মাঠে
গঙ্গায় মিশায় বান অশ্বিকার ঘাটে।

বারশ খ্রিশ সালে, বরষা কালে, ভনিল লক্ষর দাস
কেউ হলো পাতুড়ে রাজা, কারো সর্বনাশ। * ৩০

শ্রীশিবরতন মিত্র।

লীলা।

প্রথম পরিচ্ছেদ।

সিক্কুদেশাধিপতি প্রবল প্রতাপান্বিত বাদসাহ আমেদ সাহ বাসন্তী-চন্দ্রিকা-
বিধৌত রজত হৃদবক্ষে নৌকা-বিহার করিতেছেন। বসন্তানিল মুহম্মদ
প্রবাহে অসংখ্য ক্ষুদ্র ক্ষুদ্র বীচিমালার সহিত ক্রীড়া করিতেছে। হৃদ-
বক্ষে কত খণ্ড চন্দ্রমা সঁতার দিয়া বেড়াইতেছে। তরিমধ্য হইতে
মৃদঙ্গের মধুর তান, বীণার মনোহর বন্ধার, মন্দিবার মৃদু নিকণ, স্মৃষ্টি মানব-
কণ্ঠের সহিত মিশ্রিত হইয়া হৃদতীরস্থিত গুভ্রমর্ন্তর প্রস্তুত বিনির্মিত
হর্ম্যের প্রকোষ্ঠে প্রকোষ্ঠে নিনাদিত হইতেছে। তরিমধ্যে রত্নসিংহাসনে
বাদসাহ আমেদ সাহ উপবিষ্ট। সম্মুখে গায়ক ও বাদ্যকরগণ বিনম্রভাবে
সঙ্গীতালাপে নিবিষ্ট। মুসলমান গায়ক, বাদসাহের রণনৈপুণ্য বর্ণনা করিয়া

* আনন্দের সহিত স্বীকার করিতেছি যে, দ্বিতীয় ও তৃতীয় সংখ্যক ছড়া, শ্রীমান
গোলক চন্দ্র মিত্র, আমায় সংগ্রহ করিয়া দিয়াছেন।

করাই স্থির করিলেন। পাছে রাজপুতগণ তাঁর বর্ষণ করে, এই ভয়ে মুসলমানগণ দ্রুতগতি দুর্গপ্রাচীর হইতে বহু দূরে হটিয়া গেল।

আমেদ সাহ দুর্গ অবরোধ করিয়া অতি প্রবল ভাবে আক্রমণ করিলেন। দুর্গ মধ্যে তিন সহস্র রাজপুত যোদ্ধা অবস্থান করিতেছিল। আমেদ সাহ লীলার জন্ত যে সকল বহুমূল্য উপচৌকন দিয়াছিলেন, রাজপুতগণ সে সকল বিক্রয় করিয়া দুর্গ সুদৃঢ় করিয়াছিল এবং উৎকৃষ্ট অস্ত্র ক্রয় করিয়াছিল। সুদৃঢ় দুর্গমধ্যে অবস্থান করিয়া সশস্ত্র রাজপুতগণ যবনগণের প্রতি আক্রমণই ব্যর্থ করিতে লাগিল। মুসলমানগণ দুর্গপ্রাচীরের নিকটবর্তী হইলে রাজপুতগণ শরজালে তাহাদিগকে আচ্ছন্ন করিয়া ফেলিতে লাগিল; প্রাচীরস্থিত বৃহৎ বৃহৎ প্রস্তর দ্বারা তাহাদিগকে নিষ্পেষিত করিতে লাগিল। কখন বা রাজপুতগণ মুসলমানদিগকে কোন বাধা দিল না। তাহারা অধিরোহিণী দ্বারা দুর্গপ্রাচীরে উঠিতে আরম্ভ করিল। কিন্তু কেহন একটি যবন প্রাচীর শীর্ষে উঠিবার পূর্বেই রাজপুতগণ অধিরোহিণী সহ সকলকেই ধরাশায়ী করিয়া দিল। যবনগণ এইরূপে পুনঃ পুনঃ প্রতিহতবীর্য হইয়া প্রমাদ গণিল। যুদ্ধে জয় অসম্ভব দেখিয়া তাহারা কেবল মাত্র অবরোধ করিয়া রহিল। আশা, আহাৰ্য্য নিঃশেষ হইলেই দুর্গরক্ষিগণ আত্মসমর্পণ করিবে।

ফলেও তাহাই ঘটিল। তিন মাসের পর দুর্গে খাদ্যাভাব হইল। অপরে যে কেহ সাহায্য করিবে। সে আশাও নাই। তবে কি রাজপুতগণ সকলেই খাদ্যাভাবে প্রাণত্যাগ করিবে? রাজপুত কি এরূপ ভাবে প্রাণত্যাগ করিতে পারে? লীলাকে যবনহস্তে সমর্পণ করিলে সকলের প্রাণরক্ষা হইতে পারে বটে। কিন্তু রাজপুত কি এ অপমান সহ করিতে পারে? স্থির হইল যে, অপমান অপেক্ষা মৃত্যু সহস্র গুণে শ্রেয়ঃ।

কিন্তু রণাঙ্গনে রাজপুত পুরুষগণ দেহ পরিত্যাগ করিলে স্ত্রীগণের দশা কি হইবে? তাহারা যবনগণ কর্তৃক দামীরূপে অথবা উপপত্নীরূপে গৃহীত হইবে। এই চিন্তায় রাজপুতগণকে শত বৃশ্চিকে দংশন করিতে লাগিল। স্মৃতরাং বিধবা রাজপুতললনাগণেরও বাঁচিয়া কাজ নাই। তাহাদেরও মরিতে হইবে। তদনুসারে যাহারা যুদ্ধে প্রাণত্যাগ করিবে বলিয়া সংকল্প করিল, তাহারা অসি বর্ম পরিধান করিয়া, সমরক্ষেত্রে উপস্থিত হইবে স্থির হইল। অপরে ভয়ানক জহর ব্রতের অল্পস্থানে স্থিরপ্রতিজ্ঞ হইল

সকল রাজপুতললনাই সামন্দে প্রাণপরিত্যাগ করিতে উদ্যত হইল। অচিরে দুর্গের স্থানে স্থানে প্রকাণ্ড প্রকাণ্ড অগ্নিকুণ্ড জ্বলিত হইল, রমণীগণ প্রথমে তাহাদের সমুদয় আভরণ অগ্নিতে অর্পণ করিয়া, শিশু সন্তানগণকে ক্রোড়ে লইয়া প্রচণ্ড অনলে জীবন আত্মত্যাগ দিল। এককালে শৈশব, কৈশোর, যৌবন, জরা সকলই ভস্মীভূত হইয়া গেল। হতাশন এই সকল সাধ্বী আৰ্য্যনারীগণের আত্মাকে অধিকতর পবিত্র করিয়া আনন্দময় অমর নিকেতনে লইয়া গেলেন।

এইবার সমরানলে পুরুষগণের জীবন আত্মত্যাগ দিবার সময় আসিল। হায়! তাহাদের সংসার-বন্ধন সকল ভস্মীভূত হইয়াছে। মাতা, স্ত্রী, কন্যা সকলই স্বর্গে চলিয়া গিয়াছে। তাহারা আর কি জন্য এ পাপ সংসারে থাকিবে? অপূর্ব উৎসাহে রাজপুত বীরগণের হৃদয়পূর্ণ হইল। উষ্ণীষে পবিত্র তুলসী স্থাপন করিয়া, ও গলদেশে শালগ্রাম শিলা লম্বমান করিয়া সকলে অতি প্রত্যাশে দুর্গদ্বারে সমবেত হইল। দুর্গদ্বার উন্মুক্ত হইল। গিরিপ্রবাহী বেগবান নদের স্রোত, রাজপুতগণ বিশাল যবন বাহিনীর দিকে অগ্রসর হইল। পর্বত সিংহ ও তৎপুত্র রামসিংহ সকলের অগ্রগামী হইলেন। অচিরে রাজপুতগণ যবন শিবিরের মধ্যে উপস্থিত হইল। সহসা আক্রান্ত হওয়ায় যবন সৈন্য কিংকর্তব্যবিমূঢ় হইয়া পড়িল। রাজপুতের অসির আঘাতে শত শত যবন ছিন্নশিরঃ হইয়া পতিত হইতে লাগিল। আমেদ সাহ পর্যাঙ্কে শয়ন করিয়াছিলেন। তিনি রণ-কোলাহল শুনিয়া হস্তী সজ্জিত করিয়া তদুপরি আরোহণ করিলেন। তখন তাঁহার সেনা ছত্রভঙ্গ হইয়াছে। তাহাদের আর্তনাদ ও রাজপুতগণের জয়ধ্বনিকে গগন প্রকম্পিত হইতেছে। হস্তিপৃষ্ঠে আরোহণ করিয়া তিনি বাক্য ও ইঙ্গিত দ্বারা সৈন্যগণকে একত্র করিবার চেষ্টা করিতে লাগিলেন। রাজপুতগণের দৃষ্টি অর্ধচন্দ্র পতাকা শোভিত হাওদার উপর আকৃষ্ট হইল। সকলেই সেই দিকে অগ্রসর হইয়া আমেদ সাহের নিধন করিতে দৃঢ়প্রতিজ্ঞ হইল। দলে দলে যবনগণ বাদসাহের রক্ষার্থ রাজপুতগণের সম্মুখে উপস্থিত হইতে লাগিল। দলের পর দল, প্রচণ্ড রাজপুত বীর্যে ভস্মীভূত হইতে লাগিল। আর রক্ষা নাই। রাজপুতগণ বাদসাহের হাওদার অতি নিকটবর্তী হইয়াছে। শরীররক্ষা সৈন্য কেহ নিকটে নাই। যাহারা তাঁহাকে রক্ষা করিতে আসিতেছে, তাহারা সকলেই নিহত হইতেছে। ঐ দেখ রামসিংহ হস্তীর নিকটবর্তী হইলেন।

এ দেখে ভীষণ তরবারির আঘাতে রামসিংহ হাওদার রজ্জু কর্তন করিলেন । মহাশব্দে হাওদা সাহ আমেদ সাহ ভূমিশায়ী হইলেন । মহা ক্রোধে রামসিংহ ও অপর কতিপয় রাজপুত তাঁহাদের মহাশত্রুর বিনাশ সাধনের জন্ত হাওদার নিকট উপস্থিত হইলেন । কিন্তু ইতিপূর্বেই আমেদসাহ তরবারি হস্তে দণ্ডায়মান হইয়াছিলেন । তিনি যথাসাধ্য আত্মরক্ষা করিতে লাগিলেন । তাঁহার জীবন সংশয় দেখিয়া যবনগণ চতুর্দিক হইতে তাঁহার সাহায্যার্থ সমবেত হইতে লাগিল । বহুসংখ্যক যবন সৈন্য আমেদ সাহের নিকট উপস্থিত হইয়া তাঁহাকে আসন্ন মৃত্যু হইতে রক্ষা করিল ।

এইবার দলে দলে যবন সৈন্য চতুর্দিক হইতে সমবেত হইতে লাগিল । রাজপুতগণ আর অগ্রসর হইতে পারিল না । তাহারা মুসলমানগণ কর্তৃক সম্পূর্ণরূপে বেষ্টিত হইল । অগত্যা আক্রমণ পরিত্যাগ করিয়া রাজপুতগণকে আত্মরক্ষায় মনোযোগী হইতে হইল । চক্রবাহ নিৰ্ম্মাণ করিয়া তাহারা যবন আক্রমণের প্রতিরোধ করিতে লাগিল । যবনগণ গিরির শ্রায় স্টল সেইস্থানে ভেদ করিতে সমর্থ হইল না । মুসলমানগণ দূর হইতে অস্ত্র নিক্ষেপ করিতে লাগিল । রাজপুতগণ কখন কখন দলে দলে যবন সেনার মধ্যে প্রবিষ্ট হইয়া বহু সংখ্যক শত্রুবধ করিয়া জীবনবিসর্জন করিতে লাগিল । ক্রমে রাজপুত বীরগণের অসি ভগ্ন হইয়া গেল, অবিরাম যুদ্ধে তাহারা হীনবল হইয়া পড়িল । তথাপি অবিশ্রান্ত যুদ্ধ চলিতে লাগিল । সহস্রা যবন নিঃক্ষিপ্ত একটি শর পর্তত সিংহের মস্তক ভেদ করিল । পর্তত-সিংহ রণক্ষেত্রে বীরোচিত মৃত্যু আলিঙ্গন করিয়া অনন্ত নিদ্রায় অভিভূত হইলেন । তথাপি রাজপুতগণ হতোৎসাহ হইল না । রামসিংহ পিতার শূণ্য স্থান অধিকার করিয়া অদ্ভুত বীরত্ব দেখাইতে লাগিলেন । কিন্তু তাঁহার তরবারি ভগ্ন হইয়া গেল । তিনি তখন একজন যবনের হস্ত হইতে তাহার ভল্ল কাড়িয়া লইয়া তিনজন যবনকে বধ করিলেন । কিন্তু অচিরে তাঁহাকেও পিতার পন্থা অনুসরণ করিতে হইল । রামসিংহ রণস্থলে পতিত হইলেন । অবশিষ্ট রাজপুত বীরগণও যথাসাধ্য শত্রু সংহার করিয়া দিব্যগতি প্রাপ্ত হইল ।

এইরূপে এই ভীষণ আহবের শেষ হইল । এইরূপে দ্বিসহস্র রাজপুত অগণ্য যবন সেনার সহিত যুদ্ধ করিয়া প্রভূত কীর্তি সঞ্চয় করিল । দুই সহস্র রাজপুত ও চারি সহস্র যবনের মৃত দেহ রণক্ষেত্রে ভীষণ শ্মশানে পরিণত করিল ।

শত্রু মিত্রের মৃতদেহ চরণে দলিত করিয়া আমেদ সাহ বিজিত দুর্গে প্রবেশ করিলেন । দেখিলেন, দুর্গ এক মহাশ্মশানে পরিণত । জনপ্রাণা নাই । স্থানে স্থানে নির্ঝাঁপপ্রায় চিতা হইতে ধূম উদ্গত হইতেছে । অসংখ্য নরমাংসভোজী পশুপক্ষীর বিকট চীৎকারে কর্ণ বধির হইয়া যাইতেছে । কিন্তু হায় । লীলা কে ? যাহার জন্ত এত রক্তপাত, এত কষ্ট, সে লীলা কোথায় গেল ? ব্যস্ত হইয়া যবনরাজ গৃহে গৃহে লীলার অনুসন্ধান করিলেন । কোথাও দেখিতে পাইলেন না । নৈরাশ্য ও ক্ষোভে দীর্ঘ নিশ্বাস পরিত্যাগ করিয়া আমেদ সাহ শিবিরে প্রত্যাগমন করিলেন ।

দ্বিতীয় পরিচ্ছেদ ।

আমেদসাহ শিবিরে একাকী উপবিষ্ট । গভীর বিষাদ কালিমায় তাঁহার বদনমণ্ডল আচ্ছন্ন । তাঁহার এত চেষ্ঠা, এত যত্ন সকলই ব্যর্থ হইল ! এত সৈন্য ক্ষয় করিয়া, স্বজীবন বিপন্ন করিয়াও তিনি লীলাকে প্রাপ্ত হইলেন না ! অদৃষ্টকে শত ধিক্কার দিলেন ; রাজপুত জাতির উদ্দেশে শত বার অভিশম্পাত উচ্চারণ করিলেন । এমন সময় চর আসিয়া সংবাদ দিল যে, লীলা এখনও জীবিত আছে । একজন পার্কৃত্য সামন্ত রাজপুত রাজার নিকট পর্তত সিংহ লীলাকে যুদ্ধের পূর্বেই রাখিয়া দিয়াছিলেন । লীলা এখনও তাঁহারই আশ্রয়ে রহিয়াছে । শ্রবণমাত্র যবনরাজের বদন হর্ষোৎফুল্ল হইল । কিন্তু পরক্ষণেই আবার বিষাদের ছায়া দেখা দিল । তিনি রাজপুত বীর্যের পরিচয় উত্তমরূপে প্রাপ্ত হইয়াছেন । দ্বিতীয় বার আহোর জয়ের অভিনয় হইতে পারে ভাবিয়া কিছু চিন্তাকুল হইলেন । যাহা হউক, তিনি লীলার লোভ সম্বরণ করিতে পারিলেন না । উক্ত সামন্তরাজকে আদেশ করিলেন, যেন তিনি অবিলম্বে লীলাকে তাঁহার করে অর্পণ করেন । সামন্তরাজ এই আদেশ পালন করিতে সম্মত হইলেন না । তিনি ও তাঁহার প্রজাবৃন্দ সকলেই লীলার জন্ত জীবন বিসর্জনে উদ্যত হইলেন । লীলা কিন্তু বলিলেন, “বাদসাহের যদি আমাকে” বিবাহ করিবার ইচ্ছা এতই হইয়া থাকে, তবে সে ইচ্ছা পূর্ণ হউক । আমি তাঁহাকে বিবাহ করিব ।” রোষে ও ঘণায় রাজপুতগণের মুখ আরক্ত হইয়া উঠিল । ক্ষত্রিয় কন্যা যবনকে বিবাহ করিতে সম্মত হইল ! যে স্বীয় পিতা, ভ্রাতা, আত্মীয় বন্ধুকে বিনাশ করিয়াছে, তাহাকে

বিবাহ! যে তাহার পিতৃরাজ্য শ্মশান করিয়া দিয়াছে, তাহাকে বিবাহ পাপিয়সীর মুখদর্শন করাও উচিত নহে বিবেচনা করিয়া রাজপুত্রগণ স্ব স্ব গৃহে প্রস্থান করিল। লীলা মধুর বাক্যে বাদসাহের দূতকে বিদায় দিলেন। বলিয়া দিলেন যে, বাদসাহকে বিবাহ করিতে তাঁহার কখনই অনিচ্ছা নাই। লীলার ইচ্ছা যে, বাদসাহ তাহাকে 'এখনি' লইয়া যাউন। দূত প্রস্থান করিল।

দূতমুখে লীলার অভিপ্রায় অবগত হইয়া আমেদ সাহ আনন্দে অধীর হইলেন। তিনি শিবির মধ্যে মহোৎসবের আদেশ দিয়া লীলাকে আনয়নের জন্ত সুসজ্জিত হস্তী পাঠাইয়া দিলেন। কিয়ৎক্ষণ অতিবাহিত হইলে যবন-রাজ দেখিলেন, যেন রূপচ্ছটায় দশ দিক উদ্ভাসিত করিয়া লীলা আসিতেছেন। লীলা হস্তী হইতে অবতীর্ণ হইলে বাদসাহ লীলাকে স্বয়ং অভ্যর্থনা করিয়া শিবির মধ্যে লইয়া গেলেন। তথায় লীলা অমৃতমাখা বাক্যে তাঁহার হৃদয়ের জ্বালা দূর করিয়া দিলেন। বাদসাহের হৃদয় আশ্বস্ত হইল। স্থির হইল যে, বিবাহ ভ্রাজধানীতে সম্পন্ন হইবে। অধীনস্থ অনেক রাজাকে নিমন্ত্রণ করিতে হইবে। সুতরাং কিছু বিলম্বে বিবাহের দিন নির্দ্ধারিত হইল।

আজ আমেদ সাহের বড়ই আনন্দের দিন। আজ তাঁহার বড় আশার ধন তাঁহার নিজের হইবে। আজ লীলা তাঁহার হইবে। তিনি আজ নৃপতিবৃন্দকে, তাঁহার প্রজাবর্গকে দেখাইবেন, কি অমূল্যরত্ন তিনি কণ্ঠে ধারণ করিয়াছেন।

বিবাহ হইয়া গিয়াছে। লীলা আদর করিয়া নানারত্নখচিত বহুমূল্য পরিচ্ছদ স্বামীকে উপহার দিয়াছে। যবনরাজ অতি কৃতার্থ হইয়া সেই অমূল্য পরিচ্ছদ সম্বন্ধে পরিধান করিয়াছেন। লীলাও স্বামিপ্রেমত উজ্জল পরিচ্ছদ পরিধান করিয়া প্রাসাদ আলোকিত করিয়া রহিয়াছেন। এদিকে প্রাসাদের নীচে লোকারণ্য। হৃদের তীর, সম্মুখের প্রশস্ত স্থান প্রজামণ্ডলীতে পরিপূর্ণ হইয়াছে। সকলেরই ঐকান্তিক ইচ্ছা যে, তাহারা একবার বাদসাহ ও বেগমকে দেখিয়া নয়ন সার্থক করে। লীলা বৃষ্টিতে পারিয়া বাদসাহকে বলিল, স্বামিন্, বারান্দার সূর্যালোকে চলুন একবার দাঁড়াই, প্রজাগণ আমাদের দেখিবার জন্ত বড়ই ব্যাকুল হইয়াছে।" দ্বিরুক্তি না করিয়া যবনরাজ লীলার হস্তধারণ করিয়া বারান্দায় দণ্ডায়মান হইলেন। সূর্যের কিরণ বাদসাহের পরিচ্ছদস্থিত মণিমাণিক্যে পতিত

হওয়ায় সহস্র অগ্নিখণ্ড জ্বলিতেছে বলিয়া বোধ হইল। লীলা মহাশ্রে বাদসাহের নামে দাঁড়াইয়া স্বামীর পরিচ্ছদের বিচিত্র শোভা দেখিতে দিলেন। কিন্তু সহসা এ কি! বাদসাহের পরিচ্ছদে সত্য সত্য অগ্নিস্ফুলিঙ্গ কেন? ঐ যে বাদসাহ যন্ত্রণায় অস্থির হইয়া ছটফট করিতেছেন। তবে কি পরিচ্ছদে কোন দাহ পদার্থ ছিল, যাহা সূর্য্যকিরণ সংযোগে অগ্নি উৎপাদন করিয়াছে? হায়! পাপীয়সী লীলা বিশ্বাসঘাতকতা করিয়া বাদসাহের প্রাণবধ করিল। বাদসাহ পরিচ্ছদ ছিঁড়িয়া ফেলিবার চেষ্টা করিলেন। কিন্তু বৃথা হইল। অগ্নি প্রবল বেগে পরিচ্ছদ দগ্ধ করিয়া যবন-রাজের শরীরও দগ্ধ করিয়া ফেলিল। আমেদ সাহের মৃত শরীর প্রাসাদের বারান্দায় পতিত হইল। আর লীলা, স্বামিবাতিনী লীলা কোথায় গেল? লীলা পিতৃহস্তার শোচনীয় পরিণাম দেখিয়া হৃদের জলে ঝাঁপ দিয়া হৃদয়ের জ্বালা জুড়াইয়াছে। সমাপ্ত।

সমালোচনা।

কৃষক।—মাসিক পত্র। কলিকাতা, ১৮১ নং আপার সাকুলার রোড হইতে প্রকাশিত। কৃষি বিষয়ক সুপাঠ্য প্রবন্ধে কৃষক পূর্ণ থাকে। কৃষি-প্রধান বঙ্গে কৃষকের স্থায় পত্রের প্রয়োজন যে কত অধিক, তাহা আর বলিতে হইবে না। বঙ্গের অজ্ঞ কৃষককুল কৃষিকার্যের কিছুই জানে না। তাহাদিগকে প্রকৃষ্ট উপায়ে কৃষিকার্য শিখা দিতে পারিলে তবে "কৃষকের" জন্ম সার্থক হইবে। গৃহপঞ্জিকার ন্যায় বঙ্গের গৃহে গৃহে এ পত্রের প্রচার হওয়া বাঞ্ছনীয়। পূর্বে আমরা "কৃষক" হইতে একটি প্রবন্ধ উদ্ধৃত করিয়া ছিলাম। এবারও একটি উপাদেয় প্রবন্ধের সারাংশ উদ্ধৃত করিব।*

* "দেবতার স্থান, উদ্যান, নিহত স্থান, গোষ্ঠ + (গোচারণ স্থান), সীমা প্রাপ্ত, শ্মশান ভূমি, বৃক্ষচ্ছায়া, যুগ্মপ্রোথিত স্থান, যাতায়াত স্থান, এবং অন্যান্য অব্যাহত ভূমি সকলও কর্ষণ করিবে না। উষর ক্ষেত্র, বিষ্ঠা ক্ষেত্র, প্রস্তর ও কর্কর সঙ্কুল স্থান এবং নদীতট প্রমত্ত হইয়া কখনই কর্ষণ করিবে না। যদি লোভ ও ঘেঁষাদির বশবর্তী হইয়া, কেহ ঐ সকল ক্ষেত্রে চাষ করে, সেই পাপে সে শীঘ্রই পশু, বান্ধব ও পুত্রাদির সহিত বিনাশ প্রাপ্ত এবং ঘোর তামিশ্র নরকে গমন করে। যে ব্যক্তি অন্যের জমি অপহরণ করিয়া কৃষিকার্য করে, তাহারও সেই পাপে অনন্ত নরকে গতি হয়। অতি দূরে, অতিশয় নিকটে বা পথ চষিবে না। ইহাতে দুঃখভোগী হইতে হয়।

* বৃহৎপরাশর সংহিতা প্রভৃতি গ্রন্থে অবলম্বনে এই প্রবন্ধ লিখিত। আমরা স্থানাভাবে মূল শ্লোকগুলি উদ্ধৃত করিতে পারিলাম না। বীঃ সং।

+ গোচারণ স্থানে জমি করাত এখন সাধারণ হইয়া উঠিয়াছে। স্বরূপ গতিক, তাহাতে অচিরে তৃণভাবে গোকুল ধ্বংস হইবে। বীঃ সং।

উষ্ট্র অবলোকন করিয়াও ক্ষেত্রমধ্য দেখিতে না পায়, কোন পশু লঙ্ঘন করিতে না পারে, শূকর খনন করিতে সক্ষম না হয়, ভূগঙ্গা নিকটস্থ হইতে না পারে, এরূপ ভাবে কৃষক বেড়া দ্বারা ক্ষেত্র সংরক্ষণ করিবেন। এতদ্ব্যতীত রাজা ও তক্ষর হইতেও কৃষির উপদ্রব হইয়া থাকে। কৃষক এইরূপে কৃষিধর্ম পরিজ্ঞাত হইয়া যাহাতে কৃষিরক্ষা হয়, সম্যক্ প্রযত্নে তাহা করিবেন। “আগে রোঁধ। পরে খোঁদ” ॥ (খনা)।

আগে রুদ্ধ করা অর্থাৎ বেড়া দেওয়া আবশ্যিক, পরে চষাখোঁড়া বিধেয়।

মৃত্তিকা বিশেষে বিশেষ বিশেষ বীজ বপন ।

এরূপ জমিতে কর্ষণ করিবে যেন উহা স্নিগ্ধ, উৎকৃষ্ট, নিম্ন অর্থাৎ অব-গাহনের উপযুক্ত জল ধরিতে পারে। জলাশয় সমীপে ধাতু বপন করিবে, কেন না, সেচনের প্রয়োজন হইলে জল স্প্রোপ্য হয়। আশু ধাতু উচ্চ স্থানে বপন করিবে। সিক্ত স্থানে কার্পাস এবং যথায় বহু জল ধরে তথায় হৈমন্তিক ধাতু বপন করিবে। বসন্ত ও গ্রীষ্মকালীয় ধাতু সকল কর্দমক্ষেত্রে বপন করিবে। কেদার বিশিষ্ট ক্ষেত্রে শালি ধাতু এবং জলপ্রান্তে ইস্কু রোপণ করিবে। স্বভাবতঃ সিক্ত ক্ষেত্রে একটু বৃষ্টি হইয়া যাইলে অর্থাৎ জমি স্নিগ্ধ ভাব ধারণ করিলে হব, গোধূম, মসুর, ছোলা, কলাই, তিল, মসিনা, শূণ এবং শেস্তাপাট প্রভৃতি বপন করিবে।

জল সংরক্ষণ—“আগে বেঁধে আলি। রুইগে যা শালি।

যদি না হয় শালি। খনাকে দিস্ গালি ॥” (খনা)।

জল সংরক্ষণে যত্নবান হওয়া কৃষকগণের প্রধান কর্তব্য। ইহা স্মরণ রাখিবার জন্তু খনা বলিয়াছেন,—

“আউশ মলে খোব কোথা। আমন মলে যাব কোথা ॥”

আউশের মই, বিদা ও নিরাণ দ্বারা অনেক ধান নষ্ট হয়। কিন্তু ঐ তিনের দ্বারা আবাদ যত বেশী হয়, ফল তত বেশী হয়। বিদা ও মইয়ে আউশ গাছ মারা যায়, এজন্তু আউশ ধান কিছু বেশী পরিমাণে বোনা উচিত। চারা অবস্থায় রৌদ্রের তাপে আউশের পাতাগুলি ঝিৎ ঝিৎ হইলেও সে ধাতু প্রায়ই ভাল হয়। কিন্তু জলাভাবে যদি আমনের জমি ফাটিয়া যায়, তাহা হইলে আমন গাছের শিকড়গুলি ছিঁড়িয়া যায়, একারণ আর তাহাতে ক্ষীর ঢালিলেও ধান ভাল হয় না। অতএব জল সংরক্ষণ করাই আমনের প্রধান আবাদ। প্রথম অবস্থায় গাছের পাতাগুলি জাগাইয়া কাটি পর্য্যন্ত জল রাখাই নিয়ম। গাছগুলি পুষ্ট হইলে আধ হাত তিন পোয়া, স্থল বিশেষে গাছের মূলে এক হাত পর্য্যন্ত জল রাখা যায়। জলই আমনের জীবন বটে, কিন্তু সময় বিশেষে এই জলও ত্যাগ করিতে হয়। নিরাণর পর জমিতে একবার পিট খাওয়ান উচিত। কিন্তু ইহার পরই জলপূর্ণ করার ব্যবস্থা করা উচিত। কাদামারা রোগ (অর্থাৎ ধাতুগাছ না বাড়িলে, গাছের রোগ জন্মিলে) এরূপ পিট খাওয়ান হইতে হয়। এতদ্ব্যতীত

ভাদ্র মাসেও পিট খাওয়ান নিয়ম। কিন্তু সে সময়ে মূলে অল্প অল্প জল থাকা চাই—কদাচ পূর্বের মত খাওয়ান ব্যবস্থা নয়।

ধাতু সকলকে সুস্থ রাখিবার (রোগ হইতে বাঁচাইবার) জন্তু ভাদ্র মাসে জমি হইতে জল মোক্ষণ করিবে। ঐ সময় মূলমাত্র জল রাখিয়া সমুদয় জল ছাড়িয়া দিবে। ভাদ্রমাসে জমি জলপূর্ণ থাকিলে ধাতু সকলের বিবিধ বিষ উপস্থিত হয়, ধাতু প্রপীড়িত হইলে কৃষকগণ উপযুক্ত ফল প্রাপ্ত হয় না। অর্থাৎ ধাতু বৃক্ষে ভাল ফল হয় না।

ভাদ্রমাসে প্রথম রৌদ্রের তেজে ধাতুক্ষেত্রের জল উত্তপ্ত ও মৃত্তিকা উত্তপ্ত হইয়া ধাতুমূল গ্রন্থিতে তাপ লাগিলেই প্রচুর পরিমাণে চতুঃপাশ্ব দিয়া চারা বহির্গত হওয়ার সুবিধা হয়। আর ঐ সময় জলপূর্ণ থাকিলে কখনই অধিকপরিমাণে চারা নির্গত হয় না। বিশেষতঃ উত্তপ্ত জল নিয়ত ধাতু-গাছের উপরি অংশে (অর্থাৎ মূলের উপরিভাগে) লাগিলে ধাতুবৃক্ষ বৃদ্ধি প্রাপ্ত হয় না এবং পীড়াগ্রস্ত ও হয় না। মাসিক বৃষ্টি প্রসঙ্গে খনা বলিয়াছেন—

“* * * সিংহে চটকা কত্মা কানে কান।

বিনা বায়ে তুলা বর্ষে কোথা খোব ধান ॥”

ভাদ্রমাসে মেঘের চটকা ভাঙ্গা অর্থাৎ ভাল করিয়া এক এক চমক রৌদ্র হওয়া ভাল। আশ্বিন মাসে যাহাতে কানে কানে অর্থাৎ আইলের মাথায় মাথায় জল হয়, এরূপ বৃষ্টি হওয়া ভাল। আর কার্তিক মাসে যদি বিনা বাতাসে বর্ষণ হয়, তাহা হইলে ধান রাখিবার জায়গা, অর্থাৎ ধাতু কাটিবার সময় আছড়া ফেলিবার জায়গা জমিতে হয় না।

আশ্বিন কার্তিক মাসে ধাতুক্ষেত্রে জলরক্ষা করা কর্তব্য। যে মূর্থ তাহা না করে, তাহার ফল বাসনা করা কেন? যেমন কুলার্থী ব্যক্তি কুলস্বীকে বিশেষরূপে রক্ষা করেন, সেইরূপ শরৎকাল সমাগমে ক্ষেত্রে বারি রক্ষার জন্তু সম্যক্ যত্নবান হইবে।

ভাদ্র মাসে প্রায় ধাতুর চারা নির্গমের কাজ হইয়া যায়। তৎপরে অর্থাৎ আশ্বিন মাসে ক্ষেত্রে জল পূর্ণ করিলে চারাগুলি সত্তরই বর্দ্ধিত হইয়া মূল বৃক্ষের সমান হইয়া থাকে এবং পুষ্ট হইয়া গর্ভধারণে সক্ষম হয়। আশ্বিনের শেষে ধাতু গর্ভস্থ থাকিলে কার্তিকের প্রথমেই ফুলাইয়া যায়। ফুলাইবার সময় জমিতে জল থাকিলে ধাতু সত্তর পুষ্পিত হয় এবং ফুলার পর জল থাকিলে আগড়া না পড়িয়া ধাতুগুলি পুষ্ট হয়। তৎপরে আর জলের প্রয়োজন নাই—ক্ষেত্র শুষ্ক থাকাই ভাল।

আউশের জমিতে আদৌ জল থাকা ভাল নয়, আউশের জমি কেবল ঘাস শূণ রাখাই প্রধান কার্য। বৃষ্টিতে জল দাঁড়াইতে না পায়, এজন্তু জল বাহির হওয়ানার্থ বর্ষাকালে জমির জল বাহির হওয়ার পথ সর্বদা খুলিয়া রাখা বিধেয়। তবে জমির ঘাস যদি নিড়াইয়া শেষ করা সহজ না হয়, তাহা হইলে আমন নিড়ানর গায় তৃণশূণ করা যায়। কাঁচল ব্যতীত অল্প জমিতে এরূপ জল বাঁধা ভাল নয়। উহাতে ধান বাড়ে না।” কৃষক - শ্রাবণ, ১৩০৮।

দুটি পুরস্কার।

(প্রত্যেকটি ১০০ হিসাবে মোট ২০০ টাকা।)

অধুনা সমগ্র ভারতবর্ষের বিদ্বজ্জনমণ্ডলীর মনে জাতি-বিচার বিষয়িণী আলোচনা ও চিন্তার প্রাচুর্য। অতএব এ সম্বন্ধে শিক্ষিত সাধারণের অভিমত নির্ধারণ আবশ্যিক বটে। এই উদ্দেশ্যে আমি দুইটি (প্রত্যেকটি ১০০ টাকার) পুরস্কার প্রদান করিতে ইচ্ছুক। অর্থাৎ জাতি-ভেদ-প্রথার অনুকূল ও প্রতিকূল দুই পক্ষেরই দুই প্রকার প্রবন্ধ আমার প্রার্থনীয়। এই দুই প্রকার প্রবন্ধের মধ্যে দুই পক্ষেরই সর্বোত্তম বলিয়া নির্বাচিত প্রবন্ধদ্বয়ের লেখকদ্বয় আমার স্বীকৃত উক্ত পুরস্কার দুটি পাইবেন। উক্ত প্রবন্ধ ইংরাজী বা বাঙ্গালা, এই দুয়ের যে কোন ভাষায় লিখিত হইলেই চলিবে। প্রবন্ধদ্বয় ধর্মনীতি, রাজনীতি, সমাজনীতি, স্বাস্থ্যনীতি, অর্থনীতি ইত্যাদি বিবিধ বিষয়িণী যুক্তি-মালায় অলঙ্কৃত ও সুসম্পাদিত হওয়া প্রার্থনীয়। বিশেষতঃ প্রবন্ধদ্বয় বেদ হইতে পুরাণ পর্যন্ত সমগ্র আর্ধ্য-ধর্মশাস্ত্রের অনুকূল-প্রতিকূল যুক্তি-প্রমাণ-বিচার-বিশিষ্ট হইবে।

জাতিভেদের স্বপক্ষবাদী কোন লেখক যদি বুঝিয়া থাকেন যে, বর্তমানে যে প্রণালীতে জাতিভেদ-প্রথা হিন্দুসমাজে প্রচলিত রহিয়াছে, তাহা অনুমোদিত হইতে পারে না, তবে তিনি কিরূপ সংশোধিত প্রণালীতে উহা প্রচলিত থাকা উচিত বিবেচনা করেন, তাহা যথাসাধ্য যুক্তি-প্রমাণ যোগে বিবৃত করিবেন। পক্ষান্তরে, জাতিভেদের প্রতিপক্ষবাদী লেখক দেখাইবেন যে, জাতিভেদ-প্রথা উন্নীত হইলেও কিরূপে হিন্দুসমাজের শান্তি, শৃঙ্খলা, স্বাস্থ্য, বিষয় কর্ম ও জাতীয় ধর্ম সংরক্ষিত হইতে পারে।

পুরস্কারার্থ নির্বাচিত প্রবন্ধদ্বয় অথবা তত্তৎ অনুবাদ যশোহরের বাঙ্গালা মাসিক সন্দর্ভ "হিন্দু-পত্রিকায়" বা ইংরাজী মাসিক সন্দর্ভ "ব্রহ্মচারিনে" প্রকাশিত হইবে।

প্রবন্ধ-লেখকগণ বর্তমান ইং ১৯০১ সালের আগামী ৩১ শে ডিসেম্বর তারিখে বা তৎপূর্বে স্ব স্ব প্রবন্ধ নিম্নস্বাক্ষরকারীর নিকট প্রেরণ করিবেন।

প্রাপ্ত প্রবন্ধ সমূহের উৎকর্ষাপকর্ষ বিচারার্থ এক বিচার-সমিতি গঠিত হইবে। উক্ত সমিতির বিচারকগণের নাম পরিচয়াদি পরে প্রকাশিত হইবে। বিচার-সমিতি পুরস্কারযোগ্য বলিয়া যে দুই উৎকৃষ্ট প্রবন্ধ নির্বাচন করিবেন, তাহারই জন্ম পুরস্কার প্রদত্ত হইবে। বিচার-সমিতি কর্তৃক পুরস্কার যোগ্যতারূপ উৎকর্ষ বিবেচিত না হইলে, কোন প্রবন্ধের জন্মই পুরস্কার প্রদত্ত হইবেনা, ইতি।

শ্রীযত্ননাথ মজুমদার, এম, এ, বি, এল,
হিন্দু পত্রিকা ও ব্রহ্মচারিন-সম্পাদক। যশোহর।